


A  
47  
108







B-I-73A-6.15.1 DM

2

2  
capat

2

2

1934

F-6-



B-I-73A-6.15.1 DM

*D<sup>n</sup>*

*D. E. J.*  
*capat*

*OL*

*W. J.*

1934

F-6-

16  
8-13

16  
8-13

16  
8-13





A  
047  
108

I N  
DIOSCORIDIS  
ANAZARBEI DE  
MEDICA MATERIA LIBROS  
QUINQUE, AMATI LVSITANI DO-  
ctoris Medici ac Philosophi Cele-  
berrimi enarrationes  
cruditissimæ.

*Accesserunt huic operi præter Correctiones Lem-  
matum, etiam Adnotationes R. Constantini,  
Necnon simplicium pictura ex Leonharto Fuchso  
Iacobo Dalechampio, atque alijs.*



H  
1937

LVGDVNI,  
*Apud Matthiam Bonhomme, sub  
Claua Aurea.*  
1558.

CANADA

IN  
PLOS CORPUS

ANAZARTE

MEDICAE MATHEMATICA

LIBRO

DE

...

...

...

...

...

...

...

...

...

...

...

...

...

...

...

...

...

...

ILLVSTRISSIMIS  
VIRIS RECTORIBVS,

ET AMPLISS. SENATVI

Rhacufino: Amatus Lusitanus

Medicus Physicus Salu-  
tem, & felicitatem

P. D.



VVM SUPERIORIBVS  
annis, *Ferrariae medicinam pu-  
blicè profiterer, Viri clarissimi,  
Patritius quidam vester Ora-  
tor, nomine (ni fallor) Seba-  
stianus Mensens, quòd inter pleraque alia man-  
data à vestra clarissima Republica illud non po-  
stremum habebat, vt de medico apprime docto ve-  
stræ ciuitati conducendo diligenter inquireret,  
illuc aduenit: ille vt erat sui obeundi muneris stu-  
diosus, Antonium Musam Brassauolam virum,  
& doctrina, & usu rerum præstantissimum, ac  
illustrissimi Ducis illius ciuitatis medicum prima-  
rium adit, consulturus quis nam illi huic negotio  
aptior & ex usu magis videretur. Qui dum cupit,  
& Oratori vestro viro graui in primis & præ-  
stanti, & vestræ dignissimæ Reipublicæ satisfacere,  
dumque huc illuc animo vagatur, talemque  
medicum inuenire conatur, qualem deceret tan-*

tum virum vestrae ciuitati proponere, qualemque  
vos ipsi cupitis: tandem me rogat an vellem talem  
subire prouinciam. Ego verò qui per ea tempora  
à Sarmatarum rege, quem vulgò Poloniae vocant,  
ingenti mercede, & conditione honestissima vo-  
cabar, cum essem anceps animi, dixi me tunc de  
illa re decreturum quum vester Orator à sua le-  
gatione reuenteretur. Properabat sanè tunc Me-  
diolanum, in reditu Ferrariam (vt aiebat) iter  
facturus: qui tamen aliqua grauiore forte impe-  
ditus causa Ferrariam omnino non redierat, tunc  
Brassauola vir prudentissimus, qui me penitus  
abycere consilium eundi ad Sarmatas rationibus  
coegerat, literis suis Senatui Rhacusino signifi-  
cat, me ex tanto medicorum numero sibi idoneum  
tandem visum, qui tali curae praeficerer, quarum  
literarum exempla siue ipsasmet literas, in vestro  
tabulario etiam nunc asseruari puto. Ab illo igi-  
tur tempore repudiatis Sarmatarum, & multis  
alijs conditionibus, adductus laudibus istius am-  
plissimae Reipublicae, quas mihi doctissimus Bras-  
sauola veris indicibus demonstrabat: exarsi tanta  
viuendi apud vos, ac vobis seruiendi cupiditate,  
vt nullam aliam urbem praeter istam incolendam  
mihi proponerem. Cuius rei gratia relicta ab hinc  
annos fere quatuor Ferraria, Anconam, vt pro-  
prior vobis essem, me contuli: vbi summa fami-  
liaritate

*liaritate Magnifici & generosi IOANNIS GONDOLÆ* cuius vestri, viri nunquam satis laudati, ac omnium literatorum optimi fautoris: *BENEDICTI GONDOLÆ* eius fratris, usus: probè noui patritios Rhacustinos quàm sint nobiles, quàm præclari, quàm virtutis & bonarum artium amatores, capiens quoddam quasi specimen ex ijs duobus. Vnde mihi persuasi, tam generosæ Reipublicæ inseruire summam mihi gloriam fore, atque clarorum istorum virorum uti consuetudine, Deorum propemodum ipsorum familiaritati æquiparabam. Ardebam igitur ac indies hæc mihi non improbanda cupiditas augebatur: quum ipse mecum cogitans: quo pacto meæ huius erga vos voluntatis testimonium apertè manifestare possem: quum id neque fortunæ bonis quorum vos affluitis: neque meis viribus, quæ per se sunt tenues: statui tandem literarum, quarum estis natura sititores, testimonio æterno id efficere. Et ecce se mihi offerunt quædam in Dioscoridem Anazarbeum commentaria, quæ annis ab hinc quindecim Antuerpiæ cœperam, atque in primum, & secundum eius Auctoris librum edideram. Quæ, quum scirem permultos claros in medicina viros post illam meam editionem de ea etiam re locupletissime scripsisse: inter quos connumerantur, Ruellius Gallus,

Brassauolus superius memoratus, Syluius Parisiensis, Leonardus Fuchsius Germanus, Ioannes Agricola Ammonius, & plerique alij, quorum eo tempore scripta nondum extabant, suppressere utcunque decreueram. Prætereo Mathiolum Senensem virum doctissimum, qui nuper Dioscoridem è Latino Hethruscum reddidit, & illum commentarijs illustrauit: atque complures alios, qui ut rem medicam locupletent, quotidie multa eiusmodi moliuntur & edunt. Ego minime deinde tantorum virorum scriptis deterritus: cœpi quæ edideram relegere, atque de integro in omnes quinque libros Dioscoridis nouas enarrationes cudere, ut haberem munusculum quod vestræ nobilissimæ amplitudini dicarem: ad quod perficiendum non tam me doctorum virorum adhortationes impulerunt, quàm meum vobis gratificandi studium excitauit: à quo, & si non solum negotia domestica, sed etiam medendi cura auerterent, succisuius tamen post studia temporibus, amore vestri incitatus, id tandem Deo Optimo Maximo auspice perfeci. Enigitur in Dioscoridis libros quinque enarrationes meas, in vestram clarissimam Rempublicam obseruantia testes, vobis dedico: quas quasi iure suo vestra patria Rhacusum meritò reposcere videtur, imò omnia de re medica scripta illi debentur: quum medicinæ

totius inuentor Aesculapius non longe ab vrbe  
vestra olim habitauerit, donec Romani graui co-  
acli pestilentia illum in suam urbem euocarunt,  
apud quos Epidauro uelut ne forma quidem Dei,  
sed Draconis vultu mansit. Huius rei testes hodie  
extant apud vos certissimi: Antrum, fons etiam  
saluberrimus, & P. Dolabellæ prope fontem se-  
pulchrum, quorum omnium Marcus Syluius vir  
doctissimus, ac vestræ Reipubl. à secretis fidissi-  
mus, opere quodam elegantissimo meminit. Hic  
ille Aesculapius Apollinis filius est, quem omnes  
ferè tum Græci, tum Latini celebrant & inuo-  
cant, ut Q. Serenus in exordio sui de Re medica  
operis dicens:

Tuque potens artis reduces qui tradere vitas  
Noſti: atque in cœlū Manes reuocare ſepultos,  
Qui colis ægeas, qui Pergama, quiq; Epidaurū:  
Huc ades, & quicquid cupido mihi sæpe rogāti  
Firmaſti, cunclum teneris expone papyris.  
Ob hoc igitur vobis Viri clarissimi, qui de medici-  
na ſcribunt, multum debent, quum Aesculapium  
medicinæ deum veſtram inhabitaffe olim urbem  
certò ſciant: neq; medici tantū, ſed & omnes viri  
docti in quouis diſciplinæ genere: tum omnes  
religioni addicti, omnes libertatis amatores, &  
quicunq; ſunt aliqua virtute præſtantes. Vos enim  
optimis ac doctiſſimis viris abundatis, religione  
aa 4 insigni

in signi estis præditi. Præterea quum tota Dalmatia simul cum Græcia seruiat, Vos soli auream illam libertatem iam tota Italia, ne dicam toto orbe fugatam, hospitio sanctissimo accepistis. Sed quo Ciuium vestrorum gloria non penetrat? nuper ingentes naues vestræ ad Vlyssiponem urbem, quæ est ad Oceanum Occidentalem, admirandæ cuiusdam magnitudinis Lusitanis, quibus amplissimis mos est uti in Indiæ præsertim nauigatione, sunt visæ: ut nullus sit iam terræ angulus, ubi præclari ciues Rhacusini non diuersentur, magna & ampla negotia tractantes: quorum egregiæ virtutes aliquibus imitationi, omnibus certe sunt admirationi. Sed ne vestris laudibus longius me inuoluam, de quibus, ut ille, melius est tacere, quàm pauca dicere, quum vix humana possint facundia numerari: & ne hoc auribus vestris dare videar: Venio ad Dioscoridem, cuius opus de medicæ materiæ cognitione inscribitur: Qui cæteris de ea re scriptoribus antecellit, atq; ideo à Galeno doctissimo ac locupletissimo medicinæ Authore, non solum laudatur, verum etiam reliquis antefertur: cuius doctrina præclara Galenus ipse perterritus, non ausus est de ea re, quum de innumeris scripserit, quippiam commentari. Hic noscuntur omnes fere herbæ, fructus, arbores, plantæ, fructus, gummi, resinæ, pisces, metalla, lapilli, gemmæ, perinde ac si penicillo



nicillo depingerentur : hinc sibi Plinius multa deprompsit , hinc totius medicinæ fundamentum , quod est potissimum in simplicium cognitione , certa & indubia deprehenditur , quæ tamen omnia nostris commentarijs lucidiora facta , non iniquo , sed candido lectori videbuntur : vt iam quiuis aromatarius à simplicium scopo aberrare haud quaquam possit : atq; ideo herbarum & cæterarum rerum nomenclaturas , non solum Græcè , & Latinè , sed Italicè , Hispanicè , Gallicè , & Germanicè expressimus , vt vnus quisq; tanquam è penu , quod sibi cõducatur depromere possit : Dioscoridi antiqua adiecta nomina , vtpote hodie inutilia , consultò detraximus : quem ordinem ab alijs post me tentatum videre quiuis poterit . Debeant ergo viri Rhacusini , omnes quibus hoc nostrum opus placebit , post deum vobis , quorum est auspicijs cœptum & perfectum : quem tamen si vobis non ingratum laborem sensero , vestra fretus humanitate , ad alia maiora sub vestra autoritate edenda libentissime accingar : vt cognoscat tota Italia , ne dicam Europa , vos optimarum literarum , & omnium disciplinarum , & esse , & semper fuisse fautores . Valete viri clarissimi .

Romæ decimoquinto die Maij .

M. D. I. I.

Faint, illegible text, likely bleed-through from the reverse side of the page. The text is arranged in approximately 20 horizontal lines.

Ms. B. 1. 1.

# R. CONSTANTINVS

IACOBO DALECHAMPIO

CADOMENSI, MEDICO

*literatissimo & celeberrimo.*

\*



OLENT Scriptores non parùm multi huius temporis atque ætatis (quod & à pluribus & humanioribus quidem, vt malo exemplo ac more introductum iam video improbari) tanquam affixis præludiis, librorum initia nimis longis præfationibus farcire atq; onerare: quod fastidiosum lectorem auertit, priusquam alliciat: Et gloriosæ ostentationis sui plenum est, & emptori sumptuosum. Sic dum impendit magis in id solum student, bullatis vt sibi nugis Pagina turgescat, vt est in Persij Satyris, hoc incommodi consequuntur (quod pro infausito & despuendo omine deputandum) vt primo ingressu fastidiantur prius, quàm legantur. Nam & sæpe qui nugacem librum in manus sumpsit, tam prolixè narrationis impatiens longas trahit oscitationes, & mox spectat eschatocolon, vt Seuerus ille Martiali: tãdemq; pertæsus, grande & spissum volumen cum suo auctore abiicit, vt tineas pascat taciturnus inertis, Horatij enim nosti cætera. Hoc autem quod istis Prologis vsuuenire consuevit, ne in isto

isto authore contingat meo vitio & culpa, qui  
has partes mihi desumpsi alterius hortatu &  
instinctu potius, quàm mea voluntate, omni  
cautione mihi declinandū esse sentio: Et si mul-  
tis factum meum exponere atque adeo excusa-  
re oportebat. Itaque non committam vt quod  
in aliis culpandum esse duxerim, in me quis se-  
uerior iure possit criminari. Id verò effugiam,  
vt spero, quia paucis præfari & verba in com-  
pendium conferre voluerim, præsertim cùm ho-  
rum bona copia non magis mihi defutura sit,  
quàm cæteris: nec per se sterilius sit argumen-  
tum, si collibuisse spatium & longius excurrere.  
At istud facere in priuo campo & fundo non  
placet, minusq; in hoc alieno, ne parum ciuili-  
ter & decenter id fieri videatur. Itaque cur in  
hunc doctum & diligentem herbariæ scripto-  
rem, extemporalem hanc recognitionem para-  
uerim, & minuscultas obseruationes etiã mi-  
niatula cera, sed leui manu oblitus, causa vna ex-  
titit Gulielmi Rouilij optimarum partium stu-  
diosi ciuis, & vtriusque nostrum amantissimi  
viri petitio, cui nihil honestè possum denegare.  
Nam cùm denuò hoc opus imprimi cœptum  
esset & in lemmatibus præsertim, ab ipso depre-  
hensa grauissima quædam errata, continuò cœ-  
pit à me contendere, vt singula folia dum excu-  
derentur, quoniam medicinalis esset tractatio,  
relegere ne grauarer atq; etiã castigare. Equi-  
dem eius amicitia plus tribuens, quàm meæ fa-  
mæ (quantulacunque est illa modò, aut futura)


sulens, hoc in me amicè magis, quàm consultè  
recepì: nempe vt quantum mihi à priuatis stu-  
diis daretur otij, ea succisiua & subsecundaria  
tempora ad hæc recognoscenda conferrè. Ideo-  
que vt alter Aristarchus, censoria quadam vir-  
gula, quæ falsò irreplisse & subdititia esse con-  
stabat, summouere familia occæpi, & alia pro-  
pria in sublatorum locum subrogare atq; ascis-  
cere: breuiterque omnia præstare, quæ res exi-  
gere videbatur. Sed ingenuè fatendum est, sta-  
tim incepti pœnituit, cum typographi ἄγρο-  
διώτης me non cessatorem alioquin, importu-  
nè vrgeret: & sesquiopera, veluti pensum, opus  
absoluere oporteret, quod triduo attentè lege-  
re commodum potuissèm. Sed hæc est curren-  
te rota, id est prælo, typographica properatio,  
in qua omnia raptim fiunt atque perturbatè.  
Eius artis morem qui non nouerant, subitarios  
& informes fœtus coguntur ante tempus effun-  
dere: vt in hac editione nobis accidisse, inui-  
tius confiteor. Verùm Deo duce, licebit otio-  
se, aliis operibus quæ præ manibus habeo, hoc  
quicquid est famæ nascentis detrimenti acce-  
ptum refarcire atque honori velificari: Nam in  
illis elaboratis diuturnis vigiliis, omnia præpa-  
ratò nihilq; vt in præsentia festinatò lectorum  
oculis subiiciam. Quapropter hæc sint tempo-  
raria Iacobe Dalechampi optime & politioris  
humanitatis peritissime, vt illa mansura & æta-  
tem ferre posse confido, quæ postea seueræ tuæ  
censuræ commissa, in lucem proferemus. Et  
hæc

hæc interim tamen qualiacunque tandem sint;  
hospitaliter excipies: & sub nominis tui auto-  
ritate exire patiêre. Nam tametsi à nobis, iam  
maior tibi pagina sancitur, tamen & hæc ipsa  
munuscula leuidensæ, crasso filo, te sibi patro-  
nū me cogunt adoptare. Quòd libri huius au-  
thori, tibi, ac ipsi mihi perinde ars eadem sit: &  
priuatim nobis ambobus patria item commu-  
nis (vt qui sis non modo conterraneus, sed meus  
etiam propemodum ciuis) Quòd amicitia in-  
tercedat non vtique vulgaris: liberque demum  
iste prodeat, tuis etiam vigiliis & copiis orna-  
tus, quod & alibi vt non ingratis, sic nec obscu-  
rè testatus sum, & quoad vita suppeditabit, non  
desinam id manu docere, & libenter profiteri.  
Verùm nouum embolium quod cogito, maio-  
re auxilio tuo eget: & hîc mihi peropus est li-  
matulo illo & polito iudicio tuo, nec non literis  
interioribus. Quæ omnia vt mihi quasi com-  
modes, mèque communicato labore & partita  
mecum opera vt subleues, te verò oro atq; ob-  
testor. At vti te in hanc scriptionis societatem,  
sic iam & in laudis (si quæ modo futura est) par-  
tem inuito ego & aduoco, hac etiam syngra-  
pha publicis obsignata testibus, qua mediusfi-  
dius perlubens astringar, quò omnia laudis &  
honoris insignia, atq; ornamenta virtutis (quæ  
in te certè quidem iam expressa & absoluta cer-  
nuntur, in me autem tanquam rudimenta te-  
nuiter adumbrata, fortasse possint expectari)  
mihi tecum queant esse communia: Vigeatque  
semper

femper inter nos necessitudo propemodū singularis, quæ vtrumq; immortalitati commendet, & posteris exemplo esse possit, quomodo sancta amicitiae iura religiosè & inuiolatè colantur. Quare vt hinc incipiam, quod fœlix faustumque sit, liber hic & qui me deinceps est habiturus authorè, tuis prodibit auspiciis in publicum: sibi que vt speciosum & honorarium, nomen tuum præscribet: Et quidem ita, Refferat vt nihilo sit tuus, anne meus. Hoc siquidem Aufonij, versu velut exodio, concludam extemporalitatis epistolam, & in qua nihil est nisi dictum populariter.

Vale & salue,







R E R V M A C V O -  
C V M I N H I S C E C O M -

M E N T A R I I S M E M O R A B I -

l i u m I n d e x .

\*

	<i>A</i>	<i>Acetosa</i>	343
<b>A</b>	<i>Bies &amp; picea arbor</i>	<i>Acetum</i>	750
	<i>similis</i> 107	<i>Acetum scilliticum</i>	751
	<i>Abietis morbus, resina</i>	<i>Achillea</i>	610
	<i>sicca</i> 114	<i>Aconiti species</i>	649
	<i>Abietis oleum</i> 108, 114	<i>Acinos</i>	384
	<i>Abiga &amp; ainga</i> 577	<i>Acori radix</i>	7
	<i>Abinzoar medicus do-</i>	<i>Acorus, acorum</i>	7.8
	<i>ctissimus</i> 270	<i>Acorus Galeni</i>	8.9
	<i>Abortiētium mulierum</i>	<i>Acuta spina</i>	150
	<i>remedium</i> 623	<i>Adam pomum</i>	209, 211
	<i>Abrotanum</i> 458	<i>Adarces &amp; adarciō</i>	790
	<i>Abrotaninum oleum</i> 86	<i>Adarcha</i>	141
	<i>Abscessus</i> 122	<i>Adeps</i>	300
	<i>Absinthii marinū</i> 457	<i>Adeps differt à pingue-</i>	
	<i>Absinthii vulgare, pon-</i>	<i>dine</i>	300
	<i>ticum, Romanum</i> 456	<i>Adeps equiuoca vox</i>	300
	<i>Absinthium santonicum</i>	<i>Adianton cur dicat</i>	697
	457	<i>Adip animal in Africa</i>	
	<i>Acacalis</i> 145	<i>reperitum</i>	652
	<i>Acacia</i> 174	<i>Aegilops</i>	699
	<i>Acanthion</i> 448	<i>Aegyptia faba inhame</i>	
	<i>Acanthus syluestris</i> 450	<i>est</i>	328
	<i>Acetabulum herba</i> 663	<i>Aegyptia ficus</i>	226
		<i>bb Aegypt</i>	

I N D E X.

<i>Aegyptia spina</i>	174.445	<i>idem</i>	136
<i>Aeris flos, non est viride</i>		<i>Alanda</i>	778
<i>eris</i>	501	<i>Alberzachali compositio</i>	
<i>Aeris squama</i>	757	653	
<i>Aerugo rasilis</i>	758	<i>Alba spina</i>	452
<i>Aerugo scoletia</i>	760	<i>Albucus non est halimus</i>	
<i>Aes vstum</i>	757	148	
<i>Aethiopica olea lachry-</i>		<i>Alburnum</i>	499
<i>ma</i>	179	<i>Alcea</i>	571
<i>Aethiopis herba</i>	677	<i>Alchimilla herba</i>	688
<i>Aëtites</i>	757	<i>Alcohol stibium est</i>	III
<i>Agallochum</i>	58	<i>Aleëtorius lapis</i>	801
<i>Agaricum</i>	428.429	<i>Alexäder Trallian.</i>	769
<i>Agarici boni note</i>	428	<i>Alexandrina rose, siue</i>	
<i>Agaricum medicamen</i>		<i>moschate</i>	171
<i>familie</i>	429	<i>Alfaise, medica herba</i>	388
<i>Ageratum</i>	652	<i>Alfescera</i>	724
<i>Ageratum Dioscoridis,</i>		<i>Alga marina</i>	669
<i>eupatoriü Mesues est</i>	653	<i>Algalia quid</i>	57
<i>Agninus pulmo</i>	267	<i>Alibium</i>	688
<i>Agnus, vel agnus castus</i>		<i>Alica 320. (Alisma</i>	573
176		<i>Alix</i>	320
<i>Agresta</i>	490	<i>Alkali</i>	561
<i>Agrifolium an Paliurus</i>		<i>Alkana</i>	155
149		<i>Alkakengi</i>	644
<i>Agrimonia vulgaris, eu-</i>		<i>Alkuran</i>	116
<i>patorium est</i>	615	<i>Alkihil</i>	505
<i>Aiuga &amp; abiga</i>	577	<i>Alleluia herba</i>	681
<i>Aizoum maius</i>	660	<i>Alliaria herba</i>	538
<i>Alabastritis lapis</i>	801	<i>Allium</i>	392
<i>Alambrum &amp; succinum</i>		<i>Allium in peste</i>	393
		<i>Allium</i>	

I N D E X.

<i>Allium Turcicum</i>	393	<i>Alui fluores</i>	109. 126. 150.
<i>Allium vrsinum</i>	393		182.
<i>Allium in vipera morfu</i>		<i>Aluum sistunt</i>	216. 428.
<i>inuamen</i>	393		496. 545. 565. 627. 697
<i>Allium porrum</i>	393	<i>Alui dolores</i>	79
<i>Aloë</i>	454	<i>Alypon Turbith album</i>	
<i>Aloë succotrina optima</i>		<i>est</i>	731
454		<i>Alyssum</i>	519
<i>Aloës lignum</i>	50	<i>Amaracus foetida</i>	563
<i>Aloë orificia venarum a-</i>		<i>Amaracus Galeni &amp; Pau-</i>	
<i>perit</i>	455	<i>li apud Dioscoridē par-</i>	
<i>Aloës temperatura</i>	456	<i>thenium est</i>	86
<i>Alopecia</i>	162. 252.	<i>Amaracus odorifera</i>	472
406. 418. 499. 558.		<i>Amaranthus luteus Ga-</i>	
<i>Alsebram Mesue tithy-</i>		<i>leri</i>	630
<i>malus est</i>	720	<i>Amaranthus vulgaris</i>	631
<i>Alfines</i>	424	<i>Amaricium oleum</i>	90
<i>Alteretus doctor medicus</i>		<i>Amatus ante annos quin-</i>	
217. 335		<i>decim in Dioscoridis cō-</i>	
<i>Alibaa</i>	570	<i>mentarios scripsit</i>	8
<i>Alumen</i>	781	<i>Amatus apud Ferrariē-</i>	
<i>Alumen quomodo para-</i>		<i>ses publicè medicinam</i>	
<i>tur</i>	782	<i>professus est</i>	191
<i>Alumen Catinum</i>	561	<i>Amatus cur ad Vuanda-</i>	
<i>Alumen zuccharinū</i>	783	<i>lorū, ac etiā Poloniæ re-</i>	
<i>Aluum subducentia</i>	71.	<i>ges nō sit profectus</i>	756
74. 113. 173. 189. 203.		<i>Amati fictum nomen</i>	230
218. 253. 254. 273. 275.		<i>Amati etas</i>	756
326. 349. 355. 405. 408.		<i>Amati patria castellum</i>	
440. 511. 589. 632. 706.		<i>album</i>	230. 404
714		<i>Ambarum griseum</i>	57
		<i>bb 2 Ambra</i>	

I N D E X.

<i>Ambra optima qualis</i>	57	<i>Andreas Bellunēsis Aui-</i>	
<i>Ambrosia tanacetum est</i>		<i>cennae corrector</i>	20
542		<i>Andreas Lacuna Galenū</i>	
<i>Ambubeia</i>	366	<i>in epitomen redegit</i>	129
<i>Ambuxum</i>	587	<i>Andrea Lacuna error</i>	6.
<i>Amianthus lapis</i>	802	576	
<i>Ammi &amp; ammeos semen</i>		<i>Andreas Vesalius medi-</i>	
<i>verum</i>	486	<i>cus doctissimus</i>	141.787
<i>Ammoniacum thymiama</i>		<i>Androcydes cur Brassicā</i>	
<i>dicitur</i>	514	<i>contra ebrietatem vale-</i>	
<i>Amomum</i>	39	<i>reputavit</i>	353
<i>Amomi succedaneū</i>	40	<i>Androsaces</i>	559
<i>Amomo vero caremus</i>	40	<i>Androsaces cuscuta non</i>	
<i>Amoris herba</i>	629	<i>est</i>	731
<i>Ampelos agria duplex</i>	84	<i>Androsæmum</i>	576
<i>Amphibium</i>	257	<i>Anemō vel anemone</i>	418
<i>Amurca</i>	175	<i>Anethum</i>	484
<i>Amygdala</i>	220	<i>Anethum sylvestre.</i>	II
<i>Amygdalarū amararum</i>		<i>Anethinum oleum</i>	87
<i>oleum</i>	73	<i>Angelus politianus</i>	746
<i>Amygdalarum dulcium</i>		<i>Angina</i>	279.710
<i>oleum</i>	74	<i>Anguinum allium</i>	393
<i>Amylum</i>	323	<i>Anguis senecta, &amp; anguis</i>	
<i>Anagallis</i>	419	<i>spolium</i>	250
<i>Anagallidis genera</i>	420	<i>Angurria</i>	373
<i>Anagallis aquatica</i>	360	<i>Anhelitum iuuantia</i>	77.
<i>Anagyris arbor</i>	572	88.97	
<i>Anarrhinon</i>	695	<i>Animalculum moschum</i>	
<i>Anchusa</i>	601	<i>præbens, ubi</i>	55
<i>Andacaron</i>	91	<i>Ani procidentia</i>	109
<i>Andacocha</i>	685	<i>Ani phlegmone</i>	174

*Anisum*

I N D E X.

<i>Animum duplex</i>	96	<i>satiuum</i>	490
<i>Animum gummi quid</i>	61	<i>Apium Macedonicum</i>	493
<i>Anisum</i>	483	<i>Apium palustre</i>	491
<i>Anonis</i>	451	<i>Apium montanum</i>	492
<i>Anthemis</i>	561	<i>Apium vulgare funebri-</i>	
<i>Anthyllis</i>	560	<i>bus dicatum</i>	491
<i>Anthropomorphos</i>	647	<i>Apium risus herba</i>	416
<i>Antidotum ex sanguini-</i>		<i>Apocynum</i>	655
<i>bus</i>	305	<i>Apoplexia</i>	518
<i>Antimonium</i>	111	<i>Apostemata</i>	89
<i>Antiquorum nonnullorum</i>		<i>Appetitus irritatio</i>	84.
<i>error</i>	249		414
<i>Antispodium</i>	757	<i>Aprinum iecur</i>	268
<i>Antonius Ludovicus O-</i>		<i>Aqua</i>	748
<i>lyssipponensis</i>	666	<i>Aqua fontana an pluvia-</i>	
<i>Antonius Musa Brass-</i>		<i>tili melior</i>	748
<i>uola 10.19.47.286.697</i>		<i>Aqua ligni Guaiaci quo-</i>	
<i>Anthracode</i>	721	<i>modo paranda</i>	168
<i>Aparine</i>	518	<i>Aqua marina</i>	748
<i>Aparine non est Lappa</i>	678	<i>Aqua non debet pondera-</i>	
<i>Aphaca endiviae species</i>		<i>ri</i>	748
368.388		<i>Aqua pro curandis virgæ</i>	
<i>Aphaca differt ab aphaca</i>		<i>ulceribus</i>	760
<i>vitia</i>	368	<i>Aqua naphæ</i>	211
<i>Aphace</i>	388	<i>Aqua marina cur melius</i>	
<i>Aphronitrum</i>	787	<i>quàm fluuiatilis ponde-</i>	
<i>Aphthe</i>	297	<i>ra sustineat</i>	748
<i>Apiastrum</i>	531	<i>Aquam amantia quæ</i>	130
<i>Apios radix sylvestris</i>	729	<i>Aquatica gladiolus</i>	7
<i>Apium commune</i>	492	<i>Aquile lapis</i>	804
<i>Apium hortense, apium</i>		<i>Aquile lignum</i>	58
		bb 3	<i>Aquile</i>

I N D E X.

<i>Aquila unguis herba</i>	363	<i>Aristolochia</i>	436. 437
<i>Arabicus lapis</i>	760	<i>Aristot. exponitur</i>	249
<i>Arabici gūmi frutex</i>	174	<i>Armel</i>	477
<i>Arabis herba</i>	399	<i>Armeniaca mala</i>	208
<i>Arabū mumia que</i>	121	<i>Armenius lapis</i>	768
<i>Araneus &amp; eorum genera</i>		<i>Armoniacum</i>	514
	288. 289	<i>Arnaldus Villano.</i>	305
<i>Arbores glandifera</i>	182	<i>Arnal. Villan. err.</i>	433
<i>Arbores perpetua coma</i>		<i>Arnoglossa</i>	358
<i>virentes</i>	143	<i>Aronia fructus mespilii</i>	
<i>Arboris pars media que</i>			151. 212.
	166	<i>Aronium mespilum</i>	212
<i>Arbutus</i>	219	<i>Arsenicum</i>	780
<i>Arbuti aqua</i>	220	<i>Artemisia</i>	540
<i>Archangelica quanam</i>		<i>Arum</i>	409
<i>herba</i>	494	<i>asarum</i>	29. 30
<i>Archigenis liber de Casto</i>		<i>asarum à Bacchare &amp; cy-</i>	
<i>rio</i>	257	<i>clamine differt</i>	29
<i>Arcium</i>	678	<i>ascarides</i>	44
<i>Ardium</i>	677	<i>ascites morbus</i>	726
<i>Arena marina</i>	806	<i>ascalonita cepa</i>	412
<i>Arequa apud Indos quid</i>		<i>asclepias</i>	479. 520
	33	<i>ascyron</i>	575
<i>Argemonium</i>	419	<i>aselli seu oniscivermes</i>	265
<i>Argenti scoria</i>	765	<i>asellus piscis</i>	265
<i>Argenti spuma</i>	765	<i>asininum iecur</i>	260
<i>Argentina herba</i>	419	<i>asininum lac hecticis da-</i>	
<i>Argentū vi.</i>	771. 772	<i>tur</i>	292
<i>Arietinum cicer</i>	325	<i>asius lapis</i>	794
<i>Ariostus Ferrariēsis</i>	613	<i>asphaltus</i>	52. 53
<i>Arisarum</i>	410	<i>asphaltus</i>	118
		<i>aspara</i>	

# I N D E X.

asparagorum & harūdinis auena sterilis		618
amicitia	141	auena syluestris 699
asparagus	357	auerrois error 579
asparagi radix diuretica		auerrois locus castigatus
est	357	478
aspergula	519	augustinus ricchus Lucen
asphodelus	410	sis medicus 787
asphodelo pro necandis mu		auicenna error 420.
ribus utimur	410	651.746
aspnenium	559	auicēna male cōuersus 394
asprella	622	auicenna locus 331. 394
assa duplex	510	auicenna plerumq; sequi-
assa fœtida	510	tur Paulū aegineta 194
aster atticus	688	auicenna tacite reprehēdit
asthma	396. 506	Galenum 222
astragalus	634	auis lingua seu passerina
athenai historia de citro		133
210		auium pinguetudo 300
athera pullicula	318	aurantia poma 69
atractylis	521	aurea mala cytonia sunt
atramentū metallicū	779	202
atramentum sutoriū	776	aurea virga herba 610
atramentum typographo-		aureum olus 351
rum	116	auricula muris herba 424
atraxaxis	349	auricolla 767
atriplex	350. 351	auripigmentum 780
atriplex rustica	527	aurium dolores 552.
attincar	768	614
auditū confortat sena	500	aurium fluxiones 422.
auellane	224	592.
auena	318	aurium fœtor 89

I N D E X.

<i>Aurium vermes</i>	415.	<i>Balsamum sincerū raro</i>	
470		<i>habetur</i>	49
<i>Aurum optimum medi-</i>		<i>Balsami succedaneum</i>	51
<i>camentum</i>	775	<i>Balsami veri tēperatura</i>	
<i>Austeri fructus post ci-</i>		50	
<i>bum aluum ducunt</i>	203	<i>Balsami effectus</i>	50.51
<i>Azarolus fructus</i>	152.	<i>Baphica coccus</i>	622
212		<i>Barba hircina</i>	161.385
<i>Azuleium</i>	804	<i>Barba Iouis</i>	629.660
<i>Azaiolus Ferrariensis</i>		<i>Barba syluana</i>	573
679		<i>Barbatus nullus</i>	255
	B	<i>Barbā crescere facit abro-</i>	
		<i>tanum</i>	459
<i>Babylonicum granū</i>	609	<i>Bartholomeus Panciati-</i>	
<i>Baccam fert lotus</i>	213	<i>cus</i>	283
<i>Baccharis</i>	475	<i>Basilicum syluestre</i>	605
<i>Baccharis ab asaro differt</i>		<i>Basilicum regium</i>	383
30		<i>Batata radix</i>	329
<i>Bacchus piscis</i>	256	<i>Batis baticula</i>	363
<i>Balai gemma</i>	803	<i>Batrachion</i>	415
<i>Balaninum oleum</i>	74	<i>Baucia alba</i>	481
<i>Balanos myrepfica</i>	713	<i>Bdellium optimum</i>	98
<i>Balaustium</i>	196	<i>Bdellium ex quo fiat</i>	99.
<i>Ballote</i>	530	192	
<i>Balncim Maria nouit Ga-</i>		<i>Bdellium Iudaicum Se-</i>	
<i>lenus</i>	81	<i>rapionis</i>	99
<i>Balsamita</i>	362	<i>Beatrix à luna</i>	171.271
<i>Balsamina</i>	362	<i>Bechion farsfara est</i>	539
<i>Balsamū</i>	47.48.49.50	<i>Bedeguar</i>	444
<i>Balsamum è peru adfertur</i>		<i>Belericimyrobalani</i>	188
48		<i>Belzahart lapis</i>	269
		<i>Belzuin</i>	



I N D E X.

<i>Belzuiinū amygdalinum</i>	<i>Bolus armenus</i>	775
95	<i>Bombyx</i>	284
<i>Belzuicum candicans</i>	95	<i>Bombyces nouit aristoteles</i>
<i>Belzuinum à Boninas</i>	95	284
<i>Ben arabū quid</i>	75.714	<i>Bona sapius repetenda</i>
<i>Berberorum frutex non est</i>	301	
<i>oxyacantha</i>	153	<i>Bonifacia herba</i>
<i>Beta &amp; eius species</i>	355	694
<i>Beta est calida</i>	356	<i>Borax</i>
<i>Beta syluestris</i>	596	768
<i>Betonica</i>	579	<i>Borrago</i>
<i>Betrum Indicum</i>	33	692
<i>Betrum indicum malaba-</i>		<i>Botrys</i>
<i>thrum est</i>	34	542
<i>Bilem soluentia</i>	30.398.	<i>Bouis lingua herba</i>
	429.499.680.728	686
<i>Bilem lactuca minuit</i>		<i>Bouis oculus, herba</i>
379		565
<i>Bisacuta</i>	344	<i>Branca ursina</i>
<i>Bistorta prima et secunda</i>		449
580		<i>Brassauola commendatur</i>
<i>Bitumen, et Bitumen Iu-</i>		499
<i>daicum</i>	119	<i>Brassauola fallitur</i>
<i>Bituminosum stagnum in</i>		29
<i>judæa</i>	119	<i>Brassauola, vide Anton.</i>
<i>Bitumen apollonie</i>	120	<i>Musa</i>
<i>Blatta vermis</i>	266	<i>Brassica</i>
<i>Blatta bisantia</i>	242	351
<i>Blitum ac huius vires</i>		<i>Brassice &amp; vitis inimici-</i>
348		<i>tia</i>
<i>Beotica myrrha</i>	97	353
		<i>Brassica canina</i>
		655.740
		<i>Brassica marina</i>
		354
		<i>Brassica syluestris</i>
		354
		<i>Britanica herba est prima</i>
		<i>bistorta</i>
		581
		<i>Bromus</i>
		318
		<i>Broccardus monachus ter-</i>
		<i>ra sanctæ descriptionem</i>
		<i>fecit</i>
		119
		<i>Bruchus</i>
		284
		<i>bb 5</i>
		<i>Bryon</i>

I N D E X.

<i>Bryon in quibusnam arboribus reperitur</i>	54.55	<i>Butyrum</i>	297
<i>Bryon</i>	54	<i>Buxea spina</i>	173
<i>Bryonia</i>	733	C	
<i>Bubones</i>	298	<i>Cacalia herba</i>	690
<i>Bubonium herba</i>	687	<i>Cadmia, tutia vulgaris est</i>	754
<i>Bubulū caput, herba</i>	695	<i>Cerea</i>	315
<i>Bubulum stercus</i>	307	<i>Ceterach</i>	559
<i>Buccina quæ</i>	238	<i>Calambucum vox persica</i>	
<i>Buccina petris adherent</i>		58	
<i>ibidem</i>		<i>Calaminthe species</i>	468
<i>Buffonis lapis</i>	805	<i>Calamita, unde dicta sty-</i>	
<i>Buglossa</i>	686	<i>rax</i>	97
<i>Buglossa sylvestris</i>	603.	<i>Calamus, harundoq;</i>	140
604		<i>Calamus aromaticus</i>	45.
<i>Buglossus</i>	692	46.140	
<i>Buglossum putat nepenthem Erasmus</i>	693	<i>Calandra anicula</i>	278
<i>Bulbi cur in nuptijs edēdi</i>		<i>Calceamētorum veterum</i>	
412		<i>corium</i>	272
<i>Bulbos Megarenses iusto volumine celebrauit Pythagoras</i>	412	<i>Calcifraga</i>	732
<i>Bulbus, qui edendo est</i>		<i>Calculis medentur</i>	131.
412		150. 279. 304. 326.	
<i>Bulbus vomitorius</i>	412	361. 363. 401. 568.	
<i>Bunion</i>	691	574. 579. 592. 595.	
<i>Buphthalmus</i>	565	596. 607. 613. 625.	
<i>Buprestis</i>	284. 285	698	
<i>Bucranion</i>	695	<i>Calendula</i>	632
<i>Bursa pastoris</i>	398	<i>Callitrichum</i>	698
		<i>Calli equorum</i>	571
		<i>Calix in rosa quid</i>	172
		<i>Calx vina</i>	523
		<i>Camelina</i>	

I N D E X.

Camelinum lac	293	Canis rabidi venenum re-	
Camphora quid	110. 111	pullulat	244
Camphora quomodo emi-		Canitiē remoratur oleum	
tur	III	oleastri	71
Camphorata	458	Cannabis	572
Canabel Serapioni quid		Cantharides	284
457		Cantharides qua parte ve-	
Cancanum non est Ben-		nenum habeant	285
zuinum	61	Cantharides an sint dāda	
Cancamū nō est lacca	60	& quomodo	286
Cancanus Gal. cacalia est		Capillaris herba	731
690		Capillus in rosa quid	172
Cancer Piscis	243	Capitis dolorum remedia	
Canchrys	504	83. 710	
Cancri fluuiatiles	243.	Capillus veneris	696
244		Capitis fluxiones	24
Cancrorū cinis	244. 245	Capitis vulnera	83. 97.
Canella	36	180	
Canina brassica	740	Capparis	414
Canes interficit nux vo-		Capitis dolor	247. 621
mica	224	Capitis dolor ex croci odo-	
Canis denticulū, herba	599	re	66
Caninum lac	293	Capitis destillationes	153
Caninum stercus	307	Capparum natura	415
Caninus sanguis opitula-		Caprarum stercus	307
tur morsui canis rabidi		Caprinū iecur pessi.	267
306		Caprinum sepum cur dy-	
Canirubus	154	sentericis inyciatur	300
Canis rabidi morsus	154.	Caput aquile herba	611
306. 531		Caput in rosa quid	172
Canis priapus herba	409	Caput purgantia	356
		Capu	

I N D E X.

<i>Caputium</i>	351	<i>adulteretur</i>	50.51.
<i>Carbisinum Hispanū</i>	623	<i>Cartamus</i>	738
<i>Carbunculus lapis</i>	803	<i>Cartami syluestris secun-</i>	
<i>Carbūculus morbus</i>	124.	<i>da species carduus bene-</i>	
	128.225	<i>dictus est</i>	521
<i>Cardamomi facultas</i>	20	<i>Carum</i>	164.483
<i>Cardamomum indicum</i>		<i>Caryophyllata</i>	598
<i>maius</i>	18.19	<i>Caryophylli ultra marini</i>	
<i>Cardamomū minus Sera-</i>			478
<i>pionis malagueta</i>	19.20	<i>Caryophyllum</i>	400
<i>Cardamomū officinarū</i>	18	<i>Caryota dactyli</i>	185
<i>Cardanus Mediolanensis</i>		<i>Carytes tithymallus</i>	719
<i>medicus</i>	354.414	<i>Caseus vetus calidus, &amp;</i>	
<i>Cardiaca</i>	201.531	<i>siccus est</i>	297
<i>Cardo fullonum</i>	443	<i>Casia, casia lignea</i>	35
<i>Carduus Marie, carduus</i>		<i>Casia quid</i>	36
<i>niger</i>	440	<i>Casia cū Cinamomo affi-</i>	
<i>Carduus pinea</i>	446	<i>nitas</i>	35.36
<i>Carduus veneris</i>	443	<i>Casia fistularis Grecorum</i>	
<i>Carduus que edendo est</i>		<i>&amp; Arabum differūt</i>	35
	446	<i>Cassia fistularis</i>	199
<i>Carduus suarius, Maria-</i>		<i>Cassia fistulari deglutita</i>	
<i>nus, varius</i>	440	<i>cito comedendum</i>	199
<i>Caries lignorum</i>	139	<i>Castanea</i>	182
<i>Caron quid vocet Aui-</i>		<i>Castellum albū Hispania,</i>	
<i>cenna</i>	164	<i>Amati patria</i>	404
<i>Carpesium quid</i>	17	<i>Castorium &amp; castoris te-</i>	
<i>Carpesium cubeba est</i>	17.	<i>sticulus</i>	257
	400	<i>Catanance</i>	695
<i>Carpobalsamum</i>	50	<i>Cati ungues herba</i>	695
<i>Carpobalsamum quomodo</i>		<i>Cataputia maior</i>	717
		<i>Catap</i>	

# I N D E X.

<i>Cataputia minor</i>	722	<i>ubi</i>	197
<i>Caucalis</i>	96.381	<i>Cerasum hyemale</i>	213
<i>Cauda equina herba</i>	622	<i>Ceralium &amp; Ceratoni-</i>	
<i>Caniarium unde extra-</i>		<i>cum</i>	198
<i>bitur</i>	260	<i>Cerebrum</i>	252
<i>Caulis</i>	352	<i>Cerebrũ purgantia</i>	494.
<i>Caulis flos vel sabellica</i>	500.512.515.		
<i>Brassica</i>	352	<i>Cerebrũ confortãtia</i>	33.57
<i>Cedria, pix cedri est</i>	129	<i>Cerui cum serpẽtibus pu-</i>	
<i>Cedrium</i>	117	<i>gnant</i>	270
<i>Cedrus</i>	128.129	<i>Cerui masculi genitale</i>	
<i>Celtica spica Rhabarbaro</i>	269		
<i>est adiungenda</i>	26.433	<i>Ceruine lingue species he-</i>	
<i>Celtis</i>	213	<i>mionitis</i>	566
<i>Centaurea maior, rhapõ-</i>		<i>Ceruini cordis os</i>	281
<i>ticum officinarum</i>	439	<i>Cerui cornu</i>	281
<i>Centaurea minor fel terra</i>		<i>Ceruorum pabulum</i>	494
<i>dicitur</i>	440	<i>Ceruifia</i>	315
<i>Centinodia</i>	584	<i>Cerussa</i>	766
<i>Centipedes vermes</i>	265	<i>Cestron</i>	579
<i>Centũcapita Plinio que-</i>		<i>Cheresfolium</i>	379
<i>nam herba</i>	453	<i>Cheresfolium Plinij differt</i>	
<i>Centũcularis herba</i>	383	<i>à Cheresfolio quod Gin-</i>	
<i>Centũnmodia herba</i>	584	<i>gidium dicitur</i>	380
<i>Cepa</i>	391	<i>Calbanum</i>	513
<i>Cepa ascalonita</i>	412	<i>Chalcanthos</i>	776
<i>Cepa maris</i>	412	<i>Chalcitis</i>	777
<i>Cepaa herba</i>	573	<i>Chame</i>	241
<i>Cephalio</i>	189	<i>Chamecyparissus</i>	124
<i>Cera temperata est</i>	311	<i>Chamedaphne</i>	5704
<i>Cerasia, &amp; cerasa optima</i>		<i>Chamedris</i>	526
		<i>Cham</i>	

I N D E X.

<i>Chamalea mezereon</i> est		<i>Cicer</i> & <i>cicerũ</i> genera	325
441.704.725		<i>Cicerbita</i>	365
<i>Chamaleus albus</i> herba,		<i>Cichorea</i>	366
unde dicta	441	<i>Cici</i>	717
<i>Chamaleon niger</i>	442	<i>Cicinum oleum</i>	72
<i>Chamaleonta</i>	725	<i>Ciconiarum stercus</i>	307
<i>Chamaleuce</i>	691	<i>Ciconie rostrũ, herba</i>	543
<i>Chamapeuce</i>	691	<i>Cicuta</i>	653
<i>Chamepitys</i>	577	<i>Cicutaria herba myrrhis</i>	
<i>Chamomilla</i>	562.563	est	685
<i>Charatias tithymalus</i>	719	<i>Cimices lecticarij</i> & <i>agre-</i>	
<i>Charlina</i>	442.443	stes	264
<i>Chelidonium maius</i> , &		<i>Cimolia terra</i>	446
<i>chelidonia</i>	422	<i>Cinara</i>	446
<i>Chelidony radix an sit cur</i>		<i>Cinara sylvestris</i>	444
<i>cuma</i>	16	<i>Cincinnalis herb.</i>	633.696
<i>Chelidonia minor</i>	423	<i>Cinerula est spodiũ</i>	755
<i>Cherua</i>	717	<i>Cinis crematarum hirun-</i>	
<i>Chia terra</i>	807	dinum	280
<i>Chironion</i>	480	<i>Cinis marinarum testa-</i>	
<i>Condri nomen vagum</i>	319	rum	807
<i>Christiernus</i>	741	<i>Cinis sarmentorum</i>	788
<i>Christopho. Orosius</i>	666	<i>Cinnabaris</i>	770
<i>Chrysanthemum</i>	631	<i>Cinnabrium fossile</i>	770
<i>Chrysites</i>	629.765	<i>Cinnamomum quid</i>	36.37
<i>Chryfocolla ex urina</i>	767	<i>Cinnamomi folia an ma-</i>	
<i>Chryfocome</i>	629	labathrum	37
<i>Chryfogonon herba</i>	630	<i>Cinnamomũ inualidũ</i>	35
<i>Chrysolachanon</i>	350	<i>Cinnamomi tẽperatura</i>	39
<i>Chulabum Indicum</i>	33	<i>Cinnamominũ oleum</i>	92
<i>Cicada</i>	276	<i>Cinnarum vel chynarum</i>	
		radix	

I N D E X.

<i>radix</i>	141	<i>Cobius &amp; gobius piscis</i>	
<i>Circe</i>	647	261	
<i>Circea</i>	547	<i>Coccus baphicus</i>	623
<i>Cirsion</i>	686	<i>Cochlea terrestres &amp; ma-</i>	
<i>Cistus à Cisso differt</i>	159	<i>rina</i>	242
<i>Citrangulum</i>	208	<i>Cochleare magnū &amp; par-</i>	
<i>Citrago herba</i>	531	<i>uum</i>	243
<i>Citrea arbor</i>	210.211	<i>Coctionem iuuantia</i>	9.
<i>Citreum, citrium</i>	210	84.400	
<i>Citri caro alba frigida</i>		<i>Colchicum ephemerū</i>	656
209		<i>Colenucij error</i>	141
<i>Citri cortex temperatè ca-</i>		<i>Colici affectus</i>	73.79.
<i>lidus</i>	219	87.486.453.730	
<i>Citri pomum aduersatur</i>		<i>Collū draconis herba</i>	408
<i>veneno</i>	210	<i>Coli dolores</i>	221
<i>Citri semen quo tempera-</i>		<i>Colocynthis</i>	729
<i>mento</i>	210	<i>Colophonias</i>	115
<i>Citrullus</i>	372	<i>Colubrina herba</i>	406
<i>Citrū, malū Medicū</i>	208	<i>Columbus piscis</i>	253
<i>Clarea</i>	753	<i>Columbæ sanguis</i>	305
<i>Clematis</i>	586	<i>Columbinum stercus</i>	307
<i>Clematis uinca peruinca</i>		<i>Colutea arbor</i>	499
<i>est</i>	586	<i>Colymbas</i>	591
<i>Clematitis</i>	437	<i>Colymbades oliuæ, &amp; cur</i>	
<i>Clinopodium</i>	523	<i>sic dictæ</i>	179
<i>Clupea</i>	256	<i>Colymbades stœbe</i>	591
<i>Clymenus</i>	592	<i>Colytea Theophrasti, no-</i>	
<i>Cnicinum oleum</i>	77	<i>stra est sena</i>	499
<i>Cnidij grani oleum</i>	77	<i>Comarus</i>	219
<i>Cnipedes in ulmo qui</i>	139	<i>Combusta lota, acrimo-</i>	
<i>Coagulum</i>	299	<i>niam amittunt</i>	355
		<i>Comit</i>	

I N D E X.

Comitialis morbus	429.	Cor exhilarantia	33.57.
	437.482.506.561		65.68.384
Commodus Imperator ne-		Cordis tremor	137.201
gligens	38	Coriandrum	486.487
Compositio ex Galbano	91	Coriandrum syluestre re-	
Compositio Mendesi	91	peritur	488
Conchula Indica	242	Coris	576
Conditum ex pyris	751	Corium veteris calcea-	
Conditum ex acetositate		menti	272
citri	209	Cornarius medicus Ger-	
Conditum pro sistendo san-		manus	448
guine	154	Cornelius medicus Antu-	
Condrilla	368	erpiensis	752
Confectio odorata dijs di-		Corniola non est Lysima-	
cata	62	chia	583
Congij mensura que	50	Cornus	214
Conceptui utilia	280	Cornu cervi herba	363
Conserua dianthos	505	Cornu ceruinum	281.282
Consolida	588	Cornulaca	625
Consolida maior	589	Cornu unicornis antidotum	
Consolida regalis	589	contra venenum	282
Conuoluulum paruum	614	Cornutum vel cornicula-	
Conuoluulus maior	702	tum papauer	640
Conyza	548	Corona Veneris herba	361
Corallij officina apud Ve-		Corona regia herba	474
netos	65	Cornopus	363
Corallina	668	Corpora mortuorum pro	
Corallium	791	mumia usurpata	121
Corallium herba	419	Cortex nucis moschatæ	137
Corasceni regnum	56	Corpus mortuum dissecare	
Cor confortantia	400	piaculum apud Hispanos	



X I N D E X.

nos	188	bilem habet	291
Cortex ligni balsami	50	crocodylium	442
Cortex bugie assalathus		crocomagma	66
est	51	crocus describitur	65
Cortex thuris	100	croci odor adferebat Gale-	
Costarum Straboni, quod		no capitis dolorem	66
alijs costus	41	crocus sylvestris	739
Costi veri oleum	43	cruciata herba	667
Costus ac eius facultates &		cucurbita	369
descriptio	41.42.43	cucurbita sylvestris	729
Cotonea mala	202	cucurbita quando edenda	
Cotula fetida	90.472.	368	
563.		cubeba officinarum que	17
Coturnices helleboro nu-		cucumer anguinus	372
triuntur	767	cucumis agrestis	708
Crambe	351	cucumer sativus vel cucu-	
Cratæogonus	552	mis	370
crethmus	363	cuminum sylvestre	398
Crethamum	363	cuniculus	252
crinum	316	cunila	471
Criniti & Manardi ami-		cupressus ac eius tempera-	
citia	101	tura	123.124
Criniti error	185	curcuma officinarum	15
crispula herba	461.565	cuscuta, cascuta	732
creffones	362	cutis	714
crista gallinacea herba	633	cyami cur vocentur onisci	
crocinum oleum	88	vermes	265
crocini olei fex	66	cydonia mala	202
crocodilus	290	cymbalaria	663
crocodilus 18 cubitorum ma-		cyminum vel cuminum	485
xillam superiorem mo-		cyminum sylvestre	485
		cc	cycla

I N D E X.

<i>cyclaminus</i>	405.406	<i>Daucus agrestis</i>	381
<i>cyclaminus secunda</i>	406	<i>Daucus verus</i>	497
<i>cydonia</i>	201	<i>Davidicus textus emenda</i>	
<i>cynoglossa vera</i>	693	<i>tur</i>	91
<i>cynocardamum</i>	396	<i>Delphinium</i>	497.498
<i>cynorhodus à cynosbato dif</i>		<i>Dendrodes tithymal.</i>	720
<i>fert</i>	155	<i>Dens elephantis</i>	280
<i>cynosbatus</i>	154	<i>Dens leonis, herba</i>	366
<i>cyparissus</i>	123	<i>Dentium dolores</i>	76.129.
<i>cyparissias</i>	720	144. 358. 360. 415.	
<i>cyperus</i>	13.14	418. 423. 445. 452.	
<i>cyphi</i>	61.62	586. 659. 678.	
<i>cyprus fert cedrum</i>	129	<i>Dentificia</i>	109. 497
<i>cyprinum oleum</i>	88	<i>Diamoron.</i>	612
<i>cyrenaicus vel Medicus</i>		<i>Diaphinicon</i>	50.51
<i>ros</i>	185	<i>Diarrhoea</i>	570
<i>cyrenaicus succus</i>	185.510	<i>Diatrion pipereon</i>	400
<i>cyssanthemon</i>	406	<i>Diatrium sandalorū pu-</i>	
<i>cytini</i>	194	<i>tredini resistit</i>	54
<i>cytinus</i>	194.195	<i>Dictamnus</i>	463
<i>cytissus</i>	682.683	<i>Didacus Mendocius</i>	803
<b>D</b>		<i>Dioscor. Gal. iudicio pal-</i>	
<i>Dactyli</i>	185.186	<i>mam obtinet in herba-</i>	
<i>Dama pinguedo</i>	301	<i>rum descriptionibus</i>	3
<i>Damascena pruna</i>	217	<i>Dioscoridi multa peregrina</i>	
<i>Damasonium</i>	573	<i>nomina falso attri-</i>	
<i>Damasonium Galeni</i>	574	<i>buta</i>	157
<i>Daphne alexandrea, da-</i>		<i>Dioscoridis error</i>	354.399
<i>phne Idæa</i>	703	<i>Dioscor. &amp; Galeni conci-</i>	
<i>Daphnoides</i>	704	<i>liatio</i>	96
<i>Darsifan</i>	52	<i>Diosco. hist. acephala</i>	67
		<i>Diac</i>	

I N D E X.

<i>Dioscori. interpretum error</i>	146. 158.	<i>adduxit Pöpeius Magnus</i>	<i>ibidem</i>
<i>Dioscor. textus corruptus</i>	2. 31. 14. 1. 212. 306.	<i>Ebrietati aduersatur Brasica</i>	353
	709.	<i>Ebulus</i>	727
<i>Diphryges</i>	780	<i>Ebur</i>	280
<i>Dipsacum</i>	443	<i>Echinos</i>	235. 603
<i>Dipsaco vermis innascitur</i>	443	<i>Echinus marinus</i>	235
<i>Dolichus</i>	335	<i>Echinus terrestris</i>	236
<i>Dorycnium</i>	645	<i>Echion alcibiadion</i>	603
<i>Draco marinus</i>	246	<i>Echis &amp; Echidna</i>	248
<i>Dracon herba</i>	409	<i>Eleomeli</i>	71
<i>Draconis collū herba</i>	407	<i>Elaphoboscum</i>	494
<i>Draconis sanguis</i>	770	<i>Elate Dioscoridis, encephalum Galeni est</i>	192
<i>Dracunculus maior ac eiusdem varie species</i>	406	<i>Elate nux Indica arbor</i>	189
<i>Dracunculus minor</i>	408	<i>Elate Plinij abies est, Galeni cephalio</i>	190. 191
<i>Dragacanthū gūmi</i>	453	<i>Elaterium</i>	2. 709
<i>Drypa oliue qua</i>	179	<i>Elatine</i>	615
<i>Drys vox equiuoca</i>	181	<i>Elatinum oleum</i>	83
<i>Dryopteris</i>	737	<i>Electrum, succinū alambrū, carabe idē</i>	136. 137
<i>Duracina persica</i>	203	<i>Electuarium de baccis lauri</i>	131
<i>Dysenteria</i>	109. 184. 202. 214. 323. 398. 432. 445. 545. 571. 584. 586. 588. 592. 611. 622	<i>Electuarium de scoria ferri</i>	761
<i>Dysuria</i>	137	<i>Elemi gummi</i>	180
<i>E</i>		<i>Eleoselinon</i>	490
<i>Ebenus</i>	164. 165	<i>Elis ciuitas Achaia</i>	89
<i>Ebenum primo Romam</i>			cc 2
			<i>Elle</i>

I N D E X.

Elleborines	679	lus	257
Elleborus	2.705.	Equinum lac	292
Elephantis dens	280	Equinus caseus hippace di	
Empetron	732	citur	297
Emplastrū ex nido hiru-		Equisetum	622
dinum	279	Equi cauda	622
Empyreuma quid Ari-		Equorum calli siue liche-	
stoteli	434	nes	271
Endiuiā	367.368	Erasmus Roterodam.	256.
Endiuiā differt à Cicho-		328.804	
rea	367	Eretria terra	807
Enula cāpana	66.67.68	Ericæ & Erica	144
Enule radix cor letificat		Erica vera	144.145
68		Erigeron ab eringo dif-	
Ephemerum	656	fert	667
Ephemerum non veneno-		Erinaceus marinus	235
sum colchicon hermo-		Erinaceus terrestris	236.
daetylus est	657	237	
Epilepticis iecur caprinum		Eruca	284.382.383.
noxium est	268	Eruca vermis	284
Epilepticis medicamenta		Erui angina, siue Oro-	
conuenientia	122.306	banche	384
Epimedium	599	Erulia magna	335
Epimelis Galeni, vnedo		Eruum ac eius tempera-	
est	212	tura	336
Epipactis	679	Eruū rubrū eligendū	336
Epiphyllocarpos	694	Eryngium	453
Epithymus	470.730.731	Erysimum	398
Epulotica medicamenta		Erysipelas	124.147.398.
que	760	665	
Equi fluuiialis testicu-		Escara	89

I N D E X.

<i>Esula maior</i>	721	<i>Far</i>	319
<i>Esula rotunda</i>	721	<i>Farrago</i>	317
<i>Esculenta recentium pi-</i>		<i>Febris</i>	30. 87. 153. 189.
<i>scium</i>	263		197. 221. 245. 271. 275
<i>Eupatorium</i>	615		281. 282. 357. 433. 558.
<i>Eupatoriū Auicennæ</i>	616		562. 752.
<i>Eupatorium Mesues Dio-</i>		<i>Federichus à Rocha</i>	199
<i>scoridis ageratum est</i>		<i>Fel</i>	304
617. 632.		<i>Fel terre</i>	2. 440.
<i>Euphorbium</i>	512. 513	<i>Ferri rubigo scoria</i>	760
<i>Euritiy Cordi laus</i>	27	<i>Ferula</i>	506
<i>Euritiy cordus fallitur</i>		<i>Feriola</i>	367
731		<i>Fex vini</i>	787
<i>Expultrix virtus quibus</i>		<i>Fex olei crocini</i>	66
<i>de causis prouocetur</i>		<i>Febrium putredo</i>	54
434		<i>Fiber</i>	257
<i>Exuuium &amp; spoliū an-</i>		<i>Ficus &amp; eius vires</i>	227
<i>guis</i>	250	<i>Ficus aegyptia</i>	226
F		<i>Ficus in imā partem ven-</i>	
<i>Faba</i>	326	<i>triculi descendit</i>	228
<i>Faba Aegyptia</i>	327	<i>Ficus terrestris</i>	723
<i>Faba antiquorū exigua &amp;</i>		<i>Filicis &amp; arundinis ini-</i>	
<i>rotunda erat</i>	327	<i>micitia</i>	141
<i>Faba crassa</i>	660	<i>Filicula</i>	736
<i>Faba cōmunes diuersæ ab</i>		<i>Filipendula cœnanthe est</i>	
<i>antiquorum fabis</i>	328		548. 745
<i>Fabiolum marinū</i>	640	<i>Filix</i>	735
<i>Faciem mūdificantia</i>	78.	<i>Filix quercus</i>	737
275. 303. 586. 743.		<i>Fistici dicuntur pistacia</i>	
768.			222.
<i>Fagus</i>	181	<i>Fistula pastoris herba</i>	533

I N D E X.

<i>Flammula herba</i>	587	<i>Fuchsi error</i>	218. 310. 388
<i>Flos eris non est viride</i>			463. 509. 554. 630.
<i>eris</i>	757		634. 650. 651. 665. 769
<i>Flos amoris</i>	529	<i>Fuchsi maledicentia</i>	219
<i>Flos arantia</i>	211	<i>Fuligo pictorum</i>	807
<i>Flos rose qui dicatur</i>	172	<i>Fuligo picis</i>	17
<i>Flos thimi</i>	730	<i>Fuligo thuris</i>	104
<i>Fœniculum</i>	495	<i>Fullonum herba</i>	404
<i>Fœniculum porcinum</i>	508	<i>Fumaria, fumus terre</i>	
<i>Fœnum gracum, ac eius</i>			680. 681
<i>vires</i>	324	<i>Fungi</i>	656
<i>Fœtus mortuus</i>	128. 129.	<i>Fusus agrestis herba</i>	521
552.			
<i>Fœtum retinere facit</i>	582	G	
<i>Folia oxyacanthæ</i>	151	<i>Gabriel Mutinensis</i>	494
<i>Folium herba</i>	552	<i>Gagates lapis</i>	796
<i>Folium indicum</i>	33	<i>Galactites lapis</i>	800
<i>Folliculi senæ</i>	500	<i>Galbanum</i>	91. 513
<i>Fontinalis herba</i>	673	<i>ex Galbano cõpositio</i>	91
<i>Fragra</i>	613	<i>Galanga crassa</i>	8
<i>Fraxini folia aduersantur</i>		<i>Galanga indica</i>	9
<i>veneno</i>	132	<i>Galena quid</i>	763. 764
<i>Fraxinella geniculata</i>	585.	<i>Galeni elate cephalio est</i>	
586.			191
<i>Fraxinus</i>	132	<i>Galeni error</i>	399
<i>Fructus austeri post cibum</i>		<i>Galeni &amp; Dioscoridis cõ-</i>	
203		<i>ciliatio</i>	96. 341
<i>Frutex coriarius</i>	184	<i>Galeni &amp; Dioscoridis di-</i>	
<i>Frutex ladanificus</i>	161.	<i>screpantia in Brassica</i>	
162		<i>viribus</i>	353
<i>Fru mentum</i>	312	<i>Galeno autoritas quanta</i>	
		<i>sit</i>	

I N D E X.

fit tribuenda	53	Gallitricum, herba	556
Galeno fides adhibenda in		Gamandrea	526
herbarum viribus &		Gangraena	225
facultatibus	53	Garum	263
Galenus balsami veri co-		Gaspar de gabriel. Pata-	
gnoscendi causa in Iu-		uinus 12.24.418.	566
deam nauigauit	49	Gattinarie historia	272
Galerita auis	278	Gaza error	439
Galiopsis	664	Gallij opinio de palma non	
Galiopsis à Balato differt		probat	185
664		Genista, spartum Diosco-	
Galla	183	ridis	712
Gallie moschate compositio	57	Gentiana	435
Galli & galline	272	Gentilis de Fulgineo Aui-	
Galli testiculi herba	490	cenne fidelis interpres	
Gallinaceorum iecur boni		52	
succi	273	Geon lapis	806
Gallinaceum lac	386	Georgius Agricola	764.
Galline morsus, herba	419	774	
Gallarum esculentū ius		Geranium	543
retinendi vires obtinet		Gerardus Cremonēsis er-	
273		rat	422
Gallorum ius subducendi		Gerardus Orator Caroli	
vim habet	273	V. ad Solymanum	431
Gallarum membra au-		Genm Pliny caryophylla-	
rum liquecēs si admi-		ta est	598
sceantur cōsumūt	274	Gingidion cherefolium est	
Gallarum stomachi in-		379	
terior tunica	274	Gittone	509
Gallium	666	Gladiolus	599
		Gladiolus lutea	601

I N D E X.

Glandifera arbores	182	generum	608
Glans sardiana	182	Gramen harundinaceum	
Glans unguentaria	12.	& parnassi	608.609
186.713		Gramen molle	590
Glandis unguentaria ole-		Grana kermes est karbi-	
um	75	sinum	623
Glastum, guadum	425.	Granatorum malorū sy-	
426		rupus quibus dandus	
Glaucii memitha est	423	195	
Glaux	515	Granatorum cortices	196
Glessum	136	Granatum malum	193
Glessaria vocata insula		Gramen Cnidium, Cni-	
cur	136	dium, Thimelca, idem	
Gleucinum oleum	89	77	
Glutinum	515	Granum infectorium	622
Glutinum ex bubulo co-		Granum paradysi	16
rio	516	Granum regis herba	717
Glutinū ex similagine	516	Granum tinctorium	622
Gluten piscium	516	Granum tritici vel Spel-	
Glycyrrhiza	437	te crasso mō tritū	316
Glycyfida	565	Gratia dei, herba	495
Gnaphalium	544	Gruaria, herba	543
Gobius et cobius piscis	261	Guadum	425
Gomorra & Sodoma	119	Guaiaci ligni aqua quo-	
Gonorrhœa	76.176.177	modo paranda	168
Gossipion	449	Guaiaci ligni vinum quo-	
Græca pix que	114	modo parandum	169
Gramen ac graminū ge-		Guaiacum albū ne an ni-	
nera & vires	606	grum eligi debeat	165
Gramen Babylonicū	609	Guaiacum lignum	164.
Gramen aculeatum trium		165.166.167	



## I N D E X.

<i>Gummi absolute quid</i>	175	<i>Hectica</i>	74. 243. 245
<i>Gūmi Arabici frutex</i>	175	<i>Hedera ac eius genera</i>	
<i>Gummi elemi</i>	179	420	
<i>Gummi iuniperi facultas</i>		<i>Hedera Ciliffa</i>	701
126		<i>Hedera spinosa</i>	701
<i>Gutta</i>	91	<i>Hedera terrestris</i>	691
<i>Gummi mineum</i>	95	<i>Hedichroi compositio</i>	90
<i>Gummi dragacanthū</i>	453	<i>Helenium</i>	66
<i>Gypsum</i>	788	<i>Helenium pectori confert,</i>	
H		<i>ac eiusdē tēperatura</i>	69
<i>Hamatites lapis</i>	795	<i>Helioscopos tithymal.</i>	720
<i>Hemorrhoides</i>	126. 390.	<i>Heliotropium</i>	368
391		<i>Heliotropium maius, mi-</i>	
<i>Hemoptoicis</i>	506	<i>nus</i>	741
<i>Halcyonium</i>	789	<i>Heliotropium differt à ca</i>	
<i>Halica</i>	320	<i>lendula</i>	632
<i>Halicacabon</i>	644	<i>Helleborus albus, niger</i>	
<i>Halme</i>	263	705. 706	
<i>Halimus</i>	147	<i>Helxine</i>	613
<i>Hammoniacus sal</i>	785	<i>Helxine syssampelos</i>	614
<i>Harmel quid</i>	477	<i>Hemerocallis</i>	549
<i>Harundinaceum gramen</i>		<i>Hemionitis</i>	559
606		<i>Hepar Mergi</i>	268
<i>Harundinis &amp; filicis ini-</i>		<i>Hepatica herba</i>	627
<i>micitia</i>	141	<i>Heracleon &amp; Herculeon</i>	
<i>Harundinis &amp; asparago-</i>		<i>panax</i>	479
<i>rum amicitia</i>	141	<i>Herba alliaria</i>	538
<i>Harundinis omne genus</i>		<i>Herba cancri</i>	741
<i>circa radicem efficacius</i>		<i>Herba cruciata</i>	667
<i>est</i>	140. 141	<i>Herba vitri</i>	561
<i>Hastula regia</i>	410	<i>Herba paris</i>	650
		cc 5	<i>Herb</i>

I N D E X.

<i>Herba primi floris</i>	676	<i>exponitur</i>	749
<i>Herba Sardonica</i>	416	<i>Hippocratis historia</i>	272
<i>Herba S. Ioannis</i>	556	<i>Hippocratis locus</i>	285
<i>Herba Venerea</i>	555	<i>Hippoglossus</i>	694. 703
<i>Herba trinitatis</i>	597. 598	<i>Hippolapathus</i>	343
<i>Herba Symeonis</i>	571	<i>Hipposelinon leuisticum</i>	
<i>Herba venti</i>	418	<i>officinarum est</i>	493
<i>In herbis coquendis docu-</i>		<i>Hippuris</i>	622
<i>mentum</i>	354	<i>Hirci barba</i>	161
<i>Hercules coronatus olea-</i>		<i>Hircina herba</i>	575
<i>stro</i>	178	<i>Hirundinaria maior</i>	422
<i>Herculis statua manu te-</i>		<i>Hirundo</i>	279
<i>nētis cydonia mala</i>	202	<i>Hirundinū crematarum</i>	
<i>Hermodactylus</i>	656	<i>cinis</i>	280
<i>Hermolai Barbari error</i>		<i>Hispana pix que</i>	116
72. 138. 156. 386		<i>Hispani cur raro ad Ana-</i>	
<i>Hibiscus</i>	517. 570	<i>tomia cognitionē per-</i>	
<i>Hibisco falli auct cur di-</i>		<i>ueniant</i>	188
<i>xerit poëta</i>	517	<i>Holoſteon</i>	590
<i>Hieracion maius et minus</i>		<i>Holoſteon differt à pilo-</i>	
489. 490		<i>sella</i>	590
<i>Hieracites lapis</i>	490	<i>Homeri versus de nepen-</i>	
<i>Hieremias trivarius super</i>		<i>the</i>	68
<i>Aphorismos scripsit</i>		<i>Hordeum</i>	314
732		<i>hordeum Galaticum</i>	319
<i>Hierichontis rosa non est</i>		<i>hordeum murinum</i>	618
<i>amomum</i>	40	<i>hortulanus coquus vel co-</i>	
<i>Hippace caseus equinus</i>		<i>stus</i>	41
297		<i>hortus Patavij herbis di-</i>	
<i>Hippocampus</i>	237	<i>catus</i>	708
<i>Hippocrates &amp; Galenus</i>		<i>humanum stercus</i>	307
		<i>hyacinth</i>	

I N D E X.

<i>Hyacinthus</i>	156.635	680.691.701.731.
<i>hydromalum</i>	751	744
<i>hydropiper</i>	402	<i>fecur &amp; iociner</i> 267
<i>Hydropis remedium</i>	7.	<i>fecoris obstructions</i> 221.
	727	360.414.440
<i>hyoscyamus</i>	641	<i>fecur canis rabidi praestas</i>
<i>hyoscyaminum oleum</i>	76	<i>venenum</i> 268
<i>hypecoum</i>	641	<i>fecur Gallinaceorum</i> 273
<i>hypericon</i>	574	<i>feneliabin de rosis Persicis</i>
<i>hypochyma quid</i>	118	<i>quid</i> 272
<i>hypocistis</i>	161	<i>igne ambustis qua conue-</i>
<i>hyssopus</i>	459.460	<i>niant</i> 550
	I	<i>flex</i> 181
		<i>Illustris vallis</i> 120
<i>Jacobi manilij error</i>	646	<i>Imperatores cinnamomi</i>
<i>Jacobus Theobaldus Fer-</i>		<i>integras arbores Rg-</i>
<i>rariensis</i>	756	<i>mam portari curarunt</i>
<i>Jasminum oleum</i>	93	38
<i>Jasmin quid</i>	94	<i>Jndicum &amp; maius carda-</i>
<i>Jaspis</i>	803	<i>momum</i> 20
<i>Iberis</i>	231	<i>Jndicum Isatidis succus est</i>
<i>Ictericis conuenientia</i>	77.	426
	351.496.738	<i>Jndicus lapis</i> 770
<i>Ichtyocolla</i>	516	<i>Jnguinalis herba</i> 687
<i>Idea radix</i>	619	<i>Jnhame, vocata faba Ae-</i>
<i>Idea daphne</i>	703	<i>gyptia</i> 328
<i>Idaus rubus</i>	613	<i>Jntestinatorum inflammatio</i>
<i>Iecoraria herba</i>	627	110
<i>Jecori conuenientia</i>	24.	<i>Jntestinatorum tormina</i> 571
	79.88.110.131.326.	<i>Jntestinatorum ruptura</i>
	197.568.578.580.	597

*Jntub*

I N D E X.

<i>Intubum</i>	366	<i>Iua arthetica</i>	577
<i>Intubus agrestis</i>	366	<i>Iua moschata</i>	577
<i>Ioannes Agricola Ammo- nius</i>	122.230	<i>Iudaicum bitumen</i>	119
<i>D. Ioānes Baptista quibus locustis vescebat</i>	277	<i>Iudaicus lapis</i>	801
<i>Ioannes Baptista Cana- nus</i>	278.291	<i>Iuglandes nuces</i>	223
<i>Ioan. Falconerius Anglus</i>	329.3811494.	<i>Iuiuba serica</i>	218
<i>Ioannes Gōdulanus</i>	637	<i>Iulides pisces</i>	264
<i>Ioannes Rodoricus Lusi- tanus dictus antea, qui nunc Amatus</i>	230	<i>Iuncturarum dolores</i>	89.
<i>Ioānis de Vigo error</i>	594		126.
<i>Iodocus Valareus</i>	741	<i>Iuncus</i>	627
<i>Iouis glans</i>	182	<i>Iuncus auellana quid</i>	14.
<i>Iouis barba</i>	629	<i>Iuncus angulosus, triangu- laris, quadratus</i>	15
<i>Iringus</i>	453	<i>Iuncus odoratus</i>	43
<i>Iris apud Galenum</i>	6	<i>Iuncus papyri genus</i>	142
<i>Iris flirica ceteris me- lior</i>	4	<i>Juniperus</i>	124
<i>Iris sylvatica</i>	659	<i>Juniperi gummi sandara- cha Arabum</i>	125
<i>Iris varia</i>	4	<i>Juniperi oleum</i>	126
<i>Irinum oleum</i>	88	<i>Junonis rosa</i>	529
<i>Isatis sativa</i>	425	<i>Jus album quid</i>	245
<i>Isatis sylvestris</i>	425	<i>Jus piscium</i>	263
<i>Isatidis herba succus</i>	426	<i>Jusquiamus</i>	641
<i>Isopyron</i>	689	<i>Œlex venenum</i>	518
<i>Ischias</i>	69.232.398. 440.468.588.	K	
		<i>Kali</i>	561.626
		<i>Karum, Kareum</i>	484
		<i>Keiri purpureum</i>	552
		L	
		<i>Labrum Veneris</i>	443
		<i>Labrusca flores ænanthe est</i>	

I N D E X.

est	85.745	Lactarius lapis	800
Lac	292.293.294.	Lactuca & eius tempera-	
Lac coagulans herba	666	tura	378
Lac acetosum	297	Lactucella	364
Lac cum piscibus non est		Lactuca erratica	490
comedendum	293	Lacuturris herba	351
Lac dysentericis quomodo		Ladanifer frutex	161.
dandum	293		162.
Lac gallinaceum	386	Ladan, et Ladanum	161.
Lac generant	326.548.		162.
700.		Letificantia	384. 500.
Lac mulieribus euocantia			531.692.
	238.683.	Lagopus herba trinitatis	
Lac scissile	297	est	597
Lacte epoto os lauare de-		Lampſana	344
bet	293	Lana	299
Lac quibus obſit	293	Lanaria herba	404
Lactis serum	294	Lanceolata	358
Lacca non est gummi, ſed		Lanceola	569
formicarum ſtercus	60	Lapathum	342
Lacca artificialis	60	Lapillus mirus	803
Lacertæ ac earum ſpecies		Lapis Armenius	768
289		Lapis belzaharticus	270.
Lacertæ ſtercus	289		271
Lacertorum ſtercus	308	Lapis Cyaneus	769
Lachryma draconis arbo-		Lapis ex bufone	805
ris	770	Lapis in felle repertus	
Lachryma Mariæ	566		304
Lachryma oleæ Aethio-		Lapis renum & veſicæ	51
piceæ	179	Lapis Lazuli	769
Lactaria herba	719	Lapis lyncis electri ſpe-	
		cies	

I N D E X.

<i>cies</i>	137	<i>denda ægrotis</i>	330. 329.
<i>Lapis plumbarius</i>	763	<i>Lentibus non utendum in</i>	
<i>Lappago</i>	716	<i>pleuritide</i>	330
<i>Lappa maior</i>	678	<i>Lentiginēs faciei</i>	51
<i>Lappa minor</i>	698	<i>Lentiscus</i>	108. 109
<i>Laricea resina</i>	106	<i>Lentiscina resina reliquis</i>	
<i>Laricea resina pro terebin</i>		<i>durior</i>	109
<i>thina utimur</i>	106. 107	<i>Lentiscini olei facultas</i>	
<i>Larix arbor qualis</i>	106		80. 109
<i>Lassitudo</i>	177	<i>Leonhardus Nunius</i>	205
<i>Laserpitium</i>	185. 510	<i>Leonicenus laudatur</i>	10.
<i>contra Lassitudinem</i>	562		36.
<i>Laterum dolores</i>	43. 99.	<i>Leonicenus errat</i>	27. 608.
	221. 537.		626.
<i>Lathyrus</i>	722	<i>Leonis dens herba</i>	366
<i>Latifolia &amp; endivia do-</i>		<i>Leonis pes herba</i>	688
<i>mestica</i>	368	<i>Leontopetalon</i>	524
<i>Lauandula herba</i>	27	<i>Lepidium</i>	231. 415
<i>Lauer</i>	360	<i>Lepidij radix an rectè pro</i>	
<i>Laurus</i>	130	<i>costo usurpetur</i>	42
<i>Laureola herba</i>	704	<i>Leporinũ coagulũ cõcretũ</i>	
<i>Laurus Alexãdrina</i>	694	<i>sanguinẽ dissoluit</i>	300
<i>Laurus Alexandrina her</i>		<i>Leporinus pes herba</i>	597
<i>ba</i>	703	<i>Lepra</i>	139. 143. 323. 326.
<i>Laurinum oleum</i>	79		418. 509. 602. 68.
<i>Lemnia terra</i>	775	<i>Lepus marinus &amp; terre-</i>	
<i>Lens &amp; lenticula palustris</i>		<i>stris</i>	251
	329. 559.	<i>Lepus superfoetat, &amp; quo-</i>	
<i>Lens funebre edulium est</i>		<i>modo cocat</i>	252
	334	<i>Leucoion</i>	551
<i>Lentes nullo pacto conce-</i>		<i>Leucanthemum</i>	94

*Leucan*

I N D E X.

<i>Leucacantha</i>	452	<i>Lina collo viperae alligata</i>	
<i>Leucas</i>	527	566	
<i>Libanus</i>	100	<i>Linaria herba</i>	701
<i>Libanotis</i>	504	<i>Lingua agni, herba</i>	358
<i>Lichen</i>	627	<i>Lingua bovis, herba</i>	686
<i>Lichenes equorum</i>	271	<i>Lingua ceruina herba</i>	
<i>Lienisremedia</i>	10. 75. 79.	534	
89. 112. 143. 221. 326.		<i>Linguae ariditas &amp; aspe-</i>	
338. 406. 415. 440.		<i>ritas</i>	218
508. 514. 525. 568. 588.		<i>Lingua passerina, seu</i>	
601.		<i>avis</i>	133
<i>Lignorum caries</i>	159	<i>Linum</i>	325
<i>Lignum aquile</i>	58	<i>Liquiritia</i>	437
<i>Lignum aloes</i>	58	<i>Liquida resina ex quibus</i>	
<i>Lignum Rhodium</i>	51	<i>arboribus colligat</i>	114
<i>Lignum aloes Rhodio-</i>		<i>Liquor Cyrenaicus</i>	510
<i>rum</i>	51	<i>Liquor Syriacus, vel me-</i>	
<i>Lignum Guaiacũ, Indi-</i>		<i>dicus</i>	510
<i>cum, sanctum</i>	164	<i>Lirion</i>	714
<i>Ligustrinum oleum</i>	88	<i>Lirinum oleum</i>	88
<i>Ligusticum &amp; Libisti-</i>		<i>Lithargyrium</i>	765
<i>cum</i>	480	<i>Lithocola</i>	805
<i>Ligustrum</i>	155. 156	<i>Lithospermon</i>	506
<i>Lilinum oleum</i>	87	<i>Linisticum vulgare</i>	480
<i>Lilium</i>	529	<i>Lobos</i>	335
<i>Lilium conuallium</i>	659	<i>Loch de althæa</i>	570
<i>Lilium cœleste</i>	3	<i>Loch de caulibus</i>	354
<i>Lilium sylvestre seu pal-</i>		<i>Loch de pino</i>	108
<i>lidum</i>	550	<i>Loch equorum</i>	272
<i>Limonium</i>	596	<i>Locusta terrestris</i>	276
<i>Limones</i>	208	<i>Loligo</i>	254
		<i>Lolium</i>	

I N D E X.

<i>Lolium</i>	322	<i>Lupus piscis</i> , spigola est	
<i>Lolium murinum</i>	618		256
<i>Loly farina ad quid bo-</i>		<i>Lusitani vocum græca-</i>	
<i>na</i>	327	<i>rum maximi seruato-</i>	
<i>Lotium</i>	308	<i>res</i>	335
<i>Lotura plumbi</i>	761	<i>Lutra testiculi</i>	257
<i>Lotus arbor</i>	213. 214	<i>Lychnis herba</i>	527
<i>Lotus Aegyptia</i>	685	<i>Lycium Dioscoridis non</i>	
<i>Lotus sativa &amp; domesti-</i>		<i>est vulgare lycium</i>	173
<i>ca</i>	681	<i>Lycy succedaneum quid</i>	
<i>Lotus sylvestris</i>	681		173
<i>Lucius piscis</i>	257	<i>Lycium indicum</i>	174
<i>Ludovicus Numius</i>	431	<i>Lycopsis</i>	602
<i>Ludovicus Vines Valenti-</i>		<i>Lycōctonon aconitum</i>	651
<i>nus</i>	191	<i>Lygus</i>	176
<i>Lumbrici terrestres</i>	291	<i>Lyncis lapis</i>	137
<i>Lumbricos necantia</i>	20.	<i>Lysimachia</i>	582
	97. 126. 223. 244.		
	457. 470. 509.		
	602.		
			M
<i>Lumbricorū semen</i>	457	<i>Macer &amp; macis</i>	137
<i>Luminaris maioris au-</i>		<i>Maderia insula cedros</i>	
<i>thor</i>	85	<i>fert</i>	129
<i>Lunaris herba</i>	646	<i>Mena &amp; menula</i>	261
<i>Lunaris lapis</i>	802	<i>Magnes lapis</i>	798
<i>Luparia herba</i>	651	<i>Maiorana</i>	85. 472
<i>Lupinum iecur</i>	268	<i>Malabar regio apud In-</i>	
<i>Lupinum stercus</i>	307	<i>dos</i>	33
<i>Lupinus</i>	337	<i>Malabathrum</i>	34. 93
<i>Lupulus herba parum</i>		<i>Malabathrinum unguen-</i>	
<i>calida</i>	316	<i>tum</i>	93
		<i>Mala medica</i>	208
			Mali



I N D E X.

<i>Malicorium</i>	196	<i>Marchasita</i>	795.
<i>Mali punici domestici flos</i>		<i>Margarita consolidida</i>	689
195		<i>Margaritæ vsui medico</i>	
<i>Malua vnde dicta</i>	349	<i>deseruiunt</i>	239
<i>Malua agrestis</i>	520	<i>Margarita quomodo na-</i>	
<i>Malum, pomum</i>	200	<i>scantur</i>	<i>ibidem</i>
<i>Malum terre</i>	436	<i>Maris spuma</i>	789
<i>Malum punicum et gra-</i>		<i>Marmoraria herba</i>	449
<i>natum</i>	193	<i>Maron</i>	474
<i>Mala coronea, aurea</i>	202	<i>Marrubium</i>	532. 533
<i>Maluanuscus</i>	570	<i>Martagum</i>	530
<i>Manardus Ferrariensis</i>		<i>Martialis locus</i>	349.
<i>doctissimus fuit</i>	501	357. 412	
<i>Manardus contra Me-</i>		<i>Mastix</i>	109
<i>suen</i>	408	<i>Massa sigillaria</i>	118
<i>Manardi error</i>	98. 138.	<i>Massary veneti error</i>	156
185. 260. 310. 618.		<i>Mastichinum oleum</i>	81
<i>Mandragora</i>	647	<i>Mastix ex Chio insula</i>	
<i>Manna tria genera</i>	101.	<i>adfertur</i>	82
101. 103		<i>Mater sylua perichyme-</i>	
<i>Manna Arabum quid</i>		<i>nos</i>	544.
101		<i>Mathioli Senensis error</i>	
<i>Manna supra lapides ca-</i>		12. 46. 68. 86. 94.	
<i>dens melior</i>	102	140. 237. 265. 373.	
<i>Manna thuris</i>	100	591. 621. 626. 631.	
<i>Manuel Reinelius medi-</i>		660. 687	
<i>cus</i>	768	<i>Mathiolus Senensis falso</i>	
<i>Marassus</i>	248	<i>Plinium accusat</i>	5. citat
<i>Marathrum</i>	496	67	
<i>Marcelli Virgilij error</i>		<i>Mathioli Senensis laus</i>	8.
12. 154. 157. 394. 493.		574. 683.	
		<i>dd Math</i>	

I N D E X.

<i>Mathiolus sibi ipsi contra-</i>		<i>baria inuestiganda</i>	1
<i>dicit</i>	364	<i>Medico necessaria est her-</i>	
<i>Mathiolus Theophrastum</i>		<i>barum cognitio</i>	1
<i>ineptè reprehendit</i>	105	<i>Medicum malum</i>	208
<i>Mathei Syluatici error</i>		<i>Medium herba</i>	598
	354. 598	<i>Medulla citri quo tempe-</i>	
<i>Matricis apostemata</i>		<i>ramento</i>	210
	402	<i>Medulla ossium anima-</i>	
<i>Matricis dolores</i>	79. 87.	<i>lium</i>	303
	89	<i>Medulla vomitum irritat</i>	
<i>Matrici cõuenientia</i>	505.		304
	740	<i>Megalinum oleum</i>	90
<i>Matricis præfociones</i>		<i>Mel</i>	309
	694	<i>Mel coctum parum pur-</i>	
<i>Matricaria herba</i>	541	<i>gat</i>	170
<i>Matri syluia herba</i>	556	<i>Mel crudum subducit al-</i>	
<i>Meconium</i>	639	<i>uum</i>	309
<i>Media pars arboris que</i>		<i>Mel venenosum</i>	309
<i>Galeno</i>	166	<i>Melampyron</i>	686
<i>Medica herba</i>	387. 570	<i>Melancholiam purgãtia</i>	
<i>Medicamētis fortibus cur</i>			500. 731
<i>usi præsci medici</i>	749	<i>Melanthium non est vul-</i>	
<i>Medicamentorũ materia</i>		<i>garis nigella</i>	508
<i>quomodo inspiciẽda</i>	1. 2	<i>Melanthiũ subcitrinum</i>	
<i>Medicamētum quare di-</i>			509
<i>catur calidũ, frigidum,</i>		<i>Melanthium vera nigella</i>	
<i>humidum, siccum</i>	167	<i>est</i>	78
<i>Medicamentum symetron</i>		<i>Melanthium oleum</i>	78
<i>quid</i>	167	<i>Melia terra</i>	807
<i>Medici antiqui qui</i>	153	<i>Melicratum</i>	748
<i>Medici officium in re her-</i>		<i>Melilotum</i>	473
		<i>Melil</i>	

I N D E X.

<i>Melilotum falsum</i>	682	<i>Merum, antidotum cicu-</i>	
<i>Melimela</i>	203	<i>ta</i>	654
<i>Melinum oleum</i>	84	<i>Mespilus</i>	212
<i>Melissa citrigo</i>	531	<i>Mesue pharmacopolarum</i>	
<i>Melittes lapis</i>	800	<i>princeps</i>	74
<i>Melopepones sunt vulgati</i>		<i>Mesue errat</i>	455
<i>melones</i>	375	<i>Metopion</i>	91
<i>Memecyles</i>	219	<i>Metella nux</i>	224
<i>Memitha</i>	515	<i>Metopium galbani li-</i>	
<i>Memitha non est cornicu-</i>		<i>gnum est</i>	91
<i>laris papaveris succus</i>		<i>Men Athamanticū</i>	10
640.		<i>Men in montibus Bono-</i>	
<i>Memithe glautiū est</i>	423	<i>niē sib. reperitur</i>	11. 24
<i>Memphitis lapis</i>	802	<i>Men in hispania herba</i>	
<i>Menstrua mouent</i>	13. 43.	<i>vulgata</i>	11.
45. 122. 177. 182. 326.		<i>Men tortuosum fenicu-</i>	
361. 398. 415. 476.		<i>lum, &amp; verum in Ita-</i>	
481. 496. 509. 527.		<i>liana nascitur</i>	11. 12.
537. 599. 691. 710.		<i>Meun, &amp; Cialeni meum</i>	
<i>Menstrua sistūt</i>	126. 545	<i>&amp; eius vires</i>	10
<i>Menta aquatica</i>	361	<i>Mezereū chamaelea est</i>	
<i>Mendesij compositio</i>	91	44. 70. 4. 725	
<i>Menta Romana costi loco</i>		<i>Milesium</i>	790
<i>an sumenda</i>	41	<i>Milium</i>	320
<i>Menta Sarracenicā</i>	41	<i>Milium solis</i>	568
<i>Menta sylvestris</i>	466	<i>Millefolium</i>	674
<i>Mentastrum</i>	468	<i>Milefoliū aquaticū</i>	685
<i>Mera oleum</i>	127	<i>Mille pedes vermes</i>	265
<i>Mercurialis, &amp; ex huius</i>		<i>Mille perforata herba</i>	
<i>succo. syrupus</i>	739	574	
<i>Mergi iecur, venter</i>	268	<i>Minea myrrha optima</i>	
		<i>ad 2 Gal</i>	

I N D E X.

Galeno	61	Mundella Brixieſis	587
Minium naturale	770	772	
Miſy	778	Munſteri Germani er-	
Mina citoniorum ſyru-		ror	92
pus	202	Muralis herba	613
Mollia que dicantur	254	Mures	292
Moli	479	Muris cauda, radix	635
Molybdena	763	Mus araneus	291
Momordica	544	Muſculi	240
Monachorū meſuen enar		Muſcus arborum	54
rantium error 10.44.		Muſcus arborum pro	
60. 154.		bdellio	98
Morbi ex pura bile	199.	muſcus marinus	668
209.		muſcus in quibus arbori-	
Morion ſpecies mandra-		bis habeatur	54
gora	648	muſteum oleum	89
Morochthus lapis	800	muſtela	258
Morus	225	muſtela quibus ſe munit	
Mortuorū cōditura que		pugnatura contra ſer-	
mumia	121	pentas	365
Mortuū mare quod	120	mutinēſis ager naphtham	
Moſchata roſe vel Ale-		habet	122
xandrina	171	myoſtonon aconitum	650
Moſchus	55	myrepticum oleum	75
Moſchus unde colligit	55	myſotis	424
Mulleus & mullus co-		myrice	143
lor	255	myriophyllum	605
Mullus piſcis	255	myrobalanus glans un-	
Mulſum	748	guentaria	186. 713
Mumia Arabū que	120	myrobalanorū ſpecies	187.
Mumia vera	122	189	

myrrha

## I N D E X.

myrrha	94.97	Nardus rustica	29
myrrha Bœotica	97	Nardinū unguentum	93
myrrha arbor qualis	95	Narium foetor	89
myrrha flos	91	Nasturtium	395. 396
myrrha vulgaris non est		Nasturtium sylvestre	231.
bdellium	96. 98		415
myrrhis, cicutaria herba		Nasturtiū aquaticū	362
est	685	Nasturtium Oriētale seu	
myrtinum oleum	78	Babilonium	398
myrtites & myrsinites ti-		Naiuum pix	118
thymalus	719	Naxius lapis	806
myrtus	196	Nenuphar	557
myrtus sylvestris	703	Nepenthes enula Aegy-	
mytuli	240. 241	ptia est	67. 68
myxa & myxaria	218	Nephritis	137. 442. 452
		Nerium	655
N			
Napellus herba, napellus		Neruoꝝ aegritudines	325
moysis	551. 552	Neurax & poterion idem	
Naphtha	122		448
Napi	394	Nicandri sentētia de Co-	
Napum	339. 691	riandro	487
Napum sylvestre	344	Nicandri scholiastis er-	
Narantium pomū	208.	ror	145
210		Nigella	508
Narcapthon vel nasca-		Nitrum Græcoꝝ & vul-	
phthon	59	gare	786
Narcissus	714	Nitri spuma	787
Narcissus varius	87	Nucis moschatae cortex	
Narcissinum oleum	87		137
Nardus	25	Nuclei pinei	108
Nardus montana	28	Nucum oleum	75
		dd 3 Nux	

I N D E X.

<i>Nux, &amp; nuces regia</i>	223	745	
<i>Nux metella officinarum,</i>			<i>Olea agrestis</i> 148
<i>vomica Serapioni est,</i>			<i>Oleaster</i> 178
<i>&amp; contra</i>	224		<i>Olei varia genera</i> 69 &
<i>Nux Pontica</i>	224		<i>deinceps</i>
<i>Nux moschata</i>	138		<i>Oleum quenā amant</i> 130
<i>Nux Indica</i>	189		<i>Oleum &amp; unguentū dif-</i>
<i>Nux Vomica</i>	224		<i>ferunt</i> 82
<i>Nyctlicoracis sanguis</i>	306		<i>Oleum album</i> 71
<i>Nymphæa</i>	557		<i>Oleum de alkana</i> 88
O			<i>Oleum alterci herba</i> 70
<i>Obolus quid</i>	328		<i>Oleum de Ben Arabum</i>
<i>Ochra terra rubra</i>	770	75. 713.	
<i>Ochroa eruilia vulgaris</i>			<i>Oleū è croco hortulano</i> 77
<i>est</i>	336		<i>Oleū de grano Cnidio</i> 77
<i>Oculis vitilia</i>	304. 440.		<i>Oleum de hypericone</i> 575
	532. 690		<i>Oleum de thymelæa</i> 77
<i>Oculus cati, herba</i>	695		<i>Oleum ex lino</i> 325
<i>Oculorum vitia</i>	100. 164.		<i>Oleum de Cherua</i> 72
	239. 289. 351. 408.		<i>Oleum è Carthamo</i> 77
	556. 592. 680. 763.		<i>Oleum ex oliuis</i> 69. 70
	796. 724.		<i>Oleum herba Apollinaris</i>
<i>Ocymastrum</i>	605	76	
<i>Ocymum</i>	583		<i>Oleum ex vitello oui</i> 275
<i>Ocymū gariophyllatū</i>	583		<i>Oleum palmarum</i> 71
<i>Ocymum aquaticum</i>	605		<i>Oleum petroleum</i> 122
<i>Ocyminum oleum</i>	86		<i>Oleum de cataputia ma-</i>
<i>Oenanthinum oleum</i>	84		<i>iori</i> 72
<i>Oesypus</i>	299		<i>Oleū de pentadactylo</i> 72
<i>Oenagra</i>	686		<i>Oleum de myrabolano</i> 75
<i>Oenanthe</i>	85. 548. 744.		<i>Oleū è semine radiculae</i> 77
			<i>oleum</i>

## I N D E X.

<i>Oleum de nigella</i>	78	<i>Onyx lapis</i>	800
<i>Oleum ex amaraco</i>	85	<i>Ophites lapis</i>	804
<i>Oleum de basiliconis fo-</i>		<i>Opij amaritudo</i>	639
<i>liis</i>	86	<i>Opium differt à meconio</i>	
<i>Oleum è radice iridis</i>	88		639
<i>Oleum ireos</i>	88	<i>Opobalsamũ quid &amp; vn-</i>	
<i>Oleum è Parthenio</i>	90	<i>de aduehitur</i>	49
<i>Oleũ de Cotula fœtida</i>	90	<i>Opocalpason Plinius opo-</i>	
<i>Oleum hedychroum</i>	90	<i>carpathum appellat</i>	96
<i>Oleum de Zambac</i>	93	<i>Opoponax liquor</i>	479
<i>Oleum saxi</i>	122	<i>Orchis</i>	553
<i>Olibanum officinarũ est</i>		<i>Orci tunica herba</i>	418
<i>Græcorum manna</i>	100	<i>Oreoselinum</i>	492
<i>Oliuæ drupæ quæ</i>	179	<i>Orfanum lapillus</i>	803
<i>Oliuæ salsæ &amp; cõditæ</i>	179	<i>Origanum asininum, syl-</i>	
<i>Olus atrum</i>	493	<i>uestre, hircinum</i>	462
<i>Olus ficulum</i>	355	<i>Origanum heracleoticum</i>	
<i>Olus aureum</i>	349		461
<i>Olyra</i>	317	<i>Orminium</i>	475. 556.
<i>Omphacium</i>	745	<i>Ornithogalon</i>	386
<i>Omphacinũ oleũ</i>	69. 70	<i>Orobanche unde nomen</i>	
<i>Omphacomeli</i>	751	<i>traxerit</i>	384
<i>Onisci &amp; Afelli vermes</i>		<i>Orobus</i>	336
	265	<i>Orthopnœa</i>	308. 482.
<i>Onitis origanus</i>	462		509. 540.
<i>Onix piscis, conchula fn-</i>		<i>Oryza</i>	319
<i>dica, &amp; unguia odora-</i>		<i>Ostordis ceruini</i>	281
<i>ta</i>	241	<i>Ossifraga anis</i>	277
<i>Onobrychis</i>	574	<i>Ostracites lapis</i>	805
<i>Ononis</i>	451	<i>Ostrum</i>	238
<i>Onosma</i>	557	<i>Osyris herba</i>	701
		<i>dd</i>	4
		<i>Otho</i>	

I N D E X.

<i>Othonis Brunfelsij error</i>		<i>Palma arbor</i>	185.186
	416. 579. 598. 608.	<i>Palma Christi herba,</i>	
	634. 667.		554. 717
<i>othonna</i>	423	<i>Palatiū leporis herba</i>	364
<i>Ouidij locus de hyacintho</i>		<i>Palmeum vinum</i>	752
	636	<i>Palmula Thebaica</i>	188
<i>ouicandidum</i>	274	<i>Palmyrarum varius usus</i>	
<i>ouium sordes</i>	299		72
<i>ouum</i>	274	<i>Panax</i>	479
<i>ouū frigidū in primo</i>	276	<i>Pancratium</i>	414
<i>oxyacantha</i>	150. 151	<i>Pandectarij error</i>	592
<i>oxalis</i>	343	<i>Panicum</i>	321
<i>oxalme</i>	263. 750	<i>Panicuculi, herba</i>	681
<i>oxycroceum</i>	66	<i>Panis ex castaneis para-</i>	
<i>oxylapathum</i>	349	<i>tus</i>	183
<i>oxymel</i>	750	<i>Panis lauatus</i>	314
<i>oxymel scilliticum</i>	414	<i>Panis porcinus</i>	405
<i>oxycerasum</i>	197	<i>Panis quinque genera</i>	313
<i>oxys</i>	681	<i>Papauer albū, nigrū</i>	638
<i>oxysaccharum quid</i>	195	<i>Papauer &amp; eius variæ spe-</i>	
<i>oxysacchara</i>	752	<i>cies</i>	637. 638. 639.
<i>oxytriphylon</i>	344. 536		640
	681	<i>Papyrus</i>	142
		<i>Paralius tiibymalus</i>	720
	P	<i>Paralysis</i>	127. 518
<i>Padus populifer</i>	134	<i>Parietaria</i>	613
<i>Peonia</i>	565	<i>Parijs lapis</i>	805
<i>Pagana lingua</i>	694	<i>Parotides</i>	298. 326. 663
<i>Palea Camelorum</i>	43	<i>Parthenium</i>	563. 613
<i>Paliurus ac de eadem va-</i>		<i>Parthenium amaracus est</i>	
<i>ria sententie</i>	148	<i>apud Dioscor.</i>	86. 90
<i>Palma agrestis</i>	189		



I N D E X.

<i>Partum iuuant</i>	494	<i>Persea arboris flores</i>	172
<i>Passa Corinthiaca aluum purgat</i>	745	<i>Persica &amp; Persea idem</i>	229. 230
<i>Passerculorū herba</i>	404	<i>Persica poma</i>	203
<i>Passerina lingua, seu anis lingua</i>	113	<i>Persicaria non maculata</i>	402
<i>Pastilla Hispanorum</i>	62	<i>Personacia</i>	678
<i>Pastilli de violis</i>	173	<i>Peru noua regio Balsamū subministrat</i>	48
<i>Pastilli rosci</i>	173	<i>Pes lecti, herba</i>	523
<i>Pastinaca piscis</i>	252	<i>Pes coruinus, herba</i>	415
<i>Pastinaca erratica</i>	480	<i>Pes leonis, herba</i>	688
<i>Pastinaca syluestris</i>	481	<i>Pes leporinus, herba</i>	597
<i>Pata leonis</i>	524	<i>Pestis</i>	245. 282. 441. 582. 587.
<i>Paulus Iouius</i>	230	<i>Pessi ex vitellina medulla</i>	304
<i>Paulus Iouius decipitur</i>	235	<i>Pestilētes morbi</i>	209. 271
<i>Contra Pectoris vitia</i>	7. 74. 76. 77. 150. 183. 218. 221. 324. 410. 442. 540. 579. 686. 698. 745.	<i>Petasites</i>	679
<i>Pedicularis herba</i>	710	<i>Petilium</i>	530
<i>Pelecinius</i>	557	<i>Petri Criniti locus</i>	104
<i>Pentaphyllum</i>	617	<i>Petroleum siue oleum sa-</i>	xi 122
<i>Penticoccon</i>	212	<i>Petroselinum</i>	492
<i>Peplis &amp; peplium, peplum</i>	723	<i>Petroselinū vulgare</i>	492
<i>Percapiscis</i>	264	<i>Petroselinum marinū</i>	363
<i>Perditium herba</i>	613	<i>Petrus Brandanus frater Amati</i>	711
<i>Perichlymenos</i>	594	<i>Petrus Fernandus</i>	194
<i>Persea arbor</i>	229	<i>Peucedanum</i>	507
		<i>Phalangium</i>	288. 535
		<i>dd 5 Phala</i>	

I N D E X.

<i>Phalaris herba</i>	568	<i>Pingue estuosum</i>	302
<i>Phaselus</i>	387	<i>Pinguedo</i>	300.302
<i>Phaselus smilax est</i>	336	<i>Pintianus vir doctissimus</i>	
<i>Phasiolus, vel phaseolus</i>	512		
336		<i>Pinus</i>	104
<i>Philanthropos herba</i>	518	<i>Pinus humilis</i>	577
678		<i>Piper</i>	399
<i>Phleon</i>	591	<i>Piper agreste</i>	176
<i>Phillyrea</i>	153	<i>Piper longum</i>	399
<i>Philyra, tilia est</i>	158	<i>Piperis genus calidius</i>	
<i>Phlegmone iecoris, stoma-</i>		quod	399
<i>chi</i>	45	<i>Piper Indicum fructus ru-</i>	
<i>Phœnix herba</i>	323.	<i>bri pyramidalis</i>	20
618		<i>Piperella secunda fberis-</i>	
<i>Phrenesis</i>	76	<i>dis species est</i>	233
<i>Phrygius lapis</i>	792	<i>Pissasphaltus</i>	120.121
<i>Phu, nostra est Valeria-</i>		<i>Pisces saxatiles</i>	263
<i>na</i>	31	<i>Pisces sine sensu viuentes</i>	
<i>Phycides piscis</i>	263	qui	267
<i>Phyllitis</i>	534.566	<i>Piscis columbus</i>	255
<i>Phthifis</i>	74	<i>Pistaria fistici dicuntur</i>	
<i>Picea arbor</i>	104.108	222	
<i>Pici bitumen</i>	121	<i>Pistolochia</i>	437
<i>Picearum vel pinorum</i>		<i>Pituitam soluentia</i>	30.
<i>eruca</i>	285	415.418.515.731.	
<i>Picis fuligo</i>	117	<i>Pitynon physema</i>	115
<i>Picis facultas</i>	118	<i>Pityides</i>	108
<i>Picinum oleum</i>	116	<i>Pityusa</i>	721
<i>Pimpinella</i>	524	<i>Pixacantha</i>	173
<i>Pinaster</i>	105	<i>Pix Colophoniam qua nam</i>	
<i>Pinei nuclei</i>	108	officinis	114
			pix

I N D E X.

<i>Pix Græca qua</i>	114	<i>plutarchus ab Aristotele</i>	
<i>Pix nigra</i>	117	<i>dissidet</i>	247
<i>Pix liquida &amp; sicca</i>	116	<i>pnigites lapis</i>	807
<i>Pix naualis</i>	117	<i>podagra</i>	76.141.437.
<i>Pix quomodo paratur</i>	117	<i>polemonium</i>	587
<i>Pix cedri</i>	129	<i>polemoniū, giarca est</i>	700
<i>Plantago ac eiusdem spe-</i>		<i>polium</i>	537
<i>cies</i>	358.359	<i>polycnemon</i>	523
<i>Plantago aquatica</i>	573	<i>polygalum</i>	700
<i>Platanus</i>	131	<i>polygonatum</i>	453.585
<i>Pleuritis</i>	271	<i>polygonoides vocata cle-</i>	
<i>Plinius à calumnia defen-</i>		<i>· matis</i>	585
<i>ditur</i>	29.495	<i>polygonium</i>	443
<i>plinius contradicit Dio-</i>		<i>polygonon</i>	584
<i>scoridi</i>	547	<i>Polyphorum vinum post</i>	
<i>Plin. doctissimis viris se-</i>		<i>fructus bibendum</i>	746
<i>pe aberradi ansam de-</i>		<i>Polypodium</i>	736
<i>dit</i>	23	<i>Polypus</i>	254
<i>pliny error</i>	106.132.141.	<i>Polytrichum</i>	698
	249.361.396.438.	<i>Poma assa vel cocta à cibo</i>	
	451.528.533.556.	<i>comedenda sunt</i>	202
	592.701	<i>Pomorum varietas</i>	200
<i>pliny inanimaduertentia</i>		<i>Poma que accipienda pro</i>	
	23	<i>syrupo conficiendo</i>	200
<i>pliny locus</i>	9.26	<i>Pomum granatum</i>	193
<i>plinius inconstans</i>	625	<i>Pomum insanum, mela-</i>	
<i>plinius post Dioscoridē</i>	125	<i>zanum, cupidinis</i>	648
<i>annos vixit</i>	117	<i>Pomum terrestre</i>	647
<i>plumbum elotum</i>	761	<i>Pomata siue sepum confe-</i>	
<i>plumbi recrementum</i>	761	<i>ctum</i>	303
<i>plumbarius lapis</i>	763	<i>Pompholyx, bulla</i>	755
		<i>pontica</i>	

I N D E X.

<i>Pontica nux</i>	224.225	<i>Pterygophoros lapis</i>	308
<i>Populus arbor</i>	134.135	<i>Ptisana colata &amp; non colata</i>	315
<i>Porcelletta Italica</i>	240	<i>Pulegium</i>	463
<i>Porcinum rostrum</i>	366	<i>Pulegium montanum</i>	523
<i>Porci talus</i>	280	<i>Pulicaris herba</i>	642
<i>Porrum</i>	532	<i>Pullus ex albo oui gignitur, ex luteo nutritur</i>	274
<i>Porrum agreste</i>	390	<i>Pulmonis vitia</i>	150. 221. 323. 532. 579
<i>Porrum capitatum</i>	389	<i>Pulmo marinus</i>	267
<i>Porrum vinearum</i>	390	<i>Pulnones nonnullorum animalium</i>	267
<i>Portulaca</i>	356	<i>Pulmo suillus</i>	267
<i>Portulaca sylvestris</i>	427. 661	<i>Pulmonaria</i>	673
<i>Poterion &amp; neurax idem</i>	448	<i>Pumex</i>	784
<i>Precocia mala</i>	208	<i>Punicum malum</i>	193
<i>Prasium, marrubium</i>	390. 532	<i>Punici mali domestici flos</i>	196
<i>Pressura herba</i>	666	<i>punici sylvestris flos</i>	196
<i>Principum &amp; ciuitatum auaritia</i>	26	<i>purgantia medicamenta</i>	
<i>Propolis</i>	311	<i>natura humane contraria</i>	735
<i>Proserpinaca</i>	584	<i>purpura quid</i>	238
<i>Prunum</i>	216. 217	<i>putredines</i>	174
<i>Prunorum sylvestrium succus</i>	174	<i>pyra agrestia</i>	211
<i>Psoras detergentia</i>	20. 326. 592. 600. 680. 711. 783.	<i>pyrethrum</i>	403. 503
<i>Psoricum</i>	777	<i>pyrites lapis</i>	795
<i>Psyllium</i>	642	<i>pyrrhus Lusitanus</i>	204
		<i>pyrum &amp; pyrorum genera</i>	

I N D E X.

nera	211	Rapa beyarana	338
		Raphanini oleum vomitum proritat	78
		Rapistrum	398
Quadrupedum adeps	301	Raponeolus, sylvestre rapum est	339
Quercus & robur	180	Rapum & rapa	338
Quid pro quo vocatus libellus	51	Rape ingentis magnitudinis	338
Quinque folium	617	Rasilis arugo	760
Q. Catalabrum vertit Iodocus Valareus	741	Razis liber de 60. animalibus	236
Contra Quartanam	397.494.680	Razis locus	332
		Recentiorum error	36
		Regie nuces	223
		Regionum varietas differentiam parit	230
Rabbinus Moyses de Aegyptio	183	Remel	311
Rabie possunt affici homines	215	Regius flos	529
Radicula raphanus	340	Regius morbus	280.
Radicula herba	404	628.637.710.	
Radix consecratrix	3	Reinosius medicus doctissimus	711
Radix ponti	430	Remora aratri	451
Radix sylvestris	729	Renibus conuenientia	83.
Radix Idea	619	87. 221. 326. 645. 761	
Radix Rhodia	620	Renum obstructiones	360
Ramel quid	311	Resina liquida	107. 114
Rana, & rana piscatrix	259	Resina sicca abietis morbus est	114
Ranunculus	415	Resina lentiscina	112
		Resina	

I N D E X.

<i>Resina</i> quæ oleum, quæ	<i>Rhus</i> obsoniorum & coria-	
aquam, quæ neutrum	reriorum	184
volunt	130 <i>Ribes</i>	153
<i>Resina</i> laricea	112 contra Rigores	423. 469
<i>Resinarum</i> facultates à	<i>Ricininum</i> oleum	72
<i>Galeno</i> descriptæ	114 <i>Ricinus</i>	717
<i>Resina</i> strobilina	114 <i>Risus</i> Sardonius	416
<i>Resinarum</i> præstantissi-	<i>Risum</i> mouentia	65. 416
ma quæ	115 <i>Rizum</i>	319
<i>Resta</i> bonis	451 <i>Robertiana</i> , <i>Roberta</i> her-	
<i>Rhabarbari</i> facultates	ba	544
tres	433 <i>Robur</i> & <i>quercus</i>	180
<i>Rhabarbaro</i> nõ est adden-	<i>Ros</i> Syriacus vel <i>Cyrenai-</i>	
da spica nardi	26. 433 cus	185
<i>Rhabarbaro</i> cinamomum	<i>Rosa</i> hierichontis non est	
miscendum	24 <i>Amomum</i>	40
<i>Rhabarbaro</i> Mesues tri-	<i>Rosa</i> & eius species	169
buit quæ Rheo debentur	432 <i>Rose</i> Alexandrina vel	
<i>Rhabarbarum</i> ponticum	430 <i>Rosa</i> funonis	529
<i>Rhagades</i>	137 <i>Rosa</i> exungulata quæ	172
<i>Rhamnus</i>	146 <i>Rose</i> incarnata solutivæ	
<i>Raphanus</i> radícula	340 sunt	170
<i>Rhaponticum</i>	430 <i>Rose</i> frutex, & tempera-	
<i>Rheon</i> Galeni & quomodo adulteretur	432 <i>Rose</i> partes	172
<i>Rheo</i> alium subducit	113 <i>Rosam</i> sylvaticam quid	
<i>Rheumatici</i> affectus	440 vocet Scrib. Largus	
<i>Rhodia</i> radix	620 162	
<i>Rhodium</i> lignum	51 <i>Rosaceum</i> oleum vel un-	
<i>Rhododaphne</i>	655 guentum	83
		<i>Rosac</i>

# I N D E X.

		S
<i>Rosaceum vinum</i>	752	
<i>Rosaceum zuccarum</i>	169	<i>Sabellica brassica, vel</i>
<i>Rosatus syrupus solutivus</i>		caulis flos 352
171		<i>Sabina</i> 127
<i>Rosci pastilli</i>	173	<i>Sacerdotis virile herba</i>
<i>Rosmarinus</i>	504	409
<i>Rostrum porcinum, herba</i>		<i>Sacola, vel cardamomum</i>
366		maius Arabū, nigella
<i>Rubea minor</i>	519	citrina est 20
<i>Rubea sylvestris</i>	519	<i>Sagapenum</i> 511
<i>Rubia tinctorum</i>	568	<i>Sal, &amp; salis spuma, &amp; flos</i>
<i>Rubigo ferri</i>	760	784
<i>Rubrica febrilis</i>	774	<i>Sal alkali</i> 561.784
<i>Rubrica sinopis</i>	774	<i>Sal Hammoniacus</i> 785
<i>Rubus</i>	612	<i>Sal Indicum</i> 310.785
<i>Rubus canis</i>	154	<i>Salamandra</i> 287
<i>Rubus idaeus</i>	613	<i>Salamandra comburitur</i>
<i>Ruellij error</i>	7.16.20.	287.288
27.42.106.146.147.		<i>Salax eruca cur dicta</i> 382.
157.321.399.402.		<i>Salicaria</i> 582
406.445.453.498.		<i>Salicornia herba</i> 561
582.608.626.630.		<i>Salua</i> 308
668.740		<i>Saluinca</i> 27
<i>Rufus Ephesus</i>	162	<i>Salix, &amp; salicis flores</i> 177
<i>Rumex, eius species</i>	342	<i>Salix equina</i> 622
<i>Ruscus</i>	703	<i>Salmaticenses simplicium</i>
<i>Rusticorum theriaca, al-</i>		curam nullam habent
<i>lium</i>	392	188
<i>Ruta</i>	476.477	<i>Salmonetus Hispanorum</i>
<i>Ruta capraria</i>	587	256
<i>Rutinalis herba</i>	505	<i>Salmuria quid</i> 263
		<i>Salua</i>

# I N D E X.

Salvia	464	Sanguis per urinam	337
Samia terra	807	Sanguis nycticoracis	306
Samius lapis	807	Sanguinem sistentia	183.
Sambacinum oleum	93	360. 398. 426. 445.	
Sambucus	727	466. 584. 592. 610.	
Sampsuchinum oleum	85	622. 628	
Sampsuchus amaracus	85.	Sanguis salubriter bibi	
472		potest	307
Sampsuchus	322	Sanguinis exputio	109.
Sandalus ruber non est		182. 398. 589. 612	
asphaltus	59	Sannicula	589
Sandalorum tres species		Santonicum absinthium	
59		457	
Sandaracha fossilis	781	Sapo & vitrum ex qua	
Sandaracha grecorū que		herba conficiantur	626
126		Saponaria herba	404
Sandyx, cerussa vsta est		Sapphirus lapis	802
766		Sarcocolla, siue carnen	
Sanguinaria, & sanguini-		glutinans	514
nalis herba	584	Sardiana glans	182
Sanguinariis lapis	795	Sardonia herba	416
Sanguis columbe	305	Sardonius risus prouerb.	
Sanguis caninus	306	416	
Sanguis	305	Sarmentorum cinis	788
Sanguis concretus	299	Satureia	471
Sanguinem mundificatia		Satyrion triphyllon	554
680. 731		Sauina	127
Sanguis draconis quid		Saxatiles pisces qui	263
611. 771		Saxifraga	595
Sanguis ex naribus	126.	Saxifraga rubea	550
442		Saxifraga recentiorum.	



I N D E X.

<i>non est Dioscoridis saxi-</i>		<i>Scorpio terrestris</i>	245
<i>fraga</i>	596	<i>Scorpio marinus</i>	246
<i>Scabiosa herba</i>	591	<i>Scorpij occiduntur salina</i>	
<i>contra Scabiem</i>	591.600.		309
	777	<i>Scorpioides herba</i>	742
<i>Scammonia</i>	724.725.	<i>Scrophularia</i>	423.665
<i>Scariola</i>	367	<i>Sebeste fructus</i>	218
<i>Scarlea, sclarea</i>	476.556	<i>Secacul herba</i>	454.585
<i>Scarlea orminium graco-</i>		<i>Securidaca</i>	556
<i>rum est</i>	476.556.	<i>Sedum maius &amp; minus</i>	
<i>Scincus</i>	290		660
<i>Schistus lapis</i>	796	<i>Selago</i>	128
<i>Schænanthum</i>	43	<i>Selenites lapis</i>	802
<i>Schænanthum facile ve-</i>		<i>Selenusia terra</i>	807
<i>terascit</i>	44	<i>Selixon petroselinum vul-</i>	
<i>Schænanthi temperatura</i>		<i>gare est</i>	490
	44	<i>Semen citri quid</i>	209
<i>Scilla</i>	413.414	<i>Semperuiuum marinum</i>	
<i>Scilliticum acetum</i>	414		454
<i>Scilliticum vinum</i>	751	<i>Semper uiuum maius</i>	
<i>Scirrhi</i>	87		660
<i>Scolopendra</i>	246	<i>Sena herba</i>	498.499.
<i>Scoletia erugo</i>	760		500.501
<i>Scolopendria</i>	559	<i>Senecio</i>	667
<i>Scolymus</i>	446	<i>Sentis canis</i>	154
<i>Scopa regia</i>	691	<i>Sentis rubus</i>	612
<i>Scordium</i>	394.538	<i>Sepia</i>	254
<i>Scoria ferri</i>	760	<i>Seplasiariorum error</i>	361
<i>Scorodon</i>	392	<i>Sepum caprinum</i>	300
<i>Scorodo prafon</i>	394	<i>Seps lacerta</i>	289

I N D E X.

<i>Septineruia</i>	358	<i>Sideritis, folastrum</i>	609
<i>Serapinum</i>	511	<i>Sideritis secunda &amp; ter-</i>	
<i>Serapio exponitur</i>	224	<i>tia</i>	610
<i>Serapionis error</i>	55. 60.	<i>Sidia</i>	194
688.		<i>Sigillum Salomonis</i>	585
<i>Serapionis interpretis er-</i>		<i>Sigillum Marie</i>	585
<i>ror</i>	16. 212. 216.	<i>Silanus in nonum librum</i>	
<i>Serichatum Plinij narca-</i>		<i>Rasis scripsit</i>	430
<i>phthum Plinij est</i>	59	<i>Silermontanum</i>	481
<i>Seriola</i>	367	<i>Siligo</i>	317
<i>Seriphium</i>	457	<i>Siliqua dulcis</i>	198
<i>Serpentaria herba</i>	406	<i>Siliquastrum</i>	402
<i>Serpentarius lapis</i>	804	<i>Silphium</i>	510. 511
<i>Serpillum</i>	471	<i>Silurus piscis est sturno</i>	
<i>Seri lactis temperatura</i>	260		
294. 296		<i>Silybum</i>	713
<i>Sertula campana</i>	473	<i>Sinapi</i>	394
<i>Serum napum</i>	344	<i>Sinapi rusticum</i>	397
<i>Sesamum</i>	327. 323	<i>Sinapinum oleum</i>	78
<i>Sesaminum oleum</i>	75	<i>Sinapius Germanus vir</i>	
<i>Sesamoides placētula</i>	322	<i>doctissimus</i>	94
<i>Sesamoides magnum &amp;</i>		<i>Singultus</i>	362. 437
<i>minus</i>	708	<i>Sifer vel Sifarum</i>	341.
<i>Seseli Aethiopicum pelo-</i>			
<i>ponnesiacum, creticum</i>	482		
<i>Seseli Massiliense</i>	481	<i>Sison vel Sinnon</i>	483
<i>Setanium mespilum</i>	212	<i>Sisymbrium</i>	361. 362
<i>Sicla</i>	355	<i>contra Sitim</i>	153. 188.
<i>Sicyonium oleum</i>	71		197. 209. 370. 438.
		<i>Sium, vel Sion herba</i>	
			360

I N D E X.

<i>Smaris piscis</i>	261	<i>Spermaria herba</i>	740
<i>Smilax hortensis</i>	387	<i>Sperma que augent</i>	74.
<i>Smilax arbor</i>	654	76. 190. 326. 382.	
<i>Smilax aspera, lenis</i>	701.	391	
702		<i>Sperma minuunt</i>	176
<i>Smyrniion</i>	493	<i>Spicanardus radix est</i>	21.
<i>Sodomium stagnum</i>	119	23.	
<i>Solanum esculentum</i>	643	<i>Spicanardi rhabarbaro</i>	
<i>Solanum furiosum</i>	645	non est addenda	26.
<i>Solanum somnificū</i>	644	433	
<i>Solanum vesicarium</i>	644	<i>Spicanardi vera abunda-</i>	
<i>Solaris herba maior</i>	6	mus	93
<i>minor</i>	741	<i>Sphondylium &amp; spondy-</i>	
<i>Solatrum</i>	645	lium	505
<i>Soldanella</i>	354	<i>Spina acuta</i>	150
<i>Solea calceamenti</i>	272	<i>Spina Aegyptia</i>	174.
<i>Solis sponsa herba</i>	631	<i>Spina alba bedeguar est</i>	
<i>Solidago</i>	589	444	
<i>Solsequium</i>	632	<i>Spina alba differt ab alba</i>	
<i>Somnifica</i>	384. 485. 488.	spina	444
627. 641. 644. 645.		<i>Spina Arabica vel Aegy-</i>	
693.		ptia	445
<i>Sonchus</i>	364	<i>Spina buxea</i>	173
<i>Sorbum</i>	215	<i>Spinachia</i>	343
<i>Sory</i>	779	<i>Spinachia atriplicis genus</i>	
<i>Sparganium spatula fœ-</i>		est	350
<i>tida est</i>	600	<i>Spodium cinerula dicitur</i>	
<i>Spartum</i>	712. 713	755	
<i>Spasmus</i>	89. 127	<i>Spodium</i>	755. 756.
<i>Spelta</i>	316	<i>Spodij loco quam ha-</i>	
		ec 2 bentur	

I N D E X.

bentur	179. 188. 757.	Stomoma	758
Spongia	791	Stomachum	roborantia
Spongiarum lapis	805	33. 79. 84. 390. 432.	
Spuma argenti	765	455. 598. 743. 745.	
Squama eris	758	747.	
Squilla	413	Stomacho	aduersantia
Stachys	533	391. 348	
Stacte	91	Storax	calamita 97
Stacte, storax liquida est		Stratiotes	fluuiatilis, a-
91		quaticus	674
Staphis agria	710	Stranguria	567. 574.
Statij Papinij locus	62	585	
Stellaria herba	687	Strigmenta	balneorum
Stella maris herba	364	71	
Stella terra	648	Strobili	108
contra Sterilitatem mu-		Strobiline	resina vires
lierum	688	114	
Stercus	307	Strobilus	446
Stercus lacerte	289	Struthion	404
Sternutamentaria herba		Stryges	vere reperiuntur
403		305	
Stibium, antimonium est		Sturio piscis	260
763		Sturni cicuta	nutriuntur
Stimmi alcohol	763	653. 707	
Stirpium differentia	3	Styrax	97
Stœbe	591	Styrax	cur purulentus
Stœchas	460	reperiat	98
Stœchas citrina	630	Suber arbor	181
Stomachi morsus	24. 79.	Succharum	309. 310
280.		Succhaba	Arabum quid
			445

I N D E X.

445		<i>Syriaca herba succus</i>	515
<i>Succharum rosaceum ex</i>		<i>Syriacus vel Syrenaicus</i>	
<i>quibus rosis conficiatur</i>		<i>ros</i>	185
170		<i>Syrupus de acetositate li-</i>	
<i>Succinum</i>	136	<i>monis</i>	210
<i>Succus lycij</i>	173	<i>Syrupus de cichorea exa-</i>	
<i>Succotrina aloë</i>	454	<i>minatur</i>	338
<i>Sudorem sistencia</i>	84	<i>Syrupus de succo Mercu-</i>	
<i>Sudorem cientia</i>	87.574.	<i>rials</i>	739
<i>Suilli fungi</i>	656	<i>Syrupus rosatus soluti-</i>	
<i>Suillum lac</i>	292		171
<i>Suillus adeps omnium hu-</i>		<i>Syrupus violaceus soluti-</i>	
<i>midissimus</i>	300	<i>uus</i>	689
<i>Suillus pulmo</i>	267		
<i>Suis talus</i>	280		
<i>Sumach</i>	184.185		
<i>Sulphur</i>	783	<i>Tagus aurifer fluvius</i>	773
<i>Supercilium Veneris, her-</i>		<i>Talafneria herba</i>	668
<i>ba</i>	610	<i>Talchum</i>	806
<i>Surditas aurium</i>	51	<i>Talus suis</i>	280
<i>Susinum oleum</i>	87	<i>Talus à malleolo differt</i>	
<i>Sycomorus</i>	226		280
<i>Symeon Sethy</i>	384	<i>Tamarindus</i>	188
<i>Symon Sostensis pharma-</i>		<i>Tamarix &amp; Tamariscus</i>	
<i>copola</i>	695		142
<i>Symphytum petreum</i>	588.	<i>Tanacetum</i>	542
	589	<i>Tarantola genus phalan-</i>	
<i>Syncope</i>	201	<i>gy</i>	288
<i>Syracusana pruna</i>	216	<i>Tarraxacon</i>	566
<i>Syriacus succus</i>	510	<i>Tarum Aëtij, Plinij</i>	58
		<i>ee 3 Taurocol</i>	

# I N D E X.

<i>Taurocolla</i>	516	<i>Texendi ars ab araneo ac-</i>	
<i>Taxil</i> quid	330	<i>cepta</i>	289
<i>Taxus arbor</i>	654	<i>Thalassomel</i>	749
<i>Telephium</i>	426.661	<i>Thalictrum</i>	668
<i>Telline</i>	241	<i>Thapsia</i>	711
<i>Telinum oleum</i>	85	<i>Thapsus barbatus</i>	675
<i>Tembul Arabum mala-</i>		<i>Theodorus Gaza</i>	336
<i>bathrum est</i>	34	<i>Theophrasti locus</i>	192
<i>Terebinthus ac eius natu-</i>		<i>Theriaca ex tribus rebus</i>	
<i>ra</i>	III. 112		223
<i>Terebinthina</i> , vulgaris		<i>Theriaca rusticorum</i>	392
<i>laricis est</i>	107	<i>Theriaca falsa ab Arabi-</i>	
<i>Terebinthinum oleum</i>	80	<i>bus paratur</i>	91
<i>Teredines necat resina cu-</i>		<i>Thlaspi</i>	397
<i>pressi</i>	124	<i>Thomas Lucensis phar-</i>	
<i>Terminalium</i>	66	<i>macopola</i>	52
<i>Terra Lemnia</i>	775	<i>Thoracis fluxiones</i>	24
<i>Terra rubra ex fornaci-</i>		<i>Thracius lapis</i>	798
<i>bus</i>	807	<i>Thus &amp; eius genera, cor-</i>	
<i>Terra vermes vel intesti-</i>		<i>tex &amp; usus</i>	99
<i>na que</i>	291	<i>Thuris fuligo</i>	104
<i>Testiculus castoris</i>	257	<i>Thuris manna</i>	100
<i>Testiculus canis</i>	553	<i>Thyites lapis</i>	801
<i>Testiculus lutræ</i>	257	<i>Thymbra</i>	471
<i>Testiculus equi fluuiialis</i>		<i>Thymiama</i>	59
	257	<i>Thymus</i>	470
<i>Testiculorum dolores</i>	76	<i>Thymi flos</i>	730
<i>Testudines &amp; harum pul-</i>		<i>Thymelea</i>	726
<i>pamenta</i>	245	<i>Thymoxalme</i>	750
<i>Teucrium pimpinella</i>	524	<i>Thynnus piscis &amp; eius</i>	
		<i>partes</i>	

# I N D E X.

partes	262	Trifolium sativum, aceto-	
Tiberius Caesar sifer è		sum	681
Germania Romam af-		Trifolium sylvestre	602
ferricuravit	342	Trigla & cur sic dicta	
Tilia	258	255	
Tipha à typha differt	317	Trincavellius Venetus me-	
Tubymalorum septem ge-		dicus doctissimus	787
nera	718	Trinitatis herba	597
Tomentum herba	544	Trissa	256
Tordylum vel Creticum		Triticum	312. 313
seseli	482	Triticum aliquando in lo-	
Tormentilla secunda bi-		lium transit	323
storta est	581	Triticum nigrum	686
Torpedo	247	Tripolium turbit	296
Toxicum unde dictum		Triton apud Olyssiponen	
649		ses	239
Tragacantha	453	Trixago, trixago	526
Tragium	625	Trixago aquatica	538
Tragus 318. 626. 627		Trochisci Alandach	730
Tragopogon	385	Trochisci è rosis	173
Tragoriganum	462	Troglodytes	279
Trasi	14	Tuber & tubera terra	
Tribulus	594. 595	387	
Trichia	256	Tubera erumpunt toni-	
Trichomanes	698	tru	387
Tricoccon mespilum	212	Tunica interior stomachi	
Trifolium	536. 681	gallarum	274
Trifolium Burgundia, sine		Turbit album radix aly-	
magnum	388	pi est	696
Trifolium odoratum	682	Turbit nigrum	722
		ee 4	turbit

I N D E X.

<i>Turbit album</i>	721.731	<i>Venenosum mel quod</i>	
<i>Turdus sibi malum cacat.</i>			309
<i>Prouerb.</i>	518	<i>Venenum in cantharidi-</i>	
<i>Tussilago</i>	139	<i>bus</i>	285
<i>Tussis remedium</i>	7.88.	<i>Venenum canis rabidi re-</i>	
	97.439.552.540.	<i>pullulat</i>	244
	589	<i>Venerem prouocantia</i>	57.
<i>Tutia vulgaris non est</i>			133.190.222.361.382.
<i>pöpholyx, sed Cadmia</i>			412.555.556
	754.785	<i>Venerea herba</i>	7.555
<i>Typha differt à tipha</i>		<i>Veneris corona herba</i>	
	546		361
<i>Typographorum atramen</i>		<i>Ventriculi coctionem iu-</i>	
<i>tum</i>	116	<i>uantia</i>	9
		<i>Ventriculo conuenientia</i>	
			24.59.110.201.203.
			214.222.441.531
<i>V</i>			
<i>Vacinia non sunt hyacin-</i>		<i>Veratrum albū, nigrum</i>	
<i>thi</i>	156		705
<i>Valeriana maior theria-</i>		<i>Ventris fluxiones</i>	24.
<i>caria herba dicitur</i>	31.		79.84
	32	<i>Verbascum</i>	675
<i>Vallis illustris</i>	120	<i>Verbascum Idaeum</i>	67
<i>Valentiana</i>	31	<i>Verbenaca recta et supina</i>	
<i>Varolus Venetorum</i>	257		633
<i>Vena sectio unde adducta</i>		<i>Vermes necantia</i>	357.
	257		668.
<i>Veneno aduersantia</i>	122.	<i>Vermicularis herba</i>	427.
	132.209.282.365.		661
	393.523.589.652.	<i>Vermicularis erugo</i>	760
		<i>Vernix</i>	



I N D E X.

<i>Vernix quomodo paratur</i>		<i>Vinum Hippocraticum</i>	
126		753	
<i>Verrucaria</i>	741	<i>Vinum medietatis</i>	746
<i>Vertemnum</i>	609	<i>Vinum ex pyris</i>	751
<i>Verticillaris herba</i>	505	<i>Vinum granatorum aci-</i>	
<i>Vertigo</i>	122	<i>dorium</i>	752
<i>Vesica dolores</i>	568	<i>Vinum nouum</i>	747
<i>Vespertilionis sanguis</i>	306	<i>Vinum resinatam</i>	752
<i>Veronica</i>	579	<i>Vinum rosaceum</i>	752
<i>Vigilia</i>	377	<i>Vinum scilliticum</i>	751
<i>Vina, aqua marina con-</i>		<i>Vinum vetus quale dica-</i>	
<i>cinnata</i>	751	<i>tur</i>	746
<i>Vina varia ex diuersis</i>		<i>Viola alba</i>	551
<i>plantis</i>	753	<i>Viola purpurea</i>	689
<i>Vinca peruinca</i>	586. 704	<i>Vipera &amp; qui de illa scri-</i>	
<i>Vincentius caprilis</i>	498	<i>pserint</i>	248. 249
<i>Vinearum porrum</i>	390	<i>Viperæ partes extremae an</i>	
<i>Vinum</i>	745	<i>amputande</i>	250
<i>Vini fex</i>	787	<i>Viperarum adeps</i>	301
<i>Vinum absinthites</i>	753	<i>Viperina herba</i>	408
<i>Vinum Albanum</i>	747	<i>Virga cerui</i>	269
<i>Vinum cotoneorum</i>	751	<i>Virga pastoris</i>	443
<i>Vinum Cretense</i>	747	<i>Virgæ ulcera</i>	760
<i>Vinum debile</i>	746	<i>Virgilij et Columella con-</i>	
<i>Vinum ligni Guaiaci quo-</i>		<i>ciliatio</i>	156
<i>modo parandum</i>	169	<i>Virgilij locus</i>	156. 475.
<i>Vinum melitites</i>	747	613	
<i>Vinum Maluaticū</i>	747	<i>Viride æris</i>	760
<i>Vinum ex baccis myrti</i>		<i>Vis naga Dauci genus</i>	
752		497	
		ee 5	<i>Viscum</i>

# I N D E X.

<i>Viscum</i>	517	780.796.	
<i>Visci lignum</i>	518	<i>Ulmus</i>	139
<i>Visum acuunt</i>	80.423.	<i>Ultramarinum</i>	769
723		<i>Umbilicus terre</i>	405
<i>Vitellus oui</i>	275	<i>Umbilicus veneris</i>	663
<i>Vitex piper agreſte com-</i>		<i>Uredo</i>	212.219.
<i>mune</i>	176	<i>Unguenti &amp; olei differen-</i>	
<i>Vicia ſylueſtris</i>	388	<i>tia</i>	82
<i>Viticis genera</i>	176	<i>Unguentaria glans</i>	75.
<i>contra Vitiliginem</i>	602.	186.714.	
662		<i>Unguentorum confectio-</i>	
<i>Vitis vinifera</i>	749	<i>nes</i>	82
<i>Vitis agreſtis</i>	732	<i>Unguentum roſaceum</i>	83
<i>Vitis alba, nigra</i>	733.	<i>Unguentum elatinum</i>	83
734		<i>Unguis in roſa quid</i>	172
<i>Vitis hederacea</i>	614	<i>Unguētum cinnamomum</i>	
<i>Vitis &amp; braſſica inimici-</i>		92	
<i>tia</i>	353	<i>Unguinis herba</i>	629
<i>Vitri herba</i>	614	<i>Unguis aquila herba</i>	363
<i>Vitriolum</i>	776	<i>Ungula caballina</i>	539
<i>Vitriolum Romanū</i>	779	<i>Ungulis odoratus</i>	242
<i>Vitrum ex qua herba con-</i>		<i>Ungule animalium</i>	271
<i>ficiatur</i>	626	<i>Unicornis cornu vera no-</i>	
<i>Ulcera</i>	122.152.140.143.	<i>ta</i>	283
157.160.174.236.323.		<i>Unicornium efficax anti-</i>	
326.360.408.420.		<i>dotum</i>	281
440.456.459.485.		<i>Vocem clarificantia</i>	76
495.508.530.538.		<i>Volubilis ſpinofa</i>	701
552.561.578.584.635.		<i>Volubilis parua</i>	614
645.757.758.762.		<i>Volubilis maior</i>	702
		<i>Volucrum</i>	

I N D E X.


<i>Volucrum mains</i> , herba	mitia redduntur	434
594	<i>Vteri inflatio</i>	544
<i>Vomitum irritantia</i> 78.	<i>Vteri dolores</i>	586
282. 304. 348. 351.	<i>Vua</i>	744
573. 714.	<i>Vuapassa</i>	744
<i>Vomitum fistentia</i> 79.	<i>Vua crispina vel marina</i>	
84. 126.	153	
<i>Vrceolaris herba</i>	614	<i>Vuataminia</i> 710. 734
<i>Vrina</i>	307. 308	<i>Vuandalorum regio</i> 756
<i>Vrina hominis omnium</i>		<i>Vulnera</i> 51. 118. 120. 137.
<i>imbecillima</i>	308	225. 275. 289. 305.
<i>Urinam prouocantia</i> 13.		362. 398. 408. 426.
24. 33. 43. 45. 47. 99.		576. 578. 582. 584.
112. 286. 326. 337.		586. 589. 622. 623.
349. 361. 363. 382. 391.		674.
447. 454. 476. 481.	<i>Vulpis pulmo</i>	267
496. 497. 537. 559.	<i>Vuluaria</i>	740
585. 596. 601. 645.	<i>Vulue procidentia</i>	109
691. 734. 743		
<i>Urinam in potu Galenus</i>		X
<i>non dat, Auicenna dat</i>		
308	<i>Xanthion lappa minor</i>	
<i>Vrine ardor</i>	74	698
<i>Vrinalis herba</i>	701	<i>Xylo balsamum</i> 48. 50
<i>Vrsinum allium</i>	393	<i>Xylo balsamum verum</i>
<i>Vrsorum adeps</i>	301	48
<i>Vrtica &amp; eius genera</i>		<i>Xiphium Plinij</i> 599
663. 664		<i>Xyris gladiolus purpurea</i>
<i>Vsnea</i>	54. 626	est
<i>Vsta omnia si lauentur</i>		600
	<i>Xylocaraton</i>	198
		<i>Zea</i>


## I N D E X.


Z		Zingiber	401
		Zizipha	218
Zea	316	Zopissa	118
Zedoaria	402	Zurumbet	402
Zeilam insula apud In-		Zythum	315
dos	36		
Zibettum quid	56		
Zigi herba	545		

FINIS.

22









# IN PEDACII DIOSCORIDIS

ANAZARBEI DE MEDICA

*materia Librum primum, enarraticnes*

*Doctōris Amati Lusitani Me-  
dici pr̄stantissimi.*

## ENARATIO IN DIOSCORIDIS

PROOEMIUM.



QVOD MEDICVS non solum herbarum ac simplicium medicamentorum notitiam tenere debeat, verum etiam eorum differentias, naturas, positiones, tempus collectionis, ac reposituram obseruare, in presentia monet Dioscorides: cuius verba Galenus sapientissimè, vti solet, animaduertens lib. iij. de Compositione medicamentorum *κατὰ γέννη*, id est, per genera, ita suadet, inquiring: Hinc enim puto bonæ indolis iuuenes incitatum iri, vt medicamentorum materiam cognoscant, ipsimet inspicientes, non semel aut bis, sed frequenter: Quoniam sensibilibus rerum cognitio sedula inspectione confirmatur, cuius rei indicium est euidentissimum, q̄ gemelli per omnia similes esse nobis visi, differentes iis qui ipsos inspicere consueuerunt, videantur. Itaq; herbarum, fruticum, & arborum materiam priusquam è terra eximantur, contemplari pulcherrimum est, dum fructus videlicet futuri sunt, dum eduntur, dum aulescunt, & dum vigent. Hæc siquidè continua eorum speculatio docebit te, quando potissimum ipsos decerpas, ac in siccis domunculis repositos custodias, ne à solis radiis exurantur, nec ab humiditate ex tecto, vel muris madesiant: id optime fiet, si domus neque subterraneæ sint, neque aliis vicinæ, neq; sub tegulis, sed fenestras ad meridiem spectantes habeant, prope quas tamen medica-

menta reponi non debent. & subdit: Quisquis igitur auxiliorum vndiq; copiam habere volet, omnis stirpium materia, animalium, metallorum, tum aliorum terrestrium corporu, quæ ad medicinae usum ducimus, expertus esto, vt ex eis & exacta & nota cognoscat: deinde in commentario meo, quem de simplicium medicamentoru virtute prodidimus, sese exercent: nisi enim hoc modo instructus ad presentis operis praesidia veniat, verbotenus quidem medendi modum sciet, opus verò nullum ipse dignu perficiet. Hæc Galenus, cuius multa & varia similia, consultò prætermittimus, quæ hinc inde adducere possemus, Dioscoridis verbis omnino adstipulantia, & ad partem illam accedimus, in qua legitur, ex herbaru medicamentis durare ad multos annos solum candidum & nigrum veratrum, reliqua ad triennium tantu habere usum. Quæ fanè verba diminuta esse, certum est, quum vt ibidem in contextu collocata sunt, falsa esse sciamus, praesertim ex Theophrasto, lib. ix. de Plantarum historia, capite xiiii. dicente: Elleborus enim vel annis triginta utilis est, malum terræ quinq; aut sex, vernilago nigra quadraginta, fel terræ decem, vel duodecim, pinguis hæc, spissaque admodum est: peucedanum quinq; aut sex, vitis sylvestris anno, si in vmbra & sine ictu reseruetur, alioqui putrescit, & inanis, fungosaq; redditur: & aliis alia tempora tribuntur: Sed omnium medicamentorum diuturnissimum elaterium est opportunuq; quod vetustissimum, Itaque medicus quida, vir haud insolens, neq; mendax elaterium ducentorum annoru virtute mirabili seruare apud se retulit, eo à quodam munere donatus. Causa quamobrem tam longo seruari tempore possit, humoris copia est, ea de causa vel cum præciderint in cinere humidum ponunt, & tamen ne ita quidem sicari potest, sed vsque ad quinquagesimum annum lucernis admotu lumen extinguit: hæc igitur vis peculiaris isti tribuitur. Hactenus Theophrastus. Per quæ verba, satis percipitur proæmium hoc Dioscoridis corruptu, & acephalum esse, quod facillimè quisque ex prædictis Theophrasti verbis satis restituere poterit. Nec enim credere est, Dioscoridè sic in portu impigisse, quum omnium in hac materia oculatissimus ac diligentissimus fuerit, & ea de causa Galenus præ cæteris illi

Dioscoridis proæmium hoc corruptu est.  
Galenus

illi palmam tribuit, herbarum contentus inscriptione ab hoc ipso facta (vt ex proœmio libri sui sexti de Facult. simpl. medicamentorum percipitur) vbi ita legitur: At Anazarbeus Dioscorides, quinq; libris materiã omnem vtilem absoluit, non herbarum tantum, sed & arborum, & fructuum, & succorum, & liquorum, memorans insuper & metallica omnia, & partes animalium: Et mihi vtique videtur omnium perfectissime tractatum de materia medicamentorum confecisse. Quibus proxima sunt illa, quæ lib. primo de Antidotis, ipse retulit, dicens: Sed traditum est abundè de tota medicinali materie quinq; Dioscoridis libris, à quo præter alia etiam olfactus, gustusq; qualitates, quibus potissimum probatiora medicamenta à deterioribus cognoscuntur discernunturq; licet tibi condiscere, in nonnullis etiam visibiles qualitates non parum conferre reperies. Quum igitur Galenus Dioscoridi in historia medicinali primatum tribuat, in eo accuratè intelligendo, desudare iustum erit, quum (vt ille tradit libello de Antidotis primo) Medicum peritum esse oporteat omnium stirpium: Sin minus, at plurimorum & quorum vsus frequens est, genera ipsorum, aut si mauis differentia, Hæ sunt, arbores, frutices, herbæ, spinæ, virgulta: Nam ea ab initio ad finem vt possis cognoscere, in multis terræ regionibus reperies, quemadmodum & ego in Italia offendi variis locis, quæ neque nascentia, neque aucta noverunt hi, qui siccata tantum agnoscunt. At de iis satis, & ad Iridis caput calamus diuertamus.

*Dioscoridè  
palmã tri-  
buit in her-  
barum &  
simpliciu  
deliniatio-  
ne.*

*Stirpium  
differen-  
tia.*

## DE IRIDE.

Græcè, ἴρις Latinè Iris, Radix consecratrix,  
Lilium cœlestè: Lusitanicè, Lirio decor de ceo:  
Hispanicè, Lirio Cardeno. Italicè, Iride,  
giglio azzurro, Lilio cœlestè: Gallicè, des  
flambes du glaycul. Germanicè, Gemeinblauu  
Gilgenblauu Schuuertel veiel vurtz Him-  
mel Schuuertel. Tentonicè seu Flandricè  
belie. Arabicè Asmoni iuni, & Aierfa.

## Textus Primi Enarratio Prima.



Iris.

**I**RIS cuius tantum radix à medicis commendatur, ea est herba, quam hodie officinae sub nomine Ireos monstrant, Quae ideo Iris dicitur, quia eius flores, veluti Iris arcus caelestis multis & variis insigniti sunt coloribus. Reperiuntur enim varij ij colores, in vnoquoq; flore, candidi, pallidi, lutei, purpurei, & vt plurimum caerulei, vt facile quis intelligere possit, Irim dici non ob diuersitatem colorum in specie, sed in diuiduo potius.

Quamquam non ab re esset quoque dicere, irim sic nominari, ob diuersitatem varietatemque colorum in specie reperorum, Quum Iris quaedam albos flores habeat, alia luteos, alia vero pallidos, nonnulla autem purpureos, vt Ferrariae in horto Magnifici Marci Pij adnotauimus, & eas diligentissimis discipulis nostris indicauimus: Imò hanc sententiam verissimam esse, varia Dioscoridis Graeca exemplaria attestantur, cui Plinius subscripsit, lib. xxj. suae Naturalis historiae cap. vij. quum dicit: Floret iris diuersi coloris specie sicut arcus caelestis, vnde & nomen. Caeterum iris Illyrica, omnium consensu caeteris praefertur, & omnium est laudatissima, quamquam tamen in multis orbis regionibus, minoris licet nominis nascitur, nempe in Hispania, Germania, Gallia, & Italia: quae si non Illyrica, aut Macedonica, quibus primas & secundas Dioscorides adscribit: bona tamen censenda est, & eo magis, quanto odoratior fuerit. Illyricae vero, vt refert Plin

*Iris varia.*

*Iris Illyrica caeteris melior.*

*Iridis Illyrica duae specus.*

Plinius, loco à nobis citato, duæ sunt species, Altera raphanitis, ob similitudinem sic dicta, quam eius radix cum raphano habet: Altera rhizotomos, quarum melior habetur, quæ ad subruborem tendit, vt in præsentì loco Dioscorides tradit, à quo nec Plinius disidet: vnde qui Plinium in hac re à Dioscoride differentem contendunt, toto aberrant cœlo, quum Plinium superficie tenus tantum legant, virum alioqui grauissimum, raro solitum errare. Ex iis enim Mathiolus Senensis se offert, primo capite sui Dioscoridis Italice loquentis, Qui obnixè admodum eo loco Plinium errantem ostendere nititur, quum tamen Mathiolus ipse magis reprehensione dignus sit: Nam Plinius nihil quicquam à Dioscoride hac in re variat, vt tamen Mathiolum ipsum aberrantem conuincamus, audiant qui hæc legerint, si quis modo legerit, in primis verba per quæ Mathiolus errantem Plinium credit, adducamus è loco citato, quæ sic habent: Illyrica quoque duorum generum est, raphanitis à similitudine, quæ & melior: Rhizotomos subrufa, optima quæ sternutamenta tactu mouet: hætenus Plinius. Per quæ Mathiolus Plinium accusat, quum innuere videatur, quod Raphanitis melior est rhizotomo subrufa, adeò vt subrufam postponat non subrufæ, quum tamen Dioscorides Iridem colore subrufo maximè laudet, & cæteris anteponat. At hæc tam parua, tamque minutula sunt, vt paucis opus habeant responsis, præcipuè si literam legerimus, vt in codice antiquissimo, ad hunc modum legitur: Illyrica quoque duorum generum est, raphanitis à similitudine, qua & melior rhizotomos subrufa. Sic enim legendo omnis diluitur dubitatio. Nec enim aliud quàm litera vna permutatur, vt facillè loco, qua, perperam postea dictio, quæ, scripta fuerit. Sed esto phrasis, vt in Frobenianis habetur codicibus, legatur, scilicet, raphanitis à similitudine, quæ & melior rhizotomos subrufa, proculdubio non inde elicitur, quòd raphanitis melior sit rhizotomo subrufa, imò contrarium qui vel mediocriter in lectione doctrinaque Pliniana versatus fuerit, deprehendet, quum dictio quæ, non referat aliud, quam rhizotomos, vt sit sensus. Secunda rhizotomos subrufa, quæ & melior.

*Mathiolus  
Senensis fal-  
so Plinium  
accusat.*

Quòd Plinius verò sic intelligendus sit, & quòd cum Dioscoride subrufam iridem laudauit, non aliunde comprobatum iri volumus, quàm ab ipso Plinio, qui seipsum declarat, & cum Dioscoride subrufam iridem laudat, lib. xxj. cap. xx. quo iridis prosequitur iuuamenta, dicens: Iris rufa melior quàm candida, Hæc ille. Quibus clarius aut apertius nihil dici potest: vt merito Mathiolus Senensis accusandus sit, quum Plinium sic immeritò vellicet lancinetue. Cæterù Galenus libro de Antidotis, de iride posteritati memoriam reliquit, cuius verba, vtinam Andreas Lacuna Hispanus vir sine cõtrouersia doctissimus, in Galeno à se in epitomen redacto, non in vniuersum prætermisisset, sed ea potiùs pro coronide subscripsisset, quum nusquam quod sciam, de iride Galenus mentionem fecerit quàm in eo loco, nec enim in libris de Facultatibus simplicium medicamentorù, de iride quicquam reperies: proinde locum è libro de Antidotis in hunc nostrum transcribere non ab re est visum, qui ita habet: Illyricam iridem Andromachus post rosas iniiciendã censet. Quem sermonem ne obiter inaudias, ceu & de alio quodam medicamento, de quibus dicturus sum infrà, optima in unoquoq; genere quale sit, edocens, polium itaque & chamedrys Romam apportantur paulò præstantiora his quæ in Italia nascuntur. In quibusdã enim locis Italiæ non multo inferiora crescunt, illis annis quibus ver totũ non humidum euaserit, quemadmodum sæpe fit, vt assimiletur ætati. Verùm quum sicciior aëris constitutio oboritur, ea quæ Italia profert aut Cretenfisibus similia, aut non multo deteriora quædam nascuntur, exempli gratia, chamedrys, chamepitys, hypericũ, gentiana, thlaspi, nigrum veratrũ, aliaq; similia: Ac de iride non ita habet, nam si conferas eam quæ ex magna Thibya Romam copiosissima affertur, tantum ab Illyrica abest, quantum mortuum corpus à viuo: non tamen in aliis nationibus ita multum abesse apparet: atq; in huius genere odoratiorem deligito, quemadmodum in aliis medicamētis. Vnumquodq; enim præstantissimum est, quod proprium generis sui odorem habet valentissimũ, quod ex multa inspectione singulis innotescit. & subdit: omnes itaq; prodiderunt, irim quidem esse laudatissimã, quæ in Illyricis nascitur. Hæc Galenus,

rursus:

Andreas  
Lacuna  
Hispanus  
vir.

Iris apud  
Galenum.

rursus: Illyrica regio, hodie Sclauonia dicitur, ex qua hodie quoque ad nos iris optima affertur, quæ calida & sicca, prope tertium gradum temperamenti locatur, & ex ea eclegma in officinis, contra pectoris vitia paratur: Nam tulsus utilis est, & humores in pectore viscidos, & cõtumaces extenuat: communis autem iridos (nam Illyrica sicca ad nos defertur) succo, contra hydropem vtimur, non contemnendo profecto iuuamento, vt curatione. xxiiij. Centuriæ primæ nostrarum curationum abundè diximus, vbi vnicam integram electuarij è radice cum melle parati, pro aluo subducenda propinamus: Imo & succi huius nostratis iridis, ad vnciam vsque vnam, non nunquam cum melle rosaceo colato, aliquando verò cum decocto senæ, vel aqua mellis mixtam præbemus.

Authoris  
Centuriæ  
curationis.

## DE ACORO.

Græcè, ἀκορον, Latinè, *Acorum, Acorus, herba Venerea, galangua crassa*: Hispanicè, *Italicè, Acoro, Calamo aromatico*, Gallicè, *galanga*: Germanicè *Schuuertel vrtz. Arabicè vage & vgi.*

## Textus Secundi Enarratio.

**A**corus Venerea dicta herba, quæ ab officinis Septentrionalium Acorus simul vocatur, ea apud omnes, aquatica gladiolus, luteis floribus insignita putatur herba non sine tamen antiquo atque inueterato errore, quum Dioscoridis in præsentis loco verba, cui in herbarum & fruticum descriptionibus fides est habenda, sicuti Galenus, in earundem perscribendis naturis ferè illi conueniant. Nam vt radicis figuram præteream, quæ minime respondet, illius potius sapor astringit, & quasi insipidus quandam præ se frigiditatem fert, non ferè acris est, nec secum vllum adferens odorem, quæ vero acoro pernecessaria esse, tum Dioscorides, tum Galenus, atque eius simia Paulus Aegineta testantur. Nec minus ex Plinio hoc satis probari potest, vt ex dicendis patebit: vnde mirari satis non possum, quo modo Ruellius Gallus, vir alioqui doctissimus, in hunc condescenderit errorem, vt apud illum est legere libro ij. sui voluminis de natura stirpium, eiusdem numeri capite. proinde quum acorus aquatica hæc gladiolus

Ruellius  
Gallus testatur.

Author  
ab hinc. 15  
annos cō-  
mentarios  
in Diosco-  
ridem scri-  
psit.



*Acorum.*

& Rodericus Lusitanus succedaneo vtendum esse censent calamo illo nostro aromatico, siquidem hic nomini suo non satisfacit. Nicolaus Leonicensis, & Antonius Brasauolus, quam officinæ galangam vocant, verū putant esse Acorum, quoniam huic descriptio tota sit conueniens. Hæc ille. In lucē enim superioribus illis annis commentarios, sub nomine Ioannis Roderici Lusitani, euulgauimus. Nunc vero, rem ipsam pensitatus aduertens, ab hac libere desistimus opinione, quum magis inclinatus animus, huic adhærere alteri, videlicet, quod galanga crassius verus acorus sit. Quam intelligens Apuleius Veneream vocauit, raramque inuentu, suo uero dixit. Quod vero crassa hæc galanga verus sit acorus, testatur radice ipsius figura, quæ omnino acoro respondet: tum sapor ipsius acer ad amaritudinem tendens, vt adnotat Galenus, nec gratus in ea quoque deest odor. Quantum vero ad colorem attinet, in quo maior vel tota apparet difficultas, quum galanga nigra ad rubedinem vergens est, Acorus vero, vt tradit Dioscorides, albus esse debet, & candicans. Plinius hanc animad

Author Io-  
annes Ro-  
dericus Lu-  
sitanus est  
dictus Do-  
ctor Ama-  
tus.

Galanga  
crassa ve-  
rus acorus  
est.



animaduertens dubitationem, illi occurrit, et eam diluit, libro suo Naturalis historiae xxv. capite. xij. ita iniquies: Acoros, iridis folia habet angustiora tamen, & longiore pediculo, radices nigras, minusq; venosas, caetero, & has similes iridis, gustu acres, odore non ingratas, ruptu faciles. Optimae Ponticae, deinde Galaticae, mox Creticae, sed primae in Colchide iuxta Phasim amnem, & ubicunq; in aquosis, Recentibus virtus maior quam vetustis, Creticis candidiores Ponticis. Haec Plinius. In quibus, inquit, Acorus Ponticus optimus est, qui radices nigras habet possidetq; , quales in galanga conspiciuntur crassa: in parte praecipue exteriore superficiali, ad rufedinem vergentes: Sed in hoc quod subdit Plinius, Creticae candidiores Ponticis, in quo absurdum asserere videtur, quum Creticas radices candidiores Ponticis insinuet, ac si Ponticas candidas dixerat, quum potius eas nigras praefixit, omnem sustulit dubitationem: exponens utiq; Ponticas acori radices candidas esse, quo ad partes centrales interiores: sed Creticae Ponticis candidiores sunt, in eisdem partibus, quum utraque nigrae in parte sint exteriore. Nec enim Plinius tam lethargicus, aut obliuiosus in scriptis suis reperitur, ut sit iudicare hic tam turpiter errasse, nec meminisse tribus antea versibus scripsisse Ponticas acori radices colore nigras esse. Intelligendus igitur Dioscorides venit, quum inquit, acori radix primam habet bonitatis aestimationem, quae colore subalbida, densa, & candicans est, in parte interiore, quum in exteriore potius nigricet cum quadam rufedine, ut in crassa conspicitur galanga, cui nec folia iridis desunt, ut ab iis accepimus, qui in Guineam nauigauerunt, & eam inde eradicantes, ad nos singulis annis transfuehant, quanquam a Syria, & Babylonia eam quoque afferant: vnde multi herbarum confectores, Cyperum Babylonicum eam cognominarunt. Alia vero galanga Indica est, quam seplasiarij subtilem appellant, secundum sui totum rubens, ex qua, conditum apud officinas paratum habetur coctionem ventriculi iuuans, & omnes frigidos dolores finiens. Caeterum Galenus, acori, libro vj. de facultatibus simpl. medicamentorum ita meminit, dicens: huius radice utimur, quae gustu modice amaro est, odoreque non iniucundo: Itaq; facultatis calidae est, & con-

*Plinij locus expeditur.*

*Acorus Galeni.*

*Leonice-* sistentiæ tenuis, quare & vrinam mouet, & lienes indura-  
*us vir* tos discutit, cerato idisq; crassitiem detergit, extenuatq;  
*multa eru* ad quod succus præstantior existit. Calfacit enim, & sic-  
*ditioe præ-* cat, in tertio ordine. Rursus, hanc sententiam q̄ galanga  
*ditus.* crassâ, verus sit acorus, primo adstruxit Leonicenus, vir

*Antonius* multa eruditione præditus, quem postea secutus fuit An-  
*Musa Bra* tonius Musa Brasauolus, mihi Piladea quadam amicitiz  
*fauola.* coniunctus, vir & morum sanctitate, & eruditione non

*Leonhar-* vulgari insignis, cuius quoque iudicio, subscripsit Leo-  
*ardus Fuch-* nhardus Fuchsius, in illo suo magno artificio confectô  
*sius.* herbario. Patres quoq; qui nuper Mesues Antidotarium

*Monachi* enarrarunt, galangam, radicem iunci odorati esse conten-  
*Mesues e-* dunt, non sine ingenti errore: tamen, vt omnes vel medio-  
*narrato-* criter in re herbaria exercitati norunt. Proinde contra il-  
*res ballu-* los non opus est incedere, quum satis reprehendatur id  
*cinantur.* quod falsum esse omnes norunt. Quo nomine verò, Aco-  
 rus istic communis apud Dioscoridem appelletur, id quar-  
 to libro dicemus.

## DE MEO.

*Græcè* μέγαν μῆλον, *Latinè*, meum, *Hispanicè*, pi-  
 nillo, *Arabicè*, mu. *Athamanticum*, anethum  
*syluestre*, fœniculus tortuosus. *Germanicè* Baer  
 vurtz, & Hertz vurtz.

### Textus tertij Enarratio.

**D**Oleo quidem non mediocriter, quod non maiorem  
 noscendis simplicibus, in Lusitania iuxta atq; His-  
 pania, operam nauauerim, vt maior mea posset esse facul-  
 tas, hisce præcipuè patrocinâdi, quibus herbarum cogni-  
 tiones sunt cordi: non verò illis, qui quum palliotenus  
 doctores haberi student, totam hanc operam herbarum  
 tam imprudenter spernunt, quàm insigniter ignorant,  
 quibus quid in præsentia precemur, nisi aliquando me-  
 liorem mentem dari, vt quod hætenus sunt aspernati,  
 agnoscentes, malint semel bene recurrere, quàm semper  
 (quod est in prouerbio) male currere. Nam tunc melius  
 nobis liceret cum hisce tum hominibus nostris sperare,  
 qui illorum ignorantiz, non sine maximo vitæ periculo  
 sunt

*Meum.*

sunt obnoxij, quod optime possent esse indicio  
 Meu herba: Quæ quum in Hispania famigeratissima sit, tamen hactenus ab illis est ignorata, & quanquã absiduis eorum importunis que calumniis ab hac cognitione fuisset deterritus: tamẽ persuaderi nõ potui, ut eam penitus abicerem, quod factum est, ut si non omnes, saltem bonam dum illic ageremus partẽ cognovissẽ, inter quas Meu fuit: quã in Hispania nasci, Dioscorides, præ cæteris in hac re diligẽs scrutator, est author. Est igitur,

Meu herba, caule, & foliis anetho similis, verum crassior, radicibus comosis, obnigris, in obliqui rectumq; sparsis, & frequentibus, qua de causa hodie multi tortuosum sceniculum, siue tortuosum anethum appellarunt hæc: Cæterum radices, in medico usu à multis desiderantur, quæ facillè ex Hispania, & montibus Bononiensibus in multas orbis partes vehi possunt. Nam olim mihi, quosdam Germanorum agirtas conveniẽti, qui in Antuerpiam tanquam celebre emporium, non paucas herbas adferre solent: quidam, inter alias quasdam radices ostendere, suo nomine berrouertez appellatas: quas tamen meu esse herba, summo opere contendebat, quum ex herba folia, caulemq; non dissimilia anetho habente se collegisse affirmabat, eaque de causa, ab officinis Germaniæ, pro vero meo habebatur: cæterum minime ita se rem habere, illud mihi indicabat, quod præter discrepantẽ figuram, non erant odore, quem aromaticum meon Hispanum habet. Nam multi quoq; Itali pharmacopolæ pro vero meo quasdam indicant albas radices, daucum odore referentes, quæ non multum ab

*Meu in Hispania herba famigeratissima.*

*Meu tortuosum sceniculum.*

illis

*Meu verū  
in Italia  
nascitur.*

*Spica nar-  
di radix  
est.*

*M. Virgil.*

*Mathio-  
lus falli-  
tur.*

*Gaspar de  
Gabrielis  
nobilis Pa-  
tauinus.*

*Glans vn-  
guētaria,  
ben Ara-  
bum est.*

illis quibus Germani vtuntur absunt. At re vera, verum meum in Italia nascitur, in montibus præcipuè Bononiensibus, ex quibus Herbarij quidem diligentissimi ad nos attulerunt illi nō nisi à nobis in Hispania conspecto, simile, quod Dioscoridis historiæ in vniuersum responderet: nam radices exterius nigræ, intus verò albæ sunt, quarum odor similis illi est, quem fœniculum siccum ex se spirat, suauior tamen: earum quoque sapor, non admodum acutus erat, aromaticum quid præ se ferens: quæ in infima parte capillatæ, comatæ uè adeo reperiuntur, vt spicâ nardi quicunq; has radices viderit, primo intaitu esse dicat. A quibus argumentum non mediocre desumimus, quòd spica nardi passim officinis obuia, radix potius, quàm plætæ summitas sit, vt suo dicemus loco, quum Galenus ita esse nobis antea dixerit. Curabunt igitur deinceps pharmacopolæ, verum meum non solum ab Hispania, sed etiam montibus Bononiensibus habere, quum ibidem verum & Athamanticum reperiatur: sic dictum, quia ab Athamante inuentum. Nec enim veritas ipsa occultanda est hac de causa, quia Plinius scriptum reliquerit, suo tempore meum in Italia non nisi à paucis medicis feri, vt apud ipsum est legere lib. xx. capite xxiii. quem secutus postea Marcellus Virgilius vir alioqui doctissimus, rei tamen herbariæ non admodum peritus, dixit, nunc quod sciam, nullum Italiæ meon est: Ob quæ verba, Mathiolus Senensis, in Italia quoq; meum nō reperiri clamat. Imo contra Patres Mefues interpretatores acriter agit, qui in Calabria & Nursiæ montibus meum nasci, & inde eradicasse affirmant, quod ita esse crediderim, quum apud Bonontam quoq; nascatur, vt testes sunt, Nicolaus Nicolucius pharmacopola Ferrariensis, & Gaspar de Gabrielis, nobilis Patavinus, harum rerum maximus indagator, & qui publicè rem herbariâ apud Ferrarienses profitetur. Accusandus igitur Mathiolus potius est quum negligens in inquirenda hac herba fuerit, quàm diligentissimi patres, qui defudantes, Nursiæ montes, vt eam inde eradicarent, ascenderunt. Interdum tamen avarus pharmacopola si hac caruerit radice, Galeni & Aeginetæ consilio, in suis Antiuallomenis, succedaneis dictis, myrobalano, id est, glande vnguentaria, vti debet: est enim

enim glans siue nux vnguentaria, ea quam Græci myrobalanum, siue balanum myreplicum vocant, quam myropolæ, vnguentarij dicti, Arabica voce, ben appellant, & ea pro conficiendo oleo, ac suffitibus maxime vtuntur, vt iij. libro, cap. clxj. copiosius dicemus. Caterum est meum, vt testatur Galenus lib. vij. de Facult. simpl. medicam. calidum tertio ordine: siccum verò secundo, vt eius hæc indicant verba: radices eius sunt calidæ tertio excessu, in secundo siccæ, proinde vrinas mensesq; mouent, quòd si liberalius sumantur, capiti dolorem conciliant.

Meum Galeni.

## DE CYPERO.

Græcè, κύπερος, Latinè, cyperus, cyperus odoratus, angulosus iuncus, triangularis iuncus, quadratus iuncus: Hispanicè, iuncia de olor & iuncia auellanda: Lusitanicè, iunca de cheiro, Albasor: Gallicè fouchet: Germanicè, Vuildargalgan: Longobardicè, tricola. Arabicè, saherade. Italicè, Cypero.

Secunda species cyperi.

Secunda species Cyperi, Latini, Curcuma officinarum, radix Indica.

## Textus quarti Enarratio.

Consultius mea sententia esset, si in præsentia cyperi tres species potiùs describeremus, quàm duas tantum, quum re ipsa conspecta, ita esse comperimus: nam altera species, iuncus est, folia porri in parte declinatori habens, longiora tamen & exiliora, in cuius cacumine minuta sunt, inter quæ semen exoritur; cui caulis cubitalis & maior inest, qui plerunq; quadrangularis conspicitur, nam radices rotundæ, nonnunquam oblongis oliuis sunt similes, nigræ, suauiter olètes, & gustu aliquantulum amaricantes: hanc verò Cornelius Celsus verus Hippocratis imitator, libr. iij. suæ medicinæ capite xxj. quadratum iuncum appellauit, cuius in aquis & palustribus plerunq; nascentis radices, medico vni seruantur: quibus vniuersa Hispania abundat, nec opus habet Syriacis,

Cyperus quadratus iuncus à Cornelio Celso appellatur.

*Iūcius auel  
lanaquid.*



*Cyperus*

cis, quas sua voce præcipue Salmanticenses pharmacopolæ, auellanada vocant, nec enim in Italia præsertim Longobardia desunt, sed myropolæ parum curiosi, communioribus radicibus earum loco vtuntur, iis autem radicibus affinis cum voce, tum figura, alia radix, quam vniuersa Lusitania iuxta ac Hispania, iunca auellanada vocant: quod verbum tu rudius sed significantius, iuncum auellanam vertas, quæ ex Aethiopia & insulis circumiacentibus in Lusitaniam deferuntur, magnitudine auellanæ nuclei, vnde nomen traxisse videtur, colore exteriore subpallido, nam intus lactea est. capiti etiam, vt illud obiter attingamus, non mediocriter conducit. Hanc quoque radicem Venetiis, apud pontem Ripæaltæ, venalem videre est, quam ibi sua voce Trasi vocant: quæ licet ex Aethiopia, præcipue ex insula sancti Thomæ, æquinoctiali subiacenti ad nos afferatur, in Italia quoq; nasci certum est, vt ij qui Veronenses campos percurrerunt norunt: quam radicem ibidem ex herba ferrugini, secalæ, siue centeno dicto persimili eradicant. Secunda autem species Cyperi, vbiq; in aquosis comperitur, foliis à prima non dissimilibus, caule tamen triangulari, cuius radices oblonge, tortuosæ, nigrae, ad rufedinem vergentes sunt, sed multis implicitis internodiis, quæ iucundè spirant, & parum, ob nimiam contractam humiditatem, amaricant. Hanc Plinius libro xxj. cap. xvij. triangularem appellauit iuncum, cuius radices, Hispaniæ & totius Italiæ mulierculæ, aceto paratas, pro odoramento, ac suauisuffitu recondunt: Nec communiore officinæ, alias,

alias, præter has radices, pro vero Cypero monstrant habentue, quum tamen illæ primæ, oliuis similes, à Dioscoride, vt præcipuæ comendantur. hanc verò secundam speciem Cyperi nominari cupimus, cui veluti & primæ, Dioscorides caulem, non quidem triangularem, aut quadratum inesse dixit, sed angulosum potius, vt cautos nos redderet, q̄ cyperus & triangularis, & quadratus reperitur. Item quod melius esset, triangulari illo, radices oliuis similes habente vti: quanquam & altero, pro vero dexterrime vti possimus, pro vt hoc tempore myropolæ continuo factitant. Cæterùm Plinius lectorè in præsentia monitum desiderat, ne nominis vicinitate decipiatur, quum Cypirus longe alia sit res à Cypero. Est enim Cypirus herba, quam xyphion Græci appellant, nostri verò gladiolū, bulbosas radices habens, de qua lib. iiii. mentionē facimus. At licet Plinius hæc suadeat, apud Theophrastū tamen, Cypirum pro hoc de quo agimus capi nouimus, anguloso scilicet, odorato, cuius radices, testatibus Galeno, ac eius simia Paulo, libris septimis huic dicatis negotio, exalfaciunt, siccantque absq; morſu. Quare humidioribus viceribus, cicatricem mirabiliter inducunt, quibus & incisoria quædam inest vis, qua calculos comminuunt, vrinamq; & menstrua promouent. Tertia Cyperi species quam Dioscorides secundam facit, ex India ad nos vsq; fertur. radix gingiberi figura, sapore & odore non absimilis, vnde fit quod frequenter inter gingiber reperitur: nam commanducata crocatum sputum reddit, & ex ea Dioscorides psilothrum, siue depillatorium parari inquit, id quod nos experimento compertum habemus. Vt tamen rem de qua agimus qui hæc legerint, noscant, scire licet, quod Cyperus iste Indicus, ea est radix, quam communiter officinarū seplastarij. Curcumam nomināt. Nec enim in hoc ambigendum est, quum inter se adeo conueniant, vt inuitè hoc fatendum sit: sed in hoc animaduertendum duximus, quod Curcuma hæc quæ passim in officinis monstratur, non ea est, quam Serapio capite cexcij. describit, quum ibi potius chelidonium maius & minus Serapio pertractet, vt cuique conferenti ea quæ in ipso capite inquit, cum iis quæ à Dioscoride describuntur, capite de chelidonio, facile patebit.

*Cyperus  
triangula-  
tus et qua-  
dratus.*

*Cyperus et  
cypirus dif-  
ferunt.*

*Cyperus ter-  
tia species.*

*Cyperus  
Indicus  
curcuma  
est.*

*Curcuma  
officinarū.*

*Differt à  
Serapionis  
curcuma.*

*Serapionis  
interpres  
errat.*

*Ruellius  
errat.*

patebit. Hinc enim error ortus est, vt hucusq; crederetur, quòd curcuma hæc officinarum, non cyperi sit radix sed chelidonij potius: imò pharmacopolæ chelidonij radicem, ob magnam quam habet cum vulgari curcuma similitudinem, curcumam appellant, nec aliter interpretantur quum curcumã legunt, quod, id est, radicem chelidonix, ignorantes radicem hanc ex India delatam, cyperum istum apud Dioscoridem esse. sed re vera firmiter crederem Serapionis interpretem, ansam aberrandi pharmacopolis dedisse, non vero ipsum Serapionem, quum ruroch, verbum Arabicum, chelidoniam significans, interpres curcumam verterit, vnde postea pharmacopolæ, vt diximus, curcumam chelidonix radicem esse semper hucusq; crediderunt: quum tamen Serapio ipse de hac Indica curcuma, sub cyperi nomine egerit, Dioscoridem imitatus, vt apud ipsum est legere, cap. clxxxix. Cæterum Ruellius Gallus, libro sui voluminis, ij. cap. iij. Cyperum hunc Indicum, radicem quandam esse, quam officinæ terram meritam appellant, ait, quam nisi curcumam hanc officinarum intelligat, procul dubio vñ nouistis, errat.

## DE CARDAMOMO.

*Græcè, καρδάμουρον, Latinè, Cardamomum, Cardamomum Indicum, Cardamomum maius: Arabicè, cordumeniũ. v. cordumeni vel Cardameni: vulgò cardamomo, Germanicè Cardamomelin.*

## ARABVM CARDAMOMVM.

*Arabicè, Sacola, Latinè cardamomum minus, Malagueta, maligreta, granum paradisi: vulgò malagueta.*

*Cardamomum aliud minimum: Melanthij species: Serapionis maius est.*



## Textus quinti Enarratio.

**N**isi celebre illud aroma, quod ex India, præcipue Cananoris insula, aduehitur, Græcorum cardamomum sit, vt illud dignoscamus vate proculdubio opus habemus, cardamomum dico, angulosum granum, nullam exacte figuram habens, in siliquis, ciceris cuiusdam modo, nascens, quod officinæ (absoluta voce) cardamomum appellant, vel cû additione cardamomum maius, vel Indicum cardamomum, quod an cum hoc à Dioscoride & Græcis depicto sit, vnum cum altero conferre opus est, nam Dioscoridis præsens cardamomum vt bonum sit, decet contumax frangenti sit, plenum, densum: item, quod odore caput tentet, gustu acre & subamarum: Cardamomum verò Indicum à nobis descriptum, granum angulosum est, subrufum, sapore non adeo acre, in siliquis quibusdam nascens, quæ omnia tantum absunt ab altero, quantum cancer abest ab anguilla: quo factum est, vt omnes hucusq; scribentes, cardamomum hoc Indicum, non esse Dioscoridis, aut Græcorum cardamomum, dixerint. At mea sententia falluntur, viri alioqui eruditissimi, quum parum animaduertant, Græcos homines, crebro arbores, frutices, plantas, arbusculasue, ex quibus fructus vel semina colliguntur, describere, fructibus vel seminibus ipsis intactis, vt in carpesio facile videre est, ne quis mihi falsum loqui obtrudat: de quo quum Galenus libro de Antidotis primo loquitur, inquit: festucas tenues quasdam perfimiles furculis Cinnamomi esse odore & sapore valerianæ non ab similes, illius tamen fructum subtrahit, qui Actuarius viro Græco doctissimo teste, cubeba officinarum est. Dioscorides igitur arbusculam cardamomum dictam delinians inquit, illud probatissimum esse, quod ex Comagene, Armenia, & Bosphoro affertur, quanquam in India, & Arabia nasci quoque tradat, difficulter frangibile, plenum, & præclusum: quod enim tale non erit, non bonum dicendum est, quibus addit, vt bonitas huius ligni exactius dignoscatur, quod tale sit, vt odore sensu tentet, gustu acre & subamarum: quæ omnia ligno cardamomi conuenire non dubito, quin potius certus sum,

*Carpesiū  
cubeba est.*

*Cardamo  
mi plāta,  
a Dioscori  
de describi  
tur.*

& experimento compertum habeo, omnes has dotes, quas Dioscorides suo tribuit cardamomo, in siliquulis cardamomi reperiri, præcipuè recentibus, vt olim Antuerpiæ, ad quam omnium aromatum ex India, & aliis exteris regionibus magnus est confluxus, exacte nouimus: nam vetustate confectæ siliquæ, nullam prædictarum ferè conditionum habent, veluti omnes sunt, quæ in Italiam aduehuntur. Describit igitur, vt receptui canamus, Dioscorides, fruticem, siue plantam cardamomi, non verò semen ipsum. At Plinius, semen potius quam lignum delineat, vt apud illum est legere lib. xij. cap. xij. vbi illius quatuor facit genera, quorum secundum, hoc Dioscoridis est cardamomum, de quo Andromachus in descriptione sic cecinit, & cardamomum quod tenet Indus ager. Nec enim hodie, apud Indos cum quibus magnum est Lusitanorum commercium, aliud prorsus cardamomum nominatur, vel reperitur: vt demum fateri debeant, Cardamomum Indicum hoc, Græcorum esse cardamomum: quod Serapionis interpres ineptè admodum cordumeni, id est corui agreste, vocauit, vt apud ipsum est legere capite ccciiij. de Hardameni: vbi quoque idem interpres taxandus venit, quum vice vertendi, Cardamomum pellit latos ventris lumbricos, dixit a scarides.

*Cardamo  
mum Indi  
cum, Græ  
corum car  
damomi  
est.*

At quum de Cardamomo agamus, non ab re erit de duobus quoque aliis Cardamomi generibus, quæ in officinis habentur, verbum facere, quorum vnum Cardamomum minus comparatione ad Indicum dictum, Cardamomum dicitur: quod tum intelligas velim, virtute siue aromaticitate, quum forma hoc maius sit, quod malignetam à terra vnde eum deferunt cognominant, quam alii granum paradisi magis appellari placeat: est enim hoc granum, rufum, presium, in pyramidem vergens, quod ex Guinea regione Malagueta dicta, in Lusitaniam tantum adducitur, sapore acuto, acri, nam odore omnino caret, quod Græcis ignotum fuisse certus sum, testante id Auerroe, lib. v. sui Collectorij, vbi enumerans ille aliqua quæ post Galenum fuerunt reperta: hoc Cardamomum cap. xxv. obiter attingit, quasi diuersum sit, ab eo priori cuius antea capite xxiiij. eiusdem libri meminerat: Imò Serapio quum de hoc agit Cardamomo

*Cardamo  
mū minus  
malaguet  
ta est.*

*Cardamo  
mū minus  
ignotum  
Græcis.*

maligueta

maligueta dicto, sub nomine Sacolæ, nec Dioscoridem aut Galenum, ut plerunque solet, adducit, quasi de re illis ignota agens.

Alterū vero Cardamomi genus ab officinis receptum, semen subcitrinum est, angulosum, boni odoris, saporis aromatici, pingue, puluerulentum, nihil à melanthio præterquam colore differens, quum melanthiū nigrum sit, hoc verò ut diximus, subcitrinum, quod & nigellam vocant, de quo nec Græci aliquam fecere mentionem.

N I C A N. Vbi nam Arabes huius meminerunt Cardamomi? A M A T. eo capite in quo de Maligueta Serapio agit, & de hoc quoque sermonem fecit. N I C A N. Sub quo nomine? A M A T. ut paulò antea diximus, sub nomine Sacolæ, nam eo loco Serapio duo Cardamomi genera facit, maius & minus: Maius cortices habet, & capita sicut rosa, & sunt grana magna sicut nabachi, aut maiora parum, & intra ipsa sunt granula parua, angulosa, boni odoris, pingua, puluerulenta, & delectabilioris naturæ quàm minus: Imo in sapore suo est stipticitas, & acuitas. N I C A N. quid per hæc verba intelligit Serapio? A M A T. ut hæc quis deprehendat, plus sedentario studio opus habet, quum tamen tu celebris nostra hæc ætate sis philosophus, & vir omnis antiquitatis & eruditionis amantissimus, at mihi Pyladea quadam amicitia coniunctus, non grauabor rem in medium asserere, ut ea conspecta, Serapionis mentem facillimè teneas, in iis enim calicibus semen, ut vides, subcitrinum, angulosum, boni odoris, ac puluerulentum includitur, quod Cardamomum, ut diximus, officinæ appellant, alij verò, nigellam: hoc igitur Serapionem intellexisse hucusque sum arbitratus, quum cardamomum maius ibidem nominat, N I C A N. ita esse res ipsa clamat, & Antonius Musa

*Alterum  
cardomo  
mi genus  
nigella spe  
cies est.*

*Nicaner  
Toletanus  
vir doctis-  
simus.*

*Antonij  
Musæ Bra  
sauole bn  
manitus.*

*Facola si-* apud Serapionem maius cardamomum. Vnde Ruellius,  
*ue carda-* in hac re, minime audiendus est, quum lib. ij. sui Volumi-  
*nomu ma-* nis stirpibus dicati, contendat, quod Cardamomum ma-  
*ius Ara-* ius Serapionis, piper Indicum vulgò dictum sit, passim  
*bum: nigel-* herba nascens, non multum à solano communi dissimi-  
*la cirriva* lis, cui flores lutei insunt, in quibus fructus postea prode-  
*est.* unt quidem oblongi, pyramidales, cordis effigiem re-  
 Ruellius presentantes, primo virides, postea lutei, maturi verò  
*non bene* quum sint, adeo rubri & lucidi fiunt, vt corallum esse ap-  
*sensit in* pareant, intra verò fructum istum, semen lentibus paruis  
*cardamo-* simile includitur album, adeò mordax & acutum, vt per  
*mo maiori* se vel cum ipso fructu commansum, & linguam & fauces,  
*Arabum.* igneo quodam feruore exurere videatur: hunc autem fru-  
 Piperis in- ctum tanti feruoris & acuitatis, Vulgus, piper Indicum  
*dici fru-* nominat, quod Arabum non esse maius Cardamomum,  
*ctus rubri* vt falsò Ruellius contendit, vel ex hoc tantum probari  
*pyramida-* potest, Quia maiori suo cardamomo, Arabes non tan-  
*les.* tum tripuunt saporis acumen, quod proculdubio, si no-  
 Cardamo- losum vt diximus est, nec puluerulentum, quanquam in  
*momum mi-* grano magno, vel alabastro quod in rosa conspicitur si-  
*nus, Sera-* mili, reperiatur. Proinde cardamomum Serapionis ma-  
*pionis ma-* ius, non esse hoc piper Indicum, sed potius à nobis gra-  
*liqueta est.* num illud angulosum, in officinis Cardamomum mini-  
 Andreas mum, vel nigellam dictum, in confesso est. Nam Sera-  
*Bellunsi* pionis minus Cardamomum, vt diximus, maligneta est,  
*Auicennæ* vt conferenti notum erit, quam quoq; sententiam secutus  
*corrector.* fuit Andreas Bellunensis nouissimus Auicennæ corrector.  
 Cardamo- Cæterum Galenus libro Succedaneorum suadet, vt quum  
*mi facul-* Cardamomum defuerit, loco illius vtamur Cypero, vel  
*tas.* saltem myrto. At quum non solum suum, hoc est, Græco-  
 rum Cardamomum, sed ipsius potius multa alia nobis  
 suppeditent genera, succedaneis opus non habemus: de  
 quo Galenus septimo de Facul. simpl. medic. ita verba fe-  
 cit, dicens: Quanto suauius magisq; fragrans nasturtio  
 est, tanto & imbecillior ei calida facultas inest, nec enim  
 vlcerare est idoneum, habet autem adiunctum quiddam  
 amaritudinis, qua lumbricos interficit, & cum aceto va-  
 leuter psoras detergit.

## DE SPICA NARDI.

Græcè, *νάροσ* & *νάροσ* & *γάχου*, Latine, *Nardum*  
 & *nardus*, *Spica nardi*, Arabicè, *stumbel*, &  
*Seubel*: Hispanicè, *Azumbar*, *Essiga sil*: Italicè,  
*Nardo*: Germanicè, *Edel fremb*, *vvolriechend*,  
*Spiken nardi*: Gallicè, *Aspic d'oultre mer*.

## Textus Sexti Enarratio.



Nardum.

Q Vi Lusitanorum  
 nauigationes in  
 India interiora cogno-  
 uerunt, facile persua-  
 deri possunt, Lusitanos  
 ipsos, optima & vera  
 Indica nardo abudare:  
 quod ita esse certius est,  
 quam hic à me multis  
 monstrari opus sit: quò  
 quotannis Lusitani inde  
 ingentè classem omniù  
 genere aromatum or-  
 natam in Lusitaniam  
 vehant: Inter quæ, ce-  
 lebris nardi spica tan-  
 topere celebrata non  
 deest, radix veri⁹ quam  
 spica, multis capilla-  
 mentis dissoluta, le-

uis, nigra, ad rufedinem vergens, odoratissima, simili  
 odore cyperi, sapore suauis, diu in ore permanente, ad  
 amaritudinem aliquantulum inclinante, vt nullum, si  
 modo fateri verum debeam, aroma celebrius, aut odore  
 suauius, aut verius; ex vniuersa India hac Indica Spica  
 ad Lusitanos deferatur: vnde postea in multas orbis re-

*Spica nar-*  
*di vera ad*  
*Lusitanos*  
*defertur:*

ria aromata, spicam nardi quoque adferant, & postea vniuersa Italia, è Venetiarum ciuitate tanquam cæterarum reginâ, sibi comparent, non adeo tamen bonam, & odoriferam, vt illa quæ in Lusitaniam portatur: quamquam tamen contingat interdum Venetias optimam adferri, vt mihi hæc inquirenti Venetiis videre contigit, in ea præcipuè aromataria officina, cui Angelus pro simbolo est. vnde sæpe sum admiratus, cur Manardus Ferrariensis, vir alioquin exercitatissimus, & cui veræ medicinæ studiosi multum debeant, in epistolis suis scriptum relinquat, quod nardus hæc pascim in Italiæ officinis habita, nec Indica, nec Syriaca sit. At re vera, Manardi errorem, non aliunde euenire satis sum conscius, quam ex ignorantia hæc, videlicet, quæ nam plantæ nardi pars, spica hæc sit, quam si exactè dignosceret, non tam fœde proculdubio Manardus cespitaret: Libro enim vj. suarum epistolarum, epistola iij. inquit ille, Galeni mentem esse, spicæ nardi radicem, in theriacis compositione ponendam esse, non verò spicam ipsam, quam tantum ad nos afferunt, & vtinam bonam, ita enim ibi Manardus sub iis verbis loquitur: carere nos Indica nardo, quis dubitet, qui spicam quidem vocari apud Galenum legerit, esse tamen radicem, sed & in ea theriacis præparatione quam cæteris veluti concisam magis, & manifestiorem præfert Galenus, sic ad verbum carmine quodam scribitur terebinthique resinam, nardique radicem Indicæ: & subdit, ad nos vehitur spica, atque vtinam nardi esset. Suauitate enim odoris penitus caret, & saporis est valde ingrati. Item lib. viij. eiusdem voluminis, epistola iij. tradit, quod in theriacis præparatione teste Galeno libro de Antidotis præferendæ sunt radices tanquam virtuosiores, spica neglecta: in quibus verbis, liquidò claret, quam male Manardus Galenū ibidem intelligat: quod non aliunde oritur, quam quia vt diximus, nō nouerat ille, quæ pars plantæ nardi spica esset, quæ dubio procul non alia est, vt supra meminimus, quam radix: id quod Galenus citato loco libri de Antidotis, facillime declarat, dicens: lubet Andromachus adicere nardum Indicâ, ea verò est quam spicam vocant, non quòd spica sit, radix etenim est, sed quòd spicæ figuram habeat. Hæc ille, per quæ, nisi quis  
 fa reus

saxeus sit, percipiet, Galenum per spicam hanc Indicam,  
 radicem intelligere, quum vera radix & non summitas,  
 aut plantæ spica sit, dicitur tamen spica, quia similitudi-  
 nem quandam cum spica habeat. Non ab re, Galenus lib.  
 viij. de Facul. simpl. medic. tractaturus de nardo, capitis  
 lemma præfixit, de spica nardi, tanquam parte totius her-  
 bæ nobiliori: sciens utiq; ille, quum de spica mentionem  
 faceret, radicem ipsam pertractasse, utpote plantæ totius  
 partem præstantiorem, nam si Galenus hoc aliter intelli-  
 geret, quod spica radix non erat, spicam ipsam relinque-  
 ret, & in titulo capitis, sub nomine totius plantæ, vel sal-  
 tem ipsius radicis partis nobilioris, & notabilioris totius  
 plantæ ageret. At quum eandem rem esse sciret, sub spicæ  
 nomine, de ea scriptum posteritati relinquere par fuit.  
 Cæterum Plinius in hac re audiendus non est, imò, potius  
 parua illi fides est habenda, quum nardū longè aliter de-  
 lineet, quàm res ipsa sit, ut ex Galeno & Dioscoride, in  
 præsentem diiudicare est, nam lib. 12. eiusdè numeri capite,  
 ita de nardo scribit: frutex est graui & crassa radice, sed  
 breui ac nigra, fragiliq; quamuis pingui, situm redolente  
 ut cyperi, aspero sapore, folio paruo densoq;: cacumina in  
 aristis se spargunt, ideo gemina dote; nardi spicas ac folia  
 celebrant. Hactenus Plinius, in quibus non solum à veri-  
 tate multum aberrat, sed etiam multis & præclaris viris  
 aberrandi anam dedit, inter quos nominare est Hermo-  
 laum Barbarum, Ruellium, & Antonium Musam Bras-  
 uolam, quorum priores duo, ut plerunq; adnoto, malunt  
 pluries cum Plinio errare, etū errantem noscant, & mani-  
 festum errorem videant, quàm verum dicere. Ea de causa  
 Ruellius capitè 6. libri ij. in officinis à se nardum conspe-  
 ctam Plinianæ nardo respondentē affirmat, quod falsum  
 esse crediderim, quum multis qui hæc magna cura qua-  
 runt, nunquā vel caulem, vel folia, aut festucas, radicem uē  
 alteram præter spicam videre contigerit: quapropter, ut  
 Mathiölus doctissimè adnotat, facetissimus ille Musæ  
 Senex frustra Venetias mittitur, si modo præter spicam,  
 nardi folia, caulem, vel radicē comparare ibi sibi debeat.  
 parcat Amicus, quum magis amica sit veritas ipsa, quæ  
 nullius vel odio, vel amicitia deserenda est: quum spica  
 omnibus officinis obuia radix sit, nec in fruticis summi-

*Spica nar-  
 di radix  
 est. non spica.*

*Plinio in  
 describendo  
 nardo par-  
 ua fides  
 danda est.*

*Plinius as-  
 sumit aber-  
 randi iri-  
 doctissimis  
 dedit.*

*Mathiölus*

tate eueniat, vt falso Plinius dixit, & Ruellius credidit: imò nec Dioscorides, nec Galenus, partem nardi alteram vsui medico commendarunt, præter spicam ipsam, quam hic Dioscorides vt præcipuam plantæ partem (vt sui moris est, quum herbam aut plantam fruticem uel aliquam describit) delineat, quum inquit: habetque Syriaca nardus primum bonitatis honorem, quæ recens, non ponderosa, comosa, colore rufo, odoratissimaque est, & quæ vna cum angulosis odorati iunci odore, breui spica, & amaro sapore sit: quæ itidem linguam exiccet, odoris suauitate diu permanente. In iis ergo clare Dioscorides spicam ipsam nardi depingit, quæ si non radix esset, vel radix altera res esset, de ea proculdubio dissereret, & illi, vt parti præcipua & in honore habendæ signa tribueret: sed quum spica in officinis habita, radix nobilis nardi sit, de ea vt præcipua sermone agere consequens fuit. Quod verò Dioscorides inquit numerosas ex vna eademque radice prodeuntes spicas ex se mittere, easdemque comosas, implicitasque & odore virosos: nobiscum agit: quum ab vna præcipua radice, tanquam cæterarum matre, plures radices ceu spicæ comosæ implicitæ orientur: vt simile videre cõtingit in quadam herba e montibus Bononiensibus ad nos delata, quam Meum esse deprehendimus, cuius radices infinitæ, ita in spicas diuariabantur, vt spicam nardi esse, omnes videntes dicerent: inter quos erat Gaspar de Gabrielibus nobilis Patavinus, vir doctissimus, & harum rerum curiosissimus, vt demum concludere debeamus, in nardo nullam præter spicam reperiri radicem, quum spica radix sit, non verò fruticis summitas: de qua Galenus, libro viij. de Facul. simpl. medi. ita tradit: calfacit excessu tertio, desiccatur secundo cõpleto: constat ex astringenti, acri & leuiter amara substantia. Quare radix iecori & ventriculo cõuenit, & pota & admota extrinsecus urinam ciet, morsus stomachi sanat, ventris, capitis, & thoracis fluxiones desiccatur, valentior tamen est India, quæ nigrior, quæ Syriaca existit. Cæterum, hæc illa spica nardi est, quæ rhabarbaro, non vt malignitatem aliquam extinguat, sed vt viam laxiorem præbeat, miscetur: quam illius loco, potius cinnamomo vti melius est. Ex hac quoque spica nardi in officinis paratum oleum habetur: olim verò vnguentum concinnabatur, ut Galenus millies meminit,

*Mea in montibus Bononiensibus reperitur. Gaspar de Gabrielibus Patavinus Spicam nardi reperiatur.*



minit, & de eo quoque in Euangelio legitur.

DE NARDO GALLICA.

Græcè, καλλιὰ νάρδος, Latine, Gallica nardus, Celtica nardus, Celticum nardum, spica Romana, spica Celtica, spica Gallica: vulgo spica nardo; da Genoua.

Secunda species.

Græcè, Σαυδοράδος, Latine, Saliunca, hirculus, spica communis, mascula spica: Italicè, spigo: Hispanicè, spiego: Lusitanicè, spique: Gallicè, Aspice: Germanicè, Spica nardi.

Tertia species.

Græcè, Σαυδοράδος θύρα: Latine, lauandula: Hispanicè, alhuzema, alfazema: Italicè lauanda, Gallicè lauende: Germanicè, Lauendel.

Textus septimi

Enarratio.

Quantum herbaria medicina à maioribus nostris neglecta, & cōtemptui fuerit habita, non aliunde, mea sententia, argumentum quærendum est, quam in Celtica nardo, que quum herba Italiae famigeratissima sit, illius tamen loco hucusq; in officinis recepta sit herba, nullum penitus habens saporē, aut odorem, oblonga, contorta, caule tenui, in quo minutissima insunt folia, ad luteum vergentia colorem, nam tota ipsa herba, arborum muscum figura



Nardum Celticum.

ad luteum vergentia colorem, nam tota ipsa herba, arborum muscum figura

*Principum  
& ciuita-  
tum aua-  
ritia,*

refert, imò spari cordam : quæ tantum differt à vera Celtica nardo, quantum crocus à crocodilo. Sed hæc & similia non aliunde eueniunt, quàm ex, principum & ciuitatum rectorum auaritia, ignauiæ, qui medicos suos male alunt, nec eos iudices constituunt super ipsos pharmacopolas: vt quum falsa pro veris venderent, eos carceri prius mancipatos, tanquam malefactores, & vitæ humanæ inimicos, pecuniaria pœna multarent: igni quæcunq; falsa, vel putida, aut corrupta, muscidæ forent tradendo. nam tunc, mea sententia, in vnaquaque ciuitate omnes inter se conuenirent pharmacopole de optimis captandis medicamentis, radicifecas transfirmitendo in varias orbis partes, vt inde veras herbas, plantas, frutices, radices, semina, fructus, flores, lapillos, metalla, & si qua sunt alia, portarent. quod si fecissent, pro-

*Nardus  
Celtica in  
Italia na-  
scitur.*

euldubio non deesset in Italiæ officinis nardus Celtica, quæ non solum in alphis Liguriæ nascitur, sed Itria, Gallia, & aliis variis locis: herba longè à spica vulgari, & communi lauandula differens: illius tamen flores lutei sunt, & radices tanquam spicæ, conspiciuntur, quarum & eaulium præcipuus vsus est. Curent igitur septentrionij deinceps veram Celticam nardum habere, quam Liguriæ afferre facile possunt, vt nonnulli curiosi pharmacopole ad se deferendam instituerunt. De qua Gale-

*Celtica spi-  
ca rhabar-  
baro adiu-  
genda est.*

nus breuiter dixit, nardus Celtica, id est, Gallica, ad omnia est imbecillior dictis, præterquam ad prouocandam vrinam, nam calidior illis est, sed minus astringit: hæc ille. Vnde mea sententia, si rhabbaro spica adiungenda est, hæc & non Indica adiungenda est. Caterum spica communis, à spicatis caruleis floribus dicta, quæ tonsores & balnearij in lixiuium vtuntur: serè eadem cum lauandula est, nisi quòd masculas spicas habeat, cuius folia tantæ soliditatis sunt, vt frangi potius quàm plicari queant: vt merito Plinius lib. xxj. cap. vij. de ea sub saliuca agens dicat, foliosa quidem est, sed breuis, vt in coronas necti non possit, herba verius quàm flos, densa veluti manu pressa, breuiterq; sui generis cespes, quæ in Pannonia & Noricis nascitur, tantæ soliditatis, vt metallum esse ceperit. Etiam si mendose, non soliditatis, vt vetus habet lectio, sed luauitatis scriptum sit, quanquam

\*

& Ruellius hoc minime animaduertit; sed cum cespitans in hac lectione incesferit, sic legendo, tantæ suauitatis, ut metallum esse ceperit, ac si metallum suauereperiat: sed de iis satis. Est igitur communis hæc spica Plinij Saliunca, ut Euritius Cordus vir verè cordatus in herbarum suo sermone testatur: non verò saliunca, Gallica nardus est, ut falsò credidit Leonicens, quem sequi Ruellium audio. Quæ tamen Leonicens, & Ruellio occasione aberrandi dederant, verba hæc ipsa Dioscoridis sunt, quæ in quibusdam non probatis codicibus comperiuntur, quæ ita habent: Nasoitur Gallica nardus in Liguria alpibus, ab incolis gentis suæ vocabulo, saliunca appellata: quæ in melioribus, non saliunca, sed Gallica appellari comperiat, ut ex Marcelli Verg. versione cõprehendere est. Est igitur cõmunis hæc spica, ut diximus, apud Plinium Saliunca: quanquã si quis apud Dioscoridẽ, sub nomine hirculi ob intentum quem habet odorẽ collocaret, quæ idem Dioscorides queritur Celticam spicam adulterari, non multum à veritate aberraret: imò huic sententiæ subscribit Euritius Cordus loco à nobis signato. ut unque tamen sit, nos pseudonardum eam appellamus, ex cuius floribus oleum hodie in Italia paratur tantum odoris & acuitatis, ut quemuis alium odorem sibi proximum facillè superet: quæ de causa myropolæ & vnguentarij rarò in apothecis suis & vnguentariis tabernis illud habent, ne vnguentorum & rerum redolentium suauitas, ab illius odore superetur, suffocetur ve. Huic affinis lauandula est, hortis vulgarissima herba, quæ femina spica illius respectu dici potest, quum minor sit, breuiusculas habens spicas, sic dicta lauandula à lauando, quoniam ea homines maxime lauantur: & ex ea quoque aqua per campanam elicitur, & oleum paratur, quod fœdisfragi pharmacopolæ loco olei spicæ nardi, ægrotantibus, contra stomachi frigidioris vitia porrigunt. Sunt enim duæ istæ herbæ viribus non abfimiles.

## CONSTANTINVS.

Longè aliter legitur apud Plinũ: nam addit de suo Amatus Lusitanus in coronas: quæ voces, in Plinij codice nõ leguntur. Rursus omittit hæc verba radici numerosè coheret. Et hac sequentia in uertis, respes sui generis: Ac continentem clausulam resecat.

Tandem

Euritius  
cordus lau  
datur.

Saliunca  
apud Plin-  
ium, vul  
garis spica  
est.

Leonicens<sup>us</sup>  
errat.

Ruellius  
erras.

Lauandula  
herba.

Tandem obtreclandi studio, author alioqui de arte herbaria (in qua quidem vel vnus Plinij elegantia, hanc excusationem admittit; ornari res ipsa negat contenta doceri) tam bene meritus, quam male de lingua Latina, in qua vt nullus est, ita in illa summus, ac propemodum singularis, Plinij lectionem corrumpit, consulto, an iuscienter nescio, certè vt ex aperto, Ruellium delectissimum petat. Et vt vt sit, Plinij hac verba de saluunca, tanta suauitatis est vt metallum esse cepit (eius bona pace dixerim) non assequitur. significat enim his verbis Plinius, propter odoris suauitatem, metalli loco, expeti: vel vt metallum conquiri, quod non sit minoris indicatura & pretij. Quæ enim, amabo, noster Amate (ad te enim conuertetur oratio) metalli cum herba conuenientia, si tantum in soliditate conferantur? vel quis tibi, aut Cordo concedat, Plinij saluuncam spicam esse communem, nisi qui Plinium, ceterosq; herbaria scriptores non legerit? Sed hoc controuersum, alio loco transigemus. verum quod postremo loco pinendum, quis te ferat vt philosophum, ac non potius vt physiologia ignarum coarguat, cum hoc loco ita ineptè philosophemur: Cuius folia tanta soliditatis sunt, vt frangi potius quam pluari queant. An non etiam solida permulta plicantur, inter quæ aurum & ferrum? Sed (ò bone) nihil flecti potest, quod lentum humorem & sequacem non habeat: è diuerso verò, flexile, nec fractu contumax quicquid lentore præditum est. Quod igitur flectitur, aut disiliat causa non est, quod solidum & compactum, aut cauum & ratum sit: sed quod tenaci & viscoso humore, plus minusve, abundet, aut careat. Quare hoc totum, iudicio retracta amicè admonitus: vel nobis ita esse, saltè rationibus ostende: in quo omnibus facies satis, mihiq; priuatim quàm gratissimum.

## DE MONTANA NARDO.

Græcè, *νάρος* & *ὄρεινὴ*: Latine, *nardus montana*, *montanum nardum*, vulgò *montano nardo*.

### Textus octaui Enarratio.

*Nardus montana vera.*

**V**era montana nardus, ex Syria quum hæc scriberem, ad me delata est, cuius radices sunt solidæ, graues, subnigræ, semidigitalis longitudinis, hastulæ regię radicibus perfimiles, graciliores multò tamen, ex se optimum expirantes odorem, quas Italia hucusq; nunquam vidit

vidit. eas tres nunc Ferrariam mittimus, vt doctissimus Brasauola discernat, quantum hæc ab spica Indica differat: de qua Galenus, vt superius retuli, ita inquit: plurima in Cilicia nascitur, sed prædictis infirmior.

## DE ASARO.

Græcè, ἀσάρον, ἄσπεδον ἢ ἀσπλά: Latine, *Asarum*, rustica *nardus*, *nardus agrestis*, vulgò: Hispanice, *asara baccara*: Italicè, *asaro*: Gallicè, *cabaret*: Germanicè, *Hasel vurtz*. Arabicè, *Asaron*.

## Enarratio nona.

*Asarum.*

ceat mala lingua futuro, de qua lib. iij. cap. xlvj. agemus. Ceterum Antonius Musa Brasauola vir doctissimus, in examine suorum simplicium, Plinium huius quoque esse opinionis, videlicet quod baccharis sit asarum, contendit. Mea tamen sententia, Plinius longè aliter sentit, quum lib. xxj. cap. 6.

**A**Sarum, siue rustica *Asari & cyclamini differètia.* nardus, officinarum asarum est, cuius folia adeo cyclamino respondent, vt difficile inter ea diiudicare quis posset, nisi variis notis illa cyclamini emaculantur. Dicitur verò à nonnullis asarum, bacchar, vnde monendum est, ne pro asaro bacchari, baccharis intelligatur. quum baccharis herba fruticosa, qua fascinū depellitur: addiq; solebat in coronis apud veteres, de qua Virgil. vtrunq; eleganter exprimes in carmine Bucolico, inquit: Bacchare fron-

*Brasauola fallitur.*  
*Plinius à calūnia defenditur.*

\*

cap. 6. potius acriter eos mordeat, qui credunt baccar, esse rustica & agrestem nardum, quum re vera, rustica hec nardus, asarū sit, & non baccharis dicatur, vt eius verba citato loco indicant, quæ ita habent: Sed eorū quoq; error corrigendus est, qui baccar, rusticū nardum appellauerunt: est enim alia herba sic cognominata, quam Græci asaron vocant, cuius speciem figuramq; diximus in nardi generibus. Quinimo asaron inuenio vocitari, quoniā in coronas non addatur. Hæc Plinius. In quibus luce clarius videtur, quod baccharis apud Plinium longè alia est herba ab asaro: proinde doctissimus Brasauola, potius emendandus est, quam Plinius ipse taxandus. Nam quicumq; melius dixerit me suum habebit assecclam. vnde tamen ortū sit, asarum, bacchar à multis vocitari, nō aliunde credere, quam quod multa quæ capiti de bacchare deseruiunt, huic de Asaro inserta sunt: quæ mea sententia optimū esset expungere, & ad locum suum reducere. sunt enim illa, vt nullus ambigat, hæc: Magi sanguinem Martis. Osthanes thesauri Aegyptij, cercertam: Thufci, succinum: Galli baccharem: Romani perpensam dicunt, Coronaria: Hactenus verba illa, quæ dubio procul huic capiti adiectitia sunt, & ea de causa expungenda puto, & baccharis capiti addēda. Ceterum Asari radix utilis tantum est, quæ in tertio ordine caliditatis & siccitatis collocāda est: quum Galenus eandem cum acoro vires habere dicat, lib. vj. de Facultatibus simplic. medicamentorū, ad istum modum: huius herbe radices vtilis sunt, facultate similes radicibus acori, intensiores tamen, itaq; ex iis, quæ de illis prodita sunt, hic faciēda coniectura. Constat enim Galenū collocasse acorum tertio gradu caliditatis & siccitatis. Mesues verò, inquit, asarum longis febribus à meatuum obstructionibus ortis conuenire, quod & bilem & pituitā soluit, pondere quatuor drachmarū. Dioscorides porrò ad septē vsq; concedit, proinde nos à semiuncia ad integram cōsulto propinare possumus. cæterum de asaro Manardum legere ut pigeat libro xj, suarum epistolarum, epistola quinta.

## CONSTANTINVS.

**B**accar siue Baccaris Plinio libro 21. cap. 6. lib. 21. cap. 6. 12. 13. lib. 21. cap. 19. 35. & cap. 11. 26. 36. 35. lib. 12. cap. 12. 15. 16. Asarum: quo etiam nomine à nonnullis nardum falso vocari scribit.

Baccharis  
ab Asaro  
differt.

Asariradix  
& facultas.

\* \*

Dosis Asari.

\*

bit. βάρβαρος verò, siue baccharis, alia est herba, quam describit Dioscorides libro 3, capite. 51. sed affinitate nominum falluntur quotquot sunt rei herbarie recentes scriptores: & non animaduersa scripturae differentia, in re minima grauissime peccant: & inter se rixantur. Consimilium eorum omnium est error in Castia, qua νοσσία est Graecorum cum duplici sigma: cum simpliciter vero Casia herba est coronaria, & apianis exposita, cuius tantum ex antiquo meminit Virgilius, tribus aut quatuor ad summum, locis. Vt etiam de Bacchare, apud eum versus legitur in Bucol. quo loco intelligendum de Dioscoridi bacchare herba in coronas addi solita. Nam Asaron ob id dictum, quod coronarium non esset idem scribit Plinius, lib. 21. Cap. 6.

## CONSTANTINVS.

**P**erniciosum consilium: siquidem experientia constat valentem esse vim Asari, ut quod veratri albi modo purget, etiam Dioscoride teste, cuius vncia sumpta Amati suasu, τὸν πνευματικόν ἰσχυρῶς inducet. Consultius igitur, multo infra subsistere, quam ita temerè periclitari: cum in talibus rebus, saepe vel minimus error, exitum afferat, vnde mirari subit, in rebus tanti momenti, nonnullorum hominum temeritatem & supinam negligentiam. Certe quidem Dioscorides Asari drachmas senas tantum exhibet: atq; hic etiam codex impressus corruptus est: nam in vetustissimo manuscripto, pro 6 legitur 6 quinarum nota. Adde quod vires nostrae aetatis hominum, antiquorum viribus nequaquam respondeant, ut innoxie ferre possint complurium pharmatorum prescriptum pondus a maioribus, quod quia in confesso est, existimemus multoties, potius quam multum, in purgando securi.

\* \*

## DE P H V.

Græcè, φῶδ, ἀγρία νάρδος; Latine, Valeriana, syluestris nardus: Hispanicè, berua benedicta: Italicè, Valeriana: Gallicè, Valeriane: Germanicè, Baldrian, Theriacks kraut: Arabicè Fu.

## Textus decimi Enarratio.

**P**Hu, siue Syluestris nardus, absque verborum ambagibus, aut controuersia vlla, nostra est Valeriana: quod verò nostra paulò minor apparet, quam Dioscoridis descriptioni respondeat, hoc regionis influentis culpa, non

Phu nostra est Valeriana.

verò

*Phu.**Valeriana.*

verò rei causa est. Quare sapientissimè Marcellus Virgilius inquit, quam pro Dioscoridis phu, herbarij ætatis nostræ ostendunt, Valerianam scilicet herbam, minor longea est, quæ ab hoc scriptore describitur: nec omnes omnino vtriusque inuicem sibi respondent notæ, quæ tamen præcipuè à Dioscoride numerantur conuolutæ glomeratim modo, & vt Plinius ait, villosæ radices, earumque narcissi odor, & albicans in caule purpura: in nostra pariter sentiuntur, credimusq; nos, vt in animalibus etiã fit, quæ non eadem mole corporis, ingeniiq; sui natura vbiq; nascuntur, in alieno orbe, cæli aut terræ beneficio, phu hæc præciorerem nasci: quoniam & in nostro orbe cubitalis aliquando visa fuerit: imò herbarij multi, valerianas duas

*Valeriana maior the riacaria herba dicitur.* indicant, alteram minorem, alteram verò maiorem the riacariam herbam dictam, omnino Dioscoridis descriptioni respondentem. sed quòd verè flores nō respondeant floribus narcissi, id parui est momenti: quum textus iste corruptus, & mutilus sit, vt Ruellius optimè adnotat.

Cæterum



Cæterùm huius radices in vsam veniunt medicum, quæ natura similes sunt spicæ nardi, & ea de causa, calidæ in primo gradu, sicæ in secundo collocandæ sunt: de quibus Galenus ita lib. viij. de Facul. simpl. medic. loquitur: plu odorata quodam modo est. huius herbæ radix, nardo viribus similis, sed tamen ad pleraque infirmior: vrinas mouet plusquam aut Indica, aut Syriaca nardus, perinde vt Gallica.

*Valeriana calida in primo gradu, sicca vero in secundo.*

## DE MALABATHRO.

*Græcè, μαλάβαθρον, φύλλον, Latinè malabathrum folium: & folium Indicum: Lusitanicè iuxta & Hispanicè betre: Indice, betre.*

## Textus vndecimi Enarratio.

**E**st apud Indiam regio quædam Malabar dicta, cuius maritimæ ciuitates sunt, Batequala, Cananor, Calicut, Chalequa, Tanor, Cochym, Charamandel, & aliæ plures, quas Lusitani nostri, non tam habitant, quàm frequentant: in qua regione, planta quædam magni nominis & pretij, viticosa nascitur, quæ lupi salictarij modo, aut volubilis alijs hæret, circumuoluiturve arboribus: folio viridi perpetuo, amplo, persimili folio nucis, quod à parte exteriori, tribus satis notis lincis ornatur, nam totum folium vndulatum est, quod paucis folijs herbarum vel fruticum euenire notauimus. Vocant autem Indici homines folium hoc, betrum, siue batrum: alij verò à regione in qua præcipuè nascitur, malabathrum: quod folium, tanquàm pretiosissima res, ac deliciosissima, ab incolis Indiæ habetur, illo enim continuo vescuntur: quia cerebrum confortat, stomachum roborat, & cor exhilarat, ac Venerem incitat. Imò huius folij esu homines illi ita oblectantur, vt postposito omni genere cibariorum, hoc tantum contenti euadant: nec enim eo solo in victu vtuntur, sed alijs admixto rebus, præcipuè Chalci ex ostreis, aut buccinis confecto quam sua voce Chulabum appellitant: veluti quoque pulueri nucis cuiusdam Areque dictæ, quæ magnitudine nucis moscatæ, ex arbore prosera apud illos nascente, colligitur, cui folium bicubitalis

*Malabar regio apud Indos.*

*Betrum Indicum.*

*Chulabum Indicum quid.*

*Arequa apud Indos quid.*

*Tembul.*

*Petriu Indicu ma-  
labathru  
est.*

*India pri-  
sca suavesi-  
ret nomi-  
na.*

*Malaba-  
thri duo  
genera.*

lis magnitudinis est, latitudinis vero, dodrantalis in ac-  
tum desinentis. Est porro, vt obiter de ista nuce areque  
dicamus, fructus admodum stipticus, sputu croceum red-  
dens: vnde quum folium malabathri, Chalci, & Areque  
mixtum ori admouetur, totum os croceum redditur.  
Mirum enim in modum, malabathri folium, pro habi-  
tus, orisve suauitate commendatur: quo fit vt homines  
vel negotiis impliciti, illud in ore continuo trahant: ce-  
lidum enim, & siccum, in secundo gradu. Indicum hoc  
folium est, quod, an Arabum Tembul sit, pro firmo  
crediderim nondum statui: certus tamen sum, folium  
quoddam officinis hodie pro malabathro receptum, ar-  
dum, nucis iuglandis folio simile, subpallidum & solidum,  
non hoc betrum à nobis descriptum esse: quum potius il-  
lud cinnamomi folium sit, vt officinarum Seplastiarum  
quoque fatentur, & ipsius attestatur sapor. Suaderent igitur,  
si betrum hoc Indicum haberi posset (quod hodie ve-  
rum ex India delatum, Anconæ habemus, & ex Olyssipone  
omnium ciuitatum occidentalium facile regnum  
peti potest) nullum aliud desideretur malabathru folium  
Indicum dictum: quum omnia in folio Indico desiderata,  
in betro isto reperiatur: & nisi tanta esset authoritas Dio-  
scoridis in describendis veris simplicibus, proculdubio  
non vererem affirmare nullum in India vnquam malaba-  
thrum reperiri, præter hoc à me dictum, & in India ho-  
die repertum, imò antiqua voce seruatum: quum batrum  
sive betrum, dempta particula, mala, vocent: quam par-  
ticulam à Græcis potius additam crediderim, ob regio-  
nem sic Malaber dictam, in qua præcipue vt diximus  
crescit: quum India, sua antiquissima rerum teneat no-  
mina, quia non vastata, aut destructa, aliisue linguis fec-  
data vnquam fuit, vt multis euenit populis, quibus de  
causis, rerum nomina variantur, mutanturue. Verum  
Plinius lib. xij. cap. xxvj. malabathri duo facit genera, al-  
terum palustre, de quo in præsentia agit Dioscorides, &  
omnibus hodie ignotum. Alterum vero arboreum, à no-  
bis delineatum, ex quo oleum exprimitur, & vnguen-  
tum antiquitas magni prætij parabat, foliatum dictum,  
quo locupletes Romanæ mulieres oblini solebant, vt tes-  
tatur Galenus, ac Plinius.

## DE CASSIA.

Græcè, κάρλα: Latine, Cassia: Arabicè, selicha, selche, & selibacha: Gallicè Canelle: Italicè Canella, Casia, Cannella: Hispanicè, Canela: Germanicè, Zimmet, Zimmet reerlin, Zimmetriden.

## Enarratio xvi.

Tanta est Cassiæ cum cinnamomo confinitas, ut persæpe testante id Galeno, libr. de Antidotis, Cassiæ ramuli, in cinnamomum vertantur, & contra, quod dignoscentes illic Indici gentiles, quum arbores excorticant, utriusq; nullam faciunt differentiam, sed indiscrete cassiam cum cinnamomo in fasciculos redigentes ad nos mittunt. gizi enim vel ziger, Galenus ad Dioscoridis mentem, meliorem cassiam dixit, quæ multum ad cinnamomum accedit, unde pro cinnamomo suo tempore vendebatur. Sic enim ille libro primo citato prodit: Cæterum ex his omnibus quæ de Cassia retuli, maxime est necessarium definire, qualis cassia sit iniicienda, quum gizi maximè commendent, mox appellatam moton, sunt qui, arebo, & daphnitem, quòd igitur gizi cinnamomo in omnibus respondeat, dictum à me quoq; est: Hæc est quæ subinde ab huiusmodi rerum peritis, ceu cinnamomum venditur: eiusce generis existit, sed fistulam dictam ab aliquibus, iunior Andromachus iniiciendâ censet, omnibus autè hæc cognoscitur, quinetiam facillime omnium comparatur: exteriorem sane corticem, quem fistulam dicunt, fortem tum odoratu, tum gustu obrinet: interiorem vero imbecillimam, ut nullus ipsius usus esse nobis possit: Hæc ille: Per quæ nollem quis tam ἀπιστοῦ, aut fatuus esset, ut cassiam hanc fistulam, cum Arabum & officinarum solvente cassia fistulari, vel siliqua dicta Aegyptia, confunderet, quum multum, ut omnes fere iam norunt, inter se differant, cuius inanimadvertentia multi medici, quum cassiam pro euocandis irritandisue mensibus legebant, non cassiam hanc Græcorum: sed potius siliquæ purgantis cortices, mulieribus non sine ingenti pe-

*Cassia cum cinnamomo confinitas.*

*Cassia fistulari Græcorum à cassia fistulari Arabum differt.*

*Leonice  
laus.  
Recentiores  
errant.*

*Cinnamo-  
mū quid.*

*Cassia  
quid.*

*Cassia exic-  
cat & ex-  
calfacit 3.  
ordine.*

riculo propinabant, vt Leonice vir acri ingenio præditus, & qui tenebris inuolutam medicinam, in lucem & pristinum nitorem redegit, prius aperuit: omnes tamen ferè neoterici, canellam siue officinarum cinnamomum, Græcorum cassiam esse opinantur: in quam sententiam, non sic faciliè condescendo, quum sciam, in vastissimis capsis canella refertis, que ex India Antuerpiam afferebantur, & cassiæ & cinnamomi omnia penè reperiri genera, vt qui hæc quoq; curiosè quæsiuerit, inueniet. Est tamen cinnamomum nonnullis internodiis ornatum, ad nigredinem rubens, sapore acri, linguam maxime velliscans, odoratissimumque: vnde fit, vt eius loco cassiæ duplici pondere, vt olim Quintus præcipiebat, minime opus habeamus, quum cinnamomo maxime abundemus, vt latius capite sequenti dicemus. Cassia verò, coralli modo rubet, nec linguam ita intensè vt cinnamomū erodit, sed cum acuitate quadam potius astringit, cuius maior copia quàm cinnamomi semper comperitur, de qua Galenus libr. vij. de Facul. simpl. medic. ita scriptum reliquit: cassia exicat, & excalfacit, tertio quodammodo ordine: sed & tenuium admodum partium est, gustu verò plurimum habet acrimoniæ, leuiter quoq; nonnihil astringens, quamobrem, ob hæc omnia incidit, simulque digerit que in corpore sunt recrementa, & ad hæc, robur etiam instrumentis addit: idoneum verò etiam suppressis mensibus, quum videlicet à copia simul & crassitudine excrementorum quod sufficiat euacuari nequit.

## DE CINNAMOMO,

*Græcè, κιννάμωμον καὶ κινάμωμον, Latinè, Cinnamomum & cinnamum: Arabicè, Darseni.*

### ENARRATIO XIII.

*Zeilam in  
sula apud  
Indos.*

**C**innamomum, cuius non pauca reperiuntur genera, notissimum aroma est, quod nobis Zeilam insula mittit, non parui apud Indos nominis, in qua multa præterea preciosorum lapidum copia habetur, nempe adamantum, carbunculorū & aliorum plurium quæ referre non vacat, nec si vacaret, puto fuisse operæpretium. Est etiam mons in eadem insula, quem Adam, dum pœnitentiam ageret, tenuisse ab incolis creditur: cuiusce rei penes

es ipsos fides esto. Verum, ut ad aroma nostrum reuertamur, quoniam Plautus non minus faceret quam erudite, inquit, plus valet vnus oculatus testis, quam decem auriti: non grauabor hic referre. quid de Cinnamomo audiuerim a quodam qui viginti annos Zeilam se egisse fatebatur. Arbor est, dicebat, quatuor ferè in altitudine cubitorum, crassitudinis brachialis, sex vel septem è trunco mittens ramulos, qui singulis annis amputantur, atque iterum pullulant: quorum cortex, qui cinnamomum est, ut tenuissimus, ita maximè in pretio habetur, colore exteriorè, subrufus, rugosus, cum quadam nigredine, nam intus cineritius conspicitur, odore suavis, gustu acer, ac mordax: nam folia quibus arbor hæc vestitur, nucis iuglandis esse dices, quæ in officinis pro malabathro, falsò tamen venduntur: Hæc enim cinnamomo nostro ita respondent & à Galeno tam sæpe descripto, ut nullum aliud vnquam extitisse cinnamomum crediderim: Proinde rectè mea sententia seplasiarij, nostro cinnamomo, pro vero & Græcorum cinnamomo vtuntur, quare nullo opus habemus, duplo casu pondere, cinnamomi loco, uti: quum cinnamomo vero ut diximus abundemus. Argumentum verò quod recentiores adducunt, ut credamus nos vero carere cinnamomo, ex Galeni verbis à nobis inferius subscribendis desumunt, quæ si quis penitius animaduertat, inueniet Galenum non quidem asserere, suo tempore cinnamomum venale non proflare, sed potius quum sex cinnamomi genera passim ferebantur, ut facilius quis bonum à malo discerneret cinnamomum, opus erat Imperatorum cinnamomum optimum, tanquam regulam & cotem videre, & cum eo conferre: ac si quis hodie, gemmas, & pretiosos lapillos, emere decreuerit, veluti verbè gratia, rubinum: opus habet, non quod desint venales rubini, apud se perfectissimum reconditum habere, ut gemmarij vbique sed præcipuè apud Indos faciunt, ut eo perfectissimo præsentè, facile de aliis iudicium ferre possint, ut de balsamo Galenus quoque fecit, qui ut verum haberet, in Iudæam nauigauit, ut facile eo vero præsentè, adulteratum dignosceret. Sed quod regiù magis quam aliud nomet cinnamomum, illud mihi videtur in causa esse, ut integras cinnamomi arbores, ut in orbe alieno, apud

*Cinnamomum quid.*

*Folia cinnamomi pro malabathro falsò usurpantur.*

*Cinnamomum verum habemus.*

*Imperatores integras cinnamomi arbores habebant.* Imperatores stare indicaret, in quibus expertus fuit, illos omnino errare, qui cinnamomum longo temporis successu non inueterascere, nec vires amittere contendebant. Quæ an ita Galeni verba habeant, ea hic placuit subscribere, vt lector facile iudex sit: Quæ ita habent: At de

*Galeni sententia de cinnamomo.*

cinnamomo contraria his, quæ in opobalsamo dicta sunt sentio, persuasum nanque mihi est optimū cinnamomum iis qui crebro viderunt, omniū facillime posse dignosci, hoc autem aliquem assequi non licet, nisi quis, imperatorum parata cinnamoma, quæ in sex ferè differentias generales diuiduntur, conspexerit: est nanque in his ipsi, insignis optimi ad deterrimum excessus, quemadmodum in cassiis, vt optima cassia parum à prauissimo cinnamomo absit: item quia cinnamomi vis quæ vsui sit idonea diuturna haud efficitur, quippe, ad triginta quidem annos facultas ipsius quam initio obtinebat, integra conseruatur. At nonnulli nugantur, qui ex huiusmodi medicamentis cinnamomū senij experts permanere pronuntiant, nec enim centum, nec ducentis annis interea delapsis, sed paucis, si tantum numerum respicias, mutationē iam aliquam vetustiori cinnamomo obortam vidi. Quum itaq; theriacam Antonino præpararem, vascula multa lignea conspexi, alia Traiano imperante scriniis recondita cum cinnamomo, alia principatu Adriani, alia regnante Antonino, qui Adriano in Imperio successit, ac omnia cum congeneri cinnamomo manifesto se inuicē superabant, tum gustus, tum odoratus imbecillitate & vehementia, quantum & tempore euariabāt. Quin etiam quum asportatum esset aliquando ex barbarorum terris scriniolum quatuor cubitos dimidiumq; longū, vbi arbor tota cinnamomi primi generis erat condita, vnde cōpositionem quandam Imperatori Marco Antonino molitus, totum expertus sum antidotum abundè aliis præcellere, vt postquam Imperator ipsum degustasset, tempus non expectauerit, quemadmodum in aliis, in quo medicamentū concoquitur, sed statim vsus sit, ne duobus quidem mensibus integris interea præteritis. Verum vbi Commodus ipsi successisset, nec theriaces antidoti, neque cinnamomi ratione ab ipso habita, tū arboris illius reliquū, tum quodcunq; aliud post Adriani tempora apportatum est, totum inter ill

*Comodus imperator natus.*

interiit. Quare quum huius tempestatis nostræ Imperator Seuerus iniunxisset, ipsum simili modo quo Antonino preparabam, antidotum componi: coactus sum ex iis quæ Traiani Adrianiq; tempore erant seposita, deligere, ac mihi euidenter imbecilliora euasisse nunc apparebant, neq; triginta quidem annis interea absolutis: quapropter sermone de optimo cinnamomo habito, aliquid necessarium cogito adiicere, vt sit odoratissimum, indicibilem quandam odoris gratiã, super alia omnia referat, gustantẽ calidum admodum percipiatur, non tamẽ, vt moleste rodat: colore autem tali, veluti si quis lactis colorem fusco admiscuerit cum modico ceruleo nuncupato: sumpto autem ex eo quantum volebam, sicuti confluui, paucos ramusculos apud me reposui in seriniũ, vbi omnia quę mihi chara & in pretio erant, continebantur: At eo combusto, quando & Pacis delubrum incendio flagrauit, cum aliis quinque cinnamomi generibus, totum quod cõparaueram intercidit. hæcenus Galenus. Per quę lectori satisfactum iri ad mentem nostram minime dubito. Tacebunt igitur deinceps scribentes, nec amplius verum desiderabunt cinnamomum, quum eo nos abundare in confessõ sit: de quo Galenũ quoq; legito, lib. de Facul. simpl. medic. septimo, vbi ita pro coronide inquit, summe tenuium est partium, atque ex tertio ordine calfacientium, nihil autem æque deficiat, eorum quæ pariter calfaciunt propter tenuitatem essentia.

Cinnamomũ tertio ordine calfacit. & summe exiccat.

## A M O M V M.

Græcè, ἀμύμον: Latine amomum: Arabicè, hame-mis, & hamama.

## Enarratio XIII.

Q Vis cœlum terræ non misceat, & mare cœlo, si in dicitur nostri temporis, quum multa antiquorum medicamenta nobis aut penitus sint ignota, aut manca prorsus nobis venerint, tamen ne illis videantur catere, adulterinis medicamentis vtantur, quæ aliquando præsentissimam mortem potius quàm salutem adferant: quum tamen illa pro veris & germanis venditent, quod in amomo præsentis facile est videre: nam quũ verò careant amomo, botruoso, & velut minuta yua, quidam eius loco quodam

*Amomum non est minutum semine nigri.* geranij genere vtuntur, nempe gruina rostra proferente, & suauiter olente, ob idq; moscata acus dicta herba. Alij autem, vt officinarum hoc tempore magistri, in eius locum, quodam exiguo vtuntur semine, & illo quidem nigro, non sine ægrotorum tamen iactura: quum frutex potius quàm semen amomū sit, quod adulterari simili planta, sed sine odore & semine solet. *Quæ* fœminino genere, amomis dicitur, vt Dioscorides, iis sequentibus verbis monstrat, dicens: Sunt, qui amomum, ea quæ fœminino genere amomis dicitur, adulterant, amomo simili planta, sed sine odore, & sine semine. & subdit: oportet in huiusmodi rerum probationibus fragmenta vitare, eligendæque sunt, quæ ab vna radice, suos habeant integros ramos, hæc Dioscorides. Ex quibus clare percipitur, amomum lignū quàm semen potius esse, cui fructus botruosus, veluti vuarum racemus innascitur, quem Andromachus, descriptione theriaces dictæ galenæ, id est securæ, vnam appellat, & ea vt præcipit, sequenti carmine: meum totidem drachmas, & amomi postulat vna: quam vtinam ad nos portassent, quum hucusq; vero careamus amomo, interim tamen cum eo caremus, consulerē eius loco acoro, id est crassâ galanga, quam illo triuiali, exiguo, nigroq; semine, ab officinis recepto, vteremur: quum similem facultatem amomum cum acoro habeat, vt Galenus libro Succedaneorum, testatur. Cæterum, qui amomum, rosam Hierichontis esse cõtendunt, proculdubio errant, quum in ea planta, nec origani percipiatur odor, quo sensum tentet, nec sapor acris, gustum erodens, imò nec folia bryonæ in ea conspiciantur. At Mathiolus Senēsis, quum nos vero carere amomo sciret, vt illum tamen habeamus, in Lusitaniam nos remittit, vbi ex India nunc delatū contendit, mea tamen sententia fallitur, quum hucusq; amomum verum incompertum sit: de quo Galenus lib. vj. de Facul. simpl. medic. ita tradit: Amomum acoro similem facultatem obtinet, nisi quòd acorum siccius sit, maiore autem concoquendi facultate amomum.

*Amomove ro carem<sup>9</sup>. Rosa hierichontis nõ est amomum.*

*Mathiolus fallitur.*

*Amomi facultas.*

### C O S T V S.

*Græcè, κόστος, & κοστέου, Straboni: Latinè, costum, costus: Hispanicè, costo, vulgo, costo: Arabicè, Kostos,*



*Kostos, & Chast.*

## FALSUS COSTVS.

Gracè, *Λευδοκόστος*: *Officinis, Hortulana Romana, menta Romana: menta Sarracenicā, costus hortulanus: Hispanicè, el costo delas huertas, herua buena Romana: Gallicè, du cocq. Italicè, menta Romana.*

## Enarratio xv.

*Costus.*

**C**ostus, vel costum, aut vt Strabo, costarium, frutex est, cuius radix medicovsui venit, & eius Dioscorides tria facit genera natali solo tantū differentia, nempe Arabicum, Syriacum & Indicum: Plinius verò eius duo esse genera asserit, coloribus tantum distincta, scilicet albo, & nigro: vt apud ipsum legere est, libro Naturalis suæ hist. duodecimo, eiusdem numeri capite: Hodie verò in officinis, & myropoliis, dulcis & amarus dicitur: quū tamen amarum tantū ex-

hibeant, & pro eo herbæ cuiusdam radicē capiant, quam hortulanam Romanam, siue mentam Romanā, aut Sarracenicam mentam seplasiarij vocant, quæ herba vbique familiarissimā est, folio betonicæ, maiori tamen, sed tenuiori, & multum odorato: nam illi caulis cubitalis est, & amplior, in cuius summitate, auri fulgore flauescencia capitella quædam adnascuntur. Hanc autem herbam, plerique hortulanum coquum, herbarium quendam Florentinum imitantes, appellant, vt apud Impe-

*Menta Romana costū loco sumitur à seplasiarijs. Hortulanus coquus non est.*

ratores Constantinum, libro de Agricultura, si Imperatoris est, legimus, qui costum, & balsamum in hortis seri viua radice asserit: nec hodie Castellani alio nomine herbam hanc vocant, quàm costum, præcipuè quum eam Culinæ pro iurulentis veruecinis carnibus parandis adaptant. Actamen quod herba hæc verus costus non sit, notius est quàm à me explicari possit.

*Ruellius  
fallitur.*

Ruellius verò Gallus, eam Plinij siliquastrū, siue Dioscoridis hydropiper credidit, quod an ita sit, necne, alibi disseremus: indicandum tamen est eam pseudocosti appellationem mereri. alij verò costi veri loco, lepidij radice vtuntur: quum mea sententia, multo melius, & ad Galeni mentē, deficiente costo, ammoniaco, vel helenio: id est, enula campana, vti deberent, vt ex libro succidaneorum Galeno tributo,prehenditur. Commodum hæc commentabamur, quum Franciscus Lusitanus qui Anconæ agit, mihi aliquot radices dono dedit, quas ab India sub nomine costi allatas esse dicebat: & erant reuera ab India per mercatores Lusitanos, qui illic frequenter negotiantur allatæ: eas quum primum vidi verū costum esse iudicauī, & ne thesauri huius parcissimus esse viderer, continuo Ferrariam ad Brasauolam, Venetias ad amicos alios partem misi, qui omnes per literas & mihi gratias egere, & verum eam radicē costum esse mecum sensere. quare multum Lusitanis hæc nostra tempora debere credo, quorum opera & industria non tantū noua regna nobis aperiuntur, sed permulta etiam ad rem medicam pertinentia, quæ temporis vetustate sepulta habebantur, in lucē emergere cœperunt. Est autem costus hic Indicus apud nos habitus, radix non integra, sed vt rhaponticum verum, in multas secta partes, cui crassitudo pollicaris, et maior inest: color verò exterior subniger: interior autem cum albedine rubricat: gustu feruet radix hæc, nō nisi magna & suauitatem aromaticitate, odore quoque eximio & suauitatem, quam ante nos, multos annos, vniuersa Europa non vidit, & deinceps nostra diligentia, vt verū rhaponticum frequenter habeat, quam ex Olyssipone Seplasiarij, & diligētes medici petent, quum ad hanc ciuitatem mercatores ex India venientes, radicem hanc nostris monitis adferre curabunt, ex ea suum quoque quæsitū faciētes, simul vt mortalibus operam aliquam

*Lusitanorum  
studium  
comen-  
dandum.*

*Costi de-  
scriptio.*

aliquam ferant, quam quum habuerint, theriaca, & antidotum Mithridaticum, vero costo non defraudabuntur. Sed magis officinae aromatariae costi veri oleo ornabuntur, veluti Anconitanae iam hodie ornantur. Caeterum de costo, & eius viribus tradit Galenus libro vij. de Facult. simpl. medic. ad hunc modum: Costus leuiculam plane amarum, plurimam autem acrem & calidam in se qualitatem simul & facultatem continet: adeo ut etiam exulceret, quum ex oleo corpus eorum quibus per circuitum rigor inuadit, ante accessionem illo confricatur: sic vero etiam in resolutis & ischiadicis, atque in summa in quibus excalfacere partem quamuis, aut ex alto in superficie extrahere quippiam est opus, ad costum confugitur: eadem de causa vrinas mensesque prouocat, & ad rupta, couulsa, ac laterum dolores congruit: porro ob amaritatem quae illi inest latos lumbricos necat: ob eandem & ad contractas velut ex Sole maculas, *εφάλας* Graeci vocant, cum aqua aut melle vsurpant: inest item flatuosa quaedam illi temperiei humiditas, per quam & venerem excitat cum vino mulso.

Costi vi-  
res.

## DE SCHOENO.

Graece, *σχοίνος*, *σχοίνος ἀρωματιστὸς καὶ σχοίνος μυγέτης* nos Hipp. Latine *iuncus odoratus rotundus*, *palea camelorum*: Hispanice, *paya dela mequa*, *paya de chamelhos*: Italice, *Schinanto*: Germanice, *kamelstro*: Arabice, *Adcher*.

## Enarratio XVI.

Schœnos siue odoratus iuncus, in Africa & Asia praecipue nascitur, quanquam & in Campania & Apulia reperiri, viribus saltem impotentioribus audio, quem Latiniore rotundum iuncum odoratum appellant, ut diuersum ab illo odorato anguloso iunco faciant, quem hodie officinae sub eodem fere nomine habent, schinanthum appellantes. Verbum iunci, florem significat, nam Schœnos Graece, iuncus est, Anthos vero flos, unde schœnanthum, quasi iuncus flos: quanquam hodie, veluti Galeni tempore, flos ad nos non affertur, unde ille libro de Antidotis primo, ita inquit, praeterea iuncum rotundum Arabicum

Schœn. ma-  
thum.

Arabicum immitti præcipit, qui à vulgo, haud scio quomodo, iunci rotundi flos dicitur, quum tamen nos non adeo floris copiam habeamus, tota enim aduehitur herba, subinde ex parte superiori à camelis erosa: nam libentissimè eam depascuntur, & copiosissimam in Arabiè viis crescentem habent, hæc ille. Hodie quoq; ex oriente ad nos absq; flore portatur, cuius folia, caulis, & radix, in officinis habentur, quæ vtinam pura essent, quum à multis adulteretur, illis varia immiscentibus, vel recentia saltem & non vetera portarentur, quum Galeno auctore, facile schœnos veterascat, quod ex odoris amissione apprehenditur. Nonnulli tamen opinati sunt, vt Monachi qui nuper Mesues antidotarium enarrarunt, quod hodiernum schœnanthum officinis vulgare, Dioscoridis runcus iste odoratus rotundus non sit, quum in eo acutus ille desideratus sapor, linguam mordicans non percipiatur, nec quantulumq; odoratum sit, nec manibus confricatum, rosæ odorem spiret. Item quòd schœnanthum hoc, non iuncum aliquè ex se mittit, sed potius calamum, similem illi, quem triticum aut hordeum facit, vnde inter se multum differre, pro firmo gloriantur: sed re vera eorum gloria in infamiam vertetur, quum duplici errore comprehendantur, primo Dioscoridis textum non intelligentes, quum Dioscorides schœnum, id est odoratum iuncum, non iuncum aliquem ex se loco caulis mittere, sed potius harundinem, aut calamum tradat, vt in sua legitur lingua, quæ ita habet, *χρῆσις ἢ τὸ αὐτὸς, ἡδὲ τὸν καλαμῶν, ἢ ἂν εἶδος*, id est, floris, calami, & radice vsus est. Ex quibus verbis satis percipitur, quàm malè Monachi isti Dioscoridem intellexerunt, quum schœnon, non iuncum, sed calamum ex se caulis vice mittat: secundo hallucinantur fratres ij, quia experientiæ contradicunt, affirmantes officinarum schœnanthum in gustu linguam non vellicare, quum re vera recès eam valentissimè mordicet, vnde credendum est, schœnanthum ab illis gustatum vetus omnino esse, à quo non solum odor: sed sapor facilè, vt ex Galeno didicimus, euanesceat. Sed quòd rosæ odorem referat, qui illius flores viderunt, similem odorem habere attestantur, vt minimè ambigendum sit, quòd officinarum schœnanthum, iuncus iste odoratus

*Schœnanthum facile veterascat.*

*Monachi enarratores Antidotarij Mesues, errant.*

Dioscoridis sit, cuius vires inuestigans Galenus, lib. viij. huic materiæ dicato, ita inquit: Schinouanthos, modicè calfacit, modicèque etiam astringit, nec planè à tenuitatis natura alienum est, quocirca, his de causis, urinam mouet, mensesque ciet, adhibitum siue in fomentationem, siue in potionem: prodest & iecoris & stomachi, ac ventris phlegmonis. magis eo astringit radix, quod verò florem vocant, calidius est. Porro in omnibus sui partibus, in aliis magis, aliis minus gustantibus apparet astrictio: proinde medicinis quæ hæmoptoicis, siue sanguinem reiicientibus exhibentur, commiscetur.

*Schoenanthi temperatura.*

## DE CALAMO AROMATICO.

*Græcè, κάλαμος ἀρωματικός; Latine, Calamus odoratus vel Aromaticus: Vulgò, calamo aromatico. Germanicè, Calmus: Arabicè, Hasabel, Casab aldatira.*

### Enarratio XVII.

Quum nihil magis cordi fixum vnquam habuerim, quàm vera simplicia dignoscere, & illis vtì, factum est vt post longam inuestigationem, firmiter asseuerem, quòd eòmunis calamus aromaticus ab officinis receptus, verus calamus aromaticus Dioscoridis sit, quum omni ex parte inter se maximè conueniant: vnde qui calamum istum aromaticum, Dioscoridis acorem esse autumarunt proculdubio errant, quum reuera communis habitus in officinis calamus aromaticus, verus calamus aromaticus Dioscoridis & Græcorum sit. nec me pudet hodie ab antiquo & inueterato isto desistere errore, quum olim quoque vulgatum calamum aromaticum acorum esse dixerim, veroque nos carere calamo aromatico putauerim, quam sententiam Manardus Ferrariensis & plures alij, secuti sunt. At reuera, vt diximus, galanga crassa Dioscoridis acorus est: calamus verò aromaticus officinis vulgaris, apud Dioscoridem calamus aromaticus est, quæ ex India Lusitani nostri, singulis annis adferunt, veluti mercatores ex ipsa India per mare rubrum in Chairum, & Alexandria

*Calamus Aromaticus officinarum verus cal. arom. est.*

*Mathiolus  
facatur.*

xandriam deferentes. Venetias portant, calamis similem, unde nomen accepit, odoratum, odore suauis, & aromatico album & subrufam, crebris geniculis, qui quum frangitur in assulas multas dissilit, fistulosus, araneolo illo albo plenus, nam quum manditur glutinosus cum quadam adstrictione subamara sentitur, vt facile iudicare debeamus, calamum odoratum vulgarem officinis, Græcorum esse odoratum calamum. Qui verò contrarium contendit, velut Mathiolus Senensis, huic innititur rationi quòd calamus aromaticus, calamus siue harundo esse debet, non vero radix, vt ex Theophrasto probare contendit, qui libr. ix. de Plantarum historia, capite vij. calami tantum mentionem facit, quum inquit, calamus vero & iuncus trans Libanum montem, inter ipsum Libanum & alium quendam montem paruum valle minima exeunt, non vt quidam dixerunt, inter Libanum atq; Antilibanum, inter quos campus amplissimus & pulcherrimus est, quem Aulonem appellant: qua vero calamus & iuncus proueniunt, lacus in amplum spaciatur, iuxta quem cum palustribus siccatis isti assurgunt, occupant loci plus quàm triginta stadia, virides nequaquam esse videntur, sed sicci: forma vero nihil ab aliis differunt, locum ingredienti protinus odor aspirat, non tamen longius spirat, vt quidam referunt: hic enim locus à mari plus abest, quàm stadia centum quinquaginta, sed in Arabia spirationem agri odoratissimam esse, omnibus constat. hæc Theophrastus: quibus Plinius quoq; subscripsit, libr. xij. cap. xxij. per quæ Mathiolus credidit, calamum aromaticum harundinem siue calamum, non vero radicem, esse debere: At mea sententia decipitur Mathiolus, quum, licet Theophrastus & Plinius, in calamo odorato calamum & non radicem laudare videantur, alibi tamen calami aromatici radicem desiderant, & eam cæteris partibus calami anteferunt: vt apud Plinium est legere libr. xiiij. cap. xj. In quo, quum calami odorati iuuamenta enumerat, inquit: efficacissima autem in omni harundine, quæ proxima radici: efficacia & genicula. Per quæ verba manifeste percipitur, quòd ex omni calamo siue harundine radix efficacior est pars: qua de causa calami odorati radix, quàm calamus potius in opus trahenda est, vt me-

*Mathiolus  
decipitur.*

rito hastenus pharmacopolæ, hac preciosa & exotica radice, pro vero, & germano calamo odorato, vfi sint. Nec enim est quod alium desiderent, modo vulgarem recentem, minime vero inueteratum habeant, quem ex odore & sapore facile discernere possunt. Quantum vero ad Dioscoridem attinet, si quis introspectans eum accuratius expendit, inueniet illum de radice potius loqui, quàm de calamo: quum radix geniculata dicitur, calamus vero potius nodis cinctus. Huic nostræ sententiæ ad stipulatur Antonius Musa Brasauolus, cuius iudicium in arte medica multis antefero, est igitur receptus in officinis calamus aromaticus Dioscoridis & Græcorum calamus aromaticas, de quo Galenus lib. septimo Simplicium ita loquitur: calamus odoratus, leuiculam quandã astringentem, ac minimam acrimoniam possidet, magna ex parte essentia eius terrena est & aëria, in caliditatis frigiditatisque coniugatione temperata: quam obrem, moderate urinam mouet, & facultatibus quæ iccori stomachoquæ imponuntur, misceri potest, tum in fomentis quoque vteri, quæ phlegmonis gratia, aut irritandis mensibus assumuntur, vtiliter admiscetur. ponatur itaque habeaturque secundi ordinis, eorum quæ exalfaciunt & desiccant, valentius, tamen magis desiccant, quàm exalfacit, inest quoque ei quædam partium tenuitas, velut aliis omnibus odoratis siue aromatibus, Cæterum illorum compluribus tenuium partium plurimum, calamo vero non multum adest,

*Cala. aromat. exalfacit et desiccant secundo ordine.*

## DE BALSAMO.

*Græcè, Βάλσαμον: Latinè, Balsamum: Arabicè, Balesem, Bolesma, Belsan: Italicè & Hispanicè, Balsamo: Gallicè Bausme.*

### ENARRATIO XVIII.

**B**alsamum, Arbuscula quædam est, tricubitales virgas & illas quidem viticosas habens, huius enim proceritatis ac magnitudinis, albam violam, vel licium pixacanthem, nasci nouimus, quibus Dioscorides eam similem facit: nec ab hac magnitudine multum recedit, mali Punici arbor, cui Theophrastus lib. ix. de plantarum histo-

*Iustinus hi-  
storicus de  
balsamo.*

*Xylobalsa-  
mum ve-  
rum.*

*Balsamū  
ex Perū.*

ria, capite vj. similem fecit: nam folia vt ibidem inquit, perpetua illi sunt, nec vnquam decidunt, virentia, rutæ foliis per quàm simillima, multò tamen candidiora: in quam sententiam Dioscoridem in præfenti ire animaduertimus, nec Plinius lib. xij. cap. xxv. vbi de ea tanquam de re sibi conspecta iudicium fert, ab illis dissentit: quinimò folium proximum rutæ, perpetua coma, habere affirmat. Nascitur arbor hæc, vt refert Theophrastus, in Syria tantum, vnde Plinius eleganter vt solet libro xvj. cap. xxxij. fastidio balsamum (inquit) alibi nasci natura, quam in Syria noluit ferre: subscribens verò ille Theophrasti verbis, lib. xij. ita quoq; inquit, balsamum vni terræ Iudææ concessum, quondam in duobus tantum hortis vtroque regio, altero iugerum viginti non amplius, altero pauciorum. Quo verò in loco Iudææ balsamum proueniat, Iustinus historicus è Trogo Pompeio tradit lib. xxxvj. Qui post multa & varia citata nugamenta in hunc modum inquit: Opes genti ex vestigalibus opobalsami creuere, quod in iis tantum regionibus gignitur, est nanque vallis, quæ continuis montibus velut muro quodam cinctâ instar hortorum clauditur, spatium loci ducenta millia iugera nomine Iericho dicitur: in ea valle sylua est, & vbertate & amœnitate insignis, siquidem palmetto & opobalsamo distinguitur: & arbores opobalsami formam similem pineis arboribus habent, nisi quod sunt humiles magis, & in vinearum morem excoluntur. hæc certo tempore anni balsamum sudant. Hæc Iustinus. In quibus inquit, balsamum in Iericho Iudææ nasci, quod ita esse tradidit Iosephus Hebræorū magnus historicus. Dioscorides verò non solum in conualle Iudææ quadam, sed Aegypto quoque nasci fatetur, quod ita esse certissimus, vnde ad nos nunc Xylobalsamum verum adductum est, odoris suauissimi, primo aspectu vitis ramusculos, figura & colore referens. Cæterum hodie alibi balsamum, quam in iis regionibus nasci nouimus, vt experientia compertum habemus, videntes opobalsamum, apud eos qui è Perū nouiter inuenta regione, reuersi sunt: & inter thesauros suos tanquam rem preciosissimam reconditam asportant, tantæ suauitatis, ac iucundissimi odoris, vt æmeritò Plinius omnibus odoribus balsamum præferri dixerit.



dixerit. Vocant verò opobalsamum, balsami liquorem, ardentissimo Canisæstu exceptum, qui eo tempore, vulnerata arbore, fluit, non vt Theophrasti, aut Dioscoridis temporibus, ferreis vnguibus fiebat: sed potius vt Plinius testatur, vitro, lapide, ossisve cultellis, quum ferro lædi vitalia odit, & protinus emoritur. Raro hodie pretiosissimus liquor iste opobalsamū dictus, ad nos verus & syncerus affertur: imò multis mixtus, adulterinus & falsus è Græcia delatus: cuius causa Galenus, vt verum à falso dignosceret, in Iudæam nauigauit, vt libro de Antidotis legitur, ad hunc modum: Inde opobalsami, & cinnamomi in prædictis versibus Andromachus meminit, in quibus post traditas à Dioscoride notas, maximum est ea prius inspexisse, in qua regione vnumquodque ipsorum præstantissimum gignitur, quemadmodum ego conatus sum (sciens opobalsamum variis adulterari modis, vt ægrè possit dignosci) ipse videre quomodo liquorem fundat: ac inde ceu regulam quandam aliorum obtinere porrò didici multas ipsius adulterationes, vt etiam exercitatissimos lateant, quas publicare scientes non dignum æstimo, ne prauis ipsas in transcurso discentes, in opere ad malas actiones transferant. Hæc ille. Quod vero opobalsamum è Perù noua regione adfertur, purum & syncerum esse crediderim: quum tantæ sit fragrantia aut odoris, vt omnes alios præstantissimos odores antecellat: quod, vt tradunt ij qui arborem illic viderunt, ex arbore pino persimili, non adeo tamen procera effluit colligiturve, quod vt superioribus diebus deprehendimus, gustu pingue est, acutum, diu in ore saporem retinens, odoris suauissimi, ad belzuinum tendentis, nam color & illius substantia tanquam aquæ mellis spissæ erant: vt manifesto appareat opobalsamum hoc, non esse eiusdem speciei cum Iudaico, aut Aegyptio: quanquam Trogus Pompeius, vt diximus, arbores opobalsami, quæ in Iudæa nascebantur, pineis similes fecit, ita vt has arbusculas Perù delineasse visus sit. Deprehenditur autem optimum opobalsamum si laneæ vesti instillatū maculam non relinquat: siliacti instillatum coagulet: aquæ aut lacti infusum quamprimum disiciatur, & lactis modo ablescat. vetusta te crassescit, sed generositatem amittit: dum enim no-

*Balsamū  
raro sincere-  
rum habe-  
tur.*

*Galenus  
nauigauit  
in Iudæā  
vt verum  
balsamum  
cognosce-  
ret.*

*Balsami  
veri signa.*

num est siue mustum: colorem habet candidum & oleo crassiori simile est, deinde rubescit, postea durescit, & translucidum fit. optimum modice rufum esse debet: secundum bonitatis locum obtinet album, tertium viride, peius nigrū. nec illius copiosius quotannis sex septemve congiis, vt Dioscorides tradit, colligebatur, est enim congius, vt obiter hoc attingamus, mensura quædam, continens olei libras nouem, vini decem, mellis vero tredecim cum dimidia, vt Galenus libello de ponderibus & mensuris sibi adscripto tradit. Item, inquit Dioscorides, reppenditur quo loco nascitur, duplo ad pondus eius argento, nunc vero, verum & legitimū, decuplo potius argenti pondere ob admirabilem eius facultatem redimitur. Secundas vero, carpobalsamum bonitate obtinet, quod vt bonum dicatur, decet rufum, plenum, grande, ponderosum, feruidæ cuiusdam in gustu mordacitatis, & odoratum esse: vnde facile diiudicari potest, quod hoc tempore in officinis granum pro semine balsami receptum, balsami semen non sit, quum oppositas omnino in eo qualitates videamus: nam subnigrum est, leue, euanium, nec gustui mordax, imo parum aut nihil odoratum, vt facile inclinēt animus credere, hoc officinarū carpobalsamum, non balsami, sed verius semen illud hiperico simile, quod ex Petra Palestinæ oppido affertur, quo olim (testante id Dioscoride) adulterabatur. Tertias verò bonitatis dotes ad Dioscoridis mentem zylobalsamum obtinet, quod tam à vero illo quod officinæ illius loco monstrant, abest, quantum peniculum ab arca differre animaduertimus, quum præter gracile esse, nihil cum ligno balsami veri habeat: hoc vero vt tradit Plinius in vnguentis coquitur, & pro succo ipsum substituere officinæ. Corticis etiam ad medicamenta precium est, quod Dioscorides siluit, præcipua autem (subdit) gratia, lachrymæ: secunda semini: tertia cortici, minima ligno, de quibus Galenus lib. vj. de Facul. simpl. medic. ita posteritati scriptum reliquit: balsamum desiccet & excalfacit secundo excessu: est autem & tenuium partium, adeo vt odoratum sit, sed liquor eius subtiliorum etiam partium est, quam planta ipsa, non tamen adeo calidus, vt quidam existimant, tenuitate partium falsi: porro fructus eius persimilis

*Congy mē  
sura qua.*

*Carpobal  
samum bo  
num vt sit  
quid.*

*Carpobal  
samum of  
ficinarum  
nō est car  
pobalsa  
mum.*

*Xilobalsa  
mum.*

*Cortex li  
gni balsa  
mi.*

*Balsamitē  
peratura.*

persimilis facultatis est, cæterum longè in subtilitate partium inferior. Hactenus Galenus. At vltra tam multas balsamo vires tributas, recentiores plures alias eidem attribuunt facultates: primam, quòd vulnera citissime curet, & ea absq; cicatrice relinquat: secundam, ad sibilum, obtusumq; auditum, instillata in aurem opobalsami gutta, multum valet: tertiam, mulierum lentiginis e facie delet, & eam perpolitam, claram ac formosam reddit: quartum, lapillos renum & vesicæ ita celeriter frangit & minuit, vt opus incantamento simile esse videatur, quod & Abinzoar medicus doctissimus expertus fuit, vt apud ipsum est legere libro ij. sui Theisir, sectione secunda capite vij. Verum Galenus libro Succidaneorum suadet deficiente balsamo, eius loco vtamur stacte, id est mirrhæ, pretiosissima gutta, quam hodie officinæ, storacem liquidam, vt opinor, appellant: vel oleo irino: vel, vt Paulus tradit, liquore myrthi. Nam loco ligni balsami, vtendum est albæ violæ radice. In quodam vero tractatu, qui absque authoris alicuius nomine, circumfertur, quem recentiores, Quid pro quo appellant, legitur, loco balsami vtendum esse terebinthinæ oleo, vel oleo laurino, aut gummi hederæ: & carpobalsami loco, hederæ eorymbis: & xylobalsami vice, ipsius hederæ ligno: Multi præterea moliuntur balsamum parare artificiale, quorû compositiones consultò prætermittimus.

Balsami  
succidaneis  
quid.

## CONSTANTINVS.

**Ο**ποβάλσαμον Liquor est Balsami, qui & βαλσαμέλαιον dicitur auctore Simeone Sethi. καρποβάλσαμον, Balsami fructus: ξυλοβάλσαμον, lignum Balsami. Balsami historia lege apud Plinium lib. 12. Cap. 25. Dioscorid. lib 1. Cap. 18. Theophrastum lib. 9. Cap. 6. & Strabonem geographiæ libr. 16. Meminit etiam Balsami, Galenus libro 1. de Antidotis & lib. 6. de simpl. facult. Iustinus historicus lib. 36. & Pausanias in Bæoticis.

## DE ASPALATHO.

Græcè, ἀσπάλαθος: Latine, asphaltus, lignum Rhodium, lignum aloes Rhodiorum, cortex bugia:

*Arabice, Darsifan, Hispanicè, alargiz: Italice, legno aloes da rhodes.*

Enarratio XIX.

**A**spalathus (nam asphaltus genus est bituminis) darsifan apud Arabes nominatur, vt conferenti capita manifestum erit. Nam Auicenna libro ij. capite xxj. ne quis inquirendo, & conferendo fatigetur, ita de darsifano inquit: Darsifan arbor est crassa, spinam habens grandem, qua medicinarum venditores sua experiuntur vnguenta, hæc Auicenna: cuius fidelis interpret, Gentilis de Fulgineo, nobili in Italia ciuitate, quum locum enarrat istum, inquit: darsifan Arabum, arbor quam Dioscorides aspalathum vocat, est, at quæ sit ignoro. Hæc Gentilis. Quòd vero ita se res habeat, Dioscoridis historia confirmat, quæ ita habet: Aspalathos lignosus est, crebrisq; spinis aculeatis frutex, quo spissandis vnguentis vnguentarij vtuntur, à quibus nec Serapio vt solet capite xxvj. discrepat, quo de darsifano agit, quanquam eo in loco inepte admodum pro eo interpret granatum syluestre interpretetur, sed de iis satis. Est vero aspalathos, vt Ruellius testatur, & recetiores Græci confirmant, lignum quod è Rhodiorum insula affertur, & illud lignum aloes Rhodiorum, officinæ hodie appellant, ex quo coronæ ad fundendas preculas Deo parantur: Nec enim Mathiolus, qui hoc tanquam falsum euertere contendit, audiendus est, quum reuera lignum hoc ex quo coronæ parantur, ex arbuscula humili crebris spinis aculeata, in insulis Rhodiorum, & aliis Græciæ locis cadatur, non vero ex oliuæ speciem referente arbore. Vidimus enim nos, apud Thomam Lucensem, insignem apud Ferratienses pharmacopolam, à quo Manardus multa se didicisse, libris suarum epistolarum fatetur, huius ligni fructum, brachialis crassitudinis, solidum, graue, multis interceptum nodis, quod à Græcis hominibus sub nomine aspalathi acceperat, & ex eo coronæ siue indices parantur: erat enim lignum illud coloris subrufi, cui simile in Hispania, apud Valentinos, & Terraconenses præcipue magna in copia reperitur: & illius radicis cortices, officinæ sub corticæ bugiæ mercatoribus vendunt. Si quis vero hoc

*Aspalathos lignum Rhodiorum est. Mathiolus errat.*

*Cortex vnguia aspalathus est.*

ligno caruerit, Galeni consilio, agni casti semine vtatur, non vero granati syluestris radice, vt multi perperam faciunt: quum Galeno in hac re, velut in cæteris, plus fidei habendum, quam trecetis Pandectis ac Auicennis, omnibusque qui hucusque de medica materia conscripserunt: ad hunc autem confugiendum est, velut ad sacram anchoram, quoties in noscendis simplicibus suborta fuerit dubitatio, aut controuersia vlla, huic assentiendum contra quantumuis diuturnum & receptum vsu, ac errantem authoritatem. De aspalatho igitur ille libro sexto de Facul. simpl. medicamentorum ita inquit: Aspalathos gustu quidem acris simul & astringens est, facultate vero ex dissimiliaribus constat, nempe partibus suis acris, exal-faciens, partibus vero aliis austeris scilicet refrigerans; itaque vtriusque ratione desiccatur, & proinde ad putredines & fluxiones est utilis. Nonnulli tamen aspalathum rubrum sandalum esse contendebant, falsò tamen, quum sandalus res noua sit, & Arabum inuentum: de quo tractans Serapio nullum Græcum authorem adducit: item quod aspalathus humilis arbor vt diximus est, sandalus vero procerè arborefcit, vt nostri Lusitani, qui magna cum gloria vniuersam Indiam suo imperio subiugarunt, illic viderunt, argumento certe est, quia aspalathus calidus est, Sandalus vero frigidus: cuius tres sunt species, nam alius ruber dicitur Sandalus, parui aut nullius profecto odoris: alius vero luteus siue citrinus dictus, odoratissimus, & cæteris melior: Tertius vero albus, medium inter vtrunque bonitatis possidens. Sant enim Sandali tertio ordine frigidi, sicci vero secundo, de quibus Auicenna libro de Viribus cordis: cor nò solum sandali roborant, sed etiam illi lætitiã inducunt, qua de causa inter cordialia hodie sandalus habetur, & medicinis ad cor faciëtibus miscetur: Nam rubens destillationes à capite descēdentes cohibet, delirantibus & iis qui in phrenesim descēdere sunt parati, temporibus, fronti, & sincipiti, cum aceto & aqua rosaceis applicatur, nec minus pulsibus, id est brachijs admo-uetur, velut in ardentissimis febribus: pectus, stomachus, & cor, cum aqua rosacea dissoluto, refrigerantur, quæ omnia quoque citrinus vel albus perficiet: nam arthritica calide, succo semperuiue mixtus, vel portulacæ, aut solani

*Aspalathi  
tempera-  
tura.*

*Aspala-  
thos nò est  
Sandalum  
ruber.*

*Sandalorum  
tres species.*

*Dia triūm  
sandalorū  
putredini  
resist.*

magnum adiuuentum præstat. ex omnibus verò condi-  
tum officinæ hodie parant, *Dia triūm sandalorū dictum,*  
februm putredini mirum in modum resistens.

### DE MUSCO ARBORVM.

*Græcè, βέρυον, σφάκνος, ἔπνον, ἀπλάγχνον: Latine,*  
*muscus Arabicè, Axnech, vsnee: Gallicè, mousse:*  
*Officinis, vsnea: Italicè mosco de gli alberi: Hispani-*  
*nicè, musgo d' Arbor: Germanicè, moofz.*

#### Textus vigesimi Enarratio.

**B**Ryon siue muscus, officinarum vsnea est, nemini non  
nota, vt pote superfluitas arborum, lapidum, ac fruti-  
cum. Dioscorides eam adstringēdi vim possidere asserit,  
Galenus verò, ac Paulus Aegineta, illi potius discutiendi,  
atq; mediocriter emolliendi potestatem concedunt. Nos  
verò scientes, bryum secundum quod ab arbore extrahi-  
tur, ipsius arboris secum qualitatem similem trahere, cum  
hoc volumus: dum inter hos graues viros, in medicamen-  
totum potestatibus præscribendis suborta fuerit dubita-  
tio, aut dissensio, vt Dioscoridi præ cæteris tam Græcis  
quàm Latinis in herbarum, ac fruticum describendis hi-  
storiis fides habenda est: sic Galeno in earundem assignan-  
dis naturis & viribus: quum nihil de illis tradiderit, quod  
non antea experimento vt ita dicam, venatus fuerit, vt pro-  
tæmio decimi libri de Facul. simpl. medic. scriptum reli-  
quit: cuius fidem desiderare nemo debet quum nihil in sua  
doctrina posteritati mandauerit, quod non verum esse ex-  
periamur, de quo libro vj. prædicti voluminis ita differit:  
Bryon, quidam vero splachnon, inuenitur autem in quer-  
cubus & piceis, & populis albis, vim habet astringentem,  
inualidam, nec enim multum est frigidum, sed proxime  
ferme mediis, quia videlicet, & digerendi & emolliendi  
facultatis est particeps maximè quod in cedrinis lignis  
reperitur. Nos hic notandū duximus, quod Galenus quum  
dixit, muscū in piceis reperiri, intelligit, in omnibus eius  
speciebus, velut, abiete, larice, & pino, imò illas arbores  
tantum citauit, vt cæterarum essent exemplum: sciebat  
enim Galenus & in oliua & variis aliis arboribus & la-  
pidibus muscū nasci: De hoc verò, sub nomine vsneæ Se-  
rapio

*Vsnea Se-  
rapionis,  
muscus est.*

rapio capite nonagesimo inquit: Vinum in quo vsnea per aliquot dies maduit, somnum profundum ebibitū facit, si verò stypticum vinum fuerit, stomacho confert, & illum roborat, imò illum aromatizat, & vomitum reprimat, & ventris fluxum constringit. Sed & Auicenna libro illo vbi cordi medicamenta conuenientia tractat: inter ea vsneam quoque tanquam cordialem reponit. Attamē, ne quis nominis vicinitate decipiatur, scire licet, moschū aliam rem à musco siue arborum vsnea esse. Est enim moschus puluis pretiosissimus odoratissimusq; qui vel vesiculis quibusdam pilæ modo rotundis, è pelle paratis, vel vasculis plumbeis inclusus ex India affertur. Nam qui Vlyssipponem per mare sex mensū spatio aduehitur, non ita bonus moschus est, velut ille qui terrestri itinere Venetias adducitur: Imò Venetiis orientalis moschus duplo venditur precio cariōr occidentali, quum tamen ab eadem regione portetur: id in causa est, quòd qui diu in mare permanet, plurimum suæ amittit generositatis: vocant verò Mauritani sua voce moschum, misch: sed potissimū articulo Al addito, Almisch, vocabulum vel hodie à Lusitanis iuxta & Beticis receptum. Cæterum vnde moschus colligatur, aut ex quo animali extrahatur, non mediocre dubium est: Nam Serapio, & Aëtius, vt placet Ruellio, quamquam in vniuerso opere Aëtij hæc non reperiri certo sciamus, inquitunt moschum sanguinem concretum in umbilico cuiusdam animalis esse: quod capræ simile est, & vnico armatur cornu, qui sanguis in saniem versus, & inde emissus post aliquot tempus sibi magnam odoris suauitatem adsciscit, hæc enim & multo plura Serapio de moscho tradit, quæ cuiq; legenti obuia sunt. At reuera omnia falsa & mendaciorum plena esse, hodie nouimus, quum moschus nec sanguis, nec animalis alicuius sanies sit. Est igitur, vt paucis dicamus, apud Indos regnum amplum, ab incolis eiusdē loci Sciam dictum, & vt melius dignoscas, vltra Malacham situm, in quo animal quoddam leporis magnitudine reperitur, & illud quidē frequens, & in magna copia, vbi non minus ac lepores apud nos, venatur: hoc igitur animalculū viuum virgis primo flagellatum, neci traditur, à quo detracta pelle, & interaneis demptis, vniuersam carnem sic verberibus liuidam cum ossibus

*Moschus  
quid.*

*Serapio in  
moscho er-  
rat.*

*Moschus  
verus quid  
sit.*

contundunt, pinfuntq; : quæ quum optime est pista, manu tractatur, vt siquæ duriuscula in illa fuerint oſicula reiciantur: Hanc verò carnē sic optime pistam, manu in globos quosdam redigunt, & frusto pellis ab eodem animali excoriatæ obuoluunt, vnde tanquā pilæ forma postea euadit, & moschus in folliculo, ceu vesicula inclusus dicitur: quanquam magna copia quibusdā in vasculis ad nos quotidie deferatur. Huius enim animalculi caro sic contusa pistave, moschus est, qui ex regno illo Sciā dicto, in Pegu prouinciam venalis apportatur, & inde in varias orbis regiones distrahitur, velut in regnum Sinarum, quod Serapio Seni appellat, & in regnum Corasceni, Persarum regi Sophi dicto subiectū: Cuius regni homines albi & bello dediti sunt, quos Lusitani nostri apud Indos, corrupta voce Corafones, pro Corascenis vocant, & cum illis mercium distractionem exercent. Non minus quoq; in Tumbas cum moschus defertur, regnū hodie Tumbequitum dictum, ad quod Chairi ciuitatis, Mauri mercatores pedestri itinere octo mensium, cum suis carauanis exercendarum mercium gratia singulis annis eunt, & inde optimum afferunt moschum, quem postea in Italiam remittunt. Nam moschus in Portugalliā aduectus, vt diximus, non ita bonus est, quia maris nimia contracta humiditate hebetatur. calidus autem in secundo gradu, siccus verò in tertio moschus habetur, qui cerebrum roborat frigidum, & partes imbecillas firmat, non minusq; quos animus deficit reuocat: cæterum de illo prisca nullam posteritati reliquerunt memoriam, quanquam multi Hebræorum, qui legem interpretantur, cõtendant, moschi in Bibliis mentionem fieri, quod an verum sit dubito, quum rerū naturalium inuestigatores, illum vtpote rem preciosissimam ac odoratissimam, non prætermitterent. Paulus Aegineta tamen, qui potius inter neotericos cõputandus est, lib. vij. suæ medicinx in compositione hermodactylorū moschi mentionem fecit, velut Aetius lib. xij. cap. 46. & lib. xvj. cap. 116. Est verò moscho res multum similis, odoratissima quam Zibettum siue algaliā nominamus, inter inguina testiculosq; animalis duplo cato domestico maioris concretam, quæ quum recens est, tetri & horribilis est odoris, postea verò succellu temporis ex se non minorem

*Moschi tẽperatura.*

*Zibettum quid.*



ac moschus spirat odorem, non ad ea tamen suauem: valet autem ad ea ad quæ moschus, multum tamen ad matricis strangulationem, modo ex ea pessi adaptetur: non minus Venerem incitat præsertim si ex ea pudenda illinantur. Vnum tamen animaduersione dignum est, quod apud Serapionem, Zibeta siue Algalia, longe ab hac de qua agimus Zibeta differt, vt cap. 119. de Sardeuam videre est, qui herbam vel succum nigrum in medicamentis odoriferis ingredientem, & fluxum sanguinis cohibentem ibidẽ esse tradit. Nouimus enim nos Zibetę catos, tum in Lusitanię, tum etiam in Flandriæ, Venetiisq; vbi domini sui quæstu non contemnendo prolificant, qui non aliunde quàm ex Lusitanorum comercio habentur. Accedit rebus odoriferis, Ambarum grisium dictum, quod prisca quoq; ignorarunt: nascitur enim in mari, & vt inquit Serapio, instar fungorum in terra, quumq; exæstuat mare, & ab imo fundo excernit lapides ingētes, vna cum iis etiam frustra ambra eliduntur: & subdit, accidit hoc potissimum in terris Zingi in occidente, quas ego Africæ esse crediderim, vbi hodie mare, magnas ambrae moles ex se emittit, & in Lusitaniam ac Hispaniam, mercatores vendendas afferunt. Optima verò ambra, quæ illic colligitur, figura est rotunda coloris cælestis, quæ verò alba est instar oui struthionis, est deterior. Est tamen piscis quem barbari azel appellant, qui ambra deuorat, & ex ea strangulatur, quem visum inhabitatores terræ Zingi funibus & vncis ferreis ad littus extrahunt, è cuius ventre exinaitur ambra non præclara: at ad eius spinalem medullam ambra reperitur pura, & optima. Ex India verò singularis adfertur ambra, præcipuè ex insulis Maluicæ dictis, non nisi præstantissimi & suauissimi odoris, ex qua simul & moscho, pira siue poma dicta, auro inclusa parantur, præcipuè in Hispania mulieribus, vt collo suspena cerebrum roborent, cor lætificent, & animum exhilarent: simulq; vt aliorum amorem suauissimo illo odore, portantes sibi concilient. non minus quoque ex iis duobus & agallocho, id est ligno aloes, compositio quedã gallia moschata dicta, ornatur, & in officinis habetur. Est enim ambra testate Auicenna, calida in secundo gradu, sicca verò in primo, cuius proprietates sunt hæ: cerebrum recreat, cor confortat, & sen-

*Ambaris  
grisium.*

*Ambra optima  
qualis.*

*Ambra ex  
insulis Mal  
uicæ singu  
laris habe  
tur.*

*Gallia mo  
schata cõ  
positio.*

*Aëtius am  
bram co-  
gnouit.*

sus omnes reficit, item senioribus, & iis qui frigidā tem-  
peraturam habent insigniter conducibilis. De ea verò  
Aëtius mentionē fecit lib. xvj. cap. 122. vbi suffumigium  
moschatum describit. Proinde non ab re Hérinolaus Bar-  
barus dixit, Aëtium alicubi ambram cognouisse, quæ ab  
ambro, id est succino, multum vt nouistis, abest.

## DE AGALLOCHO.

*Græcè, ἀγάλλοχον, & ab Aëtio, Simeone Sethi, atq;  
Nicolao myrepso, ξυλαλον: Latine Agallochum,  
lignum Aloës: Arabicè, Hoad, Agaloian,  
Agalugin, Agalugen: Gallicè, lignum Aloës:  
Italicè, legno Aloë: Hispanicè, Lin Aloë, aquila  
legno: Germanicè, Aloës holts, kreutz holtz.  
Persicè & Indicè, Calambuco.*

### Enarratio xxi.

*Tarum  
Aëtij.  
Lignum  
aloes ex ta  
probane  
insula por  
tatur.*

**A** Gallochum, siue vt Aëtius tarum appellat li. xvj. ca-  
pite vltimo, officinarum xyloaloes, siue lignum a-  
loes est, quod Lusitani nostri, ex India, præcipue insulâ  
Sumatra, Taprobane à Latinis dicta, è proceris arboribus  
colligentes, ad nos portant: vnde Pandectarium & alios  
decipi, qui huius ligni ortum à nemine visum cõtendunt,  
luce meridiana clarius est: imò in hoc, non minus multi  
delirant, credentes vtique ramulos huius ligni per flumi-  
na paradisi deferri, quum non minus huic arbori, quàm  
cæteris contingat, nam quum flumina aluëum suum ex-  
eunt arborum ramos & truncos, secum deferunt, vnde li-  
gnum aloës, sæpe corrosum & perforatū, multis illis col-  
lisionibus visum est, qua de causa creditum est à terrestri  
paradiso ortum traxisse: quod falsum esse, vt diximus, no-  
stri Lusitani indicarunt, qui ab India optimum adferunt,  
non nisi suauissimū, ac iucundissimi odoris, ex quo pretio-  
sissimi suffitus parantur, & illud Lusitaniæ instructiores  
officinæ sub ligni aquilæ nomine inquirentibus mon-  
strant, quanquam tamen optimum, hoc est nigrum, non  
nisi suauissimi odoris, Lusitani nostri apud Indos, calambu-  
co appellant, quum tamen calambuco vox sit Persica, li-

*Lignum  
Aquilæ.  
Calambu-  
cum vox  
Persica.*

gnum aloes significans, de quo Plinius lib. xij. cap. xx. sub tari nomine mentionem fecit: Galenus verò de illo libris de Facul. simpl. medic. non meminit: nec enim Serapio cap. cxciij. Galenum adducit, nisi in trãslatione Albatarich, quem profecto crediderim Paulum Aeginetam esse, quum eadem verba ibidem ab eo adducta, apud Paulum lib. vj. sic leguntur, agallochum lignũ est quod aduehitur ex India, thiã ligno simile odoratum, quod mansum animã suauitatem commendat, & in suffitum adhibetur, ramenta eius pota denarij pondere, languidum ex humore ventriculum, resolutumque confirmant: ad hæc, iecino-rosis, dysentericis, pleuriticisq; opitulatur, nec enim ignoro hæc eadem verba à Serapione sub nomine Pauli repeti, quæ antea ex Galeno in translatione Albatarich scripserat, est vero lignum hoc, vt Serapioni placet, calidum & siccum in ij. gradu, quod officinarum mango-nes vitiant, eius vice aspalathum vendentes, vt capite de aspalatho diximus.

Tarum Plĩ  
nũ lignum  
aloes est.  
Lignũ aloes  
Galenus  
non memĩ  
nit.

Lignũ aloes  
tempera-  
tura.

## DE NARCAPHTHO.

Græce, νάρκαρθου: Latine, narcaphthum, Arabicè, nabach, lazabaften: Hispanice, Lusitanicè, almea: Italicè, tigname.

## Enarratio xxii.

**N**Arcaphthon, siue narcaphthon, lignũ corticosum, & velut putidum, antiquitatem nimiam præ se ferens est, quod officinæ hodie thymiana, quia in suffimentis præcipue eo operantur, nominant: Itali corrupta voce, tigname vocant: Hispani vero, vt plerumque interuenit, Mauritana voce Almeam appellant: Huius Paulus Aegineta meminit lib. vij. suæ medicinæ, dicens: naocanthon sunt qui narcaphthon dicunt, Indicum est odoramentum, quod ad astrictos fœminarum locos suffitu vaporetur. Plinius vero, non narcaphthum appellari voluit, sed magis serichatum, cuius descriptionem, vt de re sibi incognita, libro xij. capite xxj. prætermisit, tantum ab aliquibus in vnguenta addi dicens. Cæterum thymiana vagum nomẽ est, suffitus omne genus comprehendens, de quo Serapio, sub nomine Isahaten, verba fecit.

Paulus Aegĩneta.

Serichatiõ  
apud Plĩ  
nium nar-  
caphthum  
est Græcorum.

## CONSTANTINVS.

\* **Δ** αφηνάτους ἰστος & coniectores meritò vocemus, qui quasi laurum momorderint, tam facile diuinent, & tam audacter pronuntient quid authores senserint in his præsertim quæ velut non intellecta præterierunt, contenti nomina tantum apponere, vt de gaballio fecit Plinius, de serichato & Taro. ea enim vt ipse ingenuè fassus est, lib. xij. cap. 21. nostro orbi tantum nominibus cognita sunt. Et tamen serichatum narcaphton interpretatur Amatus: Iarum verò Agallochon. quod ita diuinando, ad eruditionis famæ aucupium, authores interpretari non est, sed eos ludificari.

## DE CANCAMO.

Græcè, κάρκαμου: Latine, cancamum: Hispanicè, Lusitanicè, anime blanco: Arabicè, Sac, Lach: Officina Lacca.

## Enarratio x x i i i.

Cancamū  
nō est lac-  
ca.

Lacca non  
est gummi,  
sed formi-  
carum ster-  
cus.

Lacca arti-  
ficialis.

Serapionis  
error.

Monachi.

**Q**ui hucusq; cancamum, laccam esse putarunt, miro errore deprehenduntur, quum cancamum gummi odoriferum sit: lacca vero siue commansa, siue suffimentis expetita in odore percipitur, quam hodie Lusitani nostri, ex India afferunt, rubram, translucidam, tincturis præcipuè deseruientem, & ex ea officinæ compositionem quandam præparant, dialaccam appellatam, Quæ vt certo scimus, non gummi, aut arboris, plantæve alicuius gutta est, sed potius formicarum alatarum stercus, fauagôve, velut cera apum. In regno igitur Pegû dicto apud Indos quum terra, vel pluuia, vel arte plus iusto irrigatur, formicæ prædictæ, ligna quædam subtilia ab incolis sic disposita in altum ascendunt, in quibus laccam generant, & hac de causa, in lacca ligna ipsa percipimus, quæ dubio procul arboris non sunt laccam ferentis, vt hucusque omnes ferè crediderunt. Est verò alia lacca artificialis, quam infectores pannorum vendunt, quæ ex fece brasiliij virzinij dicti, & cocci resultat, quæ pictores pro conficiendo colore rubro obscuro maximè vtuntur: hanc verò Serapio, ineptè admodum cum prima confundit lacca: vnde hodie multi impudentissimo errore, Serapionis autoritate seducti, eam in compositione dialaccæ miscant. Monachi autem qui nuper Antidotarium Mesues

exposuerunt, alta mente cæcutiunt, delirantve, quum in compositione dialacæ, dicant: Si defecerit lacca, eius loco iniiciatur lachrima sanguinis draconis. Quæto verò errore, omnes norunt, quum lacca apertiuua sit, & menses prouocet: sanguis verò draconis tantum abest, vt aperiat, vt potius miro modo constringat, vt suo diximus loco. Sed hæc de lacca sufficiant, & ad institutum nostrum, hoc est, quid sit cancamum, reuertamur. Est igitur cancamum gummi quoddam, quod ex Guinea, Mina, Africæ, & insulis illi circumiacentibus Lusitani nostri adferunt, animum appellantes: decidit enim gummi hoc, vt testantur illi, ex proceris arboribus, folia myrti habentibus, quod album reperitur, & aliud subnigrum myrrhæ quodammodo persimile, odoratum, quod Dioscorides, illis de causis, inter myrrhæ species, tanquam improbam commemorat, & mineam à terra vnde præcipue nascitur, eam appellat: quanquam Serapio amineam nominet, vnde Lusitani nostri corrupta dictione, pro minea, vel aminea, animum vocet, & eo mulieres maximè pro suffragigiis, & medici contra dolores à frigiditate ortos præcipue vtuntur. Hanc vero assertionem primo adstruxit Brisotus Gallus, vir magna eruditione præditus, qui quæ apud Lusitanos ageret, vt inde ad Indos, cupidus cognoscendi rerum nouarum, nauigaret, gummi hoc vidit, quod cancamum esse dixit. Proinde, quum cancamo opus fuerit, Lusitanorum animo deinceps vtentur. Nec enim benzuinum cancamum est, vt capite de laserpitio diximus. Cancami etiam meminit Paulus libro vij. suæ medicinæ, dicens: Cancamum lachrima est arboris in Arabia myrrhæ similis, odore grato, qua etiam ad suffitum vtuntur. Vis eius est obesos extenuare, abstergere, & aperire obstructa: Sed ad memoriam hic reuocandum est, quod Galenus libro primo de Antidotis, mineam myrrham, tanquam cæteris myrrhæ speciebus meliorem laudat: de qua re capite de Myrrha in hoc libro plura dicemus.

*Enarratores Mesues errant.*

*Cancamum quid sit. Animum gummi quid.*

*Brisotus Gallus vir doctissimus.*

*Cancamum non est benzuinum.*

*Minea myrrha apud Galenum melior est.*

## DE CYPHI.

*Græcè, κύφι: Latinè cyphi.*

Enarra

## Enarratio XXIII.

*Cyphi quid.* Sive caput hoc Dioscoridis sit, sive adiectitium, est sanè Scyphi, suffimenti, sive thymianatis compositio, olim Soli & Lunæ dicata, qua ut Platonis verbis utar, præclari egregiique quondam in sapientia Aegyptij rudi & inculto adhuc seculo utebantur, ut Plutarchus libro illo, cui titulum de Iside & Osiride fecit monstrat. Non minus Statius. Politianus in libro de Nutritia: cuius causam Statius. 4. Thebaidos libro, iis carminibus tetigisse visus est, quæ ita habent.

Hi lucis stupuisse vices, noctisque feruntur.  
Nubila & occiduum longe Titana secuti,  
Desperare diem.

*Pastilla Hispanorum.* Hodie verò compositio hæc non paratur, illius tamen loco suffimenta quædam habentur, quæ Cyprias, auicularum modo formata quasi à cyphiis corrupto nomine appellant. Hispani vero massam, pastillorum modo, ex variis odoriferis rebus conformatam, pastillam vocant. Est autem cyphi compositio, ut placet Plutarcho sedecim sacris literis contenta, ex melle, vino, vva passâ, cypero, resina, seseli, aspalatho, myrrha iūco, bryo, calamo, vtraque iunipero, lacaphtho, cardamomo, & bitumine. Huius enim Galenus lib. ij. de Antidotis meminit, dicens: Quoniam verò cypheos meminit Democrates, quod & ipse conficit, rectè fecit, qui id quomodo præparari debeat, infra adiecerit,

At Cyphi, non est vlla simplex mistio,  
Nec terra quepiam istud fert, nec est liquor,  
Aegyptij confectum, quo dicam modo,  
Diis propitiandis, asserunt suffimine.  
Albam passam, capis vnam pinguisimam,  
Et corticem semenque totum huic eximis,  
Carnem ipsius perleuigatam insigniter,  
Bis duodecim constituunt drachmis Atticis,  
Terebinthinae crematae ponunt totidem,  
Myrrhaque duodecim, vnam sed croci,  
At vnguium bdellij tres, aspalathi duas  
Semis, spica nardi tres, cassia tres bona,  
Et cyperi tres, nec non cyperum pinguium  
Et grandium baccarum iuniperi sint tres,

Odori calami drachmæ sint nouem,  
 Mellis modicum, vini pauçillulum quoque.  
 At bdellium, vinum, myrrham, mortario  
 Demitte, leuiga dum spissitudinem  
 Mellis liquidi accipiant melle superaddito,  
 Vuam comminuunt, demde sacia lenia  
 Hinc vniuersa sumunt, atque orbiculos  
 Fingunt exiguos, diis hinc dant suffimma,  
 Ruffus vir optimus, & in arte exercitus,  
 Illo parandum sane prodidit modo.  
 Quidam carentes cinnamomo, tantum inuicem  
 Pondus locant ex cardamomi semine,  
 Utuntur vt priori mixtura quidam,  
 Verum vkeratis, iecore vel pulmonibus,  
 Aut viscere alio nonnulli dant potui,  
 Ex antidoto, quantum pendet denarius.

μείλι & τὸ  
 μέτριον,  
 Mellis qđ  
 sat est.  
 σαρδίλια  
 vuam pas  
 sam.  
 ἄπαντα  
 κελαι-  
 ζαυτες om-  
 nia cōmi-  
 scentes.  
 Ruffi me-  
 dici lass.  
 Ἀραχιδί  
 δραχμή.

## CONSTANTINVS.

**H**ac pratermisit, quæ in exemplari Græco ita leguntur *μυρ-  
 μένης δ' ὀσίου ἰβ'* id est Cinnami 4. iunci rotundi (vt Cor.  
 Celsus interpretatur lib. 3. Cap. 21.) 12. Sequitur in Græco codice,  
*βδέλλης ὀνυχας* quod interp. bdellij vnguium: quasi vero vngues  
 habeat Bdellium. lachryma arboris Sarracenicæ. Sed exemplar  
 Galeni in his versib. Democratis (sic enim legendum) corruptum  
 est: vera autem lectio ita restituetur si pro ὀνυχας mecum legeris  
*ὀνυχ*, ἢ ὀνυχίς, ἢ ὀνυχίς: qua forma dicitur à Dioscoride,  
*ὀνυχίου μύρον, ἢ καλεῖται ὀνυχίς*. habet enim Bdellion quod sit  
*ἰσῶδες ἐν τῇ θυμιάσῃ, εἰκὸς ὀνυχι*, authore Dioscoride libro 1.  
 Cap. 66. quod resserendum ad vnguem odoratum, qui ad suffitus  
 expetitur, & in officinis Blatta Byzãtia dicitur. Blatta Byzãtia  
 tamen nihil aliud est, quam *βλάττιον ἢ βλάττιον βυζάντιον* ab  
 Aethuario dictum. Arabum vero Blatta Byzãtia. nō tamen igno-  
 ro doctissimum Fuchsum, Blattam Byzãtiam intelligere, os naris  
 purpura, deceptum Nicolai Myrepsi interpretatione, qui exponit,  
*ὄσπυρον ἢ εἰσὸς ἢ ποσσύρας*. Sed hic auther est admodum diluta  
 fidei & parum probata. Demde in eo fallitur Fuchsius, quod  
 prater consuetudinem, parum expendat, hæc verba Dioscoridæ:  
*ὀνυχας ἐν ὕδατι θυμιάσῃ, κατὰ τὸν ποσόν τῆ ὀσμῆ*. Non im-  
 pedit igitur, vt voluit Fuchsius, quin Blattium sit vnguis odo-  
 ratus, quod Blattium suffitum Castoreum suboleat: quando id  
 quoque

\*

quoque vngui odorato, Dioscoridis auctoritate, tribuatur, Bdellium Dioscoridis odore confertur onychi, ονυχ αὐτὴν Ἰαστὸς. Ideo βδέλλιον ὄνυχον. Bdellium vocauit Galenus libro x. de Compositione medicamentorum κατὰ τὸ πρῶτον, in Malagmate Asclepiadis: βδέλλιον ὄνυχον & λίπας β. Idem lib. ij. de Antidoto in Charmidis Antidoto, βδέλλιον ὄνυχός τε & διαύσις ὡς ἀραχιδῶν. Malè igitur legitur hoc in loco, ὄνυχας pro ὄνυχον, vt deprauatè itidem lib. 8. de Compositione Medicamentorum, κατὰ τὸ πρῶτον in Democratis Malagmate, βδέλλιον ὄνυχός τε τὰς ἰσας pro ὄνυχον & consimiliter, quod ibidem paulo post exponitur idem esse βδέλλιον ἢ βδέλλιον cum subiicit βδέλλιον ὄνυχον διαβροσθῆναι ποτῶν τρυκῆ. An Arriano verò Bdellium dicitur βδέλλιον: περὶ πλοσῆς ἐρυθρῆς βαλάνου, φέρεται δὲ inquit ἀπὸ τῶν τέπων νάρδος, νόστος, βδέλλιον, ὄνυχον λιβία, ἢ σμύρνα. Sed Plinij verba de Bdellio onychite non transmittenda Silentio: libro enim 12, Cap. 9. De Bactriano Bdellio: Bactriano nidor siccus, multisq; candidi vngues, quod de vnguib; humanis intelligi non debet: vt alibi fusius dicemus, Sed de onyche conchylj genere, de quo Dioscorides loco superius citato.

**H**Athenus Galenus, qui libro viij. de Compositione medicamentorum κατὰ τὸ πρῶτον id est, per loca vbi præcipue agit de pharmacis ad hepaticos, ex Andromacho, ita breuissimè hæc complexus est, in primo Antidoto, dicens: Hæc quidem est Antidoti descriptio, Appellauit autem hanc cyphoidem, hoc est, cypheiformem, ob similitudinem: nam & odore & gustu similis est cyphi ab Aegyptiis appellati, qui sane primi hoc pharmacum composuerunt, & vtuntur eo quotidie ad vaporem edendum, accenso in deorum honorem igne.

## DE CROCO.

Græcè, κρόκος: Latine, Crocus, vel Crocum: Arabicè, Zaha faran, vel Zafaran: gallicè & Germanicè, saffrem: Hispanicè, Azafran: Italicè, Zaffarano.

### Enarratio xxv.

**O**Mnibus notissimus est Crocus, quo condimenta coquinaria, passim ornantur, cuius descriptionem sic habeto, quam eam Dioscorides silentio præterierit: Crocus





Crocus.

cus est herba folio gracili, angusto, paruo, pene in capillamenti modum dissoluta, cuius radix bulbosa, nucleis intersecta: aliis simillima est, quæ vergiliarum oecasu flore ceruleo floret, in quo capilli illi Crocus dictus, hebetes licet postea odorati nascuntur: is enim olim Cilicius nobilior habebat, nunc vero apud Italos Aquilanus palmam obtinet, qui ex Aquila Neapolim affertur: quam qui e Germania hodie adducitur, primas obtineat, ut Venetiis aliquando vidimus, in ea precipue officina cui Co-

ralium pro symbolo est. In Hispania quoque plurimus & optimus nascitur. At qui a Græcia ubi vberissime crescit, aduehitur, pessimus omnium iudicatur: optimus enim ut dicatur Crocus, flauissimus sit oportet, tum odoratissimus, & longo tempore in vigore suo persistens, ut ex Galeno libro de Antidotis desumitur. Est autem Crocus medicina cordialis, quæ merito tum intus, tum extra medicamentis cordi adaptatis, misceri debet, nam cor roborat, & lætificat, & ea de causa, risum promouet, & ita promouet, ut fabulosum non sit aliquando hominem risu & cachinno, ob nimium croci esum mori. Vidimus enim nos apud Mitinam a Campo, totius Hispaniæ celeberrimum emporium, mercatorem quendam, qui cum plures Croci sarcinulas siue inuolucra emeret, ut in Lusitaniam portaret, multum ex illo in olla carnes iurulætas pro cœna continente iniecit: qui post earum esum, in tam intensum ac vehementem risum prorupit, ut non multum abfuerit, quin risu, & cachinno tunc e vita discederet. Tunc enim Serapionem verum dixisse credidi, quum capite de Croco

*Crocus medicina cordialis.*

*Crocus interficit.*

*Crocus pil-  
lulis Rufi  
addi po-  
test.*

*Crocus ca-  
lidus in se-  
cundo or-  
dine siccus  
verò in pri-  
mo,*

*Oxycroceū*

ex mente Rasis dicat: Crocus pondere duarum drachma-  
rum partum accelerat, & inebriat ebrietate forti si cum  
vino misceatur, & laticat adeo, donec facit insaniam  
excellenti lætitia. Quum igitur Crocus summam hanc  
cordialem virtutem habeat, non multum mea sententia  
damnādi illi sunt medici, qui Rufi pillulis, Crocum tem-  
pore præsertim pestilenti addunt. quòd vero Crocus ap-  
petitum deiiciat, recentiorum est inuentum, vt verò Ga-  
leno placet libro septimo de Facultatibus simplicium  
medicamentorum, Crocus secundi quidem est ordinis  
excalcipientium, primi vero exiccantium, proinde con-  
coquendi quoq; vim obtinet, adiuuante etiam ad id qua-  
dam exigua astrictione: nam lib. de Antidotis, se ob Cro-  
ci odorem incurrere capitis dolorem, fatetur. Proinde nō  
mirandum, si agaso quidam apud Pisauenses, super dua-  
bus Croci sarcinulis dormiens, eadem nocte obierit: vt  
superioribus annis accidit, vt testantur omnes Pisauen-  
ses, ac Magnificus Ioannes Gondula, patritius Ragusi-  
nus, vir non minus doctrina quam generis nobilitate cla-  
rus, qui eo tempore apud Pisauenses agebat, & hoc ita  
esse confirmat. Ex Croco vero, cerotum oxycroceum di-  
ctum, officinæ hodie parant, membris contusis, & fractis  
ossibus dicatum: resoluit item durities, & multa adfert  
præterea commoda,

## DE CROCOMAGMATE.

*Græcè, κροκόμαγμα: Latine, crocomagma.*

Enarratio xxvi.

*Crocoma-  
gma.*

**C**rocomagma olei crocini fex est, quam instructio-  
res officinæ reconditam habent: eius porro vires  
eadem fere sunt, cum iis quas crocus habet.

## DE ENULA CAMPANA.

*Græcè, ἑλένιον: Latine, Helenium, Inula, & Enula.*

*Hispanicè, raiz de alla: Italice lella, enola, enoa:*

*Gallicè, enula campana, Aulnee: Germanice,*

*Alant: Alantvurtzel.*

## SECUNDA ENULA.

*Aegyptia enula, Helenium Aegyptium, ὑπέρδης, Hom. tametsi alij intelligant cirsium siue Buglossum.*

## Enarratio XXVII.

*Helenium.*

**H**elenium, nostra est inula Campanica, siue enula Cāpana, hortis fere omnibus famigeratissima herba, cuius folium latissimum est, ad symphyti folium accedens, albicans vna ex parte, ex reliqua vero lanuginosa est, nam florem luteum fert, radicem vero crassam, amaram, optimi tade credendum est, vt docte admodum Marcellus Virgilius adnotauit, Dioscoridis historiā hanc corruptam & acephalam hic, vt in multis alijs locis deprehenditur, esse: Nam quod folia angusta verbasco similia ha-

*Enula Cāpanica.**Dioscoridis historia acephala est.*

bere tradat, id cœli causæ forsan tribuendum esset, quum in vno loco procerius herba vna quàm in altero crescat: sed quod insignem amaritudinem in inula repertam, silentio prætermiserit, non possum non testari textū istum corruptum esse. Imò Marcellus Virgilius confirmat se sic in antiquissimo Dioscoridis codice legisse: caulem ex se mittit Helenium, crassum, hirsutum, cubitalem, & aliquando maiorem, angulosumq;: flores luteos, & in iis semen verbasco simile, tactu prurimum faciens: vnde facile credere est, vt hæc peruersa & immutata fuere, ita quoq; pars hæc ad amaritudinem attinens, quāquam eam quoq; à Plinio prætermittam animaduerto, vnde Mathiolus Senensis, hic falsò admodum Plinium adducit, libro xix.

*Mathiolus Senensis falso Plinium citat.*

cap. 5. quia vltra quòd in eo capite, nullam penitus de helenio, siue enula mentionem faciat, libro tamen xxj. cap. 10. vbi helenij meminit, non de hac loquitur, sed potius de Aegyptia, cui Dioscorides in hoc capite, ex mente Crateuæ herbarij, ramulos serpilli modo, humi sparfos tribuit, folia vero lenti similia, cui quoq; eo in loco nullam tribuit amaritudinem: Imò in describēda hac herba, Plinius à Dioscoride variat, quum Dioscorides folia lētis, & ramulos serpilli per terram sparfos Aegyptiā enulam habere tradat: ille vero non lentis folia sed serpilli potius possidere dicit. Accedunt ad hęc, quòd cap. xxj. prædicti libri, vbi medicamenta Helenij pertractat, dulcem esse asserit, non amaram, vt liquido constet Plinium de illa tantum dulci Aegyptia inula memoriam fecisse, non vero de hac à nobis amara tractata: Proinde Mathiolus si Plinij auctoritatem in hac parte subtraxisset, prudentius dubio procul fecisset, ac non ita duplici errore hallucinaretur, primo, quum credat Plinium de hac inula prima mentionem fecisse, quum vt diximus potius de secunda Aegyptia agat: secundo quum dicat Plinium inulæ amaritudinem tribuere, quum re vera illi dulcedinem condonet, & non amaritudinem, vt cuique legenti notum erit. Verum enulæ radix adeo lætificat, vt in omnium apothecariorum ore sit, Enula Campana reddit præcordia sana: imò hac de causa, à multis creditum est, hanc, nepenthem herbam illam ab Homero tanta laude decantatā esse, quia perpetuam pariat lætitiā, & tristitiā omnem aboleat, omnes abigendo curas, & malorum omnium obliuionem inducendo, præcipuè si eius succus vino immistus bibatur, quæ omnia vera esse crediderim, modo de Aegypto helenio Campano dicantur, quum in nostra enula hæc prorsus non reperiantur: nec Itali illius radices quotidie coctas, & saccharo vel melle & aromatibus paratas licet esitent, talia experiantur. De illa igitur enula Aegyptia vera nepenthe sic cecinit Homerus libro iij. Odyssæ.

*Mathiolus  
dupliciter  
hic errat.*

*Enulæ  
radix cor  
lætificat.*

*Nepenthes  
enula Aeg  
gyptia est.*

*Turn Ioue nata Helena hic meditata est pharmaca potu  
Ac subito iniecit medicamina rara Lyco,  
Vnde bibunt proceres Nepenthes incluta succo  
Gramina, quæ irarum, siue omnis cladis & omnis  
Vsq; mali herbarum ducunt obliuia potu.*

Hæc

*Hæc si mixta scyphis aliquis presumpserit, ille  
Luce illa nunquam lachrymas effundet obortas,  
Non si vel genitor materq; Acherontis arenas  
Rapta petat Stygias, non si natumq; fratremq;  
Coram disiectos ferro, atque in sanguine mixtos  
Hoste oculis videat claris.*

Cæterum helenium ab Heleno Troiano inuentum sibi nomen vindicasse, non vero ab Helena vt poetarum nar- rant fabulæ, crediderim: cuius naturam & vires profe- quens Galenus libro sexto de Facultatibus medicamen- torum, ita inquit: Helenij herbæ radix maxime est utilis, non primo statim occurſu exalfaciens, ac proinde di- cenda est non calida & sicca exactè, ceu piper tum atrum, tum candidum, sed cum recrementitio humore, quapro- pter eclegmatis, quæ faciunt ad educendos ex pectore pul- moneq; crassos lentosq; humores, idoneè commiscetur, rubrificant eius quoq; vi partes frigidis ac diuturnis ve- xatas affectibus, cuiusmodi sunt nonnullæ coxarum pas- siones, ischiadas vocant, & exiguæ assiduæq; articulo- rum quorundam præ humiditate procidentia: ac luxa- tiones.

*Helenium  
vnde di-  
ctum.*

*Helenij tē-  
peratura.  
Helenium  
pectori cō-  
fert.*

## DE OLEO.

*Græcè, ἔλαιον: Latine oleum: Hispanicè olio, az eyte:  
Arabicè, Cait, vel Zait. Italicè, olio, vel oglio,  
Gallicè huyle, Germanicè, oel, ἔλαιον ὀμφακίνου:  
καὶ ὀμῶφίνος: Latine oleum omphacinum, Hispani-  
cè, oleo de oliuas en agraz, olio de oliuas verdes:  
Germanicè, Baumcæl.*

## Enarratio xxviii.

**O**leum ex oliuis expressum, omnibus notum est, quod hodie maturum in usum victus, non vero omphaci- num immaturum aut acerbum dictum, venit: est enim maturum, hoc est, oleum ex oliuis maturis confectum, calidum & humidum, & eo magis si vetustum est, vel in eo sal iniectum fuerit, vt hodie apud Hispanos plerunq; sit. omphacinum vero frigidum & siccum est, & tato ma- gis si cum exprimitur, oliuæ surculi vel folia quoq; simul

*Oleum cali-  
dum et hu-  
midum est.*

*Oleum omphacinum frig. et sic.* exprimantur, vnde Galenus lib. ij. de Compositione medicamentorum secundum genera, quum andromachi emplastrum viride examinat, inquit: olei sanè nomen vnum est, qualitas & facultas diuersa, nam omphacinum frigidius: ex maturis oleis pressum calidius est: temporis tamen processu calfaciendi vim auget, sic etiam quod salem habet quantum ex illo sumpserit tanto calidius est, magisque ficcatur, quam quod ipse expers est. Quod surcalos olea, *βασίλινος* Græci nominant, continet, valentius astringit, hæc ille. Olim verò & si omphacinum præcipuum in sanitatis vsu habebatur, ex maturis quoque oleis, multis in locis parabatur, præcipuum tamen Sabinum, non procul ab vrbe Roma, in Sabinorum regione prognatum, vt Galenus libro ij. de Compositione medicamentorum secundum locos ait. Hodie verò vt diximus ex maturis oleis tanquam sanitatis vsui magis seruiens paratur, omphacinum verò in officinis & rosaceum, & per se proprium, tanquam repercussorium medicamentum seruatur. De quo Galenus lib. vj. de Facult. simpl. medic. ita pro coronide tradit: oleum quod ex oliuis exprimitur, humectatorium esse & moderatè calidum iam supra docuimus, eiusmodi est, quod dulcissimum est, fitque potissimum ex oliuis quas drupas appellant. Cæterum quod omotribes & omphacinum nuncupant quale ab Hispania vehitur, id quantum in se habet astrictionis, tantum etiam illi inest frigiditatis, porro oleum vetus, quod quidem ex dulci inueterato efficitur: & calidius est, & potentioribus ad euaporandum viribus: quod verò ex crudo, id dum reliquum quippiam seruaauerit astrictionis, mistæ permanet facultatis: Vbi vero illam prorsus abiecerit reliquo euadit simile. Quinetiã quicunq; in preparando ramos iniiciunt, ij omphacino simile oleum efficiunt.

*Oleum moderatè calidum est.*

## DE OLEO OLEASTRI.

Græcè, ἄφελαιον vel ἔλαιον ἐκ τῆς ἀφίας ἐλαίας ἤγρω καὶ κούρις, ἢ ἀφίππυς ἢ ἀφιελαίς: Latine oleum oleastri: Hispanice, olio de azenbuche, olio de azambugeiro: Italicè oglio de oliaastro,

## Enarratio. XXXIX.

**O**leum quod ex oleastri amari conficitur oleis, pro cibo non accipitur. Si quis tamen eo quotidie barbam, vel capitis capillos inunxerit, canitiem remorabitur: de quo Galenus libro vj. de Facul. simpl. medi. tradit. Quod ex agresti oliua exprimitur, extergit, simulq; astringit, squalidissimus enim id est ex omni olei genere.

*Oleū oleastri canitiem remoratur.*

## DE OLEO ALBO SICYONIO DICTO.

Græcè, Σικυώνιον ἔλαιον: Latinè Sicyonium oleum.

## Enarratio XXX.

**S**icyonium oleum, sic appellatur, quia in Sicyone ciuitate, apud Peloponnesum Moream vulgo dictam, olim perfectissimum parabatur, hodie vero vt audio, ciuitas hæc Basilica dicitur. Cæterum, priscis maxima cura erat, oleum parare albissimum, quia illo quotidie vniuersa corpora inungebant, vt agilia prompta, & expeditissima ea haberent, qua de causa frequentissime se lauebant, & tam sæpe balneis utebantur, in quibus oleosa superfluitas illa colligebatur, de qua Dioscorides ad præsens sermonem facit, dicens: calefaciunt itidem quæ in balneis olei strigmenta colliguntur, &c. Non minus olim quoque athletæ luctatores, quum ad palæstram nudis corporibus, vt difficulter delibuti, ab aliis in lucta siue palæstra, perstringerentur, vniuersum corpus oleo illinebant, quod puluere eleuato & sudore permixtum, inde sordida pinguitudo reuultabat, quam Dioscorides intelligit, quam inquit. Quæ vero ex palæstris, &c. Hæc quoque crassa sordes quum luctatores gymnasiorum parietibus & statuis adhærebant, fixa illic manebat. Quam Dioscorides quoque intelligit, quum dicit, nec minus etiam calefaciunt, & cætera. At hæc hodie vt multa alia non habentur.

*Sicyonium oleum à ciuitate dictum.*

*Strigmenta balnearum.*

## DE ELAEOMELLE.

Græcè, ἔλαιόμελι: Latinè eleomel, oleum palmarum: Hispanicè, olio de palmeras: Italicè oglio de palmiere.

## Enarratio xxxi.

*Hermo-  
laus Bar-  
barus er-  
rat.*

*Elcomeli  
quid.*

*Ex palmy-  
ris multa  
colligun-  
tur.*

**Q**ui rerum variarum cognitionem desiderat, & earum naturas tenere, multas orbis partes perlustrare opus habet, quum sedentario studio tantum non adquirantur, cuius defectu Herimolaus Barbarus patricius Venerus, vir singularis doctrinae & eloquentiae, in hoc deceptus est, credens utique elcomel, mannam qua ad ducendam aluum vitimur, esse: quum elcomeli, ut veritas ipsa testatur, & Plinius subscribit lib. xv. cap. 7. sponte nascatur in Syriae palmyris, licet mendose hodie maritimis, legatur. Quod ex arboribus manat pingue, crassius melle, resina tenuius, sapore dulci. In India vero & insulis Cap. viridis, palmyras hodie nasci nouimus, ex quibus non solum oleum lucernis, & cibo deseruiens extrahitur, sed etiam vinum, mel, fructus, linum pro parandis sacculis, & ligna igni deseruientia colliguntur, ut mirum plane sit, quantis dotibus natura hanc dotauerit arborem, de cuius fructu, capite de elate legere ne pigeat, quum ibidem haec vberius tractentur.

## DE OLEO CICINO.

*Gracè, κινινον ἔλαιον: Latine, oleum cicinum, oleum ricinium, oleum de cherua, oleum de cataputia maiori, de pentadactylo: Hispanicè, olio de semente, de figueira del inferno: Italicè, oglio de mirasole, o girasole, o fagiuolo Romano, o fagiuolo Turchesco: Germanicè, Vuunderbaum: oder Creiitzbaum.*

## Enarratio xxxii.

*Oleum de  
cherua.*

**O**leum Cicinum Latini ricinium appellant, ob similitudinem, quam semen vnde oleum conficitur, cum animalculo sic dicto, habet. Est vero animalculum hoc infectum canibus, capris, asinis, & equis, quod ricinus Latine dicitur: Hispani vero illud sua voce, canapatum appellant: Itali autem zeccam. Dicitur vero oleum hoc apud Arabas, oleum de cherua, siue de maiori cataputia, quod in nonnullis instructis & ornatis officinis paratum habetur,



tur, de quo Galenus lib. vij. de Facul. simpl. medic. ita tradit: Oleum quod ex semine ricini conficitur, tum calidius est, tum tenuiorum partium, quam est oleum commune, ac proinde potentius quoque digerit, nos verò Mesues consilio, eo contra colicos affectus à frigiditate ortus, tum in clysteribus tum in vnctionibus vtimar, de qua re quarto libro vberius agetur.

## DE OLEO AMYGDALARVM.

Græcè, ἀμυγδαλίον ἔλαιον: Latine oleum amygdalarum. Hispanice olio de almendras: Lusitanice azelite de amendoas: Italicè olio di mandorle: Germanicè, Mandelœl. Gallicè, huyle d' amandes.

### Enarratio XXXIII.

Tantum de oleo amygdalarum amararum loquitur in presentia Dioscorides, quòd *μετώπιον* appellat: proinde nos de dulci sermonem faciamus, quum eo frequèntius vtamur, & medico vsui quotidie veniat. Parat enim oleum amygdalarum dulcium sic: contunduntur autè amygdalæ, & in cacabo æneo ad ignem trahuntur, postea canabaceo panno multis obducto plicaturis excipiuntur, & in torculari exprimuntur, vnde oleum exit, sed in hoc parandi modo monèdi sunt pharmacopolæ, quum vt optimum oleum amygdalarum dulcium fiat, opus est ex optimis amygdalis selectis paratur: quas à cortice mundare, & eas albas reddere operæ pretiū est: nam aliter virtus olei huius lenitiua, & pectoralis amittitur, hoc magis, si rancidas & veteres amygdalas aliis mixtas acceperint. Sed hoc aliud maius malum in hoc concinnando oleo committitur, quod est, quia quum ad ignem, sic contusas & pistas in cacabo æneo admouent amygdalas, eas sic torrere permittunt, vt non multum abfuerit quin omni ex parte olei virtus deperderetur, nisi eas pauca aqua rosidas facerēt. Sed & cum hoc, adeo eas vrunt, vt horridæ & combustæ forteant. Proinde deinceps monitos pharmacopolas vellem, vt quum oleum ex amygdalis dulcibus parare proposuerint, contentur amygdalas selectas & bonas habere: item quòd eas albas faciant, quū cortex ille procul dubio

Oleum amygdalarum amararum describit Dioscorides tantum.

stypicus, ficans, asper, & scabritie plenus fit: Quæ omnia viribus olei huius contraria sunt, & multo magis, si torrefieri, vt plerunq; fit, amygdalæ permittatur, proinde cortices deinceps deponito, nec amygdalas sic torrefieri sin-

*Mesue.* to. Hæc omnia Mesue pharmacopolarum princeps no-

*Oleum amygdalarum dulcium in balneo Maria fieri debet.* scens, suadet, vt amygdalæ calefiant calore quodam modo, suauis, & minime acris, vt in balneo Mariæ fit, in quo vtinam pharmacopolæ deinceps, hoc oleum pararent, quum sic paratum in eo omnes vires attributæ reperiantur, & pectoris asperitates lenit, ac gutturis & pulmonis, velut iuncturarum quoque duritiem & siccitatem. Suauis est enim in cibis, & confert heceticis, & phthificis, impinguat, auget sperma, sedat tussim, & vrinæ ardorem mitigat, nam vesicæ, & renum, & vuluæ excoriationibus cum fistula iniectum medicatur: pondere verò quatuor vnciarum ebibitum oleum hoc aluum cōstrictam lenem facit. Amarum verò oleum vltra tam multis à Dioscoride illi viribus tributis, obstructions aperit, & ventositati aduersatur.

### CONSTANTINVS.

**A**mygdalarum oleum μετώπιον, non vocat Dioscorides, vt affirmat Amatus Lusitanus, non enim in re tam aperta, tam bonus author cecutit: solum adicit ita ab aliquibus vocari, eius verba sunt: ἀμυγδαλίωσιν ἔλαιον ὀττωρες μετώπιον: καλεῖται. Cauti etiam omnium optime Plinius, ne in illam vulgi ἀνευρολογίαν incurreret, cum dixit libro xv. Cap. 7. Amygdalinum, quod aliqui metopium vocant, ex amaris nucibus arefactis, & in offam contusis, aspersis aqua & iterum tussis exprimitur, Nimirum sciebat vterq; aliud esse μετώπιον, quod & νέτωπιον vocat Hippocrates libello de superficiatione. Comprimitis Dioscorides qui libro i. Cap. 72. de metopio ita prodidit Σενάρεται ἡ γὰρ ἐν αἰνῆσι μύρον, ἐπιχωρίως τῶν αὐτῶν καλῶν μετώπιον, διὰ τὴν αἰ καλῶν μετῶν. τὸ γὰρ ἔλαιον ἐξ οὗ γινώσται ἢ καλῶν, μετώπιον καλεῖται. Plinius vero in hac verba lib. xv. Cap. 8. Ergo Aethiopia subiecta Africa ammoniaci lacrymam stillat in harenis suis: inde & nomine etiam ab Ammonis oraculo, iuxta quod gignit ut arbor quam metopion vocant: resina modo aut gummi.

### DE OLEO BALANINO.

*Græcè, ἔλαιον βαλανίου: Latine, oleum balaninum, oleum*

oleum de myrobalano vnguentaria, oleum de nuce sine glande vnguentaria, oleum de ben, oleum myrrepticum: Hispanicè, azcrite de auelhana de la India. Italicè, olio di Ben.

## DE OLEO SESAMINO.

Græcè, ἔλαιον σισάμινον: Latinè oleum sesaminum, oleum è sesamo semine: Hispanicè, olio de alegria simiente, olio de gorgilim: Italicè, oglio de sisamin, de iesamin.

## DE OLEO NVCIS.

Oleum nucis inglandis, oleum nucis basilica, oleum nucis: Hispanicè, olio de nuezes: Italicè, oglio di noci, Germanicè, Nussœl.

## Enarratio xxxiiii.

Oleum balsaminum è fructu quodam, nucis auellanzæ magnitudine, & figura conficitur, qui fructus hodie apud myropolas, & vnguentarios, ben dicitur, vnde quoque oleum de ben appellant: Græci verò quoq; fructum istum myrobalanum appellant: Romani autem vertetes, glandem vnguentariam meritò vocant: quia huius oleo vnguentarij pro cõficiendis & apparandis odoratissimis vnguentis vtuntur, præsertim in quibus moschus, ambra, & cibetum ingrediuntur, hodie verò pro chirothecis & manicis suffitu perfundendis in myrothecis reconditum ab vnguentariis habetur: sub nomine tamen olei de ben, vt quarto libro amplius videre est. Verùm oleum hoc est abstersiuum, mundificatiuũ, & oppilationũ aperitiuum, nam strumas quoq; resoluit, & duros minuit tumores, mirificè contra induratos splenes valet, qua de causa hodie multi in vnguentis de obstruentibus spleneticis dictis, id miscent: valet quoq; ad multas propulsandas ægritudines frigidas, præsertim conuulsionem, iuncturarum dolores, ac iis similes. Inest enim mira proprietas huic oleo, quod nunquã in longo temporis tractu senescit, aut rancidum euadit, imò si oleo amygdalarũ gutta vna vel altera huius

Glans vnguentariae quid.

Oleum de ben contra splenis scirrhos valet.

de quo

de quo agimus olei adiungatur, illud à corruptione præseruatum habet. An verò oleum hoc ex fructus putamine, vel potius nucleo parari debeat, quàm in hoc authores varios esse animaduertimus quæri potest: Respondeo ex nucleo fieri debere, prout hodie quoque fit, nã putamen ineptum admodum, vt ex eo oleum parari aut confici possit, est.

*Sesaminum  
oleum.*

Sesaminum verò oleum, ex sesamo semine admodum paruo conficitur, quo hodie vniuersa Græcia maxime in cibo & lucernis vtitur: post oleum autem ex oliuis confectum, sesaminum primas obtinet, corpora enim incrassat, semen genitale multiplicat, vocem clarificat, pectus lenit, & scirrhusos tumores mollificat. Est enim omnino medicum hoc oleum, in multis adhibitum oleorum compositionibus. Nucum verò oleum in multis paratur regionibus, præcipue in Longobardia, Ethruria, Germania, & aliis variis locis, oleo oliuarum carentibus, cuius vice, illo præparando lucernarum lumine præcipue vtuntur: in vsum verò medicamentorum raro oleum hoc venit.

*Nucum oleum.*

### DE OLEO HYOSCYAMINO.

*Græcè, ἐλαίου ὑοσκυάμινου: Latinè, Oleum hyoscyaminum, Oleum Apollinaris herbae, Oleum Alterci herbae: Hispanicè, Oleo de velenho: Lusitanicè, az eite de memendro: Italicè, Ooglio di dente caualino, Ooglio de hyoscyamo: Gallicè, huyle de Hannebane, ou de iusquiamme: Germanicè, oel von Bulfenkraut.*

#### Enarratio xxxv.

*Oleum hyoscyaminum.*

**O**leum hyoscyaminum, ex hyoscyamo Apollinari siue alterco dicta herba, raro in officinis paratur, non sine errore tamen, quum multum podagricis, & calidis affectionibus valeat, contra Phrenesin magno iuuamento inungitur, non minus contra gonorrhœam, si renes eo illinantur, facit: aurium acutissimos dolores curat, præsertim si cum castoreo vel croco intus instilletur, item testiculorum & mammillarum dolores ac inflammationes sedat, deatium dolores ore retentum mitigat, & pilorum regenerationem prohibet, de quo plura libro 4.

CNIDIO SIVE GNIDIO.

Græcè, κνιδέλαιον: Latine Oleum de grano cnidio,  
Oleum de grano gnidio, Oleum de cocco gnidio,  
Oleum de thimelæa: Hispanicè, Lusitanicè, Olio  
de tornisco: Italicè, Olio de pepe de monti.

Enarratio XXXVI.

Oleum de grano cnidio siue gnidio; Oleum ex semine Granum cni-  
thimelææ confectum est; nam chamaelea mezeron est, dium. gni-  
ut 4. libro dicemus. Caterum hoc Oleum exoletum ab dium thy-  
officinis est, nec à quoquam in vlla regione paratur, de melæ idē.  
quo plura quarto libro legito.

DE OLEO CNICINO.

Græcè, κνικέλαιον, καὶ ἑλαιον κνικίον: Latine, Oleum  
cnicinum, Oleum de grano cnico. Oleum è cartha-  
mo, Oleum è croco hortulano: Hispanicè, Olio de  
Semiente de Alacor, Olio de Semiente de papa-  
gaios: Italicè, oglio de Carthamo.

Enarratio XXXVII.

Oleum Cnicinum, è grano cnico, oleum de cartha- Granum  
mo est, quod ex semine eius id est croci hortulani cnicinum  
paratur: Concinnatur verò velut amygdalinum, eo ta- carthami  
men calidius est, nam oleum hoc apertiuum est, & reso- croci hor-  
lutiuum, pectoris remouet stricturam, facillitat anhe- tulani,  
litum, medetur isticæ, sedat stomachi dolorem idem.  
& coli.

DE OLEO RAPHANINO.

Græcè, ραφανέλαιον καὶ ραφάνιον ἑλαιον: Latine oleum  
raphaninum, oleum è semine radicle, oleum è se-  
mine raphani: Hispanicè, olio de simiente de ra-  
uano: Italicè oglio di semenze de radice: Germa-  
nicè, Rettichœl.

Enar

## Enarratio XXXVIII.

Vomitum  
prorritās.

**O**leum è semine raphani, plebeis septentrionalibus admodum protritum oleum est, tum in obsoniis, tum in lucernis, velut Aegyptiis hominibus olim fuit, pulchram enim oleum hoc mulierum faciem reddit, & illius à vento contractas emendat scabrities: nam & quibus à longa valetudine pediculi abundant, accommodatum est, præter cætera autem hanc obtinet excellentiam, quòd vomitum leuiter admodum prorritet.

## DE OLEO E NIGELLA.

*Græcè*, ἔλαιον μελάνθινον ἢ μελανδέλαιον *Latinè* oleum de nigella, oleum melanthinum: *Hispanicè*, olio de Axenuz: *Lusitanicè* olio de Alepiure: *Italicè* oglio de nigella.

## Enarratio XXXIX.

Melanthiū  
vera ni-  
gella est.

**M**elanthinum oleum, id est è grano nigella dicto, non paratur, si tamen pararetur eadem ferè vires obtineret, quas sesaminum oleum. Est enim melanthium longè aliud granum ab eo quod inter frumentum reperitur, vt suo dicemus loco.

## DE OLEO SINAPINO.

*Græcè*, σινάπινον ἔλαιον ἢ σινάπελαιον, *Latinè* Oleum Sinapinum, Oleum è sinapi: *Hispanicè* Olio de mostaza, de mostarda: *Italicè* Ooglio de mostarda o verò de Senape.

## Textus quadragesimi Enarratio.

**O**leum Sinapinum, in vniuersa Germania in maximo habetur vsu, nec non in aliis regionibus quoque paratur. Est enim Oleum hoc maximè ad se trahens, proinde antiquissimis medetur doloribus.

## DE OLEO MYRTINO.

*Græcè*, ἔλαιον μυρσίνινον ἢ μυρσινέλαιον, *Latinè*, Oleum Myrtinum, Oleum myrteum: *Hispanicè*, Olio de arhaia, Olio de mortinhos: *Italicè* oglio de mirto.

## Enarratio XLII.

**O**leum Myrtilinum in omnibus officinis paratum reperitur, sed vtinam eo modo concinnatum quo Mesue suadet, cum oleo scilicet omphacino, in balneo Mariæ: vt vero optimum paratur sic componi debet: accipe Myrtilorum recentium libram vnâ, succi Myrtilorum libram mediam, vini nigri styptici, id est austeri libras duas, Olei omphacini libras tres, omnia simul mixta in vas vitreum vel stanneum optime obturatum mittantur, postea vas in balneo Mariæ reponatur, & lente per triduum ad ignem ebulliat, postea verò prælo omnia exprimantur: cui expresso, fructibus siue baccis tanquam inutilibus reiectis, nouas myrti baccas iterum optime pistas addere est opus, & per triduum quoq; , vt primo modo diximus, in balneo Mariæ tractari debent: sic verò & tertia vice innouari debent. Sed animaduertendum est, quòd vltimo die quo hæc extrahere ab igne voles, valis os per aliquot horas apertum permittere debes, vt vini humiditas exhalet, & Oleum purius maneat, sic enim concinnatum oleum hoc, multo perfectius quam quod tempore Dioscoridis parabatur, deprehenditur: credere que par est, si huius balnei artificium Dioscoridi notum fuisset, in eo omnia similia olea pararet, non verò ad carbonum ignem. Est enim Oleum hoc cōstringens frigidum, proinde stomachum valde roborat, sistit vomitum, & ventris fluxum compescit, nec minus contusionem sedat.

*Oleum  
myrtilinum  
quomodo  
parari de-  
beat.*

## DE OLEO LAVRINO.

*Græcè, ἔλαιον Λάρινον ἢ δ' ἀφνέλαιον: Latinè Oleum Laurinum: Hispanicè, Olio de laurel: Italicè, Ooglio de bachelle de lauro, Germanicè, Laurœl.*

## Enarratio XLIII.

**O**leum laurinum, ex lauri baccis paratur, officinis triuiale, quod vtinam pharmacopole præpararent ac non ab aliis adulterinum vt plerunq; faciunt, acciperent, hoc verò calidū & apertiuum est, colicam affectionem, & frigidos alui dolores, & stomachi, curat: non minus capitis, epatis, splenis, renum, matricis, neruorum, iuncturarum, velut cæteros frigidos dolores mitigat, & lenit.

*Oleū myrtilinum frigidum cōstringens est.*

AMATI LVSIT. COMMENT.  
DE OLEO LENTISCINO.

Gracè, ἔλαιον σχίνου ἢ σχινέλαιον : Latinè, oleum lentiscinum : Hispanicè, olio de lentisco, olio de mata : Lusitanicè, olio de Arueira : Italicè, oglio del lentisco.

DE OLEO TEREBINTHINO.

Gracè, ἔλαιον τρέβιθου : Latinè oleum terebinthinum : Hispanicè, olio del arbor de la termentina : Italicè, oglio de bachele del terebinto.



Lentiscus.

Terebinthus.

Enarratio XLIII.

oleum len-  
tiscinum.  
visum ac-  
it.

Oleum lentiscinum, ex baccis lentisei, in multis Italiae locis paratur præcipuè prope Senas ciuitatem, vbi ab iis qui oleum hoc componunt, creditur, visum multum acuire. Galenus vero lib. v. de compositione medicamen-  
torum



torum secundum locos. cap. ix. Gingiuis ex inflammatione dolentibus, optimum pharmacum (inquit) est oleum lentiscinum caliditate temperatum ore retentum, modo sit recens, nam verustius tanto recetioe peius est, quanto ætate antecellit: Imponatur autem in vasculum in quo calefit lentiscinum, in aliud maius vas, quod aquam calidam multam complectatur, maximopere itaq; inflammationi gingivarum hoc cõducit: nec vero minus etiam si iuxta quandam aliam partem, tum pellicula linguam ambientis tum succingentis totum os aliquis dolor ob inflammationem oriatur, dolorem sedat lentiscinum, repellit enim citra molestiam, & absq; asperitate, quam pleraque austerorum habent, discutitque citra mordacitatem, cuius rei inflammatis præcipuus vsus existit. Hæc Galenus. Ex quibus, vt obiter hoc attingamus, balneum Mariæ satis illum cognouisse liquet, quum vasculum paruum in magno aqua pleno immergendum suadet. Dioscorides præterea, cap. 77. huius voluminis inquit: Fit præterea ex lentisci semine, oleum, quod adstringendo est, his quæ adstringenda erunt præcipue accommodatum, & quo hodierni nostri ynguentarij Hispaniæ maximè vtuntur pro inficiendis chirothecis seu manicis. Oleum terebinthinum ex baccis terebinthi arboris extrahitur, hodie voce tantum notum, poterit tamen concinnari ex terebinthi refina, miras dotes possidens, quas multi opobalsamo tribuunt, inter quas præcipua habetur, contra omnes frigidas ægritudines, & maximè neruorum. Verum Dioscorides in præsentiarum tradit oleum terebinthinum refrigerare: quod dubio procul absurdum esse videtur, quum cap. 78. huius primi libri, terebinthi fructum calfaciendi vires habere tradat: Quamobrem crederem huic capiti, de quo agimus, verbum hoc, & refrigerat, superadditum esse, quod animaduertens Manardus Ferrariensis, prima epistola octaui libri suarum Epistolarum inquit: Quare magis probandus inuulgatus Græcus codex alter, in quo nulla virium mentio, sed præparatio tantum terebenthini olei docetur.

*Lentiscinũ  
temperatè  
calidũ est.*

*Galenus  
balneũ ma-  
riæ optimè  
nouit.*

*Oleum te-  
rebinthi-  
num.*

*Verba  
huic tex-  
tui Diosco-  
rid. addi-  
ta.*

## DE OLEO MASTICHINO.

Græcè. μαριχέλαιορ, ἢ ἔλαιορ μαριχινορ: Latine, mastich

f stich

*stichinum, Oleum ex resina lentisci: Hispanicè, olio di almaccigua: Italicè, Ooglio di mastice: Germanicè, Mastixcel, gallicè, huyle de mastich.*

## Enarratio XLIIII.

*Mastix ex Chio insula aduebitur.*

**P**Aratur oleum mastichinum ex resina lentisci, mastiche dicta, vnde Dioscorides capite. 77. huius libri inquit: nascitur & ex lentisco resina, quæ ab arbore, lentiscina, à quibusdam vero mastiche appellatur. Cæterum hoc oleum in officinis hodie communissimum habetur, quod vt optimum sit, in balneo Mariæ, vt Mesue docet, parari debet. Est enim oleum hoc stypticum, proinde stomachum roborat, aluum retinet, & virtutem concoctricem, ac membra omnia lapsa & debilia confortat, olim vero in Chio insula, non procul à Constantinopoli ciuitate perfectissimum hoc concinnabatur oleum, nec mirum: quum hodie quoque ex insula illa tantum mastix in omnes orbis partes diuersatur.

## DE VNGVENTORVM CONFECTIIONIBVS.

## Enarratio XLV.

*Oleum ab unguento in quibus differat.*

**V**Ocat Dioscorides Oleum, quod per se ex fructu vel semine, nulla alia admixta re extrahitur: unguentum verò, quod ex Oleo componitur, & in eo varia simplicia miscentur. At re vera, Olea (si hoc nomen pluraliter flecteretur) quàm unguenta appellari merentur. Quæ de re Galenus lib. ij. de Facul. simpl. med. cap. 27. inquit quum de rosaceo oleo loquitur, præstiterit fortassis ipsis etiam nominibus ea distinguere, quod veteres fecisse constat, oleum etenim rosaceum nominare assolent, quod absque odorem præparatum est, cui autem & horum aliquid inditum fuerit, non id etiam oleum, sed unguentum cognominant. Item lib. vj. eiusdem voluminis, capite de oleo, prope finem: ex dictis (inquit) cognoscere iam liceat, & de aliis olei generibus, quæ æquiuocè ipsis dicuntur unguentis, puta rosaceo, melino, liliaceo, & quæcunque id genus floribus, fructibus, germinibus, foliis, in oleo maceratis conficiuntur. Horum quodque vbi vna

cum aromatibus præparantur, vnguentum efficitur, no-  
stra vero vnguenta, longè aliter hodie, quàm tempore  
Dioscoridis parantur.

## DE VNGVENTO SIVE OLEO ROSACEO.

Græcè, ῥόδινον ἔλαιον, Latinè, *rosaceum*, Gallicè *huyle*  
*rosat*: Italicè, *oglio rosato*.

### Enarratio XLVI.

Sive enim hoc vnguentum rosaceum dicatur, longè ta-  
men aliter in officinis nostris ad Mesues mentem præ-  
paratur. Vnguentum vero rosaceum plurimum valet pro  
inflammationibus arcendis, repercutit enim materiam,  
sedat dolores, febricitantiū capitibus, & eorum renibus,  
magno iuuamento inungitur, refrigerat ardentis febres,  
epar, & stomachum. Oleum vero rosaceum, absolute ro-  
saceum, siue completum dictum, & cum additione im-  
maturum siue omphacinum paratur vbiq; nec enim  
communem modum parandi Dioscorides præterit,  
quum dicat: quidam solas rosas tantū detractis vnguibus  
insolatas pondere vnciarum sex in olei sextarium demer-  
gunt, demissasq; in eo diebus octo madere sinunt, mox  
quadragesima diebus tertia rosarum adiectione insolatas  
sic reponunt, & seruant. De hoc vero rosaceo oleo locu-  
tus est Galen. ij. lib. de Facult. simpl. medic. cap. 27. quum  
dicat: oleum rosaceum easdem vel similes vires obtinet,  
quas succus rosarum: Omphacinum autem oleum rosa-  
ceum ex nondum completis rosis, & oleo ex oleis non-  
dum maturis extracto conficitur, non solum ad Solem,  
sed etiam in balneo Maria: Hoc enim frigidius est, quàm  
absolute rosaceum dictum: vulneribus enim capitis ac-  
commodatissimum est, & prohibens inflammationes,

Vnguentū  
rosaceum.

Oleum ro-  
saceum.

## DE OLEO ELATINO.

Græcè, ἐλάτινον ἔλαιον, Latinè, *oleum elatino*: Hispa-  
nicè, *unguento de cortezas de palmito*: Italicè,  
*oglio de cephalione*.

## Enarratio XLVII.

**V**nguentum elatinum olim parabatur, nunc verò omiffum est, paratur verò ex recentibus palmulis quibusdam, quas Græci, *ἐπιπέλαρον* vel *κεφάλιον* appellâr, nos verò palmitem vel palmicum dicimus fructum stomacho admodum gratum, multum genitalis feminis creantem, qua de causa à nobilibus, in maximo pretio habetur, de quo capite suo, hoc est, de elate multa videre est.

## DE OLEO MELINO.

*Græcè, μέλινον: Latinè, Oleum melinum, Oleum ex malis cotoneis: Hispanicè, Olio de membrillos, de marmelos: Italicè, Ogllo de mele codogni, vel cotogne, Germanice, quittenœl.*

## Enarratio XLVIII.

**P**aratur hodie in officinis, oleum melinum, id est ex citoniis, non illa tamen arte qua prisci vsi sunt, sed hac potius sequenti. R. citoniorum incisorum cum cortice non exactè ad maturitatè venientiũ, succi eorum añ. libram vnã, olei omphacini libras duas, omnia in vas vitreum mittantur, & quindecim diebus soli exponantur, deinde verò in balneo Mariæ coquantur per sex horas, postea verò permutentur citonia, & coque, prout primo fecisti, bis vel ter: quousque oleum purũ maneat. Est enim oleum hoc mirum cõtra stomachi debilitatem, nam vomitum & ventris fluxum arcet, sistit sudorem, corroborat nervos, concoctricem virtutem viuificat, & appetentiam incitat.

## DE OLEO OENANTHINO.

*Græcè, οἰνανθίνον: Latinè oleum œnanthinum, Oleum ex flore labruscæ: Hispanicè, Olio de flor de vid montisina, az. eite de flor de vuas labruscas: Italicè, oglio de i fiori de la lambrusca.*

## Enarratio XLIX.

**A**mpelos Agria, dupliciter à Dioscoride describitur, vno modo folio hortensis solani, quarto libro, quæ & si

*Ampellos  
agria du-  
plex,*

& si vitis syluestris dicatur, herba tamē est: dicitur tamen vitis, ob fructum quem emittit racemosum. Alio vero modo lib. v. de cuius floribus oleum ad præsens paratur. Dicuntur verò flores labruscæ, *divarctus*, qui in officinis quotannis seruantur, & in multis adhibentur compositionibus, ex quibus oleū hoc facile parari posset, nec alio modo quā a Dioscoride edocto: An verò ænanthe, filipendula herba sit, vt Brunfelsius dixit, suo dicemus loco.

Flores labruscæ ænanthe est.

## DE OLEO FOENIGRAECI.

Græcè, *ῥάδιον*: Latine, *telinum*, *oleum fœnigraci* Hispanicè, *Olio de alholuas*, *de alfornas*: Italicè *Ooglio del sien* Græco.

## Enarratio I.

Oleum è fœno Græco non habetur in officinis: Author tamen maioris luminaris ex mente Rasis illud parat, in quo vncias octo elaterij miscet, quanquā in aliquibus exemplaribus non vncias sed libras falso tamen legimus.

## DE OLEO SAMPVCHINO.

Græcè, *σαμψυχιον*: Latine, *Oleum sampsuchinum*, *Oleum ex sampsucho*, *Oleum ex amaraco*: Hispanicè, *Olio de almoradux*, *az eite de axedrea*: Lusitanicè *az eite de manyarona*: Italicè *Ooglio di perfa*, *Ooglio de maiorana*.

## Enarratio II.

ET si apud Theophrastū, & Plinium, nonnullosq; alios celebres viros, sampsuchus, eadem cum amaraco siue maiorana herba sit: apud Dioscoridē tamen & Galenum, ac Paulum Aeginetam, multum inter se differunt, quum sampsuchus maiorana herba, hodie in fictilibus, & valculis reposita ad fenestras, pro delitiis habita sit: Amaracus verò parthenium est, quæ an matricaria officinarum sit, tertio dicemus libro: Hanc verò animaduertens inter vtranq; differentia Galenus ac Paulus, diuersa capita, tanquam de rebus diuersis fecerunt, videlicet, de sampsucho

*Sampsuchus amaracus.*  
*Maiorana apud.*  
*Plin. idem.*

*Amaracus  
Galenī &  
Pauli. a-  
pud Diofco-  
ridē par-  
thenium  
eſt.*

& amaraco, quam prius noſcens Dioſcorides vigilantif-  
ſimus, oleum ſampſuchinū, ab oleo amaracino, tanquam  
rem diuerſam diſtinxit: vt cap. 60. videre eſt: nam amara-  
cus Galeni & Pauli, proculdubio apud Dioſcoridem par-  
thenium eſt, vt 3. lib. facile quis comprehendere poterit,  
quum ibi parthenium amaracū eſſe dicat. Qui verò ama-  
racum Galeni & Pauli, marum Dioſcoridis eſſe opinan-  
tur, miro modo cæcutiunt, quam & ſi verū ſit, quòd Gale-  
nus & Paulus, in libris de Facultat. ſimpl. medic. de maro  
nullam faciunt mentionem, non proinde amaracum illo-  
rum, Dioſcoridis marum, ob nominum vicinitatem eſſe,  
dicere debent: & eo magis, quia Galenus libris de Antido-  
tis & amaraci, & marī, tanquam rerum diuerſarum me-  
minit. quare Mathiolus Senenſis ſi hæc animaduertiſſet,  
non ſic facile ceſpitaſſet, nec hæc ſic confuſa reliquiſſet. ſi  
quis verò locum Galeni legere cupiuerit, legat primo lib.  
de Antidotis in enarratione antidoti hedychroi, quæ ver-  
ba hic conſulto prætermittimus: Nam tertio libro capite  
de maro ea ſubſcribemus.

*Mathiolus*

## DE OLEO OCIMINO.

*Ocimum* Græcè, *ὄκυμαρον*: Latine, *ocimum*: Hiſpanicè, *Olio*  
*de aluahaqua, de alſauaqua*: Italicè *Olio de baſi-*  
*lico herba.*

### Enarratio LII.

**O**cimum Oleum, ab ocimo ſiue baſilico dicta herba  
olim conficiebatur, nunc vero in yſu non eſt.

## DE ABROTONINO OLEO.

Græcè, *ἀβροτόνιον* Latine, *abrotoninum* Oleū: Hiſpa-  
nicè, *Olio de hierua lombriguera, az eite de abrota-*  
*no*: Italicè *Ooglio dell' Abrotano.*

### Enarratio LIII.

*Abrotoni-  
num.*

**A**brotoninum oleum priuatim ab aliquibus paratur  
contra ventris lumbricos: qua de cauſa abrotanum  
apud Hiſpanos herba lumbricorum appellatur.

## DE OLEO ANETHINO.

Græcè, ἀνθίνον: Latinè, *anethinum Oleum*: Hispanice, *az eite de eneldo, az eite de endros*: Italicè *Oglia dell'anetho*, Germanicè, *Dillencel*.

## Enarratio LIII.

**O**fficinis frequens habetur oleū anethi, cuius vsus continuus ad sedandos dolores est: aperit namque poros, rare facit apostemata, curat tumores & scirrhos resoluit, mitigat quoque febrium rigores, & sudorē euocat, in clysteriis quoque contra colicas affectiones, tanquam ventositatis carminatiuum vtiliter adhibetur, est enim primo ordine calidum.

*Oleum Anethinū primo ordine calidum.*

## DE OLEO LILINO.

Græcè, Σίσνον, ἢ ἡλίον: Latinè, *Susinum oleū, oleum lilinum, oleum lirinum, oleum liliorum alborum*: Hispanicè, *olio de acucenas, olio de lirio blanco*: Italicè, *oglio de giglio bianco*: Germanicè, *Vveiß Gilgen cæl*, Gallicè, *huyle de lis*.

## Enarratio LV.

**O**leum Lilinum, id est ex lilio albo paratum, eo quotidie vtimur præcipuè contra mulierum ægrotudines, sedat enim frigidos pectoris dolores, renum & matricis, curat colicos dolores à frigiditate ortos: Maturatiuum est, & resolutiuum: ac inde calidum. Habetur verò simplex, & compositum, simplex ex Oleo & liliorum alborum floribus cōcinnatum: Compositum verò, prout Dioscorides imperat.

*Oleum lilinum.*

## DE OLEO NARCISSINO.

Græcè, ναρκισσίνον: Latinè *oleum narcissinum, oleum ex narcisso*: Hispanicè *olio de narcisso frol*: Italicè, *oglio de narcisso*.

## Enarratio LVI.

**E**X floribus narcissi Oleum narcissinum conficitur, est enim narcissus lilij quoddam genus, nonnunquam flores purpureos habens, aliquando verò virides, quan-

*Narcissus varius.*

doq; verò albos, vt in Italia hortis frequentissime cernitur, qua de causa facillime oleum parari poterit: quam Plinius libro decimotertio capite primo, dicat suo tempore illius componendi vsum perditum fuisse ac omiffum.

## DE OLEO CROCINO.

Græcè, κρόκινον: Latine Oleum crocinum: Hispanicè, Olio de acafran: Italicè, Ogllo de Zaffarano.

Enarratio. LVII.

Oleum Crocinum, ex Croco facile parari potest.

## DE OLEO LIGVSTRINO.

Græcè, λιβανύων: Latine, Oleum Cyprinum, Oleum ligustrinum, Oleum de alcanā: Hispanicè, Olio de alhena, de alfena: Italicè, Ogllo de guistrico, Ogllo de oliueto, Ogllo de chanbrossene, de caprarodano.

Enarratio LVIII.

Oleum de  
Alkana.

Oleum Cyprinum siue ligustrinum dictum, Mauritiorum oleum de Alkana est, quod in nonnullis Hispaniæ officinis paratum reperitur: eo verò Mauritanii præcipuè pro tingendis crinibus, & candis equorū vtuntur.

## DE OLEO IRINO.

Græcè, ἱριον: Latine, irinum Oleum, Oleum è radice iridis: Hispanicè, Olio de lirio cardeno, Olio de lirio de color de cielo: Italicè, Ogllo de giglio celeste.

Enarratio LIX.

Oleum iri-  
num.

Quamquam in præfenti Dioscorides subdiceat, quamnam Iridis partem pro componendo oleo Irino accipere debeamus, facile tamen quis intelligere poterit, quum nouerit ille radicem huius herbae partem præcipuam esse, vt pote odoram: flores verò vt grauiter oleres dimittendi sunt: itaq; radix tantum pro Irino hoc conficiendo oleo accipi debet: cæterum Oleum hoc in maximo medendi vsu est, quod resoluit, attenuat, maturat, faciliat sputum & anhelitum, sedat tussim, & frigidos dolor



dolores epatis, splenis, & maximè matricis curat, resoluit dura apostemata, emollit durities, confert spasmo, iuncturarum dolori, ac aurium, & narium foetori, vnicè autem escaras relictas à candente ferramento delet, quod vnum chirurgicis notum esse vellem. Est præterea Elis ciuitas & regio Achaia, vt Ptolemæo placet, non verò Arcadia, vt multi falso rentur.

Elis ciuitas Achaia

## DE GLEVCINO.

Græcè, γλέυκινον: Latine, *gleucinum, musteum.*

## Enarratio LX.

Sic hoc modo Oleum siue vnguentum hoc confectum, simplex Dioscorides appellat, ad differentiam compositi, quod Columella capite quinquagesimo libri decimi tertij describit, in quo multa & præclara aromata, simpliciaq; odorifera sunt. Vnde illud quoq; non nisi calfaciendi vires possidere credendum est, quod propter Plinium dictum vellem, qui libr. xij. cap. 4. aperte inquit, *gleucinum* infrigidandi & constringendi vires habere, vnde credendum est, vel quòd Plinius longe aliam descriptionem huius olei nouerit, ab ea quam Columella describit, & Dioscorides in præsentì docet, vel potiùs quòd in eius signanda natura omnino errauerit, quod sane verisimilius videtur, quum capite 7. libr. xv. ferè cum Dioscoride loquitur dicens, *gleucino mustum* incoquitur, vapore lento, ab aliis sine igne, circumdati vinaceis diebus viginti duobus, bis singulis permixtum, quæ proculdubio eadem cum Dioscoride in præsentì videntur, vt omnino iudicare sit Plinium in describenda *gleucini* temperatura errasse, quum calfaciendi vires possideat, non verò ( vt ille inquit ) infrigidandi constringendiq;. Attamen neglectum minimeq; in vsu hoc Oleum est.

Plinius errat.

*Gleucinum calfacit.*

## DE AMARACINO.

Græcè, ἀμαράκινον: Latine, *amaracinum oleum:*  
Hispanicè, *olio de magarca:* Italicè, *oglio de bruzaculo.*

## ENARRATIO LXI.

Partheniū  
amaracū  
est apud  
Diosco.  
Cotula scē  
tūda par-  
theniū est.

**A** Maracinum Oleum, non quidem ex Sampfucō ma-  
iorana vt diximus cōficitur, sed ex parthenio potius  
herba. Est enim parthenium vt libro tertio videre est, non  
quidem matricaria: sed potius herba quādam camomillē  
per similes horridi & tetri odoris, ob quem cotula scēti-  
dā nomen meruit.

## DE MEGALIO.

Græcè, μεγαλειον: Latine, megalinum oleum.

## ENARRATIO LXII.

**M**egalinum Oleum exoletum nunc, sicut etiā Dio-  
scoridis tempore est.

## DE HEDYCHROO.

Græcè, ἡδύχροον: Latine, hedychrom.

## ENARRATIO LXIII.

Hedychroi  
cōpositio.

**H**edychrom, vel hedychrom, à coloris hilaritate di-  
ctum, idem cum amaracino, vt testatur Hermolaus  
Barbarus, esse videtur, nisi quod nomen hoc propriè habet  
in eo, vbi præstantissimum olim præparabatur. Galen.  
lib. j. de Antidotis, hedychroi compositionem vel potius  
pastillos describit, theriacam adornans, vnde Medicus  
sui temporis Romę ex illis, qui antidotum theriaces præ-  
parare non viderunt, ex scriptura confectioem eius ag-  
gredi ausus, quærebat apud vnguentarios hedychrom:  
putans, herbā esse, aut aliquod tale simplex medicamen-  
tum, quod hodie quoque multis simile euenire vidi-  
mus, & audimus: compositio verò hedychroi à Galeno  
ibidem inscripta ita habet.

Hedychroi vult magma, mari binas sibi drachmas,

Aequales & amaraci habens, asari: aspalathiq;

Et iunci teretis, calami qui suavis odore est,

Phu ponti, ligni & succi, quem balsamon adit,

Tres sunt drachmæ: totidem cōsti cinnamomi,

Myrrha sex alias misces, solij malabathri,

Indorum uardi, flauiq; croci in super aquas,

Quin etiam castia totidem, sed pondus amomi

*Sume duplam, drachmam Chie sed mastica habebit,  
Hæc etenim debent conspergi cuncta salerno.*

Hanc vero compositionem Arabes, andacaron corrupta voce appellant: alij vero diacoralium, cuius ut nomen, ita quoque medicamenta & eorum pondera peruertunt. Quibus de causis, ad illis theriaca falsa, & omnino corrupta parabatur.

## DE METOPIO.

*Græcè, μετώπιον: Latinè, metopium.*

## Enarratio LXIII.

**M**etopium à galbani ligno denominationem sibi vendicat, quod lignum metopium dicitur, ex eo chalbanum siue galbanum desudat, gummi hodie myropolis frequens, unguentum vero paratum non habetur.

*Metopium  
Galbani li-  
gnum est.*

## DE MENDESII COM-

## POSITIONE.

## Enarratio LXV.

**M**endesij compositio, ea in regione Aegypti ubi Mendis, id est caper colitur, præparatur.

## DE STACTE.

*Græcè, στακτή: Latinè, stacte, gutta, pinguis-  
simus flos myrrhæ: Hispanicè, storaque liquida: Italicè,  
storace liquida.*

## Enarratio LXVI.

**S**actæ pinguedo recentis myrrhæ tursæ, exiguaque aqua contusæ, & postea prælo expressa est, quæ hodie omnium votis Serapionem imitantium storax liquida est, Quæ odoratissima preciosissimaque ad paranda poema odorifera & sufficit, unguentarij passim utuntur: apud verò Psalmistam, ut multi putant, psalmo 44. gutta, siue lachrima nominatur, quum legitur: propterea unxit te deus, Deus tuus oleo lætitiæ, præ confortibus tuis, myrrha & gutta & casia. At re vera textus Dauidicus non ita habet, ut Hebraica veritas indicat, quæ sic habet.

*Stacte sto-  
rax liqui-  
da est.*

*Textus  
Dauidicus  
emendatur.*

אהבת צדק ותשני רשע על כן משחך  
 אלהים אלהיך שמן ששון מחבריך:  
 מור ואהלורת קצי עזרת כל בגדותיך:

Munsterus  
 Germanus  
 errat.

אלואי

קרה

Quæ ita ad verbum Munsterus Germanus, vir hac nota atate doctissimus, & linguarum multarum peritissimus vertit. psalmo 45. sponfus dicato, dicens: dilexisti iustitiam & odisti impietatem, propterea vinxit te deus, deus tuus, oleo lætitiæ, præ confortibus. Myrrham, Aloen, & keizam (redolent) omnia vestimenta tua: hætenus Munsteri interpretatio. In qua mea sententia optime verbum (redolent) suplet, & ex ea satis constat, quam inepte personatus ille & nõ verè Hieronymus, quisq; ille fuerit, guttam præ ahalod, interpretatus fuerit, quum vox ipsa clamet ahalod agallochum Græcorum esse, Romanorum verò lignum aloes: vnde Munsterus emendandus à me quoq; venit, quum verbum ahalod, aloen verterit, cum re vera lignum aloes, & non aloen dicere debuisset, nam aloes succus herbæ est, quem Hebræi sua voce Aloe appellant, ahalothi verò lignum Aloes est, quamobrem Munsterus rectius sic interpretaretur, dicendo, Myrrham, lignum aloes, & keizam (redolent) omnia vestimenta tua: sed quid per keizam intelligere debeamus, quia Munsterus vocem istam inconuersam relinquit, dicamus, quòd multi Rabinorum locum istum enarrantium, per keizod, siue keizam, costum intelligunt, sed revera non sine ingenti, ne dicam pudendo errore, quum costus apud Hebræos kerah dicatur. Est igitur queziod, casia, quæ à cinnamomo vt diximus differt, in quam sententiam vox ipsa Hebraica legentem trahit, quum casia à caziod deriuata fuit, adeo vt loco keziam, casiam interpretari liceat.

### DE CINNAMOMINO.

Græcè, κινναμόμωρον: Latine, Oleum de cinnamomo:

Hispanicè, azete de canella: Italicè, oglio de cinnamomo. Enarratio LXVII.

Cinnamomum vnguentum.

Vnguentum Cinnamominum, olim ad prodigium vsq; in pretio habitum nunc verò optimum parari poterit, quia

quia cinnamomi veri copia nobis maximè suppetit.

## DE NARDINO.

Græcè, *νάρδιον*, Latinè, *Nardinum vel spicatum.*

Enarratio LXXVIII.

**N**ardinum siue spicatum Oleum aut vnguentum, olim fœminis Romanis, & præcipuè diuitibus familiare, nunc vero in officinis, nardinum dictum oleum paratur, an verum dubito: fieri tamen verum potest, quia spica nardi vera abundamus, vt suo proprio diximus capite.

*Vera spica nardi abundamus.*

## DE MALABATHRINO.

Græcè, *μαλαβάθριον*, Latinè *foliatum.*

Enarratio LXXIX.

**M**αλαβάθριον, siue foliatum oleum, sic dictum quia ex Malabathro, ceu malabethro, folio Indico, dicto, concinnetur, exoletum est: In India tamen Lusitani facillime illud conficere possent, & ad nos mittere, quia malabathro frequentissimè vtuntur, berthrum appellantes, nomine antiquissimo patrio hucusque reseruato, vt suo diximus capite. At verum malabathrum hodie nos habere, ex India delatum, verum est.

*Verū malabathrū habemus.*

## DE IASMINO.

Græcè, *ιάσμινον*: Latinè, *Jasminum*, Oleum sambacinum, cloum de *Zambac*: Hispanicè, *azeite de yasmín*: Italicè, *oglio de gelsomino.*

Enarratio LXX.

**F**ama tantum & aliorum relatione iasminum cognouit Dioscorides vt quisquis mediocriter eruditus, illius verba pœnitius animaduertens, inueniet. Quum in Perside redolentes flores, Persica voce, Iasme, vel Iosme, quasi odorariam violam dicas, nominatos, reperiri dicat: ex quibus vnguentum suauissimum cœcinnabatur, iasminum dictum, quo Persæ foetorem animæ & corporis, multitudine ciborum & ebrietate natum, summouebant. Si enim frutex illi obuius aut cognitus fuisset, proculdubio non silentio eum præteriret, Sed vt sui est moris, deliniaret: at quum tantum aliorum relatione acceperit,

apud

*Iasmin*  
*quid.*

*Iasmin fru-*  
*tex, & lu-*  
*teos flores*  
*producit.*

*Mathiolus*

apud Persas ex flore Iosmin nominato. Vnguentum quo virus & fœtor, ob nimia & varia cibaria contractus depellitur, præparabatur, factum est, de eo vt per transennam tantum sermonem fecerit. Est verò Iasmin, frutex hortis familiarissimus, qui non ita pridem è Perside in Europam transportatus fuit. Attollitur enim præcero sambuci caudice: sed inde viticosos, frequentes, & prælongos emittit ramulos, topiario operi maximè deservientes, adeo vt hodie pro cooperiendis topiariis hortorum fornicibus, & testudinatis turriculis, aut concameratis sinubus, ea maximè vtantur. Inest enim illi folium angustum, in obtusum mucronem turbinatum, ex viridi nigricans, flos candidus maximè suauitatis & fragrantiz, quamobrem & præcipuæ commendationis, quamuis & luteus hic Ferrariæ, imò per vniuersam Italiam hodie in hortis, pro delitiis, non minoris odoris habeatur: in Babylonico quoq; agro, & cærulei coloris, vt multi tradunt frequens reperitur. Vocant enim Mauritaniæ classis medici, Iasminum Zambachum, & eius Oleum Zambachinum, quod calfaciendi resiccandique vires habet, præcipuè quod ex albo præparatur. At Serapio capite de Zambach, ex mente Mesue calidum in principio secundi gradus esse inquit, conferreque humiditatibus, & phlegmati falso, & senibus, ac doloribus à pituita ortis affirmat. Si quis tamen biliosus, calidam temperaturam habens, hos flores plus iustò olfecerit, verendum, ne in sanguinis fluorem è naribus incurrat. Verùm qui Iasminum leucanthemum esse contendunt miro modo cæcutiunt, veluti illi qui pelicenum apud Plinium esse augurabatur. Ex dictis igitur satis liquet, violaceū Oleum, longè aliud esse, ab hoc Iasminino dicto, ac inde Mathiolum Senensem perperam in hac re sensisse. Porrò Pandectarius, ne ab ista chorea eliminetur, per Iaseminum, rosam moschatam Damascenam dictam intelligi, prope finem suarum pandectarum vult, cuius opinionem Ioan. Sinapius Germanus vir varia eruditione præditus, tanquam veram, quum mecum de hac re differeret, affirmabat.

DE MYRRHA.

Græcè, *μύρρα*: Latine, *Myrrha*, Arabicè, *ler,*  
*mur,*

mut, & mor: gallicè, Myrrhe: Hispanicè, Myra:  
Germanicè Mirrhen.

## SECUNDA MYRRHA,

CAUCALIS.

Caucalis, Myrrha vulgaris, officinarum myrrha.

## TERTIA MYRRHA MINEA.

Minea Myrrha, gummi mineum: Hispanicè,  
anime negro.

Enarratio LXXI.

**D**iminutam hic derelinquit historiam Dioscorides arboris ferentis myrrham, quam Plinius capite 15. libri duodecimi compleuit, dicens: Est arbori, altitudo ad quinque cubita, nec sine spina, caudice duro & intorto, crassiore quam thuris, & ab radice etiam quam reliqua sui parte, Corticem leuem similemque vnedoni, scabrum alij spinosumque dixere, folium oliuæ, verum crispus & aculeatum, Hæc Plinius. Desluit igitur lachryma ex hac arbore incisa, quæ myrrha dicitur. Aliquando tamen in trunco ipsius arboris, lachryma ipsa cõcrescit. Quæ omnibus præstantior est troglodytica, hodie apud Lusitanos simul & reliquos Hispanos, in officinis, sub nomine belzuini amygdalini, reperta lachryma leuis subnigra vndiq; sibi concolor, fragilis, quæ confracta, album quid vngues humanos, vel amygdalas dealbatas referens, ostendit: vnde Lusitani, qui ex India eam adferunt, belzuinum amygdalinum vocant, vt inter eam, & alteram nigram, proprie belzuinum bonum, siue vt illi dicunt, à boninas, differentiam ponant, de quo capite de la serpito sermo agitur. Verum inest huic de qua agimus lachryma, myrrha troglodytica dicta, quam Hispani belzuinum amygdalinum vt dixi vocant, sapor amarus, odor vero bonus, sed ita acer & vehemens ac intensus, vt omnes assistentes, quum ex ea suffitiones fiunt, in sternutamenta prorumpant, qua de causa, indies magis ab Hispanis despicitur, delicatioribus odoramentis abundantes. Hunc odorem considerans Dioscorides grauem odorem myrrham habere dixit: Galenus vero libro primo de Antidotis,

Arbor  
Myrrhe  
qualis.

Optima  
Myrrha  
belzuini  
amygdalini  
est.

Belzuini  
à boninas.

*Cōciliatio inter Gale-  
nū et Dio-  
scoridem.* tis, eam gratissimi odoris esse tradit, quem ita esse depre-  
hendimus intensiorem tamen, sed animaduertendum,  
quod Galenus ibidem à Dioscoride discrepat, quia mir-  
rham Mineam, à regione in qua nascitur, sic dictam,  
præstantissimam facit, quam tamen Dioscorides, vt im-  
probam & cæteris myrrhæ speciebus peiorē derelinquit.

*Myrrham  
verā Ita-  
lia rarō vi-  
dit.*

*Commu-  
nismyrrha  
caucalis  
Dioscori-  
dis est.*

*Opcalpa-  
son Plinius  
opocarpa-  
thū appel-  
lat.*

*Animum  
duplex, al-  
bum & ni-  
grum.*

Hanc vero lachrymam belzuinum amygdalinū dictum,  
raro aut nunquam Italia vidit, qua de causa non mirum  
est, si Manardus vir diligentissimus lib. vj. suarum episto-  
larum dixerit, nō solum optima, sed etiam bona myrrha  
caremus: ex hac vero myrrhæ specie stacte præcipue con-  
ficitur, destillatur cum colore tum odore & sapore illi  
maxime conueniens. Cæterum vulgata & communis  
myrrha, Dioscoridis caucalis est, arida, colore nigro,  
& velut ab igne torrida, quæ ex India quoq; præcipue in-  
sula Farico dicta ad nos adfertur. Hanc vero falso non-  
nulli bdellium apud Dioscoridem esse contendunt: Non  
hic tamen præteribo, quin admoneam id quod Gal. lib. j.  
de Antidotis scriptum reliquit: scilicet quod suo tempore  
myrrha adulterabatur succo arboris calpasi dictæ, vnde  
succus iste opocalpasus dicitur, omninō venenosus, & vi-  
tæ humanæ aduersus, vt hac sua historia indicat sic dicēs:  
At opocalpason lethale est, multosq; forte fortuna no-  
stris temporibus propter inscitiam myrrhæ, quæ opo-  
calpason habebat interiisse nouimus, &c. Quæ vero hæc  
arbor calpason dicta sit, aut eius succus, nō opus est scire,  
quum venenosa, & humano generi inimica sit: Plinius  
verò eam opocarpum appellat. Myrrha vero Minea,  
vel Aminea dicta, hodie quoq; in Lusitania, & vniuersa  
Hispania paucis mutatis literis habetur, vt capite de can-  
cama diximus, gummi scilicet animum appellantes, cu-  
ius duo genera habentur, album & nigrum: Nam album  
cancamum esse, ex Brisoto didicimus: nigrum vero, Mi-  
nea hæc Dioscoridis myrrha est, quæ ex proceris arbori-  
bus decidit, nullo cogente artifice, aut vulnere in arbore  
facto. An vero Minea hæc regio, Mina hodie dicta regi  
Lusitaniæ parens, sit, cosmographis inquirendum relin-  
quo. Scio enim in hac regione animum optimum quoq;  
reperiri, à qua quotannis Lusitani nostri, in Portugalliam  
adferunt. Galenus vero, Minæam vt diximus myrrham,  
inte



inter cæteras species præcipuam collocavit, qua de causa, in illo textu libri de Antidotis, aut in hoc Dioscoridis mendam esse suspicor quum Dioscoridi ex diametro contradicat, calidum enim hoc gummi est, odoriferum, sufficionibus adaptatum: quo capitis præcipuè dolores frigidi propulsantur.

Bœotica vero myrrha, voce tantum nobis nota est: ne tandem ordinem prætermittamus Gal. de myrrhæ viribus & dotibus, ita prosequitur, lib. 8. de Fac. simpl. medicam. dicens: smyrna secundi est ordinis calfacientium & exiccantium, vnde capitis vulnera glutinat, inest illi amaritudo non exigua, qua fœtum & lumbricos enecat, elicitq; Habet etiam & abstergendi vim moderatam, quare ocularibus miscetur medicamentis, & iis quæ ad veterem tussim atque anhelationem administrantur, myrrha verò Bœotica, vim habet calfaciendi, fundendi, & emolliendi.

Bœotica  
myrrha.  
Myrrha ca-  
lida & sic-  
ca est in se-  
cundo ordi-  
ne.

## DE STYRACE.

Græcè, Στυράξ: Latine, styrax, storax calamita: Hispanicè, storaque: Italicè, storace, storace calamita. Arabicè, Miha, Meha, Mehaha, et Astarach.

### Enarratio LXXII.

STYRAX, communiter in officinis storax calamita dicitur, cui calamitæ inditum cognomen est, ex Galeno libro de Antidotis, vbi examinans ille simplicia theriacam adornantia, styracem è Pamphilia in calamis aduectum, tanquam meliorem laudat, vnde calamita dictus est, quo fit vt medici nostri temporis, quum Styracem bonum in cõpositionibus iniiciendum cupiunt, styracem calamitam describant, nec sane immerito, quum eo loco Galenus, styracem istum calamitam, cæteros styrares ita superare viribus tradat, ac vinum optimum falernum cætera vilia vina in tabernis prostantia superat: ita enim Galenus, ne eius desideres verba, inquit: styracem constat iniiciendum esse, qui in arundinibus ex Pamphilia affertur, quique paucissimis gignitur, & tanto discrimine, à copioso hoc styrace euariat, quãto falernum vinum ab eo quod in tabernis venundatur: attamen ex ipsius genere capere oportet, pallidissimum: constat autem & odore hunc esse

Styrax non  
de calamita  
dictus.

Styrax ca-  
lamita op-  
timus est.

*Manardus  
Ferrariensis  
fallitur.*

*Styrax cur  
purulentus  
reperitur  
Styrax opti-  
mus ex  
Zana In-  
dia insula  
portatur.*

valentissimum, & gustu nihilo minus. haftenus Galeni verba: ob quæ Manardus Ferrariensis credidit textum istum Dioscoridis, mutilum esse, & vice catabalites, legendum esse, calamites: qui mea sententia, fallitur, quum Gabalites vt Marcellus optimè interpretatus est, ad Plinium mentem legi debeat, non vero catabalites, vel calamites: sic enim Plinius lib. 12. cap. 25. inquit: Proxima Iudææ, Syria supra Phœnicem styracem gignit, circa Gabala, & Maratuea, & Casium Seleucium montem, verbum enim illud gabala nobis annotandum venit, vnde Gabalites merito apud Dioscoridem legitur, in quam quoque lectionem eunt viri multiplici eruditione præditi, Hermolaus Barbarus, & Ruellius Gallus. At Plinius, eodem quoque loco præter styracem ante laudatum, illum quoque optimum facit, qui ex Pisidia, Sidone & Cypro affertur: nam Cretensem vt improbum dimittit, Imò rationem reddit, cur styrax fere continuo purulentus reperiatur: quia (vt ait) in eo pennati vermiculi circa Canis ortum aduolant, & illum rodentes, in scobem vertunt, adulteratur verò styrax, cedri resina, gummi Arabico, melle & amygdalis amaris: at nostris temporibus, syncerus, purus, ex Zana apud Indos insula, styrax portatur, qui inter suauissima ac pretiosissima odoramenta habetur.

## DE BDELLIO.

*Græcè, Βδέλλιον: Latine, bdellium: Arabice, Molochil, Molochal, Mochol, & Mochel.*

### Enarratio LXIII.

*Bdellium  
optimum.*

*Myrrha  
vulgaris  
nō est bdellium.*

*Musculus  
arborū pro  
bdellio.*

**B**dellium gummi officinis triuiale est, quo maxime pro laxandis atque emolliendis tumoribus vti-  
mur, rarò tamen bonum & sincerum quale à Dioscoride describitur, habetur: scilicet, pingue, amarum, translucidum, taurino glutini simile, & nescio quid album, vngui humano perũmle habens, quod quum incenditur odorem ex se mittit, falso enim opinantur, qui vulgatam myrrham, Dioscoridis bdellium esse dixerunt, quum multum inter se dubio procul differant, si quis vero bono caruerit bdellio, Galeni cõsilio in suis Succedaneis, eius loco arborum muscho vtatur. Ceterum, bdellium hodie nō Scythicum, aut

aut Arabicum myropolæ appellan, sed ~~la~~ laicum potius, sub cuius nomine Serapio libro suorum simplicium, de eo mentionem facit, eadem illi tribuendo, quæ Dioscorides huic suo tribuit, unde bdellium Iudaicū Serapionis idem cum bdellio Dioscoridis esse, certum est. Aliud vero bdellium Serapio describit, quod ex Mecha bdellium appellat, nasci quæ in quibusdam cubitalibus palmis, ciphilioni bus dictis, tradit, quas Hispani pro victus vsu habent, easque sua voce palmites, siue palmitos, vocant. De quibus capite de palmis multa dicemus. Galenus vero bdellij facultates describens, ita inquit, lib. 6. de Facult. simpl. medic. bdellium quod Scythicū nominant, estque acrius & resinosius, emollientis admodum & efficacis virtutis est. Arabicum autem quod splendidius est, magis quam emollientia exiceat, videturque in potu sumptum calculos renum frangere, tum urinas eiere, & crudorum flatuum discursus, præterea laterum dolores, rupturasque sanare.

*Bdellium Iudaicorum bdellium est. Bdellium exciphilionibus. Bdellij temperatura.*

## DE THVRE.

*Græcè, ἄλβανος: Latine, Thus: Arabicè, Ronder, Conder, vel Cateth: Hispanicè, enciêso: Gallicè, encens, Italicè, incenso, Teuthonicè, Vveirauch.*

## Enarratio LXXIII.

**T**HUS officinis notissimum, cuius duo præcipua genera nominantur, masculum & fœmina: est enim masculum quod sic à specie testium vocant, mammosum cum hærente lachryma priore consequuta. Deprehenditur autem verum thus, quia facile accenditur ad ignem, nec ex eo cinis relinquitur aliquis: olim ex Arabia præcipue aduehebatur, nunc vero ex regione Seyrapud Indos cognominata ad nos portatur. Est verò maximus eius vsus in lustrandis mortuorum cadaueribus, & mirum dictu, ut hic mos per omnes ætates, inter omnes ferè gentes & religiones inoleuerit. Sed magna inter authores disputatio est, qualis thurifera hæc arbor sit, nec adhuc, quod scio inter illos est decisum, quare hæc in parte lectorem ad Theophrastum amandabimus, & eius interpretationem Plinium, illum cap. 4. lib. ix. hunc vero cap. 13.

*Thuris duo genera.*

*Thuris vsus.*

lib. xij. in quo, vt obiter hoc admoncamus, legi debet CCC. non vero. MMM. De thuris vero viribus, ex Galeno, sequenti capite legito.

## DE THVRIS CORTICE.

Græcè, φλοιὸς λιβάδης: Latinè, cortex thuris.

## Enarratio LXXV.

Thus calfa  
cit secundo  
ordine, de-  
ficcat pri-  
mo.

**C**ortex thuris, siue corticosum thus, lachryma thuris crustæ coniuncta dicitur, quæ constringendi ac exiccandi vires potentiores, quàm thus habet, vnde Marcellum Virgilium in hac re non rectè sensisse dicendum est, quum dicat, quod in cortice thuris laudatur, thus est. De thure verò, ac eius cortice, ita Galenus libro septimo huic negotio dicato, tradit, dicens: libanotus, ex calfacit secundo ordine, deficcat primo, habet quoque astringentem pusillam, cortex eius euidenter astringit, deficcatur in secundo ordine, est autem crassiorum partium quàm thus, & minimum acrimoniæ possidet, quare in hæmoptoicis, stomachicis, cæliacis, & dysentericis eo utimur. Ramus eius, ficcioris & calidioris est facultatis quàm ipsum thus, adeo vt ad tertium vsque excessum perueniat: habet vero etiam & absterforium quiddam, vnde expurgare & implere oculorum vlcera potest.

## DE MANNA THVRIS.

Græcè, μέδωνα λιβάδης: Latinè, Manna thuris, officina olibanum.

## Enarratio LXXVI.

**O**libanum officinarum est Græcorum manna. **M**anna thuris, officinarum olibanum est, non verò Arabum manna. Quum huic laxandi, atque subducendi alium vis inhæreat: illi vero adstringendi potius. Vnde Serapio hæc non animaduertens, vtranque ineptè admodum confundit. De hac verò Græcorum manna, Galenus libro tertidecimo Methodi medendi ita differt: Manna (inquiens) est purgamentum thuris, leui astringentione prædita, atque hoc etiam nomine thure ipso ad nonnulla utilior. Thus enim puris tantum mouendi facultatem obtinet vt pote nullâ astringendi vim habens, magisque

gisque id facit, quod pinguius ex eo est, & magis albi-  
 cans, sicuti etiam quod flauum ex eo magis est validius  
 siccatur: Mannæ verò etiam corticis thuris paululum est  
 admixtum, vnde scilicet adstringendi vim habet, ipse  
 verò cortex thuris, tum adstringit, tum exiccat insigni-  
 ter: Itaque ad moderatiores sanguinis profusiones eo uti-  
 mur solo, sicut etiam ad validiores solo vsto, sed tunc cri-  
 brato, & in mollissimum puluerem redacto. Item lib. v.  
 eiusdem voluminis, inquit, est autè manna medicamen-  
 tum quod magis quàm thus astringit. Qua de causa non  
 immerito Galenus per totam eius doctrinã, eo præcipuè  
 in libro, cui titulum de compositio. medicament. κατὰ γέννη-  
 esse voluit, ab initio libri, vsque ad calcem tanquam con-  
 stringente medicamento, in omnibus suis adstrictoriis  
 medicamentis & compositionibus vitur, velut ceteri  
 Græci, & Latini homines, inter quos Paulum est vi-  
 dere, Aëtium, Orbasium, Alexandrum Trallianum, &  
 ante hos, magnum illum & admirandum Hippocratem:  
 ex Romanis vero, Corneliū Celsum, Quintum Serenum,  
 vtrunq; Plinium, quibus & Scribonium Largum adiun-  
 gere est. Ex iis enim Plinius vir grauisissimus cap. 14. lib.  
 xij. quo de thuris generibus agit, inquit. Micas concussu  
 elisas mannam vocamus. Quibus omnibus satis manife-  
 stum est, mannam hanc Græcorum, prout Dioscorides in  
 præfenti loco testatur, adstringēdi vires habere, non verò  
 laxandi: At quum in hac re perplexior est controuersia,  
 quàm quæ paucis explicari queat, non absurdum mihi  
 fore videtur, Si Manardi Crinitique verba de hac re hic  
 subscripsero, vt studiosi iuuenes legendo veritatem com-  
 prehendant. Hi vero, Manardus atque Petrus Crinitus,  
 quanta olim inter se necessitudine fuerint cōiuncti ipsius  
 Criniti verba testatur. libro de Honesta disciplina. xvij.  
 capite 4. Qui quum Varronis locum fœdissimè depra-  
 uatum, ad vxorem Fundaniam scriptum, in pristinum  
 nitorem reddidisset, nullum alium præter Manardum  
 sibi iudicem requirit, tantum illius hominis eruditioni  
 videlicet tribuens. Antea tamen quàm ad ea subscribenda  
 deueniemus, paulisper, de Arabum Manna cōsonum erit  
 disserere: Est igitur manna, ros melleus, condensatus,  
 descendens in quibusdam locis, super arbores, vnde

Manardi  
 & Crinito  
 amicitia.

Manna Ara-  
 bum quid.

*Manna tria  
genera.*

*Manna su-  
pra lapi-  
des cadens  
melior est.*

*Gal, man-  
na nouit.*

colligitur, pro emolliendis diuitum ventribus accotro-  
datus, ex præcipuis autem vnde cadit locis, Calabria est  
vbi præcipue singulis æstatibus descendit, & ab omnibus  
passim colligitur, trium videlicet generum, vnum supra  
folia, quod perfectissimum est, à vulgo dictum manna de  
folio: Alterum super ramos & caudices arborum cadit,  
primo deterius, sed crassius & corpulentius: Tertiū verò  
super terram, cæteris deterius. Quæ verò manna, super  
lapides cadit, mea sententia cæteris generibus nobilior  
censenda est, Dicitur verò Calabrensis manna hæc, ma-  
stichina, quæ tanquam præcipua celebratur, & in pretio  
hodie habetur. Est præterea, alia orientalis, quæ ex mon-  
te Libano, & aliis locis Venetias portatur, aliquando gra-  
nulosa, nonnunquam verò liquida mel referens portatur:  
primam Arabes mannā absolutè appellant. Secundam  
verò tereniabim. An verò manna hæc præscis nota fuerit,  
vel de ea sermonem aliquem fecerint, in dubium hodie  
multi vertunt: cui quæsito facilè respondemus, quòd Ga-  
lenus libro tertio de Facult. Alimentorum, capite de mel-  
le, huius mannæ mentionem fecit, in æstate dicens, super  
arborum herbarumque folia, mellis quam plurimum re-  
pertum fuisse, vt gaudio exultantes rustici cantauerint,  
Iupiter mel pluit, apud suos rarò id accidere affirmans, se-  
cus autem in monte Libano, vbi singulis annis, expansis  
super terram velleribus, mel à concussis arboribus deci-  
dens excipientes, ollas, ac fictilia plena referant, vocantque  
illud roscidum mel, vel mel aërium. Sic enim Galenus, vt  
omnes noscant, loco citato, id est capite 39. inquit: Me-  
mini aliquando, quum æstate super arborum ac fruticum  
herbarumque folia, mel quam plurimum fuisset reper-  
tum, agricolas velut ludetes cecinisse, Iupiter melle pluit,  
& subdit huius rationem reddens, præcesserat autè nos,  
vt per æstatem bene frigida, nam tum tempus anni æsti-  
uum erat, pridieque calida & sicca fuerat aëris temperies,  
peritis quidem naturæ interpretibus videbatur halitus e  
terra & aquis, à Solis calore sublato, ac inde exactè te-  
nuatos ac coctos, à frigore secutæ noctis concretos co-  
aluisse: apud nos verò rarò id accidit: In monte autem  
Libano quotannis persæpe, itaque coria super terram  
extendentes, & arbores excutientes, quod ab eis desluit  
excip

excipiunt, & ollas ac fictilia melle implent, vocantque id mel roscidum & aërium. Hæc Galenus, in quibus mannam descripsisse satis constat, quam quoque Suidas vir Græcus & doctus syluestre mel è cælo cadens appellat. Plinius quoque illius mentionem fecit libro vndecimo, capite duodecimo, dicens: venit hoc ex aëre, & maxime siderum ortu, præcipueque in ipso Syrio splendente fit, nec omnino prius Vergiliarum exortu sublucanis temporibus, itaque cum prima aurora folia arborum melle roscida inueniuntur, at si qui matutino sub diuo fuere, vnctas liquore vestes, capillumq; concretum sentiunt siue ille est cæli sudor, siue quædam syderum salua, siue purgantis se aëris succus, & cætera. Non minus Pomponius Mela hanc mannam attigisse videtur, in sua Cosmographia, præcipue in Indiæ descriptione, quum dicat, India tam pinguis alicubi, & tam feracis soli, vt in ea mella frondibus defluant: Nec enim augurari est per hæc mella, aliud intellexisse Pomponium, quam mannam, mel aërium dictam. Quæ quoque multis in locis hodie super arboribus cadit, vt apud Rhagusium, vnde quoque colligitur, & Venetias & Anconam affertur. Manuel Ciriensis vir nobilis & magnificus, qui apud Belgas Lusitanorum regi à negotiis erat, frequenter mihi dicere solebat, Portugallenses rusticos, erat enim ille ex Portu ciuitate oriundus, inuenire solitos super arborum foliis rorem melleum, qui mox in speciem sacchari condensaretur: qui quidem ros, quoties (non enim quotannis defluebat) è cælo descenderet, fertilitatem illius anni insignem prædicebat, Fuit igitur, vt receptui canamæ, manna antiquis satis cognita, quam in vsum medicum non traxerunt, quum illius facultates penitus ignoratas habebant: quas Arabes dignoscendas in praxim aduocauerunt: & ea de causa Auerrois Cordubensis, videns post Galeni tempora, manna in re medica vsum, dixit eam post Galenum inuentam esse. Cæterum manna, vt placet Auicennæ & Mesue, temperata existit, ad caliditatem aliquantulum vergens, Auerrois verò eam calidam & humidam constituit, quæ aluum cit, debiliter tamen per se sola: qua de causa syrupum rosaceum solutiuum, aut tamar Indorum decoctum, cassiamue fistularem, aut

*Suidas.**Plini, manna mentionem fecit.**Pomponius Mela.**Manna apud Rhagusium inuenitur.**Græci manna vires ignoratas habebant. Arabes manna in usum traxerunt. Manna temperatura. Actuarius.*

rhabarbarum illi adiungimus. De ea vero & cassia fistulari Actuarius, vir Græcus, inter recentiores connumerandus, ita loquitur. Hæc perquam moderate purgant, nimirum casia nigra & manna, casia quidem tribus aut quatuor drachmis sumpta, vix moueret aluum: Manna vero etiam maiore modo quam casia sumenda est, & flauam bilem simplici ratione pellit: Casia vero ipsa flauam bilem, sed magis retorridam, & quæ iam in atram degenerauit, extrahit, quinetiam pituitam educit medicrem: cæterum præbemus vtrinq; quibus potentius medicamen aliud dari non potest, nimirum pueris & foeminis vtero gerentibus, commoditate quadam, & necessitate urgente repræsentamus, ex iis quibus exuperans febris reliquorum medicaminum vsus respuit. Manardi autem ac Petri Criniti verba consultò prætermittimus, quum ea suis locis lector percurrere poterit: est enim locus apud Petrū Crinitum, lib. xxv. de Honestâ disciplina capite 7. apud Manardum vero, epistola quarta sui voluminis, eidem Crinito dicata.

## DE THVRIS FVLIGINE.

Enarratio LXXVII.

**A** *ἰσάκη λιβάης*, Thuris fuligo est, quæ thure cremato fit, & in officinis non præparatur.

## DE PICEA ARBORE.

*Græcè πῖκνυς*: Latine, picea arbor: Hispanicè, Pino negro arbor: Italicè, pezo: Germanicè, Fiechten, forhnen. Arabicè, Artz, vel ars: Germanicè, Rot. Dannenbaum.

## P I N V S.

*Græcè, πῖτρυς*: Latine, Pinus, Pinus hortensis Pinus urbana, Pinus domestica: Hispanicè, Pino aluar arbor: Italicè Pino, Germanicè, Zirbelbaum. Arabicè, Sonobar: Germanicè, Hartzbaum. Gallicè, Pin.

Pinafter.



## P I N A S T E R .

*Pinaſter, Pinus ſylueſtris: Hispanicè pino, Pinheiro branco: Italicè, Pino ſylueſtre: Germanicè, Vvilder zirbelbaum.*

## Enarratio LXXVIII.

**L**ongum profecto nec minus difficile eſſet, omnes Pini ſpecies percurrere: illius tamen (Theopraſto auctore lib. iij. de Hiſtoria plantarum, cap. 10.) duæ ſunt ſpecies, altera vrbana, altera verò ſylueſtris. Sylueſtris verò in Idæam & maritimam partitur, nam Idæa id eſt, montana, reſtior, celſior, materieq; craſſior eſt: Sed maritima folio ornatur tenuiori, imbecilliori, & cortice leuiori, ad coriaq; vtili, in qua nux conſpicitur, rotunda breuiq; dehifcens, in Idæa verò, tanquam nux ſylueſterior, oblongior eſt, viridis, minusque hiſcens. Hæc ad Theopraſti mentem, quæ vera eſſe, nullus hucusque in dubium traxit, præter vnum Mathiolum Senenſem, qui omnino hæc ſuo iudicio tantum fultus euertere conatur, dicens ſe in ſylueſtri maritima pinu obſeruafſe, nuces nõ quidem rotundas, ſed oblongas potiùs, ſolidas difficulter dehifcentes: in montana vero non oblongas, ſed breues & ad aperiendum faciles. At nos revera Theopraſtũ verum vniuerſaliter dixiſſe hucusq; obſeruauimus, ac Mathiolum aut non rectè apprehendiſſe, aut potiùs vt noui aliquid aliis dixiſſe videretur, in medium hæc adferre voluiſſe. Verùm vltra ſylueſtris pini iam enumeratas ſpecies, aliæ plures reperiuntur, quæ quum ad rem medicam parum faciant, eas nunc curioſius non conſectabimur: ex quibus velut cæteris, reſina alba vſui medico colligitur, non minus quàm operi fabrili deſeruietes tabulæ, quæ proculdubio nõ meliores ſunt, (vt autumat Plinius) quàm cæteræ quæ ex aliis arboribus reſinam ſtillantibus, parantur: quum quæ ex larice fiunt ſcandulæ, primatum obtineant, cum firmitate: tum temporum diurnitate. Sic enim Plinius libro decimoſexto, capite decimo de ſcandulis, id eſt ligneis tegulis, prodit: Scandulæ eſt robore aptiſſimæ, mox eſt glandiferis aliis, fagoq; , facillimè

*Mathiolus  
ineptè  
Theopraſti  
reprehendit.*

*Laricis materia cæteris pini speciebus firmior est.*

*Plinius errat.*

*Ruellius errat.*

*Larix arbor qualis.*

*Plinius taxadus.*

ex omnibus quæ resinâ ferant sed minimè durant, præterquam è Pino. Iis enim videtis Pliniû pini tabellas magis laudare, quàm quæ ex cæteris arboribus resinam ferentibus, fiunt, quum tamen hoc falsum sit : scimus enim nos ex omnibus Pini generibus, Laricis materiam, durior, firmior, & temporis iniuriis magis resistentem esse : proinde in isto Pliniano loco, mendam subesse, non tamen Plinium errasse omnino dicendum est. Theophrastus autem loco citato, morbum pinis euenientem describit, dicens, quum Pinus in tedam vertitur, strangulatur ac emoritur : quæ verba Plinius libro allegato omnino corrumpit, quum quæ de pino Theophrastus inquit, Plinius larici tribuat, inquit : laricis morbus est, vt teda fiat. Ruellius verò hæc animaduertens, Plinium defendere, ac eum ab errore vindicare conatur, proponens, non mirum esse, si multa quæ Theophrastus Pino tribuit, Plinius larici adscribat, quum larix pino facie, situ, & perpetua fronde similis sit : in quibus factis constat Ruellium nunquam laricem vidisse, quum laricem perpetua coma describat : quod falsum esse, certius est, quàm vt à nobis probari oporteat, quum larici folia hyemis tempore decidant, nec cum pino similitudinem aliquam dictu dignam contrahat, quum Larix arbor sit ingentis proceritatis, cortice crassissimo, & illo quidem crebris rimis interciso, in quibus rufus color quidam apparet : nam rami in hac arbore gradatim circumdâtes truncum incedunt, qui in summo arboris, inter se multi neſtantur complicanturq; ad luteum vergentes colorem & optimum ex se spirantes odorem, folia porrò densissima sunt, oblonga, tenella, & strictiora quàm quæ pini, non tamen cuspidè acuminata, quæ autumnii tempore ex viridibus pallida facta, facile decidunt, adeo vt per totam hyemem hæc arbor ex omnibus resinam ferentibus, sola frondibus, denudata maneat, interdum enim larix iuuenescit : cupressus in totum persimilis est, minimè verò pino, vt Ruellius credidit. Producit præterea arbor hæc flores incunte vere purpureos, grati odoris vsui admodum gratos, deinde vero fructum nuci cupressi persimile iucundi quoque odoris : In quo Plinius taxadus quoque à nobis venit, quum crediderit ipse laricem sterilem esse. Cæterum laricis lignum,

lignum, vt diximus durissimum est, ac firmissimum, qua  
 de causa fabricæ maxime expetitur, igni quoq; aptissi-  
 mum est, vt experientia comprobatum habet Mathiolus  
 Senensis, qui apud Tridentum, igne non nisi ex ligno la-  
 ricis constructo, ferri venam percolari tradit, vt hinc fa-  
 cile est iudicare, quanto errore deprehensi sint, Plinius,  
 Vitruuius, & alij plures, qui contendebant laricis lignum  
 in igne non vri, quum re vera apud Brixienfes laricis car-  
 bones in maximo sint vsu, & vt experiētia nos quoq; com-  
 pertum habemus, ligna sicca laricis, maximo impetu ob-  
 nimiã vñctuositatē vruntur, ex quibus carbones optimi  
 quoq; parātur. In larice agaricus non nisi generosus &  
 optimus nascitur, vt suo dicemus loco. Ex larice quoque  
 in officinis præclaram & multis encomiis dignam illam  
 resinam liquidam habemus, quam loco terebinthinæ  
 veræ arboris terebinthi, terebenthinam vocamus, & eam  
 in actum practicum trahimus, quæ non nisi caudice ar-  
 boris perforato ab artifice in æstate destillat, & eam va-  
 sculis ex cortice piceæ colligunt, candidior autem tere-  
 binthina ea est, quæ ex iunioribus arboribus exit, tur-  
 bulentior verò, quæ ex vetustioribus. Reperitur quoque  
 in caudice laricis, non nisi vetustissimi, medullæ vice,  
 album quoddam corio persimile, quod pro constringen-  
 dis, & agglutinandis vulneribus, ac cōpescendo sanguine  
 vñdecunq; fluxerit, multi vsurpant. Sunt præterea ar-  
 bores quoque ex quibus resina destillat, multum inter se  
 similes, adeo vt nisi quis multum in eis exercitus fuerit,  
 discrimen ponere nesciat, ex quibus picea & abies præci-  
 pue sunt, vtraq; enim in longitudine, crassitie figura &  
 frondibus, idem habet, nam rami tanquã brachia, à duo-  
 bus lateribus in trunco oriuntur, vt in crucē nasci merito  
 quis dixerit, ita quoq; & folia in ramusculis ad illum mo-  
 dum enascuntur, oblonga, & dura, sed in hoc inter se diffe-  
 runt, quòd folia piceæ obscuriora multo sunt quàm quæ  
 abietis, item cortex piceæ ad nigredinem quoque vergit,  
 qui tanquam corrigia facile complicatur: Abietis vero  
 cortex potius albicat, quum complicatur, illico disrum-  
 pitur: iis addamus, quòd rami piceæ terram versus cur-  
 uantur, id quòd abietis ramis non accidit, imò & lignum  
 piceæ pulchrius est, & vtilius, venas directiores habens,  
 & nod

*Terebin-  
thina vul-  
garis, lari-  
cis est.*

*Abies &  
picea ar-  
bor similis.*

& nodos pauciores, sola fœmina picea fructum parit: & quâquam Plinius tradat abietem masculum & fœminatam quoque fructum producere, in multis tamen regionibus, sterilem vtranque conspicimus, velut apud Tridentinos, & nemora Rauennæ. Verùm, gignit picea plerunque resinam suam obduram, densam, inter corticem & truncum concretam, quanquam aliquando, sed raro liquidam quoque emittat, & illam quidem laricæ similem. Ex abiete quoque oleum abietis siue abiegnum dictum extrahitur, quod non solum ex caudice, sed ramis, vesicis affectis, intra quas resina ipsa siue oleum abiegnum contentum est, diuellitur, de quo plura legito cap. 82. huius præsentis lib.

*Picea arbor.*

*oleum abietis.*

### DE STROBILIS.

*Græcè, στροβίλοι, πινυίδες: Latinè, strobili, nuclei pinei: Hispanicè, pinhones mundados, Gallicè, Pignons, Germanicè, Zirbelnuss, pineen.*

Enarratio LXXIX.

*Loch de pino.*

*Pinei nuclei.*

**P**inyides nuclei sunt pinei, in conis id est nucibus pineis arboris inclusi, quibus hodie in officinis ad Hippocratis vestigia, eclegma, id est loch, siue lambetium dictum, à pino nominatum præparatur, pectoris non nisi, & pulmonis vitis accommodatum, is enim fructus vires reficit, & vt de eo refert Galenus libro secundo de Facul. simplic. medic. boni ac crassi est succi, multumque nutrit non tamen facile coquitur: Appellant autem nunc Græci ipsum non conon, sed *στροβίλον*.

### DE LENTISCO.

*Græcè, οξύϑ, Latinè, lentiscus: Hispanicè, lentisco arbor, mata, arueira: Italicè lentisco, Arabicè, daru: Gallicè lentisque.*

Enarratio LXXX.

*Lentiscus.*

**N**ascitur lentiscus in vniuersa fere Hispania, & Italia aliquando arborefcens, quandoque vero ex trunco, multos & subtiles emittens ramulos, quibus folia perpetuo viridantia qualia in arboribus pistatiorem videmus, insunt, sunt enim illa vt noscas, oliuæ foliorum figuram imitantia nunquam vt diximus, ab arbore decidentia, ob  
que

quæ Cicero de lentisco ita cecinit, libro de diuinatione, Cicero de  
vt postea Plinius libro 18. capite 25. subscripsit: ad hunc lentisco.  
modum.

*Iam verò semper viridis semperque grauata*

*Lentiscus, triplici solita est grandescere sætu,*

*Ter fruges fundens, tria tempora monstrat arandi.*

Est verò fructus, quo arbore ista ornatur, figura, magnitu-  
dine, & colore baccharum sambuci, ex quo oleum confici  
diximus, ab Hispanis in maximo vsu habitum, præsertim  
pro inficiendis chirothecis, quod sua voce à mata appelli-  
tant, desudat enim arbor hæc resinam, quam mastichem  
vocat, non solum in Chio insula, sed etiam vt Auicenna  
rectè dixit, & nos ipsi experientia compertum habemus,  
in Hispania, & Italia. Theophrastus verò mastichem ex  
India aduehi, & ex frutice quodam spinoso colligi, ac  
ixine appellari tradit. Verùm Galenus de Lentisco libro  
oçtauo de Facultatibus simplicium medicamentorum  
ita inquit. Ex aquea essentia leuiter calida, & terrena fri-  
gida non pauca, lentiscus constat, desiccatur itaque secundo  
ordine completo, aut tertio incipiente, in caloris frigi-  
disque medio consistens quodammodo, astringit autem  
ex æquo moderateque omnibus partibus suis, succus bi-  
bitur & per se, & eum aliis medicamentis, quæ dysente-  
rias & alui affectus sanant: Quin & ad sanguinis expui-  
tiones, fluores muliebres, necnon sedis vuluæque pro-  
cidencias idoneus est, vtpote ad hypocistida non nihil ac-  
cedens propè. Non præteribo in præsentia quin reuo-  
cem in memoriam, quòd hodiè velut Dioscoridis tem-  
pore, ex lentisco dentifricia pro purgandis dentibus  
apud Hispanos parantur, ita enim Dioscorides in præ-  
sentia (inquit) viridibus ex lentisco dentifriciis, pro arū-  
dinacea acie frictione dentes vtilius extèruntur.

*Mastix.*

*Lentisci tē  
peratura.*

## DE MASTICHE.

Græcè, μαστιχη, Latine, mastix, resina lentiscina: Hi-  
spanicè, almastigua: Italicè mastiche, Arabicè,  
mastech, masteche, vel mastiche: Germanicè,  
Mastix.

dicens : Syria & terebinthum habet, ex iis mascula est sine fructu, foeminarum duo genera, alteri fructus ruber lentis magnitudine : alteri, pallidus, cum vna maturefcit, non grandior faba, odore iucundior, tactu resinofus, circa Idam Troadis : Sed in Macedonia brevis arbor haec atq; fruticosa, in Damasco Syriae magna materies ei admodum lenta, ac fidelis ad vetustatem, eximij ac nigri splendoris, flos racemosus oliuae modo, sed ruber, folia densa, fert & folliculos emittentes quaedam animalia, caeculices, lentoremq; resinofum, qui ex cortice erumpit. Haec ille ex Theophrasto. Hodie vero in Italia nasci terebinthum non procul ab Vrbe audio, cui folia lentis paulo maiora insunt. Venetiis quoq; arborem istam in hortis excultam, nonnulli contendebant : mea tamen sententia falluntur, quum folium à vero terebintho multum distet, illius praecipue arboris, quam terebinthum esse credebant. Caterum ex terebintho, vt diximus, resina desudat, quam terebinthinam veram appellamus, vt capite sequenti videre est, porro terebinthi facultates viresque, Galenus lib. viij. de Facul. simpl. med. ita attingit dicens, cortex, folia, & fructus eius adstringunt, & secundo ordine excalfaciunt, valde etiam quod siccet, liquet, porro fructus aridus propinquus est tertio ordini desiccantium, calfacitque valenter, quare & vrinam prouocat, & libidibus auxiliatur.

*Terebinthi  
natura.*

## DE ALIIS RESINAE GENERIBVS.

Græcè, ῥηῖνον, Latinè, resina : Arabicè, Ratin, vulgatis : gallicè, resine : Italicè, ragia : Germanicè, Hartz.

Enarratio LXXXIII. Nascitur & liquida, &c.

*Resina laricea, vulgatis terebinthina est.*

**N**ascitur vera terebinthina, vt diximus ex terebintho arbore dicta, cuius penuria, quum raro in Italiam, & Hispaniam adferatur, resina ex larice illius loco vtimur : quam falso terebinthinam officinae vocant, quam in hoc magnus non committatur error, quum vtraque eadem

*Larix.*

cerit, & Mercurialis herba, & cnicum abunde sunt, bene facit etiam resina terebinthina, interim vnius auellanae, interim duarum triumue magnitudine sumpta: capite vero 43. in quo quae sanis aluum subducant, & quae vrinam moueant, recitat, tradit: Aluum iuuabit terebinthina, ex qua oliuae magnitudinem dormituris offerebant, at quum acrius subducere eam cogitamus rheu. momentum admiscebimus: nos vero hodie non tantum ventris soluendi gratia, quantum renum expurgandi causa, ieiuno stomacho pondere vnius vnciae cum zuccaro, propinamus, cuius accipientis lorium. moschi odorem refert. Habetur quoque liquida resina vt Dioscoridi placet, ex piceis, pineis siue tedis arboribus, quod ita esse scimus, quanquam ab istis arboribus resina absolute dicta ficea, concreta siue dura colligatur, potissimum tamen a pinastro, tametsi si nonnulli hanc itrobilinam appellent: quae de causa Plinius libr. xiiij. capite 20. resinam siccam colligi a piceis & pineis arboribus tradit, non negat tamen Plinius, & liquidam arbores istas destillare resinam, quia

easdem ferè vires ac facultates obtineat, vt testatur Galenus, cui postea subscripserunt Paulus Aegineta, & Aetius: Satius tamen esset vera vt terebinthina. At dum ea caremus, laricea vt rectè mea sententia possumus.

Ceterum antiqui medici, terebinthina pro subducenda aluo olim vtebantur, vt apud Aeginetam legere quiuis poterit, libro primo suæ medicinae, capite 23. in quo senibus victus rationem debitam describit, ita enim eo loco Paulus Aegineta inquit: Quod si venter magis astrictus nihil deie-

*Terebinthina alicui subducit.*

*Rheu pro subducenda aluo vtebatur Paulus.*

*Pix Græca.*

*Oleum Abietis.*

*Resina liquida.*

*Resina sicca.*

*Strobilina resina.*

tamen paucam: siccam vero siue concretam copiosam, ea de causa liquidam subicit: Hæc vero resina sicca coquitur, & hodie pix Græca, siue Hispana pix dicitur, quam officinæ Colophoniam quoque appellant, quia in Colophone vrbe Ioniam regionis clarissima paratur: Secundum enim resinæ colorem, & ipsius maiorem minoremque cocturam, alius & alius ei inest color: Semper tamē translucida manet, quam coctam quoque in præsentī loco Dioscorides nominat. Verum, ab abiete liquida resina, quam seplasiarij oleum abietis, siue oleum abiegnum appellant, emanat: quam Dioscorides cæteri que post eum authores cognouerunt, quum in abiete sicca resina raro reperitur, imò abietes siccam resinam ex se emittentes, vt refert Plinius, morbida sunt, & sicca resina in eis, pro morbo habetur. Proinde credere fas est, Dioscoridē lacrimam istam abiegnam nouisse: quanquam de huius arboris sicca resina tantum mentionem fecerit. Afferuntur autem, vt testatur Dioscorides, optimæ resinæ, ex Pityusa insula, quæ ad Hispaniam est, & vt hodie nouimus, non procul à Balearibus insulis. Sunt igitur, vt breuibus absoluam, resinæ liquida, terebinthina, laricea, & abiegnæ, quam & hæc sicca quoque reperitur: Siccæ vero sunt, absolute resina dicta, ex piceis & pineis arboribus collecta, tametsi liquida quoque, vt Dioscoridi placet reperitur. Lentiscina, quæ cæteris ficior & durior est, prætercunda non est, quam Plinius inaduertenter inter liquidas computat, cæteras vero resinas suis locis enucleabimus, nunc vero Galenum audiamus libr. 2. de Compositione medic. per genera, in emplastri viridis Andromachi confectura, qui dilucide admodum de resinis ibidem sermonem fecit, dicens: primum resinæ strobilina in eo meminit, quæ vt in Commentariis de Simplicium medicamentorum facultatibus asserui: resinarum longe calidissima est, sicut terebinthina ambabus qualitibus omnium moderatissima, omnes siquidem calefaciunt & exiccant, sed hæc magis, illa minus. Validissima igitur est strobilina, moderatissima vt dixi terebinthina, quinetiam siccat celerimè strobilina, & quæ priuatim pitynon physena dicitur resina quidem & genere ipsa sicca, & calfaciens, siccando autem à strobilina non superatur, calfaciendo pluri



plurimum. Hæ ergo exiccata pinguis expertes sunt, ideoq; emplastra bene adhaerentia conficere non debent, vt viscosa & liquida, inter pitynon physema, id est piceam & strobilinam, media calore abietina est, liquida tamen diutius perdurat, sicut etiam Colophonia thus redolens, quæ nonnullis sola vocatur Colophonia, odoratu suauitatem quandam referens, vt abietina, & calore sicut illa mediocri prædita, nascitur admodum modica, atq; ob id pretiosa est: Humidissima tamen omnium altera laricis appellata differentia, nam hæc quoq; duplex est, vna quidem omnino similis terebinthinæ, altera hac acrior, calidior, magis liquida & odoratu grauior, tum gustu amarior, sed & vasis fictilibus piceam resinam continentibus quæ subsidet liquida resina, consistentia & colore terebinthinæ ad amulsim similis est, odore & gustu diuersa, ingratiior quidem olfactu, sicut & acrior & gustu mordacior. Quare satius est terebinthinam omnibus medicamentis quæ vlcera rectè curabunt, admiscere. Quoniam primus præcipuusque in eis scopus est, vt id quod offertur non mordeat. Hactenus Galeni verba: quibus suffragantur ea quoq; quæ libro iij. eiusdem voluminis, ad istum modum scripta sunt: Omnium vero resinarum siccissima est, quam nonnulli frictam, alij Colophoniam appellant: huic succedit, quæ ex figulinis impura, nec frixa sumitur, quam si purges in frixam mutabitur: His ambabus siccior est quæ dicitur pitynon physema, ac si dicas picea germinatio, hanc sane ceu squalidam, in præsentis emplastri compositionem non esse idoneam ratus, abiecti: vsus autem sum fricta & liquida. Iam vero ex iis nonnullæ diutius liquida permanent, quemadmodum terebinthina: aliæ cito inarescunt, sicut strobilina, media vtriusque est abietina, quinetiam facultate calidior est quidem strobilina, mox vero abietina, deinde terebinthina, cupressi resinam miscere non ausus sum, vt quæ non nihil alitringeret, putabit forsan aliquis nobiscum dissentire Dioscoridem Anazarbeum in sermone de resinis, hunc in modum scribentem, primo de medica materia commentario, ex omnibus resinis principatus terebinthinæ datur. post eam lentiscinæ, tum ei quæ de picea raditur, & abiecte: vltimum locum pinea

*Dioscorides à Gale  
nu nō dis-  
sentit.*

*Atramentum scriptorium.*

strobilinaq; obtinet, in his enim Dioscorides tanquam de infima strobilina, optima vero terebinthina sentire videtur: Verum ego ex iis tribus resinis, strobilina, abietina, terebinthina, principem certe strobilinam calore, secundam abietinam, postremam terebinthinam esse dixerim. Quemadmodum igitur, qui inter Italiae vina austera optimum ponit vinum Italicum, alius ad qualitatem vnā sermonem referens, alius absolute de tota ipsius substantia, pronuntians, verus deprehenditur: eadem ratione etiam inter resinas optimam, tanquam medicamentum in multiplices vsus accommodatum, merito terebinthinam affirmaueris, nō tamen caliditate primas obtinere. His addenda sunt, quæ libro octauo de Facul. simpl. medi. ipse tradit, quæ quisq; per otium videre illic poterit. Porro ad memoriam hic reuocandum est, quod ex fuligine resinarum hodie atramentum componitur, quo typographi saepe vtuntur, adiecto aceto, & gummi Arabico, quo tenacius crassiusque fiat, velut quoq; Dioscoridis tempore, pro pingendis characteribus parabatur.

### DE PICE LIQUIDA.

*Græcè, πικρα ύγρη: Latinè, pix liquida, Hispanicè, alquitran: Arabicè, Eerf, Cest, Zest, Kir, Gallicè, Poix fondue, Bray, Germanicè, Schiffbech, Bech.*

Enarratio LXXXIII.

*Alkitran.*

**H**Aec hodie ex Dania afferitur, qua nauium ornamenta illinuntur, & eam omnes Hispania alkitran appellitant.

### DE OLEO PICINO.

*Græcè, πικράλαιον: Latinè, oleum picinum: Hispanicè, azete depez: Italicè, oglio di pegola, Arabicè, Kepsen, Kapsen, Kapsē.*

Enarratio LXXXV.

**H**Oc non præparatur, nec à recentioribus commendatur.

## DE PICIS FVLIGINE.

Græcè, λιγνὸς ὑγρὰς πύλας : Latine, picis fuligo,  
Hispanicè, fulugen de pex : Italicè, fuligine di  
pegola.

Enarratio LXXXVI.

CREmata pice, ipsius fuligo fit, quæ non minus ac *Picis facultas.*  
resinarum fuligines, pro conficiendo atramento  
typographicò præstat, prostant autem venales fuligines  
istæ resinarum, ubi libri excuduntur, velut quoq; apud  
pictorum officinas.

## DE SICCA PICE.

Græcè, πύλα ξηρὰ : Latine, sicca pix, spissa pix, pix  
naualis, pix nigra: Hispanicè, pex negra: Italicè,  
pece, pegola: Gallicè, poix, Germanicè, Schvartz  
hartz.

Enarratio LXXXVII.

PLinius qui centesimovigesimo quinto anno post Dio- *Plinius*  
scoridem vixit, quandoq; Dioscoridem ipsum imita- *post Dio-*  
tur, quandoq; verò ut breuiloquum dilatat, ut in hoc fa- *scoridem*  
ctum videmus capite: qui libro xvj. cap. II. ita inquit: Pix *125 anno*  
liquida in Europa è teda coquitur, naualibus muniendis, *vixit.*  
multosq; ad alios vsus: lignum eius concisum, furnis vn- *Cedrium.*  
diq; igni extra circumdato, feruet, primus sudor aquæ  
modo fluit canali: hoc in Syria cedrium vocatur, cui tan-  
ta vis est, ut in Aegypto corpora hominum defunctorum  
eo perfusa seruentur. Sequens liquor, crassior iam picem  
fundit: hæc rursus in cortinas æreas coniecta, aceto spissa-  
tur, & coagulata brutiæ cognomen accepit, doliis dun-  
taxat vasisq; cæteris utilis, lentore ab alia pice differens:  
item colore rutilante, & quòd pinguior est. Hæc ille. Cæ-  
terum pix ad eum hodie modum paratur, quo item carbo-  
nes cõficiuntur: concisis enim vetustissimis pineis tabel-  
lis, & quadrato ordine in ærea dispositis, postea quam &  
arena, & earundem arborum ramis probe obturata sunt, *Pix quo-*  
ignis supponitur, quo desudantes tedæ picem emittunt, *modo para-*  
quam per canales fluentõ, ærea excipiunt cortinæ: Huius *tur.*  
enim

enim in re medica varius vsus est, de qua Galenus lib. viij. de Facultatibus simpliciorum medicamentorum ita disse- rit: Pix sicca quidem desiccatur, & calfacit secundo ordine, at plus siccare valet quam calfacere, humida verò contra plus calfacit quam siccatur, habetque partium tenuitatem nonnullam, qua asthmaticos & purulentos adiuuat: satis est autem cyathi linxisse mensuram mellis mixtæ: abster- gendi etiam, cõcoquendi, digerendiq; quandam vim ha- bet, veluti in gustu leuem amarorem & acrimoniam, sic leprosos vngues eximunt mixtæ cum cera, lichenasq; de- tergunt: coquunt item duros & crudos tumores. Cataplas- matis inditæ, atque ad ea omnia, humida valentior est: arida verò glutinandis vulneribus aptior.

*Picis facul-  
tas.*

### DE ZOPISSA.

*Græcè, Ζοπιάρια, ἀπόχυμα & Ἐπόχυμα: Latine zopissa, nauium pix: Hispanicè, breu: Italicè, pegola de le nau.*

#### Enarratio LXXXVIII.

**O**lim naues picabantur pice, cera adiecta, quæ compositionem, zopissam aut hypochyma Græci appel- lant, & eam à nauibus derasam, variis medicis accommo- dabant remediis: Hodie verò ex pice cum oleo liquida naues picatæ videntur: ceterum, ex pice, & cera pauco adiecto oleo, massa quædam componitur, qua mercatores suos sigillant puros, non minus quoque ex resina & cera alia paratur compositio, cancellariis, pro obsignandis literis frequens, nam ea massa qua cerdones pro illinendis filiis vtuntur, ex pice cera & sepo concinnatur, reduiis admodum utilis.

*Massa pro  
sigillis.*

### DE BITVMINE.

*Græcè, ἄσφαλτος: Latine, asphaltus, bitumen, bi- tumen Iudaicum: vulgo bitume de Iudæa. Ara- bicè, Hafyal Teudi, Cheser Alibend, Italicè, Bitume: Germanicè, Iuden Leim.*

#### Enarratio LXXXIX.

**B**itumen, nomen equiuocum est, omnem massam è terra, vel mari, aut fluuio scaturientem compren- dens,

denz, siue illa dura, aut mollis, solida vel liquida sit: proprie tamen & absoluta voce, de Iudaico intelligitur bitumine, cuius loco, hucusq; artificiali seplasiarij, vsi sunt, composito ex pice & variis, quæ subtrahere satius est. Nunc vero ex Iudæa verū & sincerum asportari cœptum est: nascitur autem vt à Iudæis accepimus, qui è Iudæa frequenter Venetias veniunt, & Broccardus in terræ Sanctæ accuratissima descriptione confirmat, in lacu quodam mare Mortuo siue mare Salis dicto, in quod Iordanis fluuius euoluitur, quinq; millib. passuū à Iericho vrbe. Cæterum est bitumen hoc, massa quædam pinguis in lacu illo fluitans, quæ ab vndis & vento agitata, ad litus emittitur vbi densa & tenax fit, non adeo tamen tantæ duricie vt pro sui eliquatione sanguine menstruo opus habeat, vt multi inepte admodum putarunt. Est vero bituminosum hoc stagnum, vt refert Galenus lib. iij. de Facult. simpl. med. cap. 19. cui nullum nec animal nec plâta inesse conspicitur, imo quum duo in eum confluant fluuij, piscium copia scatentes, quorum vnus Iordanis est, nullus tamen piscium, fluuiorum ostia excedit, quod si stagnum aliquem aggredi contingat, illico emoritur, adeo est omnibus animantibus, & plantis inimicū & infestum stagnum hoc, de quo quoq; fertur, quod corpora quantumcunq; grauiâ si in eum iniiciantur, non subsidunt, aut fundum petunt, sed potius enatant, quia vt Aristoteli placet, aqua illa crassa & grauis est, vnde factum est, quod naues onera in mari plura, quàm in fluuiis citra submersionem portare valent: quia marina aqua fluuiatili crassior est, & melius attollit eleuatq; pondera. Hoc enim stagnū est, quod Sodomeum, siue Sodomenum appellatur, vbi olim Sodoma & Gomorra, cum suis circumuicinis ciuitatibus à Deo ob peccatum nefandissimum submersæ sunt, vt Sactæ testantur literæ. Ita vero appellari stagnum istud, confirmat Galenus, loco citato, quum inquit: Vocant autem eum Sodomenum à circumiacentibus stagnum montibus quos Sodoma appellitant. Habet enim stagnum hoc, siue mare Mortuum, vt refert Broccardus monachus, latitudinem quinq; leucarum, longitudinem vero, quinquaginta, & vt idem eodē loco tradit, Patriarcha Hierosolymitanus, qui sæpe locum istum inuisit, scribit, mare

*Bitumen  
Iudaicum*

*Broccardus.*

*Bituminosum  
Stagnum.*

*Sodoma &  
Gomorras.*

*Vallis illu-  
stris.*

illud semper Fumum reddere & nebulam, in modum ca-  
mini infernalis, vnde tota illa vallis quæ aliquando ob  
sui fecunditatem & amœnitatem illustris dicta fuit, ad  
spacium itineris dimidiæ diei sterilis & inutilis reddita  
est, ita vt nec vllum germen proferat, fere per spatium  
quinque leucarum, nisi iuxta ciuitatem Iericho, vbi horti  
irrigantur à fonte Elisæi: Hæc verba patriarchæ Hiero-  
solymitani faciunt, vt multi hodie cum philosophis cre-  
dant ciuitates illas, ob terræ motum, ab accenso in bitu-  
mine igne ortum, subuersas fuisse, sed de iis satis. Olim  
igitur Syriaci homines, velut Aegyptij, & infimæ plebis  
Iudæi, bitumine isto, pro seruandis cadaueribus loco pre-  
tiosorum medicamentorum, videlicet balsamo, myrrha,  
aloe, & croco, quibus carebant, utebantur: vt ex Stra-  
bone libro xvj. facile percipitur. Quæ etiam de causa re-  
centiorum nonnulli, bitumen hoc Arabum mumiam esse  
autumant: mea tamen sententia Mauritanorū mumia  
Dioscoridis non est asphaltos, sed potius pissasphaltos,  
vt capiti sequenti monstramus, habet enim bitumen hoc  
Iudaicum picis odorem, vt Auicenna scriptum reliquit,  
& experientia ipsa attestatur: de quo Galenus libro xj. de  
Facul. simpl. medic. ita dixit: Optimum vero bitumen in  
mari, quod Mortuum vocant, prouenit: cuius medica-  
minis vis est tum resiccatoria tum exalfactoria in secun-  
do excessu, meritò itaq; vtuntur eo ad cruentorum vul-  
nerum glutinationem, & ad alia omnia quæ exicari de-  
bent, ceu modica exalfectione.

*Mumia A-  
rabis apud  
Diosc. piss-  
siphaltos  
est.*

### CONSTANTINVS.

\* *A* matus prauenter in Bituminis historia, rerum gestarum  
apronunciatori sincero, & grandi Iosepho, refragatur: qui  
περί ἀλώεως. id est, de captiuitate l. 4. oculata fide asserit, quod  
auertit tantum, hic nos ter negat. Certissimum experientia Bitu-  
men nulla re melius separari, quam filo tincto menstruo sau-  
guine.

### DE PISSASPHALTO.

*Grecè, τῆρ ἄσφαλτος: Latine, pissasphaltus, bitu-  
men Apollonia, Arabicè, Mumie, Mumiay,  
Mumia, Gallicè, Mommie, Italicè, Mumia,  
Arab*

*Arabum mumia: Hispanicè, pex bitume mineral, cera da minera: Italicè, pece bitumine da minera, Germanicè, Dinsen Bluot.*

## Enarratio x c.

QVòd vero Arabum mumia Dioscoridis sit pissasphaltos, Serapio Dioscoridis fidelis sectator indicat, quanquam interpretes ineptè admodum vertat, quum dicit capite de mumia, ex Dioscoridis mente, est in terris quæ dicuntur a colonix, descendit nanque ex montibus qui dicuntur fulmina, cum aqua, & eiecit eam aqua fluminis in ripis, & est coagulata, & fit sicut cera, & habet odorem picis mixtæ cum asphalto, eû alico fœtore, & virtus eius est, sicut virtus picis & asphalti mixtorum. Hactenus Serapio. Cuius verba licet mutila & mendosa legantur, id vitio interpretis vt diximus tribuendum est, non verò Serapionis errori, qui vt nostis, per mumiam pissasphaltum intelligit, tam naturalem quam artificialem: nouerat enim Serapio, non vt Strabo dixit, & nonnulli crediderunt Mauritanos, mortuos condire asphalto, id est bitumine Iudaico tantum, sed potius, asphalto adiecta pice, potissimum quando naturali pissasphaltos id est mumia eorum carebant, velut nobilior mumia illa mortuorum conditura, quæ ex pretiosissimis medicamentis apparatus, vt balsamo, aloe, myrrha, & croco. At quum hanc difficulter habere poterant, quum ea balsamati siue conditi diuites & nobiles erant, & clausis locis repositi, ceperunt Mauritanorû familiæ medici eius loco in vsum medicum trahere mumiam hanc, pissasphaltum dictam, quia facillime eam ex cadaueribus infimæ plebis hominum habebant. At postea officinarû mangones auarissimi, & lucri cupidi, non mortuorum cõditura tantum contenti, ipsorum pulpamenta, pernas, brachia, capita, imo integra corpora, in officinas absq; vilo pudore traxerunt. Plectendi igitur sunt, & dira pœna cõdemnandi, tanquam malefactores & veri dei contemptores, qui deinceps corpora mortuorû in tabernis tanquam hominû saluti conuenientia, habuerint, curabûnt tamen condita illa aromata ex mortuis corporibus tempore longo in pheretris repositis habere, quæ præcipuè hæc sit mumia. Si tamen eam

*Pissasphaltos mumia est.*

*Corpora mortuorû pro mumia vsurpata. Hominû auaritia quò impudētia peruenit.*

Vera mu-  
mia que  
fit.  
Piffaffhal-  
tus vbi na-  
fcatur.  
Ioannes  
Agricola.  
Animo-  
nius.  
Mumie vi-  
res.

habere non liceat, faltem piffaffphaltum verum & natu-  
ralem, vel ex cadaveribus extractum, vt habeant folliciti  
line, quum multum rei medicæ deferuiat. Nafcitur enim  
piffaffphaltos hæc, vt tradit Ioannes Agricola Ammonius  
Germanus vir medicus doctus, nō procul à valle Oeni flu-  
minis, ad montes Seefeld, quod post immodicos imbres  
colligitur, appellantq; ibi cum Germani *durfenbluot*, id est  
gigantum sanguinem, ex eo quoq; ibidem funalia, & ce-  
rei parantur, tetri tamen & pessimi odoris, præcipue ex  
eo quod ex Transyluania Pannoniæ superioris parte ad-  
fertur, non minus quoq; ex Aulone antiquo Græciæ op-  
pido affertur, durum, solidum, illic in montibus nascens,  
quod in Italiam affertur, & magna ex parte pro pice ven-  
ditur. Cæterum mumia vt Gulielmo Placentino placet,  
& Serapio prius docuit, vires asphalti & picis habet, quæ  
calida in 2. ordine est, styptica, & resolutiua, confert ab-  
scelsibus ex pituita obortis: Opitulatur fracturis, ruptu-  
ris, plagis, atq; ex alto lapibus factis: Valida est, in epile-  
psia, & vertigine, semidrachmæ pondere cum vino epota  
pulchræ euocat meales, resistit omni corruptioni, & pu-  
trefactioni, in tēpore præcipue pestifero: Cōducibilis ad-  
modū est vlcerebus, obstructionibusq; quibusuis, & vene-  
ni, aduersatur: totius corporis lapsum frigidū & humidū  
remouet, cuius vsus per se expetitur absq; cōiuge medici-  
na, aut copulat ipsa sulphuri viuo, aut mastichi, & cū aqua  
vitæ cochleari vulgato exorbetur, melletur eadem febri  
quartanæ si ante paroxifmū accessionē i potu exhibeatur.

#### DE NAPHTA.

Græcè, *νάφθα*: Latine, *naphtha*, *oleum petroleum*,  
*oleum saxi*: *oleum Medice*, Hispanicè, *azete de*  
*penha*: Italicè, *oglio de sasso*, *oglio petroleo*: Ger-  
manicè, *Steinöl*.

#### Enarratio xci.

Oleum pe-  
troleum.

**N**Aptha, oleum quod ex petra vel terra erumpit est,  
variis in locis repertum, nonnunquā album, quan-  
doque verò nigrum, imò aliquando subrufum. Nafcitur  
enim (vt Babylonicū præteream) sub dominio illustris-  
simi Ducis Ferrariæ in Mutinēfi agro, præsertim in mon-  
te Zilio dicto, nō minus in Liguria, & Sicilia, Neapoliq;  
sed



sed & in Hispania quoq; non deest, fœtet enim vnum alio magis, quod sæpenumero ex medio saxi erumpit, scaturitve, tanta vis ad se trahendi ignes, vt ex interuallo (vt recte Dioscorides adnotat) etiam ad se trahat, vt circumforanei nugæ vendentes, ex pulpitis tanquam rem monstruosam plebeis quotidie indicant. Calidum enim prope tertium gradum oleum hoc est, ad multa valens, quæ Dioscorides in præsentî citat. Fit præterea oleum artificiale ex Lateribus luteis, vt Albucasi placet, nouis, vel vt Mesue & Arnoldo, veteribus, quod & petroleū appellant oleum cîtæ dignitatis, aut magisterij, vt philosophorū nō solum nomine dignetur, sed etiā à plerisq; sapiētia oleum & benedictum, imò diuinum & sanctū dicatur: eo tamen non indigemus, quum naturali & vero abundemus.

oleum petroleum calidum tertio.

## DE CYPRESSO.

Græcè, κυπαρίσσις: Latine, cyparissus, cypressus: Hispanicè, cypreste arbor, cypresteiro: Italicè, cypresso: Gallicè, cypres: Germanicè, Cypress.



Cupressus.



Chamaecyparissus.

## Enarratio XCII.

*Cupressus  
arbor.*

**C**upressus arbor ex iis est, quæ in altum, procerè que excresecunt, folio pini, carnosiore tamen & illò quidem perpetuo, odore vehementi, cui galbuli siue pilulæ, nucesue, aut poma, ita enim fructus appellari potest, in sunt, magnitudine oui vitelli, quæ interim dum virent argentei sunt coloris, siccæ verò, aliquantulum rubent: tèt in anno arbor hæc fructum emittit, qui, & Ianuario & Maio & Septembri colligitur. Nam intra fructum semen occluditur minutissimum: quod formicæ maximè appetunt, & sui causa rarò cupressi absq; formicarum examine comperiuntur. Naturalis Certæ insulæ cupressus est, & vt tradunt, inde in alias orbis regiones transportata, mascula & fœmina, fœmina in altum cuspidata crescit, & vt Theophrastus credit sterillis: mascula verò fœcunda ex se ramos expergit, vtraq; enim resinam fundit, sapore acerrimam, Quare vermiculos & terenides necat, qua res vinctæ, à carie vindicantur: item si lentæ, fabæ, phaseoli, & vniuersa alia legumina, tuis cupressi foliis, vel ipsius scobe, simul asseruentur, vermiculis obnoxia nunquã erunt.

*Chama cy  
parissus  
herba.*

Cæterum, chama cyparissus herba, id est humilis cupressus, cuius Plinius meminit lib. xxiii. capite 15. an fœmina abrotanum sit, de qua Plinius mentionem fecit libro xxj. eiusdem numeri capite, suo dicemus loco. Nuces porro cupressi in officinis ad multos medicinæ vsus seruantur. De quibus & arbore Galenus lib. vij. de Facultate simpl. medic. ita disserit: Cupressi folia, germina, pilulæ recentes

*Cupressitè  
peratrata.*

& molles, magna vlcera glutinant in duris corporibus, quare resiccandi vim habent absq; insigni acrimonia aut calore, tanta enim ei acrimonia inest, caliditasq; , quanta satis sit deducendæ in altum acerbitati, proinde in alto latentes in flaccidis putrescentibusq; affectibus humiditates, innoxie depascit & populatur. Sic enterocœlicos iuuat, exiccans, roburque addens corporis partibus præ humiditate laxatis. Quidã ea vtuntur ad carbunculos, herpesq; , polentæ miscètes: Sunt qui ad erysipelata vtantur.

## DE IUNIPERO.

Græcè, ἀρνυδῖς : Latine, iuniperus : Hispanicè, enebro,

bro, Italicè, ginepro: Gallicè, du geneure: Arabicè, Arconas, vel Archencas, Germanicè, Geneuer, Vvecholter, krametbeer.

## DE GUMMI.

Gracè, κόμμι ἀκνευδίδου, Latinè, gummi iuniperi: Arabicè, Sandarax: Gallicè, & Hisp. vernix: Germanicè, verns.

## ENARRATIO XCIII.



*Juniperus.*

Iuniperi duo & illa quidem vulgata habentur genera, alterum maius: alterum verò minus. Quibus coma perpetua inest, quæ spina verius quam folium est, vnde topiario operi ac pergulis non immerito inferitur arbor: cuius lignum nunquam cariolam sentit senectam, vt ex trabibus tēpli Dianæ Plinius lib. xvj. cap. 40. approbat. Fert arbor hæc baccas myrti magnitudine, primo virides, postea nigricantes, cū pauco cyaneo colore perfusas, quibus pauperes pro cubiculorū suffitibus vtuntur. Differunt

*Iuniperi  
duo genera.*

enim iuniperi duo hæc dicta genera inter se, arboris tantum & seminis magnitudine. Verū ex iunipero gummi extrahitur, quod Arabes ineptè admodū sandaracham appellant, quod quum recens est, album, lucidum, & transparens conspicitur: quum verò veterascit, ad rubedinem declinat: multum enim, sandaracha hæc Arabum, à Græcorum sandaracha differt, quum Arabum vt diximus sandaracha

*Sandaracha Arabū  
gummi iuniperi est.*

daracha

daracha iuniperi gummi: Græcorum verò sandaracha auripigmenti species quædam sit, vt lib. v. quoq; dicitur, quæ proculdubio corrosiua & venenosa est. Quam igitur candidati iuuenes, apud Arabas sandaracham legerint, intelligant velim, gummi hoc iuniperi, non verò per necantem

*Sandaracha græcorum corrosiua est.*

*Sandaracha græcorum an tuto per os dari potest.*

& corrosiuam Græcorum: Secus verò si apud Græcos sandaracham lectitauerint & ea opus habuerint, non illam Arabum, sed potius hanc corrosiuam rubri auripigmenti speciem accipere debent, quæ an per os tuto dari possit,

alibi quum de ea sermonem fecerimus, aperiemus. Nunc verò sat sit dixisse, quòd Gal. & Paulus Aegineta eam in compositionibus & suffumigijs, quæ per os sumuntur immiscet, vt apud ipsum Paulum legere est, lib. iij. sive medicinæ capite 28. in pastilli cuiusdam compositione. capnisti dicti, & libro v. capite 13. quum antidota contra viperarum morsus, ad mentem Oribasij describit, à quibus nec Dioscorides dissentit, vt capite 76. quinti libri legere est, vbi hæc ad amussim & ex professò tractamus. Ad nostrum igitur gummi reuertentes, dicamus, quòd Plinius quanquam lib. xij. cap. 11. vbi gummi multas species tractat, dicat iuniperi gummi ad nihil vtile esse, contrarium tamen hoc nostro tempore percipimus, quum ad multa nedum vtile, sed perquam necessarium facile dixerim, si sit

*Vernix quomodo paratur.*

*Gummi iuniperi, calidum & siccum primo ordine.*

enim ex eo & oleo seminis lini, Vernix liquida, qua pictores pro lustrandis picturis & imaginibus vtuntur, non minus ea quoq; enses, sicæq; & cultri, velut alia ferrea ornamenta, decoris gratia oblinuntur. Valet præterea ad ignium combustiones, non minus quoq; excellens est contra tumores hæmorrhoidarum & ipsarum dolores. est verò gummi aridum hoc iuniperi, calidum & siccum in primo ordine: quod vt Serapioni placet, ex Isaac Eben ambrâ, sanguinem ex naribus profluentem sistit, præsertim si oui albumini immixtum fronti & temporibus applicetur, fluxum mensium retinet, non minus vomitionem cum poline thuris & oui albumine exceptum, suppressit, firmatq; profluentem aluum, tineas & cæteras lunbricorum species necat, fistularum vniuersas resiccatur, manuum & pedum hiantibus rimis illitu succurrit, & vt summam dicam, succini, charabe dicti, vires obtinet. Paratur verò ex iuniperi ligno per descensorium aut alambicum vitreum, oleum,

non nisi ad multa vtilissimum, praesertim ad paralysem, spasmus, & iuncturarum dolores à frigiditate ortos. Lignum verò iuniperi, vt testatur Galenus lib. vj. de Facult. simpl. medic. calidum & siccum. 3. ordine est, fructus verò similiter calidus, sed siccus primo tantù. Nec praetereundum tamen est hoc loco, id quod chimistae aiunt, scilicet, si ex iuniperi ligno carbones accensi, cum eiusdem cinere cooperti manserint, quòd per integrum annum sic perdurabunt accensi. Non minus hic taxandi à me Hispani veniunt, oleum sua voce (meram) dictum, quo ouium scabiem depellunt, iuniperi esse credentes, quum reuera, non iuniperi sed cedri potius oleum sit: causa tamen erroris est, quia cedri arbores adeo iuniperis similes sunt, vt non facile sit alias ab aliis discernere, vt capite de cedro dicemus.

Mera oleum apud Hispanos.

DE SABINA.

Græcè, Σάβυνη, Σάβυς, τὸ Βόζαδ πορ Diodoro. quod alij Σάπιτον ἢ Βάρον ἢ Βάραδ πορ: Latine, sabina, Hispanicè, Italice, sabina: Arabicè, Abel, Abbel, Alharar: Gallicè, Saunier, Germ. Sauenbaum.

Enarratio xiiii.

Sabina officinis saui-  
na dicitur, cuius duo genera vulgatissima sunt: alterum cupressi folio, alterum vero tamarici simile: perpetua enim hæc coma virescunt, proinde topiariis non immerito quoque reponuntur. Nonnulli autem crassa ignorantia obsecati, loco sabinae, quandam accipiunt herbam in montibus nascentem, cuius folia sabinae similia sunt, sed odore & sapore longe differant: quam Plinius (in sententia lib. xxiii.) cap. ii. selag

Sabina.



Sabina.

*Selago her-  
ba.*

selaginem appellat, quum dicat: similis herbæ huic Sabi-  
næ est selago appellata. Legitur sine ferro dextra manu  
per tunicam, qua sinistra exiit velut à furante, candida  
veste vestito, pureq; lotis nudis pedibus, sacro factò prius  
quàm legatur, pane vinoque: fertur in mappa noua. Hanc  
contra omnem perniciem habendam prodidere Druidæ  
Gallorum, & contra omnia oculorum vitia fumum eius  
prodesse. Hæc Plinius. De sabinæ viribus ita refert Gale-  
nus. 6. de Facult. simpl. medic. libro, Sauina quantum in  
acrimonia cupressum vincit, tantum ab eo superatur in  
astrictione: quare illo & calidior est, & potentius digerit:  
quin & similiter cupressu putredinibus accommodari: po-  
test, maxime vbi rebelliores fuerint, & diuturniores: Car-  
bunculos item soluit, mensesque, vt si quid aliud, essentia  
tenuitate prouocat, & sanguinem per viinas mouet, factum  
etiam viuentem interficit, & mortuum adducit. Est  
autem hoc medicamen tertij ordinis tum excafacien-  
tium tum exiccantium, ex numero eorum quæ maxime  
tenuium sunt partium.

*Sauina ca-  
lida & sic-  
ca in 3. or-  
dine.*

## DE CEDRO.

Græcè, *κέδρον*: Latine, *Cedrus*, Arabicè, *Serbin*,  
*Gallicè, Cedre, cuius resina κεδρία, Cedria, Ara-  
bicè, Kitran, & Alkitran, Germ. Ceder.*

### Enarratio xcv.

*Cedri duæ  
species.*

**C**edri duæ sunt species, altera proceræ, reliqua verò  
humilis, quæ à iunipero difficulter discernitur, imò  
præterquam fructu inter se non differunt, quum iuniperi  
niger cyaneo colore perfusus sit, cedri verò fructus ad ru-  
borem quendam declinans conspicitur, qui cedris dictus,  
boni est odoris, & antequam ad integram perueniat ma-  
turitatem, alter nascitur nouus, adeo vt in eadem arbore,  
& vetus & nouus semper reperiatur fructus: is enim in  
cibo sumptus vt testatur Galenus secundo de Alimento-  
rum facult. libro, nullum corpori alimentum præbet. Insunt  
enim cedro, folia aculeata, nec vnquam quoq; cadentia.  
Lignum porro huius arboris, durissimū solidissimūq;  
est, adeo vt eo antiquitas tanquam corruptionem nun-  
quam sentiente, in templis, instar lapidum vteretur. Cre-  
scunt

seunt enim cedri, in insula Maderiæ, tanta proceritate, ut cæteras illic superare dixeris arbores, non minus quoque in insula Cypri atq; in Syria felicissimè crescunt, ex quibus liquor quidam fluit, & ex eo oleum paratur coloris subrufi, quo hodie pastores ad antiquorum imitationem pro ouium sanandis vlcerationibus à tonsura derelictis, veluti scabiæ, vtuntur. Hoc verò Hispani sua voce (merâ) vocant, & iuniperi oleum appellant, non sine errore tamen, quum arbores illæ ex quibus meram colligunt, cedri sint, non verò iuniperi, iuniperi tamen illas esse credunt, non minus ac Istriæ incolæ, apud quos cedri in maxima proueniunt copia, qui & Iuniperos, non verò cedros, eas appellant. Pix quoq; ex cedro paratur, cedria dicta: de qua & cedri viribus, Galenum audiamus lib. vij. de Facultatibus simplicium medicamentorum, vbi Dioscoridem mea sententia interpretatur, præsertim in iis quæ ad cedri liquorem faciunt, sic enim Galeni veluti pro coronide habentur verba, ut in Epitome per doctissimum Andream Lacunam legitur: cedrus specie est duplex, altera fruticosa iuniperi ahsimilis: altera arbor non exigua, vtræque est calidæ siccæque temperaturæ tertij quodam modo ordinis, secundum vtrunq;. Cæterum cedria (vocatur ita cedri oleum) quartum etiam ordinem attingisse videtur, admodum calida & tenuium partium, quare mollem viuentium carnem prompte, citraq; dolorem putrefacit: Nam mortuorum corpora exiccat, simulq; à corruptione tectur, utpote humiditates eorum depascens, at solida haud quaquam attingens corpora. Nec mirum videri debet, si cum tanta vi polleat, lendes, pediculos, tineas, auriumque vermes interficere valeat, tum foetum viuentem quidem interimat, extinctum autem eiiciat, quemadmodum & ipsum semen, si coeundi tempore, pudenda eo circumliantur. Proinde partui aduersum est medicamen: quod etiam dentium foraminibus instillatum, eos & confringit, & à dolore liberat: extenuat quoq; oculorum cicatrices, & visus hebitudini ab humorû crassitudine ortæ medetur, vtuntur autem ea plebei, quum ad vulnera ouibus inter tondendum à forfice illata, tum etiam contra ipsarum scabiem & ricinos, quos *νιπέρωνας* vocant: at fructus moderatiores existunt, adeo ut comedi possint, quâquam

*Mera oleum  
cedri.*

*Pix cedri  
cedria dicitur.*

si iis liberalius vtare, capiti dolorem inferent, ardoremq;  
ac morsum in ventre percipies, haectenus Galenus. Non li-  
bet ab hoc loco prius discedere, quàm resinarum, & gum-  
mi amicitias odiaq; recenscam, sunt enim nonnullæ quæ  
aquam, spreto oleo velint: sunt quæ oleū contrà aqua reie-  
cta: sunt quæ neutrum, quæ igitur oleum amant, & cum  
eo amicitiam habent hæc sunt,

## OLEVM AMANTIA.

Mastix.	Camphora.
Thus.	Gummi elemi.
Sandaracha iuniperi.	Oppoponax.
Euforbium.	Sagapenum.
Styrax calamita.	Chalbanum.
Colophonia.	Asa fœtida.
Benzuinum.	Ladanum.
Resina Pini.	Pix naualis.
Terebinthi resina.	

## AQVAM ET NON OLEVM.

Gummi Arabicum.	Drachantum.
Lacca.	Sanguis Draconis.

## NEC OLEVM NEC AQVAM.

Ammoniacum.	Myrrha.
Bdellium.	

## DE LAVRO ARBORE.

*Græcè, δάφνη; Latinè, laurus: Hispanicè, laurel, lon-  
reiro: Italicè, lauro: Gallicè, laurier: Arabicè,  
haur, & har, Germanicè, Corberbaum,*

## Enarratio xcvi.

**L**Aurus arbor illa quondã Apollini dicata, qua trium-  
phantes in coronis utebantur omnibus nota est. Cu-  
ius duo genera habentur, domesticum & sylvestre, parum  
inter se differentia, vt Dioscorides in præsentì innuere  
videtur: baccæ verò lauri in officinis adseruantur, ex  
quibus





Laurus.

quibus & oleum vt diximus & electuarium ab illis denominationem trahens concinnatur, non nisi morbis frigidis conueniens: vnde Galenus libro sexto simplic. ita de lauri viribus tradit: huius folia calfaciunt & siccant vehementer, at fructus adhuc vehementius: radicis cortex minus quidem acris est, & calidus, verum magis amarus, habetque etiam astringentis nonnihil: quamobrem & calculos confringit, & iecori prodest. Bibitur ex vino fragrante trium obolorum pondere.

## DE PLATANO.

Græcè, πλάτανος: Latine, *platanus*: Italicè, *platano*, Arabicè, *Dulb*, Gallicè, *Plane*, Germanicè, *Beideutsche* vnbe kannt.

## Enarratio xcvii.

**P**latanus rarò hodie conspicitur, nec mirum quum olim exquisitis illecebris nutrita, in solo Italo dignaretur, vteumque tamen, Ferrariæ duæ visuntur arbores, folio vitis, ampliore ac multifido, apud Neapolitanos verò frequenter crescere audio. de qua Plinius abude lib. xij. cap. i. ita inquit: sed quis non iure miretur, arborem umbræ gratia tantum, ex alieno petitam orbe? Platanus ea est, hæc per mare Ionium in Diomedis insulam, eiusdem tumuli gratia primum inuecta, inde in Siciliam transgressa, atque inter primas donata Italiæ, & iam ad

*Platani vi  
res.*

Morinos vsq; peruecta, &c. Hæc vero Arbor, adeo vinum amat, vt eo irrigata enutriatur, prospereque crescat, vt citato loco Plinius quoq; meminit, quem legere ne pigeat, quum varia ex Licinio Mutiano consule in Lyciz prouincia legato non nisi lectu iucundissima referat. Galenus vero platani vires attingit, libro viij. de Facul. simpl. medic. sub iis verbis: Humidioris frigidiorisque essentia est, non ita multo quam symmetra: proinde folia viridia trita & illita, non obscure nascentes phlegmonas adiuuant: cortex & pilulæ magis desiccantem vim obtinent, vt ille quidem in aceto coctus ad dentium adhibeatur dolores, pilulæ vero cum adipe, ad vlcerâ ambulta. Vitandus est puluis foliis arboris insidens: alioqui si atrahatur spiritu, arteriam offendit, valenter siccans, exasperansq; nec non vocem lædit, sicuti & auditum & visum, si in oculos aut aures inciderit.

### DE FRAXINO.

*Græcè, μελία: Latinè, fraxinus: Hispanicè, fresno, frexo: Italicè, frassino, Gallicè, fraisine: Germanicè, æsch, oder æschbaum, steynerschern:*

#### Enarratio xcviii.

*Plinius er-  
rat.*

*Fraxini fo-  
lia aduer-  
santur ve-  
neno.*

**F**Raxinus, vbiq; nota arbor est, non nisi serpentibus infestissima: vnde Plinius libro suæ naturalis historie, fœdissime proculdubio hallucinatur, quum quæ Theophrastus, mylaci, id est Taxo arbori venenosæ tribuit, ille nominis vicinitate deceptus, non mylaci, sed potius meliæ, id est fraxino, tribuit, vt apud illum est legere libro xvj. capite 13. vbi fraxini folia iumentis mortifera, & lethalia esse tradit, quum tamen non meliæ, id est fraxini folia Theophrastus venenosa esse scripsit, sed mylacos, id est taxi. Nam tantum abest, vt fraxini folia venenosa & mortifera sint, vt ea potius præsentaneum antidotum contra veneni omne genus reputentur, vt ibidem quoq; ille non negat, & nos centuria prima Curationum nostrarum abūde indicauimus, præcipuè vbi curationem demorsæ puellæ à vipera describimus. Cæterum, in fraxinorum summitatibus folia quædam crassa amygdalarum magnitudine reperiuntur, intra quæ semen recon-  
ditur,

ditur, seminis melonis magnitudine, aromatici quid habens, quod officinae, linguam passerinam, siue linguam *Lingua passerina.* auis appellant, ad irritandam Venerem accommodatissimum: De quo Plinius cap. 8. lib. xxiiij. memoriam facit, dicens: fraxinus, quam vim aduersus serpentes haberet, indicauimus, Semen foliis eius inest, quae medentur iocineris & lateris doloribus in vino, aquam quae subit curem extrahunt, corpus obesum leuant onere sensim ad maciem reducetes, haec Plinius: ex quibus Manardum perperam dixisse comprehendimus, quum ab antiquis de hoc semine nullam fieri mentionem, lib. xj. suarum epistolarum, epistola secunda tradat: fateri tamen est, quod huius seminis vis, ad venerem faciens, incognita priscis fuerit, quod Arabes, Serapio praecipue linguam auis nominat, quia cum auicularum lingulis quandam contrahat similitudinem, vel potius, lingua auis semen hoc dicitur, ad imitationem linguae anserinae, quae ut multi credunt venerem stimulat. Caeterum, est semen hoc calidum in secundo gradu, cum quadam humiditate, ut Serapioni placet, qua mediante venerem irritat.

*Manardus errat.*

*Lingua passerina siue lingua auis calida in secundo ordine.*

### CONSTANTINVS.

**C**arpitur Plinius à Mathiolo Senensi medico ad Galenum, & ad Dioscoridem herbario (cuius etiam asseda in hac parte Amatus Lusitanus, & in multis imitator atque reprehensor) quòd lib. xij. cap. 16. dixerit fraxinea folia iumentis mortifera, ceteris ruminantibus innocua, ex Graecorum auctoritate: quum hoc ipsum Theophrastus Taxo ascripserit. Sed profecto ab hac calumnia exonerandus est Plinius noster: Primum quòd hoc pro vero non astruat, imò liquidò testetur, id non verum in Italia deprehendi. Secundo loco, quòd absurdum non sit, eandem facultatem differentibus plantis genere, à diuersis authoribus attributam, & tantum à Plinio recitatam. Neuterq; mihi probat, Plinium qui omnium optimè luculenter Graecè sciret, tam facile vicinitate nominum aberrasse, ut ipsi causantur, aut potius criminantur. Et si quaeso, quae nominum affinitas in his vocibus Graecis σμυλαξ & μελιξ? id est. Taxus & Fraxinus, de quibus, vicinis Capitibus egit ipse Plinius nominatimq; perscripsit libr. xvj. cap. 10. Taxum ipsam à Sestio Smylacem appellatam esse. Sed ambo dum ambitione graecari student & videri vo-

lani in his doctrina literis tantum profecisse, vt vtriusque lingua peritissimum Plinium, inscitia couerguant, profecto vel in grammaticis, suam produnt inperitiam, quod vtriusque causa doleo. Siquidem  $\mu\acute{\iota}\lambda\alpha\chi$  per iota &  $\sigma\mu\acute{\iota}\lambda\alpha\chi$  Gracè dicitur. Sed pro hedera specie & frutice què describit Dioscorides. lib. ij. cap. 17. 6. qui &  $\nu\mu\sigma\phi\epsilon\rho$  cognominatus est, cuius duo genera ponit Plinius lib. xxij. cap. 10. & lib. xxj. cap. 9. recenset inter Coronarias, de hac planta intelligendum apud Platonem ij. de Rep. illud,  $\kappa\alpha\tau\alpha\kappa\lambda\iota\upsilon\tau\epsilon\varsigma\ \epsilon\pi\grave{\iota}\ \tau\eta\ \sigma\mu\acute{\iota}\lambda\alpha\chi\ \epsilon\sigma\tau\omega\mu\epsilon\lambda\acute{\epsilon}\nu\omega\sigma\ \sigma\mu\acute{\iota}\lambda\alpha\kappa\iota\tau\epsilon\ \eta\ \nu\mu\sigma\phi\epsilon\iota\alpha\iota$  discombentes in toris & smilace & myrto adornatis. Et apud Aristophanem in Nebulis,  $\mu\acute{\iota}\lambda\alpha\chi\ \&\ \delta\acute{\iota}\sigma\omega$  smilacem olens. Quinetiam ea scriptura smilax legitur apud Plinium lib. xvj. cap. 6. pro Ilicis specie & aquifolia.  $\sigma\mu\acute{\iota}\lambda\alpha\chi$  verò per ypsilon est arbor qua  $\theta\acute{\upsilon}\mu\alpha\lambda\ \&\ \eta\ \theta\acute{\upsilon}\mu\iota\omega\varsigma$  & à Romanis taxus dicta est teste Dioscoride lib. iij. cap. 8. & lib. vj. cap. 12. & Plinio lib. xvj. cap. 10. non autem  $\mu\acute{\iota}\lambda\alpha\chi$ , vt legit Amatus Lusitanus apud Theophrastum:  $\mu\acute{\iota}\lambda\alpha\chi$  enim ea scriptura idem est quod  $\mu\upsilon\lambda\acute{\iota}\alpha$ , siue  $\mu\upsilon\lambda\acute{\iota}\alpha\iota\ \lambda\acute{\iota}\theta\ \&$ , lapis molaris. Atque ita semper distinctum inuenies in omnibus emendatis codicibus, Verùm isti, vt adnotauimus de Baccaris, & Baccharis, de Cassia & Casia (ita enim Cneoron vocauit Hyginus apud Plin. lib. xij. cap. 19.) differētia, scriptura cōfusione se se implicant & alios credulos pertrahunt in errorem.

## DE POPVLO ALBA.

Gracè,  $\lambda\epsilon\upsilon\kappa\alpha$ : Latinè, populus alba: Arabicè, Haur:  
Hispanicè, alamo blanco: Italicè, albero, pioppo  
bianco: Gallicè, Tremble: Germanicè, Meißler  
Alberbaum, oder vveißs popel vveiden.

## POPVLVS NIGRA.

Gracè,  $\alpha\acute{\iota}\gamma\upsilon\sigma\phi\epsilon\rho$ : Latinè, nigra populus: Hispanicè,  
Alamo nigrilho: Italicè, oppo pioppo nero: Gallicè,  
tremble, peuplier: Arabicè, Haur Romi.

### Enarratio centesima.

**N**ON solum ad ripas fluuiorū regis Eridani seu Padi Ferrariam perlabantis, populi arbores nascuntur, de quibus poëtarum extant fabulæ: sed variis aliis in locis prospere

prosperè crescunt, ex quibus, tenellos cauliculos, pro cōficiendo myracopo, id est, vnguēto populeo, officinarum magistri colligunt: quo medici pro extinguendo capitis & renum ardore, frequentissime, illitis fronte & temporibus, renibusque ipsis, ardentissimis in febribus vtuntur: an verò bene, in dubium vertamus, quum vetus Galenī translatio, αἰγυροῦ calidam in tertio gradu esse constituat, cui opinioni Serapio & Auicenna cap. 344. fauent, eam in tertio caloris gradu collocantes: à quibus nec Oribasius dissentit lib. iij. ad Eunapium, & lib. xv. ad Iulianū Cæsarem, quum eam inter calida tertij ordinis medicamentæ adnumeret: quæ si vera sunt, proculdubio vnguentum populeum potius calidū quàm frigidum censendum est. At reuera, res ipsa non ita se habet, quum vnguentum populeum prope tertium gradū frigiditatis, à doctissimis indicetur, & quotidiana experientia ita esse attestetur. Proinde populum frigidam esse, vel saltem non calidam necessarium est, id quod castigatissima emendatissimaque Galeni versio Venetiis excusa ita esse ostendit, quū lib. vj. Simplicium, ægirim non calidam tertio recessū legitur esse, sed potius primò, vt Paulus Aegineta, verborū Galeni verus interpret, in sua medicina quoque scripsit, eam scilicet calidā in primo ordine collocans. Quibus Constantinus monachus author non vsque quaq; aspernabilis consentit, imò natura ipsa arboris, & proprietates, satis indicant calidam nō esse, quibus magis credere debemus, quàm omnibus hucusq; de ea scribētibus. Nam arbor ipsa parum est odorata, nec eximio aliquo sapore prædita dum gustatur, quæ qualitas errare nunquam permittit, imò ea mediante, medicamentorum temperamēta indaganda præcipue sunt. Primò nanque modice astringit, obscuram quandam amaritudinem post se relinquens, quæ omnia exiguam caliditatem, vt nostis, arguunt. Itaque populum ad frigiditatem potius quàm caliditatem inclinare in confesso est. De alba verò populo, quòd frigida sit temperamento, non est dubium, vt testatur Galenus, lib. viij. dicti voluminis, sub iis verbis: Leuce, ex aqua tepida, & terrena extenuata essentia cōflatur, quam obrem & abstergentis facultatis est particeps. Hæc Galenus. Cæterum multi innixi iis verbis Dioscoridis (sci-

*Populus arbor frigida est.*

*Electrum.* licet fertur vtriusque populi lachryma circa Eridanum fluuium, in distillando densari, fierique quod electrum Græci, Romani succinum vocant) crediderunt electrum siue succinum, quod carabe Arabes appellant, & vulgus alambrum, populi gummi esse, non animaduertentes Dioscoridem aliorum opinione, verba illa retulisse, & vt falsa reliquisse minimeque approbasse, quum re vera, vt Plinius aperuit, non populi gummi aut ipsius lachryma electrum siue carabe est, sed potius vt libro trigesimo septimo, capite tertio legitur, Arboris cuiusdam pineæ similis, sic enim post multas & varias de illo citatas opiniones, quas explosas & extirpatas relinquit, veram ad istum modum prosecutus est, dicens: Certum est gigni in insulis Septentrionalis Oceani, & à Germanis appellari glessum, itaque & à nostris vnam insularum ob id Glesariam appellatam, Germanico Cæsare ibi classibus rem gerente, Austraiam à barbaris dictam. Nascitur autem, defluente medulla pinei generis arboribus, vt gummi in cerasis, resina pineis, erumpit humoris abundantia, densatur rigore, vel tepore autumnali, quum intumescens æstus rapuit ex insulis certè in littora expellitur, ita volubile, vt pendere videatur, atque consistere in vado, quod arboris succum esse prisca nostri credidere, ob id succinum appellantes: hætenus Plinius. Cuius verba vera esse hodie cognoscimus, quum in mare Germanico Baltheo dicto, electrum siue succinum ex quo preculæ siue coronæ fiunt colligatur & nusquam alibi: quod vero gummi arboris pineæ simile sit, ipsius in attritu pineus odor attestatur, imò qui è Dantisco vrbe libera apud Germanos, nobiscum versati sunt, tanquam de re conspecta iudicium suum ferebant, nec in re aliqua à Plinio dissidebant. Nascitur enim electrum, liquidum tanquam pini resina, quod quum musteum fluit, formicas, muscas, paleas, & alia rapit, quæ omnia postea in eo densato, videntur, vt Martialis hoc disticho complexus est.

Quum Phaethonæa formica vagatur in vmbra,

Amplieuit tenuem succina gutta feram.

Vario porro colore electrum reperitur, quod ad se festucas & paleas trahit velut magnes ferrum. Ex hoc enim electro pastilli olim pro sistēda sanguinis fluxione Græci parabant,

parabant, quos Arabes quoque sub nomine caraber pro eodem effectu construunt, & in officinis hodiernis repositi habentur. Valet autem flauum electrum ad multa, nam pueris pro amuleto contra fascinoles appenditur, Contra dysuriam quoque bibitur. Album vero cum aqua stillata è raphano nephriticum curat ebibitum, nec minus cordis tremori, & orthopnoeae prodest: nam inspersum rhagadibus, dolorem & pruritus praesenti auxilio mitigare traditur. Caterum lapis lyncis officinis hodie sic nominatus, electri species quaedam est, quam lyncuriu, siue pterygophorum, id est plumas trahentem, Graeci appellant: non vero vrina lyncis est, velut pharmacopolae dicunt lupi ceruarii concreta, vt recte admodum Dioscorides lib. ij. cap. de vrina aperuit.

Lapis lyncis.

## DE MACERE.

Graece, μάχρη & μάχρη: Latine, macer, macis, cortex nucis moschatae: Hispanice, macias, macas: Italice, macis: Gallice, Macis: Arabice, Thaliffar, bisbese, Germanice, Macis, oder Muscatbluet.

### Enarratio c i.

**N**on approbo illorum iudicium, qui macerem à mace officinarum diuersum esse statuunt, quum reuera, antiquorum macer, macis nostra sit: cortex scilicet subrufus, crassus, & in gustu astringens, qui ex India ad nos adfertur, quem Galenus intelligens, clarius de eo lib. vj. Simplicium, ita prodidit, dicens: macer cortex est, qui ex India aduehitur, gustu multum acerbo cum leuicula quadam acrimonia odorata, constat autem ex mista essentia pleraque; terrena frigida, paucula vero calida, & tenuium partium, itaque valenter desiccatur, astringiturque; ob idque coeliaci & dysentericis medicamentis misceretur, in tertio exiccantium consistens ordine: in caloris frigorisque discrimine, neutrum insigniter praestans. Is enim Galeni verbis facile quis nisi contumax sit, dicet, Galenum, nostrum macerem descripsisse, quum corticem esse dicat, ex India aduectum, & inter aromata habitum, quae omnia huic respondent. At hodie multi rerum nouitate gaudentes, omnia in dubium trahunt, affirmantes, omnia fere

Macer & macis idem.

officinarum medicamenta, antiquis incognita fuisse, id quod olim Lud. Viues Valentinus vir sanè doctus, mecum querebatur, quum tamen paucissima hodie habeantur, de quibus prisca mentionem non fecerint: fatendum tamen est, quòd antiqui de macere tanquam de re obscura, & non satis illis cognita locuti sunt, quod mea sententia, magis temporum angustiis, quàm illorum ignorationi tribuendum reor, quo factum est, vt Plinius libro vigesimosecundo, capite octauo, tanquam de re sibi incomperta, vt ipse quoq; fatetur, dicat: Macerem corticem rubentem magnæ radicis, nomine arboris suæ esse, qui ex India aduehebatur. Nouerunt enim omnes macerem, sed vnde colligebatur, aut ex qua re extrahebatur ignorarunt, imò non diu est exactè huius rei vera habita cognitio, quum ante repertum pomum, & vt ita dicam excorticatum, ex quo maces extrahuntur, multa & falsa de mace circumferebantur. Qui igitur deinceps veram macis historiam tenere desiderat, aures præstet, quum de re nobis millies conspecta sententiam feramus. Est enim pomum, quod non diu ex India ad nos saccaro confectum deferri cœpit, magnitudine qua pomum Persicum, rotundum, obscuris quibusdam lineis interfectum, nam color illi Persici quoq; inesse videtur. Huius autem pomi caro suauissima ac gustui gratissima est, & cordialis: & ea de causa, eius libra quatuor venditur aureis ducatis, post excorticatum autem pomum, prope centrum, cortex quidam cancellatus rufus apparet, os non exacte regens, qui cortex, macis siue Græcorum macer est, crassus, adstringens, suavis, stomacho & cerebro conducibilis, qui non exacte calidus, inter nobilia aromata connumeratur. Nam os subtus corticem istum apparens, nucleum intus habet, qui moschata nux dicitur, tabernis, & pigmentariis familiarissima admodum aromatica, quæ & ipsa, capiti utilis & stomachalis est, matrici amica: quæ Hermolaus Barbarus & post eum Manardus, aliique viri doctissimi, nucem myristicam appellari contendebant, quàm vero bene, iudicent lectores, quum nomen hoc glandi vnguentariæ ex directo respondeat, quam Græci *βάρανον* *μυριστίνου* sua voce appellant, vt lib. iij. videre licebit.

*Macis*  
*quid sit.*

*Nux mō-*  
*scata.*



## DE VLMO.

Græcè, ὄλετα: Latinè, *vlmus*: Hispanicè, *vlmo*:  
 Italicè, *olmo*: Gallicè, *orme*: Arabicè, *Didar*, *Dir-*  
*dar*, & *Luzach*, Germanicè, *Ruestholtz*, *VL-*  
*merbaum*, *Lindbast*, & *yffenholts*, & *ylmen*.

## Enarratio CII.

**V**Lmus hæc illa arbor est, quæ viridis facile ceditur,  
 sicca verò valde difficulter: Cuius Plinius quatuor  
 enumerat genera, libro decimosexto capite decimosexti-  
 mo, Columella duo tantum, quæ Italiæ familiarissima  
 sunt, & vitibus sustentandis accommodatissima. Inueniun-  
 tur enim in vlmo vesiculæ quædam in quibus gummi,  
 ceu lentus ac glutinosus humor quidam reperitur, ex  
 quo culices, proprie enipedes dicti, generantur. Valet  
 enim gummi vlmi, ac præsentissimum remedium est pue-  
 rorum rupturis, modo sub brachiali, ligatura dicta,  
 vt decet, apponatur. De vlmi vero viribus, ita Galenus,  
 libro octauo de Facult. simpl. medic. inquit. Vlmi foliis  
 quandoq; recens vulnus conglutinauimus, confidentes  
 astringentem simul & abstergetem inesse eis facultatem.  
 Cæterum cortex magis amarus est, astringentiorq; magis:  
 itaq; cum aceto & lepras sanat, quod si viridis circum  
 ligetur vulneribus, ea glutinare potest. Radices etiam  
 eandem vim obtinent, quarum decocto, sunt qui per-  
 fundant fracturas, quæ callo obduci desyderant.

*Cnipes in  
 vlmo.*

## DE LIGNORVM CARIE.

Græcè, σαρκώτης ξύλον: Latinè, *lignorum caries*.  
 Hispanicè, *carcoma demadera*, *caruncho de legno*:  
 Italicè, *tarlatura di legno*: Germ. *Vurmmel*.

## Enarratio CIII.

**H**Odie quoq; ad ea quæ Dioscorides commendat.  
 lignorum carie medici vtuntur, præsertim pro vl-  
 ceribus abstergendis. Consonum tamen esset, si Guaiaci  
 ligni cariem haberemus, ea in purgandis morbi Gallici  
 vlcer

ulceribus uti: unde Galenus hæc animaduertens, inquit libro octauo simpl. caries lignorum, & maxime quæ particeps est astrictionis, velut vlmus, expurgat, impletq; vlcera humida.

## DE HARVNDINE.

*Græcè, κάλαμος: Latinè, calamus, harundo: Hispanicè, canhas: Italicè, canna: Gallicè, canne: Germanicè, Ror.*

### Enaratio. CIIII.

*Harundinis omne genus circa radicem efficacius est Mathiolus in calamo aromatico errat.*

**H**arundinis, quinque tantum genera, ut communio-  
ra, & vsui hominum magis euenientia, Dioscorides in præsentia enumerat, quanquam Plinius libr. xvij cap. 36. & li. xxiiij. cap. ii. illius viginti noue potius assignet, ubi ut capite de calamo aromatico adnotauimus, Plinius inquit, harundinis omne genus, circa radicem efficacius esse, quod dictum ad memoriam reuocatum velim, propter illos, qui contumaciter admodum contendunt, quod calamus aromaticus, non radix, sed harundo esse debet, ex quibus, vnus mihi nominandus venit, Mathiolus Senensis in suo Dioscoride Hetruscè loquente. Primum itaque genus à Dioscoride descriptum, nastos dicitur: harundo scilicet enodis, solida, concreta, & leuis, ex qua Syriaci & multi alij sagittas parant. Nascitur enim ut testatur Plinius, & nos ipsi propriis vidimus oculis, in rheno flumine Bononiensi. Secundum verò genus, comparatione ad primum fœmina dicitur, pro tibiis parandis commodatissima. Tertium autem fistulare dicitur, harundo scilicet, ex qua optimi parantur calami, de characteribus pingendis seruientes, quibus hodie viri literati vtuntur. Reperitur enim variis in locis tum apud Hispanos, tum etiam apud Italos, præcipuè apud Faentinòs, circa eam vallem quam Ammonis appellant. Quartum quoque genus nõ minus notum est, quod Cyprium, vel harundo Cypria dicitur. Quintum vallis harundo est, communis: quæ ideo vallis vel spicularis nominatur, quia vallis sepibusque utilis est, quin etiam, ex ea pedamenta pro erigendis à terra vitibus, multis in locis parantur, hanc Theophrastus cap. 12. libri quarti de Historia plantarum, crassam & validam, ut pote vallis

vallatoriã desiderat: Dioscorides verò in præsentì potius gracilem commendat, vnde hic apud Dioscoridẽ mendam subesse crediderim, quum revera pro texendis sepi-  
 bus erigendisq; pergolis, ac apparandis baculis, crassior & validior, melior est. Harundo omnium consensu, inimica filici est, & contrã: At asparagis omnino amica, adeo vt perbelle asparagi ad radices harundinum sati, crescant. Plinius inter harundinis genera, adarcham etiam connumerat, quum tamen re vera, adarcha harundo non sit, sed potius gelata quãdam falsugo harundinibus ad-  
 hærens, vt ex ipso Plinio cap. 10. comprehendi potest, & Dioscorides li. v. cap. 91. prius docuit, proinde Plinium hac in re errasse, notum est, quocirca consultius mea sententia Colenucius fecisset, si hunc Plinij errorem admisisset, quã dum illum defendere cupit, in tam fœdum errorem incidere, vt belle in illum, vulgatum illud carmen possit quadrare, Incidit in Scyllam: nam & duas esse adarchas nugatur, quarum à Dioscoride aut Galeno, diligentissimis alioquin harum rerum scrutatoribus, mentionem factam nunquam legimus, sed nos Colenucium virum alioqui insigni eruditione præstantem ad suos iurisconsultos relegamus. Sed iam harundinis generibus Zuccarum ferentem harundinem addamus, aspectu vallari similem, sed solidam, concretam, succosam, & minime fistularem. Non minus quoq; harundinibus adiungendæ sunt radices hodie è Cinnarum regione ab Indis adu-  
 ctæ, quas contra morbum Gallicum valere, omnes dicunt, & illis cõtra podagram Carolus Quintus Imperator, auctoritatem dedit, de quarũ viribus prostat libellus vbiq; venalis, per doctissimum Andreã Vesalium Bruxellensem conscriptus: tibi vero lector caput de ebena legere ne pigeat, At de harundinum facultatibus ita tradit Gal. libro septimo de Facul. simpl. medic. Calami phragmitis radix, cum bulbis, aculeos, sagittasq; infixas extrahere ex alto traditur: etenim abstergentem minimeq; acrem facultatem sortitur, quemadmodum & ipsa folia, cortex vero combustus, admodum tenuium partium, & digerentis facultatis efficitur cum nonnulla absterstione, vt exiccet, & calfaciat, tertio quodammodo ordine, cæterum eius flos est vitandus: nam si in aures incidat, adeo

Textus  
Dioscoridis  
corruptus.

Adarcha.  
Plinius er-  
ras.

Radix cin-  
narrum.

adeo tenaciter hærens affigitur, vt auelli non possit, auditumq; vitiet.

## DE PAPHYR O.

Græcè, *πάπυρος* : Latine, *Papyrus*: Vulgo, *papiro*.

## Enarratio CV.

*Papyrus.*

**P**apyrus, Alexandri Magni victoria, vt Plinius refert libro decimotertio capite vndecimo, ex Varronis mente, ad chartarum vsu inuenta fuit, quum antea palmarum foliis, atq; arborum libris vterentur, cui studia bonarum artium multum debent, atq; magis quum chartæ vsu, maxime humanitas vitæ constet, & memoria, Præsens tamen papyrus, in Aegypti paludibus nascitur præcipuè illis, quibus aqua duos cubitos non excedit, crassitudine brachiali, & illa quidem triangulari, altitudine vero decem cubitorum, cuius interna pars pro parandis chartis olim seruebat, non minus quàm hodie vetusti disruptiq; panni linei, ex quibus quoq; paratæ chartæ ad prioris imitationem papyrus nominatur.

*Iuncus papyrigenus.*

Huius porro Aegyptiæ papyri genus, iuncus quidam est, qui ex India, senum & debiliu hominum sustinendi gratia adfertur. Papyri vires profequitur Galenus libro octauo de Facultatibus simplicium medicamentorum: Papyrus, oxycrato vinove macerata, recentia vlcera glutinat, maxime in circulum circumposita, vt macerata sanantia medicamina excipiens: at vbi vsta fuerit, medicamen exiccatorium existit, vt chartæ combustæ cinis, hoc tamen cinis papyri est infirmior.

## DE TAMARICE.

Græcè, *μυρίκη* Latine, *Myrice*, *tamarix*, *tamariscus*: Hispanicè, *eltarai*, *tamargueira*, *thamariz*: Italicè, *tamarigio*: Gallicè, *tamaric*: Germanicè, *Tamarischken*.

## Enarratio CVI.

**M**yrica à Græcis quondam in maximo habita honore, arbor à nobis tamarix, seu tamariscus, dicta est, vt Plinius quoque fatetur libro xiiij. capite 21. sub iis verbis: *myricen*

*Myrica.*

Myricen, & Italia fert, quam alij tamaricem vocant. Hæc vero rei rusticæ vulgo nota arbor est, folio cupressi, fructu vero gallæ, quanquam alicubi sterilis proueniat, quæ præcipuè apud auriferum fluium, quem nos Tagû appellamus, nascitur, licet quoque multis aliis in locis humidis prospere proueniat, coma perpetua, non minus quàm aliis variis euenit arboribus, vt abieti, pinastro, iunipero, cedro, terebintho, buxo, ilici, aquifolio, suberi, taxo, vnedoni, oleæ, & aliis. Ex huius

*Arbores  
perpetua  
coma uigē  
tes.*

*Tamaricis  
vires.*

vero arboris ligno, lienosis calices fiunt potorij, quos vniuersus medicorum chorus maxime laudat, tum Dioscorides, Plinius, Columella, Auicenna, & alij sexcenti. Est enim tamarix, medicina lienosis dicata, præcipuè radix & ipsius coma, nam ligni cinis, vt Serapio testatur mirifice omnia exiccat vlcera, quin etiam ea quæ ab ignis vitione proueniunt prospere sanat. Qua de causa lini-  
mentis contra morbum Gallicum paratis, optimo consilio miscetur. Imò vt inquit Alkanzi duæ mulieres, lepra affectæ id est Græcorum elephantiasi, ad sanitatem restitutæ fuerunt, assiduo potu decoctionis tamaricis cum vua passâ apparatus, vnde mihi in animum subit credere, quod omnes effectus, quos Guaiacum lignum efficit, tamarix efficere poterit, præsertim si eo victus ordine & successu, quo Guaiacum præbetur, concedatur; de cuius viribus Galenus lib. vij. de Facul. simpl. medic. inquit: Tamarix abstergit & incidentis est facultatis, absque perspicua desiccatione, habet vero etiam astrictionem nonnullam, igitur cum aceto decocta prodest lieni indurato, sanat

sanat etiam dentium dolores, fructus & cortex non paucam possident astringentem, ac cinis myricæ, admodum deficcatoris facultatis est, plurimam habens abstergendi vim, astringendi pauillam.

## DE ERICA.

Græcè, ἑρική : Latine erice, erica : Hispanicè, Lusitanicè, queiro : Gallicè, bruyere : Theutonice, Heyd.

## Enarratio CVII.



Erica.

IN inuenienda erica, multi decipiuntur, credentes utique fruticem vbiq; obuium, ericem esse, ex quo scopas, pro verrendis arcis frumenti, & vuarum, rura parant, est enim frutex iste bicubitali altitudine nascens, ab vna radice multas virgas, & illas quidem digitalis crassitudinis mittens : qua de causa, ex illis instrumenta aucupandis auiculis vbiq; parantur, nam folium roris marini, in acutum tendens illi est, flores vero ex albo rufescentes. Porro, radix magna, prædura, fortis, conspicitur, carbonibus aptissima materia. Vocant enim Hispani, ex ista radice paratos carbones. carbones à breso. Nascitur enim frutex hic in vniuersa Hispania, quem Lusitani nostri, vrgueiram appellant, nō minus quoq; variis aliis in locis nascitur, præcipue in Italia apud Hetruscos, Pataunos, Fauentinos, Bononienses, ac Anconitanos, quem Hermolaus Barbarus, Marcellus Virgilius, ac alij plures

plures,ericem esse autumarunt, sed revera nō sine errore, quum erica bis in anno floreat, frutex vero hic semel tantum. Est igitur erica planta fruticosa, tamaricis effigiem referens, vt tradit Plinius lib. xxiiij. cap. 9. dicens, ericem Græci vocant fruticem non multū à myrice differentem, colore roris marini & pene folio, & vt refert Theophrastus bis in anno floret, cuius floribus apes maxime oblectantur, & inde mel ericeum dictum, non adeo tamen bonum cōficiunt. Reperitur autē planta hæc frequens apud Hispanos, quam Lusitani nostri sua voce queirum vocāt: in Italia vero eam nasci dubito, quū hucusq; nullus illam mihi monstrare valuit. Scholiastes quidam Nicandri interpretes hallucinatus est, quum ericē, hederæ folia habere tradat. Ne tamen ordinem prætermittamus, Galenum de erice audiamus, qui lib. vj. de Facult. simpli. medi. ita scribit: erice digerendi per halitum facultatem obtinet, flore eius potissimum ac foliis vtendum.

\*  
Nicandri  
interpretas  
errat.

### CONSTANTINVS.

**I**nterpres Nicandri est Diphilus, quem etiam citat scholiastes Theocriti in Eid. I. Esus autem hæc verba, ἐρείνη ἢ εἰδιὸς βοτάνης φύλλα ἔχει τῶ κισσῶ παραπλάσια, μακρότερα ἢ ἡγεῖρα χύτρα: Cum exponit hos versus Nicandri in Ther. καίτεο δ' αὖτε κισσῶσιν ἄφαρ τανύφυλλον ἐρείνην, κῦ τε μελιανθῶσιν περιβόσνεται οὐλαμῶσιν ἔρημον.

### DE ACACALI.

Græcè, ἀκαναλῖς: Latine, acacalis: Lusitanicè, camarinhã.

### Enarratio CVIII.

**A**cacalis, ab Acacali Minois regis filia est dicta, quæ ab Apolline viciata fuit, vt de ea Apollonius poëta in Argonauticis cecinit. Est verò acacalis planta, fructum ferens, album, rotundum, paruis margaritis persimilem, quem Lusitani nostri, sua voce camarinhã appellitant: nec enim crederem fructum istum, in Europa vniuersa, præter quàm apud Olyssipponã crescere. Est enim planta hæc, vbi prædictus fructus nascitur, media inter myri-

k cem,

cem & ericem: qua de causa Dioscorides prudentissimum quum de myrice & erice sermonem fecisset, de hac illico caput sequens constituit. Est porrò fructus iste, vt obiter hoc attingamus, esui gratus, quo mulieres & effrenati pueri in cibo frequenter vtuntur. In Aegypto verò nasci prospere Dioscorides testatur. At vbi Galenus de acacali locutus fuerit, aut sub quo nomine ignoramus: Paulus tamen sub propria dictione de acacali sic inquit: Acacalis fruticis in Aegypto nascentis fructus est, cuius dilutum collyriis claritati oculorum efficacibus miscetur: Verum *Cacalia* herba longe alia est, quanquam Plinius illi quoque fructum margaritis simillimum inesse dicat, vt quarto libro videre est.

*Gal. acacali non meminist.*

*Cacalia herba.*

## DE RHAMNO.

*Græcè, ῥάμνος: Latine rhamnus, vna crispa: Arabicè, Nausig. Hispanicè, Lusitanicè, scambrones: Italicè, marrucha: Germanicè, Stechdorn: Greussel beerbaum: oder grosselberbaum. Gallicè, Bourg' espine, aliis groiselier.*

### Enarratio CIX.

*Rhamnus albus & niger.*

*Dioscoridis interpretes errant.*

*Ruellius errat.*

**R**hamnum tam album, quam nigrum, & in Hispania & Italia prospere crescere animaduerto, qui sepium ornamentum sunt, præsertim albus, cuius spinæ oxyacanthæ sunt similes, folia vero crassa, pinguiâ, oblonga, oliuæ magnitudine. Nam niger, vt testatur Dioscorides ramos eubitorum fere quinque in longitudine emittit, quibus spinæ insunt quoque: sed infirmiores prioribus, portò fructus follicularis est, tenuis, candidus, rotundus, similis verticillo, in cuius medio nescio quid nigri conspicitur, vt Pisauri prope mare adnotauimus. Cæterù errant Dioscoridis interpretes, qui huic textui addunt, rhamnum appellari leucacantham, id est, albam, spinâ, vel spinam cerualem, quum proculdubio additicia verba, minime verò germana illa sunt, quibus instructus Ruellius Gallus hallucinatus proculdubio est, quum spinam cerualem, quam Hispani aluarem: Itali verò merlam, vel ceruinam, Galli autem burgam vel neprum appellant, rhamnum esse putauerit:



*Rhamnus.*

Theophrastus de rhamno verba fecisset, de paliuro loqui cœpit, & quæ paliuro cōueniebant, Ruellius non paliuro sed rhamno potius conuenire putauit, quanta vero negligentia aut errore, quicumque Theophrastum legerit facile deprehendet. Plinius vero ne illum prætereamus, lib. xxiii. cap. 14. Rhamnum inter rubi genera collocat, vt studioso notum erit. At Galenus libro viii. de Facult. simplic. medic. de Rhamno ita tradit: Rhamnus desiccatur & digerit excessu secundo, refrigerat in primo completo aut secundo incipiente: proinde herpes sanat, & erysipelata non magnopere calida. Caterum ad hæc teneris vtendum est foliis.

## DE HALIMO.

Græcè, ἅλιμος; Latine, halimus: Hispanicè: Lusitanicè, salguadeiras: Gallicè blancheputain: Arabicè, Molochia.

tauerit: quum re vera, cerualis hæc spina, nulli rhamni generi respondeat, nam folia lata fere piri habet, fructum verò nigrum, ligustri. baccæ effigie, quo pictores proficiendo perfectissimo viridi quodam colore vtuntur, vt libere fateri est, Ruellium hac in parte hallucinatum esse. Non minus profecto inaduertèter Ruellius hac in parte Theophrastum adducit, quū quæ Theophrastus paliuri semini tribuit, ille ad rhamni semen refert, sed in hoc lapsus facilis deprehenditur, quia: postquam

*Ruellius  
taxatur.*

## Enarratio cx.

*Halimus  
apud Sal-  
manticen-  
ses.*

**H**Alimus frutex Rhamno similis est, absque tamen spinis, cuius folia oliuæ sunt, molliora tamen, & candidiora, qui in sepibus, & potissimum maritimis locis crescens, ex se cauliculos profert, in cibo instar oleris laudatos. Nascitur enim Salamancæ prope ædem diuæ Mariæ à Veiga, in cuius tutela Portugaleses scholastici sunt: sed caueant ipsi, ne Rhamnum illic nascentem, & hortos circumuallantem, me intellexisse putent. Hanc Mauri sua voce, apud Chairum Aegypti urbem opulentissimam, vendentes, clamant, molochia. Molochia, vt Serapio quoque nouit, raro tamen apud nostrates in cibi usum venit, quum variis & melioribus abundemus ole-ribus, apte tamen à sapore suo falso Lusitani, halimum salgadeiras appellant, velut Aëtius halmyrum ob eandem scilicet falsuginem. Admonendus porro lector in presenti à me est, ne verbis Dioscoridis ductus, in errorem incidat, credens Albucum, halimum esse: quum re vera, Albucus asphodelus sit hastula regia dicta. De halimo vero apud Galenum, absque aspiratione, lib. vj, de Faculta. simpl. medic. ita legitur: Semen, & lac simul hæc planta gignit: estque gustus acris & substringentis, ex quibus constat ipsam esse dissimilarem: maior tamen pars eius temperate est calida, cum humiditate inconfecta, & leuiter flatuosa.

## DE PALIVRO,

*Græcè, παλίσρον: Latinè, paliurus, agrifolium: Hispanicè, az. ebo: Lusitanicè, az. uinho: Germanicè, Melbeer.*

## Enarratio cxi.

**N**Ullum in medicina est periculum maius, quam gra- uissimorum authorum dissensiones, quorum præsertim autoritatibus fidem habemus, quum ex eis non nisi quæstiones, altercationes, atque inde errores oriantur, quo malo nullum maius in hac arte excogitari potest: quod Plinius noscens, libro 29. capite primo, dixit: Quum sit periculum in nullo mendacio maius. Nec enim hæc absque ratione in medium attulimus, quum Agathocles paliurum

*De paliuro  
varia sen-  
sencia.*

in Ale

In Alexandria nasci tradat, vltimi atque pinus amplitudine, folio viridi, rotundo, molli, ramis frequentibus, prælongis, in quibus fructus oliuis persimilis, bis in anno cõspicitur, qui & crudus & viridis manditur, quum verò exiccatur ex eo farina paratur, quæ sic in puluere, nec aqua vel alia re subacta, comeditur. Theophrastus verò, vt nostis, grauisissimus author, paliurum fruticem describit in siliquis semen ferentem vt apud illum quiuis videre potest libro iij. de Historia plantarum cap. 17. Plinius quoque non minus aliter paliurum depingit, libro 13. capite 19. dicens: Cyrenæica regio loton suæ postponit paliuro, fruticosior hæc fructuque magis rubens, cuius nucleus non simul manditur, iucundus per se, atque suauior è vino, quin & vina succo suo commendans. Hæc ille: quæ vt percipitis ab aliis multum absunt. Dioscorides porro, vt de re passim obuia, eius exactam prætermisit historiam, vt tamen coniecturis assequi possumus, hic idem paliurus Dioscoridis, cum eo à Plinio descripto est, quem Theophrastus lib. 4. de Historia plantarum eiusdem numeri capite, prius descripsit, & eum Afrum paliurum vocant. Trahunt autem in hanc me sententiam Plinij verba, libri vigesimi quarti capite 13. vbi paliuri vires prosequitur: quæ fere cum Dioscoride ita habent: Paliurus quoque spinæ genus est, semen eius Afri zuram vocant, contra scorpiones efficacissimum remedium, item calculosis, & tussi, folia astringentiam vim habent, radix discutit pãnos, collectiones, vomicas, vrinas trahit pota. Decoctum eius potum in vino aluum sistit: serpentibus aduersatur. Radix præcipue datur in vino, & cætera. Quæ omnia cum iis quæ Dioscorides suo tribuit paliuro conueniunt, Sed qualis hodie paliurus frutex sit, aut sub quo nomine in officinis habeatur, ne quis de nostra queratur diligentia, dicamus. Est igitur paliurus frutex, folia habes lauri, latiora tamen, crassa crispa, & per circuitum, spinis armata, cuius rami facile plicantur, colore viridi: is enim fructum fert rubrum colore, magnitudine, qua cedri fructus conspicitur, vocant verò fruticem istum rei rusticæ scriptores agrifolium, non verò aquifoliu, nam agrifolium de quo à nobis mentio fit, fructu coccum id est granum fereti, simile est, quo Anthuerpienses monachi sectæ Franciscanæ hortum suum

*Dioscoridis  
& Plinij  
paliurum be-  
dem.*

quein habent excultissimum sepiunt, & illius radicibus viscum pro irretiendis auiculis paratur. De quo Galenus libro octauo de Facul. simpl. medic. ita tradit: paliuri fo- lia & radix adeo perspicue astringunt, vt fluxum ventris cohibeant, adeoque digerunt, vt mitiora phymata curent. At fructus tantam incidendi vim possidet, vt calculos vesicæ comminuat, & pectoris pulmonisque excretionibus auxilietur.

## DE OXYACANTHA.

Græcè, ὄξύανθα: Latine, *oxyacantha*, *acuta spina*: Hispanicè: Lusitanicè, *pirlitero piliriteros*: Italicè, *bagaia*, *amperlo*, *pane de orso*, *barazzo bianco*. Arabicè, *Amirberis*, & *Amырbaris*: Gallicè, *espine vinette*: Offic. *Berberis*.

## Enarratio CXII.

Oxyacan-  
tha.



*Acuta spina.*

niet oxyacantham tantum abesse berberos ferente fructicem,

Qui de oxyacantha hucusq; sermonem fecere, omnes vno ore fruticem berberos ferentem esse crediderunt. sed mea sententia non sine ingenti ne dicam pudendo errore, Quum oxyacantha vt testatur Dioscorides, arbor agresti pyro similis sit, minor tamen, ac magis spinosa, quæ fructum myrti baccis æqualè fert, confertum, rubetem, fragilem, nucleum intus habentem, quin & radices in profundum descendentem, & illas quidem multifidas, quæ omnia, siquis animaduertit, inueniet

ficem, quantum ficus à pinu, hoc magis, si folia à Dioscoride prætermiffa, quæ oxyacanthæ infunt descriperimus. Nam primo oxyacantha, id est acuta spina, arbor pyro agrestis similis est: berberorum verò frutex raro vel nunquã in arborem ascendit: Item pyrus agrestis à radicibus multifidis in truncò quodam crasso & alto crescit, adeo vt in arborem iustæ magnitudinis deueniat, frutex tamen berberorum, cuius infinita prope dixerim copia passim videtur, nullum notatu dignum à radicibus emittit truncũ, sed potius virgas spinosas ad summum policarum crassitudinis, quæ nec altitudine humanam excedunt staturam. Quibus addimus, quòd cortex pyri agrestis cum quadam subrufedine nigricat, inæqualis, crassa, & squamifera: Quæ verò berberorum frutici hæret, inter spinas suas, lucida, & subtilis albicat, si tamen parum excoriari contingat, luteum colorem, qualè inesse arbori mali granati videmus, repræsentat: non minus quoque in spinis magna interest differentia, quum in pyro agrestis spinæ, vt in pruno conspiciuntur, in berberorum verò frutice, trinæ enascuntur, duæ à latere, vna verò in medio. Iis adiungendum, quòd fructus acutæ spinæ, magnitudine myrti est, rubens, intus nucleum habens, qui veluti cerasum pendet: fruticis verò berberorum fructus, grani tritici figuram imitatur, parũ tamen maior, rubens, mali punici granum referens, in ramis ordinatim pendens, velut vna in botris. Sed hæc omnia clariora reddentur, si modo folia quæ oxyacanthæ infunt ex Dioscoride & Theophrasto patefecerimus. Sunt ergo vt paucis dicam, folia acutæ spinæ, apij foliis similia, quæ ita esse, ex Dioscoride elicitur, capite de mespilo, dicente: Arbor mespilus est, aroniam aliqui appellant, aculeatam oxyacanthæ foliis: legitur enim in nonnullis exemplaribus sed falso, pixacanthæ, id est buxæ spinæ foliis, vt ex Theophrasto facile deprehenditur, qui duodecimo capite libri tertij de Platarum historia, mespili arborem folia, vt apij diuisa habere tradit, quæ hodie ita esse deprehendimus, non quidem in vulgari arbore, mespila vulgaris & communis hodie ferente, sed in ea potissimum, de qua Dioscorides in eo capite primo differit, cuius fructũ antiqui aroniam appellabant, & hodie pisauræses & Neapolitani apud quos proceræ crescit, ad antiqui nominis

*Azarolus fructus.* imitationem, azarolum vocant, pomū, scilicet paruū, rubrum, quanquam & album à nobis visum sit, oscicula tria intra se habens, vnde tricoccum, quasi trium granorum, dictum est: Sapore suaue, ad acidum tendente, ob quem à multis maximè expetitur, ex iis igitur deprehendens, oxyacantham apij folia habere debere, quum eadem cum mespilo similia habeat, vnde manifeste cognoscitur, quòd frutex berberorum non est oxyacantha, quum non apij sed potius mali punici fere folia habeat. Sed quum hucusque quid non sit oxyacantha diximus, deinceps consonum erit disserere, quid sit. Est igitur, vt breuiter dicamus oxyacantha, arbor quam vniuersa Hispania sua voce piltriterium appellat, Ethrusci vero begaiam, alij autem amperlum, vel vrsi panē nominant, arbor pyro agresti figura cū trunco tum ramis & floribus persimilis: nam flores albi sunt, folia vero, vt diximus apij, fructum porrò quem arbor hæc emittit, rubrum conspiciamus, intra se nucleū piperis grani magnitudine habentem, qui fructus maturus quum est, & tangi contingat facile excoriatur, & à pueris audidissime comeditur, & in nonnullis regionibus perpetuus arbori tenaciter hæret, vt in Lusitania plerunque obseruauī, & Hebræi huius mentionem reddunt: quia hæc ipsa arbor, ab illis rubus creditur ille, quem viderat Moyses in flammam conuersum & sine noxa obumbrantem, ex quo Deus illi locutus, & calopodia vt exueret iussit, quia in terra sancta erat. Dicunt igitur illi, ob illam dignitatem, perpetuum arbori huic fructū esse. Est igitur vt paucis rem perstringamus, oxyacantha, acuta spina dicta, non vero acida, arbor hæc pyro agresti similis, quam nonnulli inter rubi genera collocant, de qua Galenus libro octauo de Facul. simplic. medic. ita loquitur: vt specie, sic facultate hæc arbor pyro syluestri est similis: cæterum pyri syluestris fructus prorsus acerbus est: oxyacanthæ vero, & tenuium est partium, & nonnihil incisorium sortitur, estque rubens & rarus, qui quidem affectus omnes fluxionum cohibet. Cæterum acutæ spinæ frutex humilis quidam folio & spinis reperitur similis, qui in vniuersa Hispania, quod sciam, fructum non emittit, secus vero in Germania, Gallia, & vniuersa Italia: quum fructum ferat vis immatu

immaturis similem, & illum quidem acerbum culinæ, agreitæ vice communissimum, veris præcipuè & æstatis temporibus, in quibus iurulentæ carnes piscisve eo condiuntur, & à prægnantibus quoque maxime appetitur, quem alij vuam crispinam, alij vuam spinam, alij vero vuam marinam appellitant, ardentissimis autem febribus laborantibus magno datur iuuamento, quem præsci prætermisere, nec de illo verbum aliquod fecere. Iam vero quia de berberos ferente frutice locuti sumus, illamque non oxyacantham id est acutam spinam esse probauimus, non ab re erit, vt de illa verba faciamus, quum & ab antiquis fructus iste prætermisus quoque fuerit. Est igitur berberorum frutex planta tricubitali ad summum altitudine crescens, multas à radice virgas producens, digitalis crassitudinis, in quibus spinæ multæ videntur, & illæ quidem trino ordine consistæ, duæ à latere, vna vero in medio: nam huius radices luteæ sunt, nec minus quàm ipsius flores racemosi, qui Maij tempore odorati erumpunt, porro folia veluti mali punici conspiciuntur, fert igitur frutex hic, fructum rubrum, grano tritici maiorem, intra se oblonga duo granula, plana mutuo nexu coniuncta, continentem: ex quo fructu, succus extrahitur, quem officinæ berberorum vinum appellant, vino malorum punicorum acidorum acerbius, qua de causa ardentissimis in febribus contra sitim, cum iulepo rosaceo, aut violaceo potissimum propinatur, non minus biliosum vomitum coërcet, & stomachicum fluxum restringit, frigidis vero stomachis nocet, & pectoris angustiis inimicum est. Proximum quoque erit citare hic, fruticem illum, ribes ferentem, quum de illo quoque antiqui nullam fecerint mentionem: antiquos quum dico, velim intelligatis Hippocratem, Theophrastum, Dioscoridè, Galenum, Oribasium, Paulum, Aëtium, Catonem, Varronem, Plinium, Palladium, & Columellam. Est igitur ribes ferens frutex folia vitis habens, sepibus intertextendis accommodatissimus, qui fructum rubrum acidum & acerbum parit, ex quo vinum quoque extrahitur, febribus, & calidis ægritudinibus, non minus ac citri aut limonum succus. Conueniens, & ex eo sirupus in officinis, contra capitis destillationes calidas paratus publice habetur, inest enim huic

Vua crispina.

Berberoria frutex.

Ribes.

Medici antiqui.

fructui sapor acidus, cum quadam permixtus dulcedine, unde firmiter crederem, hunc ipsum fructum, quem nos ribes appellamus, eundem apud Serapionem, ribes esse, quum eundem saporum Serapio suo tribuit, quem in hoc officinarum gustamus, nec enim in cæteris notis Serapio ab hoc cõmuni quicquam deuiat, proinde nostros ribes, Serapionis quoque esse crediderim.

## DE CYNOS BATO.

*Græcè, κυνόβατον: Latine, sentis canis, rubus canis, canirubus: Hispanicè, carca rosal, carca peruna: Lusitanicè, sylua macha: Gallicè, esglantier: Germanicè, Feldrossen. Italicè, rono canino: Arabicè, Sent.*

### Enarratio. CXIII.

**C**ynos batus Græcis, sentis canis Columellæ est, aliis vero rubus canis, Theodoro Gazæ canirubus, vastissima autem spina hæc est, maximos & oblongos ramos ferens, quam inter vepres & senticeta sæpe arborefcere videmus, folio rosæ, nam flos, rosæ moschatae similatur, cū colore ipso albo, tum foliis rarioribus, qui quum decidunt, fructus pullulat rubens, oblongus, oliuæ similis, intra quem lanuginosa quædam semina clauduntur, qualia in rosarum fructibus videmus, hunc fructum pueri & mulieres audissime comedunt, eius lanuginem abiicientes, ex quo seplasiarij Hispaniæ conditum pro sistendo vndeunque profluente sanguine parant. At Theophrastus lib. iij. de Plantarum historia, cap. xvij. longe aliter cynosbatum describit, vtpote, magnitudine inter fruticem, & arborem granatum, fructu malo punico simili, & subrutilo. Cæterum, quidam cynosbatum, cynorrhodum id est, caninam rosam esse putant, inter quos nominare est Marcellum, Virgilium, & Monachos Mesues Antidotarij interpretes, qui vel ex Plinio tantum errare deprehenduntur, lib. viij. cap. 41. vbi cynorrhodi radicem ad canis rabidi morsum, tanquam ex oraculo acceptam maxime laudat: libro vero xxiiij. cap. 14. cynosbati duas describit species, in vniuersum à cynorrhodo differentes,



adeo ut manifestum sit cynosrhodum, aliam rem à cynosbato esse, mea tamen sententia, in hac re parvus est lapsus, quum cynosbatos à cynosrhodo, in hac tantum differat, quòd cynosbatos nullas habet spongiolas, cynosrhodos vero habet, imò ut tradit Plinius lib. xxv. cap. 2. cynosrhodus apud antiquos, spongiolæ in ipsius fruticis spinis repertæ dicebantur, ut merito concludere possumus, quòd cynosbatos id est canis rubus, idem cum cynorrhodo, id est canina rosa sit, nec in alio quàm spongiolis dictis, differant: quæ in cynorrhodo dubio procul reperiuntur: secus autem in cynosbato, de quo Galenus lib. vij. de Facult. simpl. medic. ita differit: Huius fruticis fructus non segniter astrictorius est, folia vero mediocriter, lanugo fructus arteriam vitiat.

## DE LIGUSTRO.



Ligustrum.

Græcè, ὑβριος: Latine, cyprus, ligustrum: Hispanicè, alfena albena: Arabicè, Kenne, hène, Hanue, & alkana: Italicè, oliuella, guistrico, oliueta, chabrossene, caparrodano: Gallicè, dutroesne: Germa. Beinheltzlin, mundoltz, Geysholtz, Rheinuueyden.

## Enarratio cxiiii.

Quia Ligustrum, volubilis specie quamdam esse crediderunt, eam præcipue quam passim obuiam videmus aliis circumligatam herbis, flore albo, campanæ effigie toto, ut dicitur, aberrant cælo: quum inter se tantum differant, quan-

*Ligustrum quid.* tum cancer ab anguilla. Est igitur ligustrū, arbor parua, foliis oliuæ similibus, floribus minutis, candidis, odoratis, racematim constitutis, qui Maij mense apparent, postea vero ipsis decidentibus baccæ oriuntur primo virides, in processu vero nigræ fiunt, vuarum modo congestæ, quæ in ruderibus, & sepibus potissimum nascitur nasis & tesseris aptissima: hanc Patauini conastellum, quasi oleastellum dixerint, appellant: quum illi & folio, & fructu similis sit. Nec enim ambigendum est, cyprum, ligustrum esse, quum Plinius li. xij. cap. 24. dicat, cyprum arborem Aegypto familiarē, in Italia ligustrum vocari.

*Massarius errat.* Proinde Franciscus Massarius Venetus omnino fallitur, quum annotationibus suis, super nonum librum Plinij, cyprum aliam arborem à ligustro esse contendit. De ligustri vero floribus & ipsius baccis siue vaciniis, cecinit Maro in Bucolico, dicens.

*Virgil. in Bucolicis*

*Nonne fuit satus tristes Amaryllidis iras,  
Atq; superba pati fastidia, nonne Menalcam,  
Quamuis ille niger, quamuis tu candidus esses,  
O formose puer nimium ne crede colori,  
Alba ligustra cadunt, vacinia nigra leguntur.*

Nec iis Vergilianis verbis, Columella contraria scribit, quum lib. de Re rustica 10. ligustrum non album vt Virgilius, sed nigrum potius appellat, dicens, & nigro permixta ligustro balsama, quia Virgilius ad flores, Columella vero ad maturas eius baccas respexit, quas vacinia Virgilius vocat, quum puerum admoneat, ne suæ pulchritudini atq; colori, quamuis candido, nimium confidat, quia cum ætate illum candidum colorem amissurus est, futurus deformis, rugosus, veluti ligustro euenit, quod flores quum habeat pulchros, candidos, & odoratos, cito tamen eos perdit, & solum vacinia permanent, quæ postea nigra & aspectu, non vt flores, grata, sed terra potius pro aucupiiis, & inducendis coloribus colliguntur, vt olim apud Gallos fieri solebat, & hodie apud Italos pro conficiendo atramento scriptorio vsurpatur.

*Vacinia hyacinthi.* Nec silere in præsentia debeo multorum errorem, qui additiis Dioscoridis verbis seducti vacinia hyacinthos esse interpretantur. inter quos mihi nominandus venit Hermolaus Barbarus patritius Venetus, vir alioqui doctissimus

*Her. Bar. errat.*

ctissimus, sunt enim verba adiecta Dioscoridi, apud quartum librum, capite 61. vbi de hyacintho agit, quæ ita habent: hyacinthon Romani vacinium dicunt: quæ verba in melioribus exemplaribus non reperiuntur, imò omnia fere nomina in vno quoq; capite comperta non Dioscoridis esse, sed alicuius qui Dioscoridi gratum facere arbitrabatur pro re firma & vera mihi persuasum habeo: argumentum enim vt ceteros præteream locos, ex capite de sampsucho desumi potest, hanc nostram coniecturam cõfirmans, in quo maioranam verbum nouum, & à Plinio non vsitatum legimus, velut in leucoio, violam matronalem, vt sexcenta alia præteream capita, in quibus huiuscemodi nomina reperiuntur. Seruius quoq; grammaticus nõ minus hanc in rem impegit, quõ per vacinia, violas interpretetur, sed Seruio notissimũ hoc esse debuerat, quia Virgili<sup>9</sup> eodẽ carmine, & violas & vacinia, nominet, ait enim: & nigrae violæ sunt, & vacinia nigra. Verum de cypro id est ligustro, ita tradit Galenus libro septimo de Facultaribus simplicium medicamentorum. Huius arboris folia summaque germina habent in se quiddam digerens cum aquea substantia modice calida, habentq; & astrictionem quandam ex terrena substantia frigida: itaq; eorum decocto quidam ambusta fouet, nec non igneos phlegmonas carbunculosaq; :nam absq; molestia siccant, sed sponte ortis in ore vlceribus, commansa folia commodissima sunt. Hæc Galenus. Ligustri vero radicibus, hodie Mauri suos inficiunt capillos, velut equorum quoq; crines, quod olim quoq; fieri Diosco. tradit, non vt Marc. interpretatur, aut Ruellius, cum succo lanariæ herbæ, sed potius cum succo struthæ mali, nam pro struthæo, id est malo cotoneo, struthion, id est herbam lanariam intellexerunt.

*Seruius  
Grammatici  
us errat.*

*Ligustri  
peratura.*

*Marcellus  
et Ruellius  
errant.*

### CONSTANTINVS.

**Q**uid sit Ligustrum siue Cypros, profecto ignotum est his nostris temporibus. Plinius quidem Cypron Ligustrum dicit etiam scribit lib. xxiiij. cap. 10. & lib. xij. cap. 24. sed Dioscoridis Cypros, folia habet oleæ, Ligustrum Plinij xixiphi, & semen coriandri, Dioscoridis sambuci: in flore etiam vix conueniunt cum Dioscoridi muscosus sit, Plinio tantum albus & odoratus. in hoc solum

solum hi duo authores consentiunt, quòd vterque dicat esse arborem, qua vel sola nota excluditur vulgaris illa planta ab huius consortio, quam nobis pro ligustro & Cypro ostendunt herbarij, qua fortasse est ligustrum Virgilij, non autem Cypros Dioscoridi, aut Plinij ligustrum, imò nec Columella, qui libro decimo dixit & nigro permixta ligustro Balsama, hinc enim frutex in sepibus maxime communis vix vnquam visus est arborefcere: nos Galli vocamus du Troesne. Sed Cyprus siue ligustrum, id est arabii alcanna, arbor rara est & inter pretiosa simplicia semper adnumerata. testis mihi Iosephus historicus lib. iij. πῆρὶ τῆ ἀνάσσει, cuius verba cum de hierichuntina loquitur: εἶπε ἡ ἐπιβολὴ ἀναμύθου ὁ ἀπὸ τῶν ἀγίων τῶν τῆ ἁγίας καπνῶν, ἡν ἄρτον τὴν, καὶ μὴ ἐπιβολὴ ἀναμύθου. & subiungit εἶνα, σκαυιόταϊσα καὶ κάρδιον. Et Beatus Hieronymus in Cantic. Cyprus, inquit, cum nardo, nardus & Crocus, fistula & Cinnamomum cum vniuersis lignis libani. Merito reprehendit Amatus Marcellum & Ruellium: sed ipse omisit locum apud Plinium lib. xxiij. Cap. 4. de Cypro, qui illorum errorem detegit: Decoctum, inquit, foliorum ambustum & luxatis prodest: ipsa rufans capillum iusa, adiecto struthi mali succo.

## DE PHILLYREA.

Græcè, φιλύρεα: Latine, phillyrea, species ligustri.  
Hispanicè, otrasuerte de alhenan: Italicè, una  
altra oliuella: forte Germanicè, Hartrigel.  
Arabicè, Mahaleb.

## Enarratio CXV.

**E**Rrant non solum Marcellus Virgilius, Dioscoridis  
 Interpretes, sed alij plures, qui in præsentì Philly-  
 reâ, tiliam esse interpretantur, cum re vera phillyrea arbor  
 parua ligustro æqualis cum folio tum fructu sit, adeo vt  
 phillyream ligustri speciem esse constet, nec immeritò  
 Dioscorides, quum de ligustro egit, de hac quoq; philly-  
 rea ligustri specie, sermonem coniunxit, sed ij reuera  
 nominis affinitatem secuti, in errorem prolapsi sunt,  
 quum pro philyra apud Theophrastum, tiliam signifi-  
 cante, phillyream, quæ non tilia, sed potius ligustri spe-  
 cies est, tiliam interpretati sunt. Est etiam philyra apud  
 Theophrastum lib. iij. de Historia plantarum, duorum  
 generum, quibus folium non olex sed hederæ potius est,  
 fructus

Dioscoridis  
 interpre-  
 tes errant.

Phillyrea  
 ligustri spe-  
 cies est.

Phillyrea  
 vera tilia.

fructus vero fabaceus. Proinde phillyream à philyra diuersam esse, nemo non videt, Quibus adde, quòd philyra arbor est procera, crassa, & vt inquit Theophrastus cap 10. ad fabricas nauium, arcarum, & cunarum aptissima materia: phillyrea vero frutex potius quam arbor dicenda est, de qua hoc loco Dioscorides pertractat.

Phillyra  
duo gene-  
ra.

## DE CISTO.

Græcè, κίσκος: Latine, cistus: Hispanicè, Lusitanicè, cerguacos: Italicè, cisto. Arabicè, Kamet, Alteis & lhaie alhis.



Cistus Mas.



Cistus foemina.

## Enarratio CXVI.

Cistus nam Cissos hedera est, cuius inaduertentia Plinius cæcutiuit, vt Leonicens ad Angelum Politianum eleganti epistola primò indicauit. Est igitur cistus frutex ramosus in latum se diffundens, qui apud Hispanos hodie pro abstergendis vestibus in vsu habetur, cumq;

Cissos à  
cisso dis-  
fert.

Lusitani

Lusitani ad imitationem antiqui nominis illi dicati, cistharos, aut cissaros corrupte, cerguacos appellant: reperitur enim & flore albo, & subrutilo, de quo Galenus 7. libro de Facult. simpl. med. ita tradit: cistus frutex astringens est, folia eius & parua germina trita adeo desiccant astringuntq; , vt vlcera glutinare valeant, sed flores efficaciores sunt, adeo vt cum vino poti dyfenterias, ventris imbecillitates, fluxusq; & humiditates persanent, cataplasmatis ritu illiti, vlcerum putredinosa iuuat, desiccant, enim secundo excessu.

## CONSTANTINVS.

Plinius grauissimus author, quasi deserto vadimonio à Xeniceno, Mathiolo, & Amato Lusitano compacto traducitur, & culpatur acerbius: *τινα δ' ὄμως ἀναγκάειν πρὸς τὸς λέγει λέσχας καὶ μὴ ἐπιβῆναι ἀλώνα λόγον*, vt dixit Nazanzenus. Quid igitur isticanentes victoriam ante triumphum, Plinio obiciunt? quod Cissi id est hederæ & Cisthi, græcarum vocum non intellecta significatione, historiam consuderit. Vt eorum consuetetur impudentia, & ipse per se eos mendacj reuincat, satis habeo locos adducere, quibus imprimis bonus author non solum rerum, sed & linguarum peritissimus, verborum vim expressit, & rerum proprietatem atq; naturam. libro enim 24. Cap. 10. Sic inquit, de hederæ loquens: gummi etiam in hederæ quarunt, quod ex aceto vtilissimum dentibus promittunt: græci vicino vocabulo Cisthon appellant, fruticem maiorem thymo, solis ocimi. Duo eius genera, flos masculo rosaceus, femina albet, & paulo post: Sub his maxime nascitur hypocisthos, quam inter hederas diximus. Scilicet cum de hederis ageret. libro 16. Cap. 34. Cisthi subiunxit historiam, propter Cissi & Cisthi vocum affinitatem nonnullamq; plantarum similitudinem. Quo loco ita scribit: Est rigens hederæ, quæ sine adminiculo stat, sola omnium generum, ob id vocata cissos. Et loco superiore: Cissos Erythranos ab iisdem appellatur, similis hederæ. Quid vero etiam de hypocisthude tradiderit, audi libro 26. Cap. 8. Hypocisthis, orobathion à quibusdam dicta, malo granato immaturo similis nascitur, vt diximus, sub Cistho; vnde nomen hoc &c. In carpentibus igitur extra fortuna atq; inuidia aleam scriptoribus, licentiosem pruriginem moderentur: ne meritò illud in eos vsurpemus, Facilius esse calumniari, quàm emulari.

## DE HYPOCISTIDE.

Græcè, ὑποκίστις, ὑβρινῶ : Latine hypocistis, cytinus, barba hircina : Hispanicè, Lusitanicè, pultegras : Italicè, hypociste.

## Enarratio CXVII.

**H**ypocistis, Barbarorum hypocistidos est, siue herba hircina, quæ plerunq; ad cisti radices nascitur: herba potius quam frutex, crassa, succosa, quibusdam granis, pineis similibus plena, qua auidissime nonnulli vescuntur. Nam tota ipsa herba ad luteum colorem cû quadam albedine tendit: quæ non solum in Hispania, sed variis aliis in locis nascitur. Venetiis enim apud officinas frequenter conspicitur, quæ ex Illirico & Dalmatia regionibusq; circumvicinis portatur, ex qua succus extrahitur, & ad medicos vsus reseruatur, præcipue ad eos, vbi constringere opus est, velut floribus punicorum expressus, quemadmodum refert Dioscorides capite de malis punicis. Verum nihil refert, herbam istam hypocistidem, vel cytinum, aut succum ipsum, eo modo appelles, vt Dioscorides in præsentia facit: & Aegineta imitatur. De qua Galenus citato loco ita inquit: Hypocistis multò est magis astringentia quàm folia: admodum efficax remedium ad omnes fluxionum affectus, quin si quam partem roborare consilium sit, quæ videlicet plusculo humore exoluta fuerit, robur ac firmitudinem illi haud segniter addit, quo nomine antidoto ex viperis inditur.

Hypocistis  
Hypocistidos.  
Barba hircina idem.

## DE LADANI ARBORE.

Græcè, λάνδος : Latine, Lada: Arabicè, Chasus: Hispanicè, xara: Lusitanicè, esteba: Italicè, ladanifero arbuscelo, pinguitudo illius, ladanum, laudanum: vulgò laudano.

## Enarratio CXVIII.

**L**adanifer frutex in altum crescit, tricubitali altitudine, & ampliori, virgas à radice mittens, digitalis crassitudinis, duras, solidas & firmas, in quibus folia hærent oliuæ, nigra, viscosa: flos vero roseus, albus, tres qua-

Ladanifer frutex.

Ladanum  
quid.

Rufus E-  
phesius.

tuorue maculas nigras habens, quo decidente, fructus pilulæ magnitudine, pediculo alligatus pullulat: totus enim frutex ille viscosus resinofusus conspicitur, adeo ut ipsum depascentes hirci capellæue, pinguedinem viscositatemue illam in barbis & femoribus contrahant, quam ladanum appellamus. Reperitur verò in officinis pinguitudo ista, siue succus densatus, sub nomine ladani, vel ladanani, aut labdani, quanquam raro syncerus aut purus. Verus autem & purus, optimi est odoris, ut Rufus Ephesius per hos indicat versus à Galeno subscriptos lib. j. de Compositione medic. secundum loca, cap. 2.

*Inuenias in Eremborum quoque ladanon orbe,  
Caprarum circa mentum, gratissimus illis,  
Succus is è cisthi folio decerptus amico,  
Imbuti hoc villi, menti laterumq; madesunt,  
Non tamen ad morbos hoc præstat, laudem ab odore,  
Egregio quo spirat habet, quod plurima mixta  
Pharmaca Erempi haheant diuinis viribus aucta,  
Orta solo & campo longe lateq; patenti.*

Ladanum  
Galenica-  
lidum est.

Hunc porrò fruticè barbam hircinā potius appellandam crediderim, quum illi magis quadret, cōueniatue nomen: quanquam Serapio, & cæteri Arabes, barbā hircinam hipocistidem potius nominent. Non minus quoq; crediderim, quod Scribonius Largus hanc cisthi speciem, rosam appellat syluaticam, non vero alterā. Est præterea huius cisthi ladaniferi species altera, quam Hispani masculam comparatione ad primam faciunt: & eam stebam appellant folio in orbem circinato, subnigro & hirsuto. De ladanano vero Galenū audiamus. li. vij. huic dicato volumini, sic differentem: cisthos id est ladanum, primo excessu medicamen est quodam modo complete calidum, ita ut secundum attingat, habens etiā astrictionis non nihil: est præterea substantia tenui & emolliens, nec non moderate digerens concoquensque, peculiariter igitur ad vteri vitia est aptum. Diffuentes tamen capillos retinet: verum alopecias & ophthalmias sanare non potest, quod hi affectus valentiora medicamenta desiderent.

#### CONSTANTINVS.

**F**Rutex ille siue herba de genere Cisthi, vnde colligitur Ladanum à Dioscoride dicitur λῆδωρ à Plinio vero lada: Sic enim scriptum



scriptum reliquit libro 26. Cap. 8. Lada appellatur herba ex qua Ladanum fit in Cypro, barbis Caprarum adhærescens: Mirorq; Mathiolum senensem, virum sane propter insignem eruditionem admirabilem, hæc de Plinio tam inconsiderate scripsisse in Dioscoridis libr. 1. Cap. 110. Comment. Caterum Plinius vocabulorum vicinitate deceptus (vt etiam in superiori commentatione dictum) ex cisto id est, hedera, non autem ex cisto ladanum colligi dixit. Ex quo item multis falso persuasum est, quod non à Cisto, Sed ab hedera Ladanum legeretur: Hæc lenis Mathiolum, quæ, vt plenus falsa esse intelligas, legere ne pigeat, quæ aduersus ipsam & Plinij admissarios adnotauimus Cap. de Cisto: tum, vt Plinij summa hæc inusta macula eluatur, rogo vt quam ascripsi Plinij dictionem expèdas accuratius postremoq; indices quam immerito tantus scriptor accusatur. Eius hæc verba lib. 12. Cap. 16. Arabia etiamnum & Ladano gloriatur: forte casuq; hoc, & iniuria fieri odoris, plures tradidere. Capras maleficum aliàs frondibus animal, odoratorum vero fruticum expetentius, tanquam intelligant pretia, carpere germinum caules pradules liquore turgentes, distillantemq; ab his cossus mixtura succum, improbo barbarum villo abstergere. Hunc glomerari puluere, incoqui sole. Et ideo in Ladano caprarum pilos esse. Sed hoc non alibi fieri quam in Nabatais, qui sunt ex Arabia contermini Syria, Recentiores ex autoribus strobos hoc vocant: traduntq; Sylvas Arabum pastu caprarum infringi, atq; ita succum villis inhaerescere, verum autem Ladanum Cypri insula esse: vt obiter quæq; genera odorum dicantur, quamuis nò terrarum similiter hoc & ibi fieri tradunt, & esse asipum hircorum barbis genibusq; villosis inhaerens, sed hedere flore deroso, passibus mandinis, cum est torulèta Cypros. Deinde nebula sole discussa, puluerem madentibus villis adhærescere atq; ita Ladanum depecti. Sunt qui herbam in Cypro ex qua id fiat, Ladam appellant. Etenim Ladanum vocant huius pingue insidens &c. Quod vt intelligas non ex sola planta colligi, vt nec manna, nec muscus, Sed eas tantum recitari in quibus laudatissima illa proueniant, Certe etiam Ladani quod in segetibus nascitur meminit idem Plinius libro xxvj. Cap. vndecimo. Optimum igitur Ladanum ex Cisthi colligitur genere illo quod λῆδος Dioscorides & Plinius Ladau nominauit. Colligitur etiam ex hedera aliq; plantis quibus pinguis humor ille & glutinosus adhæsit.

Græcè, ἔβενος; Latine, ebenus; vulgò ebanò legno,  
Arabice, abanus, & ebenus; Gallicè, ebene.

## SECUNDA SPECIES EBENI.

Lignum Guaiacum, lignum Indicum, lignum sanctum, lignum morbi Gallici: Arabice, Karon; Hispanice, el legno santo, el legno dellas antilhas; Italicè, il legno santo: Germanicè, Holtz aus Indien, Frantzosen holtz: Gallicè, guaiac.

## Enarratio CXIX.

**Ebenus.** **N**ascitur ebenus, non vt Virgilius credidit, tantum in India, sed Arabia, Aethiopia & aliis variis locis, vt ex Dioscoride, Plinio, & Pöponio Mela edocti sumus, quam primò Romam adduxit Pompeius Magnus, in triumpho Mithridatico, materia densissima, colore nigro, splendido, & graui, adeo vt eius quantumcunque siccum lignum non fluitet, sed fundum & cætrum potius petat, Hodie verò, ligni huius magni trunci in officinis, vbi pestines sũt, visuntur, quum ex eo non solum egregij parantur pestines, sed etiam varia alia, & præcipue coronæ mulierculis pro numerandis præculis idoneæ. Cæterum ebeni lignum oculare est, oculorum vitiis apprime conueniens, vt ex Dioscoride deprehendere est, & Galeno lib. vj. de Facultatibus simpl. ad istum modum dicente: Ebenus ex iis lignis est, quæ trita in aqua soluuntur. Vis ei inest ex calcificandi, extergendi, & tenuium partium, quamobrem, quæ pupillas offuscant extergere creditur, misceturque aliis ocularibus medicamentis. Secūda autem ebeni species, Guaiacum lignum morbo Gallico deseruiens est, quod sanctum omnes vocant, velut Auicenna caron, lib. ij. sui canonis. De cuius vsu, ac origine, sic habeto. Guaiacum vltra quòd præscis cognitum fuit, & oculorum fluxionibus accommodatissimum, contigit, quum superioribus annis, nouæ quædam terræ, antiquis forsitan cognitæ, & temporum iniuria factæ incognitæ, nunc verò nouiter repertæ essent, in quandam incidissent insulam Hispani, cuius omnes incolæ

Guaiacum  
Caron.

incolæ morbo Gallico quandoque laborabant, ac si Eu-  
 ropei variolis. Hispani verò quum quæstores in prouin-  
 cia essent, ac grauius morbo illo affligerentur, ab indige-  
 nis medicamentum quò curarentur, quærunt: quibus illi-  
 co lignum huiacum (sic enim insulares pronũciant) mon-  
 strarunt, quo non multis interpositis diebus, vt cæteri à  
 morbo liberati, vt summum bonum, eius vsum in Hispani-  
 am attulere, guaiacum ipsum appellantes, insularium  
 vocem imitantes, qui huiacum, vt diximus, lignum vo-  
 cant, ex arbore apud eos crescente, proceritate, qua apud  
 nos fraxinus, quæ foliis vestitur plantaginis solidioribus  
 tamen, ac rotundioribus, flore verò luteo sed fructu casta-  
 neis persimili, & illo quidem solutiuo. Totius autem ar-  
 boris color, cineritius est, ad nigredinem tendens. Hæc ve-  
 rò arbor, vt tradunt nostri Hispani, & Alfonso Ferrius li-  
 bello suo de morbo Gallico conscripto scribit, in tribus  
 præcipue insulis nascitur: nempe in insula sancti Ioannis,  
 in insula sanctæ Crucis, & in insula sancti Dominici: li-  
 gnum verò quod ex arboribus insulæ sancti Ioannis ad-  
 fertur, melius est, quia insula illa cæteris duabus distãtior  
 à torrida zona est, qua de causa non ita torrefactum li-  
 gnum, aut vstum videtur, imò humidum & vinctuosum.  
 Curabunt igitur castellani, quum in eas insulas peruene-  
 rint, non aliunde lignum Sanctum abscindere, & in Hi-  
 spaniam afferre: quàm ex insula sancti Ioannis. Sed an li-  
 gnum hoc eligi debeat nigrum: vel album potius, non in-  
 finum & postremum erit inquirere, quum multi in hæc  
 re variant: nam triplici differentia lignum hoc conspici-  
 tur, aliud crassum, quod quum per trãuersum secatur, to-  
 tum fere nigrum conspicitur, dempto circulo quodam su-  
 periori ad luteum vel album declinante. Aliud nõ ita cras-  
 sum conspicitur, cuius centralis pars nigra quoq; sed non  
 adeo vt primi ligni est. Tertium subtilius duobus dictis,  
 quod cãdidum tam intus quàm foris videmus, lineis per-  
 currentibus distinctum, cæteris ligni differentiis odora-  
 tius, & cum quadam amaritudine acutius. Sed quum hæc  
 ita se habent, nõ est tamen credendum quòd tria hæc ligna  
 diuersa aut ex arboribus diuersis scindantur, quum ex vna  
 & eadem arbore tria illa ligna colligantur: nam nigrius,  
 arboris stipes est, minus nigrum, ex partibus mediis inter

Alfonso  
 Ferrius.

Guaiacum  
 an albũ vel  
 nigrum eli-  
 gi debeat.

Ripitem & ramos habetur, quæ pars Aristoteli truncus di-  
 citur, in quo arborum cor collocat, vt ex Paruis vocatis  
 naturalibus dicendum est: totum verò album, rami sunt,  
 in quibus virtus vegetabilis potentior viget, & ea de cau-  
 sa lignum hoc album nihil nigri habens, potentius & me-  
 lius iudicatur: deinde quod à media arbore colligitur, quã  
 quam huic parti ad mentem Aristotelis primæ dignitates  
 tribuendæ sunt, tertias verò nigriori dare est. Aliquando  
 tamen lignum hoc album ex arbore secatur tenella: non-  
 dum ad eam perueniente ætatem, in qua nigredinẽ acqui-  
 rit, vt in aliis quoq; percipimus arboribus, quarum ligna  
 interim dum iuuenilia sunt, alba videtur, postea verò suc-  
 cessu temporis veterascunt, & nigredinem adsciscunt. Vte-  
 mur igitur albo ligno, in difficillimis morbis, vlceribus  
 Gallicanis & malignis complicatis: illo verò paruam ob-  
 tinente nigredinem, in mediocribus: tertio verò fere toto  
 nigro, in debilioribus. Sed vnum dignum consideratione  
 venit: quodd lignum hoc album, etiam si aliis lignis vali-  
 dius est, cito tamẽ ob nimiam humiditatem corrumpitur,  
 & quia gracile facile exiccatur: proinde illud recens, & so-  
 lidum habens, minime verò corrosum aut antiquatum cu-  
 rare debes, quod si habere non potueris, satius proculda-  
 bio erit, nigro recenti, illius loco vtaris. Quam verò tem-  
 peraturam lignum hoc obtineat, inquirendum est, quum  
 frequens vsui medico habeatur. Nam auctore Galeno li-  
 bro tertio de Temperamentis, atque sexcentis aliis locis,  
 illud per se calidum dicitur medicamentum non verò per  
 accidens, si corpori occurrens, à principio occursum calfa-  
 ciat, calfaciendq; procedat, atque in calfactione perman-  
 eat, quod si nile de frigido, humido, siccove intelligen-  
 dum est medicamento: qua de re lignum hoc calidum esse  
 dicendum est, quum corpori occurrens non solum tem-  
 perato, sed in frigiditatem labenti, calfaciat, ac in cal-  
 faciendo procedat, quod & siccum esse vltra experiẽtiam  
 quotidianam de eo habitam, ratio quoque attestatur: quũ  
 lignum hoc amarum sit, quæ enim amara sunt, non solum  
 calida, sed etiam sicca esse omnes confirmant, vt Galenus  
 libro quarto de Facultatibus simplicium medicamento-  
 rum capite 8. & tertio de Ratione victus in morbis acutis  
 quoque dixit: sed non propterea ab aliis spoliatur qualita-  
 tibus

Tempera-  
 tura qua  
 iaci.

tibus quum & humidum esse lignum istud deprehendimus, quaedam habens partes pingues oleaginosas, quibus certi ligni decoctum bibentes aluntur, atque inde per longum tempus absque victu villo permanet. Nec vero mirari quis debet, si lignum hoc diuersas in se contineat qualitates, quum Galenus libro iij. simplicium cap. xij. multo plures & diuersas vni inesse medicamento fateatur dicens: omnia propemodum medicamenta, licet sensu simplicia appareant, natura tamen esse composita, quin & subinde quoque diuersissimas in sese continere facultates, nempe exercendi, & sistendi, incrassandi & extenuandi, rarefaciendi & condensandi, illinendi atque abstergendi, tendendi & laxandi, ceterasque oppositiones vniuersas, & subdit: At hoc mirum videri minimè debet, in id genus facultatibus, quum vni & eidem medicamento vim calfaciendi & refrigerandi inesse appareat, aut exiccandi & humectandi, aut tenuium partium & crassarum: Hæc ille. Non mirabitur igitur spectator si lignum hoc & calidum & siccum, & humidum esse dixerimus, In quo tamen gradu caliditatis collocari debeat, audite. Medicamentum calidum, frigidum, humidum vel siccum dicimus, non alia de causa, nisi quia talem in corpore humano temperato valet imprimere qualitatem: At quod nec exalfacit, nec frigefacit, nec humectat, nec exiccit, symmetrum, id est temperatum medicamentum appellare necesse est. A vincente ergo seu excedente qualitate & facultate cognominatur medicamentum. At calidum primi ordinis nominamus, quod temperatum corpus exalfacit, non tamen euidenter: qua de causa ad illud comprobandum opus insuper demonstratione est rationali, sic de frigido, humido, & sicco, dicendum est: illud vero quod manifesto aut calfacere, aut frigefacere, aut humectare, aut deficcare potest, id secundi esse ordinis dicitur: at quod iam vehementer quidem non tamè summè, tertij dicitur gradus: quod vero adeo exalfacere potest, ut escharam molliatur & vrat, quarti. His igitur prælibatis facile diiudicare quis poterit, cui gradui caliditatis, siccitatis, humiditatisve lignum hoc subiici debeat, præcipuè tamè ipsius ligni odorem, saporem, atque ipsius effectus animaduertendo. Nos autem quantum ex iis comprehendere possumus iudicamus

dicamus lignum hoc in fine secundi gradus calidum esse, ita vt tertij principium attingere videatur, quum eius caliditas vehemens, non solum à corporibus temperatis, sed etiam ægris percipitur, siccum quoq; in medio secundi: at humidum primum gradum non excedere ipsa rei experientia, quæ reliquis præstat, confirmat. Sed iam quo ordine huius ligni aqua parari debeat, aut eius quoq; vinum, quod passim hodie morbo Gallico affecti pituitosi, & humidi præcipuè bibunt, dicamus. Assuescunt autè pharmacopola lignum hoc elimatū habere, vt petentibus præsto tradant, sed tu caue ne hoc elimato vel in puluerem redacto vtaris, quum facillimè exiccatur, & citò vires amittit: præcipuè, si diu in puluerem redactum manserit. Cura igitur lignum album, parum aut nihil nigri habens, recens elimare, aut nigrum pingue multos cum gümma habens cortices, cuius ramentorum siue scobis libram, in aquæ puræ libris quindecim per vigintiquatuor horas madere finito, postea in eodem vase quod nouum & vitreatum esse proposuimus, ad lentū ignem bullire finito, quousque libræ maneat quinque: hæc autem prima est decoctio, quam primā aquam siue aquā sirupi vice venientem appellant, cuius pondus ad vncias sex vel septem, pro vice, secundum virtutis potentiam propinatur. Scobi vero manenti, nouam aquam addere solent, verbi gratia, libras quindecim, quæ ad medias consumi permittitur, quanquam nouo vti ligno melius esset, quum hodie vili pretio lignum istud habeatur: Hæc vero secunda est decoctio, ceu secunda aqua dicta, ex qua ægrotates vini loco tempore victus, & interdum, ad libitum bibunt. Ex prima vero decoctione, spuma coopertorio hærens, pro abstergendis vlceribus seruatur. Sed hic adnotandum duximus, quod aqua hæc prima aliquando in balneo Mariæ fit: aliquando vero vt diximus, & interdum simplex nullo adiecto medicamento: interdum verò adiectis medicamentis, tum calidis, tum soluentibus, vt senna, epithimo, polypodio, hermodactylis: aliquando vero alterantibus calidis, vt betonica, fumo terræ, stechade: nonnunquam vero frigidis, vt endiuia, cichorea, lichene, & aliis variis, vt centuria prima Curationum mearum abunde dixi, in ea præcipuè Francisci Ferreriz curatione. Pari quoq; modo

modo vinum parari potest, primum & secundum, quam nonnulli, absq; ratione eos vellicent medicos, qui primum vinū sirupi vice propinant. Eligendum est enim vinum album odoriferum, vt curatione vigesima octaua prædictæ nostræ Centuriæ, pro quadam muliere Ferrariensi, ad castellum nouum habitante, & colico affectu laborante, disseruimus. Cætera vero quæ de ligno Guaiaco dicuntur, legito apud Huttenum, Manardum, Massam, Almenaram, Mathiolum, Leonicum, Benedictum Victorium Faentinum, atque alios sexcentos, qui de hac re libros in lucem emisserunt. Est quoque hodie radix quædam subtilis, quam quoque ex Peru prouincia superioribus annis repertam Hispani adferre cœperunt, & eam Sacram parillam, sua voce appellitant, quod verbum ego rubum viticosam verterem, ad multos vsus accomodatam, de cuius laudibus, non deerit quoque qui encomium nobis describat. Radicem chynarum capite de calamis attigimus, de qua nos plura in lucem Deo duce mittemus.

Vinum  
guaiacæ.

## DE ROSIS.



Rosa.

Græcè, ρόδον: Latine, rosa: vulgò rosa: Arabicè, Nard, Naron, & vard: Gallicè, Rose: Germanicè, Rosen.

## Enarratio cxx.

**R**osa omnibus est nota, quæ officinis magnum præbet ornamentum, nam ex ea zucarum rosatū conficitur, mel rosatum foliatum, mel rosatum colatum, acetum rosatum, oleum rosatum commune, oleum rosatum omphacinum, electuarium de

de succo rosarū, diarhodon, sirupus rosatus ex rosis siccis, sirupus rosatus absolutè dictus, sirupus rosatus solutiuis, quem mucharū Mauritanī vocāt, iulep rosatū, aqua rosarum, aqua capitū rosarū: seruātur folia exiccata, seruātur capita, seruatur succus ex illis expressu, seruatur quoque flores lutei, vt alia præteream, at quū nō ex vna tantū specie rosarum, hæc conficiantur, consonum erit hic citare nonnullas eius species, nam omnes persequi, vt difficile, ita lectori fastidiosum esset. Sunt igitur quedam rosæ rubræ, crassæ, stypticæ, ex quibus zucarum rosaceum parari debet, nam vt dixi stypticæ sunt, & constringentes: proinde recte quoque sirupus rosaceus, pro fluxu sistendo, ex ipsis siccis cōficitur, quæ quoque siccata pro lauacris seruantur. Sunt quoque aliæ albæ, ex quibus cætera à nobis citata parantur, in Hispania & Flandria in maxima copia repertæ, in nonnullis verò Italiae ciuitatibus, pauca habentur, præcipuè Ferrariæ, vbi illarum loco incarnatis, id est; colorem inter album & rubrum habentibus, vtuntur: quæ dubio procul, Ferrariæ, velut Anconæ & Neapoli, aliisve variis è locis, solutiue sunt, & maxime purgāt, præcipuè si ex illis mel rosaceū foliatū fiat: Nam yncia huius mellis rosacei, cum strepitu, & alui turbatione leui, purgare in corpore mediocri, ter & quater facit, vt millies expertus sum, illud pro laxante medicamento ægrotantibus propinans. Nec enim dicendum est, vt multi medicamenti huius vires ignorantes contendunt, conditum hoc mellis ratione tantum purgare, quum mel coctum parum aut nihil purgat, imò mel crudum ciendi vim habet, quam in coctione amittit, vt Hippocrates testatur libro de morbis qui extra, & Galenus libro tertio de alimentis capite 38. non minus Paulus Aegineta libro primo suæ medicinæ, capite 96. hoc vt solet approbat, inquiens. mel coctum valentius nutrit quàm subducit aluum, non coctum è cōtrario, cui adstipulatur Alexander Aphrodisæus sectione 2. Proble. 66. dicens: mel incoctum tergit & purgat, coctum alere tantū potest. Ex quibus liquido constat, rosas iis vim laxandi & subducendi insitam & naturalem esse, non verò ex melle acquisitam: sed ii nullo rerum vsu præditi, quæ in buccam veniunt tantum effutiunt, veluti philosophi illi, quos Galenus libro de Semine redarguit. Ex iis igitur rosis,

*Rosa incar  
nata solu  
tiua sunt.*

*Mel coctū  
parum pur  
gat.*



rosis, sirupus rosatus solutiuis multarum infusionum di-  
 ctus nobile & securum purgatorium medicamentum pa-  
 rari debet, pro vt hodie in vniuersa Italia magno agrotā-  
 tium iuuamento paratur, qui mea sententia efficacior &  
 nobilior euadet, si aquæ loco, cum rore è celo super ipsi-  
 ros cadente, pararetur, vel saltem super caulibus, ex qui-  
 bus roris vel pruinæ magna copia haberi potest. Sūt præ-  
 terea aliæ rosæ albæ ad citrinum tendentes, paræ pauca  
 folia habentes, quæ fere per totum annum in arbore vi-  
 dentur quas moschatas, quia moschi odorem referunt, vel  
 Alexandrinas vulgus appellat. Hæ verò, odore caput ten-  
 tant, & potentissime aluum subducunt, non minus ac sca-  
 monium, ita vt si sex vel octo acetario folia miscueris, to-  
 tum acetarium purgatorium reddes, & ea de causa ab il-  
 lis, tanquam pernicioso medicamento, naturæ vim infe-  
 rente, abstinendum suadeo. Nam nõ ita pridem Venetis,  
 nobilissima Beatrix à Luna, mulier opulentissima, & om-  
 nium virtutum genere ornatissima, in morbum quen-  
 dam incidit, pro quo iuuando, medicus quidam Venetus,  
 ex prædictis rosis & saccharo conditum parare fecit, vt eo  
 tanquam præstantissimo, & securo purgatorio medica-  
 mento interdum vteretur: at quum primum præclara illa  
 domina, conditum gustare cœpit, faucium & linguæ ex-  
 coriationem cum stomachi rosione contraxit, sed illa du-  
 bitans, num symptomata ea ex morbo, aut condito orta  
 essent, nullam in medicamentum culpam reiecit. Ego ve-  
 rò noscens medicamentum potentissimum & fere vene-  
 num esse, eam monui, ab illo abstineret, nec eo amplius  
 vteretur: putauerat enim liberalissima hæc domina, cõdi-  
 tum illud ex rosis incarnatis à nobis dictis paratum esse,  
 quo alias Anthuerpiæ sæpe vsa erat, ad quam, meis votis,  
 viuente Didaco Mendio huius cognato, & omnium mer-  
 catorum suæ ætatis ditissimo: Sebastianus Pintus, è Fer-  
 raria miserat, velut ad alios principes, tanquam donum  
 præcipuum, & sanitati humane deseruiens, Hæ verò rosæ  
 moschate in Hispania raro videntur: sunt enim albæ sub-  
 citrinæ, similes vt paucis dicam, rosis caninis inter spinas  
 nascentibus, quæ ad summum tria quatuorve folia habêt.  
 Non mirū igitur est, si Hispani his rosis moschatis carètes,  
 dubitent, num incarnatæ à nobis dictæ, quæ & solutiuæ  
 sunt.

*Sirupus ro-  
 satus solu-  
 tiuus.*

*Rosæ Ale-  
 xadrinæ si-  
 ue moscha-  
 te dictæ.*

sunt, & apud ipsos reperiuntur, moschatae vel Alexandrinae dicantur: Sunt enim longe differentes, quum rosa haec moschata, Alexandrina siue Damascena dicta, alba ad citrinum inclinans est omnino fugienda: Incarnata vero rosa, quae inter rubram & albam media est, rubricataque, longe alia est, qua ut praestantissima & nobili soluente medicamento uti suaderem. Quia enim in maxima copia habetur per vniuersam Italiam rosa haec, syrupus rosatus solutiuus, siue nouem infusionum: mirus paratur, adeo ut illius vnicæ tres absque noxa vlla malos e corpore humores pellant. An vero Ieneliabim de rosis Persicis, apud Auicennam prima quarti multis in locis citatum, ex aliqua rosarum dictarum paratur? Respondeo quod non, quia Auicenna ex floribus Persæ arboris, melrosatum, siue ieneliabim, confici suadet: vocat enim flores istos interpretes rosas: proinde ornatae nonnullæ officinae, ex illis syrupum paratum habent, morbis pituitosis admodum conuenientem. Sunt enim flores isti, natura purgatorij, pituitam & lentes humores, ac crassam bilem depellentes. Cæterum, in rosa, partes istæ reperiuntur, cortex, calix, flos, capillamentum, vel capillus, caput, lana, semen, vnguis, folium dempto vngue, de quibus Manardum audiamus, libro quarto. Epistolarum, epistola quadam Hippolyto missa, cuius verba ita habentur: Antiqui in rosa sex partes non nomine tantum, sed viribus quoque; & facultatibus differentes cognouere, quas à recentioribus fere neglectas, non inuile fuerit recensere. Rosam primo diuidunt in folia, flores, & capita, folia in vngues: & id quod exemptis vnguibus remanet. In flore aliud semen, aliud capillus, in capite aliud cortex, aliud calix, ut Plinij verbis utar intelligitur. Vnguis pars illa candida vocatur, quæ capiti proximè adhærens, præcidi à seplariis consuevit, rhodomeli vel rhodofaccarum reliquo paraturis, vndæ rosæ tales exungulatæ solent appellari. Florem luteum illud intelligit, quod foliis circumquaque ambitur separatim in capillum, id est in tenuia quadam fila, & in semen, quod sub his filis lanugine quadam opertum, cortice continetur. Caput autem solidum illud, quod foliis & floribus ceu basibus substernitur. Cuius superior pars, ex qua flos & folia prodeunt proprie caput, reliquum

*Ieneliabim  
de rosis.*

*Persicis  
quid.*

*Flores Per  
sea arbo-  
ris.*

*Rosa fru-  
sex.*

*Rosa tem-  
peratura.*

reliquum calix nuncupatur, hætenus Manardi verba. Galenus porrò lib. viij. de Facult. simpl. medic. de rosa ita tradit: ex aquea substantia calida, duabus aliis qualitatibus mista, astringenti videlicet & amara, composita est: flos tamen, magis quàm rosa ipsa est astringens, ac proinde etiam exiccatorius est.

## DE ROSEIS PASTILLIS.

Græcè, ῥόδῖδες: Latine, rosei pastilli, trochisci è rosis.

## Enarratio CXXI.

Rosei pastilli ad Dioscoridis descriptionem, hodie non parantur. At Paulus Aegineta libro vij. suæ medicinæ, longe aliter pastillos roseos, quam hic Dioscorides, describit, ad arcendos videlicet humorum fluxus, tantum accommodatos, hodie vero pastilli siue trochisci rosei non parantur, possunt tamen parari, veluti è violis, apud Mediolanenses præcipue in vsu frequenti habiti, scamonio & thurbito, ad subducendam aluum ornati: nam diarhodon, à pastillis roseis longe alia res est.

Pastilli de  
violis

## DE LYCIO.

Græcè, λύκιον: Latine, lycium, buxea spina, pixacantha, lycij succus: Arabicè, Hadhadh, Hadad, Kilulem, & felzakarag.

## Enarratio CXXII.

Concretus succus in officinis habetur, quem lycium appellamus, quod an Dioscoridis lycio respondeat, collatione facta, iudicabitur. Est igitur lyciū apud Dioscoridem optimum, quod igne accenditur: nostrum vero, vt expertus sum non acceditur, item Dioscoridis lycium, intus rubricat: nostrum non rubricat, nec rufescit, quibus adde, Dioscoridis lycium, in gustu amaricat: nostrum vero non amaricat, vt in totum fateri est, lycium hoc, in pharmacopolarum officinis habitū, diuersum esse, à Dioscoridis lycio. Sed quid hoc nostrum lycium sit, aut vnde colligatur, variant testes. Quidam succum ex baccis ligustri expressum esse dicunt, alij ex baccis matris syluæ potius

Lyciū Dio-  
scoridi,  
non est vul-  
gare lyciū.

potius contendunt: vtcunq; tamen fit, nostrum hoc commune adulterinum & minime syncerum est, proinde suaderem, vt lycij veri loco, pharmacopolæ, amurca æneo vase incocta, aut sumachio vterentur, vt ex Dioscoridis præceptis, capite de amurca, & rhu, percipitur, vel saltem lycium ex radicibus rhamni, ad Plinij mentem pararent. Sic enim Plinius libr. xxiii. cap. 14. inquit: huius radice decocta, fit medicamentum quod vocatur lycium. Satius tamen erit, vero lycio vti quod ex Lycia prouincia, facile Venetias adducere quis poterit, quum Alexandria iuerit. De cuius viribus ita scribit Galenus li. vii. de Facul. simp. medic. lycion arbor est spinosa, ex qua lycium fit, medicamen id liquidum, quo ad sugillata, sedis orisq; phlegmonas, vlcerationes, herpes, putredines, vlcera contumacia, aures pure fluentes, intetrigines, & paronychias vtütur: est enim facultatis exiccatoriae, compositum ex diuersi generis substantiis. Altera quidem tenuium partium, digerente atq; calida: altera terrestri & frigida, ex qua astrictionem exiguam obtinet. Digerit & siccatur in secundo ordine, in calore autem mediis est proximum. Est porro lycium Indicum ad omnia valentius.

## DE ACACIA.

Græcè, ἀκασία: Latine, Acacia, spina Ægyptia, frutex gummi Arabici: Hispanicè, arbor de la goma arabica: Italicè, acacia. Arabicè, E-hachie.

## HVIVS SVCCI SVC-

## CEDANEVM.

Succus syluestrium prunorum: Hispanicè, cumo de endrinas montifinas de Abrunhos montesinhos: Latine, succo di bruni, saluatici: Germanicè, Schlehen. Gallicè, Jus de prunelles.

## ENARRATIO CXXIII.

EXtrahitur ex Acacia arbore spina dicta Ægyptia, succus, eiusdem quoq; nominis cum ipsa arbore, quem Andromachus primus cyaneam lachrimam vocauit, & eo hoc nostro tempore officinæ carent, cuius loco, succo

*Acacia.*

succo prunorum syluestrium merito vtuntur, præcipue, vbi opus est infrigidare, constringere, & repercutere, illum potissimum in orbes redigentes & exiccantes. Cæterum de acacia ita prodit Galenus: *Acacia* & planta ipsa acerba est, & fructus & succus, qui lotus acrimoniã deponit, porro si parti illinatur protinus eam sicciorem ac contractam reddit, estq; tertij ordinis exiccantium, & secundi refrigerantiũ, vbi quidem elotus fuerit, alioqui si illotus sit, primi. Est autem consisten-

tia terrens, habetq; in se partes quasdam aqueas, nec non alias tenues & calidas: hæcenus Galenus. Ex arbore porro acaciæ, gummi absolute dictũ emanat, quod Arabes, gummi Arabicum vocant, cuius tres differentiæ à Dioscoride notantur. Nam bonitate excellit gummi, quod lumbricorum figura est, vitri modo pellucidum, & transparent, minus bonum candidum est: tertium vero, cæteris peius, quod resinosum sordidumue est. De hoc vero gummi absolute dicto tradit Galenus libr. vii. de Facult. simpl. medic. ad istum modum dicens: lachryma est concreta in truncis arborum ipsam præducentium, estq; exicatoriæ & emplasticæ facultatis, asperitatibusq; medetur.

*Gummi absolute, gummi Arabicum est.*

### DE AMURCA.

*Græcè, ἀμύργη: Latinè, amurca: Hispanicè, Lusitanicè, ago à ruca, alpechim: Italicè, lamorca del oglio.*

#### Enarratio CXXIII.

**A**murca non olei fex est, vt quidam putant, sed potius aqua quædam, quæ quum oleũ ex oliuis exprimitur, ipsa

ipsa subdit & residet, atq; in cortina subtorculari, vbi oleum defecatur, foramine disposito, depellitur, & oleum purum & syncerum manet. Hæc vero aqua amurca dicta, æneo vase decocta lycij vice apponitur, de qua Galenus libro vj. de facultatibus simplicium medicamentorum ita differit: ex secundo est ordine calfacientium, at siccantium intenso quodam modo magis, terrestris substantiæ quum sit. Sic & vlcera corporum temperatura siccorum curat, quæ vero in aliis omnibus sunt exasperat, perinde vt resina, pix sicca, & bitumen.

## DE VITICE.

Græcè, ἄγνυς & λύκος: Latinè, agnus, vitex: Arabicè, samanchest, Samanchest, & Bengiechest, Hispanicè, gatillio casto, pimentero syluestre: Italicè, agno casto: Gallicè, agnus castus, Germanicè. Schaffs mulle & Keus chlamp.

## Enarratio cxxv.

**A**gnos siue lygus, aut vitex, Arbor quam vulgus agnum castum appellat est, quanquam nostri veluti alij piper agreste, non inepte eam nominant, quum eius semen sapore piperi sit simile. De quo Plinius eadem fere cum Dioscoride fecit verba, libro xiiij. cap. 9. dicens: non multum à salice vitilium vsu distat vitex foliorum quoq; aspectu, nisi odore gratior esset, Græci lygon vocant, alij agnon, quoniam matronæ Thesmophoriis Atheniensium castitatem custodientes, his foliis cubitus sibi sternunt. Duo eius genera, maior in arborem salicis modo assurgit, minor ramosa foliis candidioribus, lanuginosis, prima album florem mittit, cum purpureo, quæ & candida vocatur: nigra quæ tantum purpureum. Cæterum agni casti semen, genituram & gonorrhœam extinguit, nec tantum epotum semen: sed etiam si folia & furculi, in cubili substrauerint. Vnde Paulus sapientissime lib. j. suæ medicinæ, cap. 38. quo de feminis redūdantia agit, præcipit, vna cum refrigerantibus herbis, viticis teneros furculos substernendos, est vero arbor hæc agnus castus siue vitex dicta, alia longe à salice Amerina dicta quam Hispani arboré Paradisi appellant. De cuius viribus Gale-

Viticis  
duo gene-  
ra.

Salix Ame-  
rina dis-  
fert à viti-  
ce.

nus libro vj. Simplicium ita inquit: Agnos, aut vitex, fruticosa illa planta, calidus quidem & siccus est tertio ordine, verum multum tenuis substantiæ, tum gustu acris simul & astringens, ipsas tamen vitices ad medicinam habet inutiles, ceterum folia, semenq; & flos, calida siccaque sunt facultate, nec nõ tenui substantia, quare sæpe nobis sunt vsui, porro semen edēdo est, tam perspicuo tamen calfacit, vt capiti dolorem hoc nomine pariat, quanquam si id frigatur, minus caput tentat, vtcunq; tamen sumatur flatus ventris discutit, præterea tum semen, tum flos, tum folia, venereas intemperantias compescunt, quare nõ tantum esa potaque conferre ad castitatem videntur, verum etiam subtracta, vnde planta ipsa. agnos, hoc est casta vocatur. At ruta quàm agnos magis quidem excafactoria & exiccatoria existit: ad hæc, agni quidem semen ac germina, modicam astrictionem ferunt, aut ruta vbi aruerit: exacte amara est, & acris: quàm diu verò humida fuerit, subamara: Nulla tamen austeritas aut acerbitas illi inest, aut illa certe obscurissima, quocirca & ad iecur & lienem indurata & obstructa, agni semen potius quàm rutæ competit: præter dicta autem agnus & menses mouet, & indurata digerit, & lasitudinem tollit.

## DE SALICE.

Græcè, *Ιτέα*: Latine, *salix*: Hispanicè, *salze*, *salgueiro*, Italicè, *salice*, *salcio*: Arabicè, *Bulef*, *Bhulles*, *saffaf*, vel *Chalif*, Theutonicè & Germanicè, *Vvilgenbon*, *Vveiden*, & *Felbinger*: Gallicè, *Saulx*.

## Enarratio CX XVI.

**S**alix arbor vbiq; nota est, cuius species, nonnullæ habentur, quas Plinius prosequitur lib. xvj. cap. 37. & lib. xvij. cap. 20. Nec enim vsus salicis sic à medicis contēnendus est, quum tam multis & magnificis polleat viribus, vt ex subscriptis Galeni verbis apparet, quæ è lib. vj. Simplicium ita habent: Salicis foliis ad cruenti vulneris glutinationē vti possis: verū floribus eius maximè prope omnes vtuntur, ad exiccātis emplastri præparationem. Est enim vis eorum ita desiccatoria, vt morflu abstineat, habet vero

*Salicis flores maximè exiccātē*

*Salix.**Sylvestris olea.*

etiam quandā astringē-  
nē, porro succus expres-  
sus, medicamen exicca-  
torium existit, experitq;  
mordacitatis. Nec enim  
inuenias aliquod medi-  
camen ad plures res vti-  
lius eo, quod citra mor-  
dacitatem exiccat, ar-  
boris cortex similem  
facultatē obtinet, tum  
floribus tum folijs, nisi  
quod tēperaturę siccio-  
ris existit, veluti omnes  
cortices: etenim cinere  
corticis macerato in  
aceto, nonnulli cal-  
los, atque myrmecias  
tollunt,

### DE AGRESTI OLEA.

Græcè, ἀγροειδία ἀγρο-  
ειδίου, κόνινος ἢ ἀγρο-  
πῖ: Latine, olea agre-  
stis, oleaster: Hispani-  
cè, azcbuche, az am-  
buyero: Italicè, olina-  
stro: Gallicè, oliuier sau-  
uage, Germ. V yilder  
œlbaum,

Enarratio cxxvi.

**A**grestis olea, olea-  
ster, folijs amarus  
est, quo primus Hercu-  
les coronatus fuit, vt te-  
statur



statutur Plinius lib. xvj. cap. ultimo: sed hic animaduertendum est, quod folia & flores oleastri, cōbusta, pro spodio, vsurpantur, vt varia alia ab Arabibus inuenta.

COLYMBADES, ID EST SAL-  
SAE ET CONDITAE OLIVAE.

Græcè, κολυμβάδες, ἄλμιάδες: Latine, Colymbades, oliua condita, vel conditiua: Hispanice, azetunas de conferua, azetionas de salmoura: Italice, Oliue condite.

Enarratio CXXVIII.

Colymbades, conditæ salsaeque oliuæ sunt, quas prima mensa, vt appetentiam excitent, lauti diuitesque sumunt: Vnde Paulus libro primo suæ medicinæ, cap. 81. de illis ita prodit: Ex oliuis drupæ stomacho aduersantur, crassi humoris, efficaces muria cōditæ, & colymbades, si ante cibū sumatur, appetentiā faciūt, & aliuū subducūt, ac magis quæ ex aceto & oxymelite, præparatur, hæc ille. In quibus, adnotandū est, quod oliuæ duplè, virides absque cōditura vlla dicūtur, quæ crassum & pessimū præbēt nutrimentum: quæ porro muria condiūtur, quas halmadas, ab ἄλμυ, muria significatē vocat, efficaces sunt, non minus ac colymbades, vt hic deprehēdere licet, Paulū differentiam posuisse, inter almadas, hoc est, muria cōditas oliuas, & colymbades, quanquā plures alij grauissimi authores, nullū inter illas discrimē ponant, si quis tamen plures & varias oliuarum cōdituras scire desiderat, legat Palladiū, & Columellam, apud quos, colymbades dicūtur, quia innatent, & quasi vrinabundæ fluitent.

Oliua drupæ quæ.

Colymbades curdita.

DE OLEO OLEASTRI.

Enarratio CXXIX.

DE isto verò abunde inter Olea diximus, Proinde illinc repetere.

DE AETHIOPICAE

OLEAE LACHRYMA.


Græcè, δάκρυον αἰθιοπικῆς ἐλάίας: Latine, lachryma oleæ Aethiopica: Vulgò, gummæ elemi.

## Enarratio cxxx.

Gummi ele  
mi.

**D**icitur hodie gummi elemi, corruptè, quasi olea, quòd  
revera olea Actiopica lachryma esse debeat, quare ve  
rò in officinis hodie habetur, iucundi sane si prunis inie  
ceris, odoris est: quare an vera vel falsa sit, dubitatur, quia  
gummi huius arboris cum scamonio affinitatem & simi  
litudinem habere debet, quam tamen gummi helemi offi  
cinarum non habet, imò vt resina aut aliquod aliud gum  
mi est, vt iure censendum sit, vero gummi olea Aethiopi  
ca nos carere: quale tamen commune officinarum sit, mi  
rum in capitis vulneribus habetur, qua de causa ex eo, &  
vnguentum & ceratum à pharmacopolis concinnatū ha  
betur. Huius porro loco nonnulli officinarum mangones  
hederae gummi, non sine ægrotantium detrimento ac  
cipiunt.

## DE QUERCIV.



Quercus.

Viscum quercinum.

Græcè, δ' πύς: Latine, Quercus, robur: Hispanicè,  
robre: Lusitanicè, carualho: Italicè, quercia:  
Gallicè

*Galicè chesne: Germanicè, Eychbaum. Arabicè, Chullot bullet, vel Beluth.*

## F A G V S.

*Gracè, φρυός: Latine, Fagus: Hispanicè, haia arbore: Italicè, faggio, faggiuola: Gallicè, fau: Germanicè, Buoch, Buochbaum. Arabicè, Chinaos, vel Chiachas.*

## I L E X.

*Gracè, πηλώ: Latine, Ilex: Hispanicè, Anzina arbore, anzinheira: Italicè, elice: Gallicè, hons aut housson, Germanis ignota. Arabicè, Barbes, vel Carmas.*

## Enarratio CXXXI.

**D**RYS vox æquiuoca est, omnem arborem glandiferam comprehendens, vt ex Dioscoride in præsentia comprehenditur, quum dicat: astringendi vires quercus omnis habet, proprie tamen drys quercus est, suaues & dulces glandes ferens, quam nonnulli, etymodryn id est veri quercum appellant: nam communis quercus insulas, & subis gratas glandes producit, cuius Dioscorides, tanquam species, fagum & Ilicem numerat, quod tu intelligas velim, viribus: secus autè figura, quum multum inter se differant. Nam fagus arbor est, quæ licet fructum glandi, figura & forma similem nō habeat, glandiferis tamen annumeratur arboribus, quum fructū ferat viridem aculeatum, intra quem glans dulcissima, triangulari figura includitur, subtili quodam cortice ad ruffedinem, cum quodam splendore, veluti in castaneis videtur, cooperta, quam glires & mures audissime comedunt, & à turdis maxime expetitur: qua quoq; homines in victu tantum assumpta, diu vixisse feruntur. Ilex verò arbor est similis granam ferenti quæ vt diximus procerè crescit, nonnulli tamen ilicem, maius suber esse crediderunt, sed falso: quum maius suber arbor magnæ proceritatis sit, & ex qua cortices virides & sicci, variis rebus accommodati extrahantur, nam medius cortex, quem viridem appello,

*Drys vox æquiuoca.*

*Fagus.*

*Ilex arbor*

Arbores  
glādisfera.

colore rubrum, à coriatiis Hispaniæ pro præparandis  
bubulis coriis vsurpatur, exteriores vero cortices siue sic-  
ci, pro cooperiendis domibus tegularum loco variis in  
locis accipiuntur, veluti pro conficiendis aluearibus, &  
crepidis, ac foccis ornandis. Hæc vero admodum glan-  
difera est, vt plures aliæ arbores, porcis dicatæ, vt sunt,  
ceruus, ægilops dicta, esculus, platyphyllos, & roboris  
varia genera, quæ omnia constringendi vires habent,  
adeo vt Galenus roboris foliis, vulnus securi inflictû glu-  
tinasset, quum eo tempore nullum aliud ad manus adesset  
medicamen, sic enim ille tradit libro sexto de Facultati-  
bus simplicium medicamentorum. Exiccandi, astringen-  
di que possidet facultatem cum mediocri quadam tepida-  
que caliditate: cæterum plus cæteris eius partibus astringit,  
quæ in trunci cortice membrana subest, tum quæ  
ipsius fructus conuestit carnem, quamobrem ad proflu-  
uium muliebri, sanguinis exuptiones, dysenterias:  
& diurnos ventris fluxus eam esse credunt accommo-  
dam, valentius autem astringunt fagus & Ilex: quarum  
plantarum folia tenella illita non instrenue desiccant,  
nec non vulnera glutinant, eandem foliis vim habet &  
fructus roboris, eoq; medici nonnulli vtuntur ad inci-  
pientes atq; crescentes phlegmonas.

## DE CASTANEIS.

Græcè, βάλαν Ⓞ σαρδιανή, λόπιμον, κάστανον, μέτρον,  
καὶ διὸς βάλαν Ⓞ ἡ ἄμωστον Ἀιθε. Latine, glans  
Sardiana, glans Iouis, castanea: Vulgo, castagna:  
Gallicè, Chataigne: Germanicè, Castanien, oder  
Kestlen.

### Enarratio cxxxii.

**C**astanea echinis inclusa nascitur fructus vbiq; no-  
tus, cuius differentiæ plures habentur, quas persequi  
superuacaneum arbitror, dicitur tamen castanea, glans  
Sardiana à Græcis, quia primum Sardibus vrbe Asiæ  
inuenta. Hæc verò, vt tradit Galenus, libro de Cibis boni  
& mali succi, si in ventriculo concoquatur, efficaciter  
nutrit,



Castanea.

veniunt, quum id genus pane frequentissimè vtantur.

nutrit, crassiq; nunquã  
tamen mali succi est.  
Quibus verbis instru-  
ctus Rabbinus Moses  
de Aegypto, castaneã in-  
ter præstantissimos fru-  
ctus adnumerauit: fla-  
tuosa tamè castanea est,  
quæ sub cineribus cocta  
flatum amittit, & opti-  
mum; licet sicum, præ-  
bet nutrimentum, modo  
vel saccharo; aut pipere,  
vel sale comedatur: exi-  
cata porro ad fumum  
castaneæ sanguinem è  
pectore fluentem sistunt,  
ex quibus variæ gentes  
annonæ penuria panem  
parant, inter quas Ligu-  
res præcipuè nominadi

Rabbinus  
Moses.

Panis ex  
castaneis  
paratur.

## DE GALLA.

Græcè, γαλλίς: Latinè, galla: Hispanicè, galha, bugal-  
ha: Italicè, galla: Gallicè, noix de galle: Arabicè,  
hafs vel hafus: Germanicè, Gallœpfel, & Ey-  
choepffel.

## Enarratio CXXXIII.

**F**ert quercus & eius species, glandem & gallam quæ ex  
Syria præcipue affertur, parua, rotunda, in longũ ten-  
dens, crebris foraminibus perforata, atramèto scriptorio  
conficiendo aptissima: nam optima, succosa sit oportet,  
plena, grauis, styptica, qualis Anconæ apud Italos, & Ca-  
stello Albo propria patria nostra apud Hispanos nascitur  
vnde suaderem, quum galla vti opus fuerit, hac potius re-  
centi, quàm siccata illa Syriaca, vterentur, quum recens  
omphacitis acerbior & valétior ad omnia, vt diximus, sit.

Galla opti-  
ma.

*Galla tem  
peratura.*

Est præterea gallæ alia species, magna, circulo veluti corona circûdata, caput vitulinum figura repræsentans, non adeo tamen vt altera acerba, ex qua pauperes coronas pro numerandis preculis conficiunt. De quibus omnibus Galenus libr. vij. de Facul. simpl. medic. memoriam facit, dicens: Galla, quæ omphacitis dicitur, admodum acerbum est medicamen, pleraque sui parte essentia terrenæ & frigida, valde desiccatur, repercutitq; fluxiones, est verò tertij in desiccando, secundi autem in refrigerando, ordinis. Altera autem galla, flaua illa & magna, laxa; & ipsa desiccatur quidem, sed tanto minus, quanto minus acerbæ qualitatis est particeps. Cocta itaque ipsa per se in aqua, aut si magis astringere vis, in vino aliquo austero, ac dein trita, cataplasma est non instrenuum sedi inflammatae, procedentiq; Gallæ cõbustæ, extinctæq; in aceto aut vino, sanguinis reprimendi falcutatem acquirunt.

### DE RHV OBSONIORVM.

*Græcè, ῥῆς καὶ ῥυβῆς ῥῆς: Latine rhus, rhus obsoniorum, rhus coriariorum, sumach: Hispanicè, sumach, sumagre: Italicè, sumach: Gallicè, sumach. Arabicè, sumach, Adurion, Rosbar sadisticos & rosaidicos.*

#### Enarratio CXXXIII.

*Sumach.*

**R**HUS cuius semen rubricans, & durum conspicitur, & olim piperis loco obsoniis deseruiebat, frutex coriarius, siue vt Columellæ placet, futoria rhus est, quã officinæ hodie sumach Arabica voce appellant, quãquam Plinius latino nomine olim carere tradat. Is enim frutex, exactissime à Dioscoride describitur, quo & nunc in puluerem redacto, coriarij totius Hispaniæ, pro spissandis & apparandis pellibus calceorum vruntur, non minus ac illius loco, Itali coriarij calicibus glandium, ex Chio insula & Aulone apud Epirum, aduectis. Est proculdubio sumach, frutex omnino astrictorius, dysentericis, & aliis intestinum fluxionibus conuenientissimus. Qui mea sententiâ, ros siue succus Syriacus non est, tamen si Manardus, contra Crinitum credentem rorem Syriacum mannam esse, ita

ira id esse cōtendat, epistola quarta libri primi, in qua Cornelium Celsum ab errore vindicare conatur. Sed quòd ros Syriacus, rhus obsoniorum non sit, satis liquet: quia ros Syriacus, siue Cyrenaicus aut Medicus dictus, laserpitij succus est, omnes succos caliditate & tenuitate exuperās, vt Galenus lib. viij. de Facul. simpl. medic. testatur, & Dioscorides ante illum, libr. iij. capit. lxxxv. dixit. At Rhus, id est sumach medicamen ex tertio ordine exiccantium, ex secundo verò refrigerantium est, vt ex Galeno percipitur loco citato. Proinde Manardum non minus ac Crinitum in hac re errasse, certum est: Alter, quia per rorem Syriacū silphij verum succum, mānam intelligit: alter verò, rhum, sumach dictum. Sed hic ad memoriam reuocandum est, quòd decoctum rhus ac ad mellis crassitiem redactum, ad ea valet, ad quæ lycium, vt Dioscorides in præsentī loco docet.

Ros Syriacus.

Manardus &amp; Crinitus.

## DE PALMA.

Græcè, φόνιξ: Latinè, palma, dactylorum arbor: Hispanicè, palmera: Italicè, palma: Gallicè, palme: Arabicè, Machla, Nachal: Germanicè, Palmbaum,

## FRUCTVS PALMAE.


Græcè, φόνικες, καρῶτιδες, βάλαυ & fœmin. Πύλ, Mascul. Latinè, caryotas, dactyli, palmule. Hispanicè, tamaras, datiles: Italicè, dattoli: Gallicè, Dattes, figures royales. Arabicè, Tamar. Germanicè, Datteln.

## Enarratio cxxxv.

**P**Hœnix tam arborem quàm ipsius fructum significat. Est enim palma arbor caryotas ferens, cuius varia & diuersa sunt genera, in Africa, Iudæa, & Aegypto, veluti vbi sabulosa & nitrosa terra est, prosperè nascens, tantæ generositatis (vt Gellius tradit) vt huius arboris lignum ponderi nō cedat, sed sursum eleuare nitatur: qua de causa victoriæ signum habet, quoniam huiusce naturæ est, vt vtgentibus, opprimentibusve non cedat. At reuera, nos,

Palma arbor.

Dactyli.



Palma.

Dioscori-  
des myro-  
balanum  
vont.

myrobalanis similes facit, & illis quidem in Arabia nascentibus, quod vnum animaduersum velim, vt hinc omnes noscant, sciantve, Dioscoridem, myrobalanos communes nouisse. Mirabuntur forsitan multi rei nouitate quum hæc legerint, sed desinant rogo mirari, quousq; ex integro sententiam nostram tenuerint, sunt igitur ex Dioscoridis sententia, palmulæ caryotæ, similes myrobalanis, in Arabia nascentibus. Sed qui ij sint myrobalani in Arabia nascentes, discamus, vt inde rem plenè teneamus. Nam hucusq; omnes, qui hac de re commentati sunt, per myrobalanum, glandem vnguentariã intelligunt, de qua quarto libro sermo habendus est: omnes voco, Hermolaum Barbarum, Ruellium, Marcellum Virgilium, Marnardum, Leonicum, Antonium Musam Brasauolam, Mathiolum, Ioannem Agricolum Ammoniu, ac Leonardum Fuchsiu. Sed quod in præsentì loco per myrobalanum, glandem vnguentariam intelligere non debemus, vel ex hoc tantum probatur, quia glans vnguentaria, siue myrobalanus, auellanæ angulari, figura & magnitudine respondeat, vt testatur Dioscorides, & experientia

velut Antonius Musæ Brasauola prius expertus fuit, quæ de hoc ligno tradita sunt falsa esse comperimus, nec enim cõtra pondera innititur, aut recuruatur, imò experientia indicat lignum hoc debile esse. Verum, palmulæ siue dactyli, omnibus noti sunt, esui conuenientes, ex quibus conditum in officinis paratur, diaphænicon dictum, educendæ pituitæ accommodatum, quo frequentissimè omnes vtuntur medici. Dioscorides, in præsentì capite dactylos



rei id ita indicat: nec verò cum palmulis affinitatem aliquam habet, vt liquido cõstet per myrobalanon Dioscoridem rem similem dactylis intellexisse, non vero myrobalanon, glandem vnguentariam dictam. Sed quæ hæc myrobalanus dactylis similis, ac semidigitalis magnitudinis sit inquiramus, quum illa proculdubio, quam Dioscor. intelligit erit. Sunt enim myrobalanorum omnium species quinque, ex arboribus dissimilibus lectæ, quas percurrere, alienum non erit, vt saltem videamus, an aliqua earum cum palmulis conueniat. Est primo, myrobalanus citrinus colore, oblongus, intus os habens, similitudinem quandam cum dactylis paruis habet, vt non ab re fuerit allerere, dactylos iis similes Dioscoridem fecisse, sed esto non ita sit, ad secundam speciẽ accedamus. Myrobalanorum, qui chebuli dicuntur, ex fusco rufescentes, carnosissimi, pingues, semidigitales, adeo dactylis similes vt merito Dioscorides ipsi dactylos persimiles fecerit, quum ita inter se conueniant, vt magis inter ouum & ouum conuenire non possit, vt collationẽ facienti manifestum erit, nec enim, credo, erit vllus tam *μυροβ*, aut ceruicosus refractariẽque pertinax, qui ab hac nostra vellet discedere opinione.

LVD. quod equidem meminerim hucusque nunquam apud aliquem legi, qui dixerit, Dioscoridem myrobalanorum meminisse, imo omnes inter res nouas, & ab Arabibus inuentas, & in vsum medicum adductas hucusque connumerarunt. AMA. Verum fateris, quum nullus huc vsque adaperuit, neque literis mandauit, quod Dioscorides nostros communes myrobalanos nouerit, quia quum myrobalanum legebant, glandem vnguentariam, quam myrobalanum vocant, intelligebant, parum alioquin aduertentes, Dioscoridis collationem, quam inter palmulam & myrobalanum facit. LVD. perinde ac si eos non nouisset dixerim, quum eorum vires ignorauerit. AMA. ea de causa Arabum inuentum myrobalani dicuntur, quia prius illis vsu fuerunt, & in actum practicum traxerunt.

*Myrobalanus quinque species.*

LVD. de iis præceptores nostri Salmanticenses parū nos instruxere, imò eos qui de simplicibus curam habebant, simplices appellabant. A M A. vera narras, sed eorum vnus hodie superstes, vt audio respiscit, & ad bonas literas & Galeni doctrinā comparandā enixissime operam dat, nec veretur id fateri, vt discipulis suis exemplo sit. LVD. Ita se res habet, & cito speramus, vt herbaria medicina apud Hispanos iam in pretio haberi incipiat: ita quoq; anatomix erit, absq; qua Galenū intelligere, vt nosti, impossibile est. A M A. quantum ad anatomix cognitionem attinet dubito, quum piaculū sit corpus humanū mortuum apud Hispanos disseccare. LVD. noui, sed isthęc missā faciamus ne in Hispaniæ sanctimoniam incidamus, de qua differere longum profecto, nec minus tædiosum esset, & myrobalanorum cæteras species enumerare ne graueris. AMAT. Tertia species myrobalanorū accedit, qui Indici dicuntur, oliuam figura referētes, nullum os intus habētes: quibus quartā adiungere est, in qua emblicos reponamus, qui potius per fragmēta quā integri ad nos vehuntur. Quinta demum species, belerici sunt, rotundi, magnarum auelanarum magnitudine, qui non minus ac chebulis saccharo conditi ex India ad nos portantur, caput apprime roborantes, veluti stomachum, & alia viscera. Citrini bilem fugant, Indi atram: cæteri pituitam. De quibus iuabit legere Mesuem inter Arabes, & Actuarium inter Græcos. Scire tamen licet antea quā ab isto discedamus loco, quod ossa palmularum & chebulorū vsta, spodij vice valent, vt ex Dioscoride in præsentia deprehenditur.

Myrobalanorum vires.

## DE PALMVLA THEBAICA.

Græcè, φόνιξ Θεβαϊκή: Latine, palmula Thebaica, tamarindus: vulgo, tamarindo.

Enarratio CXXXVI.

Tamarindi.

**T**hebaica palmula, ea est, vt mea fert opinio, quā officinæ, Mauritana voce, tamaridā vocant, idem enim est tamar, ac dactylus vel palmula, vnde tamaridum, idem est ac si dicatur, palmula Indica, ex qua vinum olim apud multos populos parabatur, hodie verò in Persia ex palmulis iis

lis iis Indicis contusis & optime salitis succus exprimitur, quo vniuersa Persia, Arabia, & India, aceti loco vtuntur, imò sic saliti tamarindi & contusi plerunq; ad nos veniunt, quos ego maxime detestor, quum ob insitam saliflaginem sitim incitent, & febrem augeant. Quum igitur tamarindis vt opus fuerit, integros & non salitos eligendos curabis, quia integri ac non saliti febrem minuunt, sitim arcent, & aluum subducunt, quæ omnia saliti perditata habent. Sunt porro tamarindi vt placet Mesue frigidi & sicci in secundo ordine, vel vt Auerroi, in tertio.

## DE ELATE.

Græcè, ἐλάτη ἢ πωάθη: Latine, elate, nux Indica: Hispanicè, coquo: Italicè, noce de la India: Gallicè, noix d'Inde.

## SECUNDVM GALENUM.

Ἐλάτη ἐγκέφαλος: Cephalio, palmitis, palma agrestis: Hispanicè, palmitos: Italicè, præsertim in Sicilia, cephalione:

## Enarratio cxxxvii.

**T**Am clare, tamq; manifeste Dioscorides in præsentia *Elate nux indica est.* per elatem nucem Indicam intelligit, vt nõ magna opus sit digressione, sed quòd ita res habeat paucis indicemus. Primo, nux Indica quæ ex India in Lusitaniam, & inde in varias orbis regiones distrahitur, & eam in officinis pharmacopolarum tanquam spectaculum prætereuntium suspensam habent, ex palma arbore colligitur, quæ apud Indos, veluti apud insulas Capi viridis prospere crescit, fructus magnitudine capitis humani: qui ideo nux dicitur, quia nucem figura referat: & Indica quia primo ex India vesta fuerit. Hæc igitur nux Indica primo, cortice crasso vestitur, sub nigro, ad ruborem inclinante, qui etsi superficie durus, callosus, & tenax sit, intus tamè mollis videtur, et capillato inuolucro textitur. Is primus huius fructus cortex est, quem Dioscorides inuolucrum & operimentum fructus palmularum vocat, qui quum recens est, ex se subgrauem mittit odorem, & astringendi vires obtinet, quo de-

posito

posito, fructus occurrit rotundus oui anserini magnitudinem & maiorem habens; cortice coopertus crasso, lignoso, ad ruborem declinante, intra quem medulla seruat, parte exteriori, eiusdem coloris cum cortice, nã eius interior pars, lactea est, cõcaua, aquam in pretio habitam continens: hunc vero corticem Dioscorides quoque elaten vocat, veruti borassum alij, in quo foramina quædam, simiæ figuram repræsentantia, conspiciuntur, ob quæ nux hæc à Lusitanis, quoque appellatur, voce qua mulieres pueris metum inducere solent. At medulla interior, quam Dioscorides cor appellat, candidi est coloris, in parte vt diximus interiori, cibo gratissima, multum genitalis seminis gignens, qua de causa multis conditis ad irritandam venem dicatis, miscetur. Dicitur autem arbor hæc, siue palma fructum istum ferens, à multis, pauperis refugium, ob id quod multis & variis abundet donis, nam ex ea fructus dictus colligitur, qui quum recens & viridis est, lanha appellatur, tantæ suauitatis, ob aquam intus contentam, vt Deorum ambrosia à multis dicatur: macilentos enim & graciles, obesos reddit, cuius aqua à mulieribus maxime pro facie decoranda expetitur. Fiunt quoque ex corticibus huius fructus, pocula, quibus inauratis, vel argento ornatis, nobiles vtuntur, parantur quoque ex ista arbore, chordæ, non minoris prætij ac bonitatis quam quæ ex canabe conficiuntur. Fluit quoque arboris huius (caudice perforato) succus, qui vini loco habetur, & postea in acetu euadit: nam quum musteus est, ad ignem coctus, mel vel sapa redditur, destillat quoque ex ista arbore liquor olei munia supplet: de quo & melle Dioscorides simul tanquam ab eadem arbore emanantibus, mentionem fecit, capite de elemelle: in quo non de vna agit re, sed duabus potius, oleo scilicet & melle, vt ibidem quoque adnotauimus. Attamen, ne in huius arboris donis diuager, in summa dicam decem vel vndecim res, ad vsum humanum accommodatas ex ea colligi, vt merito pauperum refugium dicatur, quia quum pauper vnã vel alteram, huius palmæ arborem possidet, illico miseram pauperiem effugisse creditur. At Plinius, per elatem arborem quandam abietem dictam intelligit, vt lib. xij. capite vltimo, qui de ea ita disserit: Est præterea arbor ad eadem vnguenta pertinens, quam alij elaten vo-

*Arbor elata.*  
32.

*Plinij elata  
se abies  
est.*

eant, quod nos abietem: alij Palmam: alij spathen. Galenus  
 præterea per elaten non nucem vt Dioscorides, aut arbo-  
 rem, vt Plinius, intelligit, sed palmæ tenellum quoddam  
 germen, encephalon, id est cerebrū, vel medullam intra se  
 continens, dictum, quanquam & encephalos planta repe-  
 riatur parua, à nonnullis cephalio nuncupata, quam vocē  
 hodie Neapolitani seruant, eam cephaglion vocantes: Lu-  
 sitani verò nostri, simul ac reliqui Hispani, palmitem vel  
 palmitum appellant, quam Viues in colloquiis agrestem  
 palmam nominat, nescio quem secutus authorem. L V-  
 DO VICVS. Hanc ipsam plantam quam Galenus intel-  
 ligit, & Dioscoridem intellexisse, scholasticis meis, quum  
 publicè Colimbrię interpretarer, sæpe dixi. A M A T V S.  
 Scio certe, quum nos duo è Salmanticēsi, nobili apud Hi-  
 spanos gymnasio, in Lusitaniam reuerteremur, te publicè  
 medici nam apud Colimbrienses, regis mandato legisse,  
 imò ibidem tibi in eo munere primas delatas recordor.  
 Sed ego relicta Lusitania, vt qui ab hinc decem & octo an-  
 nis præfagieram, quæ nunc euenisse audio, regios contem-  
 psi honores, & in Anthuerpiam me recepi, vbi septēnium  
 egi, & inde Illustrissimi ducis Ferrariæ Herculis secundi  
 iussu, Ferrariam veni, sub cuius clientela sexennium mo-  
 ratus sum, vbi quoq; publice artem medicam professi su-  
 mus: & multa à viris doctissimis, in re anatomica & her-  
 baria didicimus. L V D. vtinam eo tempore tecum sen-  
 tiissem, nec in illo regno tam longam traxissem moram,  
 vt Germanorum mores citius dignoscere potuissem, qui-  
 buscū hodie Anthuerpiæ felicissimè diuersor. A M A T.  
 Sunt certè Germani viri probi & doctissimi, Germanos  
 dum dico, simul & Belgas illos, qui nunc Brabanti, Bataui  
 & Flandri appellātur, intelligo: de quibus aliās, nunc verò  
 ad nostrum encephalum reuertamur, quod tu Dioscoridis  
 elaten esse putas, L V D. ita certe autumo, quum quoq; il-  
 lius descriptioni, Galeni encephalos siue elate respondeat.  
 A M A T. quòd res ita se habeat, apparet, imo tecum sen-  
 tio, quòd Dioscoridis elate idem sit eum encephalo siue  
 Galeni elate, nec enim grauior ita celeriter sentētiam im-  
 mutare, quum posteriora, vt est in veteri prouerbio, melio-  
 ra semper esse soleāt. L V D. non ab re quoq; esset, per ela-  
 ten, in præsentia nucem Indicam intelligere, vt tu probè  
 in lem

*Galeni elate cephalio est.*

*Viues.*

*Elate Dio-* in lemmate finxisti, quū quoq; elates descriptio illi respō-  
*scoridis idē* deat, quin ab eadem arbore nux Indica, & encephalos col-  
*cum ence-* ligantur. A M A T. Memoria occurrit, me apud Theophrā-  
*phalo Ga-* stum li. vij. de Historia plantarum legisse, esse bulbi quod-  
*lani.* dam genus, circa ripas amnium nascens, in cuius medio,  
 hoc est inter summum corticem, & eam partem quam co-  
 medunt, lana reperitur, ex qua mappalia, vestes, & alia si-  
 milia conficiebantur: sed vbi aut in qua regione id fiebat,  
 subticuit: imò Plinius de hac re Theophrastum adducit,  
 postquam de sparto locutus fuit, lib. xix. suę Naturalis hi-  
 storię capite secundo. L V D. ita est, & per hanc bulbosam  
 plantam, quum plerunq; sim contemplatus, nullam aliam  
 Theophrastum intellexisse, quam encephalum hoc, asse-  
 qui potui. A M A T. Tecum sentio & à tua non discedam  
 opinione, quum re vera Theophrasti bulbosa illa, plan-  
 ta, encephalos siue palma nostra parua sit, qua frequentis-  
 sime vescimur. Nam primo encephalos, bulbosam radi-  
 cem habet, multis obuolutam cooperimentis, quum eam  
 excorticanti, primo crustata quædã folia horridis arma-  
 ta spinis occurrant: post quæ, lanæ multi plexus apparent,  
 ex quibus, dubio procul, & vestes, & togæ, & mappalia, &  
 sacci fieri possunt: post hanc vero lanam, laminæ quædam  
 digitales, tenellæ, cibo cum toto ipso radicis meditullio,  
 aptæ conspiciuntur. Quæ sane à Theophrasti descriptio-  
 ne non multum abhorreere videntur, quin imo cum ea cõ-  
 uenire, pro comperto habeo. Nam lana hæc sub primis tu-  
 nicis habetur, adeo vt inter internum quod manditur &  
 externum media sit: ex qua sacculi hodie perbelli pro ser-  
 uandis pecuniis ornantur, & illis Lusitani nostri passim  
 vtuntur, & nisi lini & lanæ ingens esset copia, vestimenta  
 ex ea parari possent, quæ olim confici creditu facillimum  
 est. Verum huius plantæ, in Betica regione, & Algarbia  
 Lusitaniæ parte, magnus est prouentus. Ex quibus regio-  
 nibus, ad Anthuerpiam apud Belgas florentissimam ci-  
 uitatem magna adducitur copia, quæ in maximis habe-  
 tur deliciis, nec nisi optimatibus, aut principibus præsen-  
 tatur, quum cibus sit delicatissimus, suauis, ventriculo  
 gratus, multum genitalis seminis gignens, qua ratione ab  
 illis multum desideratur, & de ea Serapio bdellium con-  
 fici meminit, vt capite de bdellio diximus, quam cissilio-  
 nem

*Theophra-*  
*stus inter-*  
*pretatur.*

*Bdelliū ex-*  
*quo fiat.*

nem corrupta vt solet voce appellat.

## DE MALOPVNICO.

Græcè, ποά vel ποία: Latine, malum Punicum, malum granatum: Hispanicè, granadas, romanas: Italicè, Melagrum, grani: vel pomi granati: Gallicè, pomes grenades: Arabicè, Kuman, Ruman, & Romani: Germanicè, Granat æpffel.

## Enarratio CXXXVIII.

**P**omum granatum, malum Punicum dictum, omnibus notum esse arbitror, cuius genera Plinius quinque facit, lib. xiiij. cap. 19. scilicet, dulce, acre, mixtum, acidum, & vinosum, quæ ad tria tantum Dioscorides Hippocratis more reduxit, dulce, acidum, & vinosum, non acre in acido collocauit, & mixtum in vinoso. Recentiores vero, dulce, acre, & medium, quod Arabes musum appellant, dicunt, cuius loco ipso deficiente, dulci & acrimixtis vtuntur. De horum vero temperamento in præsentia inquirere necessarium est, quum varient authores: nam Dioscorides in præsentia, dulce, calidum esse intelligit, qua de re in febribus vitandum suadet, quia calorem inducit. Item Hippocrates lib. ij. de Diæta: mali Punici dulcis succus, inquit, aluum mouet, habet autem quid æstuosum: Mala punica vinosa minus æstuosa sunt: acida vero magis frigefactoria: Nuclei autem omnium aluum sistunt, hæc Hippocrates. ex quibus constat, malum Punicum dulce calidum esse, cui axiomati omnes fere Arabes fauent, & primo razes lib. iij. ad Almanforem regem dicato, qui capite secundo ita inquit: mala granata dulcia non infrigidant, sed inflammationem & sitim faciunt: à quo nullus quod sciam Arabum dissentit. Præterea sapor dulcis caliditatem attestatur, quum quæ dulcia sunt, ea calida dicantur, vt iure credendum sit, dulce pomum Granatum, calidum sit, non vero frigidum aut alterius qualitatis. Iis porro Paulus Aegineta oppositus est, quum dicat: Malum Punicum omne astringendi vires eximias possidet, quibus refrigerat siccaturque, verum dulce aliis minus: Per que verba clare patet, quod mala Punica dulcia, frigida esse dicat,

*Malorum  
Punicorum  
tempera-  
tura.*

cui adstipulatur quoq; Auicēna Paulum plerunq; sequens  
 cū lib. ij. sui canonis dicat: Granatum dulce frigidum  
 & humidum in primo gradu est, acetosum vero frigidum  
 & siccum in secundo. Nos vero vt in hac re audacter iudi-  
 cium nostrum proferamus, credimus, quod Paulus, vere  
 dulcia granata non nouit, imò quæ apud nos vinosa aut  
 media sunt, illi pro dulcibus habebantur, vnde omnia non  
 immerito frigida esse dixit: Sciebat enim Paulus, dulce  
 pomum granatum calidum esse, vt ex Galeno deprehen-  
 ditur lib. viij. de Facultatibus simplicium medic. dicente:  
 Omne malum Granatum astringentem qualitatem sor-  
 titur, non tamen in omnibus ea exuperat. Nam inter ea  
 quædam sunt acida, quædam plus dulcia, quàm austera,  
 pro ratione quarum qualitatum vincentium suos vsus  
 præstant. Porro, acini astringentiores & exiccantiores  
 sunt succo, sicuti & his putamina, quæ sidia dicuntur. At  
 similem vim habent flores qui cytini dicuntur. A sapore  
 igitur inquirenda temperatura in iis malis Punicis est,  
 quum quanto magis ad dulcedinem tēdunt, eo magis ca-  
 lida dicenda sunt, & quanto magis dulcedine discedunt, &  
 ad acetositatem appropinquant, tanto frigidiora dicenda  
 sunt, item quæcunq; magis lignosa grana habuerint, eo  
 magis styptica dicēda sunt. L V D. Ea igitur poma grana-  
 ta, quæ nos capharilia, Itali alasi appellamus lignoso aci-  
 no carentia styptica non sunt dicēda. A M A T. ita est, quia  
 parum aut nihil, cōparatione ad alia constringunt. L V D.  
 Monendi hic pharmacopolæ sunt, ne per malū Punicum  
 intelligant id quod seplasiarius quidā Parisiēsis intellexit,  
 quum medicus describeret, succi malorū Punicorum, siue  
 malorum Granatorū, ille crassæ Mineruæ, hebes ingenio,  
 & ignarus vocum, quū ex malis granatis, & illis quidem  
 optimis, succum extractū amādare debuerat, tantum ab-  
 fuit, vt optima, aut bona intellexerit poma, vt potius, pu-  
 tida & corrupta acciperet, ex quibus succum fetidum &  
 putridum extractum ad miserū agrotatē misit, credens  
 utiq; per mala, nō poma, sed mala putrida, corrupta ac stic-  
 cida granata, intelligi debere. A M A T. ab hinc decē annis  
 rem ita euenisse audiui, imò Petrus Fernādus amicus no-  
 ster, qui magna cum gloria apud Anglos Londini medi-  
 cinam exercuit, & nūc prosperè apud Venetos agit, mihi  
 libellum

sidia.  
 Cytini.



libellum vbi hæc scripta erant Anthuerpiæ indicauit, quæ tu postea in ea epistola, quam Lexico Nebriffensis Anthuerpiæ excuso apposuisti, ad memoriã reuocasti. L V D. quæ igitur ex malis Granatis in officinis seruata habetur, edocere ne graueris. A M A T. Seruantur cortices, quin & ipsa poma seruata habentur, ex quibus & succus quoq; extractus seruatur, præcipue ex acidis, quem vinum granatorum practici appellant, & eum febricitantibus pro extinguenta siti, & roborando ventriculo, ac mitigando ardore febrili, in potu propinant, non minus oxyzacara, ex hoc succo & saccharo dicta, paratur, quæ & simplex & composita passim in officinis habetur. L V D. in hoc syrupo malorum Granatorum, medici monendi sunt, quia laborantibus putridis febribus ab obstructione pendentibus, continuo illum tribuunt, parum animaduertentes, quòd syrupus iste constringat, & arctos meatus reddat, vt Galenus libro decimotertio Methodi medendi docet, quum de malo Punico agit, dicens. Malum Punicum & cætera quæ astringunt, dum bilis meatus os arctant, bilem ipsam excerni prohibent, proinde mala Granata, & ipsorum syrupus veluti similia alia, putridæ febrî curandæ nullo modo conferunt. A M A T. Detestandi sunt medici illi, qui tantum ad febrim, despecta eius causa aduertunt, nunquam vt tu probe nosti, Galenus febres putridas frigidis constringentibus depulit, sed potius medicamentis aperientibus, quæ nonnihil caliditatis habent. L V D. Hæc maiori digressione indigent, propterea quia ad methodum medendi pertinent. A M A T. ita est, sed methodus medendi cum notione facultatum medicamentorum mutuo nexu connectitur.

Monetur  
Medici.

## DE CYTINO.

Græcè, κβτινϙ : Latine, *cytinus*, mali Punico domestici flos: Hispanicè, *flor de granadas*: Italicè, *flor de pome granate domestice*.

### Enarratio cxxxix.

CYtinus flos est mali Punico domestici, quæ pharmacopœlæ vice balaustij exhibent, ex quo succus hypocistidis modo exprimitur, ad eadē valēs ad quæ hypocistis.

AMATI LVSIT. COMMENT.  
DE MALICORIO.

Græcè, σίδιον: Latinè, malicorium.

Enarratio CXL.

*Malicoriū.* **M**alicorium granatorum putamen est, siue cortex, quanquam recentiores, malicorium tantum, parua illa poma rubricantia esse volunt, quæ & ipsa astringendi vires habent.

DE BALAVSTIO.

Græcè, βαλάστιον: Latinè, balauustum.

Enarratio CXLI.

*Balauustiō.* **B**alaustion, siue vt Columella balaustum, syluestris Punicæ flos est, quæ arbor Ferrariæ videtur, & præter oculis gratos flores, quos emittit, nullum alium fructum profert: Qui apprime constringunt, & ea de causa in officinis seruati habentur.

DE MYRTO.

Græcè, μύρτινυ vel μύρσλυν: Latinè, myrtus: Hispanicè, raïam, murta: Italicè, mortella, mortina, myrto: Arabicè, Aes, As, vel Alas: Gallicè, Meurte: Germanicè, Vvelsch hey delbeer.

Enarratio CXL.

*Myrtus frigidata est.*

**M**Yrtus tam frutex quàm ipse niger, & albus fructus, communis est: ex succo cuius syrupus myrtinus in officinis pro sistenda aluo paratus habetur. Est enim myrtus vt Paulus lib. vij. inquit, ex diuersis composita substantiis, in qua terrestris pollet frigiditas, qua valenter siccat. At myrtula trunco & ramis ipse adnascens tumida, maiore vi in astringendo & siccando scatet: iam vero & folia aridiora viribus magis siccant, ite fructus succulquetum foris applicatus, tum intus assumptus, persimiles vires præ se fert. Caterum ex floribus myrti albis odoriferis, aqua per campanā elicitur, non nisi suauissimi odoris, ob quem a delicatissimis mulieribus in summo pretio habetur.

## DE CERASIIS.

Græcè, κεράσια: Latine, *Cerasia*, & *Cerasa*: Hispanice, *Cerezas*: Arabice, *Sarasie*: Italice, *ceregie*: Gallicè, *cerises*: Germanicè, *kriessen*, *kirssen*.

## ACIDA CERASA.

Græcè, *oxycerason*: Latine, *acida cerasa*: Hispanicè, *guindas*: Italicè, *marasche*: Germanicè, *Saurkirssen*, *Ammelbeer*.

## Enarratio CXXXIII.

*Cerasia.*

**C**erasus arbor, & cerasum fructus dicitur, dulce & acre, quæ Lucius Lucullus post victoriam Mithridaticam, anno urbis sexcentesimo octogesimo, in Italiam & Ponto vexit: hodie verò multorum generum cerasa apparent, dulcia, acra, austera, vinosa, & illa quandoq; nigra, ut plurimum verò rubra, variis insignita nominibus. Cæterum Lusitania ut placet Plinio, bona fert cerasa, sed quod equidè meminerim, nusquam meliora habètur, quam Lugduni: porro acida siue acra cerasa,

*Cerasa optima.*

apud Salmanticam florentissimum Hispaniarum, imò totius orbis omnium doctrinarum gymnasium, gustui gratissimâ reperiuntur, quæ & saccharo & melle condita variis in locis referuntur, ut illis postea febricitantes ad arcedam sitim utantur: de quorum facultate, & tempera-

tura, Galenus, lib. vij. de Facultatibus simplicium medicamentorum ita tradit: Quæ dulcia sunt magis aluum subducunt, sed minus grata stomacho sunt: Austeri verò, contrario modo: at acida, pituosis excrementisq; stomachis sunt idonea, siquidem austeri magis exiccant, & non nihil etiam incidunt: ipsius arboris gummi arterias asperas lenit, calculisq; vexatos adiuuat.

## DE CERATIIS.

Græcè, κρόστιον: Latine, ceratiū, siliqua: Hispanicè, alfarobas: Italicè, carrobe: Ger. S. Iohanes brot.

## Enarratio CXXXIII.



Siliqua.

**C**eratium per t. literam scriptum, si liqua dulcis est, quã alij xylocaratam vocãt, alij verò Mauritana voce charliob, vel charamulium, appellitãt, quæ vaginis, siue siliquis fabarum similis est, falcata esui cum toto cortice apta, intra quã, semina veluti in siliqua Aegyptia, casia fistulari dicta condũtur: nam sicca optima stomacho est, viridis vero amarissima ac stomacho ingrata, sicca aluum subducit: non est tamẽ hac de causa casia fistularis appellanda, quanquã omnino

non ab re esset, affirmare, siliquam hanc vulgarem speciem casia fistularis esse, vnde nõ immerito quidam casiam fistularem siliquam Aegyptiam appellant. Quia vt hæc qua vescimur in Italia & Hispania, variisve locis nascitur, ita eo modo casia fistularis in Aegypto & India,

vt ij qui ex Alexandria in Chairum ciuitatem totius Aegypti caput per Nilum ad nauigant, norunt. FEDERIC. Sunt ne arbores inter se similes, vt filiquas has dulces cum casia fistulari affinitatem habere dicas. A M A T. Ita referunt qui vtrinq; viderunt. Nam arbor casiam fistularem ferens procera est, folio nucis, per ordinem veluti in fraxino videmus, disposito, cui cortex cinericij est coloris, quo detracto rubricat, in superficie lignum, solidum, durum, intus nigrum quod dum virescit pessimè olet, imò vt rem manu tractemus, in promptu folia sunt, quæ nunc, nunc per nauim istam onerariam ex Alexandria ad me vecta sunt. F E D. Omnia hæc arbori dulces filiquas ferenti quoq; conuenire sæpe obseruauit, quum frequens apud patriam meam, oppidum in agro Piceno quod vulgo Rocha Contrata dicitur nascatur, vt iure dicendum sit, soli tantum ratione, arbores differre istas, imò ipsæ filiquæ inter se maximam habent similitudinem, & vtræq; eo modo in arbore pendent. A M A. Vt cunq; se res habeat, filiquæ casia fistularis eligendæ sunt crassæ, ponderosæ, quæ quum quatuntur, nihil intus sonat: quum vero franguntur, splendēt, & plenæ nigro illo atramentario pulpamento sunt, quo frequentissimè pro depellenda vtraque bile vtimur, & ab eius propinatione, non multum permittimus, absq; victu ægrum, ne loco cibi, natura illud ad se rapiat, vt ex Galeno in proxim capite de prunis traximus.

*Casia fistularis.*

### CONSTANTINVS.

**E**st benignum, & plenum ingenui pudoris sateri per quos profeceris, vt dixit eruditionis flumen Plinius: è diuerso obnoxij profecto animi, & infelicis ingenij est, deprehendi in furto malle, quam mutuum reddere, cum praesertim fors fiat ex usura. Quod certè in Amatum Lusitanum (cuius ingenio raro, & doctissima singulari, vtroq; quod dicitur, pollice faueo) non adducere quamuis in *αὐτοπόρω* deprehensum, nisi Plinij sensum inuerteres: quod vtrumq; vt melius percipias, loca ex Plinio nostro recitabo libr. xv. Cap. 20. Haud procul abesse videntur & prædulces filiquæ, nisi quod in iis cortex ipse manditur. Digitorum hominis longitudo illis, & interim falcata pollicari latitudine. Et libr. 23. Cap. 9. Siliquæ recentes, stomacho inutiles, aluum

soluunt. Eadē siccata sistunt, stomachoq; vtiliores sunt. Ista confer-  
cum Amati dictione. Consulisset magis lectorum studiis, si etiam  
ascripisset, quæ de siliquis hunc in modum idem author prodidit.  
lib. xv. Cap. 28. An siliquis vero quod manditur, quid nisi lignum  
est? Non omittenda seminis earum proprietates. Nam neq; corpus,  
neq; lignum, nec cartilago dici potest, neq; aliud nomen inuenit.  
Ibidem: siliquis gignuntur, ipsis dulcibus semenq; complexis ama-  
rum, cum in pluribus semina placeant, in siliqua damnentur.  
Idem lib. xxvj. Cap. 18. de siliquis græcis meminit ferendis ante  
brumam per Autumnium. Quo loco tamē corruptè legitur siliqua  
græce pro siliquis græcis. Ex quibus satis constat. Siliquam, arbo-  
rem significare quam galli vocamus vng Carrubier. Et galenus  
Paulusq; Aegmeta κερρα τωριαν. pro fructu vero sumitur etiam  
siliqua. Actuario est κερραβία quod alii græcis κέρραττα aut ξυ-  
λονίραττα, aut κερραβίον: quo nomine etiam vititur Columella,  
Ceration aut Siliquam græcam nominans lib. v. Cap. 10. Sili-  
quam, græcam inquit, quam quidam Ceration vocant, & per-  
sicum ante brumam per Autumnium serito. nostri galli vocant  
des Carrubes, quæ vox ex Arabica lingua deslexa est, Arabes  
enim hunc fructum vocant, Charrub: vel Charnub. Sed monen-  
dum in transcurso, ab hac siliqua græca, multum differre siliquam  
syriacam, quam Iones Cerauniam vocarunt trunco & ipsam  
fertilem, sed pomo Siliquæ, quam etiam Aegyptiam ficum falso  
quidam nominarunt. De qua vide etiam apud Plinium lib. xij.  
Cap. 8. Scilicet de Ceraunia Siliqua, quæ eadem est cum syriaca,  
de qua agit lib. xxij. Cap. 8.

## DE MALIS.

Græce, μήλεα: Latine, malus, pomus: μήλον, malum,  
pomum: Arabice, Tuffa & Tufaha: Hispanice,  
mansanas: Italice, pomo, Gallice, pommes: Ger-  
manice, Oepffel.

## Enarratio CXLV.

Pomorum  
varietas.

Poma ubiq; nota sunt, de quorū varietate & præstan-  
tia, viribusq; legito Galenum libro secundo de Facul-  
tatibus alimentorum, capite vigesimo primo. Cæterum  
in præfenti loco minime grauabor inquirere, quæ potif-  
simum Poma accipienda sunt, pro conficiendo syrupo  
pomorum

pomorum, quo cōtra cordis palpitationem, & syncopem,  
 veluti contra cardiacam & luctuosa suspiria aliasq; atra-  
 biliarias ægrotudines vtimur. BRASAVO. Cur tu in ijs  
 immoraris, quum Mesue & dulcia & acida accipienda  
 pro parando syrupo de pomis suadeat. A MATVS. Noui  
 hercle non ea tantum quæ Mesue dixit, sed quæ tu magno  
 iudicio, in Examine syruporum de hac re exarasti, in  
 quibus dubio procul, licet non suadeas, cupis tamen ab  
 Aromatariis & Seplastiariis, diuersi pomorum syrups vt  
 fiant, Alter ex pomis dulcibus odoriferis, quæ vel dicente  
 Galeno cor iuuantia sunt, qualia Camusia vocata, & Re-  
 gilia dicta, ita odorifera, & cordialia, vt si eorum cortices  
 ignitis prunis iniiciantur, ex se odorem referant moscha-  
 tum: Alter vero ex acidis pomis, qui nō cordis affectibus  
 opitulatur, sed potius stomacho, & ipsius vētriculo, quum  
 stim arceat, ventriculū roboret, & bilis vomitū reprimat.  
 BRASA. Recte sanè perpendisti, quum dulcia poma odo-  
 rata cordi succurrant, acida vero nihil cū corde habeant,  
 sed ventriculum potius roborant, & ipsum constringant,  
 & hac de causa Arabes, quum syrupsū de pomis acidis, vel  
 musis id est medijs saporis concinnāt, ad stomachi affectus  
 illum parant, nō vero ad cordis passiones, vt ex Auicenna  
 quinto libro sui Canonis, & Serapione libro suorum sim-  
 plicium elicitur. AMA. Parabunt igitur deinceps sepla-  
 sarij syrupsū ex Pomis tantum dulcibus odoriferis, quo  
 medici contra cordis affectiones vtentur: alium vero ex  
 acidis ventriculo conuenientē. BRASA. Ego vero con-  
 silium tuum approbo & laudo. AMAT. Vereor tamen, vt  
 quum pharmacopolæ auari sint, in ea variorū syruporum  
 cōpositione impētas facere recusent, satis contenti, vno  
 syrupo ex dulcibus & acidis pomis cōposito. BRAS. Imò  
 quum mihi illorū ingeniū perspectum esset, vt ex prōmi-  
 scuis pomis syrupsū fieret, permisi. AMAT. Vnum est, de  
 quo maxime miror, quòd tam raro ægrotantibus tuis, po-  
 ma assa vel cocta, pro victus ratione offeras, quum tamen  
 omnes feremedici, ea tanquā victū præstantissimum præ-  
 beant. BRAS. Ita est, quia plerunq; in ægros incido ob-  
 structionibus laborātes, quibus poma aduersissima sunt,  
 quum pituitosa flatuosaque sint, & maxime astringentia,  
 præcipue si acida fuerint. AMA. Parū in Hispania Medici

*Poma asæ  
vel cocta à  
eibo come-  
dèda sunt.*

hoc animaduertunt: imò multi Itolorū, qui quoq; in quouis morbo correpto ægro, pomum vnū vel alterum aliūm faccero coopertum concedūt. B R A S. Sub calidis cineribus allatum, vel mediocriter aqua incoctū, laudat Galenus, modo à cibo detur, quum vētriculum & stomachum roborat, & deiectam appetentiā incitat, & concoctionem adiuuat, imo qui diarrhœa, aut dysenteria, vomitū ve infestati sunt, eo maxime iuuantur, præsertim si acerbū fuerit. A M A T. Galenus libro de Attenuante victus ratione, si recte teneo, dixit, ex pomis ac piris minus nocebūt quæ elixa fuerint, quòd tamen ea febribus correptis, in victus ratione daret, hucusq; nunquā ab eo traditū legi. B R A S. Ita est, & quum primum occasio se tulerit, affatim de hac re disseremus.

### DE CYDONIIS.

*Græcè, κυδώνια: Latine, Cydonia, mala cotonea: Hispanice, mēbrillos, marmellos: Italicè, codogni: Arabice, Saffar gel, Gallicè, Coings: Germanicè, Quittè.*

#### ENARRATIO CXLVI.

**C**Ydonia, siue mala cotonea, satis sunt nota, quæ, vt mea fert opinio, vere aurea mala sunt, de quibus Pœta ita tradit in Aegloga.

Aurea mala decē misi,  
cras altera mittam.

Romæ enim visitur hodie statua Herculis mala Cydonia manu tenētis, quæ credibile est ab antiquis aurea vocata, nota est enim fabula, de Hesperidum hortis ab Hercule spoliatis: stomacho enim Cytonia gratissima sunt, ex quibus syrupus, miua Cytoniorum dictus, & cum aromati-

bus,



*Aurea mala.*

*Miua cytoniorum.*

*Mala Cydonia.*



bus, & sine illis, frequenter in officinis paratur, veluti conditum diacitonites, cum saccharo vel melle, quod nonnunquam scamonio ad ducendam aluum acuant: inest autem Cydoniis, virtus, ac piris, austerisve fructibus æqualis, qui quum ante cibum comeduntur, aluum constringunt, à cibo vero eam fluidam reddunt, vt Galenum adnotasse legimus libro secundo de Facultatibus alimentorum: dicta tamen sunt Cydonia à Cydone Cretæ oppido, vnde primum aduecta sunt.

## DE MELIMELIS.

Græcè, *μελιμυλα* & *ελυκβμυλα*, Latinè, *Melimela*, *Poma mellei saporis*, Arabicè, *Galopomella*, *Melomolla*.

## Enarratio CXLVII.

**M**elimela poma, à sapore melleo in eis reperto denominationem habent, sic quoq; Epirotica siue orbiculata, à figura rotunda dicuntur: nam syluestria poma, acerba & nulla arte culta sunt, quæ ventrem valentissime constringunt.

Melimela.

## DE PERSICIS.

Græcè, *περσικὰ*: Latinè, *persica*, *poma persica*: Hispanicè, *pexegos*: Italicè, *persigui*: Gallicè, *persches*: Arabicè *sauch*. seu *Chauch*. Germanicè, *Pfersich*.

*Duracina Persica*: Hispanicè, *durasnos*, *durazios*: Italicè, *durazini*: Gallicè, *presses*: Germanicè, *Sant Iohans pferfich*.

## Enarratio CXLVIII.

**Q**uum Dioscorides, in præsentibus, de variis pomorum generibus agat, & de persicis pomis loqui consentaneum erat. Sunt enim horum varia genera, Duo tamen præcipua, duracinum, & præmolle. Duracinum sic dictum, quia difficulter ab ossibus auellitur, non vero à rhodacino deductum, vt quidam fabulantur, hoc in vniuersa Hispania in maximo habetur pretio: & meritò,

Duo genera persicorum.

quia



*Persica.*

& venenosa erant, in Aegypto postea mitia facta, & suavissima, qualia nunc videntur, vt vberius dicemus, quum de arbore locuti fuerimus. Cæterum admonendi à me in præsentem veniunt, qui Persicis vescuntur, ne illa post alios cibos comedant, sed potius prima mensa ante aliorum prætionem accipiant, vt Galenus suadet libro secundo de Facultatibus alimentorum capite decimonono. Quia si post alios cibos comedantur, nimia sua humiditate innant, & corrumpuntur, nec solum ea ipsa, sed etiam cæteri cibi. Sunt igitur lubrica humida, & que subduci facile queant, proinde ante alios cibos mādenda. P Y R R H V S. Hæc omnia de præmollibus intelligenda esse crediderim persicis, secus autem de duraciniis, ex quibus optimus spirat odor, suavis, gratus, & spiritum recreans, nam eorum sapor delicatissimus est, cum quadam austeritate perceptibilis, qua mediante stomacho conducit, & ipsum roborat: quibus de causis post victum accipi posse affirmarim: imo omnes principes Hispaniarum, & viri delicatissimi, ea post victum comedunt, non nisi prius vino infusa, & nul-

quia stomacho sua suavi & vix perceptibili stypticitate cōueniat, imò ea de causa inter cordialia medicamenta à nonnullis reponitur, præmolle vero, vt vile infimæ plebis hominibus relinquitur, sic dictum, quia facile ab esse suo diuellitur. Sunt tamen nonnulla præmollia persica in Italia, intus rubra, quæ duracinis non cedunt, grata sapore, stomacho accommodata, quibus donis, in pretio habentur, & plusquam duracinis expetuntur. Hæc vero omnia persica poma, in Persia lethalia,

lam inde noxiam euenire persentiunt. B R A S A. Sub cineribus coctum, vnum vel alterum pomum persicum, ægrotantibus meis, quum eorum instat tempus, offero. A M A T. Obseruauit sedulo quum de salute ægrotantium inter nos sæpe consultatio fieret, vt ea persica assa, & saccaro respersa edenda illis concederes, quum tamen à nullo antea, nec Hispano, Gallo, vel Germano medico, cum quibus abunde versatus sum, vnquam id factitatum esse animaduertentem. B R A S. delicatissimus cibus est, & ægris perquam gratus. A M A T. non dubito, quod Hispani nostri deinceps eo vtantur, & in praxim trahant, vt sunt, Leonardus Nunius medicus apud Lusitanos, dignus vt primas apud regem dignitates obtineat: Hieronymus à Pedarneria, vir mea sententia doctissimus, & alij plures, quorum nomina alibi citamus non nisi doctissimi sapientissimi & multa laude digni. B R A S. Siccata persica ubiq; seruari animaduerti. A M A T. imò conditum ex ipsis persicis, nusquam quod equidem meminerim, clarius aut sapidius quam Genuæ paratum vidi. B R A S A. Omnium consensu, primas illic obtinet, quanquam & apud Ferrarienses, non postremæ notæ concinentur, quod conditum Abinzoar libro sui Theisr maxime laudasse videtur. A M A T. imò multorum iudicio & eorum præcipue qui apud insulam Maderiæ diu egerunt, condita zuccarina multo perfectius Ferrariæ parantur, quam apud insulares illos, zuccaro & omni genere fructuum abundantes.

### CONSTANTINVS.

**N**on abs re dixit grauisimus author Plinius nominum affinitatem errorem parere, nisi quis optime distinxerit. Itaque non mirum si Marcellus Virgilius, in Dioscoridem Amatus Lusitanus, in hoc cap. & Enarr. 166. Ioannes Agricola de Simplic. Et Simphorianus Campegius in historialibus Galeni campu nullo facto discrimine inter perseam & persicam arborem grauiter prolepsi sint eandem rem esse asserentes: cum re vera his vocibus dua specie differentes arbores significentur quæ singulatim utroque nomine dicuntur tum graecis tum latinis authoribus. harum tamen quæ proprie perseæ dicitur nobis tam est incognita, quam Persica vulgaris. voces itaque quibus promiscue, aut seorsum nuncupantur hæc planta, sunt περσέα Dioscoridi libro j. cap.

147. Theophrasto lib. iij. de historia plantar. cap. 2. Galeno libro de Alimentis 2. & eiusdem numeri libro de compositione medicamentorum secundum locos: Straboni lib. vltimo geographiæ, atq; Aristoteli libello de mundo, quã etiam Galenus loco citato περιποιεῖς dictam scribit: Et Theophrastus lib. ij. de plantarum historia. Dicitur etiam περιποιεῖα ἢ περιποιεῖα apud theophrastum, lib. iij. de hist. Plantar. cap. 5. περιποιεῖα verò legitur apud Nicandrum in Alexipharmacis quo loco ita cecinit.

Καί τε καΐατριφθέντα μετ' ἀφρίοισι & ἔλαιον  
 Σκλήρ' ἀπὸ περιποιεῖας κάρυα βλάσθ' & οἶνον ὀρύξθ'  
 Περιποιεῖς ἢ ποτε ποσσὶ λιπῶν Κυπρῆδα γαῖαν,  
 Αὐχέν' ἀπομύξας ἀρπυρονόοισι Μελίσσης,  
 Ρῆα μυκναιήσιν ἐνὲξέσθαι ἀγέρης.

Quo loco persea τὸ ὄστυν, id est os, vocat κάρυον hoc est nucem, vt ita Gracè vocauit Theophrastus de plantis lib. xiiij. sicuti Diphilus Nicandri interpretes adnotat. (legendum tamen. lib. iij.) & vt Latine nucem vertit Plinius lib. xij. cap. 9. At Persica hoc est, περιποιεῖα apud ipsum Theophrastum deprehenditur lib. ij. cap. 7. de plantar. hist. quæ Galeno est. μηλέα περιποιεῖα lib. vij. simplicium vel ποδακνίνα Nicandri scholiastæ & ποδακνίνα Constantino, Paulo, Actio ac Simeoni, Sethi. Harum plantarū fructus melius distinguuntur, περιποιεῖα enim Dioscoridi li. j. ca. 165. Et Theophrasto li. iij. de hist. plant. cap. 4. siue περιποιεῖα Alexandro Aphrodisæo in problemata, recentioribusq; Gracis ποδακνίνα, ἢ ποδακνίνα poma persica, sunt propriè arboris persica fructus nobis vulgo dicti Pesches, vt arbor ipsa peschier. At Persia περιποιεῖα, arboris persicæ nobis incognita. De nostris persicis intellexit Columella, cum libro de hortarum cultura hunc in modum cecinit.

Tunc præcox bisera descendit ab arbore ficus,  
 Armeniisq; & cereolis, prunisq; Damasci  
 Stipantur calathi, & pomis quæ barbara Persis  
 Miserat, vt fama est, patris armata venenis:  
 At nunc expositi paruo discrimine lethi  
 Ambrosios præbet succos, oblita nocendi.

Vt etiam Plinius cum dixit lib. 15 cap. 12. sed persicorū palma dura cinis: & paulo post: pomum innocuum expetitur agris, Pretiumq; singulis iam triceni nummi fuere, nullius maiore: Quod miremur, quia non aliud fugacius, longissima namq; decerpto bidui mora est, cogitq; se venundari. Et lib. 15. cap. 13. In totum quidem persica peregrina etiam Asia Gracisq; esse, ex nomine ipso apparet,  
 atque

atque ex Perside aduecta. De his tandem etiam intellexit Dioscorides cap. 165. libri j. Nunc rursus ad ipsas arbores redeundū, ut appareat authores earum nomina alicubi distinxisse, alibi verò confudisse, cum tamen diuersas plantas depingerent. Sic discernit Plinius capite 13. libri 15. Persica arbores serò & cum difficultate transiere, ut quæ in Rhodo nihil ferant, quod primò ab Aegypto earum fuerat hospitium: falsum est venenata cum cruciatu in Persis gigni. & pœnarum causa à regibus translata in Aegyptum, & terra mitigata: id enim de Persea diligentiores tradunt, quæ in totum alia est. At vero perseam ipsam sub persica arboris nomine, voces ipsas cõmiscens, depingit idem Plin. his verbis lib. ix. cap. 13. Aegyptus & persicam arborem sui generis habet, similem piro. & folia retinentem: fertilitas assidua eius subnascente crastino fructu. Maturitas Etesiarum flatu. Pomum longius piro inclusum amygdale putamine & corio, colore herbido: Sed ubi nux illi, huic pomum, differens breuitate ac mollitie & quamuis blandiatur prædulcis suauitas: innocuum. hæc de persica vulgari intelligi non possunt, quæ humilis arbor est potius, quàm procera, ferens amygdale folia paulo maiora, flores subpunicos, poma carnosâ, succulenta, molli lanugine conuestita, quibus nux includitur osse scabro nucleum continente amygdale persimilem. sed hoc loco de persea propriè dicta, locutū Plinium confirmat Theophrasti autoritas: Nam persica arbori tribuit Plinius, quæ Theophrastus de persea prodidit lib. iij. cap. 2. de Plantarū historia, de qua etiam locutus est Strabo Geographiæ ultimo, persea perpetuâ comam tribuens & fructū piri magnitudine, figura oblonga, amygdale modo putamine inclusum & corio: Et quam Galenus lib. ij. de Alimentis, in Alexandria se vidisse testatur, & lib. ij. de Compositione medicamentorum secundū locos. De eademq; mihi videtur intellexisse, cum dixit lib. viij. simplicium νεπέας τὰ φύλλα συντίθει μελένιχα συμμιέτρως δυνάμειος, præsertim cum lib. vij. de malis persicis loquens dixerit, τὸ δένδρον ἔν τε τοῖς βραχέσι καὶ τοῖς φύλλοις, ἐπιπέσει δὲ καὶ ἐξ τῶν κινεῶν ποιότησα, An vero sit ista persea necne, quam Plutarchum scribere memini arborem esse in Aegypto Isidi gratissimâ, quod fructum ferat figura cordis amulum, folium vero lingue, mihi turpe non puto, quando rei literariæ lex ampliandi potestatem facit, non primò indicare. Quare apponam tantum veteris fori notas N. L. Concludamq; cum illo Horatij versu,

Difficet iste locus clamo, & diludia posco.

AMATI LVSIT. COMMENT.  
DE ARMENIACIS,  
ET PRAECOCIIS.

Græcè, μῦλα ἀρμενιακὰ: Latinè, *armeniaca*, *præcoqua*, *præcocia*: Hispanicè, *albiricoques*: Italicè, *inogniague*, *grisomele*, *armilini*: Gallicè, *abricotz*: Arabicè, *mermex*, *mirmix*, *mex*, *mesmes*, & *mis-mis*, Germanicè, *mœllelin*.

ENARRATIO CXLIX.

Armenia-  
ca à præco-  
cijs dissi-  
munt.

Armeniaca à præcocibus differunt, quanquam Dioscorides nullam inter ea differentiam, ob nimiam quam habent similitudinem faciat, de quibus Martialis ita cecinit.

Vilia maternis fueramus præcoqua ramis,

Nunc in adoptiuis persica sola sumus.

Persicis enim minora sunt, & melioris succi, de quibus Galenus libro secundo de Facultatibus alimentorum capite vigesimo ita prodit: Hæc quoque ex genere sunt persicorum, bonitate nonnihil ea superantia, nec enim in ventriculo corrumpuntur ut illa, nec etiam acescunt: Vulgo autem suauiora apparent, unde etiam stomacho sunt gratiora, præcocia tamen Armeniacis præstant, porro ventriculus, quæ deorsum quidem vergunt, ex molestantibus, ea per aluum expellit: quæ verò supernatant, per vomitus eiicit,

DE CITRIIS.

Græcè, μῦδικὰ μῦλα: Latinè, *medica mala*, *citrium*, *Citreum Pomum*: Hispanicè, *cidras*: Italicè, *cedri*, *citroni*: Gallicè, *citrons*: Germanicè, *citrin cœpfel*, *Iuden cœpfel* & *citronaten*.

SPECIES CITRI.

*Limones*: Hispanicè, *limones*: Italicè, *limoni*: Gallicè, *limons*: Germanicè, *Limonen*.

*Narantia*, *aurantia*, *citrangulum*: Hispanicè, *naranyas*: Italicè, *aranci*: Gallicè, *auranges*: Germanicè, *Pomerantzen*.

*Adam poma: Hispanicè, azamboas: Italicè, lomie,  
pome de adamo: Germanicè, Adams æpffel.*

Enarratio c l.

**C**itrum vel citreum pomum, olim malum Medicum, quia ex Media adductum nominabatur, quod olim & si in cibi vsum non veniebat, hodie tamen & crudum & saccharo conditum, in delitiis habetur, ex cuius corticibus syrupus in officinis ad cerebri & cordis affectiones frigidus, veluti ex acetositate siue ipsius succo: alter, ad omnes morbos ex pura bile ortos, & pestilentes, ac eos qui veneni naturam sapiunt parantur: is enim syrupus, ex acetositate citri dictus, optimus est ad extinguendā sitim, & prægnantium cissam à caliditate ortā, veluti ad omnes alios æstuantis morbos: non minus ac ex prædicta acetositate paratū cum succaro conditum. Cæterum inquirunt medici, de huius pomi temperatura, quum varient inter se authores, quos in præsentī postponimus, & ad Galeni mentem dicimus, in semine vincens habetur qualitas acida & sicca, adeò vt ipsum tertij ordinis resiccantium refrigerantiumq; sit. Sed adnotandum duximus, quòd per semen Galenus, non nucleum, aut verum semen intelligit: sed acidam potius medullam, intra quam nuclei vel verum semen continetur. Quod vero ita sit, ipsemet Galenus in fine capituli indicat, quum de vero tractet semine, dicens, & nucleus qui in illo inuenitur, id quod reuera semen est, hic amarus est, & digerendi videlicet siccandiq; facultatem obtinens, secundo quodammodo ordine à temperatis recedens. Hæc Galenus. Per quæ satis clarè patet, quòd primo per semen, partem acidam intelligit: Secundo vero, per semen, nucleum, verum dictum semen, quod calidum & siccū in secundo ordine constituit, quum amari siccandi discutendiq; vires in secundo ordine esse dicat. Cortex verò desiccatur secundo ordine, & temperate calfacit. At caro post corticem alba appàrens, pituitosa est & frigida, quæ cum toto cortice Galeni tempore comedebatur. Sunt igitur, vt paucis dicamus in citro, primo cortex rugosus, colore auri, odoratus, calidus temperate: succus verò in secundo excessu. Post corticem apparet caro alba, esui quoq; apta, frigida, pituitosa, ac crassi succi. Se-

*Cortex citri temperate calidus.*

*Caro alba citri frigida.*

*Medulla a* quitur tandem medulla acida, quam semen Galenus im-  
*cida frigi-* proprie vocat, in frigidandi siccandiq; vires in tertio gra-  
*da & sicca* du possidens: intra medullam, nucleus verū semen habe-  
*in 3. gradu* tur, calfaciendi siccandiq; in secundo ordine vim habens.  
*Semen ci-* De quo non minus dubium est, an solum veneno resistat,  
*tri calfacit* vel potius totum pomū, quia Dioscorides de solo semine  
*& siccat* loqui videtur, quum dicat: semen habet, pirorum semini-  
*in 2. ordi-* bus simile, quod in vino potum venenis aduersetur: At re-  
*ne.* uera, non solum semen, sed totum pomum venenis aduer-  
*Totum ci-* sari certum est, vt ex Plinio colligitur lib. xxij. cap. 6. di-  
*tri pomum* cente: Citrea contra venenū in vino bibuntur, vel ipsa vel  
*aduersa-* semen. Nec minus hæc probari possunt, ex antiquissimis  
*tur vene-* historiis, modo Athenæo fidē præstemus, qui ad eum mo-  
*no.* dum tradit: Maleficos homines quum ad supplicium du-  
*Athenæi* cerentur, quia citrea poma ab obuia muliere sibi oblata  
*historia.* degustauerant, ab aspidum morsu incolumes, illæ solæque  
 extitisse, erat enim id supplicij genus, nota est historia, &  
 ab Athenæo diffusius enarrata, cui astipulatur Virg. in 2.  
 Georgicorum libro, quum canit.

*Media fert tristes succos, tardumque saporem*  
*Fœlicis mali, quo non præsentius vllum,*  
*Pocula si quando seua infecere nouerca*  
*Miscueruntque herbas, & non innoxia verba.*  
*Auxilium venit, ac membris agit atra venena*  
*Ipsa ingens arbor, faciemque simillima lauro.*  
*Et si non alium latè iactaret odorem,*  
*Laurus erat. folia haud vllis labentia ventis.*  
*Flos apprimè tenax, animas & olentia Medi*  
*Ora fouent illo, & senibus medicantur anhelis,*

*Citrea ma-* In iis enim carminibus, Virgilius exactè, & arborem &  
*lus.* ipsius fructum malum citreum dictum describit. Nam ci-  
 trea malus, arbor parua spinis horrida est, omnibus horis  
 pomifera, quum in ea & maturefcentia, & acerba, & noui-  
 ter subnascantia poma sempervidentur, folio lauri sed la-  
 tiore, cuius species sunt plures, quædam limones ferens,  
 acidos, dulces, medijs saporis, varia figura cōspectos: Nam  
 & de acetositate limonis, syrupus parari potest, maioris  
 effiçaciæ quàm qui excitri succo cōficitur, qui mirum in  
 modum, febribus pestilentibus, secum accidēs illud, mor-  
 bum dictū pulicarem, medetur, vt experientia longa com-  
 probatum

*Syrupus*  
*de acetosi-*  
*tate limo-*  
*vis.*  
*Narantiū*  
*pomum.*



probatum habeo. Altera verò citri species, narrantiū pomum est, siue aurantium dictum, vel rancidum, quod Auicenna citrangulum appellat, acidum & dulce: acidum bili aduersatur: dulce verò facillime in pituitam vertitur, vtriusq; tamen cortices calidi sunt. Vltima demum species citri, Adam pomum dictum est, non vbiq; vt ceteræ species obuium, cortice rugosum, sapore gratum, quod Lusitani & reliqui Hispani, corrupta voce, loco Adam poma, azamboa sua lingua appellitant. Omnium autem harum specie rum arbores parum inter se differunt, quæ florem emittunt album summæ fragrantia, & ex eo per campanam aqua ignis vi elicitur, tantæ suauitatis, & redolentiæ, vt cæteras odoriferas aquas superare certum sit: quæ hodie proleui vomitum proritante medicamēto, apud medicos Hispaniæ habetur, à quibus, aqua naphæ vol narantij appellatur. Reliquum erit, vt qui plura de iis legere desiderat, legat Antonium Musam Brasauolam, in ea epistola quam ad illustrissimum Herculem Estensem Ducem Ferrariæ, misit, & eam Examini suorum simplicium præfixit: nō minus Ruellium Gallum capite 69. primi libri, sui voluminis de Stirpibus.

Adam pomum.

Flos aurantia.

Aqua naphæ.

## DE PYRO,

Græcè, ἄπιον: Latinè, pyrum: Hispanicè, peras: Italicè, pere: Gallicè, poire: Arabicè, humecchte, Cirmetre & cemetri: Germanicè, Byren.

## PYRVM SYLVESTRE.

Græcè, ἄχρὰς: Latinè, syluestre pyrum: Hispanicè, peros de mato, peros montesinos: Italicè, peri saluatici.

## Enarratio C L I.

**P**Yri vt multifaria sunt genera, sic passim notissima & in continuo victus vsu communia, laudat tamen vna quæque regio, suum quoq; pyrorum genus, quæ percurrere non minus longum, quàm fastidiosum esset, quorum temperatura, à sapore vt in malis quoq; diximus exploranda est. Cæterum pyra agrestia constrictoria sunt, & fungorum strangulationibus conuenientia.

Pyrorum genus.

Pyre agrestia.

## DE MESPILIS.

Græcè, μέσπιλον & ἀρώνιον: Latinè, *mespilū*, Arabi-  
cè, *Zaror*, *Zarur*, & *Alzarur*: Italicè, *azarolo* frutto, *pomo di rege*: Gallicè, *Nesles*: Germa-  
nicè, *Nespel*.

## SECUNDA SPECIES.

*Mespilum*, ἐπιμηλῖς: σιλάνιον, Hispanicè, *nesperus*:  
Italicè, *nessole vulgari*: Gallicè, *Nesles*.

## ENARRATIO CLII.

*Error in  
exemplari  
bus Diosco-  
ridis,*

**M**Espilus arbor, oxychantæ, non verò pyxchantæ  
folia habet, vnde impressoris incuria, hic errorem  
commissum esse, nulli dubium est. Sunt igitur vt capite de  
oxychantæ meminimus, folia huic primo generi mespil-  
li, tanquam apij, fructus verò ruber pillularum magnitu-  
dine, intus osicula tria habens, sapore subacidus, stoma-  
cho gratus, qui apud Neapolitanos azarolus dictus opti-  
me & felicissime crescit, veluti apud Pisaurense, & alios  
nonnullos. Nam in Hispania vniuersa, quod nouerim, fru-  
ctus iste non prouenit. Secundum verò mespilli genus,  
vbiq; vulgatū est, pentoccon dictum, quia intra se quin-  
que contineat grana, quæ, vt experientia comprobatur  
nonnulli habent, contra nephritim multum valent, hoc  
verò mespilum epimelis à Dioscoride dicitur, quanquam  
epimelis apud Galenum, vnedo, fructus comari, id est ar-  
buti sit, vt apud ipsum est legere lib. vj. de Facultatibus  
simplicium medicamentorum ad istum modum dicentē:  
Epimelis acerba hæc planta est, vt quæ dixerit quispiam  
pomum syluestris. Vocatur autē ab Italis rusticis vnedo,  
ingens eius in Calabria prouentus, fructus eius acerbus  
quidem est, nihilominus tamen stomacho ingratus, & capi-  
tis mouens dolores, admixta siquidem ei est aliena quæ  
piam qualitas. Hæc Galenus. Per quæ facile percipitur e-  
pimelida, vnedonem appellare, non vero mespilum, vt  
Dioscorides in præsentia facit. Attamen Serapionis in-  
terpres turpiter errat, quum lemma capitū de mespilo, nō  
mespilo tribuit, sed potius sorbo, vt legenti manifestum  
erit quum quæ ille sorbo tribuit, Dioscorides de mespilo  
dixerit

*Epimelis  
Galeni  
vnedo est,  
Serapionis  
interpres  
turpiter er-  
rat.*

dixerit

dixerit. De quo Galenus 7. libro de Facul. simp. medic. ita differit: Mespili fructus admodum acerbus est, vixque edi possit, ventrem strenuè coërcens, quin & in germinibus, & foliis acerba hæc qualitas non pauca reperitur.

## DE LOTO.

Græcè, λότη: Latinè, lotus arbor, celtis: Hispanicè, almez arbol: Italicè, bagolaro, Perlaro: Gallicè, Alifser.

## ENARRATIO CLIII.

**R**ara arbor lotus in Italia, & per paucis cognita: nos Lotus.  
vero in Italia sedulo eam inquirentes, tandem post longam inuestigationem inuenimus. Est enim lotus arbor spaciola, grandis, ramosa: corticem subnigrum & lucidum habens, ac ob id oculis per quàm gratum: Huius folia ilicis, magna, crassa, ex nigro viridantia & in cuspidem definentia sunt: valde per ambitum serrata, quæ ab arbore nunquam decidunt: sed illi perpetuo hærent, vt malo Medico, & lauro, & reliquis eiusmodi: pro fructu baccam arbor hæc fert pipere nigro maiorem, pediculo oblongo cerasorum modo pendentem, primo viridem, dein vero quum ad maturitatem Octobri mense peruenit nigra, rotunda, ori grata & suauis euadit, dulcis namque est, odore quodam herbaceo quæ comesta ex se subtilem quandam in ore pelliculam exuit, sub qua carnis parum subest, quia ossiculum baccæ fere totius occupat corpusculum: Hunc porro fructum Anconitani à similitudine quàm cerasorum habet, cerasum hyemale appellare solent: quan Baccæ fert lotus.  
quàm non desint eorum aliqui qui arborem hanc sycomorum vocent, sed falso: Viget autem arbor hæc Anconæ apud Diuum Cyriacum, quam nobis Ambrosius Nicæder Spoletanus vir doctissimus & humanissimus primo, vt si quod nomen illi à priscais impositum tenerem, illi aperirem, mihi demonstraui: quæ nam illa enim esset omnes ignorabant: nos verò, ea conspecta, lotum arborem apud Diosc. descriptam ex multis signis cognouimus, nec minus ex Plinio hoc decerperamus, qui lib. xiii. suæ Naturalis Hist. capite. 16. in Italia huic arbori inesse fructum cerasi modo, tradit: Nam in Africa & variis aliis regionibus Cerasum hyemale.  
Fructus loti varius.

fructu arbor hæc variat: quum magnitudine fabæ croceæ coloris, eumque densum in ramis myrti modo ferat, & is est qui copiose apud Lotophagos, authore Homero in sua Odyssæa prouenit: porro nostratis loti fructus stomacho perquam gratus est: arboris vero lignum dysentericis utile, si modo in scobem redactum aqua ferrariorum maceretur & ad ignem coquatur, & per clysteres eius decoctum iniiciatur adiectis variis aliis quæ dysentericis affectibus profunt, à nobis centuria secunda Curationum medicinalium nostrarum ex amulsim tradita. Cæterum lotus æquiuiocum nomen est, non solum arborem, sed herbas quoque nonnullas complectens de quibus in hoc opere agendum est.

## DE CORNO.

*Græcè, κρῶνλα*: Latine, *cornus arbor*: Hispanicè, *cornizolos*: Italicè, *corniolo*: Gallicè, *corneillier*: Germanicè, *Cornelbaum*, & *Dierlem*.

### Enarratio CLIII.

*Cornus.*

**C**ornus Arbor, procera, fortis, & speciosa, nota est, cuius mas & fœmina, referente Theophrasto capite duodecimo libri tertij de Historia plantarum reperiuntur: mas robustius crescit, adeo ut eius lignum ad rotarum radios utile sit: fœmina verò viticis modo ramosa expanditur. Nam huius arboris fructus, oliuæ magnitudine cernitur, qui quum ad maturitatem peruenit, ruber efficitur, sapore acetosus, auster, mirum in modum constringens, ut merito hodie ex illo seplasiarij, & succaro conditum pro cohibendis fluxibus biliosis parent. Hæc enim illa corna sunt, quæ Virgilius libro tertio Aeneid. lapidosa vocat, quia foris parum carnis, & intus plurimū olis habeant. De quibus Galenus libro vij. de Facultatibus simplicium medicamentorum sermonem facit, ad istum modum dicens: fructus eius admodum acerbus est, esuique aptus, proinde valenter aluum restringit, quemadmodum & mespila, folia quoque & germina peracerba sunt gustui, valenterque desiccant, itaque maxima vulnera glutinare possunt, potissimumque duorum corporum.

## DE SORBO.

Græcè, Σα: Latine, sorba: Hispanicè, sorbas: Italicè, sorbe: Gallicè, cormes: Germanicè, Eschrœsslin: Speirlin, Sporœffel.

## Enarratio CLV.



Sorba.

**S**Orbum, fructus arboris, communissimus est, qui dum immaturus est, valentissime astringit: maturus verò, parum aut nihil. BRAS. quum olim in Examine simplicium meorum in similia verba prorupissem, non defuit postea quidam maleferiatus vir, qui tanquam falsa ea obliterare conabatur. AMAT. Sinamus istos sycophantas maledicentes, qui nihil præter obtrectationes, calumniasque discunt, nescientes bonum à malo discernere, & vitium à virtute. BRAS. quum nullos habeant ad quos diuertant

*Sorbum  
cōstringit.*

ægotantes, ut magni tamen & scientes appareant, alios mordent, alios vellicant, alios dilaniant, ut merito rabidicanes sint appellandi. AMAT. non dubito sane hos in rabiem angere, quum nullum habeant lucrum. BRAS. quum homines miseranda tristitia peruratur, in maximam incidunt siccitatem, & consequenter, rabiem. AMAT. ita plerunque fit, nec ambigendum est, homines rabie affici posse, ut Leonicensis vir nunquam sine honoris titulo nominandus, in eo libro cui titulum esse voluit, de Plinij & aliorum medicorum erroribus, patefecit, & post illum Cælius Rodiginus, magnæ lectionis vir. BRAS. isthæc missa faciamus, & istos cum sua rabie in malam crucem ablegemus.

*Homines  
rabie affici  
possunt.*

Serapionis  
interpres.

AMAT. imo in malos coruos. BRAS. sorbum igitur immaturum apprime constipat, maturum verò adeo parum, vt merito sorbum maturum non constringere, aut constipare sit dicendum. AMAT. nec hoc mirū est, quum multi fructus interdum quum immaturi sunt, constringunt, postea verò maturi facti, tantū abest, vt constringant, vt potius valentissime soluant. BRAS. meministi, si recte memoria teneo, capite de Mespilis, Serapionis interpretem, quæ mespilo debebantur, sorbo tribuisse. AMAT. ita est, vt qui conferre voluerit, ea quæ apud Serapionem de sorbo dicuntur, cum iis quæ à Dioscoride de Mespilo scribuntur, facile inueniet.

## DE PRVNIS.

Græcè, κοκκυμυλέα: Latine, pruna: Hispanicè, prunas, andrinas, amexeas: Italicè, suscine, brugni sequi: Gallicè, prunes: Germanicè, Pflaumen.

Pruna varia.



Prunus.

Enarratio CLVI.  
PRUNUS Arbor vbiq; famigeratissima est, cuius fructus varius habetur, quum quædam reperiantur pruna viridia, quædam alba, alia rubra, alia lutea, nonnulla herbacea, reliqua vero nigra, item ex illis quædam magna, alia parua, alia mediocria, varia forma insignita, ex quibus hodie Damascena præcipua habentur, Syracusana ab Hispanis nominata, nigra, rubricatia, vel intotum alba ad citrinū tendentia, oblonga boni saporis, dicta Damascena, quia ex Damasco Syriæ præcipua ciuitate vestæ primò fuere; de quibus Dioscorides in præfenti, ita inquit: Syriaca præsertimq; in Damasco

præcipua ciuitate vestæ primò fuere; de quibus Dioscorides in præfenti, ita inquit: Syriaca præsertimq; in Damasco

feo

scio genita siccata pruna, stomacho accommodata sunt, & aluum cohibent. Galen. verò, animaduertens Dioscoridis hæc verba sic absolute prolata falsa esse, cōsulto ea est interpretatus lib. 7. de Facultatibus simpliciorum medicamentorum ad hunc modum inquires: pruni fructus ventrem subducit, recens quidem plus, aridus minus. Cæterū, haud scio cur Dioscorides pruna Damascena siccata ventrem siltere dicat, quum & ipsa palam etiam subducant, minus tamen quam quæ importatur ex Iberia. Siquidem Damascena magis astringunt: at quæ Iberia fert, dulciora sunt. Iis igitur verbis satis clare patet, Galenum interpretari Dioscoridem, quum Damascena pruna siccata, licet ventrem subducant, comparatione tamen ad Hispaniæ pruna, adeo parum, vt id constringere potius dicendū sit: Hanc vero Galeni esse mentem, facile elicitur ex libro secundo de Facultatibus alimentorum, capite trigesimo primo quum dicat: fama est ea pruna omnium esse præstantissima, quæ in Damasco vrbe Syriæ nascuntur: secunda autem post illa esse quæ in ea regione quam Iberiam ac Hispaniam nominant, proueniant: Verum hæc quidem nihil astringentis præ se ferunt, nonnulla vero Damascenorum, vel plurimum, id est astringentis habent, hæc ille. Quam astringentem animaduertens Dioscorides, non veritus est asserere Damascena pruna constringere. Nam quanto pruna magis sunt acida, tanto plus frigida dicenda sunt, & pressius aluum cohibentia, saccharo tamen cocta, vel melicrato sumpta, stypticitatem amittunt, & aluum optime deiciunt: Iberica porro pruna meliora sunt, quæ & Damascena, & Syracusana apud ipsos dicuntur, nigra, & citrina reperta, nam citrina multi ob colorem, cerea appellare nō dubitant. Verum multi ex omnibus pruni speciebus in Hispania repertis, quandam præcipuè laudant, quam Salmanticenses Andrinæ ob colorem nigrum illis insitum vocant: rotunda autem pruna hæc sunt, nigra, sapore acido, ori gratissimo, quæ matura febricitantibus, apud Salmanticenses, Doctor Alteretus præceptor meus nunquam pœnitendus, non sine optimo successu concedebat. Nam corpus refrigerant & humectant, bili aduersantur, sitim arcent, & aluum deiciunt: siccata vero non adeo vt recentia suos effectus producant: quibus pro pa-

randis decoctis, apozimatibus, & syrupis quotidie vti-  
 mur: eligi tamen debent pruna osse paruo, multum vero  
 carnis habetia, ex quibus electuarium in officinis & cum  
 scamonio, & sine illo paratum prostat. Syluestria vero  
 pruna, nō minus quoq; nota sunt, ex quibus succus expri-  
 mitur, quem loco acaciæ seplasiarij, vt diximus hodie ex-  
 hibent. Prunus proximus fructus est, sebesten dictus,  
 quem Dioscorides & Galenus subticuerunt. Paulus vero  
 veluti & Actuarius & Aëtius de eo mentionem faciunt,  
 sic enim Paulus inquit: Myxa siue Myxaria, arboris fru-  
 ctus est, minor quidem prunis, facultate vero consimilis.  
 Ex quibus verbis percipitur, myxam siue sebesten, aluum  
 laxare: non vero eam constringere, vt Leonardus Fuchsius  
 in suis Paradoxis non sine errore contendit, quum nō so-  
 lum Paulo, sed experientiae quotidianae contradicat, quae,  
 fructum istū bilem depellere indicat. Quin & Actuarius  
 scriptor Graecus doctissimus, aluum laxare dicit, & sitim  
 extinguere, imō vt passim videmus, fructus iste linguae  
 ariditatem & ipsius asperitatem remouet, quinetiam pe-  
 ctoris vitiiis utilis est, & vrinae ardorem à bile ortum re-  
 fringit, non est ergo quod Fuchsius dicat conditum ex se-  
 besten non ob fructum istum purgare, sed ob scamonium  
 & alia in eo admixta medicamēta, quum fructus iste, non  
 minus aluum subducit, quā casisae fistulae pulpamētum.  
 Verum myxa siue myxaria, vt placet Hermolao Barbaro  
 in suo Corollario, sebesten, dicuntur, hoc est si latine in-  
 terpreteris, augusta. Nascuntur enim ingenti copia in Sy-  
 ria, quae & myxa appellari tradunt, ob mucilaginem illis  
 insitam, mucoremue, ex quo Syriaci viscum parāt, & Ve-  
 netias ad irretiendas auiculas mittunt. Huic fructui affi-  
 nis est alter, quem Dioscorides praetermisit, & iuiuban  
 officinae appellant, Graeci vero sericam, latiniōres autem  
 Zizipham, quam vocem imitantes Hispani, licet corru-  
 pte, acufeifas eū appellant: Lusitani vero Arabica lingua,  
 pomum ab alnafegua eū nominant: de quo Galenus libro  
 secundo de Facultatibus alimentorum, capite trigesimo  
 secundo ita tradit: Nec haec quidem ausim affirmare quic-  
 quam ad sanitatis tutelam, aut morborū profligationem  
 pertinere, mulierum enim atq; infantium effrenatorum  
 est edulium, quod exigui est alimenti ac coctu difficilis,  
 & pra-

*Myxa My  
 xaria sebe-  
 sten idem.*

*Fuchsius  
 errat.*

*iuiuba se-  
 rica.  
 Ziziphis  
 idem.*



& præterquàm quòd stomachum non iuuat, parum etiam alimenti corpori exhibet, hætenus Galenus. Qui licet suo tempore iuibus in vsus medicos non traxit, ab Arabibus tamen pro spissando bilioso sanguine, ac densanda subtiliori materia ad pectus descendente, earum syrupus maxime laudatur, veluti pomula ipsa in decocto, quod aiunt, pectorali. Nec enim erat, quur hic Fuchsius caninam suam maledicentiam, vt solet in Arabas exerceret, qui tum demum præclare se perfunctū officio suo putat, quum viginti Latinis versibus vnū Græculum inseruerit, vt eruditionem aliquā ambitiose ostentet, cūm hætenus nullam præter laboriosam illam ex aliorū commentariis coaceruationem vel compilationē potius consecutus sit.

Fuchsi  
maledicen  
tia.

## CONSTANTINVS.

**H**ic nimis satyricè & è plaustro loquitur, quòd homine christiano & docto indignum: nec ita Lusitanus Fuchsum virum doctissimum traducit, atque describit, sed se ipsum lectori ridendum exhibet, quod eius causa doleo.

## DE ARBUTO.

Græcè, κόμαρ: Latinè, arbutus, vnedo, Hispanicè, madronho, madronheiro: Italicè, albatro, cerefa de la mare, Gallicè, Arbousier: Arabicè, tratiladib.

## Enarratio CLVIII.

**K**omaros arbutus est, frutex aliquādo arborefcens cotonei mali magnitudine, folio lauri, splendido, viridi: Nam lignum huius squamosum videtur, rubicans, in cuius summitatibus flores albi cymbalorum modo, racematim pendent, apibus gratissimi, quibus decidentibus, fructus memecylis, vnedo dictus pullulat, rotundus, primum viridis, postea luteus, vltimo quum ad exactam maturitatem peruenit ruber fit, magnitudine qua vulgatum mespilū videtur: Qui ideo vnedo dicitur, quia ob eius maliciam vnū tantū edendum sit pomum, nam stomacho aduersatur, & facile cephalalgiam comedenti inducit. In Hispania porro nō ita noxius fructus iste prouenit, quum eum multi auidius quàm par sit comedant, & tamē in nullum corporis detrimentū incurrunt: eo tamen turdi, sturni, merulae, & alij passeruli in dumetis degentes maxi-

Comarus  
arbutus i-  
dem.

Memecylis  
vnedo idē.

Vnedo vn  
dedicatur.

*Aqua ar-  
buti.*

mè gaudent, adeo vt aucupes hoc fructu, in aucupio vtantur. Multi præterea fruticem istum contra pestem, & venenum, tanti faciunt, vt ex illius folijs & floribus aquam per clambicum extractam, tanquam sacratissimum antidotum, ad eosdem effectus seruent. Nonnulli tamen differentiam faciunt, inter plantam istam quum frutescit, & eam quæ in arborem crescit, in quam sententiam Theophrastum ire animaduerto, quum comarôn, id est arbutum ab vnedone arbore, lib. j. de Plantarum historia, vbi corticum differentias enarrat, diuersum facit: quanquam tamen idem Theophrastus nunquam de vnedone sermonem priuatim, quod equidè obseruauerim, habuerit: Galenus tamè illum imitatus, vno in capite de vnedone fructu sermonè fecit, vt capite de mespilo diximus: alio verò de arbuto siue comaro, vt libro vij. videre est, qui de eo ita tradit: Arbutus arbor ipsa qualitate acerba vnà cum fructu est, eum memecylum nuncupant, est autem hic & infensus stomacho & capiti dolorè commouens. Hæc Galenus. Mea tamen sententia, vnedo ab arbuto siue comaro in nulla re differt, quum eadem sit arbor specie, & vtriusque fructus vnedo siue memecylus dicatur, stomacho infestus, & cephalagiam inducens. Libet hoc loco Lusitanorum quorundam stupiditatè irridere, qui cateruatim ad fœminam quam ipsi honoris causa Magistram vocabant, ad recuperandam àmissam valetudinem concurrebant: ea vero, quid illis & si diuersissimo morbo tentatis propinaret, præter aquam ex vnedone per campanam expressam, habebat nihil: quòd si quis astris ita fauentibus àmissam recuperaret valetudinem, non iam mulierem aut Magistram sed diuam potius vocare, illique eos honores exhibere, quibus tantum Diui afficiuntur. Memini visam esse à me hanc fœminam in oppido Stremotio, quod non longe ab vrbe Eborà distat.

## DE AMYGDALIS.

*Græcè, ἀμυγδαλίη καὶ ἀμύγδαλον: Latinè, amygdala: Hispanicè, almendras: Italicè, mandorle: Gallicè, amandes: Arabicè, Lauz, Kauz, & Lauzi: Germanicè, Mandeln.*

## Enarratio CLIX.

**A** Mygdala tam dulcis quàm amara, satis nota est: Amygdala.  
 Nam dulcis viribus impotentior reperitur: De qua Galenus libro secundo de Facultatibus alimentorum, ita prodit: Amygdalæ nihil prorsus habent facultatis astringentis, Sola enim tenuandi facultas ac detergendi in eis præpollet, qua tum viscera purgant, tum humores è pulmonibus ac thorace, sputis expectorant, & cæterea. Item libro quinto de Facultatibus simplicium medicamentorum, ubi extergentium & fæctu liberantium medicamentis agit, inquit: simile quiddam amygdalis accidit, nam & horum ipsorum, ea quæ amara sunt, & detergunt, & meatus expurgant, quæ vero edendo sunt detergunt quidem, non tamen in fæctu liberant. Galeni igitur consilio oleo amygdalarum dulcium, contra nephritim, colicos affectus & alias frigidas passiones utimur, veluti quoque amygdalarum amararum, quum calidum vtrunque sit ex amaris tamen magis, ut Galenum adnotasse constat libro sexto citati voluminis sic dicentem: amygdala quæ quidem palam amara sunt, omnino extenuandi vim possident. Siquidem ephelim purgant, & excretionibus ex pectore pulmoneq; crassorum lentorumque humorum mire auxiliantur. Obstructiones præterea iccinoris à crassis & viscidis succis ortas expediunt: quin & lateris & lienis, & coli, & renum dolores, ab huiusmodi causa natos perfanant, ipsius arboris etiam radices coctæ illitæq; epheles purgant: porro amygdala dulcia, quæ & ipsa nonnihil sortiuntur amaritudinis, moderate sunt calida. Attamen amygdalæ æstuosæ, ob pinguitudinem quam habent sunt, ut Hipocrates libro secundo de Diætâ testatur, cuius verba Auicenna postea enarrans, libro secundo sui Canonis, dixit: Et Sauc earum est commouens choleram, ob sui vinctuositatem, proinde animaduertant qui indiscretè febricitantibus amygdalarum porrigunt, aut saltem iis, qui stomachum biliosum habent, quum iuuamenti vice præstandi, magnum ægris adferant detrimentum. Virides vero suo integro operimento comestæ amygdalæ, bonum faciunt stomachum, & illum ab humiditate emendant.

## DE PISTATIIS.

*Græcè, πισταίου: Latine, Pistacium: Hispanicè, albocigo: Italicè, pistacchi: Gallicè, pistaches: Germanicè, Vvelsch Bimpernufzlin.*

## Enarratio C L X.

**P**istatium quam primo è Syria Lucius Vitellius in Italiam portauit, licet Syriacis, peculiaris sit arbor, in multis tamen Italiae & Hispaniae locis hodie videtur, parua, lentisci folium habens, maiusculum tamè, in qua fructus pistatium siue sisticus dictus, pendet ea magnitudine qua pinei nuclei cū putaminibus sunt, nam intus fructus iste virescit, esui perquam gratus, qui & Venerem incitat, & apprime nutrit, quibus de causis, hodie bellariis instaurantibus & reficientibus, eum misceri commendamus, imò vt Auicenna de eo libello de Viribus cordis tradit, cor confortat, velut Rabbinus Moses de Aegypto, ex omnibus fructibus, sisticus præstantissimus habetur. At Galenus, de Pistatiis lib. ij. de Alimentorum facultatibus, inquit: Hæc quidem ad magnam Alexandriam proueniunt, sed multo vberiora in Berrhœa vrbe Syriæ, parum quidem nutriencia, verum ad hepar roborandum & succos in ipsius viis infarctos purgandos, vtilia. Qualitatem enim habent aromaticam, subamarā, & subastringentem. Scio autem & alia huiuscemodi pleraq; hepatis esse vtilissima, quemadmodū in opere de simplicibus medicamentis est demonstratum. Porrò non ausim affirmare, vllam ex ipsis stomacho accedere vtilitatem, aut læsionem in signem, quemadmodum neq; quod aluum deiciant, aut sistant, hæc Galenus, in quibus Auicenna tacite illum mordet, præsertim quia dicat, stomacho neq; iuuamētum nec nocumentum pistatia præstare, ita enim Auicenna tradit: Quidam innuit pistatia neq; prodesse neq; obesse stomacho. At ego rem aliter euenire nosco, quum ventriculum roborent, & nauream prohibeant, vt eorum sapor obscurus, amarus, austerusve testatur.

*Auicenna tacite Galenum reprehendit.*

## CONSTANTINVS,

**D**E Syriacis nucibus id est pistacijs Plinius libro xv. Cap. 22. & libro xij. Cap. 5. quæ eosdem vsus & effectus habent, quos pinei nuclei, præterq; ad serpentium ictus, siue edantur  
suis

sue bibantur, eodem authore teste libr. xxiij. Cap. 8. pistacia elegantī & proprio epitheto vocavit Nicæder in theriacis, cū dixit. *πιστάκιον ἀνεπιμύεον σίπρον ἀμυγδαλέοισα πύραυλα.*  
 Officine vocant *sistica*, quæ vox ex arabica lingua proflexit festuch. Sic enim vocant Arabes, vel *pustech*.

## DE NVCIBVS.

Græcè, *κάρυα βασιλική*: Latinè, *nucēs inglandes*, regia *nucēs*: Hispanicè, *nuezes*: Italicè, *noci*: Gallicè, *grosses noix*: Arabicè *feuz*, *Leuz* vel *biauzi*. Germanicè, *Nufs*, oder *Vvelschnufs*.

## Enarratio CLXI.



*Nux Inglandes.*

habeo. Nam rob de nucibus, vbiq̃ue quoque vulgatum esse arbitror. Non ab re quoque erit in præsentī, quum de nucibus agimus, & de nucē vomica, & metella sermonem habere. Est igitur vt paucis dicam *nux vomica* apud Serapionem, ea quam *seplastarij*, *nucē metellam* appellat;

**N**ucēs tam sunt vbiq̃ue nota, vt nulla prorsus indigeant descriptione, de illis tamen & caricis, rutaue antidotum vt Dioscorides adnotat, paratur. De quo Galenus libro de Cibis boni & mali succi ita tradit: Nonnulli de lethalium venenorum compositione scribentes, caricis cum ruta nucibusq̃ue præsumptis, venenis eiusmodi vniuersis aduersari testantur. Cæterum ieiuno stomacho comestę nucēs, lumbricos latos pellunt, vt experientia compertum

*Nux vomica & metella.*

lant: & ea quam Serapio metellam vocat, officinarum nux vomica: quòd vero ita sit, ne quis nos falso accuset, ipsum Serapionem audiamus, capite de nuce vomica, ita dicentem, ex mente Abraham: Nux vomica cuius color est inter glaucedinē & albedinem, maior auellana parum est, in qua sunt nodi. Hæc Serapio. Per quæ facillime, qui cognitionē vtriusq; nucis habuerit, iudicabit, nucem vomicam Serapionis eandē esse cum metella officinarum, quum officinarum metella nux talem obtineat colorem, & ab vtroq; latere attollatur tuberculis quibusdam circularibus oculos imitantibus, vt nulli sit dubium, metellam hanc officinarum, apud Serapionem vomicam esse, Non minus quoq; ex ipso Serapione elicitur, quam ille Metellam appellat, vomicam officinarum esse: ita enim de Metella cap. 364. prodit: Nux metella est similis nuci vomicæ, & semen eius est simile semini mandragoræ, & cortex eius est asper, & sapor eius est delectabilis, & vinctuosus. Quæ omnia nuci vomicæ officinarum conuenire clarius est, quàm vt à me multis monstrare debeat, quum nux hæc communis vomica dicta, plana vtroque latere sit, cuius cortex est asper, veluti pilosus: nam ipsius sapor, vinctuosus, & delectabilis est, canes interficiens. Quòd vero dicat, semen illius semini mandragoræ est simile, intelligo virtute: secus autem figura, quum & hæc nux frigida in quarto sit gradu. In summa igitur dicamus, quòd nux illa vtroque latere cleuata, vera vomica est: illa vero altera, plana vtraque parte & velut pilosa, est metella.

### DE AVELLANIS.

*Græcè, λεπτοκόρυα: Latinè, nuces Pontica Prænestina, auellana: Hispan. auellans: Galli. Auellanes, noysettes, Arabicè, agileuz, Bunduch: Germanicè, Haselnu.*

### Enarratio CLXII.

**P**onticæ nuces, id est auellanæ, communes quoq; sunt, quarum oblongæ & rotundæ reperiuntur, sic dictæ Ponticæ, quia è Ponto prius aduectæ fuere, de quibus & prioribus, hoc est nucibus, Galenus 7. de Facultatibus simplicium medicamentorum ita tradit: Arbor tum in foliis

*Auellana nux.**Auellana sylvestris.*

foliis tum in germinibus astrictionem quādam possidet: ceterum evidentem multamq; in nucis putamine recenti pariter & sicco: eius autem succo expresso, ac melle decocto, nos loco stomachici medicaminis utimur, oleum quod ex fructu elicitur inueterato admodum per halitum digerit, quare nonnulli eo gangrænas, carbunculos, & ægilopas sanant. Sunt qui ad neruorum vulnera utantur: Si tamen recens sit, astringentis nonnihil qualitatis obtinet. Nucleus arefactus & vitus, tenuium partium & exiccatorium citra morsum est medicamen: At Pontica nux, quam *λεπτοκαρυον*, & auellanam appellant, plus habet essentiaë terrestris ac frigidaë, itaq; austerior tum cortex, tum planta, tum fructus apparet.

## DE MORIS.

Græcè, *συκάμινα*; Latinè, *mora*: Hispanicè, *moras del*  
 p moral:

*moral: Italicè, more: Arabicè, Thut: Gallicè, meures, Germanicè, Maulbeer.*

Enaratio. CLXIII.



*Morus.*

eognita fuit, vt ex fabula citata apparet, cuius foliis bom-  
bices, sericei vermes dicti, maximè oblectantur. De qui-  
bus Hieronymus Vida Cremonensis, vir singularis elo-  
quentiæ, elegantissimè cecinit: nam Ouidio antiquiores,  
arborem istam ignorarunt: nec mirum, quum postea, ex  
nigra moro populo inserta, alba effecta est.

DE SYCOMORO.

*Gracè, συκόμωρος: Latinè, sycomorus, ficus Aegy-  
ptia: Hispanicè, fiquera de Adam, figo de  
Adam: Italicè, fico d'Egitto, fico de Adam:  
Arabicè, Mumeiz, Iumeis, Aliumeiz, Gu-  
mezei.*

Enarra



## Enarratio CLXIII.

**S**Ycomorus: arbor Aegyptia est, quæ quoq; in India ad nos sunt reuersi, accepimus, arbor similis moro est, fructum tanquam ficum non prope folia, sed in trunco & crassioribus ramis faciens, & illum quidem dulcem, semine interiori carentem, quem multi ficum Adam appellant, quia in eo Adam peccasse credant, vt vero fructus iste, esui aptus fiat, ab arbore colligatur atq; ferreo vncino opus est. Sic enim intra quatuor dies maturefcit, & in eo loco à quo collectus fuit, alius repullulat, ita vt in anno ter & quater arbor hæc fructum pariat. De huius vero arboris ligno, mirum fertur, quod præterire non est, scilicet, quòd nunquam siccum euadit, nisi immersum aqua, quum autem diu in aqua maduerit, siccescit, & supra aquam ascendit. Qui vero sycomorum, ficum agrestem parietibus frequentem, esse autumant, toto proculdubio errant cælo. Nam huius arboris plures species, tum apud Syros, tum apud Aegyptios, & Indos, reperiuntur, quæ omnes, fructum, veluti apud nos ficus, producant. Cæterum de sycomoro ita Galenus prodit lib. ij. de Facultatib. alimentorum capite 35. Plantam sycomori vidi in Alexandria vna cum fructu, parux ficuti albæ adsimilem, is fructus nullam habet acrimoniam, exigux tamen dulcedinis est particeps, estq; facultate vt mora, humidior quodammodo, ac frigidior, quin potius in medio mororum ac ficuum iure quis ipsum collocarit. indeq; nomen ipsi arbitror esse positum. Ridiculi enim sunt, qui fructum hunc ob id aiunt sycomorū fuisse nominatum, quod paruis ficibus sit adsimilis, ipsius autem generatio ab aliis arborum fructibus quodammodo est diuersa, non enim ex surculis ac germinibus, sed ex ipsis ramis ac stipitibus enascitur.

## DE FICV.

Græcè, σῦκο: Latine, ficus: Hispanicè, figo: Italicè, fico: Gallicè, figues: Arabicè, sin, sin, & Tim: Germanicè, Feygen.



Ficus.

**F**icus tā arbor, quàm ipsius fructus, vbiq; proueniunt, & communes sunt, albæ, nigræ, & diuersorum colorū, quarum meliores habentur, quæ optimè sunt maturæ, crassi, & boni saporis, similiū enim alimētum Galenus vuarum alimen to anteponit, qui in vniuersum maxime penetrant, adeo vt si post esum aliorum cibarium ficus quis comederit, ad imam ventriculi partem descēdisse, percipiet, modo post horam euomat, quum prius, vniuersus cibus per vomitum exhibit, quàm ficus euoman-

tur, vnde ipsos in infimam ventriculi partem descendisse, vt diximus, facillime percipitur, quarum & caricarum, vt lector notitiam exactam habeat, legat Galenum libro secundo de Faculta. alimentorum, & libro octauo de Facult. simplicium medicamentorum: libro enim de Faculta. simplic. ita tradit: ficus arbor, calidæ, tenuiumq; partium temperaturæ est, sicuti indicant tum liquor eius, tum foliorum succus: valenter enim calfacit vterq; itaq; non mordicat tantum aut vehementer abstergit, sed & vlcera, & ora vasorum reserat, & verrucas extirpat, quin & vim purgatoriam habet: Porro lachryma & succus agrestis ficus, quam caprificū vocant, ad omnia quæ satiuæ, valentior est. Verum ipsarum surculi adeo calidi sunt, atque tenuium partium, vt carnes bubulas duras, si coquendis adiiciantur, friabiles ac teneras reddant. Libro vero secundo de Faculta. alimentorum ita quoque inquit, Ficus quanquam prauitatem non potuerunt omnino effugere

effugere, facile tamen totum corpus peruadunt, nam & abstergendi quoq; insignem obtinet facultatem: quo fit, vt post ipsarum esum, nephritici arenulas multas excernant. Nutriunt præterea vberius cæteris autumnalibus fructibus, flatibus tamen hæ quoq; implent. At quæ ficus iam prorsus maturuerunt, propemodum nihil omnino lædunt, quo modo nec caricæ, quæ multiplicem quidem præstant vtilitatem, si quis tamen largius eas esitauerit, offendetur ab ipsis, quandoquidem sanguinem non admodum probum gignunt, quo fit, vt ex ipsarum esu, pediculorum multitudo proueniat: habent etiam tenuandi facultatem, & incidendi, qua ventrem quoq; ad excretionem irritant, renesq; expurgant: Cæterum iecori, lieniq; inflammatione obsessis sunt noxiæ, quemadmodum & ficus, communi omnium dulcium ciborum ac potuum ratione, obstructis tamen illis, aut scirrho affectis ipsæ ex sese nihil commodant, nec officiunt, sed medicamentis incidentibus extenuantibus, & abstergentibus mixtæ, non mediocriter iuuant, tum caricæ, tum ficus.

## DE PERSEA ARBORE.

*Græcè, ὑπόσεια: Latine, perseæ.*

Enarratio CLXVI.

**V**ANum est id quod multi dictitant, credentes, perseam arborem à Persica differentem esse, quum parum animaduertant, Dioscoridem: qui quum de malis omnibus egerit, & de persicis quoq; sermonem habere consentaneum erat. Egit igitur de persicis, hoc est de pomis arboris perseæ, cap. 146. nunc vero, de ipsa arbore, ne illam silentio prætermitteret caput constituit: & quòd ita se res habeat, quicumq; rem penitius animaduernerit, inueniet, quum utroq; in capite fructum huius arboris, stomacho conducibilem esse tradat, quod non dixisset, si modo de arbore venenosa fructum venenosum habente tractasset. Hanc nostram sententiam confirmat Galenus, lib. vj. de Aegritudine & morbo, cap. 1. quum dicat: Sunt qui nutrimentum mutare corpus non posse, quod ab eo nutritur existiment, eo quòd hæc natura scilicet nutrimentum videtur illis tatummodo significare rem mutabilem, & non

*Perfica &  
persea idē.*

mutantem: Secundum rei veritatem, hoc nequeunt affirmare. Quid enim dicturi sunt, de arbore illa transplantata de Persia in Aegyptum, quæ quum in solo Persarum foret mortifera, in Aegypto absq; nocumento reddita est, & quæ de qualitate pessima mutata est in bonam? Hæc Galenus. Quibus satis liquet, siue persicam, vel perseam dicas nihil interessē, quum res eadem omnino sit, in Persia mortifera & lethalis: in Aegypto vero salubris: nec hoc mirum esse debet, quum varietates regionum non solum in arboribus & plantis differentiam faciunt, sed etiam in hominibus & animalibus, adeo vt specie differre videantur, quod Platonici de hominum animis cōcedere videntur. Vnde simul sit, quod Ligures vani, Latini superciliosi, Galli fortes, Itali graues, Germani hodie literati, Angli inurbani, iactabundi Hispani, Pœni fedifragi, & vt Epimenides poëta Græcus, quem citat D. Paulus Apostolus, Creteneses semper mendaces, malæ bestix, ventres pigri. Deum vt vnico cōcludam verbo, tantæ e diuersitate regionum eleuantur oppositiones, tantæq; contrarietates, vt multa quæ aliquibus saluberrima sunt, reliquis præsentissima atq; exitialia venena videantur. Vnde nō mirum, si Galenus hæc animaduertens lib. ij. de Facult. alimentorum, duo capita diuersa facit, in quorum altero, de persea tanquam apud Persas venenosa, tractat: in altero vero non vt venenosa, sed Aegyptia & salubri verba fecit. Huic vero nostro iudicio subscripsit Ioannes Agricola Ammonius, vir mea sententia apud Germanos doctissimus, & qui quotidie in lucem aliquid noui profert, præsertim in eo libello, quem de Herbis & simplicibus, superioribus annis edidit. AGRICOLA. Ita certè à commentariis tuis acceperam, in quibus, te Ioannem Rodericum Castellæ albi Lusitanum nominatū inueni: nunc vero quum Amatus potius appellari maui, in dubium vertebam, an tuum illud esset opus. AMAT. nouum non est, viros rei literariæ deditos, sua plerunque immutasse nomina, vt apud Paulum Iouium virum doctissimum, legitur in eo libro, quo de imaginibus doctissimorum virorum agit.

CONSTANTINVS.

**E**Narratione 148. multis locis adductis in medium, hanc opinionem Amati Lusitani regi & ceteris yuouus dicitur  
resus

refutauimus: quod & liquidius ostendemus in proprio opere de  
omni genere plantarum.

## DE IBERIDE.

Græcè, ἰβέρης λεπίδιον: Latinè, Iberis, lepidium, sylue-  
stre nasturtium: Hispanicè, nasturtio montesino:  
Italicè, nasturtio syluestre: Gallicè, passerage:  
Arabicè, Hausab, Sitareghi: Germanicè: Gauch  
bluom.

## Enarratio CLXVII.



Iberis.

**A** Bsq; ambagibus &  
controuerſia vlla,  
iſeipſis herba, lepidiũ eſt,  
vt teſtatur Galenus libro  
decimo de Compoſitio-  
ne medicamentorũ per  
genera, dicens: Damo-  
cratis extat libellus Cli-  
nicus inſcriptus, in quo  
verſibus iambicis (quẽ-  
admodum ſolet) de tri-  
bus diſſerit medicamen-  
tis. Ac primo quidem de  
eo quod ex herba, quam  
ipſe iberidem appellat,  
conſtat: ſecundo ex ſe-  
mine dolores ſedãte cõ-  
poſito: tertio vero pur-  
gatorio, & ab ipſo Hie-  
ra appellato. De primo  
in Iſciadicorum cura-

\*

tione in eo libellõ hæc ſcripſit: in Iberide, inquit, me-  
dicum quendam amicum ſuum per hæc herbam curatum  
eſſe, quam herbam, vt dixi, ipſe Damocrates Iberidem  
appellat, vt qui ipſe viſu herbam cognorit, nomen autem  
eius nullum audierit, quum etiã id ipſum ignorarit is qui  
eum uſum eius docuit: Verũ ex ſignis quẽ ſcribit, vide-  
tur iberidem appellare, quã à Græcis lepidium nomina-

tur, à regione in qua amicus eius curatus est appellatione ducta. Describit autem ipsius signa per hos iambos.

*Herba hæc vbiq̃ue multaque frequens nascitur,*

*Monumenta iuxta antiqua, muros & veteres*

*Tritasque quondam publice pedibus vias,*

*Quas iuxta aratrum duxit haud quis agricola*

*Semper virescens, foliis nasturtij*

*Florentibus vere: at tamen maioribus,*

*Caulem cubitalis longitudinis gerit*

*Paulo minorem aut rursus ampliolem: ab hoc*

*Aestate pendent folia, donec multa hyems*

*Sarmentiam deducat, hæc ad imaginem, &*

*Deiecta & exiccata depereant gelu:*

*Adnata radici tamen cernes alia*

*Aestate florem fert colore lacteo.*

*Multum tenuem variumque valde cauliculum,*

*Ad quem sequitur semen penitus sic exiguum*

*Visum fere vt fallens, oculos quoque effugiat,*

*Odorem habet radix at inde acerrimum,*

*Vero similem quàm maxime nasturtio.*

In iis enim versibus, tam clare herba hæc pingitur, vt nihil sit quod desiderare quis possit, quæ passim in rudibus, & ad parietes, vbi herbarum aliquot nascuntur, inuenitur cuius radicem quum quis gustauerit, nasturtium mandere dicet, quo fit, nasturtij sylvestris nomine appelletur. Credere igitur est, caput hoc, adiectum ab aliquo in huius libri fine esse, quum reuera lepidium, Iberis sit, vt testatur Paulus libro tertio, suæ medicinae cap. 77. dicens: In totum verò ischiadicos restituit sanitati iberidis herbarum usus, quam lepidion quoque, alij sylvestre cardamum appellant. Plinius porro lib. viij. cap. 19. longe aliam herbam pro lepidio delineat, cubitalem scilicet, & foliis laurinis ornata, quam quoque Paulus citato loco nouit, & eam alteram lepidij speciem vocat, quum dicat: Quæ vero apud nos fruticosa nascitur, similibus lauri foliis & multo amplioribus, respondere multa experimenta testantur, non solum in coxarum sed aliis quoque diuturnis affectibus: & subdit: per ætatem vero longe sunt efficaciora: atqui si folia tunc non produxerit, cortex ipsius radicis contunditur cum adipe suillo, vt emplastri speciem representet, &

cætera. Quæ vero hæc secunda lepidij aut iberidis species sit, non facile est coniectari, quum Ruellius Gallus & Hermolaus Barbarus, raphanum ab Hispanis Gallicum dictum esse putent, sed reuera, rem ita non esse, ipsius folia testantur: quæ dubio præcul, non lauri, sed potius lata, oblonga & fere lapathi aut enulæ sint. Erit igitur, vt finè huic primo imponamus libro, secunda hæc iberidis, vel lepidij species, herba illa quam piperellam, vel piperitim in hortis passim nascentem appellamus.

## CONSTANTINVS.

**H**Oc *μνημονίδιον* est ἀνάστυμα (quale nuper in Galeno animaduertit & primus detexit H. Stephanus humanitatis, & politioris literaturæ scientissimus) hujus enim Democratis Iambi leguntur apud Galenum libro decimo καὶ τὸ πρῶτον quos licet de Græco minus benè conuersos in præsentia non emendamus quia correctiones & emendationes in omnia Galeni opera & Hippocratis Deo duce, si vita suppeditabit, aliquando proferemus.

\*

P 5







# IN DIOSCORIDIS ANAZARBEI LIBRVM SE-

CVNDVM ENARRATIONES DO-  
ctoris Amati Lusitani Medici  
celeberrimi.

## DE ECHINO MARINO.

Græcè, ἐχίνος θαλάσσιος : Latine, echinus, erinaceus  
marinus : Hispanicè, erizo de la mar, ouriso ma-  
rino : Italicè, riccio marino : Gallicè, herisson de  
mer : Germanicè, Meer Igel.

### Enarratio primi Capitis.



**E**CHINVS tam aquatilis, quàm ter-  
restris, notissimum animal est, quod  
Latini erinaceum marinum, & terre-  
strem appellant, quanquam Theodo-  
rus Gaza Thessalonicensis in suo à se  
verso Aristotele, echinum marinum  
non aliter quàm echinum interpreta-  
tus est, Plinium forte imitatus: Terrestrem vero echinum  
erinaceum vertit. Est igitur echinus marinus siue erina-  
ceus marinus, piscis rotundus, aculeis armatus, veluti ca-  
stanearum echinus, vnde & nomen, ἐχίνος enim Græcè,  
Latini hirtum vertunt, non minus enim hirtus piscis iste  
est, quàm castanearum calices, aculeis siue spinis armatus,  
quibus pedum vice ambulat rotaturve. Cæterum piscis  
iste esui idoneus est, & mari Adriatico, & Tyrrheno fami-  
liaris, quo pro lotio proritando multi vescuntur. Porro  
echinorū genera sunt plurima, quorum Aristoteles quar-  
to libro de Historia animalium, vnum minutum spinis  
longis, præduris, ornatum, non nisi in alto gurgite gigni  
solutum, maxime cōtra destillationes vrinæ laudat. Vnde  
Paulum Iouium hic decipi certum est, quum libello suo  
de Piscibus, cap. 41. non hoc genus, sed aliud maius, echi-

*Echinos  
marinus.*


*Paulus Io-  
uissus errat.*

nomer

nometram contra vrinæ destillationes laudari, sed potius minutum illud genus à nobis delineatum, vt legenti manifestum erit. At de vtroq; echino, Galenus lib. xj. de Facultatibus simplicium medicamentorum ita tradit: Erinacei vtriusq; tum marini tum terrestris corpus vstum cinerem efficit, facultatis tum extergentis, tum digerentis tum detrahentis. Itaque eo quidam & ad excrementa & ad fordida vsi sunt vlcera.

## DE ERINACEO TERRESTRI.

Græcè, Εχίνος χερσαῖος: Latine, Erinaceus: Hispanicè, orico quacheiros: Italicè, riccio terrestre: Gallicè, herisson: Arabicè, Censud, Caused: Germanicè, Schvvein ygel, Hunds ygel.



### Enarratio I I.

*Echinus  
terrestris.*

**E**chinus siue erinaceus terrestris, marino admodum similis est, qui taxo vel potius histrici similatur apparetve. Animal omni ex parte spinis horridum, & aculeis armatum. Quod quum vuis aut fructibus aliis adhæret, eos spinis transfixos, onustum incedit, & ad cuniculos & nidi sui anfractus portat. Est enim animal hoc frigidum natura, multis scatens superfluitatibus. Qua de causa eius caro potius in medico vsu, quam in continuo victu accipienda est. Habet enim animal hoc vt obiter hoc notem, testiculos renibus adherentes, de quo Razes multa tractatu de sexaginta animalibus scripta reliquit: quæ omnia  
apocry

apocrypha, & non Rasis esse certissime crediderim. Ad multa tamen valet, quæ Dioscorides in præsentī scribit, inter quæ alopeciam pilorumve defluuium præcipue nominare est.

## DE HIPPOCAMPO.

Græcè, ἵπποκάμπη : Latine, hippocampus : Hispanicè, caualinho marino : Italicè, caualin marino, caualin ritorto, dragonetto:

## Enarratio III.



*Hippocampus.*

N Vsq̄am quod equidem notauerim frequentius hippocampus, quàm in Anconitano flexuoso hoc mari cernitur, vbi piscatores illum, draconem, alij verò equulum circumflexum appellitāt, pisciculus scilicet, subniger, equinū habens caput, oblongum & rotundum, collum verò latum, multis clauatum ordinibus: nam cauda quadrata, subtilis, ac circumflexa in eo cernitur. Verū, hunc pisciculum marinū Dioscorides

*Hippocampus.*

non descripsit, ipsius nomenclatura contentus, quæ satis ipsum exprimit declaratve. Dicitur enim Hippocampus Græcè, ἀπὸ ἵππου καὶ κάμψω, id est ab equo & flecto, quasi flexuosus equus. Vnde Mathiolus Senensis hæc ignorans, plura nō nisi absurda, de hippocampo scripsit: inquit enim ille, particulam hippo, magnum significare, vt in hipposelino, & hippomaratro fit: ignorabat enim Mathiolus, hippon equum crebrius significare, vt in præsentī euenit, & capite 22. sequenti, vbi de hippopotamo, id est fluuiatilis equi testiculo agit, vt sexcentos alios præteream locos, in quibus hippos pro equo accipitur. Cæterum, mulieres Anconitanæ, pisciculo isto in puluerem redactō & vino


*Mathioli error.*

excep

excepto, pro lacte euocando in potu vtuntur, ad ea verò quoque quæ Dioscorides valere tradit, potentem esse, experimento compertum habeo.

## DE PURPURIS ET BUCCINIS.

Græcè, πορπύρα: Latinè, purpura, buccina, concharum genera: Hispanicè, buzios: Italicè, buccine: Arabicè, Naporan & porphyra: Germanicè, Ostern, Muscheln.



### Enarratio IIII.

*Purpura  
quid.*

**P**urpura & buccinum, è genere concharum in mari repertarum sunt, nam purpura aculeis clauata, lingua digitali, firma, torosa, & valida, vt reliqua conchilia perforare valeat, est: in cuius colli vena liquor ille pretiosissimus, purpureus dictus reperitur, quo purpureæ Imperatorum & Regum vestes tingebantur. Hunc vero liquorem, casu canem Herculis inuenisse dictitant, quem Latini non solum liquorem vel succum, & florem: verum etiam, rorem, & sarranum, & tyrium, & saniem, & pelagium, veluti Vitruuius, ostrum appellant. Extrahitur enim liquor iste à viuis purpuris, nam in mortuis illico euanescit: qua de causa, piscatores viuis purpuras ad manus habere, maxime solliciti sunt. Viuunt autem purpuræ extra mare, quinquagenis diebus, salua sua: si tamen aquam dulcem gustare illis contigerit, illico moriuntur. Latitant vero, vt placet Aristoteli libro octauo de Histo-

ria animalium, & libro quinto eiusdem voluminis, circa Canis ortum tricenis diebus: plura vero apud Plinium legito, & illius enarratorem Maslarium libro nono, capite trigesimo sexto. Buccina vero ut prædiximus, purpurarum sunt species, minor tamen, quæ ideo buccinum dicitur, quia ad similitudinem eius buccini quo sonus editur, est: habet vero orificium quo sonus illiditur, ut ori sonantis applicetur, aptissimum: hoc enim buccinum crederem ipse, concham illam esse, qua olim Triton apud Olyssipponenses canebat, ut eorum legato ad Tiberium Cæsarem, (referente Plinio) nunciauit: cæterum, iis buccinis ut diximus, purpuræ sunt maiores, quæ rostrum canaliculi modo oblongum, in quo lingua continetur, habent: non nisi clauatum, ad turbinem usque: septenis fere in orbem aculeis, qui in buccino non reperiuntur: at commune purpuris & buccinis, vnum est quod tot orbis siue volutas habent, quot annos: Buccina tamen non nisi petris adhærent, circaque scopulos leguntur: quarum puluis, ut hodie operatur vel cinis, ut Dioscorides & Galenus suadent, vlcera maxime purgat. Buccinis hodie vice cadorum Lusitani nostri vtuntur, præsertim ex India delatis, quæ procul dubio, alba, nitida, margaritarum colore conspiciuntur, & in maximo pretio habentur. Non est quoque in præsentis silere id quod dicit Dioscorides, scilicet, quod ex buccinis calx fit, quum hodie apud Indos, non alterius calcis quam huius, pro ferruminandis lapidibus, & construendis parietibus copia detur. Sed quum de cochis agimus, non alienum erit, inter eas annumerare eam in qua margaritæ siue vniones nascuntur, quum de illis, nec Dioscorides, nec Galenus, vllam fecerunt memoriã, Nascuntur igitur margaritæ in concha non multum ab ostreorum conchis differente, ut quotidiana experientia testatur, & Plinius non siluit, libro Naturalis Historiæ nono, capite trigesimo quinto, non quatuor aut ad summum quinque in concha vna, ut ille tradit, inclusæ, sed plures, centum numero excedentes, quæ procul dubio ut Arabes testantur, cordis & oculorum affectibus subueniunt. Nec audiendi sunt hodie nonnulli, qui ut aliquid noui asserere videantur, margaritarum contemnunt vires, ignorantes alioqui margaritarum vsum, rei medicæ magnum ornamentum, ac

*Buccina.*

*Triton apud Olyssipponenses.*

*Margaritæ vsui medicæ deseruiunt.*

ægotantibus non infimum nec contemnendū iuuamentum esse, ex quibus conditum diamargariton dictum passim in officinis paratum habetur, sed quòd margaritæ integræ, vel perforatæ in vsu medico accipiendæ sint, id recentiorum est commentum. Nam quæ ex India adferuntur margaritæ, solis ingentissimo æstu flauescunt: secus autem ex Peru prouincia, ex qua hodie ad nos albissimæ, rotundæ admodum in magna quidem copia aduehuntur, quarum si quis exactam desiderat historiã, legat Plinium, loco citato, qui recte mea sententia vniones præstantissimos, in mari Rubro reperiri tradit, id quod nos hodie verum esse deprehendimus, quum Lusitani nostri, apud Ormusium, insulam Persiæ, non procul à mari Rubro negotiantes, inde præstantissimos albissimosq; portent vniones: Senio tamen confectæ margaritæ flauescunt, & rugosæ fiunt. In Hiberniæ verò mari, hodie margaritæ reperiuntur, non admodum tamen excellentes, olim tamen perfectissimas ac maximi pretij reperiri, Iulij Cæsaris thorax indicat. Sunt quoq; hodie buccina quedam parua, quæ ex Aegypto aduehuntur, Italica voce porcelleta dicta, quibus mulieres pro decoranda facie maxime vtuntur. Hæc enim in succo limonis quum merguntur, liquefiunt, & tanquam vnguentum euadunt, quo mulieres vt dixi suas fucant genas, & tanto magis, si parum sublimati, illi miscuerint.

Porcelleta.  
sa.

### DE MYTVLIS.

Græcè, *μύακες*: Latine, *Myaces*, *mytuli*, *musculi*:  
Hispanicè, *Lusitanicè*, *mixilbus*: Italicè *muscioli*,  
Gallicè, *Mouilles*. Arabicè *amarchas*.

#### Enarratio v.

*Mytulus.*

**N**on eleuo iudiciū Pauli Iouij viri doctissimi, quum dicat Athenæum insequendo in eo libello quo de Romanis piscibus egit, mytulum tellinam esse, vt apud ipsum est videre capite quadragesimo primo, Dioscoridis forsan oblitus, qui mytulum à tellina differentē facit, vt ex præsentī capite & sequenti satis clare patet. Nec minus ex Hippocrate hoc satis probari potest, libro secūdo de Diæta, vbi mytulum à tellinis differentem facit, quum dicat: mytuli vero & pectines, ac tellinæ, magis aluo secedunt,

cedunt. Est igitur mytulus, cōchæ margaritifera species quædam, testa leui, subtili, nigricante, hirsutave, nam intus lucens, nitensue est, quæ vt tradit Plinius, libro nono capite trigesimo quinto, vbi de margaritis & vnionibus agit, in Bosphoro Thracio, ruffos ac paruos vniones producebat, at hodie mytulos nō solum in mari, sed fluminibus intrantibus mare, nō tamen margaritiferos obseruamus, quos musculos Latiniore appellat, quanquam non me lateat Theodorum Gazam libro tertio de Historia animalium, mystocetū in Aristotele, musculum vertisse, imò Hippocrates, citato loco, musculum diuersum à mytulis facit. Verum mytuli sua sponte in arenosis, extra mare, & fluuiis mare intrantibus nascuntur, vt meminit Plinius citato libro, capite 51. Qui capite decimo libri trigesimi secundi, myacas in mytulos degenerare, & in algosis, non arenosis viuere asserit. Cæterum, mytuli, vt cætera conchilia, in victus vsum veniunt, quorum cinis quoq; causticam vim habet.

## DE TELLINIS.

Græcè, τελλίνα: Latine, Tellina: Hispanicè, brignigois: Italicè, telline, calcinelli. Arabicè, Sedes, & Talsam.

## Enarratio VI.

Hæc conchulæ quoq; sunt, & è conchiliorum genere, Tellina. quæ vbique in mari reperiuntur, & in victus vsum quotidianum veniunt, gustui admodum gratæ, verum ob arenulas quibus scatent, renibus officiant, & nephritim generant.

## DE CHAMIS.

Græcè, χάμις: Latine, chama: Arabicè, Hame.

## Enarratio VII.

Sunt vt paucis dicam chamæ, conchiliorum genus, Chamæ. sluti plura alia, vt digiti, vngues, patellæ, & alia varia, quæ Dioscorides prætermisit, & eorum ius esculentum tantum aluum prorritant.

## DE ONICHE.

Græcè, ὄνιξ: Latine, Onix, conchula Indica, vnguis

*guis odoratus, blatta bisantia: Vulgò blatta bisantia, Athfar, vel Adfar.*

Enarratio VIII.

*onix blatta bisantia est.*

**E**st onix, Indica conchula dicta, vnguem magnum refert, quæ quia odorata, vngula odorata appellatur, hodie vero officinæ eam blattam bisantiam appellant, cuius odor teret, a castorei, quàm bonus vel suavis reputandus est, vt ex Dioscoride in præsentî colligitur.

DE COCHLEIS TER-

RESTRIBVS.

*Græcè, κοχλία χερσαίοι: Latinè, cochlea terrestres, limaces: Hispanicè, caraqueles: Italicè, chiocciole terrestri, lumache, bugoni: Arabicè, Dalsum: Gallicè, limaces, escargots: germ. Schnecken.*

COCHLEAE MARINAE.

*Græcè, κοχlias θαλάσσιος: Latinè, cochlea marina: Hispanicè, caramuyos: Italicè, lumache marini: Gallicè, Limas de mer, virelis: Germanicè, Meer Schnecken.*

Enarratio IX.



*Cochlea terrestres.*

**C**ochleæ terrestres omnibus sunt notæ, ex equino capite cornibus armato, illis saltem infito, quarum magnæ, parvæ, & mediocres, comperiuntur, & illarum quoque  
aliam



aliæ bonæ, aliæ malæ & venenosæ: aliæ verò mediæ. Sunt autem bonæ, in cibum ganearū receptæ, quæ in bonis & odoriferis reperiuntur herbis, vt calamêto, origano, sceniculo, petroselino, stechade, & aliis. Verû, iis nostri medici, ad antiquorū imitationem, pro tuberculis maturâdis per se vel aliis admixtis medicamentis vtuntur. Non minus quoq; nonnulli hodie eas hectica feбри laborantibus concedunt, non cõtēnendo profecto iuuamento: de quibus Galenus libello de Cibis boni & mali succi dixit: cochleæ crassi succi censentur: & vñdecimo de Facultatib. simplic. medicamen. vbi de viperæ carnibus agit: At cochlearum inquit, caro prius in mortario contusâ ac postea ad leuorem redacta, omnium valentissime desiccatur partes superfluo humore grauatas, adeo vt & hydericis cõueniat, &c. quæ in eodẽ capite sequuntur, & capite proprio, à lectore videnda, de quibus quoq; Plinius consulendus est, lib. ix. cap. 56. & lib. viij. cap. 39. Porro marinæ cochleæ, stomacho quoq; sunt grates, qua de reincœnis maxime expetuntur, quas Lusitani voce sua caramuyos appellitant.

Cochleæ  
marinæ

## DE CANCRIS.

Græcè, *κράβη* Ⓞ: Latinè, *cancer fluuiatilis*: Hispanicè, *cangreio pescado de agoa dulce*: Italicè, *granchi di fiume, mollecche, mancinette*: Arabicè, *Sartan, & Sarthan*, Gallicè, *cancrez vel crabes*, Ger. *Krebs*.



## Enarratio x.

*Astellus marinus.*

tra Pelopem præceptorem suum contendit. Sic enim antidotum hoc parari. vt illi placet, debet, hoc vno proposito, quod mense Julij cancri in patella viui vratur, & inde cinis paretur. Recipe cineris cancrorū fluuiatilium, partes decem: thuris partem vnam: gentianæ partes quinq; misce, fiat puluis, cuius pondus drachmæ in aqua bibendum propinetur. Est enim cochleare magnum sex continens obolos: paruum vero tres tantum. Animaduertendum tamen, quod pondus hoc, singulis quadraginta diebus dari debet. Si tamen demorsus non illico ab eo die in quo inflictum fuit illi à cane rabido vulnus, antidotum hoc acceperit, tunc potius drachmarum duarum pondus quotidie, ad quadraginta vsq; dies bibere debet, & tanto magis, quanto morsus venenosior fuerit. Solet enim perniciosum hoc canis rabidi virus, aliquando illico interficere, sæpe vero post aliquot menses, imò & annos, repululare, vt ex Galeno tertio libro de Morbis vulgaribus commentario 3. didicimus, & res ipsa experimento comprobata

CAncri & fluuiatiles: & marini sunt, quorum alij parui, alij magni, alij verò ingentis sunt magnitudinis: cauda omnes carent, & lato rotundoq; corpore constant. Cæterum, de fluuiatilibus cancris, hic agit Dioscorides, à quibus assatis, cinis, tantopere decantatum medicamen, cōtra rabidi canis morsus paratur, vt ex Galeno lib. xj. de Faculta. simplic. medicæ. percipitur, qui ibidem à tota substantia, nō vero qualitate manifesta, medicamē hoc agere, contra

probata attestatur: ob actiuitatem enim veneni, & dispositionem patientis, actio & reactio illa, breuis vel longa fit. Cæterum cancri fluuiiales ij quoq; dicuntur quos testudines appellamus, qui hecticis & lenta febre laborantibus maximè commendantur, quoniam humidum, leue, & valde refrigerans præbent alimentum: Sunt enim harum pulpamenta tanquã gallinæ, aut capi, quæ prius optimè lauari debent, vt illis innatam falsedinem exuant, & postea per se vel pullorum carnibus admixtæ, in aqua coqui debent. Vnum tamen præterire non est, quod Dioscorides inquit: Elixii cancri, cum iure suo in cibo sumpti, tabidis opem ferunt. Quibus verbis Aëtius subscribens sermone, 10. suæ medicinæ, inquit, vt iure albo incoquantur: est enim ius album, compositum ex porro, anetho, & cepis, & aliis similibus, quæ proculdubio phthisicis, & hecticis, magis obsunt quàm profunt. Proinde intelligere opus est apud Aëtium, cancris iure albo coquendos, id est, in aqua nulla sibi re admixta, tunc enim ius album quoque appellamus, quum præter carnes, & aquã, in elixatione nihil quiequam super addimus. Porro, cancer fluuiatilis tritus illitusq; spicula, & surculos extrahit, vt testatur Gal. lib. de Theriaca ad Pisonem.

## DE SCORPIONE

## TERRESTRI.

Græcè, *σκορπιος χερσαίος*: Latine, *scorpio terrestris*:  
Hispanicè, *alacral*: Italinè, *scorpione*: Arabicè,  
*harrab*, vel *Acharab*: Gallicè, *scorpion*.

## Enarratio x i.

Scorpio animal familiarissimum vbique est, quod venenosum, & hominibus infestū omnes norunt, quarquam in nonnullis regionibus nō admodum venenosum percipitur, vt apud Germanos, & illos qui sub Septentrione agunt: Ex illis vero hodie oleum irritanda vrinæ paratum vbiq; habetur, quod & Auicenna in aurium dolore præcipue commendat. Verum nōnulli hodie oleum contra omne genus veneni conficiunt, cuius fundamentum scorpiones sunt, & illius descriptionem annis superioribus vidimus, imò eo oleo doctissimus Antonius

Musa Brasauola in duobus ad suspendium paratis, periculum fecit, & ille cui oleum datum fuit, per aliquot superuixit horas, valet autem oleum hoc inuncta cordis regione, & pulsantibus arteriis, circa corpus, in peste, veluti contra lumbricos.

## DE MARINO SCORPIONE.

*Græcè, σκορπίος θαλάσσιος*: *Latinè, marinus scorpior*:  
*Hispanicè, alacral del mare*: *Italicè, scorpione marino.*

## Enarratio XII.

**P**utant multi, hodiernam scorpenam, scorpionem marinum esse, hac de causa, quia scorpena piscis rufus est, varius, multis armatus aculeis, & qui gobionis similitudine lubricus, venenato aculeo insignitur, sed reuera, ij omnino falluntur: quia scorpior marinus longè alia res est, à scorpena, vt ex Aristotele percipi potest & Athenæo illi subscribente. Est igitur scorpior marinus, pisciculus terrestri scorpioni admodum similis, quem semel mihi tantum apud Lusitanos videre contigit, in eo oppido Alcobacia dicto, non nisi è portu à Pedarneria aduectum.

*Scorpior marinus.*

## DE DRACONE MARINO.

*Græcè, δράκων θαλάσσιος*: *Latinè, draco marinus*:  
*Hispanicè, dragon de la mar*: *Italicè, pesce ragno*:  
*Gallicè, viure.*

## Enarratio XIII.

**D**racō marinus, piscis nobis ignotus est, quem Albertus Magnus, ingentis magnitudinis feram, & aligeram depingit. De quo Plinius lib. ix. cap. 27. inquit, captus à piscatoribus draco marinus atq; immisus in lacunam, cauernam sibi rostro mira celeritate excauat.

*Draco marinus.*

## DE SCOLOPENDRA.

*Græcè, σκολόπενδρα θαλάσσια*: *Latinè, scolopendra, centipes*: *Hispanicè, centopea*: *Italicè, cento gambe.*

## Enarratio XIII.

**E**st scolopendra aquatilis, & terrestris: terrestris, vermis est oblongus digitalis longitudinis, & maior, ad ruborem.

*scolopendra terrestris.*

ruborem declinans, multis sed paruis, super quibus ambulat, pedibus armatus, qui asplenio herbæ, quam Arabes ceterac appellant, similis est, & ea de causa, herba hæc scolopendra quoque appellata est: Verum aquatilis siue marina scolopendra, in rubore plerunque magis viget, quam terrestris, de qua Aristoteles, nono de Historia animalium ita inquit: Piscis qui scolopendra apellatur, vbi hamum deuorari, euomit foras sua interiora, donec hamum eiiciat, tum recipit intro, ac valet eadem qua ante salubritate: & subdit, mordet non ore sed tactu totius corporis, similiter vt quæ urticæ vocantur. Plutarchus porro scolopendram non interanea euomere tradit, sed potius se ipsam, quum hamum deglutiuit, inuertere: reuera tamé Aristoteli plus fidei tribuendū est, quam Plutarcho, cum Aristoteli quoq; Plin. scribit lib. ix. cap. 43.

Plutar-  
chus ab A-  
ristotele na-  
siat.

## DE TORPEDINE.

Græcè, *νάρκη*: Latinè, *torpedo*: Hispanicè, *Lusitanicè*, *bugia*: Italicè, *tremolo*, *battipota*, *foferigia*, *torpedine*: Arabicè, *Tead*: Gallicè, *endormie*, *turpille*.

## Enarratio xv.

**T**orpedo piscis inter cartilaginea, planus est, à Græcis naree dictus, qui ita appellatur, quia si quis manu viuam tenuerit, torpedinem brachio inducet, imo à longinquo retis interuallo, vel virga tacta, lacertos quamuis præualidos torpescit, vt dixit Auerrôis, libro octauo Physicorum, & secundo de Cælo & mundo: sed ante illum Plato diuinus in suo Menone, Torpedinem appropinquantibus torporem inspirare dixit: quem secutus Aristoteles nono libro de Natura animalium, ita prodit: Torpedo inquit, pisces quos appetit, afficit, & ipsa quam suo in corpore continet facultate torpesci cedi, atq; ita retardos præ stupore capit & vescitur, abdit se in harena & limo, tunc pisces adnatantes torpore affectos, corripit, quam rem pleriq; conspectam à se retulerunt. De qua Galenus lib. xj. de Facultatibus simplicium medicamentorum ita disserit: Si applicetur viuâ cui caput dolet, fieri

Torpedo.

potest vt dolore liberet, similiter aliis quæ sensum ob-  
stupefaciunt.

## DE VIPERA.

*Græcè, ἐχιδνὸς σάπξ: Latine, vipera caro, vipera:*  
*Hispanicè, biuora, bicha: Italicè, marasso: Ara-*  
*bicè, labame, Alfahay: Gallicè, vipere.*

### Enarratio XVI.

**E**Xtant duo libelli de vipera conscripti, quorum vnus,  
Leonicensi est, viri omnium consensu doctissimi: Alter  
vero Pandulphi Colinutij Pifaurensis, cōtra ipsum Leo-  
nicenū euulgatus, quos diligens lector percurrere pote-  
rit. Nos vero hodie rei medullam tenētes, relictis eorum  
iudiciis & controuersis, paucis summam comprehende-  
mus. Est igitur echis, siue echidna, vipera, quam Itali ma-  
rassum, Hispani vero biuoram, id est viuum parientem  
appellant, animal in vniuersum venenosum, maleficum,  
& hominibus infestū, in Hispaniā cubitale ad summum,  
capite presso, acuto, in quo verruca cernitur, dorso varie-  
gato, & catena quadam depicto. Dicitur autē vipera, non  
quod vi pariat, vt hucusq; omnes crediderunt, sed potius,  
quia viuum animal pariat: vnde rectius, mea sententia vi-  
uipera, quàm vipera appellari meretur, vt ex Aristotele  
inferius comprobabitur. Receptum enim est, viperam  
fœminam per os concipere, atq; ea amplexus dulcedine,  
mâsculi caput abrodere, postea fœtus ex tali semine pro-  
gnatos, naturali quadam vltione, maternum vterum ab-  
rodere, & foras prorumpere, ita vt tanquam patris vindi-  
ces, matrem perimant: ita enim Nicander in suis The-  
riacis hoc scriptum reliquit, quod postea Galenus quoq;  
memoriæ commendauit, libro de Theriaca ad Pisonem,  
dicens: Vipera autem inter omnes alias feras caput habet  
perniciolius, siquidem aiunt ipsam os aperire ad susci-  
piendam maris genituram, qua accepta, caput illius ab-  
rodere, atq; hunc ipsis esse prauis complexus modum.  
Deinde fœtus ex semine prognati, naturali quadam vlti-  
tione, parentis vterum erodere, & foras prorumpere,  
ac ita ipsos patris vindices, matrem perimere, quod nobis  
egregius Nicander Aetolus Poëta Græcus versibus suis  
ingeniose

ingeniose scriptum reliquit, sunt autem hi è Græco in Latinum conuersi.

*Ne sis in triuivis quum morsus vipera coniunx,  
Famella fugiens agitata vulnere abhorret.  
Et quum dente caput magno maris amputat atri.  
Famina dira nimis, labiis & mordicus hærens.  
Sed catuli vltiores patris sunt protinus, vt qui  
Perrumpant latera occisa iam rara parentis.*

Hæc Galenus, ex Nicandro, cui quoq; subscribit Plinius libro decimo capite 62. At revera, quum res ita se non habeat, contra doctissimos viros sententiam contrariam referre, mirum non erit. Vidimus enim nos, & plures alij experientia comprobant, viperas prægnantes pyxidibus inclusas parere, quæ inde ex partu, nec mortuæ nec visceribus perforatæ manserunt, imò potius viuæ illæ sæ vt prius, in dies multos perdurarunt, vnde credendum est, vulgi famam, viros doctissimos istos, quam rem experientia comprobata, literis mandasse, vel potius quòd Aristotelem minus bene intellexerunt, quod de Plinio libere assueveramus, qui dubio procul in istum deuenit errorem, quia Aristotelis mentem assecutus non fuit, capite vltimo libri quinti, de Natura animalium, vbi ita inquit, Vipera è serpentibus vna animal edit, cū intra se oua primum peperit: ouum hoc vnus coloris, & molle, vt piscium est, & subdit, parit catulos obuolutos membranibus, quæ tertia die rumpantur: euenit interdum, vt qui in vtero adhuc sunt, abrosis membranibus prærumpant, singulos, diebus singulis, parit, & plures quàm viginti, hæc Aristoteles. In quibus, vt cernitis, hæc inquit, Vipera ex ouo intra corpus gignit catulum, qui catulus membranibus obuoluitur, quæ membranæ post exitum catuli in lucem dirumpuntur: sed cum hoc contingit, quòd catuli membranibus obuoluti, interim dum adhuc sunt in vtero matris, dirumpant ipsas membranulas, & foras exeant. Plinius vero quum hunc textum interpretatur, vt dixi libro decimo capite 62. illum corrumpit, quum, dicere deberet, quòd catuli vltimi, in vtero existentes, aliquando membranibus, in quibus sunt obuoluti dirumpant, vt exeant: vertit, quòd catuli prærumpunt latera matris: verba longe profecto aliena ab Aristotelis mente. Quæ vero à Ga-

*Contra antiquos.*

*Plinius errat.*

*Aristoteles exponitur*

Ieno de viperæ carnibus libro vndecimo traduntur, ac quantum elephantiasi conueniant, legere ne pigeat: simulq; ea quæ de illis scripsit libro primo de Antidotis, vbi pastillos theriacos parare docet. Sed hic adnotare decet, quod Dioscorides in præsentem eos irridet, qui viperarum extremas partes ad quatuor digitorum mensuram amputare contendunt, quum tamen laudet, caput & caudam vt partes venenosiores, & duriores amputandas esse: super qua re Galenus iudicium suum ferens inquit, libro vndecimo de Facultatibus simplicium medicamentorum, caput quidem totum abici, ob venenum quod ore continent, verum à ratione alienum esse adimere & caudam. Item taxat Dioscorides illos, qui contendunt affirmare, viperinis carnibus vescentes, pediculosos fieri, quod tamen Galenus pro vero affirmat, in illis præcipue, qui multis & corruptis, ac vitiosis abundant humoribus, vt ex suis verbis, citati loci, satis liquet, vbi inquit: quibus igitur copia mali succi in corpore abundat, iis pediculorum numerosa multitudo exoritur.

## DE ANGVIVM SENECLA.

Græcè, γῆρας ὄφρας: Latine, anguis senecta, anguina vernatio: Hispanicè, pele de la culebra: Italicè, sfoglia delle serpi: Gallicè, desponille de serpent: Germanicè, Schlangen haut.

### Enarratio XVII.

Anguivum  
senecta.

**A**nguivum senecta, siue anguinea vernatio, inter lapides, sepes, ac parietes reperitur, quæ ad omnia quæ Dioscorides citat, valet: ego tamen illa, a ungua porcina excepta, palos, spinas, ac spicula carni affixa, extrahere soleo, loco affecto superimposita.

### CONSTANTINVS.

**H**oc anguivum spoliolum Græcis χελυπίς dicitur & γῆρας Nicandro in Theriacis. Plinio lib. xxix. cap. 6. vernatio et lib. xxx. cap. 3. Anguina vernatio: libroq; xxix. cap. 5. membrana siue Senectus Anguivum vernatione exuta. Et lib. viij. cap. 30. Senectus. Alibi vernatio annua, & pellis exuuiæ. Virgilio in Georg. Exuuiæ. Lucretio vestis, libro. iij. vestemq; relinquere vt Anguis gauderet. Idem



Idem libro iij. cum lubrica serpens exiit in spinis vestem. Statio senium & squallentes anni Thebaidos iij. Cen lubricus alta Anguis humo verni blanda ad spiramina solis Erigitur liber senio & squallentibus annis. Quod Græci leberidem, Latini Senecliam & exuias, dixit Senium & squallentes annos: Quia, inquit Laelantius grammaticus, deposita pelle dicuntur serpentes in iuuentutem redire: Herba quædam dicitur Mathios, quam cum comederint, Senium deponunt ætatis, quo loco manifestarius est error (vt in transitu opem feramus classico grammatico) in dictione Mathios, cum legendum sit marathros, vel potius marathron: cuius fidem facit locus apud Nicandrum huius etiam argumenti, in Theriaci: τῆμ' ὅτ' ἀναλίον φοιδίωρ ἀπεδύσατο γῆρας

Μῶλος ἐπισείχωρ, ὅτε φωλεῶν ἕαρι φούγων,  
 ἄμμασιν ἀμβλώσας, μαράθς ἢ ἐνέχυτ' ὄρπηξ

(In enim corrigo pro ἐνέχυτ')

Βοσρητίς, ὠκυύτε καὶ ἀγῆνόντα τίθησι. Clarius fit ex his verbis in te pretis Diphili ἰστορ δε ὡς εἰ ὄφεις ἐν τῷ χειμῶνι τυρλοὶ γίνονται διὰ το παρῆς. ἐν τῷ ἔαρι γευσάμηναι μαράθς πάλω δξυφερῶσι ἢ ἀναβλέπτει.

Ei alibi ὁ χυλὸς ἔ μαράθς δξυδερκίαν παρῆξ, εἰ δράκοντος ἢ μέγα ἰδίσσιμ αὐτό, ἀλλὰ ἢ περιχρῖσαι τὸς ὀφθαλμοὺς αὐτῶν.

## DE VTROQUE LEPORE.

Græcè, λαγῶδς θαλάσσι: Latinè, lepus marinus:  
 Hispanicè, Lusitanicè, Lula:

## LEPVS TERRESTRIS.

Græcè, λαγῶδς χερσαῖ: Latinè, lepus terrestris:  
 Hispanicè, lieure: Italicè, lepre: Gallicè, lieure:  
 Arabicè, arnebeni: Germanicè, Haass.

### Enarratio XVIII.

Est enim lepus marinus, animal puillum tetri cuiusdam odoris, inter loligines computatum, quod ideo lepus dicitur, quia capite lepori terrestri simile. In India vero pilosum reperiri, ac tactu veneficum, & pestilentem, tradit Plinius libro nono capite 48. qua de causa, nec viuus ibi capitur.

Lepus marinus.



*Lepus ter-  
restris.*

**L**epus terrestris, notissimū animal, & velocissimum est, quod ex omnibus coagulum habentibus, solum dentes in parte anteriori, tam supra quā infra habet, quia enim timidissimum animal, apertis dormit oculis, parit omni mense, & superfœtat, ita vt fœtum educans, alium in utero pilis vestitum habeat, alium vero implumem, vnde Leporum infinitus crescit numerus, coeunt autem (natura ita constituyente) natibus aduersis, quibus duo iecinora inesse, circa Briletum, & Thernē, & in Cheroneso ad Propontidem, testatur Plinius, lib. xj. cap. 36, Caro leporis sicum præbet alimentum, vt de ea Manardus abunde, & docte disseruit lib. xij. suarū Epistolarum, episto. 4. Cuius pili admodum sunt constringentes, vt ex Galeno, & medicorum choro percipitur, At de capite Leporino, ita Galenus dixit lib. xj. de Facult. simplic. medic. Alius capite leporis vsto utebatur, ad alopecias cum adipe vrsino: de cerebro vero eiusdem, vno interposito capite, ita quoque dixit, id attritum & esum vtile dicimus esse pueris dentientibus. Quidam etiam aduersus tremores, vtiliter edi cerebrum hoc prodidere. Verum, cuniculus, figura lepori similis est, specie vero dissimilis.

## DE PASTINACA PISCE.

*Græcè, Ψυχὸν θαλασσίον: Latinè, pastinaca, Italicè, pesce columbo, Gallicè, glorin, vel gloriense.*

## Enarratio XIX.



**P**astinacam, Trygona Græci dicunt, quam Ambrosius turturem vertit, & eam Veneti hodie piscem columbum appellitant, è raiarû & squatarum genere, qui radium digitalis, & interdum semipedis lōgitudinis, in modum serræ denticulatum, dentibus retrouersis super caudam retinet, quo nihil (vt tradit Plinius) in mari venenatius reperitur, adeo vt si radicibus arborum innitatur eas exsiccat marcescereque facit. Tripudio cantûve maxime delectatur, vnde is etiam capi consuevit. Coit pastinaca quemadmodum raia, & latrocinetur ex occulto, cuius solertiæ indicium est, quod sapius eam capiunt habentem in ventre mugilem piscem velocissimum. Hæc in cibo sumpta, ventrem exonerat, sed vt placet Plinio, ex illa extrahi debet totum quod croco habet simile, non minus & caput, quibus & caudam aliqui addunt. Quo modo vere aculeo isto, siue radio vtendum sit, in sedandis dentium doloribus, docet Plinius lib. xxxij. cap. 8. ad istum modum: Pastinacæ quoq; radio scarificare gingiuas, & in dolore vtillissimum, conteriturq; iis & cum helioboro albo illitus, dentes sine vexatione extrahit. Cæterum, piscis columbus aliquibus is piscis dicitur, quem rotundum, veluti ollam, suspensum, in domibus principum tanquam prætereuntiû spectaculû cernimus, quem quoq; alij piscem hirundinem appellant, vt Dalmatæ & Illyrici, qui eum hodie sua lingua, lastouica, id est hirundinem vocant, & merito, quia piscis hirundo vere dicitur, & est.

*Pastinaca  
piscis colum-  
bus est.*

*Piscis colu-  
mbus.*

## DE SEPIA.

Græcè, σπινά. Latine, *sepia*: Arabicè, *Sarathan*,  
 & *serthan*: Hispanicè, *siba*: Italicè, *sepia*: Gallicè,  
*Seche*: Germanicè, *Blachfich*.

## Enarratio x x.

*Sepia pi-  
sca.*



**S**epia piscis marinus  
 est, plebeis & baiulis  
 satis notus, qui ex se  
 attramentum, quum ap-  
 prehendi se à piscatore,  
 vel alio pisce nouit, vt  
 aquam nigram reddat,  
 effundit: cuius oliè, Aq-  
 uarifices Argentarij, pro  
 parandis, & poliendis  
 monilibus, & annulis,  
 hodie præcipuè vtütur.

*Loligo po-  
lypus.*

Est *sepia* congenus *loligo*, *polypus*, & alij lubrici & plani  
 pisces: differt tamen *sepia* à *loligine* in hoc, quod *sepia*  
 latior, *loligo* vero longior est: item *sepia* nigrum attra-  
 mentum, vt diximus in timore ex se emittit: *loligo* vero  
 rubrum, adde, quòd *loligni* hæret, quæ hodie *calamarium*  
 dicitur, *Gladiolus* vero perspicuus est, & *crystallo* persi-  
 milis, *polypus* verò, à pedum multitudine, quasi *multipes*  
 dictus est. Constat enim octonis pedibus per quos aceta-  
 bula quedam dispersa habet, quibus haurit quodammodo  
 id cui adhæsit, & ita tenetur ne queat diuelli, de quo extat  
 pergrata lectori historia apud *Plin. lib. ix.* Cæterū omnes  
 isti pisces, crassum & difficilis coctionis præbent alimen-  
 tum, vt de eis tradit *Gale. lib. iij. de Facult. alimen. cap. 35.*  
 sub iis verbis: *mollia*, inquit, vocatur, quæ neq; *squam-*  
*mas*, neq; *asperam cutim*, aut *testaceam* habent, sed *mol-*  
*lem instar humanæ*: cuius generis sunt, *polypi*, *sepia*, *lo-*  
*ligines*, & alia quæ his sunt similia: hæc certe quoniam  
 neq; *squammeum*, neq; *asperum*, neq; *testaceum tegmen*  
 gerunt, *mollia* tangenti apparent: duræ tamen sunt car-  
 nis, & ad coquendum difficilis, exiguumq; in se succum  
 calsum continentia: Si tamen concoquatur, alimentum

*Mollia  
qua.*

non paucum corpori exhibebunt, cæterum hæc quoque succi crudi plurimi gignunt. Hæc Galenus. Quæ omnia ex Hippocrate deprompsit libro de Diæta, quum dicit. Sepiæ verò & pòlypi & huiusmodi pisces, neq; leues, velut videntur sunt, neq; per aluum secedunt, quapropter etiam oculos comesti grauant, iuscula tamen horum aluum mouent. De sepiæ vero testa, plura apud Galenum legito lib. xi. de Facult. simplicium medicamentorum.

## DE MVLLO PISCÈ.

Græcè, *ῥίγλα*: Latinè, *trigla*, *mullus piscis*, *mullus barbatus*: Hispanicè, *Lusitanicè*, *salmonete*: Italicè, *barbone*, *triglie*: Gallicè *surmulet* vel *barbue*, Germanicè, *Barben*.

## Enarratio xxi.

**T**Rigla piscis, hodie Græco nomine seruato, in multis Italicæ locis trigle appellatur, quanquam tamen Veneti, & aliis variis locis, seruata Latinorū voce, barbone illum vocant: nominat autem eum Cicero lib. Paradoxorum, barbatulum, veluti Varro tertio de Re rustica libro, barbatum mullum, quia duplici barba, illum ornari videmus. Sed dicitur mullus, quia nulli colore, hoc est ad ruborem declinante insignitur, vel potius dicitur mullus, vt Fenestellæ placet, à mulleorū colore: est enim mulleus, vt Festus inquit, genus calceorum, quibus Albanorum reges primi, deinde patricij vsi sunt. Dicitur quoq; à Græcis trigla, non quia triformis, aut quia Dianæ triformi dicatur, sed melius, quia ter anno pariat, vt ex Aristotele v. lib. de Historia animalium percipitur, quum ex piscibus, solum nullū, ter anno parere dixerit, & Plin. libr. ix. subscripsit. Est proculdubio mullus piscis, hodie in maximo pretio habitus, veluti quoq; olim habebatur, adeo vt A sinus Celler, Claudij temporibus, mullum octo millibus numum, hoc est ducentis aureis emerit, raro binas libras pondere superare videmus, quod Martialis scriptū reliquit iis verbis, Nolo mihi ponas rhombū mullumq; bislibrè: & Horatius, laudas insane trilibrem mullum, At Seneca lib. xv. suarum Epistolarū, mullum quatuor librarum, Tyberio

*Trigla  
mullus est.*

Imperæ

*Mullus vi-  
res.*

*Trigla  
mullus est.*

*Trichia  
sardina.*

*Trissa clu-  
pea vel sa-  
malus.*

*Asellus.*

*Lupus spi-  
gola.*

Imperatori donatum, quē postea in macellum vendi ius-  
fit, ab Octavio quinq; sestertiis emptū fuisse scribit. Iuue-  
nalis quoq; mullum sex librarū fuisse, sexq; millibus sex-  
tertiis emptū commemorat. In mari quoq; Rubro octo-  
ginta librarū, mullum captum, Licinius Mutianus, vt re-  
fert Plinius, testatur. Mullus, testāte Cornelio Celso, opti-  
mi succi est, vt postea attestatus est Galenus lib. iij. de Fa-  
cultatibus alimentorū, cap. 27. dicens: Hic quoq; pelagi-  
cis piscibus annumeratur: celebratur autē apud homines  
tanquam voluptate cibos reliquos superet, omnium fer-  
me aliorū carnem habet durissimam, & valde friabilem,  
quod idē significat ac si dicas nihil in eo esse lentoris neq;  
pinguedinis: nutrit certe quum probe confectus fuerit,  
omnibus aliis piscibus copiosius, & cætera. Sed hic lecto-  
rem monitum velim, ne nominum vicinitate decipiatur,  
quū trigla, vt diximus, mullus est, Trichia verò, sardinia:  
at Thrissa, clupea, vel alofa, saualūsve est, quē Itali chiepā  
appellant. Quòd verò mullus claritati oculorum officiat,  
Dioscorides testatur, an verò recte, dubito: quum gratus  
stomacho sit, & optimum gignat nutrimentū. Item quòd  
humanas carnes insequatur, ridiculosum mihi videtur,  
quum piscis mitis, parvus, & haud truculentus sit. Dicitur  
verò ab Hispanis piscis iste, salmonetus, quasi salmoretus,  
quia ex eo olim præcipue salmuria parabatur. Sed quia de  
mullo pisce egimus, non ab re erit, de asello pisce quoque  
sermonem facere veluti & de lupo. Est igitur asellus piscis  
ex iis qui in alto capiuntur mari, antiquissima voce Bac-  
chus nominatus, quam vocem hodie Hispani, & Germani  
inferiores seruantes, illum, licet corrupte, bacchalhao vo-  
cant. Melius igitur Bacchus apud Plinium legitur, quàm  
banchus, vt olim Hermolaus Barbarus contendebat. Sed  
quòd asellus vt diximus piscis iste, in foris piscariis vac-  
chalhao dictus sit, ab Erasmo Roterodamo, viro omnium  
cōsensu maximo, viua voce accepimus. Dicitur verò asel-  
lus, vt Varroni placet, à colore asinino illi insito, vel vt  
Opiāno, ob ignauiam segnitiamūc. Lupus verò piscis, ore  
immenso conspicitur, aspero, sed sine dentibus, squamo-  
sus, candicantibus minutis squamis, præsertim supina par-  
te, quem olim spigolā Romani vocabant, hodie verò Ve-  
neti varolum, Hispani autem robalum nominant, Hunc  
olim

olim antiquitus Romana in maximo habuit pretio, cuius altera species, absoluta voce, piscis dicebatur, quem hodie quoque Hispani piscem, vel piscatam, seruata Romanorum voce, appellant: quia inter ceteros pisces, excellentiam obtineat, ita ut piscis nomine solus appellari dignus sit. Is enim, ut placet Galeno iij. lib. Alimentorum, cum perdicis carnibus, maximam habet conuenientiam. Possimus quoque lupi speciebus addere piscem illum fluuiatilem, quem lucium Itali, hechtum & snuchum Germani, Galli vero bruxetum appellant. At Angli voce Lusitanica eum pique vocant, quanquam in vniuersa Hispania non reperitur.

Galli Lucium vocant brochet, Angli vero pig. de quo Aufonius in Mosella.

Varolus  
Tobalus.  
Lupi altera species.  
Lucius.

## DE TESTICULO FLV-

VIALIS EQVI.

Græcè, δὲξις ἰν ποταμῶσι: Latine, testiculus fluuiatilis equi.

Enarratio XXII.

Hippopotamum, id est equum marinum, hucusque videre nunquam mihi contigit, in Nilo tamen reperiri, & quod ex eo venesectione in vltu medico adducta fuerit, tradit Plinius libro viij. capite 25. & 26.

## DE CASTORIO.

Græcè, κάστος δὲξις: Latine, amphibium, castorium, castoris testiculus, fiber. Hispanice, biuaro, binciro, fitalicè, biuaro: Gallicè, Bieure: Arabice, Inchian, Beduster: Germanicè, Bibergeyl.

Enarratio XXIII.

Castor animal, & in terra & aquis vitam degit, qua de causa, amphibium appellatur, cuius testiculi castorii dicti, magni vsus in re medica sunt, adeo ut Archigenes integrum volumine de illis, ut tradit Galenus lib. xj. de Facultatibus simplicium medicamentorum, scripserit. Parum enim animal hoc à lutra differt, imò Hispanorum aliqui, ob magnam quam habet cum lutra similitudinem, lutram aquaticam, illud appellant, sed neque figura tantum animalia hæc duo similia sunt, sed etiam viribus. Nam lu-

Castorii testiculi.

Lutra testiculi.



*Explodi-  
vuy error.*

træ testiculi ad eadem valere nouimus ad quæ castorium,  
imò carnes lutræ eadem sapore cū carnibus castoris sunt,  
quæ in cibo ad omnia quæ testiculi valent, magnum sum-  
ptæ præbent iuuamentū. Proinde medici rectè deinceps  
facient, si huiuscemodi carnibus neruorū agritudinibus  
à repletionē pendētibz, male affectos aluerint, quū pro-  
culdubio & calidæ & siccæ sint, & magnum præbeant iu-  
uamentū. Quòd vero hoc animal, quum à canibus perse-  
quitur, sibi testes amputet, falsum esse tradit Dioscorides,  
id anno 1541. nos quoq; experti sumus, quum Ferrariæ in  
officina Nicolai Nicolutij pharmacopolæ à Pinea, inte-  
grum castorē habuimus, & eum circa testes dissecuimus,  
quos adeo spinæ hærentes inuenimus, vt illos difficulter  
cultro extrahere potuerimus, quorū vires Dioscorides in  
præsenti exacte prosequitur, & illis Galenus libro xj. de  
Facul. simpl. medi. subscripsit, quas illic legere ne pigeat,

## DE MUSTELA.

*Græcè, γάλλη: Latine, mustela domestica: Hispanicè,  
doninha, duenha de casa: Italicè, donnola: Gallicè,  
Bellette. Enarratio xxiiii.*

*Mustella a  
quatica et  
terrestris.*

**M**ustela duplex est, aquatica & terrestris. Est enim  
mustela aquatica, pilcis lampreta hodie dicta, variis  
foraminibus in collo perforata: terrestris verò, animal  
paruū quadrupes sciuri magnitudine dicitur, quæ dome-  
stica,



stica, & sylvestris reperitur. Domestica ea est, quæ mures in domibus nostris, tanquam felis venatur, de qua ad præsens Dioscorides loquitur: sylvestris verò illa dicitur, quæ in syluis & montibus viuit: vtraque verò catulos suos, de loco ad locum quotidie, eorū timentes raptum transfert: contra serpentes mustela innadit, non nisi prius ruta pabulo munita, vt placeat Plin. lib. viij. cap. 27. vel cicerbita, vt aliis videtur. De qua legito Galenū lib. xj. de Facultat. simplic. medic. vbi mustelam, pro podagricis, & arthriticis, nunquam combussisse faterur.

## DE RANA.

Græcè, Βάραχος: Latine, rana: Hispanicè, Italicè, rana. Gallicè grenouille, raine. Arabicè, Desdaha. Germanicè, Frosch.



## Enarratio xxv.

**R**ana notissimum animal, cuius species sunt plures, quas omnes tanquam venenosas, & hominibus indignum cibum, omittendas cum Mose consulimus, à quibus quoque Galenus abstinere suadet, lib. de Cibis boni & mali succi, & libris de Morbis vulgaribus, qui penuria urgente, vel luxus potius gratia, has veluti legumina omnia fere, fungus, cochleas, carnes ferorum animalium, & alia id genus reliqua, in victus usum homines (inquit) venire permittunt: imò Aëtius lib. xij. cap. 55. palustres ranas in-

Rana.

ter venena connumerat, quanquam lib. ij. cap. 162. earum  
ius tanquã alexipharmacum descripserat. Terrestris por-  
ro rana, obmutescens dicta quam rospum Itali, Hispani  
verò sapum appellant, ab omnibus tanquam presentissi-  
mum venenum, non minus ac rubeta habetur. De quibus  
si placet, legito Mundellã Brixiensem epistola octaua sui  
voluminis. Cæterum rana marina piscatrix dicta, inter  
piscis planos & cartilagineos adnumeratur, qui hodie ab  
Istria piscatoribus, piscis rospus dicitur, a nostris verò  
piscis sapo.

*Rana pis-  
catrix.*

## DE SILURO PISCE.

*Græcè, σιλουρος: Latinè, silurus: Hispanicè, Lusita-  
nicè, solho.*

### Enarratio xxvi.

**R**Ecte mea sententia, Paulus Iouius, vir hac nostra æta-  
te doctissimus, libello suo, quẽ de Romanis aliquot  
edidit piscibus, post longam disceptationẽ, ac multorum  
confutatis opinionibus, conclusit silurum Græcorũ, no-  
strum esse sturionem, cui Hispanica nomenclatura mul-  
tum fauere videtur, vnde enim Hispanis, lingua Roma-  
na, sed parum emendate loquentibus, in mentem venit, vt  
sturionem solho, vocarent, nisi ita à maioribus suis, hoc  
est, ab his qui Latina lingua incorrupte utebantur, voca-  
tum quasi per manus accepissent, facile enim à siluro vox  
solho deduci creditũ est. Proinde Manardus, & alij illum  
sequentes, in hac re veluti scopum nõ attingẽtes, non sunt  
audiendi, quum reuera, silurus sturio sit, piscis ingentis  
magnitudinis, præsertim apud Belgas: in Pado vero Fer-  
rariam præterlabente frequens is piscis est, qui si nõ adeo  
prægrandis magnitudinis sit, sapore tamẽ cæteros excel-  
lit. Cæterum ex sturionũ ouis, cauiarium, in Ponto con-  
ficitur, & ad nos salitum in massas ingentes coactum af-  
fertur, quod primatum inter salsamenta hodie habet.

*Silurus  
Sturio est.*

*Manar-  
dus errat.*

### CONSTANTINVS.

**E**Rrat Amatus Lusitanus cum Paulo Iouio: Itatorũ enim sur-  
tio non est silurus, potius est γλάvis, Aristoteli & Athenao:  
idemq; qui Plinio silurus grassator à B. Ambrosio in hexam. ro-  
rax vocatus est, Danubij accolis dictus Acchia & germanis Bo-  
libi diuersus à siluro Aufonij qui Antacius Straboni, & Hero-  
doto

doto creditur. At sturionem alij voluerunt esse phocenam Aristoteli, Plinio tursonem vt Gazæ, alij Attilium, Hermolaus hycam Athenæo, alij lupum. Ego quidem pedibus, quod dicitur, transeo in Rondeletij viri doctissimi sententiam, qui in illa de piscibus absoluta historia (quamvis obrechet Cardanus libro de varietate rerum & illum mentiri impudenter clamet, à quo omnia huius argumenti surripuit) qui sturionem credit esse accipenserem Romanorum, & Dorionis oniscon, siue Galeni galaxiam.

## DE SMARIDE PISCE.

Græcè, σμαρίς: Latine, Smaris piscis: Italicè, giroli, Arabicè, absamaris.

## Enarratio xxvii.

Smaris piscis, mænis similis est, quem hodie Græci quoque smaridem vocant, Veneti vero giroli, vel girulos, vel gerrulos nominant. Dicuntur autem smarides, pisces ij, ob colorem illis album insitum: vnde homines præ metu albidus, & exangues redditus, smaritos hodie Itali appellant. De iis vero piscibus, Aristoteles libro octavo de Historia animalium mentionem fecit.

## DE MAENIS.

Græcè, μαινίδες: Latine, manæ: Italicè, menole: Hispanicè, pandelhas, Gallicè, Menuise.

## Enarratio xxviii.

Mænæ pisculus digitalis longitudinis est, qui in hyeme albescit, ætate vero nigrescit, ex albo cæruleus quodammodo redditus, de quo Plinius libro nono, verbum facit, & Aristoteles libro octavo de Natura animalium.

## DE GOBIO PISCE.

Græcè, γοβίος: Latine, gobius, gobio: Hispanicè, Lusitanicè, cadozes: Italicè, go: Gallicè, gouion, Arabicè, Ramen: Germanicè, Goeb.

## Enarratio xxix.

Gobius, siue gobio, aut vt Plinius cobio, piscis paruus est, ex nigro & albo variegatus, capite magno, inter præstantes hodie habitus, quem Veneti voce deprava-

Gobiorum  
altera spe-  
cies.

uata, hoc est prima tantum syllaba mutila goo appellant, Hispani vero Lusitani, Hebraica voce, pisces istos, cadozes, id est sanctos appellant. Sunt tamen pisces alij, quos vniuersa Hispania gobiones appellant, quos potius inter tinearum species adnumerandos esse autumarem, quum parum cum figura tum temperamento inter se differant, de quibus Galenus libro tercio de Facultatibus alimentorum capite vigesimo nono ita tradit: Gobio littoralis est piscis, ex numero etiam eorum, qui parui perpetuo manent; præstantissimus autem omnium ad voluptatem, coctione, distributione, ac denique succi bonitatem is est, qui in arenosis littoribus, aut saxosis promontoriis degit. Cæterum gobiorum caro, vt carne saxatilium est durior, ita mollior quam mullorum, ipsa igitur proportione vescentium corpus nutrit.

## DE THYNNO.

Græcè, Ἰθύνη : Latine, Thunnus : Arabicè, Regsam & aliena : Italicè, Tonno : Hispanicè, atuni, Gallicè, Tonine vel Thun.

### Enarratio xxx.

**T**Hynnorù præcipua hodie est captura in Algarbiis Lusitaniæ, vnde in vniuersam Europam, eos cadis membratim dissectos salitosque tanquam celebre mercimonium deferunt. Cæterum, in thynno duæ seruantur partes, altera nobilior, circa abdomen, quam Romani, tarantella dicunt, nostri vero à ventre ventriscam appellant: quæ vt pinguis & palato grata est, ita facile stomachos subuertit, ad nauseam eos promouendo: altera vero pars, dorsi, & caudæ, totiusue corporis, melandrya à Plinio nuncupatur, sicca, omni pingui succo admodum carens, quæ deiectum stomachum reuiuiscere omnino facit. Dicitur autem thynni foetus quum primum ab ovo prodit, cordylla, postea limaria, tandem adolescens, pelamis, siue palamia nominatur: quum vero pedalem excesserit magnitudinem, in thynnium abit, qui vt placet Aristoteli, intra biennium moritur, nec amplius viuut, de quo Galenus, citato loco, intra dura carne, prædictos pisces, mentionem fecit.

## DE G A R O.

Græcè, γαρόν : Latine, garum: Arabicè, Muri,  
vel Almuri.

## Enarratio xxxi.

**G**arum liquamen ex salmuria saliti piscis gari apud Græcos dicti, confectum est, vt ex Plinio libro trigesimo primo capite septimo didicimus: quod in varios culinæ vsus veniebat, olim apud Aphros optimum conficiebatur, quod sociorum quoq; appellebatur, in vniuersum abolitum: hodie tamen ex scombris sardis apud Hispanos dictis, garum, veluti ex thynno, & aliis variis piscibus habetur, quod salmuriam vocamus, de qua veluti ea, in qua carnes seruantur, Dioscorides in præsentī loquitur, intelligitue. Anī aduertendum tamen, quòd garum vt diximus, proprie sanies intestinorum piscium est, halme vero muries & falsugo piscium inueteratorum, hoc est, ius falsum, in quo pisces seruantur, & illud, salmuriam appellamus, quam Dioscorides intelligit. Ceterum, ex aceto & muria, compositum paratur quod oxalme nominatur, veluti ex muria & allio, scordalme dictum.

Garum.

Salmuria.

Halme.

Oxalme.

## DE RECENTIVM PISCIVM

## ESCVLENTO IVRE.

## Enarratio xxxii.

**R**ecentium piscium esculentum ius facile paratur: pro quo animaduertendum, quòd Dioscorides, illud parari iubet ex piscibus petrosis & saxatilibus, qui omnino marini sunt, non autem fluuiatiles, vt multi falso rentur, credentes quum pisces saxatiles, aut petrosos apud authores legunt, non marinos, sed fluuiatiles intelligi. Cæterum phycides ex iis piscibus sunt, qui colorem mutant, & in alga nidificant, atq; pariunt, vt placet Aristoteli libro octauo de Historia animalium, qui omnino tincarum viridium colorem atq; effigiem referunt, vulgo Romanorum, dicti fici, omnino insipidi, qua de causa, raro procerum mensas occupant. De scorpionibus vero supra abunde diximus. At iulides qui sint pisces, non satis constat. Hermolaus Barbarus, in Corollario, iulidas siue

Ius piscium.

iulides, ait porcos vocari, utcumq; tamen crederem ipse,  
 piscem parvum & saxatilem esse, sed perca piscis satis est  
 notus, quem Itali, præcipue Ferrarienses, apud quos ma-  
 gna illius est captura, persicum piscem appellant, Theu-  
 tones vero Anthuerpienses, illum sua lingua basim dicunt,  
 & eum maximo in pretio habent, fluuiatilem & mari-  
 num, branchis subrufum, dorso spinis armatum, pondere  
 ad summum semilibrem, gustui gratum, & languenti-  
 bus salubrem. Quomodo vero, ius hoc parari debeat,  
 ut alium moueat, aut quantum anethi, olei, & salis iniici  
 debeat, quæret aliquis: cui respondemus, id coqui arbi-  
 trio relinqui, qui secundum piscis quantitatem, plus &  
 minus addere vel detrahere poterit. Cæterum antiquitas  
 esculentum ius hoc, veluti gallinaceorum, post purga-  
 tionem, ad infringendam eius erosionis acrimonia propi-  
 nabat, ut libro quinto capite de Aqua marina testatur  
 Dioscorides, & nos ibidem vberius dicemus.

### DE CIMICIBVS.

*Græcè, κόπεις: Latinè, cimices: Hispanicè, chismes,*  
*chiemesas, parauehos: Italicè, cimici: Gallicè,*  
*punaïses: Germanicè, Vventel, Vvantzen.*

#### ENARRATIO XXXIII.

*Cimices.*

**C**imices tam sunt noti, ut eos ob putidum & pestilen-  
 tem, quem emortui relinquunt, fetorem, satius esset  
 præterire: quod verò Dioscorides illis, in quartanæ cu-  
 ratione tribuit, id ut fabulosum Plinius refutat, libro vi-  
 gesimo nono capite quarto dicens: Cætera quæ de iis tra-  
 dunt, vomicæ & quartanarum remedia, aliorumq; mor-  
 borum, quanquam ouo aut cera, aut faba, inclusos cen-  
 seant deuorandos, falsa, nec referenda arbitror: quòd  
 vero virgæ pro irritanda vrina concili immitti debeant,  
 id hodie consultius factum iri puto, quam viros in vrinæ  
 canali indunt: quia sua velicatione, expultricem quoquo  
 modo virtutem, ad excretionem incitant. Sunt præterea  
 cimices ærestes, in maluis & variis aliis herbis vigentes,  
 de quibus Plinius ita inquit: eos qui ærestes sint, & in  
 malua nascantur, crematos cinere permixto rosaceo, in-  
 fundunt auribus. hæc Plinius. quæ ideo in istum locum  
 transferi

transcripsimus, vt Mathiolum parum oculatum in hac re monstraremus, qui de illis nullū vsus in medicina, apud aliquem reperiri contendit.

## DE MILLEPEDIBVS.

Græcè, ὄνοι ἢ χυραγίδες: Latinè millepeda, Arabicè, barna: Hispanicè, gallinilha: Lusitanicè, porquinhas, bicho: Italicè, porcelletti: Gallicè, Closeporte: Germanicè, Esel.

## ENARRATIO XXXIIII.

Sunt onisci, id est aselli vermes, admodum parui, multorum pedum, & cineritij coloris, qui sub hidriis, & humectis locis maxime reperiuntur, & tacti illico in globum plicantur, quorum frequens apud vulgares in potu pro cienda vrina vsus est: eos enim siccatos & in puluerem redactos, in vino vel iure aliquo, offerunt. De quibus Galenus libro vndecimo de Facultatibus simpliciorum medicamentorum, capite de dracone marino mentionem facit, non minus quoq; libro secundo de Compositione medicamentorum secundum locos, capite de cephalca.

## CONSTANTINVS.

De hac centipeda siue millepeda quæ ex varia authorum lectione obseruauimus in supplemento lingue Græcæ nondum impresso, non pigebit ascribere. Apud Trallianum lib. ij. legitur φυσικὸς ἢ τὸ αὐτὸ τὸ το ποῖσι, οἱ ὄνοι οἱ παρὰ τὰς ὑδρίας οὐρακόμενοι. Apud Dioscoridem χυραγίδες ἢ ὄνοι lib. ij. cap. 37. describuntur τὸ τὰς ὑδρίας ἴσως πολυπόδα, σφραγίσματα κατὰ τὰς ἰσχυρὰς τῶν χειρῶν Animalia vt Plinius loquitur multipeda arcuatim repentia, tactuq; se contrahentia. De quibus ita Scribonius Largus: Bestiola multorum pedum quæ conduplicant se in orbem pilule rotundissimæ similem, κατοικίσις ὄνυς aut πολυπόδας Græci vocant. Marcellus Empeiricus has bestiolas vocat cutiones: Cutiones inquit, bestiole sunt multipedes, cute dura & solida, quæ tacta complicant se in orbem pilule rotundissimæ, polypodas Græci appellant. Et alibi: cutiones qui in stercore nascuntur, quiq; cōtacti in globulos complicantur. Idem alibi Bestiola multipedes quæ in locis humidis & Sordidis nascuntur, quæq; contacta pilulam de se faciunt. Idem author, in locis humidis &

fordidus sub lapidibus inueniuntur bestiola multipedes, quæ contracta contrahuntur & rotundantur. Calius autem Aurelianus medicus (quem ab infinitis mendis repurgatum Dalechampij eruditissimi viri & amici mei censura, perlegi) porcelliones vocat, ut adhuc porcelletos vocat Italia. Porcelliones inquit ille Chronion libr. j. Cap. 4. hoc est animalia quæ humectis & aquosis locis sepe nascuntur, à grecis appellata onisci. Quæ omnia curiosissus adduco, ut intelligas huius, licet exigui, insecti maximum usum esse in medicina, vel ipsorum authorum testimonio, qui ita certatim describunt. Nos galli vocamus closeporte, quæ diuersa est ab alia millepeda siue etiã centipeda dicta, quæ venenata est: ea grecis est, *συνολοπεδία* de qua Plinius libr. xxix. Cap. ultimo, quam tradit etiam à grecis *sepa* vocari. Non tamen ignoro Plinium in eo capite oniscos aliter descripsisse ac ceteri omnes, cum dixit: Millepeda, ab aliis centipeda, aut multipeda dicta, animal est è vermibus terra pilosum, multis pedibus arcuatim repens, tactuque contrahens se. oniscos greci vocant, alij *tilon*: efficaciter sanat auriū dolores, in cortice punici mali decoctum & porri succo. Loca si quis conserat videbit in onisci descriptione solum in medicina Plinium consentire cum Dioscoride aut Galeno ceterisque citatis authoribus. Oniscos enim Plinij est de genere erucarum, at Dioscoridis oniscos qui & *κνύα* dictus est propter coloris similitudinem, nihil habet in figura, cum eruca conuenientie. Oniscos autem quos etiam *ὄνυς συνολοπέδας* vocauit Aristoteles, quidam & *ἰδύς* dixerunt. Sed proprie *ἰδύς* est *ἰδύς* quem *κνύα* Nicander scribit reclamante interprete ex Aristotelis decreto, Et Lycophronis interprete qui *ἰδύς συνολοπέδας* scolopendras intelligit.

## DE BLATTA PISTRINARIA.

Grecè, *Σίλφν*: Latine, *blatta*: Hispanicè, *Lusitanicè*, *rapa coua*, *rapa cona*: Italicè, *piattole*, Germanicè, *Grillen* & *heymichen*.

### Enarratio xxxv.

*Blatta  
vermis.*

**B**latta, testante Plinio lib. vigesimo nono cap. ultimo, plures sunt species, quæ tamen à Dioscoride in præfenti describitur, ea est, quæ circa molas, & in pistrinis reperitur, vermis scilicet gliri admodum similis, quem nostri Hispani, *rapa coua*, vel *rapa cona*, quasi dicerent, *scalpentem foueam* appellant.



## DE PVLNONE MARINO.

*Græcè, πνεύμων θαλάσσιος: Latinè, pulmo marinus: Hispanicè, Lusitanicè, natura de vieya, capacha, de velha: Italicè, potta marina.*

Enarratio xxxvi.

**S**pernatant Pulmones marini, carnositate quadã char-  
 Stilaginea, & translucida constantes, forma rotunda, su-  
 perne concaua, vt inde vulua marina ab Italis et Hispanis,  
 communi voce dicatur. Ii enim filicea testa inclusi, veluti  
 ostrea, stellæ, & alij pisces, plantarum modo, sine vllò vi-  
 uunt sensu, vt tradit Aristoteles, lib. iiii. de Partibus ani-  
 malium, & Plinius lib. ix. cap. 47. Præfagiunt enim pul-  
 mones marini, vt idem Plinius tradit, futuram tempesta-  
 tem, ex quibus si virgæ lignæ inungatur, nocte tanquam  
 accensæ candelæ lucent.

*Pulmones  
 marini.*

## DE PVLNONE SVILLO ET

AGNINO VVLPIS ET VRSI.

Enarratio xxxvii.

**P**ulmones prædictorum animantium, facile habentur,  
 vulpis tamen, in vsu quotidiano est medico, quum ex  
 eo loch officinæ contra pectoris vitia paratum habeant.

## DE IOCINORE ANIMALIVM.

*Græcè, ἥπαρ: Latinè, iecur, hepar: Italicè, Hispanicè,  
 figado, Italicè, fegato: Gallicè foye. Arabicè, Be-  
 dib: Germanicè: Leber.*

Enarratio xxxviii.

**I**ecur asininum, quod tostum comitali morbo conue-  
 niat, id à tota substantia conuenire credibile est, quum  
 iecur, sanguis coagulatus est, crassum præbens alimen-  
 tum. Medicamēta vero quæ comitali morbo medentur,  
 incidentis opus est, sint facultatis, vt Galenus libro xj. de  
 Facultatibus simplicium medicamentorum capite de san-  
 guine adnotauit. At caprinum iecur assatum, & ipsius sa-  
 niem, ad eadem valere, ad quæ Dioscorides notat, subscri-  
 bit Galenus lib. à nobis citato: obnoxium tamen tam ca-

*A sininimo  
 iecur.*

*Caprinum  
 iecur.*

prinum

*Aprinum  
iecur.*

*Mergi he-  
par.  
Mergi ven-  
ter.*

*Lupinum  
iecur.*

primum quàm hircinum iecur epilepticis esse, imo illo comesto, morbum irritari, ac de nouo moueri tradit Galenus quoq; lib. prædicto: Proinde qui hircinum iecur tanquam sanum laudant, animaduertant etiam atq; etiam moneo. Porro aprinum iecur, id est porci syluestris, ad ea quæ Dioscorides tradit valere, credere est: canis vero rabidi iecur, ad ea non valere quæ tradit Dioscorides testatur Galenus eodē citato libr. xj. imò omnes mortuos esse, qui eo solo vsi fuerant eodem capite confirmauit. Nec id mirum videri debet, quum ex iecore canis rabidi, venenum inter cætera veneni genera potentissimum pareatur, vt ipsi nouimus. Mergi hepatis non meminit Galenus: At Paulus Aegineta lib. 7. suæ medicinæ, siccum & potum calculos eiicere tradit, sed vt opinor textus ille corruptus est, quum loco earum vocum, secundas eiicit, vt scribit Dioscorides, calculos in eo legitur. Cæterum & si Galenus mergi iecoris mentionem nullam fecerit, fecit tamen de illius ventre, quum dicat: Ventrem mergi quidam commendant tanquam medicamen concoquens, & pepticum, idq; siue protinus elixum, siue arefactū comedas. At nos id experti vanam esse promissionem comperimus, sicut sane etiam quod de interna tunica gallinarum memorat est proditum. Aiunt enim quidam si ea arefacta bibatur, iuuare stomachicos.

Quum igitur, de iecore animalium agimus, lupinum prætermittere extra rationem erit, quū de illo hodie multi ambigunt, dubitantq; , nec sane immerito, quum Galenum in eo dubium ac fere sibi ipsi contradicentem animaduertant. Dubitant igitur, an iecur lupinum, hepaticis, id est eparmale affectum habentibus, siue in fluxu hepatico, hydrope, vel alia quauis affectione iecoris conueniat. Et quod sic, cum Galeno libr. de Compositione medicamentorum secundū locos. 8. & eiusdē numeri capite, respondent, vbi ait: Videntur autem hæc iuxta totam substantiam efficacia esse, non secundum vnā aut alteram qualitatem, quale est & lupinum hepar, cuius abunde experimentum habemus, & subdit: teritur enim exacte hepar lupinum, & datur drachma vna, cū vino aliquo dulci. Porro libro vndecimo de Facultatibus simplicium medicamentorum dictis contraria innuere videtur, quum de illo

illo nullam habere experiētiā tradat, quum dicat: iecur lupinum sæpenumero in medicamentum indidi hepaticum, quod ex eupatorio conficitur, neq; tamen quod mentione dignum sit, amplius præstare comperi, ad illud videlicet cōparans, quod sine ipso componitur. Hæc Galenus, in quibus nullam de iecore lupino experiētiā habuisse inquit, quæ dubio procul, contraria illis à nobis citatis è libr. viij. de Compositione medicamentorum secundum locos videntur, imò sexto lib. huius citati voluminis, capite 2. tradit ipse Galenus, in compositione quadam Archigenis, oris crustis dicata. De lupino hepate non habeo quod dicam, ob quæ multi vt dixi, in hac re ambigui dubiiq; sunt, imò quod Gale. sibi ipsi contradixerit, clamant: Quibus nos paucissimis respondemus, & primo apud Galenum nullam esse contradictionem: fatetur enim Galenus libro. 8. κατὰ τόπους lupinum iecur hepaticis conuenire, quod & vndecimo de Facult. simpl. non negat, imò si quis interius aduerterit, inueniet hoc dicere, videlicet, quod tanta inest vis iecori lupino, quanta medicamento ex eupatorio pro hepaticis confecto: vel aliter respondemus Galenum nunquam de illo experimentum habuisse, quousq; locum illum, libri de Compositione medicamentorum κατὰ τόπους attigit, ita enim illi euenire posse arbitramur, veluti & morbis, quibus nonnulla hodie innotescunt, quæ antea ignorabamus.

Conciliatur Galenus.

## DE CERVI MASCULI

## GENITALE.

Græcè, αἰδοῖον ἐλάφης: Latine, pudendum cerui: Hispanicè, vergalho de ceruo: Italicè, verga del ceruo: Gallicè, verge de cerf:

## Enarratio xxxix.

Non solum contra viperæ venenum Virga cerui valet: sed etiam vt testatur Rasis, ad colicas affectiones, & vrinæ retentionem, vel vt aliis placet, ad stimulantiam yenerem. Cæterum, circumfertur hodie lapillus quidem ex India ad Lusitanos primo aduectus, vt plurimum, magnitudine & figura glandis colore cineritio, ad cyaneum inclinante, multis compositus laminis, quem cerui

Virga iecur.

Lapis bel-  
zaharti-  
cus.

Abinzoar  
47.

cerui lachrymam quidam, alij vero lapidem belzahart appellunt, & illum tanquam præstantissimum ac diuinum antidotum, cõtra omne genus veneni approbant. De quo Abinzoar libro sui Theisir testatur, se illo quendam deploratũ à perniciosissimo ingurgitato veneno liberasse, cui granorum hordei trium pòdere belzaharti, in quinque vncijs aquæ cucurbitæ propinauerat. Nam æger ille illico in auriginem icteritiam dictam deuenit, in qua bilis vigebat, pro qua infringenda ac domanda, antidotum in cucurbitæ aqua dedit. Quo vero modo lapis iste gignatur, aut ynde gignatur, non alienum erit inquirere. Gloriosus Abinzoar, eo citato loco, hunc quem modo citaturi sumus, ordinem insequitur. Nam cerui vt testatur Plinius capite 32. libri octauì, cum serpentibus habent pugnam, ita vt inuestigent cauernas, & eas narium spiritu extrahant, renitentes: quod libro xxviij. cap. 9. prope finem confirmauit, dicens: exitio iis (hoc est serpentibus) esse ceruos nemo ignorat, vt si quæ sunt extractas cauernis, mādant. Hoc innuit Regius Propheta Dauid in psalmo, cum dicat: Sicut ceruus desiderat ad fontes aquarum ita anima mea desiderat ad te domine. Nam post esum serpentium, in orientalibus regionibus, vbi prægrandes reperiri solent, tunc vero ea infestus siti, ceruus præsto ad stagnantes aquas confluit, in quibus immersus, natura ita docente, velut Tantalus in medijs fluctibus, sitiens, non bibit, nam siquid aquæ degustaret, illico concideret mortuus: interim ad eius oculos humor defluit quidam qui paulatim crassescit, cogitur, & coagulatur, atque in glandis magnitudinem excreuit, quem postquam ex aquis exiit ceruus, deciduum homines quærunt, & tanquam rem pretiosissimam seruant, lachrymam cerui appellantes, vel potius lapidem belzaharticum, id est, lapidem antidotum. Hodie vero Lusitani nostri, qui ex India multa referunt, quæ hucusque de isto tradidimus lapide fabulosa esse testantur, quum illum potius, è stomacho vel cuiusdam animalis corde extrahi, pro firmo contendunt, quod ita esse certum est: quum lachryma cerui lapillus alter est, coloris mellei, latus, in pyramidem tendens, à paucis hucusque visus, quem nos, quum hæc scribimus, ob oculos habemus & Belzaharticus dictus ad ea valēs, ad quæ lapillus

Lapis belzaharti. eius ex stomacho animalis extrahitur.

ex corde vel stomacho animalis extractus. Datur enim ad minus pondere triū granorum hordei, nonnunquam contra venena in oleo, vel aqua naphæ, potu, contra febres pestilentes magno datur iuuamento in aqua nenufaris, vel acerofæ, vel alia frigida: puerorum vermes extirpat, vigente febre, in aqua portulacæ datus, vel sine febrè in vino potus, experti sumus, rebellem pleuritidem huius potu domari. Complet enim opus suum lapis iste aliquando per vomitum, nūnunquam vero per secessum, plerunq; tamen per sudorem. Nunc quū hæc literis commendabamus, illustris Domina Beatrix à Luna, mulier opulentissima, Venetiis agens, lapillum vnum ex iis quos describimus ab Indiæ animalis extractū à quodam nobili Lusitano, qui apud Indos Prærex fuerat, centum & triginta aureis ducatis emit: erat enim lapillus ille, vt hoc quoq; dicamus oualis ferè magnitudinis. Cæterum, non ab re quoq; esset, in præsentī postquàm de præstâtissimis antidotis contra venena egimus, de vnicornio quoque memoriam facere, sed quoniam capite de cornu cerui, de illo sermonem facimus, ideo supersedimus, lectorem ad citatum locum relegantes.

## DE VNGVLIS ANIMALIUM.

Græcè, ὄνυχος: Latine, unguis, unguis: Hispanicè, vnhas de animal: Italice, unghie: Arabicè, chafit, stes, & dalef, Gallicè, ongles.

### Enarratio XL.

Sunt enim ungues animalium, ex iis medicamentis, que paratu facillima dicuntur, præter tamen ungues aſini & capræ, de quibus Dioscorides in præsentī agit, à Rasi summo Arabum medico, bouis quoq; laudantur, præsertim manuum, ad lactis euocationem, modo vsti & in cinerem redacti, in liquore aliquo, poti dentur, non minus quoque mulæ unguæ pro sterilitate inducenda, ab eodem commendantur.

Vngues animalium.

## DE EQVORVM LICHENI-

### BVS SIVE CALLIS.

Græcè, λειχάνος ἵππων: Latine, lichenes equorum, calli

*calli equorum: Italicè, porri delle gambe de i cavalli: Hispanicè, impigenes de los cavallos: Arabicè, zeide: Gallicè, cals, ou porreaux de cheual.*

## ENARRATIO XL I.

*Lochequorum.*

**P**Edum equorum lichenes, ad cuiusvis feræ morsum quoq; valere tradit Galenus libro xj. de Facultatibus simplicium medicamentorum.

## DE VETERVM CALCIAMENTORVM CORIO.

*Græcè, κατ' ὑμᾶτον παλαιὰ δέρματα: Latine, veteramenta, corium veteris calceamenti: Hispanicè, suella de zepatos viegos: Italicè, scarpe vecchie: Arabicè, geldalatiche: Gallicè Sauates.*

## ENARRATIO XL II.

*Gattinaria historia.*

**F**Vnum veterum calciamentorum, matricis strangulationibus valere, omnes vetulæ nouerunt, quo serpentes quoq; fugari certum est, de quo Marcus Gattinaria admirandam enarrat historiam, quum dicat: in agro quum quidam aperto ore dormiret, vipera per os ingressa est, quæ multis adhibitis remediis, nunquam à corpore profligari potuit, tandem suffumigiis ex iis veteribus calciamenti apparatus, & naribus admotis, illico vipera per anum exiit, quæ an vera sit historia, dubito, quum Hippocrati remedia hæc ignota non esse, sciam, qui lib. v. de Morbis populariter vagantibus, ita de quodam, qui serpentem dormièdo deuorauit, & mortuus fuit, dixit: Adulescens (inquiens) quidam multo meraco potu, superius in habitaculo quodam dormiebat, huic serpens arges appellatus, in os ingressus est, & sane quum sensisset, & loqui non posset, dentibus stridit, & serpentem deuorauit, & dolore magnò tenebatur, & manus prætenfas adhibebat, velut qui strangularetur, & iactabat seipsum, & conuulsus mortuus est.

*Hippocratis historia.*

## DE GALLINIS ET GALLIS.

*Græcè, ἀλεκτρυόδιος: Latine, gallina: Hispanicè, gallinar.*

linas: *Italicè, galline: Arabicè, Degedi, & gianduch: Gallicè, poules, & gellines: Germanicè, Hennen.*



Enarratio XLIII.

Sunt proculdubio in regionibus temperatis, gallinæ, optimum gignentes succum, secus autem in frigidis, veluti apud Germanos inferiores, apud quos experientia comprobauimus, gallinas illius regionis, carnes hircinis vel caprinis duriores habere, quæ malum, & viciosum præbent alimentum, quo fit, vt ibi raro in cibi vsum veniant. Caterum, gallinarum esculentum ius simplex, retinendi vim possidet, veluti gallorum subducendi, vt enarrat Galenus xj. lib. de Facult. simpl. medic. capite alctorides, quod animaduersum à practicis deinceps velim, qui post exactam medicamentorum purgationem, tanquam (lauatiuum vt dicunt) nihil præter ius gallinæ purgatis bibendum porrigunt, vt purgantium medicamentorum reliquias stomacho hærentes, descendere ad intestina faciat, quod sane contrarios effectus, vt pote adstringentes, non vero abstergentes, aut lauantes inducere, ipse Galenus expertus est. Porrò ius gallorum subducendi vires habet, & eo magis si polypodio, aut mercuriali, soldanella, aut cartamo, fena vel epithimo coquatur. Pullo- rum tamen gallinaceorum nõdum coeuntium ius, veluti eunuchorum gallorum, optimum esse pro prædicta exequenda operatione, credendum est, quod hodie admixto

Gallina.

Gallorum  
ius subdu-  
cendi vim  
habet.

Iecur galli-  
naceorum.

s saccharo,

faccharo, pro parandis ad expulsionem humoribus, deli-  
 catoribus damus, imò eorum testes & iecinora, tanquam  
 cibum corpori multum alimenti præbentem, extenuatis  
 concedimus. Irridendi proculdubio sunt illi, qui galli-  
 naceorum iecur, tanquam nutrimentum obstructions  
 gignentem, detestantur: quum reuera extra Galeni men-  
 tem, & veritatem ipsam loquantur. Quòd verò Dioscori-  
 des inquit, dissectas gallinaceorù carnes serpentium mor-  
 fibus subuenire, id omnium consensu, hodie melius exe-  
 quitur, si gallinaceorum deplumato ano, venenato mor-  
 sui, gallinaceos viuos apponant, vt inde tanquam ventosa,  
 ipso ano venenum attrahant: sed hoc opus, non vna galli-  
 na tantum fieri debet, sed pluribus: quæ in vniuersum ve-  
 nenosæ inde manent, ita vt si canibus postea dentur, super-  
 stites non maneant, sed certo peribunt. Item irridet Ga-  
 lenus eos, qui interioram tunicam stomachi gallinarum,  
 tanquam stomachicorum præstans iuuamentum laudant,  
 quam tamen Dioscorides in præsentì summopere valere  
 contendit. Cæterum tradit Plinius libro xxix. cap. 4. hoc  
 mirum videlicet, dicens: non præteribo miraculum,  
 quanquam ad medicinam non pertinens, si auro liquefcenti  
 gallinarum membra misceantur, consumunt illud in se,  
 ita hoc venenù auri est, & subdit quòd si collo gallorum  
 circulus vitis imponatur, desinet consueta horis cantare,  
 sed hæc forsan in præsentì potius omittenda erant.

*Interior tu-  
 nica stoma-  
 chi gallina-  
 rum.*

## DE OVIS.

*Græcè, ὄvis: Latine, ovis: Hispanicè, buenos, ouos: Ita-  
 licè, ovona: Arabicè, naid, beid, & Baid: Gallicè,  
 œufs: Germanicè, Ey.*

### Enarratio XLIII.

*Candidū  
 oui.*

**O**Vum ex multis habetur altilibus: gallinarum tamen  
 Dioscorides in præsentì prosequitur, in quo album  
 & luteum includitur: ex albo pullus gignitur: ex luteo  
 vero nutritur, vt experientia quotidiana indicat, & Ari-  
 stoteles scripsit lib. vj. de Natura animalium, cap. 3. quan-  
 quam Hippocrates, libro de Natura pueri prope finem,  
 potius ex luteo generari, & ex albo nutriri contendat.  
 Cæterum candidum oui frigidum est, ex quo & gypso  
 mixtis,



mixtis, frons illita, narium sanguinis fluxus cohibetur. Hippocrates quoq; lib. iij. de Morbis cap. 20. quo frigefactoria portiones, contra ardentis febres describuntur, ita de candido oui tradit: ouorum trium aut quatuor, candidum in aquæ congio concussum bibat, hoc valde frigefacit, & agrum ad aluum exonerandam cōturbat, eo quoq; mulierum facies poliuntur, & vulnera recentia curantur, non minus quoq; intestinorum vlcera ex eo & tracagantho gummi, amiloue, ad cicatricē in dysentericis, modo per clysteres iniiciantur, reducuntur. Vitellus vero oui, fundamentū digestiui vnguenti dicti est, quo passim chirurgici, vulnera, & vlcera sordida, rubra & ad statum sanitatis prope reducunt. Conficitur enim vnguetum hoc, digestiuum dictum, ex vitello oui, oleo rosaceo, & terebinthina, cui modo abstergere quoq; velis, addere possis, mellis rosacei colati portiunculam, vt alia plura præteream. Fit quoq; ex vitello oui, venenum irremediabile, quod subticere satius erit: non minus quoq; ex oui vitello, oleum conficitur, quo mulieres pro facie polienda passim vtuntur, & eo quoq; chirurgici insigniores, in vulneribus capitis, vbi cerebri meningis sunt affectæ, vtuntur. Cætera verò quæ de ouo traduntur, Galenus præ cæteris melius lib. iij. de Alimentorum facultatibus, memoriæ scripta reliquit, quæ ita habent, cap. xxij. gallinarum & phasianorum oua, omnibus sunt præstantiora: deteriora autem anserum & struthocamelorum: porro quæ oua dicuntur tremula, ad nutriendum, omnium sunt præstantissima: sorbilia autem minus quidem nutriunt, sed subducuntur facilius, & pharyngis asperitates læuigat, cocta vero, & ad coquendum sunt difficilia, & tardi transitus, corporiq; crassius alimentum largiuntur: his autem tardius permeant, & crassioris sunt succi, quæ in calidis asfantur cineribus: quæ vero in sartagine sunt inspissata, pessimum habent modis omnibus alimentum. Porro quæ suffocata appellant, sunt elixis atq; asis meliora, parantur autem ad hunc modū, vbi enim ipsa oleo & garo, & pauco vino conspersa fuerint, vas quo cōtinentur, cacabo aquam calidam habenti indunt, deinde vbi ipsum totum supernè obturarint, ignem substruunt, quo ad oua mediocrē consistentiam sortiantur. Cæterum, hic adnotare est, quòd

Vitellus  
oui.

oleum ex  
vitello oui

Ouum fri-  
gidum in  
primo,

oua non semper gallinis submittuntur, vt ex illis pulli gi-  
gnantur, quom in terris frigidis, & regionibus nimis ca-  
lidis, stercore obrutis ouis, aut furno tepente immisissis,  
intra viginti dies, pulli nascuntur, vt Constantinus Impe-  
rator in libro de Agricultura docuit. Non minus quoq;  
te scire decet, quod vt oua recentia in Europa, antiquis  
meliora sunt, ita apud gētes Bengallos Indiæ, nisi putrida  
aut in pullos ferè redacta fuerint, in cibi vsum nō admit-  
tuntur, tantum enim recentia oua apud illos odio & con-  
temptui habentur. Cæterum, ouum symmetro temperie  
frigidius est, cuius naturæ & ipse vitellus est, vt refert Ga-  
lenus lib. xj. de Facult. simpl. medic. erit igitur ouum fri-  
gidum in primo gradu, in quo & vitellus reponi debet.

### CONSTANTINVS.

**O**uorum apud medicos differentia est: ὄα ἀπαλὰ ἢ ψευδὴ  
Oua mollia & tremula, ποφιλὰ Sorbilia: ἀνυοναλινὰ Setho,  
ταρνισὰ Frixia, πνικτὰ Suffocata, Setho ἔξισθα in aqua cocta,  
σκληρὰ dura. ἔσθα καὶ ὀπτὰ cocta & assa, de quibus Galenus  
libro ij. de Alimentis.

### DE CICADIS.

Græcè, τέτλιγες: Latine, cicada: Hispanicè, ciguat-  
tregas: Italicè, cicala: Gallicè, cigale: Germanicè,  
Heuschreck.

#### Enarratio XLV.

**C**icadæ cantatrices, notissimæ sunt, de quibus legito  
Galenum libro vndecimo de Facultatibus simpli-  
cium medicamentorum.

### DE LOCUSTIS.

Græcè, ἀγρίδες: Latine, locustæ: Hispanicè, lagostas de  
tierra, gasanhotes grandes: Italicè, caualletti, sal-  
telli, sauppi: Gallicè, sauterelles.

#### Enarratio XLVI.

Locusta  
terrestis,

**L**ocusta terrestris, animal notum est, & segetibus, ac  
fructibus maleficū, quo non solū Scythæ, sed Aphri-  
cæ Iudæi etiā, in Lepti, ciuitate Cepta hodie dicta, & aliis  
variis locis vescuntur. Hæc enim locusta est, quam Diuus

Ioannes



Ioannes Baptista, quum in deserto esset, in victus vsu accipiebat, non vero herba raponeolus, quā locustā nonnulli appellant, neq; herbarum summitates quas Græci *ἀνπίδα* vocant, sed de raponeolis, quum de rapis sermonem fecerimus verbum vnum vel alterum attingemus, de locusta vero animali plura apud Plinium legito.

#### CONSTANTINVS.

**N**ullus Græcorum, quod sciam, summitates herbarum *ἀνπίδα* vocauit sed potius nomine communi *ἀνπα* ἢ *ἀνπα* vt germina *ἀνπιδυας*, *βλαστῆματα* ἢ *κνήματῆ* vel *κνήματῆ*. Sed *Cyma* proprie de caulibus summitatibusq; cauliculorum brassicæ. *Cymata* etiam dixit Columella & ad aliarum plantarum summitates transferri potest: vt rapicia de rapis dixit Pli. li. xvij. cap. 13.

#### DE OSSIFRAGO AVE.

Græcè, *φλυν* ἢ *φλυν*: Latine, ossifragus, aquila barbata: Hispanicè, quebranta vesso auè: secundum Albertum, auis ossifraga: Italicè, agroti dicitur, Gallicè, *offraye*.

#### Enaratio. XLVII.

**V**aria de ossifraga aue referuntur. Nam Plinius lib. x. cap. 3. ossifragā, aquilæ haliæti id est marinæ dictæ, filium esse tradit, dicens: haliæti suum genus non habent, sed ex diuerso aquilarum coitu nascuntur, id quidē quod ex iis natum est, in ossifragi genus abit. Aristoteles verò lib. 9. de Natura animalium cap. 32. & 34. ossifragam auem aquilæ similem facit, & benignam, quæ non solum suos nutrit pullos sed optime etiā aquilæ, solet enim aquila

*Ossifraga*  
auis.

suos pullos, cogente fame, adhuc parentis operam desiderantes nec volandi adeptos facultatē, è nido mittere, quos ofsifraga benigne recipit, & tuetur, ac alit, dum quantum satis sit adoleſcant, parū hæc oculis valet, nubecula enim *Albertus*. oculos habet læsos. Albertus verò cognomento Magnus, longe aliam de ofsifraga sentētiam profert, inquit enim, ofsifragum auem aquaticam cygno maiorem esse, rostro oblongo, sed inferiori parte, adeo amplo, vt saccum quis, eius collum diceret. Hanc verò auem semel apud Belgas me vidisse recordor, pro qua educanda vetula quædam à Carolo Quinto Imperatore, singulis diebus, tres stuferos accipiebat, postea vero Ferrariæ alteram emortuā vidimus apud Ioannem Baptistam Cananum, anatomicū insignem, & amicū singularem, sed vt audio apud Senenses auis hæc familiarissima est: cæterum, non desunt quidam, qui ofsifragum ab ofsifraga differre specie dicant.

## DE GALERITA.

*Græcè*, νορνδ αλδς: *Latine*, galerita, alauda: *Hispanice*, cucuyada: *Lusitanicè*, cotonia: *Italicè*, lodola, capellina: *Arabicè*, hanabroch: *Gallicè*, cocheuis, ou Alouette: *Germanicè*, vvalt herch.

## Enarratio XLVIII.

*Galerita  
avis.*

**G**alerita auis pusilla est, cuius duo genera, apud Aristotelem lib. 9. de natura animalium, cap. 25. referuntur: Alterum terrenum, cristatum, galerita, à crista ex plumis in capite eleuata, appellatū, auis nobis in itinere plerumque obuia, vermes & semina herbarum quærens, & quæ ex auiculis prima, ver pronunciat, & eam Lusitani nostri à cantu suo, cutuuia, appellant, ita enim nomen hoc, auis hæc referre videtur, quam Dioscorides in præſenti intelligit: Alterum verò genus gregale, nec singulare, more alterius, verum colore simile, quanquam magnitudine minus, & galero carens, cibo verò idoneum: est verò auicula hæc ex iis quæ optimè canunt, ita vt cum lusiniola certare de suauitate concentus dicatur, quam cōmuni voce, calandram omnes fere nominant, & de ea Galenus lib. xj. de Facultatibus simplicium medicamentorum agit, vbi vt

*Calandra  
auicula.*

In antiquo exemplari Græco legitur, passeribus qui pyrgitæ appellatur, similis est, sed & crista secernitur, & paulò maior est ipsis. Cæterum est & herba corydalis appellata, quam quoq; colicis multum valere Galenus ibidem testatur. Troglodytes verò, iuxta sepēs & muros victum quaeritans, longe alius est passerculus, qui nephriticis, & vesicæ calculo laborantibus vnice prodest, vt apud Aëtium legere est, vndecimo sermone suæ medicinæ, capite 9. quo ita legitur: Est autem passerulus minimus iuxta sepēs, & muros victum quaeritans, estque hoc animalculum omnium auicularum minimum, ea excepta quæ regulus appellatur, similis est autem regulo in multis, præter quam quòd in fronte auricolores pennas non habet. Est etiam troglodytes, passer regulo paulò maior, & nigrior caudamque semper subrectam & albo colore, retro interpunctam habet. Magis item garrulus quàm regulus est, & sane iuxta summum alæ lineamentum cinerei amplius coloris, breues item volatus facit.

Troglodytes.

## DE HIRUNDINE.

Græcè, χελιδὼν: Latine, hirundo auis: Hispanicè, golandria, andorinha: Italicè, rondinella, rondine, Arabicè, thartaf, chatas, chataf: Gallicè, arondelle: Germanicè, Schuualb.

### Enarratio XLIX.

**H**irundine nulla est nobis magis domestica auis, vt quæ in domibus nostris nidificat, cuius pullos sæpe dissecui, & lapillos in eorum stomachis inueni, magnitudine milij granorum, colore verò ad cyaneum declinantes. Verum hoc tempore practici, pro angina curanda discutientia ve emplastrum ex nido hirundinis collo imponunt, non sine magno & euidenti iuuamento, quanquam non desint aliqui, qui quum nidum ex terra & paleis compositum animaduertant, rebus, vt apparet, stypticis, illius admotionem timent, verentur ve ne forsan sua stypticitate, materiam intus retrocedere faciat: quo fit, solo nidi decocto, in quo cæteræ res anginam discutientes miscentur, tantum vtantur: Sed reuera falluntur, quum omnia in hirundinis nido cõtenta, potius discutienti vim, quàm con-

Hirundo.

Emplastrum  
ex nido hirundinis.

*Cinis crematarum hirundinū*

strictoriam aliquā habeant. Prisci tamen omnes non nido aut aqua in qua incoquitur nidus, pro discutienda angina vtebantur: sed potius, crematarum hirundinum cinere, quem deinceps vti nā medici pro extirpandis & remouendis anginis in vsum traherēt medicū. Curent igitur pharmacopola, pyxidē huius cineris plenā cōtinuo in apothecis suis habere, quum maximi sit profectus & iuuamenti.

## DE EBORE.

*Gracè, ἐλέφας: Latinè, ebur, dens elephantis: Hispanice, marsil: Italicè, auorio: Gallicè, yuoire: Germanicè, Helffantin.*

### Enarratio L.

*Ebur dens Elephātis.*

**L**ongum profecto esset hic de elephanto sermonem habere, nec minus superfluū huius animalis effigiē, naturam ac mores describere, præsertim quum Plinius ea omnia exacte depinxerit lib. viij. suæ Naturalis historiae. Affertur enim animal hoc sæpe ex India ad Lusitanos, cuius admirandæ magnitudinis dentes ebur dicuntur, & ex illis pectines, scutulæ, vascula, ac speculorum circuli parantur. Valet enim eboris scobes, vt experientia comprobauimus, morbo regio laborantibus. Datur verò ventriculo vacuo, nonnunquā drachmæ vnus pondere, vbi non est febris, in vino: Secus verò in aqua cicoreæ & lupulorum. Confert quoque medicamen hoc diuturnis obstructionibus, & remouet insuper stomachi dolores: Vfus præterea ipsius in potu, mulieres ad concipiendum fertum aptissimas reddit.

## DE SVIS TALO.

*Gracè, ἀσπράκαλον ὄσ: Latinè, talus, porci talus, suis talus: Hispanicè, torniz uelo de pie del puerco: Italicè, talone del porco, osso de la canichia del porco, Gallicè, talon de pourcean.*

### Enarratio L I.

*Talus à malleolo differt.*

**T**alus os pedis est, quod cruri inferitur, & illud multi, cauillam alij verò os balistæ appellāt, falso multi cum malleolum nominant.

*Græcè, ἐλάφης κέρασ: Latinè, cornu ceruinum: Hispanicè, cuerno de ciervo, punta de ciervo: Italicè, corno de ceruo: Gallicè, corne de cerf: Germanicè, hirtz horn.*

Enarratio LII.

**C**Ornu cerui, præter tam multa ad quæ crematum <sup>Cornu cerui.</sup> Dioscorides valere tradit, hodie contra puerorum vermes passim datur, tum per se, tum quoque ad mixtum semini fantonico, cum aqua portulacæ, vel decocto coriandri, vbi præsertim febris fuerit complicata, secus autem cum vino aut melle. De osse porro cordis ceruini quid in præsentī dicemus? quum præstātissimum antidotum contra venenum & febres pestillentes sit: eius tamen loco pigmentarij os bubulum tradant, subtile & flexibile, quod ex capite bouis extrahunt, vt apud Venetos plerunq; id fieri percepi: plectendi merito balatrones isti sunt, omnium rerum perueriores, qui quum falsa & adulterina omnia reddant, nigrum pro albo vendentes, sic in hoc osse, quod facillime, & paucis nummis emere poterant, ne absq; fraude prætereant, mores suos exercent. Cæterum de cornu monocerotis, id est animalis, vnicornis dicti, nonnulla in præsentī dicemus, quum cornu hoc exoticum & pretiosissimum sit, & contra quoduis venenum efficax antidotum. Depinxit autem Plinius monocerotem, ferocissimum animal, libro octauo capite 21. sic dicens: Asperrimam autem feram monocerotem, reliquo corpore equo similem, capite ceruo, pedibus elephantino, cauda apro, mugitu graui, vno cornu nigro media fronte, cubitorum duum eminente, hanc feram viuam negat capi. Hæc Plinius. qui de illius cornu viribus nihil quicquam memoriæ tradidit: At Albertus Magnus, libro vigesimo secundo, de Animalibus, monocerotem ab vnicornu differentem facere videtur, cui vtpote erranti non accedimus, quia monoceros animal, vnicornis, vt eius indicat etymon dicatur: sed rhinoceros animal, omnium consensu, differens ab vnicorne est, quod anno quinto-decimo supra millesimum quingentesimum, vniuersa

*Os cordis ceruini.*

*Vnicornis efficax antidotum.*

Olyssippona, magno omnium applausu vidit, non nisi ex India ad Emanuelem regem inuictissimum Lusitanorum aduectum, & illud postea cum nonnullis elephantibus, potentissimus rex ille ad Summum pontificem, tanquam spectaculum admirandū misit, sed naufragio prope Mafiliam amissā nauis, in mari fera periit, cuius corium ad Franciscum Regem Galliarum vt rem visu dignam accollae attulere. Erat enim bellua hæc, figura & magnitudine bouis, latior tamen, mitis omnino, quæ conchis quibusdam variegatis per vniuersum corpus vestiebatur. Nam supra nares cornu semicubitale, carneā referens substantiam habebat, vnde rhinocerontis nomē illi inditum est, animal in vniuersum à monocerote, vnicorne dicto differens. Quale verò animal hoc vnicornis sit, præter ea quæ ex Plinio accepimus, nihil quicquam habemus: nec Lusitani nostri qui interiora Indiæ penetrarūt, de animali hoc aliquid nobis referre norunt: fatentur tamen apud Indiæ reges, cornu vnicornis, siue monocerotis, in maximo esse pretio, imò Medici Lusitani nostri, qui diu apud Indos artem medicam exercuerunt, & ad nos reuersi sunt, dicere solent, nullum apud Indos validius aut potentius antidotum, contra venenum & febres pestilentiales reperiri hoc cornu vnicornis, de quo & nos cū pluribus celeberrimis medicis, tam Hispaniæ quàm Italiæ, sententiam ferre possumus, quum illius scobē, scriptuli quantitate, in oleo contra epotum arsenicum dederimus, & per vomitum totum reiectum fuerit, & æger liber, & ab orci faucibus erptus manserit. Datur quoq; in aquæ naphæ pro irritando vomitu, non minus in aqua nenupharis cōtra pestem, veluti in aqua acetosæ, vel quauis alia frigida, pueris vermibus vexatis in aqua graminis, vel vino, aut præsentē febre, in aqua portulacæ, aut aqua decoctionis coriandri, trium granorum hordei pondere, certo datur iuuamento: complet autem opus suum plerunq; vomitu, aliquādo sudore, nonnunquā verò secessu. Hodie vero in ærario diui Marci Venetiis duo reconduntur cornua brachiali crassitudine, longitudine bicubitali pretij inæstimabilis, quæ semel in anno, Ascensionis die, cum pluribus & variis pretiosissimis rebus, omnibus palam ostenduntur. Eligendus verò est in isto cornu color niger, vel saltē subcineritius.



Item curandū ne nimis vetus cornu sit, quum dubio procul vires suas senio confectū amittat, vt de metallis quoq; vetustis Galenus lib. j. de Compositione medicamentorum secundum locos innuit. Caueto tamen in eius electione, ne decipiāmini, quum multi ex calce & aliis variis rebus, mixturam, ad formam cornu redactam, pro cornu moncerotis mōstrent: alij verò balenæ os pro eo vendāt: Nec aures præbeatīs illis, qui quum cornu vnicornis esse probare nituntur, in aquam ramentū, aut scobem infundunt, quam illico sudare, aut in ebullitionem venire dicitant, quum illud ex quacunq; ofsis scobe in aqua infusa, euenire percipere possitis, vt in ebore experire poteritis. Dignoscetis igitur verum vnicornis cornu hoc pacto: duos apprehendetis catulos, vel pullos, quibus venenū aliquod in aqua vel vino dabit. Alteri quorum scobem siue ramentum illius cornu, quod experiri volueritis, æquali vel maiori pondere, veneni illius quod antea dederatis: alteri verò non dabit: Si verò cornu verum & legitimū fuerit, ac veri vnicornis, dubio procul, catulus vel pullus cui ramentum alexipharmacū dedisti, non morietur, alter verò omnino peribit: Ita enim Venetiis anno elapso periculum feci, de quodam cornu, libras duas ponderante, in duobus pullis columbinis, pro quo mercator duo millia ducatorum petebat, quibus arsenicum præbuimus, quorū vnus, qui alexipharmacum non ebiberat, intra horā obiit: alter verò qui ebiberat, quinq; superuixit horis, vnde iudicauimus cornu optimum & verum esse, nam arsenicum, corrodit, cuius venenum, pauca vel nulla antidota emendant, imò certi eramus, si homini datum esset, quòd liber euassisset quum patientiores vias habeat, per quas extrudi venenū, aut vomitu, aut secessū, aut sudore possit. Ab hoc verò experimento, Magnificus Bartholomæus Panciaticus, nobilis Florentinorum mercator, Florentiā cornu hoc, vt illustrissimo Duci, tanquam rem pretiosissimam, ac raram indicaret, secum adduxit: cui consului, vt illic cornu, in duobus hominibus suspensio paratis, experiretur. Cæterum, fertur, quum inopia aquarum, ad paucos amnes feræ in confinibus Indiæ se congregent, earum nullam prius ebibere velle, quousq; vnicornis aquas, suo cornu è venenatis salubres attingendo reddat, vnde argu-

*Nota veri  
vnicornu.*

mentum

mentum desumptum est, contra venena valere.

## DE ERUCA ANIMALI.

Græcè, ἔρucas: Latine, eruca: Hispanicè, Italicè, bruchi: Arabicè, riapsa: Gallicè, chenilles: Germanicè, Raup.

### Enarratio LIII.

*Eruca ver-  
mis.*

**E**RUCA vermis dirus olera erodens est, de quo Plinius libro vndecimo, capite trigesimo optimo breuiter sed confuse locutus fuit, quæ ex Aristotele mutuatus est, libro quinto de Natura animalium, capite decimonono, & ea de causa Aristotelem in præsentī adducamus, qui clare vt solet, ita loquitur: Nascuntur papiliones ex erucis, erucæ ex virentibus foliis maximeq; ex brassica: primum minus quid milio consistit in folio, mox vermiculi inde contrahuntur & accrescunt, tum intra triduum eruculae affirmantur, quæ auctæ motu cessant, suaq; forma immutantur, appellanturq; tantisper chrysalides quasi aurelias dixeris: duro intactæ putamine sunt, ad tactum mobiles, meatibus araneosis obductæ, non os, non aliud ex membris, quod conspicuum sit, possident, longo post tempore, putamine abrupto euolant inde animalia pennigera, quos papiliones vocamus: itaq; primum dum erucæ sunt, cibo aluntur, atq; excrementum emittunt, at vero cum in aurelias dictas transferint, nihil vel gustant, vel excernunt. & subdit: Fit ex quodam verme grandiore, qui veluti cornua gemina protendit, suiq; generis est, primum toto immutato, eruca, deinde quæ bombyx appellatur, ex quo necydalus, in validam, quæ varia formarum successio in semestri temporis spatio completur: ex hoc animalis genere bombycina illa, mulieres nonnullæ retorquendo in filum deducunt, deinde texunt, primam texisse in Co insula Pamphila Latoi filia dicitur. Hæc Aristoteles: in quorum vltimis verbis, bombyces sericeos effigiare visus est.

*Aristoteles  
bombyces  
sericeos no-  
uit.*

## DE CANTHARIDIBVS, BVPRE- STIDIBVS ET PICEARVM ERV CIS.

*Græcè,*

Græcè, *κανθαρίδες* : Latine, *cantharides* : Italicè,  
*Hispanicè*, *cantarides*, *cantarelle* : Gallicè, *can-*  
*tharides* : Arabicè *Dherarie*, *carariha* : Ger-  
 manicè, *Goldt keffer*

## B V P R E S T I D E S.

Græcè, *Βουπράγεις* : Latine, *Buprestes* : *Hispanicè*,  
*Arebenta buei*, *vaqua loura* : Italicè, *buprestis*.  
 Arabicè, *Xofostis* : Germanicè : *Qualster*.

## P I C E A R V M E R V C A E.

Græcè, *πίπυρον* : Latine, *eruca picearum* : *Hi-*  
*spanicè*, *gusanos del pino* : Italicè, *bruchi de i pini*.  
 Arabicè, *pytoriapsa* : Germanicè, *Soltzvurm*.

## E N A R R A T I O L I I I I.

**C**antharis, muscarum effigie animal est, nocte tan- Venenum  
 quam ignis lucens, quod officinæ hodie sub eodem in cantha-  
 nomine ad ciendas vesicas seruant, cui, an pedes, pennæ, ridibus  
 & caput in eius exhibitione abiicienda sint, antiquissima qua parte.  
 quæstio est, dicente Plinio, libro vigesimonono, capite  
 quarto prope finem : Ipsarum cantharidum venenum, in  
 qua parte sit, non constat inter authores : alij in pedibus  
 & capite existimant esse : alij negant. Conuenit tantum  
 pennas earum auxiliari in quacunq; parte sit venenum,  
 quod Dioscorides quoque in præsentî confirmat, dicens:  
 Retulerunt pleriq; etiam potarum cantharidum maleficio  
 aduersare remedioq; esse eiusdem animalis alas & pe-  
 des, cui sententiæ Hippocrates totus contrarius videtur, Hippocra-  
 quum cantharides absq; alis & capite, imo & pedibus con- tes.  
 cedit, vt apud ipsum est legere libro de Internis affectio-  
 nibus, in regij siue arquati morbi dicti curatione, ita  
 enim eo loco eius leguntur verba : Exhibeto & canthari-  
 des, sine alis, & capite quatuor tritas, & in vini albi he-  
 mina dimidia dilutas, modico etiam melle affuso, atque  
 has bis aut ter in die bibat : libro quoq; de Natura muliebri,  
 non longe à principio, idem ita inquit : cantharides  
 quatuor bibat, pedibus, & alis, ac capite reiectis, & folio  
 frequenti vbi potiones & subdititia medicamenta, secun-  
 das

das & menses educentia describit, ita retulit: Cantharides quinque; auulsis alis & pedibus ac capite, deinde tribolos ad mare nascentes bibat, & cætera. Sed ut cæteros omnes prætereā locos, quarto de Ratione victus in morbis acutis, ipsemet Hippocrates textu 124. ita concludit, dicens: poculum hydropi, cantharides tres, abiectis singularum tum capite, tum pedibus, tum alis, in cyathis aquæ tribus terantur, atque quum bibens laborauerit, calido perfundatur, vngatur prius, ieiunus bibat. Iis omnibus Galenus, tanquam certissimus experientiæ author, & nature secretorum inuestigator diligentissimus opponitur, confirmans cantharides non nisi integras propinandas esse, ut ex enarratione prædicti textus facile quis percipere poterit, & multo clarius libro vndecimo de Facultatibus simplicium medicamentorum ubi inquit: cum idoneis emplastris impositæ, adeo scabros vngues educunt, ut toti cadant: Cæterum præceptorum meorum quidam earum non nihil solet diureticis medicamentis iniiceret: nonnulli solas alas & pedes iniiciunt, alij contra: Cæterum nos totas indimus. Porro aptiores sunt eæ cantharides, quæ inuentæ in frumento, lutea transfuersim in alis cingula obtinent. An vero cantharides in potu pro lotio euocando dandæ sint, non mediocre dubium est, quum Plinius, citato loco dicat: Cantharides diximus, sed in iis magna quæstio, quoniam ipsæ venena sunt potæ, vesicæ cum cruciatu præcipuo: & ultra Cossimum quendam equitem Romanum amicitia Neronis principis notum, cum is lichene correptus esset, vocatus ex Aegypto medicus ad hanc valetudinem eius à Cæsare, cum cantharidum potum præparare voluisset interemit. Galenus porro, ut legitis, paucis ab hinc interpositis lineis, præceptoris sui autoritate, earum non nihil diureticis medicamentis iniici meminit. Consulo tamen ipse, ne quis audax in cantharidum exhibitione sit, quum venenosæ tam integræ quàm secundum partes sint, ut experientia compertum habemus. Audiuius enim nos, & vidit doctissimus ac maximus medicamentorum explorator Antonius Musa Brafauola, quendam cui pharmacum datum fuerat, paratum in mortario, ubi antea cantharides pistæ fuerunt, & totus excoriatus à faucibus ad anum vsque euasit.

*Galenus  
contra Hip.*

*Cantharides  
integrate  
danda  
sunt.*

*Cantharides  
an sint  
danda in  
potu.*


fit. Efficacissimæ autem omnium cantharidum habetur, quæ in fraxino nascuntur. Buprestis verò vt placet Dioscoridi, cantharidum genus est, virtute scilicet, secus autem figura, quum vermis digitalis sit longitudinis ruber, multis & nigris maculis pictus, & vt tradit Plinius libro trigesimo capite quarto: Animal in Italia rarum simillimum scarabæo longipedi, fallit inter herbas, bouem maxime, vnde & nomen inuenit, quod hucusq; Lusitani seruarunt, rumpentem bouem appellantes, deuoratum enim tacto felle, ita inflammat, vt rumpat: hæc cum hircino seuo illita lichenas ex facie tollit, synectica vi vt dictum supra est. At erucae picearum, vbi arbores pineæ sunt, reperiuntur.

Buprestis.

## DE SALAMANDRA.

Græcè, σαλαμάνδρα: Latinè, Salamandra: Hispanicè, Salamantegua: Italicè, salamandra: Gallicè, Salamandre: Germ. Molch oder olm.

Enarratio LV.



Salamandra in aquis hodie potissimū reperitur, animal venenosum, lacertæ magnitudine, subnigrum, de quo falsum fertur, in igne non cremari, vt Dioscorides in præsentī adnotat, & Galenus libris de Temperamentis illi subscribit, dicens: In igne aliquandiu incolumem viuere posse, sed si diutius in eo manserit, non secus ac alias res comburi,

Salamandra comburitur.

comburī, id quod nos verum esse comprobauimus, Salamandram in ignē iniicientes.

### CONSTANTINVS.

**T**heophrastus de signis pluuie ostendit σαύρα etiam Salamandram significare, cum dixit σαύρα ἢ ναδούρι σαδραμαύρα: de hac præter Aristotelem Aelianum & Nicandrum in Ther. & Alexiph. loquitur Plinius lib. 10. Cap. 67.

### DE ARANEIS.

Græcè, ἀράχνη: Latinè, Araneus: Hispanicè, arana: Italicè ragni: Arabicè, hamdebut, & banchebut: Gallicè, areigne: Germanicè, Spinn.

#### Enarratio LVI.

Araneorū  
pluragene  
ra.

**A**RANCORUM plura sunt genera, ex quibus altera sunt venenosa, altera, veneno carentia, de quibus hoc loco Dioscorides intelligit. Ex venenosis vero phalangium est, cuius vna species, tarantola, à ciuitate Taranto hodie dicta, in qua, ditionis Regni Neapolitani frequens est, dicitur: ex cuius morsu mira sed non dictu falsa subsequuntur symptomata, quæ pati videmus huius animalis ictu percussos. Nam quidam plorant: alij rident, alij ululant, alij strident, alij saltant, quidam vero canunt, nonnulli tremunt, sed & alij dormiunt, alij vigilant, alij sudant, alij gestiunt, taliter vt demone ipsos correptos diceret. Quæ symptomatum varietas, à varia huius animalis natura euenire creditur, tamen non desunt aliqui qui potius ad dierum & horarum varietatem, in quibus animal hoc momordit reiciant, sed omnium rationum hæc vincit admiratio, quòd huius animalis venenum, veneficiūve, sono cuiusuis instrumenti musices mitigetur ac superetur, ita vt morsu, interim dum sonoram vocem illam audiant, coercitum ac victum morbum, siue affectionem illam habeant, & tanquam liberi ac sani sint redditi: At si musicus instrumentum desinat pulsare, repente ad symptomata redeunt prima, sed curatio, interim dum musices melodia vigeat, conficitur, theriacam, vel mithridaticum illis propinando, quousq; omnino ab affectione leuati sint. Cæterum Galenus de Theriaca ad Pisonem libro, vbi Democritum Damasippi filium & Epicurum

curum philosophos redarguit, quia principium rerum omnium, Indiuuuum atq; Vacuum, Inaneq; esse opinabantur, nō minusq; Asclepiadē medicum dictis adiiciens, qui vt ceteri opinabatur, permutatis tamen nominibus, vt pro indiuiduo corpuscula, pro vacuo meatus dicat, refert, quis namq; artes ab animalculo araneo factas inspicens non credit etiam telam per dilucida adeo tenui atq; fila parari, vt etiam aliqui dicant, texendi artem homines primum ipsi referre acceptā. Hanc verò araneorū telam, pro vulnerum sistendo sanguine, valere omnes norunt.

## DE LACERTA.

Græcè, Σαῦρα: Latine, lacerta: Hispanicè, la gartixa: Italicè, lucertola: Gallicè, le sarde: Ger. Heidex.

## Enarratio LVII.

Sunt lacertarum plures species, oua, veluti serpentes, Lacertarū species.  
 Sparientes omnes: alia parua, domorum parietibus & muris familiaris: alia maior, inter saxa viuens, quæ cum serpētibus, hoc est colubris, bellū habet, de quibus duabus Dioscorides intelligit: quia harum caput, palos, surculos, & corpori infixā spicula extrahit, præsertim contusum & loco admotum. Altera vero species maxima est, insulæ sancti Thomæ, æquinoctiali subiacenti admodum familiaris, veluti apud insulam Caprariam, alteram Fortunatarum: apud quas animalia hæc ingentis magnitudinis cernuntur, pro quibus interficiendis, bombardæ, velselopettis aliisq; bellicis tormentis opus est. Sed has potius forsā inter crocodilos reponendas putarem, quia a crocodilis aquaticis nihil quicquam differāt. Ceterum stercus lacertæ, in vsu medico habetur, præsertim pro Stercus lacerta.  
 delendis oculorum nebulis, vt docti norunt medici, chirurgicive.

## DE LACERTA, QVAE

## DICITVR SEPS.

Græcè, σήψ: Latine, seps, Chalcidica lacerta: Hispanicè, salta rostro.

Seps quid  
fit.

## Enarratio LVIII.

Seps ut Dioscoridi & Nicandro placet, Chalcidica la-  
certa est, & illa quidē venenosa, parua varijs coloribus  
depicta, muris & parietibus ferè semper adhærens, quam  
nostri Hispani timent, quia sæpe in hominum faciem sal-  
tat, & ea de causa illam sua voce, facie saltantem appel-  
lant: Romani verò, quia sub terra longo tempore anni  
permanet, eam terrantolam nominant, At Aëtius lib. xiii.  
cap. xxvj. longe aliud animal, per sepe intelligit, quum  
dicat: serpens qui seps appellatur, longitudine quidem  
duorum cubitorum reperitur, ex crasso autem in tenuem  
abit, recta verò ac tardè proserpit, caput habet latum, os  
acutum, vniuersum autem corpus multis albis notis re-  
persum, & cætera,

## DE SCINCO.

Græcè, σκίνκος: Latine, scincus, terrestris crocodi-  
lus: Hispanicè, stinco: Italicè, stinco: Arabicè,  
Aschanchur, v. Schanchur.



Scingus,

## Enarratio LIX.

Scingus tamen à Dioscoride terrestris appelletur cro-  
codilus, verus tamē hodie ex Nilo adfertur, quem offi-  
cinæ stincum aut stingum vocant, lacertæ magnitudine,  
figura crocodili, cuius carnes renibus propinquas passim  
in electuarijs venerem irritantibus immittuntur. Porro  
illius



illius loco Venetiis, species quædam in lacubus vicinis nascens venditur: minor tamen, & viribus ignavior. De crocodilo verò, quid dicturi sumus, quum non solum in Nilo, sed variis aliis locis reperitur, animal quadrupes hominibus infestissimum, vt nostri nouere castellani, qui in Perù terram nouam adnauigarunt. Veluti Lusitani nostri quoq; in insula sancti Thomæ quotidie experiuntur, non sine tamen eorù magna iactura, vbi non solum quindecim cubitorum, vt Aristoteles sed decem & octo, vt tradit Plinius, aliquando visus fuit. Causam verò referre, cur crocodilus superiorem maxillam mobilem habet, inferiorem vero immobilem, anatomici viri est, quum id ossium in structura, compaginé eueniat, quæ contrario modo quàm in aliis animalibus connectuntur, vt anno superiori Ferrariæ, quum caput crocodili dissecuisset Ioannes Baptista Cananus, amicus noster integerrimus, vir hac ætate cum ipso Vesalio facile conferendus, percipimus. At cætera de crocodilo apud Plinium legito.

Crocodilus

## DE LUMBRICIS TER-

RESTRIBVS.

Græcè, τὰ τῶν γῆς ἐντόμα: Latine, terra vermes, terra intestina, lumbri: Hispanicè, lumbrices de tierra, minholguas: Italicè, lumbrichi: Arabicè, charatin, Gallicè, lumbris ou vers de terre, Germanicè, Regen vurm.

## Enarratio LX.

Lumbrici vermes, quibus hamo affixis pisces capiuntur, notissimi sunt, ex quibus oleum pro iucturarum & neruorù sedando dolore, in officinis & extra officinas, paratur, quod vtinam deinceps, in balneo Mariæ fieret.

## DE MVRE ARANEO.

Græcè, μυγάλη & μυγάλη: Latine, mus araneus: Hispanicè, mus ganho, murganho: Italicè, topo ragno: Gallicè, mesarane: Germanicè, Ratten, alij Zifsmaus.

## Enarratio LXI.

Mus.

**M**us araneus, vt tradit Aëtius lib. xiiij. cap. 14. colore f. milis est mustela, magnitudine autem muris, vnde & mygale apud Græcos nomen obtinuit, os autem oblongum habet, caudam exiguam, dentes tenues, ac eorum duplici ordine fitos in vtraq; maxilla, quo fit, vt quatuor dentium ordines habeat, appellant autem Hispani animal hoc sua voce mus ganho, pro mure araneo.

## DE MVRIBVS.

Græcè, *μύσος*: Latine, *mures*: Hispanicè, *ratores*: Italicè, *toppi*, *forgi*: Gallicè, *souris*: Ger. *Maus*.

## Enarratio LXII.

**M**us animal omnia rodens, plures habet species, à quibus hodie nullum desumimus medicamentum, campestrem tamen multi pro delitiis in victu recipiunt.

## DE LACTE.

Græcè, *γάλα*: Latine, *lac*: Hispanicè, *leche*: Italicè, *latte*: Gallicè, *lact*: Arabice, *Leben*: Germanicè, *Milch*.

## Enarratio LXIII.

**L**ac sanguis biscoctus in vberibus animantiū foeminarum est, quod ex triplici, dissimiliq; substātia constat, scilicet, caseosa, serosa, & pingui siue butyrosa. Desumitur enim lac hodie non solum pro victu, sed medicinae vsu, ab homine, à capra, à boue, à vacca, à bubulo, ab asina, ab equa & camelo. Primas humanū obtinet, caprinum secundas: Ouillum vero crassum & pingue est, & parum feri habet: at vaccinum crassum & cæteris pinguius est, à quo butyrum præcipue conficitur, ita dictum, quia à bouis lacte fiat: vnde Galenus x. lib. de Facultatibus simplicium medicamentorū, capite de butyro, inquit: Miror autem quo pacto Dioscorides ex ouillo & caprino cōfici referat, ego namq; ex bubulo fieri noui, ac proinde nuncupatum esse butyrum existimo. Asininum autem lac, admodū aquosum est, & serosum, in quo nihil quicquam pingue reperitur, & ea de causa, hecicis maximo iuuamēto datur: siuillum quoq; lac crudum aqueumq; est. Porro equinum & camelinum

camelinum caseosum est. Ceterum dignoscitur optimum  
 lac ex colore, sapore, odore, & ipsius substantia: ex colore,  
 quia oportet albissimum lac sit, splendidum, clarū, & mi-  
 nime liuidum: ex sapore, vt gustui sit suaue, non acere, non  
 amarum, non acidum, non falsum, aut qualitatis alicuius  
 excedentis particeps: ex odore, vt bono sit odore præditū,  
 vel saltē omnino odoris expers: ex substantia quoq; dixi-  
 mus, vt neq; liquidum neq; nimis crassum sit, sed substan-  
 tia medium, quale est quod in pollicis vngue iniecta gut-  
 ta, nō cadit, sed simul adiuncta retinetur, & minime ipar-  
 gitur, tale enim optimum iudicandum est, & in optimum  
 vertetur sanguinem, modo ab animante sana, & nouiter  
 emunctum sit, ieiunoque stomacho bibatur, nec desuper  
 aliquid vini vel nutrimenti acetosi, vel qualitatem aliquam  
 excedentē possidentis sumatur: imò vt hæc omnia conse-  
 quantur, opus est, vt stomachus lac bibentis, ab omni su-  
 perfluitate mundus sit: quod si hæc non fuerint, lac procul-  
 dubio in pessimos vertetur humores, & stomachum &  
 aluum turbabit. Datur enim lac maximo iuuamento iis  
 quibus Dioscorides concedit, sed dysentericis præcipue,  
 modo ferris candentibus ferucat, vt suadet Galenus, lib. x.  
 huic dicato operi, nō verò ignitis marinis calculis, vt Dio-  
 scorides vult: sed lac nocet febricitantibus, caput dolenti-  
 bus, oculorū affectibus, paralyti, neruorum contractioni-  
 bus, distillationibus, nephriticis, obstructionibus, denti-  
 bus, & gingiuis: quod cum ita sit, opus est ab ipsius bibi-  
 tione dentes lauentur, sed optimum fore consilium arbi-  
 tror, si lacti semper aliquid mellis vel sacchari adiciatur,  
 ne in stomacho coaguletur, vel lateribus illius adhæreat.  
 Quod vero lac cum piscibus non sit comedendum, vulga-  
 tum iam est, quanquā tamen Galli & Germani consilium  
 hoc floccifaciunt, non sine eorum tamen iactura, quum  
 eorum plures elephantiasi, Mauritanorū lepra corripian-  
 tur, vt apud Belgas per septenniū percepimus. Verū quod  
 Dioscorides in præsentī asserit, de lacte canino, id Galen.  
 tanquam falsum reprobatur, lib. x. de Facul. simpl. medic.  
 ad istum modum dicens: alij verò palam mentiti sunt, vt  
 de lacte canino, quod in palbebris pilos renasci prohibe-  
 at, si prioribus auulsis, ei loco foret illitū, vnde pillorū ra-  
 dices extractæ essent. Ceterū lac frigidū temperatura est.

*Lac disen-  
 tericis quo  
 modo dari  
 debeat.*

*Lactis no-  
 cumenta.*

*Lac canis-  
 num.*

## DE SERO LACTIS.

Græcè, ὀρός γάλακτος: Latine, serum, lactis aqua: Hispanicè, suero de leche: Italicè, sero, aqua de latte: Gallicè Mesgue, ou lait clair. Germanicè, Molcken, scheid milch.

## Enarratio LXIII.

Serū cuius  
temperatu  
ra sit.

Serum vna ex quibus substantiis lac cōstat est: quod an scaldum vel frigidum sit, dubitant Authores, quā questionem quum nullus hucusq; Brasauola melius disseruit, illius verbis placuit subscribere, quæ lib. iij. Aphorismorum ita habent, præsertim super illis Galenianis verbis dicentibus: Hæc autē lactis pars, serosa dicta, vim habet abstergendi, inquit igitur Brasauola: serum abstersiuum dicitur, propterea dubitandum videtur, quam qualitatem abstersiuam habeat, & an serum tale sit, vimq; exulcerandi habere possit. Videtur in primo statim disputationis vestibulo, si serum abstersiuum sit, calidam qualitatem habere, imò Dioscorides serum nō solum abstergere dicit, sed etiam ē corpore humores educere, quod est caliditatis indicium, ynde & Galenus in iij. lib. de Alimentorum facultatibus, vbi de sero pertractat, inquit: Veteres ad aluum exonerandam creberrima hac potione vsi sunt, & de lacte ipso tractans, causamq; cur soluat, assignans, inquit esse propter multum serum, quod habet admixtum in fine etiam huius partis, in qua de lacte agit, lac triplicem substantiam habere docet, caseosam, serosam, & butyrosam: de serosa parte loquens, inquit: crassitiem humorum extenuat, & aluum subducit. Et in fine illius partis, in qua de acido lacte disserit, inquit: Tanto magis lac subducere, quanto plus habebit seri, hæc autem sunt caliditatis opera, nosq; experiētia docet iccoris obstructionem sero aperiri, & singulis annis multi ex seri caprini potu ab obstructione liberantur. Mauritani quoq; & Damasceni medici serum calidum esse testantur. Mesue etiā dicit, aquam lactis, calidæ & siccæ complexionis esse in primo gradu, vsque ad secundum: & Auicenna, cap. 444. ij. lib. de lacte tractans, inquit, quod natura eius aquositatis est calida, nosq; idem hoc medio suadere possumus, quia nullus est,

Qui non concedat, urinam esse calidam. Urina autem est aquositas sanguinis. At simile est in lacte serum, quod in sanguine aquositas, ideo eandem qualitatem habebit: a natura enim aquositas ad hunc finem generatur, ut sanguis per omnes corporis venas deducatur. Deinde illa aquositas reuertitur, & ad urinae meatus transit, atque exit, quia nullum aliud officium habet, nec nutrire potest: in lacte serum est haec aquositas, quae lacti mixta est, lac enim nihil aliud est quam sanguis in carne illa mammillarum glandulosa iterum coctus, quae dum concoquit, rubrum colorem aufert, & album inducit: talis autem glandulosa caro frigida & humida est, unde hoc quod in lacte serum dicitur, est sanguinis aquositas: quae cum per vias urinarias exit, urina nuncupatur, quum vero urina sit calida, & ipsa sit aquositas sanguinis, quae serum dicitur, serum ipsum calidum esse oportet. Nec ad illud tanquam ad asylum fugiendum est, quod urina in renibus caliditatem acquisierit per quos aquositas illa quae serum dicitur, non transiit, quoniam & in ipsis mammis altera coctio facta est. Nec ad istud tamen confugere poteris, quod mammarum caro frigida sit, quia id opus concoctionis lactis per caliditatem fit. Adde, quod in venarum dissectionibus, aquositas illa quae a sanguine separatur, calorem, saporem, & urinae substantiam habet, tamen ad renes adhuc non transiit: nec tamen iremus inficias, illius aquositatis caliditatem in renibus magis intedi, quum & ipsa suapte natura calida sit: quum vero ad renes profluit, & per meatum urinarum exit, sanguinis dispositionem ostendere putatur, ex his igitur inferendum videtur, serum calidae temperaturae esse. At in oppositam sententiam, Galeni verba facere videntur, qui lib. iij. de Simplic. medic. facultatib. cap. 16. ubi disputat, propter quid mel ob caliditatem validiorem amaritudinem contrahat: lac vero dulcius efficiatur, in illo capite dicit, lac ex tribus substantiis compositum esse, caseo butyro & sero: postea addit, at excrementum illud serosum & frigidum & humidum est, & in tertio lib. de Arte curandi, serum frigidum facit, & in septimo eiusdem de Arte curandi libro, idem colligi potest, imo & ad hoc probandum ratio quaedam philosophica in promptu est: Nam Aristoteles in quarto lib. Meteororum, si is liber Aristotelis sit, docet, so-

*Lactis dis-*  
*finitio.*

*Galenus.*

*serum frigidum est, sed secunda in parte calidum.*

*Serum frigidum est.*

lum ea quæ frigida sunt, liquida, coagulari per frigus. At illa enumerans quæ frigore coagulantur, inquit: vt sunt quædam vina, acceum, lixiuum, serum, igitur serum frigidum est, tum ex philosophi sententia, tum ex ratione ipsa quæ ita esse demonstrat. In hac igitur ambiguitate, quid dicere oporteat, inexplicatum videtur: quoniam rationes & magnorum virorum auctoritates hinc inde tanquam instructæ acies militare videntur, imò si calidum sit quia euacuat, & abstergit, erit in Galeno contradictio, qui in iij. lib. de Alimentorû facultatibus, ipsum soluere dicit, in quarto autem de Simplicium medic. facultat. cap. 16. frigidum & humidum esse iudicauit, imò & in decimo de Simplicium medic. facultat. ipsum calidum ponit, quia & extergendi & subducendi vim habet. Nos igitur vt hanc controuersiam eo meliori modo quo fieri potest conciliemus, aliquam caliditatem sero inesse dicamus, tamen non talem, tantamve, quin à frigidioribus partibus superetur, ratione huius caliditatis & acridinis cuiusdam, non multum manifestæ, tamen quæ aliquo modo sentiatur, si quis pensiculate gustet in ipso vires sunt attenuandi, detergendi, & subducendi per aluum, saapte autem natura, & pro maiori parte frigidum & humidum est, ob maiore mixtæ aquositatis copiam. Dioscorides lib. ij. propter hanc paruum caliditatem & acridinem dicit serum efficacius in purgando esse quam lac, & quod his datur, quos sine acrimonia purgare volueris, quales atra bile laborates, comitiales, lepræ elephantiales, & toto corpore papularum eruptiones. Experientia verò frigidum esse docet, propterea vulgus nostrum in mense Maij, vt bilis calorem supprimat & erumpentibus pruriginosis pustulis succurrat, serum copiose propinat, sed caprinum potissimum querit, aut asinum, & intentum allequitur: adde, quod id lac apud aucthores frigidius existimatur in quo plus serum inuentum sit, vt de asinino Galenus infert. Serum igitur frigidum esse constat, quod eius quoque gustus, qui insipidus est probare videtur. Nec ratio illa te commoueat, vt ipsum calidum esse fatearis, quoniam abstergat, etenim aqua ordeï idem efficit, tamen frigidam esse constat, subducit verò serum ob modicam illam acridinem & caliditatem, quam in se habet. Hæc de sero dicta supersint, in quo & caliditatem aliq

aliquam, & aliquam acredinem inesse putamus, quæ abstergit, & aphthas in puerorum ore facit, his autem modicis qualitatibus, Damasceni & Mauritani illecti, serum calidum esse professi sunt, quum tamen absolute non sit.

## DE LACTE SCISSILE.

Græcè, σχιζοῦ γάλα: Latinè, lac scissile: Hispanicè, leche azeda: Italicè, latte acetoso.

Enarratio LXV.

**L**ac scissile, acetosum lac est, quod hodierni Græci & Thurcæ in maximo habent usu.

## DE CASEO.

Græcè, τυρός: Latinè, caseus: Hispanicè, queso: Italicè, formagio cascia: Arabicè, lubon, & gieben: Gallicè, formage: Germanicè, Kesen.

Enarratio LXVI.

**C**aseus, ubiq; tanquam vinum, suas habet laudes, vetus verò calidus & siccus est, discutiendiq; vires possidet, vt ex Galeni præclara historia deprehenditur: recens verò, frigidus est, ac astringendi nonnihil virium habens. Proinde qui caseo recenti, viperæ morsus curare nituntur, toto vt dicitur aberrant cælo. Athippace, equinus caseus est, cuius Hippocrates meminit, lib. de Aere, aquis, & locis, vbi de Scythis agit, & lib. iij. de morbis vbi Morborum causas inquirat, dicens: Et habet hæc res similitudinè ad id quod Schitæ faciunt ex equino lacte, lac enim in caua vasæ lignea infusum concutiunt, illud autem dum turbatur, spumescit ac secernitur, & pingue quidem, quod butyrum vocant, quum leue sit, in superficie consistit, graue vero & crassum deorsum sidit, quod etiam secretum siccant, vbi verò concretum ac siccatum fuerit, hippacem ipsum vocant.

Caseus  
vetus  
calidus  
& siccus  
est.

Hippace  
caseus  
equinus.

## DE BUTYRO.

Græcè, βῆτυρον: Latinè, butyrum: Hispanicè, mantequa: Italicè, burro, smalzo: Arabicè, zebd: Gallicè, beurre: Germanicè, Butter.

## Enarratio LXVII.

**B**utyrum, è pinguisima lactis parte fit, ita vt spuma lactis concretior dici possit, à boue sic nominatum, vt diximus, quia è bubulo lacte potissimum paratur, vt Galiquoq; capite proprio, Dioscoridem admiratus dixit, facultatis enim cōcoquentis butyrum est, digerentisq; præsertim in corporibus temperatura mediis, non verò duris. Nam corporum plane durorum tumores præter naturam hoc nequit medicamen digerere: At quæ in mollibus phlegmonæ, eas & concoquit, & digerit perfacile. Nam parotidas & bubonas, & oris phlegmonas, aliaq; innumera profum illo solo curauimus, nimirum puerilibus corporibus, ac muliebribus perpetentibus. Sed & gingiuis puerorum dentientiū, assidue illitum: nihilo imbecillius melle gingiuas extenuat, per quas exitus est dentibus, & alios omnes in ore affectus phlegmonosos, posteaquam fluxio restiterit, digerit pariter & concoquit. Proinde cataplasmatibus inditur, quæ extrinsecus imponuntur parotidibus, hypochondriis, & bubonibus: sed & in ventrè deuoratum, & ex eo distributum, magnifice confert, expuitionibus ex pulmone, idq; in pleuriticis, & peripneumoniacis affectibus, cū hoc quod eos etiā concoquat atq; si solum lingatur, magis quidem concoquit: verū minus educit: Sin cum melle & amygdalis amaris, plus educit, sed minus concoquit. Cæterum fit quoque ex lactis suprema parte, ex quo butyrum conficitur, id quod vniuersa Italia, lactis caput appellat, Hispani verò natam vocant, cibus ori suavis, sed per se solus non admodum stomacho gratus, quum sua pinguedine, ipsum mollificet, relaxetve, & crassum præbeat nutrimentū, ac ab stomacho cibum intempestiue descendere faciat. Proinde, cibus iste absq; saccharo vel melle nunquā comedatur cōsulo. Secernitur quoque ex sero cocto pars quædam, quā recoctā, siue pouinam Itali vocāt, Hispani verò recafium, quasi alterum caseum dixeris, appellant: Cibus frigidus, biliosis stomachis gratus, sitim extinguit, somnum conciliat, & fluxus biliosos cōpescit, salitus quoq; cibus iste venditur præsertim apud Longobardos, qui sitim excitat, & pessimi ac crassi est nutrimenti. Porrò fuliginis butyri, cuius Dioscorides mentionem facit, nullus hodie vsus est.

Lactis natam.

Recoctā.



## DE LANA.

Græcè, ἔειπος: Latine, lana: Vulgò lana, Arabicè, sauf, vel suf: Gallicè, laine: Germanicè, Schmutzi guuollen.

Enarratio LXVIII.

**L**ana succida, præcipuè ex ouibus extracta, rei medicæ conducibilis est.

## OESYPVS.

Græcè, οἴσυπτος: Latine, œsypus: succidarum lanarum pinguedo: Hispanicè, isopilho humido: Italicè, esipo humido: Arabicè, sense, ratab: Gallicè, graisse de laine surge.

Enarratio LXIX.

**O**esypus hodie in officinis corruptè isopus humida vocatur, scilicet lanarum succidarum pinguitudo, habet enim concoctoriam vim similiter vt butyrum, & parum quid de discussoria, vt refert Aëtius sermone secundo suæ medicæ.

## DE COAGULO.

Græcè, κωτύλα, vel κωτύλα καὶ ὀπίος: Latine, coagulum: Italicè, caglio: Hispanicè, coaglio, & coalho: Arabicè, anfea: Gallicè, caillé, presseure: Germanicè, Lipp.

Enarratio LXX.

**C**oagulum ex multis & variis extrahitur animalibus, quod pro coagulando lacte, ex quo caseus resultat deseruit. De quo Galenus lib. x. de Facult. simpl. medic. ita prodit: Coagulum omne acris & digerentis potentia est, atq; etiam exiccatoria, nam necessario id superiora comitatur: ac leporis quidem coagulum comitalem morbum, si cum aceto bibatur, præterea profluuium muliebre sanare proditum est, necnon coactum in ventre lac dissoluere, id quod nos sumus haud dubie experti, non solum in leporino, sed etiam in aliorum omnium animalium coagulo, sed & sanguinem in ventre concretum simili modo epo

do epotum coagulum leporinum dissoluit, ac efficacius quidem cæteris, verum non solum, quum hoc omni sit commune coagulo.

### DE ADIPE.

*Gallicè, ἰεῖα. Latinè, adeps: Hispanicè, gordura: Italicè, seu o vero grasso de animali, o vero assungia: Arabicè, menim: Gallicè, graisse & suif, Germanicè, Feyste, fette.*

#### Enarratio LXXI.

**D**iffert à pinguedine adeps quòd crassior sit ac propterea animantibus totam naturam terrosiorem habentibus, vt bobus & capris, adeps prouenit: velut humidioribus, vt suibus bene habitis, pinguedo. Proinde pinguedo celeriter in igne posita, colliquescit, nec facile vbi semel liquata fuerit, rursus concrefcit, aut cogitur: At adeps, nec facile funditur, liquefcitve, & fufus celerime congelatur. Porro adeps suillus aliorum omnium est humidissimus, ob idq; actione sua vicinam oleo vim possidet: verum qui mordicationes perpetiuntur, aut in recto intestino, aut in colo, iis potius caprinum adipem quàm suillum iniicimus, non quòd plus acrimonias obtundat, sed quòd cõcrefcatur citius: suillus autem instar olei defluat, quare caprinus potius dysentericis & tinesmofis iniicitur, quando morsum eorum mitigare est consilium. Cæterum, quum inter pinguedinem & adipem differetia sit, tu si voles, oleosam & pinguem in animalibus substantiam omnem, adipem appellato, vt pleriq; medici, sed & pinguem appellare totum hoc genus licet, vt ait Galenus libro xj. de Facultatibus simplicium medicamentorum.

Cæterum vtimur pinguedinibus pro leniendis, ac sedandis doloribus, emolliendisq; tumoribus. Ex auibus vero anserina partium tenuitate penetrabilior præfertur: Deinde gallinacea, mea tamen sententia: anatum & syluestrium anserum pinguedo siue adeps, ea quæ ab anseribus domesticis desumitur adipe tenuioris essentia dicenda est, imò adeps & pinguedo agrestium animantium & volatilium, in vniuersum potetior est, quàm quæ ab animalibus quæ in vrbibus otiose aluntur, extrahitur, modo speciem

*Auibus pin-  
guedo.*

speciem speciei cōferas: & quæ à masculis, calidior quàm quæ à fœminis. Ex quadrupedibus vero leonina primas obtinet, deinde ex pardo, mox quæ ab vrsō habetur, tandem taurina: mox hircina, postea caprina, tandem bubula, deinde vitulina, ac hœdina, suilla vero ita habet, vt intra illam & anserinam gallinacea medium teneat, vt ex Galeno desumitur libro septimo de Compositione medic. secundum genera. & 2. de Febribus ad Glauconem: damæ porro pinguedinem Dioscorides tum Galenus, & Paulus præterierunt, quum tamen pro emolliendis scirrhis tumoribus multum valeat. Cæterum Galenus libr. xj. de Facul. simplic. medic. inquit: Dioscorides Anazarbensis multa profecto bene dixit eorum quæ de medica materia memoriæ prodidit: significata tamen vocum Græcarum non satis pernouit. Hic ergo quum ait, magis esse adstrictorium adipem caprinū suillo, siquidem acriorem significare velit per magis astrictorium accipimus sermonem ceu verum: At si illud talem habentem qualitatem qualem thus, rheon, hypocistis, balauustum: haud verum esse sermonem dicemus. Porro quoniam viperarum adipem vbi radicitus pilos sub alis euulseris, prohibere illos recrescere illitum referunt, visum est mihi eius facere periculum esse satius. At vbi prout iubent fecissem, mentitos comperi. Sicut etiam quod initia suffusionum sanat: Verum vrsorum adipem alopecias curare vere est proditum, quum tamen probatiora habemus ad eum affectum remedia. Porro quum dicant vulpinum adipem dolores aurium sanare, nec dicant quos aurium dolores, ceu non noscentibus ipsos distinguere, attendendum non est. Alij piscium adipem laudant, tanquam ad suffusiones aut quencunque alium affectum nominare velint, congruat, & cætera.

*Adeps quadrupedum.*

*Damæ pinguedo.*

*Viperarū adeps.*

*Vrsorum adeps.*

*Quæ bona sunt, bis et ter repetenda sunt.*

Sed & hoc iterum repetere, non extra rationem est, quum quæ bona sunt, bis & ter, vt Plato suadet, repetenda sunt, hircino igitur & caprino sepo, hodie pro cohibendis fluxionibus dysentericis, priscorum more, vtimur, sed animaduertant medici, quod pinguedines emollientes, & parum digerentes pueris & fœminis, & carnes molliores habentibus conueniunt, quales sunt, suilla, gallinacea, & vitulina: corporibus vero durā carnem & siccam possiden

*Pingue a-  
stuosum.*

*Pinguedi-  
nis duæ cõ-  
parationes*

*Pinguedo  
calida &  
frigida di-  
cipotest.*

fidetibus, vt messoribus, fossoribus, laboratoribus, & ba-  
iulis, digerentes potius pinguedines conueniunt, vt leo-  
nina, taurina, vulpina, pardi, hyenæ, damæ & similibus  
animalium, inueterascens quoq; pinguedo recenti cali-  
dior & tenuior efficitur, ac proinde quoq; valentius de-  
siccans. Cæterum, omne pingue astuosum est, & stoma-  
chum subuertens, pauci præterea nutrimenti vt ex Hippo-  
crate elicitur libro secundo de Diætâ, & Galeno lib. iij.  
de Facul. almen. cap. ii. Verum, dubitant aliqui, an pin-  
guedines, calidæ & humidæ natura sint, vel potius siccæ:  
ratio huius dubitationis in hoc consistit, quia in Aldino  
exemplari Græco legitur *ξηραντική*, id est, desiccatoria, ita  
vt legatur, omnis igitur pinguedinis facultas est calfacto-  
ria, & desiccatoria: sed reuera textus iste Aldinus corru-  
ptus est, quum loco *βερμαστική, ξηραντική* legendum sit, sic:  
omnis igitur pinguedinis facultas est humectatoria &  
excalfactoria, quâ lectionem cõfirmat quoq; vetus inter-  
pres, & Galeni sententia ita legendum monet, quum eo  
loco pinguedinum duas faciat cõparationes: alteram ad  
corpus humanum: alteram vero pinguedinum inter se:  
quum vero ad corpus humanum Galenus pinguedines  
refert, eas humidæ esse tradit, vt eius indicant verba, quæ  
ita habent: Omnis igitur pinguedinis facultas est hume-  
ctatoria & excalfactoria, humanorû corporum, vbi nota  
verbum humanorum corporum, & subdit, vt res clarius  
comprehendatur: Nam pinguedo suis, vt ad nos quidem,  
largius humectare potest, sed non æque excalfacere, sicuti  
neq; oleum. Ex quibus satis manifestum est collatione  
facta ad corpus humanum, pinguedines calfactoriam &  
humectatoriam vim habere: quam Aëtius aduertens, ita  
libro ij. suæ medicinæ cap. 152. dixit, omnis pinguedinis  
vis est, humana corpora humectandi ac calfaciendi. Alte-  
ram vero cõparationem facit Galenus pinguedinum  
inter se, quo fit, dicat, pinguedinum vna siccior altera  
est, id est, vna non ita humida est veluti altera. vt paucis  
igitur absoluaamus, lectio communis tanquam verior re-  
tinenda. Cæterum pinguedo in quantum pinguedo, cali-  
da est, quia sanguinis vnctiosa pars: in quantum vero à  
frigore concreta, frigida dicitur: quibus paucis Galeni  
varia dicta conciliari possent, vt alibi dicemus. Reliquum  
erit

erit in præfenti citare, sepum, quod ex pinguedinibus hodie ad mulierum ornamentum paratur, quod Hispani sepum confectum, Itali vero pomatam vocant, cuius veram descriptionem talem habeto. Recipe adipis ceruini, vel illius qui ab hædi renibus extrahitur, libras duas, pinguedinis suillæ recentis libram mediam, quas pinguedines à membranulis purgatas, albo vino lauato, deinde linceo panno exprimito: taliter vt à vino pinguedines sincere maneat, quas postea in olla vitreata, aqua rosacea semiplena infundito, modo aqua pinguedines cooperiat, quibus tunc addes, pulueris gariophyllorum vnciam mediam, nucis moschatae drachmas duas, spicæ nardi grana quatuor, pomorum camusiorum mundatorum & incisorum numero octo, postea optime cooperta olla, lenibus prunis eam admoueto, atq; baculo interdum misceto, feruereq; permittrito vt aqua ad consumptionē fere deueniat: tandem deposita ab igne olla, contenta per linteum nouum in vas fictile rosacea aqua respersum percolato, feces tamen relinquendo, quæ percolata, iterum in alteram infundantur vitreatam ollam, quibus addas, olei amygdalarum dulcium vncias sex, ceræ albæ vncias quatuor, & ad ignem omnia liquefacta, iterum colato, & in vasculum vitreatum, rosacea aqua roscidum, cadere finito, demum omnia illa aqua rosacea moschata abluta, in vase vitreo optime cooperto seruato, quod albissimum sepum euasit minio tamen rubrum confici potest. Valet autem vt diximus, pro manibus & facie emolliendis, ac dealbandis, labiorum quoq; fissuras & narium ac manuum rupturas sanat, sed id validius efficit, si coralli pauxillum admiscueris illi.

*Pomatæ sive sepum confectum.*

## DE MEDULLA OSSIVM

### ANIMALIVM,

*Græcè, μυελός: Latinè, medulla: Hispanicè, tuetanos, tutanos, Italicè, midolla d'ossa: Gallicè, moelle, Arabicè, mochial & moch: Ger. Marck.*

Enarratio LXXII.

**D**E medullis nihil quicquam melius aut elegantius dici potest, quàm quod Galenus de illis scriptum reliquit,

*Medulla.*

*Pessi ex vitulina & ceruinamedulla parantur.*

*Medulla vomitum irritat.*

reliquit lib. xj. de Facul. simpl. medic. proinde illius verba subscribere in presentia minime grauabor, quæ ita habet: Medulla vim habet corpora indurata & scirrhusa emolliendi, optimam sum expertus semper ceruinam, dein vitulinam: At hircorum & taurorū, tum acrior est, tum sicciior, itaq; durities scirrhusas mollire nequit: ex vitulina igitur & ceruina pessi componuntur, ad emolliendos vteros, & extrinse us vteris medicamenta imponuntur, quæ ex medulla parantur, vim emolliendi habentia. Accipitur autem non solum medulla ex ossibus, quæ sane vera est medulla, sed ex spina etiam, quæ tum durior, tum sicciior est altera, vtramq; autem hyeme collectam, in sicca editaque domo cum foliis lauri siccis reponere, ne videlicet computrescat, & cætera. Porro in cibo medullæ sumptæ ad vomitum stomachos incitant.

## DE FELLE ANIMALIS.

*Græcè, χολή: Latinè, fel: Hispanicè, Hiel: Italicè, siele, Gallicè, fiel: Arabicè, Sararæ & Merara: Germanicè, Gall.*

### Enarratio LXXIII.

*Fel.* **F**EL tanto potentius est, calidius, & quanto ab animali desumitur calidiori, proinde taurorū fel calidius quæ castratorum bouum perferitur. Hodie autem ex felle, limentum contra puerorum lumbricos ab omnibus ferè paratur, cuius compositio, vt tyrunculi in re medica addiscant, ita habet: Accipe pomum narantium ab interna medulla excauatum, in quo infunde, fellis taurini vel hircini, aut saltem bouis, pro cavitatis capacitate, cui addas, aloes myrrhæ an. drachmam vnam, croci scriptulum vnum, & supra calidos cineres, calefiat, quo vmbilicus, & anus inungantur, interficit enim vermes, & secedere facit. Cæterum in felle taurino potissimum, & bubulo, lapillus quidam reperitur, quem Dioscorides & Galenus præterierunt, magni tamen iuuamenti, vt apud nonnullos legimus auctores, Nam in puluerem redactus & vino ebibitus, vesicæ calculos frangit, non minus quoque per nares impulsus visum clarificat, & oculorum ægilopas retrahit, ac epilepsiam emendat, modo per nares cum suc-

*co ma*

eo maioranæ vel radicis betæ impellatur, quod vero lapillus iste ieiuno stomacho in iure capi ebibitus incrasset, obefumque corpus reddat, ac fedum faciei colorem detegit, experti sumus. Cæterum felle auratæ piscis, vel lucij, aut perdicis, gallive, in coïtu mulieres illitæ delectari certum est.

## DE SANGVINE.

Græcè, τὸ αἷμα: Latine, sanguis: Arabicè, demr.  
Italice, sangue: Hispanicè, sangre: Gallicè, sang:  
Germanicè, Bluot.

## Enarratio LXXXIII.

Sanguinis vanas promissiones Galenus comperit, quæ de causa, non eo uti satius est. Nam in primis, nec humano aut suillo vnquam vsus fuit, ut eius apparent verba, quum si quis sanguinem humanum morbo alicui utilem esse dixerit, id in suillo primo experiri oportebat, quum similia effectus similes efficiant tradat, At Marcellus Ficinus, summus Platonicus, libro de vita longa, capite vnde-  
cimo senes potu sanguinis boni à iuvene temperato accepti, repuerascere contendit, & ab aniculis dictis strygi-  
bus, argumentum desumit, quæ puerorum sanguinem, ut reiuuenescant, sugunt, quæ vera esse credendum est ut multi alij celebres viri affirmarunt, sed præcipue Comes Mirandulensis, in eo doctissimo libello quem de strygi-  
bus edidit. Non minus quoque Arnaldus Villanouanus reprehensione dignus est qui in emplastro siue ceroto de  
peile arietina, ad crepatos conscripto, sanguinem homi-  
nis ruffi admiscere mandat, ac si ab alio animali, effica-  
ciori iuuamento desumi non poterat. Porro Antidotum  
quod à sanguinibus inscribitur, cõtra venena accommodatum est, ut apud Galenum & omnes fere Græcos videre  
est. Columbæ tamè sanguine, aut palumbi, turturivæ Ga-  
lenus in vulneribus capitis meninges attingentibus, nun-  
quam vsus est, quum oleum rosaceum pro illa complenda  
operatione satis illi esset, dicit enim: Ego verò sexcentos  
noui eorum quibus Romæ perforata fuere capitis ossa,  
necquicquam ab vsu rosacei, citra columbæ sanguine of-  
fensos, & subdit: Itaq; melius inuenire nihil possis in capi-  
te perforato, quàm ut rosaceo probò vtare. Item pro san-  
guine

Marcellus  
Ficinus.

Stryges ve-  
re reperit-  
tur.

Arnaldus  
Villanouanus.

Antidotum  
ex sanguini-  
bus.

Sanguis co-  
lumbæ.

*Sanguis  
myfticora-  
cis.  
Sanguis ue  
fpertilio-  
nis,*

*Epilepti-  
cis medica-  
menta con-  
uenientia,*

*Textus  
Dioscoridis  
corruptus  
est.*

*Sanguis ca-  
ninus opi-  
tularur  
morfu ca-  
nis rabidi.*

guine in oculo cōcreto, eo quoq; nunquā fuit vsus, quum  
collyria sunt plurima quæ medeantur hypophagmaris,  
& maxime quod plurimam recipit myrrham, quale est,  
quod à Damocrate compositum est. Ad eundem modum  
falsum est, quod nocturæ, siue nycticoracis sanguis asma-  
ticis valeat, veluti quod quidam dicitant de sanguine ve-  
spertilionis, vt si virginis vberibus illinantur, plurimo  
tempore ea ab excreſcentia tueri, & pilos sub alis enasci  
prohibeat, quod Xenocrates tanquā falsum calumniatus  
est. Non minus quoq; quod de Galli vel gallinæ sanguine  
ab aliis ferebatur, quod sanguinis eruptioni meningum  
conferbat, tanquam inexploratum experimentum, præ-  
termisit, quum periculosa sit huiusmodi experientia.  
Agnorum quoq; sanguinē comitiali morbo, potum non  
mederi tradit ibidem Galenus; quum quæcunque potu iu-  
uant epilepticos, ea facultatis sunt incidentis: At sanguis  
agninus omnium minime talis est, hædinus quoque san-  
guis ab eo tanquam inutilis pro sanguinis è pectore reie-  
ctione prætermittitur. Ranarum quoq; viridium siue ter-  
restrium sanguinē euulsos ex palpebris pilos inunctum,  
eorum renascentiam non prohibere, vt nonnulli opina-  
bantur, expertus fuit, vnde hic apud Dioscoridē mendam  
esse certus sum. At hircinus sanguis præparatus, cōtra cal-  
culos renum & vesicæ datur. Cæterum inquit Dioscori-  
des, rabidi canis morsus, sanguinis canini potu curari, cuius  
causam, quærens Marſilius Ficinus, loco à nobis cita-  
to, ita inquit: Galenus atq; Serapio morsum rabidi canis,  
sanguinis canini potu curari dicunt: rationē verò illis as-  
signare non placuit: ego igitur biduū eam quærigans, opi-  
nor denique saliuam canis rabidi venenosam impressam  
hominis pedi læso per venas paulatim ad cor ascendere  
more veneni, nisi quid interea distrahat: Si igitur interim  
canis alterius sanguinem ille biberit, sanguis ille crudus  
ad multas horas natat in stomacho, cum denique velut po-  
regrinū deiecturo per aluum, interea caninus sanguis iste  
saliuam caninam superiora membra prehensantem, prius  
quàm ad præcordia veniat, deriuat ad stomachum: Nam  
& in canino sanguine virtus est ad saliuā canis attrahen-  
dam, & in saliuā vicissim virtus ad similem sanguinem  
prosequendum: Venenum igitur à corde semotum, san-  
guinis;



guiniq̄ue imbibitū in aluo natanti, vnā cum sanguinē per inferiora deducitur, hominemq; ita relinquit incolumē. Quorsum hæc? primo quidem vt rei tam occultæ succurrentem inter dillegendum causam aperuerim, deinde, vt moneam, sanguinem potari posse, & quidem salubriter, atque in sanguine humano virtutem esse, qua humanum sanguinem attrahat, & mutuo prosequatur, ne forte diffidas iuuenilem sanguinem à sene bibitum trahi ad venas, membraq; posse, ibique prodesse quam plurimum. Reliqua verò de sanguine olim abunde disteruimus, in hoc quoq; capite præcipue quærendo, an sanguis anima esset.

*Sanguis se  
lubriter hi  
bi potest.*

## DE STERCORE ANIMALIVM.

*Græcè, κρόνια & ἢ κόπρα :* Latine, *stercus :* Arabice, *hebel :* Hispanicè, *estiercol :* Gallicè, *siente :* Germanicè, *Dreken.*

### Enarratio LXXV.

**S**Tercus alterum altero calidius est, secundum quòd à calidiori excernitur animali: caninū, vt affirmat Galenus, anginam curat, & dysenteria constringit, præcipue in cocto lacte epotum: non minus quoq; medicamentis maligna vlcera sanantibus adiungitur. Porrò humanum, gutturis phlegmonibus & anginis mederi celebri historia scripsit Galenus, sed lupinum colicis affectibus magno iuuamēto propinatur, præsertim album, super fruticibus collectum. Verum ego, quum lupus interficitur, iubeo illius intestina cum stercore seruari, ac exsiccata & in puluerē redacta in potu contra colicas affectiones dare, non contemnendo profecto iuuamento. Caprarum verò stercus, acris & digerentis est facultatis, proinde strumis & scirrhis tumoribus conuenit, præsertim in corporibus duris, & rusticorum: Secus autem puerorū, ac mulierum. Extrinsecus quoq; pulticulæ modo ventri impostū, ipsius doloribus subuenit: At bubulum exsiccatoriae est facultatis, veluti columbinum causticæ, & exedentis potentiae quod Abinzoar inter antidota contra pestem adnumerat, & de eo Gal. lib. iij. de Temperamētis historiam de domo in Asia combusta enarrat. Ciconiarum verò, comitali morbo mederi, falsum Galenus inuenit: At lacertarum

*Stercus caninum.*

*Humanū stercus.*

*Lupinū stercus.*

*Caprarū.*

*Bubulum.  
Columbinum.*

*Ciconiarū stercus.*

*Lacertorū  
stercus.*

vnice oculorum nebulas, eorumq; concursus sanguineos delere, certi sumus, de quibus omnibus Gal. consulendus est, lib. x. tam sæpe à nobis in hoc opere allegato.

## DE VRINA.

*Græcè, ὄρον: Latine, urina, lotium; Vulgò urina,  
Arabice, Baul.*

### Enarratio LXXVI.

*Urina.*

**F**REQUENTER hodie vrinæ vsus in clysteriis habetur, quum abstergendi vires obtineat, præcipuè pueri stomachum ieiunum habētis. At Galenus, vlcera digitorum pedis, maxime quæ ex illusione atque offensione essent inflicta, sæpenumero, vbi nimirum phlegmone carerēt, curabat: hoc præcipuè in seruis & rusticis, & in agro, & rure, vbi medicamentorum aliorum non erat copia: nec tantum in prædictis vlceribus, sed omnibus à thorace ad imos vsque pedes corripientibus, vti illa concedit. Capitis porro vlcera, aut faciei, ea lauari nō assentitur Galenus veluti nec eam dare in potu. Proinde orthopnoæ curandæ gratia, eam ebibere, necessarium nō esse tradit. Auicenna tamen, illius potu, nonnullos sanitati restitutos memorat, vt ex secundo sui Canonis libro capite proprio percipi potest. Cæterum vrina hominis omnium propè altarum vrinarum est imbecillima, excepta ea quæ à sue castrato domestico mingitur, quum hæc humanæ persimilis sit. Aprorum verò valida est, vt eius acutus indicat odor, quam Florentini in propria vesica oleo admixtam ad fumum seruant, appenduntve, & ea mellis crassitudine inspissata, contra puerorum vermes vtuntur, nares & pectus ac abdomen inungendo. Ex vrina verò chrysocolla conficitur, vt Galenus bis, docuit, & nos ipsi experti sumus, quanquam vera chrysocolla minerale esse sciamus, quod potissimum ex India in Lusitaniâ adferri solet. Cæterum laps lincurion dictus, electri species est, alio nomine quia plumas attrahit, pterygophoron appellatus, vnde qui lapidem istum vrinam lyncis siue lupi ceruarij esse opinantur, toto vt dicitur, aberrāt cœlo, vt capite de electro quoque meminimus: Respondet vrinæ salina, cuius vis differens quoque est, tum in animalium speciebus, tum in eorum vnoquoque sano, & agro, ieiuno & sitibundo, aut

*Salina.*

contra.

contrà. Etenim vt vrina & fel, sic & saliuâ sumpto quidem cibo imbecilla est, valida proculdubio & acris est eorum qui ingenti aut inedia, aut siti premuntur: sed in medio vtriusque est eorum qui probe concoxerunt, nondum tamen cibum potumve hausere, qua puerorum lichenès, id est impetigines curantur, non minusque illius causa, triticum ore mansum dothienes, id est furunculos concoquit, & digerit, porro saliuam, scorprios interficere, memoriæ tradidit Nicander, & Galenus vt verum quoque approbat, quod nos ita esse quoque experientia nouimus.

## DE MELLE.

Græcè, μέλι: Latine, mel: Gallicè, miel. & Hispanicè, Mele. Italicè, Mele. Arabicè, hael: Germanicè, Honig.

## ENARRATIO LXXVII.

MEL, liquor dulcis, ab apibus condensatus, ac fabrefactus, vbiq; vulgarissimus est, quod rutili coloris Dioscorides & medici desiderant, quum tamen hodie albissimum primas obtinere sciamus, præsertim quod à nimia caliditate ita album traxit colorem: Nam album ob frigiditatem multam habens spumam, quod incoctum recte dixerimus, non bonum est. Reperitur enim præstans hoc mel tanquam butyrum albissimum apud Olyssipponenses: quod ex oppido Hueiras dicto aduehitur. Cæterum venenosum mel, varia symptomata inducens, variis in locis reperitur, præcipuè vbi apes rosa nerienis, vel flore aconiti, vel napelli cucullato, pastæ fuerint. Subducit autem mel crudum aluum magis quam coctum, vt libro primo capite de Rosis diximus, quod desiccandi & excalfaciendi secundo ordine vires habet, facile enim calidis in corporibus in bilem vertitur: proinde pituitosis summum est iuuamen. Verum, saccarum quod Dioscorides mellis genus, in India & Felici in Arabia proueniens facit, absq; verborum ambagibus & controuersia vlla, nostrum vulgatum & commune est succharum. Magna etenim succhari copia, & prouentus apud Indos semper fuit, & est hodie, vt quoque Lusitani nostri fatentur: apud quos ordo ac modus illius conficiendi,

Mel venenosum.

Mel crudum subducit aluum.

Succharum antiqui cognouerunt.

non ita pridem fuit exploratus, quum saccharum de locis ad locos in vrbibus deferrebat inclusum. Vnde non mirandum si Dioscorides & Galenus, cæteri q; qui de saccharo locuti fuerunt, tanquam de re illis non probe cognita & explorata locuti fuere, vnde saccharum, mel, aut ial in harundinibus concretū dixerunt: nec ab re, quum in ipsis harundinibus non quidem fistulosis, sed succo plenis, magno æstu, succus foris attrahitur, & ibidem ac resina, vel gummi, in ipsis harundinibus densatur ac cōcrescit, similis omnino saccharo cando dicto, hodie arte parato, vel sali dulci, vnde, multi illum salem Indicum appellabant: Nec tantum in India hoc euenire nouimus: sed etia hodie in insulis Maderiæ, & sancti Thomæ, ac Fortunatis, quas Canarias dicitant, in quibus sicuti in nonnullis Italiæ locis, ac Aegypto, & noua terra Brasilio dicta, fertilis est prouetus, cuius modus conficiēdi ac in turbinatas massas reddēdi, nouus est, & antiquis plane ignotus: imò si verum fateri debemus, saccharum olim in perexigua reperiēbatur copia, adeo vt illius vsus, parua aut nulla erat cura, vtcunq; tamen sit, illius Varro meminit, iis carminibus.

*Indica, non magna nimis arbore, crescit harundo,*

*Illius & lentis premitur radicibus humor,*

*Dulcis, cui nequeant succo contendere mella.*

Floruit enim Varro Narbonensis, Latine linguæ peritus ante Dioscoridem & Galenum, annis multis, qui iis carminibus adeo saccharum describit, ac suis coloribus depingit, vt nihil amplius desiderare queas. Illius quoq; Galenus noster meminit, non solum libris Simplicium, sed libro octauo Methodi medēdi, capite quarto, vbi saccharum inter res febribus vt excessiue nō calidas, conuenientes adnumerat, vt liquido cōstet, antiquorum saccharum, nostrum cōmune esse. Nec enim Manardus, aut Fuchsius, qui oppositum contēdunt, audiendi sunt: quum nullis aut momenti alicuius rationibus fulciātur, nobiscum autem Leoniceus agit atq; Curtius, aliiq; celebres viri, vt demū concludere debeam, hoc saccharum Dioscoridis nostrum commune esse. Sed Dioscoridis tēpore, parua admodum extabat copia, ita vt Plinius libr. xij. cap. 8. dicat, suo tempore ad medicinæ vsam tantum stare: nunc vero illius magna est copia, & ad multos venit vsus, ganæ præsertim,

*Sal Indicus saccharum est.*

*Varro meminit sacchari.*

*Saccharū antiquorū*

*Manardus & Fuchsius errant.*

quia stomacho pergratū sit, & pectori proffit, quod quanto albidius redditur, tanto magis caliditatis metas fugit. Succharum vero quod ex insula sancti Thomæ affertur, officinæ rubrum appellant, caliditatis primum gradum non excedens, ex quo Venetiis albissimum, resinatum dictum, præcipue paratur. Porro in succhari cōfectura, mēl liquidum & crassum quoddam remanet, quod remel dicitur, cuius magna copia ex insula Maderiæ, Anthuerpiam florentissimum emporiū aduehitur, & ex eo non nisi placentulæ popularibus hominibus dicatæ conficiuntur.

Remel  
quid.

## DE CERA.

Græcè, κηρός: Latinè, Cera: Italicè, cera, Hispanicè, Ciera, Gallicè, Cire: Arabicè, hamaha: Germanicè, Vvachs.

## ENARRATIO LXXVIII.

CERA vt testatur Galenus septimo de Facultatibus simplicium medicamentorum, medium quodam modo tenet calfacientium, refrigerantium, humectantium, & desiccantium: habet vero quiddam etiam essentię crassiæ atq; emplasticum, quamobrem aliorum medicamentorum materia existit: ipsa autem per se ex genere fuerit debiliter concoquentium, habet tamen quiddam digerentis, calidæq; potentię, quæ plurima melli inerat.

Cera tenui  
perata est.

## DE PROPOLI.

Græcè, πρόπολις: Latinè, Propolis: Hispanicè, betun de colmena, Arabicè, Mum: Germanicè, Vorstofs.

## ENARRATIO LXXIX.

PROPOLIS fauorum stabilimentum, vt Plinio placet, est: quanquam Dioscorides & Varro, circa alucosum foramina, per quæ apes ingrediuntur, reperiri tradant: de qua Galenus libro octauo tam sæpe citato dixit: propolis modice quidem extergit, cæterum valide trahit: est enim essentia tenui, excalfacit porro ordine secundo completo, aut certe incipiente tertio.

Propolis.

## DE TRITICO.

Græcè, *πυρός*: Latinè, *triticum*, *frumentum*: Hispanicè, *trigo*: Italicè, *grano*, *formento*: Gallicè, *Blé*, ou *foment* vel *fourment*: Arabicè, *hencæ*: Germanicè, *Vveytzen*.

*Trimestre.**Triticum.*

## Enarratio LXXX.

*Triticum.*

**T**riticum vt bonum dicatur, optime maturum sit oportet, contumax frangenti, plenum, graue, lucidum, splendidum, auri colorem fere referens, ex tali enim trium mensium ætate, farina fieri debet. Nam præstans triticum plus farinæ reddit: deterius vero minus. Porro farina recens calida est, vetus vero frigida, qua de causâ mediæ ætatis eligenda est, ex qua panis quinque genera, vt placet Galeno libro primo de alimentis, parantur. Omnium purissimus siligineus est, ex siligine, parte subtiliori

piliore farinae tritici factus: secundus autem panis simi-  
 lagineus dicitur, ex similagine paratus, farina tritici, non  
 tam perfecte pura, quam hodie è Græcia, ad nos Tur-  
 cæ & Græci homines aduehunt, farinam scilicet gra-  
 nulosam, albissimam, arenæ similem, quam semolam  
 vel similam vocant, quam Galenus dixit esse diffi-  
 cilis coctionis, ac obstructions gignentis, vt libro  
 quinto de Sanitate tuenda, vbi senum regimen descri-  
 bit, legere est: tertius panis, autopyros, cum ipsis  
 furfuribus coctus & conflatus, ex toto tritico dicitur:  
 quartus, sordidus ex multis furfuribus confectus: quin-  
 tus, totus est furfuraceus, canibus tantum deseruiens.  
 Vt autem panis optimus dicatur, opus est, sit bene fer-  
 mentatus, bene subactus, optime pinsus, mediocriter  
 salitus, ac iuste coctus, non est edendus calidus panis,  
 quia æstuosus est, & capiti & ventriculo nocet: nec  
 multorum dierum coctus, quia natiuam caliditatem hu-  
 miditati naturali coniunctam deperditam habet, vt ex  
 Hippocrate libro secundo de Diæta desumitur. Panes  
 porro caseo, aut butyro, lacteue confecti difficilis co-  
 ctionis sunt, & in epate obstructions parientes, cum  
 oleo verò parati, sulphuri, vt Auerroi placet, similan-  
 tur. Maza quoque oleo frixa, aut clibano, vel sub ci-  
 neribus cocta, veluti quoque azymus panis, maxime  
 obstruunt, & multum lædunt, melle tamen hæc co-  
 mesta, ab innoxiiis suis temperantur, remittunturque, ve-  
 luti ex farina triticea omnes paratæ placentæ, vt tradit  
 Galenus libro quinto, de Sanitate tuenda, & primo  
 de Alimentorum facultatibus, capite tertio. Triticum  
 aqua coctum, difficilime in stomacho coquitur, vt ex  
 Galeni historia percipitur libro primo de Facultatibus  
 alimentorum, capite septimo, qui fame urgente  
 cum duobus adolescentibus suis, semel in rure comedit.  
 Est demum triticum, vt refert Galenus libro octauo  
 de Facultatibus simplicium medicamentorum calidum  
 primo ordine, non tamen nec resiccare, nec refrigerare  
 manifesto potest: habet verò etiam quiddam lentoris  
 obstruentisque naturæ. Ex eo verò oleum ferramentis  
 candentibus extrahitur ad multos vsus accommodatum,  
 vt ex variis authoribus percipi potest. Non hic tamen

Panis quin-  
 que gene-  
 r. 4.


Tritici tē-  
 peratura.

silentio prætereundus est panis dissectus, & aqua lauatus, quem hodie succharo respersum febricitantibus concedimus vt Galenus olim quoq; suis propinabat ægrotantibus, quû optimi sit nutrimenti, vt ex curatione Sexti filij Antonini Imperatoris apud eundem Gale. lib. de Præcognitione percipitur, vt librum primum de Alimentis tam sæpe repetitum fileam, in quo illius abunde laudes describit. De fermento vero Dioscorides abunde discribit, & ea de causa de illo nihil quicquam agimus.

## DE HORDEO.

Græcè, κριθή: Latine, hordeum: Hispanicè, cenada: Italicè, orzo: Arabicè, Shair: Gallicè, orge: Germanicè, Gersten.

## Enarratio LXXXI.



Hordeum.

Hordei duplex species reperitur, altera communis, equis & iumentis in cibo deseruiens: altera verò Gallis, & nonnullis Italiæ populis familiaris, granum scilicet habens ab spice paleis facillè explicabile, vnde ordeum mundum appellari meretur, Granum per omnia fere grano tritici simile, sed crassius & albidius, ex quo ptisanam olim præparari crediderim, quum cibo idoneum sit, & hodie quoq; forbitiuncula ex eo febricitantibus conuenientes conficiantur. Vnde Manardus Ferrariensis, hæc hordei differentiam parum aduertens, in totam ptisanam, & hordei vsum, tanquam reprobum damnauit. Reuera tamen ex illo



Isto hordeo mūdo à Galeno nudo dicto, ptisana ita valida & potens ac antiquorum ptisana parari possit, quę duplici modo conficitur, colata, & nō colata: Non colata ptisana ea dicitur, quando hordeum totum probe decoctum, cum ipsa aqua manet: Colata verò, quando ab hordeo probe decoctō, expressio fit, quam cremorem ptisanę nonnulli quoq; appellant: quanquam Galeno succum ptisanę eam aliquando appellare placuit: tamen nō ignorem aliquos, qui differentiam, inter ptisanam non colatam, & cremorem ptisanę faciant. De ptisana verò Galenus libro de Euchymia & cacochymia ita tradit: Ptisana probe ex optimo hordeo confecta, inter cibaria omnia prorsus omni noxa caret: nutrit tamen quàm panis minus: de qua plura legito lib. de Ptisana Galeno inscripto, ac lib. de Ratione victus in morbis acutis. Humeat enim ipsa ptisana, vbi plurimū intumuerit coctione longa vt refert Gal. lib. de Alimentis, cap. de hordeo, quod & de aqua hordei idem dicendum crediderim. Nam hordeum in exiccando & refrigerando primi est ordinis, habetq; paucillum absterfionis, vt Hippocr. lib. ij. de Diæta non procul à principio tradit: At secundum se totum hordeum à paleis non purgatum, magis abstergit & purgat: decorticatum verò magis refrigerat, & aluum sistit.

*Herdeistē-  
peratura.*

## DE ZYTHO ET CVRMI.

*Græcè, ζυθος, & κέρμι: Latine, zythum, curmi, ceruisiæ genera: Gallicè, ceruoise, biere: Germ. Bier.*

### ENARRATIO LXXXII.

**H**abet vnaquæq; regio, vini loco, suas sibi deputatas potiones. Nam Aegyptus olim vt testatur Plin. lib. xxij. vltimis verbis: zythum habebat, Cantabria verò ex pomis in hunc vsq; diē suam cæreā parat: Angli, Flandri, multi Germani, Boëmi, atq; Galli nonnulli ceruisiam parant ex hordeo & tritico lupulorum adiectis floribus, in aqua maceratis: aliquando simplicem, nonnunquam verò lauri baccis compositā. Est proculdubio ceruisia optimus potus, & febricitatibus cōuenientissimus, præsertim simplex. Quia lupulus, quē Diosco. & Gal. præterierunt, & salictarium, siue reptitiū lupū Plin. appellat, icori maxime conuenit, & illius obstructions curat, ex quo hodie syru-

*Zythum.  
Cæreæ.  
Ceruisiæ.*

pus in officinis instructioribus paratus habetur, veluti & aqua per campanam siue lambicum destillata. Nam herba ipsa vt paucis dicam, in vniuersa Germania, & Flädria, ac Anglia seritur, non nisi pro hac cõficienda ceruisia, quam sua sponte in topiariis passim proueniat, folio vitis aspero, allia, & vinum, fricato suboiente: vnde herbam hanc calidam aliquantulum esse affirmare, tamen si Ioan. Ruellius, natura frigidam, peramplo suo volumine, eam constituit: sed qua fulcitus methodo, ignoro. Huius enim stolonibus, ac asparagis in acetariis vtimur. Vocat autem herbam hanc Hispania luparum, Italia verò lupulum, & nonnunquam, quia arboribus circũuertitur, verticem. At ebur, in zytho madens tractabile, & plicabile fieri, vt falsum prætermittimus.

## DE ZEA.

Græcè, ζεα: Latinè, zea, semen, spelta: Longobardicè, alga: Arabicè, hais: Italicè, biada: Hispanicè, spelta: Gallicè, espeautre: Ger. Speltz alij dinckel.

## Enarratio LXXXIII.

**Z**Ea, quæ olim priuatim semen à Latinis dicebatur, hodie spelta appellatur, & eius duas dignoscimus species, equis & mulis in cibum venientes, de quibus legito caput 89. huius præsentis libri.

Zea.  
Spelta.



Curmi.

## DE CRIMNO.

Græcè, κρινον: Latinè, crimnum, granum tritici, vel spelta crasso modo tritum: Hispanicè, farina ator colada

*colada, rolum: Germanicè, Griess.*

Enarratio LXXXIII.

Quum enim triticū, vel spelta, zea dicta, crasso quodammodo moluntur pinsunturque farina resultans erimōn dicitur, ex qua quondam Romani pultem parabant, & ea panis loco vti fuere, ut refert Plinius libro decimo octavo capite octavo.

DE OLYRA.

*Græcè, ὄλυρα: Latinè, olyra: Hispanicè, centeno blanco: Italicè, segala bianca: Gallicè, du seigle blanche: Germanicè, Rocken vnd korn.*

Enarratio LXXXV.

Olyra, semen est, in Orientalibus præcipuè regionibus nascens, quod Hispani centenum, Itali verò segalam appellant, quod ideo centenum Hispani nominant, quia ab vno grano centena enascuntur, hoc verò falso quidam filiginem appellat, quum filigo purissimum optimumque triticum sit. Apud Plinium tamen, centenum hoc, siue secala, farrago dicitur, ut libro xvj. cap. 18. videri potest, nigrum omnino & aspectu triste. Nam olyra, dubio procul candidū est, ex quo post triticeos panes, optimi conficiuntur, quibus rustici in Hispania, veluti nobiles septentrionales cum butyro aluntur, à quibus tiphini panes, à tipha sic dicti, parum differunt: qui, referente Galeno, calidi adhuc furni caliditatem retinentes, minime verò duri, trium quatuorve dierum, edendi sunt. Est enim tipha semen in Asia frequens, parum à zea differens, quod Asiani sua voce brizam vocant, ut dixit Galenus j. lib. de Facultatibus alimentorum, capit. decimotertio. Animadvertat tamen candidus lector, quòd tipha à typha differt, nam tipha semen de quo diximus est: typha verò iuncus quidam, de quo suo dicemus capite.

*Olyra.*

*Farrago segala est.*

*Tipha à typha differt*

DE ATHERA PULTICVLA.

*Græcè, ἀθήρα: Latinè, athera: Hispanicè, papas: Germanicè, Brey, Muos.*

Enar

## Enarratio LXXXVI.

*Athera dif-  
fert à crim-  
no.*

**A**thera, puls ex zea in tenuissimum pollinem sub mola redacta est, quam hodie quoque non solum ex spelta, sed tritici & milij farina, pro pueris & adultis, Germani & Lusitani cum lacte, vel melle parant. Differt enim crimnon ab athera, quod crimnon ex non bene molita & pista farina paratur: athera vero ex subtilissima.



*Tragus.*

## DE TRAGO.

*Græcè, τραγῶν: Latinè, tragus: Arabicè, Sult: Germanicè, Hamelkorn.*

## Enarrat. LXXXVII.

**T**ragus, semen fari, aut zea persimile describitur, quod olim ex Orientali plaga aduectum erat, nunc vero eo caremus. Hippocrates porro lib. secundo de Diæta, tragū cum olyra idem facit.

## DE BROMO.

*Græcè, Βρόμῶν: Latinè, auena: Hispanicè, auena: auea: Italicè, Biada, vena: Gallicè, auoyne: Arabicè, Churtal: Germanicè, Habern.*

## Enarratio LXXXVIII.

*Auena.* **A**vena, granum vulgatissimum est, iumentorum cibo deseruiens, ex cuius farina, Germanorum nonnulli puliculam parant, quam muos ab illis nominari, capite



Avena.

capite de Athera diximus. Est enim semē hoc calidum, digerendi vim possidēs, id quod ex gustu patet, leuiter enim est acre, vnde & ex eo liquet, quod phlegmonas induratas, & egilopas sanat. Est enim semen hoc, vt Hippocrati placet, natura frigidum, vt verò Galeno libro primo Alimentorū calidum: Nam hæc de qua agimus auena, domestica est, & cultura elaborata: de syluestri verò, sua sponte in agro veniente, quarto libro, capite de ægilope, videndum est.

Galenus  
ab Hipp.  
discrepat.

## DE ORYZA.

Græcè, ὄρυζα: Latine, oryza: Hispanicè, atroz: Italicè, riso: Gallicè, ris: Arabicè, ars & arzi: Germanicè, Reyls.

## Enarratio LXXXIX.

Oryza, in genere frumentaceo etiam adscribitur, hominum non aspernandum edulium, quo pro compefcenda aluo passim vtimur.

## DE CHONDRO ET FARRE.

Græcè, χόνδρον: Latine, alica, altera spelta, far: Italicè, scandella, farro: Arabicè, chandaros.

## Enarratio XC.

Chondrus, vagum nomen est, nam quandoque valentissimum significat triticū, quod Hispani triticum à Candia: Lusitani verò canorum: Itali autem album, siue caluisium triticum appellant, ex quo panes albissimi ho-

Chondri,  
nomen ve  
rum.

die

*Alix quid*

die parantur, in quo significato apud Galenum semper reperitur, pulticula verò ab hoc tritico parata alix vel chondrus appellatur. In alio verò significato chondrus reperitur, zææ id est speltæ specië quanda significans, quæ in spica duas tantum habet, id est duos ordines, in quibus granum continet, qua de causa, dicocum quasi duo habens grana vel duos ordines, à Dioscoride vocatur, quum tamen in hordeo quatuor comperiantur, hoc autem frugis & zææ genus, ab Italis scandella dicitur, ex qua far paratur, quanquam ex Galeni chondro, far quoq; parari sciamus. Huius verò scandellæ pulticula halica appellatur. Olim granum hoc gypso siue creta conseruabatur, veluti hodie zinziber rubra terra, à qua quum pro cibo sumebatur, optime lauabatur, vt meminit Gal. li. j. Alimët. cap. 6.

## DE MILIO.

Græcè, κέλυρον ☉ : Latine, milium : Hispan. milho mijo :  
 Italicè, miglio : Arabicè, giaures : Gallicè, mil, ou,  
 millet : Germanicè, Hirs.



Sorgi.



Miliun.

## Enarratio xci.

**M**ilium, vulgo notū semen, quod foris impositum in sacculis, colicis doloribus, idoneū est remediū, Verū Galenus ipsum refrigerare primo ordine, tertio verò exiccare lib. 7. fatetur: Posteriores verò illi vires refrigerandi, in tertio gradu, siccandi verò in secundo assignarunt. At ex illius farina cū lacte placentæ paratur, quas rustici in victu tanquā Deorū ambrosiam habēt: non minus quoq; panes ex ea cū melle conficiunt, quibus rustici præcipuè Portugalliæ maxime oblectantur, & eos sua voce bo-roas appellitant. Cæterū aliud milium crassum est, figura & colore malignetæ, ex quo Italiæ infima plebs panes conficit, & illud sua voce, meleguā, vel sorgū, veluti Lusitani, milium zaburrū vocant: vnde Ruellius hic taxandus venit, qui panicum apud Italos meleguam appellari dixit.

*Milium.**Ruellius  
fallitur.*

## DE PANICO.

Græcè, ἔλυμϑ: Latine, panicum: Hisp. paniz, painso:  
Italice, panico: Arabicè, dochon: Gallice, paniz:  
Ger. Heydenfenich, oder fenich.

## Enarratio xcii.

*Panicum.*

**I**N Hispania, & vniuersa Italia, panicum suauius quàm in Asia prouenit, vt refert Gal. lib. j. de Facul. aliment. cap. 151. & vt li. 6. de Facul. simplic. medicam. ait, ex leguminum genere est, milio specie simile, facultate certe pauci nutrimenti, & exsiccatoria, sistit quoque nonnihil ventris fluxus, ceu ipsum etiam milium, si vero foris illinatur exsiccatur atque refrigerat, At huius farinam, ad eisdem vsus, rustici vsurpant, ad quos, milij.

*Panicum.*

AMATI LVSIT. COMMENT.  
DE SESAMO.

Græcè, σίσαμος: Latine, Sesamum: Hispan. Iorgilin,  
alegria: Italicè, Sisamo: Gallicè, Sisame, ou In-  
gliome, vel Ingioline: Arabicè, sensera.

Enarratio XCIII.

*sesamum  
stomacho  
gratum.*

*Oleum se-  
saminum.*

**N**on tam contempnendum Sesamum in cibo est, quam hic à Dioscoride & Græcis describitur: quum re vera sesamum gratum stomacho esse percipiamus, abunde corpora pingua efficiens: ex quo placentulæ sesamoides cum melle, non quidem crudo, vt Galeni tempore, sed discocto hodie conficiuntur, stomacho admodum grata. Ex eo verò oleum, apud Græcos & Turchas in maxima copia hodie paratur: in cibo secundum locum bonitatis post oleum oliuæ habens. Nascitur autè sesamum, vt propriis vidimus oculis in planta quadam tricubitalis altitudinis, caule quadrato, folio parietariæ sed ampliori, siliculis triquetris: in quibus semen obcluditur sesamum dictum, quod moderate calidum esse Galenus libr. viij. de Facult. simpl. medic. faterur dicens: sesamum non parum in se continet viscosum & pingue, quare emplasticum est & emolliens, ac moderate calidum, Eiusdem facultatis est quod ex eo conficitur oleum, & herbæ quoq; decoctum similem vim obtinet, cætera vero apud ipsum libr. j. de Facul. alimen. cap. xxx. legere ne pigeat.

DE LOLIO.

Græcè, ἀρα: Latine, Lolium: Hispanicè, yoio: Ita-  
licè, Loglio, Gallicè, yuraie: Arabicè, Zeuen:  
Germanicè, Raden, Iuualch;

Enarratio XCIII.

**Q**ui mecum olim lolium pseudomelanthiū esse opinabantur, omnino retrahendi sunt, quum reuera, lolium granum perniciosissimum inter triticum & farraginem hordeūmve nascens, sit: non vero pseudomelanthium dictum, flosculus scilicet purpureus, segetibus frequens. Est igitur lolium, quod Hispani & Itali seruata voce, parum tamen corrupta Iolium appellant, granum scilicet farragini, secale dicto, persimile, quod quum anni

constit



constitutio parua, pluuioſa, & plus iuſto humida eſt, mul-  
 tum innascei contingit, quinimo tunc triticum in lolium *Triticum*  
 vertitur. vt Galeni pater agriculturæ, ſtudioſior factus, *in lolium*  
 adnotauit, vt de eo Galenus vltimo capite libri primi de *vertitur.*  
 Facul. alimen. memoriæ commendauit. Eſt enim lolium,  
 vt eodem loco idem meminit, ingratiſſimum pernicio-  
 ſiſſimumq; hominibus, capitis grauedines, dolores, &  
 vertigines faciens, imò homines ipſos furioſos, & cæcu-  
 tientes reddens: Vnde & merito Ariſtoteles, in libro de  
 Somno & Vigilia, inter ea quæ capitis grauedinem effi-  
 ciunt, lolium adnumerat. Curandum igitur eſt, triticum  
 optime à lolio purgetur, quum eius eſu ſuccorum prau-  
 itas maxima gignatur, à quibus tot tantaq; dicta mala  
 oriuntur: eius tamen farina, ad curandas nomas, vetera  
 vlcera, gangrænas, lichenes, ſtrumas & lepras multum  
 valet. Caterum ſpica lolij, parum à phœnicis herbæ ſpica *Phœnix.*  
 differt, & niſi quis exacte inſtructus in re herbaria fuerit,  
 proculdubio inter vtranq; diſcrimè ponere neſciet. habet  
 enim lolium, folia ſuper ſpicam, phœnix vero non habet,  
 calidum enim lolium eſt, in principio tertij ordinis ex-  
 calfacientium, ſecundi vero extremo exiccantium, vt Ga-  
 lenum adnotaſſe legimus lib. vj. de Facul. ſimpl. medic. *Lolium ca-  
 lidum in 3.  
 ſiccum ve-  
 rò ſecundo.*

## DE AMYLO.

Græcè, ἄμυλον: Latine, amyllum: Hiſpanicè, Italicè,  
 amido: Arabicè, nixe: Gallicè, & Hiſp. amydon:  
 Germanicè, Ammelmel, amlung.

## Enarratio xcv.

**A** Mylon ex tritico fit, ſic dictum quòd ſine mola con-  
 ſiciatur, hodie verò indocte aromatarij amidum vo-  
 cant, quod natura frigidum eſt: vt tradit Gal. lib. viij. ſim-  
 plicium, capite de tritico: Similem quoq; panibus lotis  
 facultatem habet, vt ipſemet ſcribit lib. j. de Alimento-  
 rum facultatibus, ex eo verò & ſuccharo, ſauonea pecto-  
 ris & pulmonis vitiis accomodatam medicamentum  
 paratur. Nam amyli quoq; in re medica multus vſus eſt:  
 miſcetur enim maximo iuuamento clyſteribus ad dyſen-  
 terias & biliſos fluxus faciētibus, quia qualitatis expers  
 eſt, & adſtrictionis particeps.

*Amylon.*

## DE FOENO GRAECO.

Græcè, τῆλῖς, βένδρωσ : Latine, fœnogræcum, fœnum  
græcum : Hisp. alforuas, alholuas : Italicè sien greco.  
Arabicc, olba : Gallicè fœnigræc, ou senegre : Ger-  
manicè, Bocks horn, oder kuohorn.

## CONSTANTINVS.

**F**œnumgræcum à Græcis authoribus, multis vocatur nomi-  
nibus, dicitur τῆλῖς καὶ κάρφοι καὶ αἰγόμερας καὶ βένδρωσ  
Theophrasto lib. iij. de historia plantarum Cap. 5. Neenon Gale-  
no ( tametsi Menetheus adnotarit hac voce etiam Anagallidem  
significari ) Latinum etiam nomen habet, nam quia corniculū  
instar siliquatur, vocatur etiam à Columella libro vndecimo, si-  
liqua. à Plinio vero lib. xxiiij. Cap. 8. in quo recenset Fœnigræci  
vtilitates in medicina, nominatur Silicia : cuius hæc verba:  
Nec Fœnogræco minor authoritas quod telin vocant, alij car-  
phos. Aliqui buceras, alij agoceras, quoniam corniculis semen  
est simile, nos Siliciam, quam idem author libr. xvij. Cap. 21.  
Sicuti & phaseolos, tradit occari tantum, non autem truncari

## Enarratio xcvi.

**F**œnumgræcum, se-  
men vulgatum est, in  
siliiculis corniculatis, cu-  
iusdam herbæ trifolio  
persimilis, nascens: quod  
referete Galeno lib. viij.  
Simplicium, calidum est  
secundi ordinis, desicca-  
primo. Proinde feruētes  
phlegmonas irritat, acer-  
batq; : quæ verò minus  
sunt calidæ & magis du-  
ræ, eas digerendo curat.  
Verum admiscendū est  
fœnogræcū decoctioni-  
bus & medicamentis pe-  
ctori conuenientibus, ut  
ex Gal. deprehēditur lib.  
j. de Facul. alimē. cap. 25.

Fœnogra-  
cum calidū  
2. ordine,  
siccum pri-  
mo.



Fœnumgræcum.

## DE LINO.

Græcè, λινον: Latine, linum: Vulgò, lino: Arabice, bazarichichen: Gallicè, lin: Germanicè, Flachs.

## Enaratio XC VII.



Linum.

eo confectum oleum ad neruorum ægitudines multum valet.

## DE CICERE.

Græcè, ὀπείβινδ: Latine, cicer: Hispanicè, granancos: Italicè, cice, ceci: Arabicè, chemps: Gallicè, pois ciches: Germanicè, Zysern.

## Enarratio XCVIII.

**T**Ria hodie cicerum genera reperiuntur, alba, rubra, & nigra: Alba in victus vsu ceteris meliora sunt: nigra verò & rubra, rei medicæ expetuntur, præsertim arietina, quæ nigra & parua sunt, arietina dicta, quia ca-

Lini semen temperatè frigidis est.

Cicerû tria genera. Arietinum cicer.

Cicerum  
vires.



Cicer.

Cicer viri-  
ce.

put arietis figura referant. Ex ciceribus autem fatius est ipsorum succum in aqua coctum bibere, ut consulit Galenus lib. j. de Facultat. alimen. cap. 22. & nos ipsi in praxim duximus: de quibus Galenus sexto de Facultat. simplic. medicam. ita loquitur: Cicer legumē est flatuosum, copiosi nutrimenti, alio mouēdā habile, ciendā urinā idoneum, lacti & semini generando aptum: prolicet verò & menses: Ceterum quod arictinum dicitur, efficacius urinā prouocat, cuius decoctum renū calculos frangit: Reliquum erebinthorū genus eadem vi pollet, puta attrahendi, digerendi, incidendi, extergendi, sunt enim calidi & modicē sicci, participes item amaritatis: cuius vi & lienē & iccur, & renes expurgant, psorasq; & lepras & lichenes extergunt, tum parotidas, & testes induratos discutit, tum vlcera maligna cum melle sanant. Viridia nanq; cicera, ab effrenatis pueris, & gulosis hominibus ubiq; hodie comeduntur, quæ excrementosum alimentum, & humidum præbent, non minus frixa sale, ut tempore Galeni quoque ac fabæ parantur: quæ licet flatum deponant, concoctū tamen sunt difficilissima, & succi crassi alimentum corpori exhibent, ut de aliis omnibus latius Galen. libro primo de Alimen. facultibus capite nono disserit.

#### DE FABIS.

Græcè, *φαβή*: Latine, *fabā*: Vulgò, *faua*: Gallicè, *febue*: Arabicè, *Bachale*: Germanicè, *Bonen*.

## Enarratio XCIX.



Faba.

num figura non rotunda veluti fabarū, sed aliquantulum latiuscula similiter lenti, ex qua comparatione similitudinē facta, satis percipitur, fabas antiquorum, rotundas parvasque esse. Item Galenus lib. xj. de Facult. simpli. medic. oniscos, multipedes vermes, etiam cyamos, id est fabas appellari tradit, hac tantum de causa, quia dum contrahuntur, fabarum figurā imitantur: nunc verò easdem bestiolas in rotundissimas pilulas conuolui experientia indicat, cui subscripsit Scribonius Largus, ac Paulus lib. vij. suæ medicinæ, quum dicat: onisci vermes in humidis locis agunt, & tacti in orbem se conduplicant: iis Dioscoridis verba suffragantur capite de iunipero, in quo illius semina rotunda, fabis comparare videtur. Præterea describunt authores caput, cui titulus est, si faba, vel aliud quippiam rotundum in aures ceciderit. Quibus omnibus satis conuincitur, quòd antiquorū faba exigua rotundaque sit. Accedūt quoque dictis, quod libello Galeno inscripto,

Antiquorū faba exigua rotunda erit.

*Obolus  
quid.*

de ponderibus & mensuris, legimus, in Aegypto cyamo obolus semis, id est, Aegyptia faba semi obolum ponderis habet. At obolus drachmæ sexta pars est, ita ut fabam Aegyptiam duodecimam drachmæ partem habere statuat, quum semioboli pondus habeat, sed quum faba hæc Aegyptia multò maior sit, quàm hæc à Dioscoride & Græcorum nonnullis descripta, sequitur fabam hanc Dioscoridis admodum parvâ esse, quum semiobolum nondum ponderare tradat. Sed quòd faba Aegyptia, Dioscoridis hæc descripta faba sit maior, sequentis capituli verba attestantur, quæ ita habet: comeditur viridis faba hæc, etiam nigrescit siccata, maiorq; communi faba est, ex quibus verbis luce meridiana clarius patet, quòd fabæ hæc Græcorum, multum à nostratibus sunt differentes, quum nostrates, non tam obolum, quàm semi drachmam ferè ponderent, quare antiquorû fabas à nostratibus diuersas esse, nemo deinceps dubitabit. Cætera verò de fabis, legito apud Galenum, & Erasmum Roterod. libro Chiliadum. Sunt enim fabæ frigida & sicca, ac flatuosa, ut libro vij. de facult. simpli. medicamentorum legitur.

### DE FABÀ AEGYPTIA.

*Græcè, κβαμῶ ἀγυπτίῳ : Latine, Faba Aegyptia : Hispanicè, inhame : Italicè, faba de Egitto.*

#### Enarratio centesimi capituli.

*Faba Aegyptia inhame est.*

**R**ecte admodum tradit Dioscorides Aegyptiæ fabæ radicem, olim homines comedere, quum hodie sciamus, ea, multo plures quàm tritico aut fruge altera ali. Nam innumeri ferè dixerim Aethiopum populi, Nigritarumq; amplissima regio, hanc radicem in cibo, panis loco, tantum habent, quam sua voce, inhame vocant, radicem albam, quam meliorem dicunt: ruffam verò minus bonam, brachialis crassitudinis, magnitudinis verò vulgarij raporum: quam crudam, & sub cineribus coctam, aut aqua elixam, per se vel cum oryza mandunt: Nec enim in Aethiopia tantum, aut Aegypto, ubi colicium appellatur, radix hæc inuenitur, sed in Lusitania, præcipue apud Salatium, oppidum Setubalum hodie dictum, ubi in lacubus nonnullis perbelle crescit, Dioscoridis

dis historię in vniuersum respōdens: nec minus Venetiis faba hæc Aegyptia, in nonnullis amœnissimis hortis fata cernitur, folio peramplo, nenupharino æquali, quod Ioannes Falconerius Anglus, vir doctus, & simplicium medicamentorum diligentissimus inuestigator, mihi & doctissimo Brasauolæ tanquam rem raram Ferrariæ monstrauit. Nos verò vt verum dicamus, millies hanc comedimus radicem, & illam quidem sub cineribus coctā, cuius sapor, castanearum sapor respōdet. Nam alimentum penitus humidum radix hæc præbet, non minus ac radices aliæ, quæ ex insulis Capiuiridis afferuntur, batatæ dictæ: quibus quoq; populi illi, loco panis vtuntur, & eas Olyssipponenses frequentissimè habent, & in victu pro delitiis sumunt. Prætereo alias plures apud insulam Maderię nascentes radices quæ inter res nouiter inuentas adnumerari debent, de quibus volumen amplum confici possit.

Batatæ re  
dix.

## DE LENTIBVS.

Græcè, φακός: Latine, lens: Hisp. lēteyas: Ital. lenticchie:  
Arab. hades: Gallicè, lentilles: Ger. Linsen.

### Enarratio CI.

ΦΑΚΟΣ, lens est, legumen vulgò notum, quòd comeditur & in cibi vsu hominibus venit: Cæterum disensionem inter Dioscoridis interpretes habitam, prætermittam facimus, quum quidam, lentem cum suo cortice in cibo sumptam aluum cohibere tradat: Alter verò, potius eam emollire fateatur: cum reuera Galeno, ac Paulo, imò & Plinio adhærentes, fatendum est, lentem secundum suum totum corpus adstringere, sed in præsentem mirari satis non possum, medicorum tam stupidam credulitatem (ne vecordem cæcitatem dicam) eorum præcipuè qui lentes ægrotis, maximo, vt dicunt, porrigunt iuuamento, quum reuera, vt Antiquis placet, maxime obsint, & sæua secum afferant symptomata: Sed quòd ita sit, nemo est qui ignorat, quum omnes ferme nostri seculi medici id maxime conentur, vt omnibus ægrotantibus, tertiana, quartana, scotomia, vertigine, ac cephalalgio, veluti aliis morbis, inter quos pleuritim nominare est, lentes, tanquam præstantissimas ac boni succi, in victus ratione, dent: quòd

quantum errent, ac cōtra rationem agant, primo veterum testimoniiis: deinde ratione vna aut altera demōstrabimus. Ne tamen Andabatarum more incedamus: sciant qui hæc legerint, si modo quis legerit, errorem, & malam consuetudinem istam, ex quibusdā male versis ac traductis Auicennæ verbis, Fendecima libri tertij, de Cura pleuritidis, effluxisse, quæ sic habent: Et maximi quidem erroris est, in potu tribuere infrigidantia vehementia, nisi in factis excolora, & non dentur in potu infrigidantia styptica, & cibi eorum sint sicut lentes, cum acetositate, & similibus. Hæc Auicennæ verba, quæ vt non solum, reliquis in ægritudinibus ansam, medici lentes concederent, sed etiam in pleuritide dederunt: quibus simul Rasis verba annexere possumus, libro ad regem Almanforem nono, capite de Cephalgia, id est capitis dolore, qui tapsil siue taxil ibi concedit. Est autem taxil, ipso Rasi teste libro suorum Synonymorum, cibus qui de lentibus coctis fit, quibus quoq; addere possumus sexcentorum aliorum Arabum confirmationes quorum autoritatibus fulciti hoc tempore practici, præcipuè Hispaniæ, omnibus ægrotantibus lentes dare nituntur: Sed quàm male agant, ac contra rationem operentur, indicemus, & primo, occurrit Galenus commentario primo, de Ratione victus in morbis acutis, enarratione decima octaua, cuius verba ita habent: Lens siquidem, & milium, & fœnogræcum tanquam medicamenta ob quosdā ventris morbos exhibentur, & non tanquam nutritura cibaria, hæc Galenus. Quibus percipitur, quòd lentes inter cibaria non reponuntur, ac inde nullatenus pro victus ratione ægrotis dandas fore concludendum est, quod sane Galenus diligens, quanquam ibidem non exposuit, alibi tamen non siluit, quin imo non minorem in hac re legem sanxiuit, illa Platonis, lib. ix. de Legibus, quæ habet, medici qui curantes sponte occiderint, morte plectantur. locus autem Galeni est, commentario citato, enarratione vero vigesima septima, vbi ni fallor suadet, monetq; capitali pœna, ne lētibus quisq; vtatur, sed præcipuè in pleuritico morbo, in quo & Auicenna eiusq; sequaces vnanimiter maxime laudant. Galeni igitur hæc sunt verba: Qui lenticulam ex aceto confectam pleuritico in ea morbi declinatione, quæ nihil aliud quam

*Taxil  
quid.*

*Medici lenticulis in pleuritide vti non debent.*

quam



quàm coctorum expuitionē desideraret, exhibuit: is non immerito languenti ipsi qui sequēte nocte suffocatus est, mortis occasionem dedisse est visus, imo lenticulam nemo qui mentis compos fuerit dederit. Haecenus Galenus, qui clarissime inquit, nullum medicum rationis participem esse qui lentibus alat ægrotantes pleuritide affectos: quod si quis vero ita amulos, & irrationalis, declinante iam morbo, ægrotanti eas dederit, & sequenti die obierit, talem medicum mortis causam esse, tanquam legem adscribit, ut inde iudices, & recuperatores, damnum illatæ mortis vindicarent, sed hæc multo clarius Vetus traductio indicat, quæ sic habet: & medicus etiam qui dat infirmo, qui habet pleuresim, postquam declinat eius ægritudo declinatione completa, ita ut indigeat non aliqua rerum, excepto sputo illorum humorum qui digesti sunt cum sputo, lentes frigidas factas cum aceto, necessario putatur de eo, quia ipse est causa mortis eius, propterea quod suffocatur in nocte secunda: Verumtamen, tu non inuenies aliquem ex iis quibus est ratio, qui lentibus cibet infirmos. Haecenus vetus traductio, quæ vniuersaliter quàm noua loqui videtur, nec sane immerito hæc à Galeno prodita sunt, quum lentes omnino pessimi sint nutrimenti, ac multarum affectionum causæ primariæ, ut Dioscoridis præsentia verba indicant, quæ ita habent: Lens hebetat oculorum aciem, si eius multus est cibus, ægre eadem concoquitur, stomacho nocet, stomachum & intestina inflat, aluum cum suo cortice in cibo sumpta compescit, adstringēdi vis & natura ei est, ideoq; aluum sistit, cortice suo denudata diligenterque elixa, & prima in coquendo diffusâ aqua. Aluum enim soluit primum eius decoctum: grauiâ etiam & tumultuosa insomnia lens facit, neruis, pulmonibus, & capiti inimica, felicior illi contra alui fluores sua vis est, Hæc inter multa Dioscoridis. Quibus Galenus libro primo alimentorum, & octauo de Facul. simpl. medic. subscripsit, qui iis in locis lentibus, adstrictoriam vim tanquam præcipuam tribuit, à quo nec Paulus disidet, imo Auicenna ea omnia dicta confirmat, dicens lib. ij. sui Canonis: lens est inflatiua, & composita ex virtute constrictiua & abstersiua, & facit videre somnia mala, & stypticitas eius corticis est plurima,

*Lentium natura.*

*Auicenna.*

Rasis.

ma, & in ipsa tota est inflatio plurima, & inspissat sanguinem, vt non currat in venis, & ipsa minorat vrinam & menstrua propter illud, & generatur ex ea humor melancholicus, & ægri tudines melancholicæ, & fortassis res hordei est ei contraria. Rasis præterea libr. iij. ad Almanforem cap. ij. non procul à dictis, inquit, lenticulæ frigidæ sunt & siccæ, & sanguinem generant melancholicum, corpusq; desiccant, sperma quoque destruant, atq; sanguinem sedant, cuius quoq; extinguunt caliditatem, in frigidant enim, atq; oculorum tenebrositatem & melancholicas ægri tudines efficiunt: præsertim quum aliquis in comestione eis frequenter vtitur, quod & in Aphorismis, vt verum, veluti multis aliis in locis, repetere voluit. Si igitur à lentibus tales oriuntur affectus, vt omnes fatentur, proculdubio earum vsus reprobus iudicandus est. Nam earum præcipuum iuuamentum, sanguinem condensare est, vt omnes ipsis vtetes, pro victus ratione ægrotantium fatentur: Nocuenta vero quàm plurima dicta sunt, quare non mentis compos medicus cum Galeno dicendus est ille, qui propter vnum, tam multa obnoxia ac sæua accidentia inducere ægrotis veritus non est, præsertim quum eius intentio reliquis non ita pessimis medicamentis, aut cibariis perfici posset: sed age, illas nullius, in medico vsu, commodi esse, indicemus, & primo præter tam multa quæ habent incommoda, pauca hæc attestantur, ægrè concoquuntur, prægrauant stomachum, difficillimum reddunt ventris officium, grauiæ & tumultuosa insomnia faciunt, quorum quodlibet ægrotis superueniens, maximum est malum, & ægrum ad vitæ periculum trahens. Non me præterit tamen, hac in re nonnullos extare, qui lentium substantia ægrotos non ali, sed earum decocto tantum asserant, qui mea sententia, non minore errore quàm cæteri comprehenduntur: Nam vt cætera mala lentibus omnes tribuunt, sic earum decoctum primum, alium proritare fatentur: qua ratione, reliquæ earum iure siue decocto tantum vtantur, non vero substantia, suadent: sed reuera à ratione quàm maxime distrahantur hi, quum & si earum decoctum ventrem subducendi vim habeat, non ea tamen de causa, vt rem bonam ægrotis propinare debent. Iure enim censendum est, quum len-

res pessimæ sint, earum quoq; decoctum pessimum esse, præsertim hodie, quum & si decocto earum ægri tantum vtantur, lentibus ipsis reiectis, quod difficile fieri est: ipsarum tamen cortices à decocto inseparabiles sunt, qui lentium corporibus peiores sunt, vt testatur Hippocrates, lib. iij. de Ratione victus in morbis acutis, quum dicat: lens adstringit, atq; turbationem facit, si non detracto cortice ingeratur: cuius verba enarrans Galenus, ibidem ita inquit: Vocem hanc ἀμωδον turbationem quandam, & veluti pugnam quæ in ventre ex discrepantibus facultate cibariis oritur, significare dixi, quomodo & nunc significat, si cū cortice adsumatur, vt pote quæ quàm caro ipsius longe coctu difficilior existat. Hæc Galenus. Quibus satis monstratur, lentium cortices, qui cum decocto eueniant, lentium ipsarum corporibus peiores esse, atq; inde ipsorum decoctum, propter corticum admixtionem malum proculdubio censendum est. Dictis adde, quòd licet cortices decocto non misceantur, non eo tamen vti debemus, quum olim si lentium vllus erat vsus, præparabantur tamen oleo, garo, satureia, vel pulegio admixto, quod sane hisce temporibus minime fit, vel saltem alijs ipsas commiscebant eduliis, vt ptisanæ, illis contrariam facultatem habenti: ex quorum commixtione, quoddam præstatisimum edulium componebatur, quod Græci sua voce φακοπισάνω vocant, vel potius betis adiungebantur, vt Heraclites Tarentinus consuevit, qui mixtum inde resultans, τεντροφιάνω appellare consuebat. Quum igitur iis temporibus, nullo horum modorum, lentes præpararentur, sanum consilium esse crederem, si ipsis nequaquam vteremur: quum per se sumptæ, malæ sint, imò omnino interdiciendæ, vt fabæ inter Pythagoricos. Prædictis Hippocratis verba astipulantur libro de Ratione victus in morbis acutis, quum dicat, legumina omnia flatuosa sunt, & cruda, vbi ea omnia seu suam singulã malignitatem habentia, penitus à consortio bonorum ciborum eliminantur. Cui sententiæ Cornelius Celsus libr. ij. suæ medicinæ apertissime subscribit: quare nullatenus lentes esse dandas manifeste percipitur, atque id magis, quum quoq; illud sit notum ex Epidemiarũ libro, quàm malè id successerit iis qui in æno legumina esitarũt, quod  
etiam

*Lens fune-  
bre eduliu  
est.*

*Brudus  
Lusita-  
nus.*

etiam Galenus repetit lib. iij. Aphorismorum, aphorismo decimo septimo: quibus perpendere debemus, omnino noxium esse ægrotos ipsis leguminibus alere, inter quas lentes præcipuè adnumerare est, quas non immeritò Iudæi tanquam funebre edulium, in cibo, luctus tempore accipiunt. Præterea cibi illi qui non conveniunt sanis, minus conveniunt ægrotis quatenus cibi sunt, sed nulla legumina quatenus cibi rationem subeunt, sunt sanis conducentia, ut ex Auicenna percipitur, cap. de eo quod comeditur & bibitur: & Hippocrate, ultimis verbis libri de affectionibus, quæ habent: cibaria & potus & obsonia excepto pane, & maza, & carnibus, & piscibus, & vino, & aqua, reliqua omnia tenues ac debiles utilitates exhibent ad augmentum, & ad robur, & ad sanitatem, tenuia item ac debilia mala ab ipsis fiunt: sequitur quod nec ægrotis danda sunt. Iis adde præcipuè lentes quum Galeno authore libro secundo de Locis affectis capite sexto, leguminum omnium maximè lentes inter melancholicos cibos numerantur. Animadvertant igitur, qui libros de Victus ratione febricitantium, inscribunt, in quibus lentes laudant, quanto deprehensi sint errore, præcipuè Brudus Lusitanus, qui etsi sæpe à me de hac re monitus fuerit, nunquam tamen à pravo errore & inueterato se abstinere & retrahere voluit, forsan patris sui secutus opinionem, qui Arabum maximus erat affecta, nomine Dionysius, qui olim cum Brisoto Gallo, de pleuritide longos habuit sermones. De qua re extant utriusq; Apologiæ. Caterum si quis nobis opponat Paulum & alios Græcos viros, lentes ægrotantibus dare, id verum esse fatemur, quum eas tanquam repercussorium medicamen concedunt, ut capite de dolore capitis proveniente ex vini nimio potu legitur, veluti pro exiccandis corporum humiditatibus, & sanguine condensando, illis Galenus & Hippocrates utuntur. Ut receptui igitur canamus, firmiter asseueramus, lentibus nullatenus in vitæ usu utendum esse, quum atrabiliosæ sunt, vitiosum ac pessimū succum gignentis, ut ex dictis luce meridiana clarius percipitur. Nec enim candide lector, te moueat Auicennæ autoritas à nobis allegata, quum proculdubio nobiscum agit, & ad Galeni mentem, à lentibus & rebus

& rebus stypticis in pleuritide abstinendum esse suadet, ita enim Bellunensis lectio habet, & maximi quidem erroris est, in potu tribuere in frigidantia, vehementia, nisi in factis ex cholera, & dare in potu in frigidantia styptica, aut dare eis in cibo lentes cum aceto, & similibus. Hæc enim Auicennæ verba, sic à lentibus pleuriticū abstemium esse mandant, vt nihil clarius dici, aut excogitari possit, vt olim Doctor Alteretus præceptor meus nunquam pœnitendus, Salmanticæ, primus, viua voce detexit.

## DE PHASEOLO.

Græcè, φασιολοϑ: Latine, *phasiolus, phaseolus, dolichus, lobus, eruilia*: Hispanicè, *eruiyas fauas, eruilhas fauas*: Italicè, *rouiglione grandi*: Gallicè, *phaseoles*.

## Enarratio CII.

*Phasioli.*

nam quum fabam superaddunt, siliquam magnam vel vaginam, qua eruiliū istud grana sua occlusa habet, ob quam quoq;

**P**haseolus siue phasiolus, quadruplici syllaba scriptus, magna & non vulgaris eruilia est, magnam dico, ad differentiā alterius parua, & communioris eruiliae, quam Galenus ochron appellat. Hæc igitur de qua agimus eruilia, à Theophrasto dolichus vocatur, quæ Galeni tempore, phaseolus vel lobus appellabatur, quam vocem vel hodie adhuc Lusitani nostri, maximi Græcanicarū vocū seruatores, incorruptam seruarūt, vocantes utiq; eruiliam hanc, eruiliam fabam:

*Phaseolus  
eruilia.*

Ochroa er  
uilia vul-  
garis.

quoq; olim lobos appellari meruit, intelligūt, vnde Theo-  
dorus Gaza optime admodum (vt mea fert opinio) hanc  
filiquam vertit, tametsi alteri quoq; legumini vox hæc  
conueniat. Crescit enim eruilia hæc ita procere, vt ex ea  
& tentoria, & scenæ ac tabernacula recte cooperiri pos-  
sint, cuius filiquæ videtur magnæ, oblongæ, splendentes,  
& minime pilosæ: Communis vero eruilia parum pro-  
pagatur, serpitve, cuius filiquæ semidigitales sunt crassæ  
& hirsutæ, quas Galenus, vt dixi, lib. j. de Facul. alimen-  
cap. 28. ochron appellat, & de illis Hippocrates, libro de  
Diæta secundo, mentionē facit. Nam phaselus tribus syl-  
labis inscriptus apud Dioscoridem smilax hortensis est,  
hodie phaselus nominatus.

### DE OROBO.

Græcè, ὄροβος: Latinè, Orobus, eruum: Hispanicè,  
Ieruos, hiezgos, cizylaon, eruilhaqua: Italicè,  
Mochos: Gallicè, ers: Arabicè, Kerfene: Germa-  
nicè, Vvicken, Eruen.

#### Enarratio ciii.



Eruum ru-  
brum eligē-  
dum.  
Eruū tem-  
peratura.

Eruum.

**O**Robum verū pauca  
dignoscunt, quū ple-  
rique eius loco eruiliam  
accipiunt, non sine in-  
genti tamen errore, et-  
enim vero multi hodie  
album dant, albo, & ru-  
bro: nam album in eius  
paranda farina Diosco-  
rides eligendum suadet,  
Galenus vero rubrū po-  
tius desiderat, quum po-  
tentius albo sit, vt libr. j.  
de Facul. alimē. legitur,  
& de illius viribus octa-  
uo de Facul. simpl. medi.  
ita quoq; tradit: Desic-  
cat quidem excessu se-  
cundo intenso, calfacit  
vero

vero primo : porro quatenus amaritatis est particeps, eatenus incidit, extergit, atq; obstructions expedit. Ceterū si sumatur copiose, sanguinem per vrinas euocat.

## DE LUPINIS.

Græcè, *ἔλπη* : Latinè, *Lupinus* : Hispanicè, *Entra mucos*, *entra mocos* : Italicè, *Lupini* : Gallicè, *Lupin* : Arabicè, *Arinus* : Germ. *Feigbon*.

## Enarratio CIIII.



Lupini.

Lupini vbiq; sati, *Lupinicali.*  
 prospere crescunt, qui circa triticum, & segetes, seruntur, vt terram nidorosam, ad se, tanquam proportionatum nutrimentū trahant. Sunt enim vt tradit Hippocrates libro de Diæta secundo, natura robusti & calidi, verum per præparationē leuiores ac frigidiores fiūt & aluo secedunt. Galenus porro de lupinis ita tradit: Lupini dura ac terrestri est substātia, quocirca ipse concoctu sit difficilis, succumq; crassum gignat est necesse, ex quo nō probe inuenis

confecto crudus proprie appellatus succus aceruatur. Hęc de amaribus, De dulcibus vero ita subdit. Ceterū, quum inter parandū quicquid habuit amaritudinis deponat, *reus* *reus*, id est, qualitatis quæ sensu deprehendatur expertibus, similis euadit: par igitur est ipsum neq; ad deiectionē, neq; vt adstringentia, ad fluentis ventris cohibitionē esse accommodatū, & tarde descendere & difficulter deici, ac pertransire, &c. Huius vero farina in officinis parata habetur, quæ exteriusymbilico admota aliis admixta rebus,

*Lupinides.*

Syrupus  
de cichorea  
examina-  
tur.

puerorum vermes interficit. Caterum, in descriptione  
syrupi de cichorea legitur, Lupinorum, loco, vt arbitror,  
lupulorum, tametsi lupini in eo syrupo merito iniici pos-  
sint, quia extergendi digerendiq; ac iecur & lienem ex-  
purgandi vires possideant.

## DE RAPIS.

Græcè, ρορυδλη: Latine, rapum, rapa: Hispanicè,  
nabos: Italicè, rape: Arab. selgen: Gallicè, naucau:  
Theutonicè, rape, Ruoben.



Rapum sativum.



Rapum sylvestre.

## Enarratio c v.

Rapa.

Sunt esui communissima rapa, quorum oblonga qua-  
dam sunt, alia verò rotunda, alia alba, alia verò rubra,  
& ex illis quædam parua, nonnulla verò ingentis magni-  
tudinis, vt singula. 50. & 60, pendeant libras, vt apud Sa-  
baudientes cõspicitur, & Lusitanos, in oppido Sabugalio  
dicto: Nam apud Hispanos parua quædam oblonga re-  
periuntur, non nisi tenera, optima, & gustui perquã grata,  
quæ à loco vbi nascuntur, beyarana appellantur, quibus

Rapabeya  
rana.

Ferrar



Ferrariensis non cedunt figura, colore, & sapore, ac co-  
ctura. Rapa crassum & flatuosum generant nutrimentum, cocta verò præsertim cum carnibus non aspernanda sunt, quum optimum gignant sanguinè, & venerem incitent, atq; vt nonnulli opinantur, visum acuant. De quibus Gal. lib. vj. de Facul. simpl. medi. ita tradit: Gongylidis semen venerè excitat, vtpote spiritum flatuosum procreans: Sic & radix coctu difficilis est, inflatq; & semen generat. Hæc Galen. Sylvestre vero rapum apud Hispanos in aruis nascitur, quod Itali non contènenda cura in hortis serunt, & eum omnes cõmuni voce raponeolum siue ripancum appellant, alij verò locustam, vt alibi quoq; meminimus, ex quo acetarium non aspernendum parant.

Rapum  
natura.

sylvestre  
rapum ra-  
poneolum  
est.

## DE NAPO.

Græcè, Βεβίς: Latine, napum: Hispanicè, nabicas: Italicè, nagoni: Gallicè, nauet: Germanicè, Steckruoben.



Napum.



Radix.

## Enarratio C V I.

*Napus bu  
nias.*

**E**st enim napum bunias dictum, raporum species, cuius semen antidotis contra venenum miscetur; animaduertat tamen diligens lector, quòd bunias napum, à bunio napo differt, de quo lib. iiii. sermo habendus est.

## DE RAPHANO,

*Græcè, ῥάφανος: Latinè, raphanus, radícula: Hispanicè, rauano: Italicè, rauanello, radice: Gallicè, raue, ou rayfort: Germanicè, Rettich.*



*Raphanus.*



*Raphanus sylvestris,*

## Enarratio C V I I,

*Raphanus  
radicula di  
situr.*

**R**aphanum Columella radiculam appellat oleris vultgatissimum genus, quò ad ciborum prouocandam appetentiam, & vriam promouendam vtimur, herba caule vno arboreo ferè vt in ruta conspicitur, assurgens: quare multorum Græci, *δρυφοράνακος*, quasi olus arborescens nominant, Nec gaza Theophrasti interpret aliter vertit. Huius præterea tria Plinius memorauit genera,  
leue,

leue, crispum, & campestre. Dioscorides quoque simul trium mentionem facit, hortulani, syluestris, atq; alterius apios dicti, de quo in sequentibus sermonem habebimus. Porro hortulani feminis decocto, plerunq; Galeni consilio, ad prorrutandum vomitum vtimur. Nam supremi raphani cortices, cibum in stomacho, vt aiunt coquere adiuuat, secus verò illius medullaris pars, quum terrestris & difficilis concoctionis sit: Si quid tamen in se caliditatis habet, id à corticibus traxisse credendum est. Verum Radicula vt tradit Galenus lib. viij. de Facul. simpl. medica. tertio gradu excalfacit, secundo vero desiccatur, & vt lib. ij. de Facultatibus alimentorum legitur, eius radix ex iis est quibus assidue vescimur: estq; obsonium magis quam alimentum nimirum quæ & ipsa cum manifesta calefactione attenuandi facultatem sortitur: nam qualitas acris in ipsa superat, sed caulis eius elixus magis nutrit quam cruda radicula: paucissimum tamen & ipse alimentum præstat. Mirari autè subit eos medicos & idiotas, qui non sine multorum incommodo, post cœnam, crudas eas esitandas tradunt. Hæc Galenus, qui Dioscoridi in præsentia omnino contradicit, quum eos taxet medicos, atq; idiotas, qui post cœnam coctionis iuuandæ gratia, crudas radículas esitant, quum potius in principio cœnæ comedendæ sint, quæ verba vt nostis in vniuersum Dioscoridi contradicunt, quum Dioscorides ex illis est, qui post cœnam, radículas comedendas esse tradit, quem sequitur quoq; Alexander Trallianus, pro quibus conciliandis authoribus, dicimus. Si ventriculus calidus sit, & facile fluat, nec ad flatum gignendum aptus sit, tunc radículas in initio cœnæ esitare bonum esse: Si vero contrâ, post cœnam satius esse. Hanc vero nostram conciliationem Simoni Sethi, vt verum dicamus, acceptam referimus. Syluestris porro radícula, in aruis & campestribus nascitur, à satiua non multum ab similis.

*Radicula  
tertio ordi  
ne calfacit  
secundo de  
siccat.*

*Galenus  
contradi-  
cit Diosco-  
ridi.*

*Concilia-  
tio.*

## DE SISARO.

Græcè, σισαρον: Latine, Siser: Hispanicè, chirilias  
Gallicè, Cheruy, Arabicè, Culcas: Germanicè,  
Geirlin & girelin.

*Sifer sativum.**Sifer sylvestre.*

## Enarratio CVIII.

*Sifer quid.*

**I**N altum procerè sifer crescit, folio elaphobosco vel Lapiro grandiori persimili, cuius radices apud Hispanos Lusitanosq; in victu frequentes sunt, quas Græca voce deprouata, suo idiomate chiriuas appellant. Qui verò sifer bauciam albam esse credunt, omnino falluntur, quum in siferis centro, neruea quædam pars admodum dura reperitur, & eam vt inutilem, quum radice vtuntur, reiciunt quam in baucia non videmus. Cæterum adeo gustui gratæ radices istæ sunt, vt olim Tiberius Cæsar (vt narrat Plinius) eas singulis annis, e Germania Romã, pro suo victu afferre curauerit, de quarû viribus ita tradit Gal. lib. viij. de Facul. simplic. medic. Sifari radix stomacho grata est, & vrinam mouet, secundo ordine exalfaciens, adiectam habens amaritatem quandam, cum leuicula adstrictione.

## DE RVMICE.

Græcè, λάπαθου: Latinè, *Lapathus, lapathû, lapatium rumex, lapathum acutum*: Hispanicè, *labaca*: Italicè,

licè, rombice, Gallicè, doque, pareille ou patience,  
Arabice, humadh. Germ. Mengel vvurtz.

## DOMESTICVS RUMEX.

*Domesticum lapathon, domesticus rumex, spinachia:*  
*Hispanicè, spinaques, spinafres: Italicè, spinachi:*  
*Gallicè, espinarts: Ger. Spinet, oder Binetsch.*

## OXALIS.

*Oxalis, acetosa: Hispanicè, Azederilha, azedas:*  
*Italicè, Acetosa: Gallicè, Ozeille: Germanicè,*  
*Ampffer.*

## Enarratio CIX.



*Lapatum acutum.*

Sunt rumicis, siue lapa-  
thi, plures & illæ quid-  
dem vulgatissimæ speci-  
es, nam quædam quia in  
acutum, aut in micronem,  
cuspidemque eius folia  
tendunt, oxylapathon  
dicitur, quæ plerumque  
in locis humidis & aquo-  
sis reperitur, & ista  
quidem magna, aliquan-  
do vero parua, suis & scro-  
phis saginadis apta.  
Nam hippolapathus vel  
grâdis rumex, foliis per-  
magnis enulæ similibus,  
in aquosis cernitur lo-  
cis. Domesticus verò ru-  
mex siue hortense lapa-  
thum, spinachia nostra  
est: nec enim de hoc mi-

Rumicis  
plures spe-  
cies.

Rumex do-  
mesticus  
spinachia  
est.

rari est, quum spinachia alata vt acetosa quædam est, quæ  
in hortis hodie seritur veluti olim quoque excolta habeba-  
tur, spinachia dicta, quia ex Hispania forte primo allata  
in alteras regiones fuerit, aut vt ego credo, quia semè spi-  
nosum habeat, quam Galenus merito inter olera, lib. ij. de

Oxalis  
acetosa est-

Bifacuta  
herba.  
Oxytri-  
phyllon.

alimentorū facultatibus collocat, & eam betæ non gustu modo, sed viribus similem facit, quæ omnia illi conuenire, manifestius est, quã à nobis explicari possit: Nec enim vnquam persuaderi potui vt crederem quòd lapathon, rumex vulgatus, in vsu victus aliquando venisset, quū herba insipida & palato ingrata sit. Oxalis verò, acetosa nostra est, quam Galeus oxylapathum vocat, cuius species plures sunt: nam quædam hortensis est, lata quæ in acetariis plerunque euenit: altera verò parua sagittæ modo alata, quæ plerunq; ad ruffedinem tendit, ex qua aqua per campanam elicitur, & in officinis habetur. Est & tertia, folio hederaceo acetoso, quam bifacutam recentiores vocant, in montibus & saxosis locis plerunq; nascens. Iis oxytriphylon, id est acetosum trifolium, quod aleluiae vel acetofellam nonnulli appellant, adiungere est, de quo alibi sermonem habituri sumus: cæterū, omnium harum herbarum acetosarum semen constringendi vires possidet.

#### CONSTANTINVS.

**H**Allucinatur Amatus Lusitanus, dum sine auctoritate, aut ratione contendit, lapathum satium esse hoc olus, quod recentiores spinachium vocant, & vernacula lingua dicimus, Des espinards, nam inter lapathum & spinachia nulla similitudo in figura, saporibus aut facultatibus: quod facile animaduertet quisquis cognitas has plantas mutuo conferre voluerit. Si veteres spinachium agnouissent, inter tot scriptores aliquid de eo nominatum legeretur. Marardus  $\chi\epsilon\upsilon\sigma\omicron\lambda\alpha\chi\epsilon\upsilon\varsigma$ , siue atriplicis speciem esse ponit meliore ratione, quam tamen in solutum non accipit Mathiolus Senensis, recentiores Græci  $\sigma\pi\omicron\chi\alpha\upsilon\lambda\alpha\chi\upsilon$  vocant: Architrениm verò Adrianopolitanus  $\sigma\pi\chi\epsilon\omicron\alpha\upsilon\delta\omicron\upsilon$  quod in alio opere, à Tralliano  $\tau\rho\delta\epsilon\iota\mu\omicron\upsilon\varsigma$  dici ostendemus & ab Arabum familia aspanar: non autem ab hispania eius  $\epsilon\tau\upsilon\mu\omicron\upsilon\varsigma$ , vt Amatus comminiscitur, sed hoc illi nomen Indidit arabici sermonis proprietates. Falsum etiã quod adducit lapathum satium nec vesicum esse aut edule, hoc communis vsus multis in locis confutat experientia. Sed est Hortensis oxalidis aliud genus, cuius nec Dioscorides, nec Amatus meminit: foliis scilicet rotundo, & carnosiore quã vulgaris, sapore etiam in esculentis, iusculisq; quibus omphacii vices suo acore exhibet, gratiore.

#### DE LAMPSANA.

Græcò,  $\lambda\alpha\mu\psi\alpha\upsilon\eta$ : Latinè, lampsana, napum syluestre,  
Hispanicè

*Hispanicè, samarago: Gallicè, saunes blanches.*

Enarratio c x.

**Q**ui misera pauperie vexantur, apud Hispanos, lampsanam optime, vel inuite norunt, quum ad eorum mensas quotidie veniat, herba pedalis altitudinis, tria vel quatuor ad summum emittens folia hirsuta, napi similitudine: vnde olus hoc, Hispani samarago, quasi serum napum appellare solent. Dicitur quoque lampšana, quòd foliis humum lambat: nam eius folia terrā lambere videntur, illi semper hærentes, Galli quoq; olus hoc, saunas albas, quasi siluestres naps, nominant. Vnde rectè Dioscorides à Romanis napum appellari dixit. Nascitur enim herba in aruis, & locis, præcipuè iam fatis, cuius flos albus est, radix verò inutilis, estur enim herba hæc cocta, malum & pessimum gignens succum, ita vt de ea prouerbiū feratur, vetulas interficere, & Galenus dixerit septimo de Facultatibus simplicium medicamentorum: equidem es succos prauos procreat: at illita abstergendi nonnullam digerendique facultatem possidet.

*Lampšana cur dicitur.*

### CONSTANTINVS.

**I**nter syluestres brassicas & Lapsana censetur, à Plinio lib. xx. cap. 9. pedalis altitudinis, hirsutis folijs, napi simillimis, nisi candidior esset flore. Coquitur in cibo, aluum leniter emollit. lib. verò xix. cap. 8. olus ab eodem esse traditur syluestre trium foliorum, diui Iulij carminibus præcipuè iocis militaribus celebratum. Alternis quippe versibus exprobrare lapsana se vixisse apud Dyrthachium, præmiorum parsimoniam cauillantes, vocatur etiam Lapsana ab eodem authore cyma sylvestris, quæ γάφαρ & ἐστὶ ἀρρία vt statim exponemus syluestrem brassicam ita nominari, λαψάνη autem melius scribitur, quam λαμψάνη. & Latine lapsana apud Plinium legitur, non lampšana. λαψάνη enim dicitur quia rapam siue napum refert, rapum enim etiam Græcè dicitur λάψα, ἡ δὲ γόγυλις quam etiam ex Galeno 2. de Alimentis vocare licet βονιάδα. Ridicula est igitur etymologia quæ profert Lusitanus, lampsanam scilicet dici, quòd folijs humum lambat: Græca enim vox est & λάμπειν, lucere significat, vt λάμπειν siue λάψαι pro lambere ponitur, à quo potius deriuasset si animaduertisset λαψάνη potius dicendum, quàm λαμψάνη. mala tamen esset interpretatio, quam & muliercula quæ segetes runcant refutarent.

Rectis enim folijs affurgit non autem pendulis & ad terram decli-  
 uibus, nullibi frequentior prouenit quàm in Northmanorū meo-  
 rum agro, à quibus vocatur des Quelloques, esturq; à tenuis for-  
 tune hominibus, vbi annona carior: aliàs boum gratissimū pabu-  
 lum. Magis apud nos floret vt brassica. Reprehendendus etiam  
 Lusitanus, quod inconsideratè scribat lampsanam ex Dioscoridi  
 autoritate, à Romanis appellari napum: tribuit enim Dioscoridi,  
 quod glossematum ignoto interpreti tribuendum, qui linguarum  
 diuersas nomenclaturas singulis serè Dioscoridis prefixit capitibus,  
 in quo luto etiam volutatur Theodorus Gaza cum γὰρ αὐοῦ &  
 γὰρ αὐοῦ ἄξ apud Aristotelem & Theophrastum vertit radiculam  
 & radicem: nullum enim habet alium authorem quàm istum in  
 Dioscoridem Graculum adnotatorem, quo probare possit radicu-  
 lam Latinis esse Græcorum raphanum: raphani enim voce pro  
 Latina vtuntur omnes rei rustica scriptores, Pliniusq; libro xix.  
 cap. 3. & lib. xxv. cap. 5. struthion radiculam interpretatur her-  
 bam spinosam & caule lanuginoso lauandis Lanis succo idoneam.  
 Sed nihil habet radícula fullonum herba, cum raphano simile.  
 Cartilaginei namq; generis sunt raphani, qui cortice & cartila-  
 gine constant: multusq; eorū cortex crassior etiam quàm quibus-  
 dam arborum. Amaritudo illi est plurima pro crassitudine corti-  
 cis. Sed quia in hęc materiam orationis filo decidimus, quum præ-  
 cedentibus capitibus urgente librario, nihil potuerimus adnote-  
 re, hoc in loco raphanorū, naporum, raporumq; naturam et ger-  
 manitatem explicabimus, Plinium omnium artium præceptorem  
 secuti. Sed prius de ipsorū nominibus distinguendum, γὰρ αὐοῦ &  
 γὰρ αὐοῦ, est ἡράκλῆς id est, brassica: At γὰρ αὐοῦ ἄξ ἡράκλῆς ἢ ἡ-  
 φῶν apud Ionas & Atticos, ἢ γὰρ αὐοῦ Homero in Rams est rha-  
 phanus, quam radice & radiculam falsò vocasse Gazam ostendi-  
 mus, Ruellium, multosq; alios. De hac vocum differentia vide Athe-  
 næum, Pollucem, Ammonium, Aristotelē de natura animalium,  
 Alexand. Aphrodisen in problem. lib. ij. nolumus enim multorum  
 exemplo, restincta siti, inuidiosè et malignè fontem polluere. Gene-  
 ra igitur raphani Græci fecere tria foliorum differentia, crispū,  
 atq; lenis. Tertium syluestre est. Latini Algidense à loco, longum  
 atq; translucidum & alterum rapi figura Syriacum dictum, sua-  
 uissimum ac tenerimū. At syluestre Græci agrion vocant. Pontis  
 armon, alij leucem, Romani armoracion, fronde copiosius quàm  
 corpore. Rhaphanos crudos dabant medici cum sale (methodico-  
 rum enim sectæ, vsitatissima cura fuit per ἡλιουραγίαν) ieiunium  
 ad col



adcolligenda acria viscerum, atq; ita vomitionibus preparabant  
 meatum. Item templo Apollinis Delphis, adeo ceteris cibis prela-  
 tus raphanus, ut ex auro dicaretur Raphanus, beta ex argen-  
 to, rapum ex plumbo. Hoc oleris genus utinã tam bene cognitum  
 esset adulteris nostri temporis, quã olim mæchis fuit, quibus cen-  
 sura publica per podicẽ trajectebatur: Quod expressit Aristopha-  
 nes in Nebulis, cum dixit: τὴν δὲ λὼρα φωνισθῆναι ἕνεκα τοῦ βῆτα & τὴν  
 τὴν δὲ ἕξ τινὰ γνώμην, λέγειν, τὸ μὴ εὐρύπρωκτον εἶναι; Et Ca-  
 tullus ad Aurelium:

Ah tum te miserum malique fati,

Quem attractis pedibus, patente porta

Percurrent raphanique, mugilesq;.

Sed hæc antiquitatem sapiunt, cuius libros iam perduclos ad um-  
 bilicos, quod scelix, faustumq; sit propediem publicabimus. Sed re-  
 deamus cum nostro Columella, ad rapinam & napinam, nimis  
 enim hic locus irriguus, siccaneaq; postulant napi & rapa. Conge-  
 ueres autem sunt hæc plantæ, nam, ut inquit Palladius, rapa mu-  
 tatur in napos, in alio solo per bienniũ sata: alio verò naps tran-  
 sit in rapam. Varro verò et Plinius, ex semine brassica vetere sato,  
 nasci aiunt rapam, & contra ex raporum brassicam. Et iam de  
 rapis abundè dixisse poteramus videri (ne ut ille Morchion Græcus  
 de raphano, sic & nos de rapo librum scriberemus) nisi medici ma-  
 sculini sexus facerent in his rotunda: latiora verò & concava fe-  
 minini, præstantiora suauitate & ad condiendum faciliora, quæ  
 sæpius sata transeunt in marem. Nam, ut Plinius docet, lib. xvij.  
 cap. 13. raporum genera Græci duo prima facere, masculinum, fe-  
 mininumq;, & ea serendi modo ex eodẽ semine, densiore enim sa-  
 ta mascullescere, item in terra difficili. species verò tres omniũ: aut  
 in Latitudinem funditur, aut in rotunditatem globatur: quæ verò  
 tertia species, Sylvestris est radice in longum procurrente. hoc oleris  
 genus inter cartilaginea, Græcis dicitur γοργυλῖς: Straboni quia ro-  
 tundum & teres, ἢ γοργυλῖα βεβιαῖς etiam Galeno: λέξαι etiam  
 vocari tradidimus. Latinus est rapa, vel rapum Martialis: hinc &  
 rapulum quod non pro paruo rapo, sed pro raphano mihi vide-  
 tur surpassæ Horatius 2. serm. Satyra 8. cum sic cecinit: In pri-  
 mus Lucanus aper leni fuit Austro Captus, ut aiebat cœna pater:  
 acria circum Rapula. Idem Satyra 2. Quum rapula plenus, atque  
 acidus mauult Inulas. Raphano enim hæc omnia cõueniunt non  
 rapo, nisi intelligas de rapitũs: id est, in rapis, quod in brassicis cy-  
 ma. Quadrupes enim Plinio teste libro xvij. cap. 13. & fronde  
 raporum

raporum gaudent, & homini nō minor rapaciorum suis horis gratia, quā cymarum. quo loco legitur rapaciorū contra antiquorum codicum fidem, pro rapiciorum, vt rapicios coles fieri dixit Cato. Deniq; rapa Columella magis vtilia censet naps, quorum quinque genera faciūt et praeterea sylvestre cuius folia eruca similia.

## DE BLITO.

Græcè, βλίττον: Latinè, blitum, blitus: Hispanicè, bredos: Italicè, biedoni, blito: Arabicè, bachala, iamenia: Gallicè, blete: Germanicè, Maier.

## Enarratio C X I.



Blitum.

**B**litum, ignauum, & insipidum ac fatuum omnium olus est, vnde inutiles, & rudes homines, blitos appellamus, & ita vulgare est olus, vt non cognoscenti illud, obiciatur, blitum te meritò dixerim, qui blitum ignoras. Nascitur enim rubrum & herbaceum, & vt tradit Galenus, frigidum & humidum in secundo gradu, cui mea sententia in coctura acetum vel res aliqua acetosa adiungenda est, quum aliter stomachum subuertit, & vomitum prorritat.

## DE MALVIS.

Græcè, μάλαχι: Latinè, malua: Hispanicè, malua:  
Italicè, malua: Arabicè, chabazi: Gallicè, mau-  
ues: Germanicè, Pappel.

*Malva vulgaris.**Malva sativa.*

## Enarratio CXII.

**M**Alua à molliendo dicta est, velut Varroni placet, *Malua,*  
 molua, quod aluum molliat dicitur, quæ ubiq; fami-  
 liaris est. Satiua tamé prisci olim in acetariis cum lactuca  
 ad emolliendam aluum utebantur, vnde Martialis dixit:  
 Utere lactucis aut mollibus utere maluis. & alibi:

*Exoneraturas ventrem, mihi villica maluas*

*Attulit, & varias, quas habet hortus, opes.*

Quibus quoq; multi, hodie ex oleo & sale conditis, tan-  
 quam plere in cibo vtuntur, quarum decocto, in clysteri-  
 bus ad aluum ciendam, & vrinam prorritandam passim  
 vtuntur. Cæterum, est & malua quædam: arborescens,  
 flores, rosæ similes, autumno gerens, quæ cum cæteris,  
 parumper calfacit, ac emollit.

*Malua ar-  
 borescens.*

## DE ATRIPLICE.

Græcè, ἀτρίπλις: chrysolachanon: Latine, atrapha-  
 xys atriplex, aureum olus: Hispanicè, armolles;  
 Italicè,

*Italicè, armola, trapeſe, reppèſe: Gallicè, arroches, bonnes dames: Germanicè, Molten, oder milten.*



*Satiuus.*



*Sylueſtris.*

Enarratio CXIII.

**A** Triplex, chryſolachanon, quaſi aureum olus dixeris, appellatur: vnde Hiſpani aureum olus exprimere volentes, corrupte Armoles, eam vocant omnibus ſatis vulgatam herbam, quæ octauo die, à ſatu profilit, folio aureo, vnde nomé traxit, crallo, in acutum ſagittæ modo deſinente, à quo nec ſylueſtris atriplicis folium multum deuiat. Nam ſpinachia, atriplicis ſpecies nō eſt, quum lapathum hortenſe illam eſſe, prædiximus. Galenus porro, de atriplice, ita prodit, lib. vj. de facult. ſimpli. medic. Humida & frigida temperie eſt: humida quidem ſecundi ordinis à mediis: frigida verò primi, quam vtique tepidã eſſe caliditatem poſuimus cuiuſmodi roſis ineſt, non tamen adſtrictionis eſt particeps, ſed aquea eſt, & minimum terrena, ſimiliter maluæ: quin & ventrem eceleriter permeat, vt illa,

vt illa, ob lubricitatem. Hortenses autem atriplex, & malua, quam agrestes: tum humidiores sunt, tum frigidiores: proinde phlegmonis, & phygethli incipientibus agrestes magis conueniunt. Semen eius abstergendi vim habet, itaq; icteritiæ ab obstructione iecinoris ortæ: auxiliatur. Cæterum huius semen pondere duarum drachmarum vomitum & secessum prouocare, tradit Serapio, quam sententiam veram esse nouimus.

*Atriplex  
ictericis  
conuenit.*

## DE BRASSICA.

Græcè, κρέμβη: Latine, crambe, brassica, caulis: Hispanicè, colhes, couues: Italicè, caulo, verza: Arabicè, corumb: Gallicè, Chou: Germanicè, Rœl.



*Brassica primum genus.*



*Secundum.*

## ALTERÆ SPECIES.

Lacuturris, capitium: Hispanicè, repolho, colhes morcianas: Italicè, caputio: Gallicè, Chou pomme: Germanicè, Cappes kraut.



Tertium.



Quartum.

## Enarratio CXIII.

*Brassica.*

**C**rambe brassica est, de qua Satyricus dixit, Occidit miseris crambe repetita magistros. Cuius plures & variae sunt species, quas Dioscorides vt hortis & culinae familiares, silentio praeteriuit: Plinius tamen verbosius eas prosequitur, libr. xix. cap. 8. vbi sabellicam maxime laudat, quam quoque hodie in honore vniuersa Italia habet, admiranda foliorum crispitudine, & eam caulem florem appellat, primo ex Syria aduectam, iam nunc in Flandriam & alias exteras nationes transportata, aduehitur: namque vt dixi: semine istius brassicae ex Syria, quod primo anno satum ex se praedictam emittit brassicam, ex qua postea semen ortum ac satum non quidem brassicam gignit, sed potius in rapam degenerat: quod aduertens Plinius, dixit libro decimonono capite decimo ex semine brassicae veteris rapae fiunt: proinde brassicam pro radice rapam habentem ex semine caulis floris in Italia sati orti certum est: quod pauci hucusque adnotarunt, quo fit quoque vt semen hoc ex Syria delatum, primo anno, cau-

lem

lem florem tantum producat: quum semen à caule illo ortum loco producendi caulem florem, rapam potius gignit, & illam quidem suauissimam; & cibo gratissimam. Est quoq; altera brassicæ species, quam citato loco Plinius & merito lacuturrem appellat, quia primo ex conualle Aricina, Lacuturre dicta, quia ibi olim lacus & turris fuerant, Romam traxit, in orbem porrectam, clausam, & apprime duram, quæ quum secatur per medium, innumero cernitur folio. Cæterum discordiam inter brassicam & vitem, omnibus notam crederem, atq; inde brassicam in cibo sumptam, cõtra temulentiam & ebrietatem valere, Androcydes quidam putauit, quum tamen Aristoteles in problematis, non contrarietatis causa id euenire dicat, sed potius quia brassicæ succus dulcis discutendi, & humores in aluum eliciendi vires possideat: quibus deorsum conuersis, sequax vini vapor ad ima deuocatur, & sic crapula aboletur. Syluestris vero brassica domesticæ similis est, foliis tamen crassis, & hyoseyami modo hirsutis, gustui amaris. De domestica vero, siue esculenta tradit Galenus libro septimo de Facultatibus simplicium medicamentorum, quòd desiccandi vim habet, tum esa, tum foris imposita, non tamen etiam admodum acrem, vtcunq; tamen quiddam abstersorium in se habet, & vt libro secundo de Alimentorum facultatibus ait, huius succus facultatē habet purgatricem, quam & partes in se brassica ipsa contrarias habeat, vnde quum quòd brassica soluat, cupimus, parum coquatur permittimus, quia in eo primo decocto, excretoria facultas transit, manente in corpore & brassicæ substantia constringente, vt in lente quoq; fit. In huius porro viribus Galenus à Dioscoride discrepat: nam libro citato de Alimentorum facultatibus, visum brassicam hebetare tradit; Dioscorides vero, oculorum hebetudini, in cibo subuenire, & tremulis faterur. Reuera tamen Dioscorides intelligendus est sic, brassica subuenit iis quibus oculi hebetiores sunt, modo hebetudo illa à nimia eueniat humiditate, quia sua siccitate talem emendat hebetudinem, vt Galenus quoq; faterur, quum inquit: lens itaq; & brassica æquali inter se mensura siccant, ob idq; visum hebetant, nisi forte totus oculus humidior fuerit, quam natu-

*Galeni &  
Dioscori-  
dis discor-  
dia.*

*In coquen-* ralis habitus postulet. Non præteribo tamen in coquen-  
*dis herbis* dis esculentis herbis documentum à Galeno traditum, in  
*documen-* hoc capite, quod sic habet: Huius ante omnia memor,  
*sum,* nihil quod bis coquitur, oportere nec Aërem neq; aquam  
 frigidam contingere: non enim poterit amplius etiam si  
 diutissime coxeris plane tabescere: sed oportet vt paulo  
 ante diximus, aquam calidam habere paratam, vt quum  
 ex priore extraxeris, in illam protinus conicias. Hęc Ga-  
 lenus. videant igitur boni coqui, quum herbas coquunt,  
 ne illis inter coquendum, frigidam aquã superinfundant,  
 quã quoquomodo recrudescere, eã videãtur. Ex caulibus  
 vero siue brassa hodie in officinis, eclegma loch dictũ  
 contra pectoris vitia paratum habetur: At brassa syl-  
 uestris, quodammodo calidior sicciorq; domestica est,  
 vt Galenus citato loco tradit.

*Loch de  
caulibus.*

### DE BRASSICA MARINA,

*Græcè, κρημβη θαλασσα: Latine, Brassica marina,  
soldanella: Vulgo soldanella.*

Enarratio c x v.

*Soldanella*

*Cardanus*

*Dioscori-  
des emen-  
datur.*

**B**Rassica marina, omnium consensu vulgaris est Sol-  
 danella, hydropicis admodum conducibilis herba,  
 quanquam nõ desunt hodie qui eam maximè vituperent,  
 & hydropicis non conuenire contendant: ex quibus Car-  
 danus quidam nominandus venit. Cæterum Mathæus  
 Syluaticus, hic vt solet, pueriliter errat, quum credat  
 chachile apud Serapionẽ Soldanellam nostram esse, vt ex  
 foliis chachile à Serapione tributis, manifeste suus de-  
 prehenditur error, quæ proculdubio vsneã aut nasturtij  
 esse tradit, non verò aristolochiæ, qualia, soldanellam  
 habere nouimus. Proinde emendandus hic Dioscorides  
 venit, quum dicat, folia habet longissima, quod falsum  
 esse, vt diximus, liquet, quum potius soldanella folia ha-  
 beat parua, tenuia, rotundæ aristolochiæ similia. Seder-  
 ror iste nõ aliunde vt credo venit, quàm ex Græco codice  
 corrupto, in quo loco *μινγὰ*, id est parua, *μινγὰ* id est  
 longa legebatur. De soldanellæ vero viribus ita Galenus  
 lib. vij. tam sæpe repetito meminit, dicens: Non solum  
 aluum deicit, subsalsa & subamara existens, sed etiam  
 ad externos corporis vsus idonea.



## DE BETA.

Græcè, τεῦτλον: Latinè, Beta, oler siculum: Hispanicè, Aselgas: Italicè, Beta, bietola: Gallicè, de la porée, bete, iotte, Arabicè, Selb: Germanicè, Mangolt, piessen.



Beta.



Beta nigra.

## Enarratio CXVI.

R eperitur hodie, præter duas beta à Dioscoride signatas species vna tertia, omnino rubra, alba tamen & nigra hortis familiares sunt, alba sic dicta, quia non multum herbaceum ac viridem colorem possideat. Hæc cocta bonam facit aluum, ac eam subducit, vnde Martialis dixit: & pigro ventri non inutiles betas. Huius quoque decocto in clysteribus maxime utimur: sed illius succus pondere vnius libræ, pro laxando ventre, vbi alia non profuere medicamenta, primatum obtinet. Quo quoque veluti maioranæ succo, pro expurgando per nares capite, quotidie utimur, quod medicamentum Græci errhinum

Beta tres species.

vocant, vt apud Galenum, de ista herba amplissime legi-  
tur, lib.viii. de Facul. simpl. medic. quum dicat: Beta ni-  
trofæ facultatis est particeps, qua tum digerit, tum exter-  
git, & per nares expurgat: Caterum cocta nitrositatem  
exiit, euaditq; leniter digerens, ad detergendum tamen  
digerendumq; validior est beta alba. Hactenus Galenus,  
in quibus verbis Betam calidam potenter esse percipitur,  
præsertim in purganda à capite pituita, quam calidita-  
tem in coctura exiit: & eam primum eius decoctum re-  
cipit, vnde educens aluum euadit. Caterum, beta sylue-  
stris vt Plinio placet, limonium est herba, de qua lib.iii.  
sermo habendus est, quanquam Galenus lib. ij. de Facul.  
alimët. cap. xliij. nullam esse betam agrestem, nisi quis la-  
pathon ita nominare velit, tradat.

*Beta cali-  
da est.*

### DE PORTVLACA.

Græcè, ἀνδράχυν: Latinè, Portulaca: Hispanicè,  
*Verdollagas baldroegas*: Italicè, *Porcellana*, pro-  
*cacchia*: Gallicè, *porcellaine*, ou *pourpié*, Arabicè,  
*Bachele*: Germanicè, *Burtzelkraut*.



*Portulaca syluestris.*



*Portulaca satina.*

## Enarratio CXVII.

**H**uius duo nota sunt genera, foliorum magnitudine tantum differentia, quæ in cibo sumpta exile, frigidum, & humidum, ac lentum præbent nutrimentum, refrigerat enim portulaca tertio ordine, humectat vero secundo, & ea de causa, illius stillatitia aqua, in officinis familiaris habetur. Datur enim pueris, vermibus correptis cū febre, magno, vt experientia indicat, iuuamento.

Portulaca.

## DE ASPARAGIS.

Græcè, ἀσπάργος: Lainè, asparagus: Hispanicè, esparagos: Italicè, Isparagi, Gal. asperges: Ger. Spargē.

## Enarratio CXVIII.



Asparagi.

**A**sparagos in hortis serendi, nulla hodie apud Hispanos cura est, tantū cæpestribus & sua sponte nascentibus contenti: At Itali, præter campestres, hortenses habent asparagos, cibo gratissimos, præsertim Rauennates, qui quoque olim, in maximo fuerūt honore, vt ex Martiale deprehenditur, quum dicat.

Asparagi.

Mollis in equorea que ceruit spina Rauenna.

Non erit incultis gratior asparagis.

Verum asparagos quum dicimus, stolones, siue tenellos cauliculos intelligimus, nō vero spinis ar-

matum fruticè, quos primis mēsis, oxolæo conditos, mica salis addita comedimus, & ita facile ad ignem coquuntur, vt quum rem celerrime perfici cupimus, dicere soleamus, citius quā asparagi coquātur. Ceterū asparagi radix, inter radices diureticas adnumeratur, ita vt inter illas primatū

*Asparagi  
imperati  
r. i.*

obtineat, quod percipitur, quia illius qui comedit asparagos, vrina maxime foetet, stomachū enim maxime iuuant omnes asparagi, vrinalq; cient, & parū nutriunt, de quorū temperatura, Galenus ita disserit, libr. vj. de Facul. simpl. medi. Asparagus petraeus abstergendi vim habet, citra manifestam caliditatem aut frigiditatem: hinc iecur ac renes in fœctu liberat, & maxime radices eius, & semen, quod & dentium dolores sanat.

### DE PLANTAGINE.

Græcè, ἀρνόβλαστον: Latinè, Plantago: Hispanicè, Lhantem, tamchagem: Italicè, piantagine: Gallicè, Plantain: Arabicè, Lisen: Germ. Vvegerich.



*Maior.*



*Minor.*

### MINORIS PLANTAGINIS

LATINA NOMINA.

*Plātago minor, Hisp. lāgoa de oueya, lāgoa de carnero:  
Ital. lāciuola: Gal. lacelee. Ger. Klein vuegerich.*

*Aquatica.**Media.*

## Enarratio cxix.

Græcorum ἀγνὸ γλωσσῶν plantago nostratum est: ἄγνον  
 Græci agnum vocant, γλωσσῶν vero linguam, id est  
 linguam agni, cuius plura sunt genera, duo tamen præci-  
 pua, maior & minor. Minor, angustioribus foliis, & ni-  
 grioribus, linguæ pecorum similis, caule anguloso, inter-  
 dum inclinato, in pratis cum reliquis nascens, quam offi-  
 cinæ quinq; neruiam, aut agni siue arietis linguâ vocant:  
 maior vero, foliis laterum modo inclusis, quæ quia septe-  
 na sunt. Græci ἐπὶ ἀπλευρῶν vocauerunt. Nascitur in hortis  
 atq; vallibus nec non paludibus, & pratis, cuius plura alia  
 sunt genera, quorû aliquot, diuino fauente numine, li. iij.  
 attingemus. Cæterum plâtaginis dotes in præsentî audire  
 est, quas Gal lib. vj. vt solet, sapienter admodû persequitur  
 dicēs: Refrigerat pariter & siccet in secûdo gradu, habetq;  
 nonnihil austerû, ratione terrearû partiû. Porro medica-  
 menta, quæ cû hoc quod refrigerant, vnâ etiâ astringunt,  
 et ad vlcera rebellia omnia, & ad fluxiones & putredi-

nes conueniunt, ac proinde & ad dysenterias: Nam & sanguinis profuua sistunt, & siquid aduratur, refrigerant, tum sinus quoq; glutinant, & alia vlcera recentia, & vetera simul, atque in omnibus fere id genus medicamentis, primas tenet, aut certe nulli secundum est arnoglossum, ob temperaturæ symmetriam, & cōuenientiam. Nam siccitatem obtinet morsus expertem, & frigiditatē quę nondum stupefaciat. Fructus etiā & radix similis sunt facultatis, nisi quod tum siccioris, tum minus frigida: quin & semen subtilium est partium. Radices verò crassiorum: at herbæ folia exiccata, subtiliū partium existunt, & minus frigida facultatis. Radicibus vtuntur ad dentium dolores tum mandentes, tum collutionibus incoquētes, præterea ad iecinoris renumque obstructions, non has tantum adhibent, sed folia quoque, & multo magis semina.

## DE SIO.

Græcè, σίον: Latine, sium, lauer: Hispanicè, rabacas: Italicè, gorgolestro: Gallicè, berle: Arabicè, Hamehanella: Germ. Bachbungen, vvasermerch.

## Enarratio cxx.

**S**ion herba sic dicta, quod excutiēdi vires habeat: in riuiis & locis aquaticis semper nascitur, apio perquam similis, quam crudam, aceto mulieres & pueri inerte vere comedūt. Nam post aduentum auis cuculi dictæ, nō amplius herbam esui aptam, mulieres Hispanicæ dictitant, imò illam inutilem & tāquam ab aue dicta affectā prædicāt. Nascitur enim aliquando cubitalis, stomacho admodū grata, quæ & vrinam euocat, & vesicæ calculos excernit.

Plinius

Sion her-  
ba.



Sium.

Plinius porro huius herbæ vires, cū facultatibus aquatici  
 sifymbrij, id est cressonis confundit lib. xxij. eiusdem nu-  
 meri capite. Ne tamen si temperaturam desideres, Gale-  
 num audi, lib. viij. de Facul. simpl. medic. ita dicentē: Si  
 quantum gustu odoratum est, tantum etiā ex calfacientis  
 facultatis est particeps, sed & digerit, & urinam mouet, &  
 calculos renum frangit, & menses euocat.

Plinius or-  
 rat.

## DE SISYMBRIO.

Græcè, σισυμβριον: Latinè, *sifymbrium*, mēta aquati-  
 ca: Hispanicè, *herua buena delhagoa*: Italicè, *bal-  
 samita*, *menta aquatica*: Gallicè, *mente aquatique*  
 Arabicè, *sifnasbar*: Germanicè, *Bachmiintz*,  
 oder *Fischmiintz*.

## Enarratio cxxi.

*sifymbrij.*



*Sifymbrium.*

EST enim primū hoc  
 Sifymbrium, officina-  
 rum balsamita, herba  
 plerumq; in aquis, & lo-  
 cis humidis nascēs, & quę  
 facillime, vt refert Pli-  
 nius li. xix. cap. x. in men-  
 tem degenerat, adeo sua-  
 uis odoris, vt Venerē in-  
 citare certum sit, quo fit,  
 nomen Veneris ei indi-  
 tum sit, qua hifce tempo-  
 ribus homines in coronis  
 plerunq; vtūtur, & sepla-  
 farij male loco nepithæ  
 eam vsurpant. De qua Ga-  
 lenus libr. viij. citato: ita  
 tradit: Tenuium est par-  
 tium, facultatisq; dige-  
 rentis, calfaciētis, & exic-  
 cantis in tertio ordine,  
 quidam

*Balsamina  
à balsami-  
ta differt.*

quidam, semen cum vino exhibent singultientibus, tor-  
minaq; patientibus. Verum, ne quis nominis vicinitate  
decepiatur, sciendum est, quod balsamina à, balsamita  
præsenti differt: Est enim Balsamina herba de qua Dio-  
scorides nullam penitus fecit mentionem, vulneribus glu-  
tinandis commodatissima, quâ Hetruria Hierosolyimi-  
tanum pomum vocat, Myrabile Gallia, alij vero garan-  
tiam: quoniam, vt tradit Ruellius Gallus lib. ij. de Stirpi-  
bus, cap. cxxiii. septi modo in hortis fenestrisq;, per can-  
cellos opere topiario digeritur. Ea tenuibus prælongisq;  
flagellis, vltro citroq; reptantibus euagatur, foliis viti  
albæ articulatoribus, exilibus pampinis, ex alarum sinti  
prodeuntibus, quibus illigantes sese cancellatim vicinis  
implicant statuminibus, flore cucumeris ex albo in lu-  
teum languescente, turbinato vtrinq; fructu, carnosa cute  
& per versus verrucosa, ac rigidioribus bullis intume-  
scente, cucumeris pusilli vel citrij similitudine, malo ve-  
rius ac tubere quàm grandi bacca, aut folliculo: aureus  
matureo color, cartilago intus punicea vel lutea, sangui-  
nentq; succus, pomum maturitate disilit, innanitalque  
confractò patet, semina intus aliquot lenticulæ figura  
continens, ruberrima, ex quibus oleum exprimitur, ad  
vulnera præcipuum. Aliqui pomum oleo prius imbutum  
aliquot dies insolant, deinde vel fimo vel terra tantisper  
obruunt, dum prorsus intabuerit, sic balsami vires glu-  
tinandis vulneribus adsciscere pollicentur, inde tractum  
balsaminæ vocabulum, mirabile pomum Gallis dicitur,  
quod vel pulchritudine sua vel insolita nouitate conspi-  
cientes in admirationem sui trahat. Hæc Ruellius.

### DE ALTERO SISYMBRIO.

*Græcè, σισυμβριον ἔρσπον: Latine, sisybrium alte-  
rum, aquaticum nasturtium: Hispanicè, berres,  
Gallicè, cresson: Germanicè, Brunnen kress.*

#### Enarratio CXXII.

*Cressones.*

**A**lterum sisybrium, omnium doctorum hominum  
in re herbaria consensu, communes sunt cressones,  
sic dicti, quia facile, & cito, in aquis crescunt, folio pseu-  
do dict



de dictamni, sapore acuto, esui apta omnino herba, de cuius viribus & temperamento Galenus ita differit lib. viij. de Facul. simpli. medic. sifymbriū quod quidam cordaminem vocant, quandoquidem cardamomo simile quiddam gustu præfert, quū siccū est, tertij est ordinis excafacientium & desiccantium: quum humidum & viride, secundi.

## DE CRETHMO.

Græcè, κρημόν: Latinè, *crithmon, batis, baticula, crethamus*: Hispan. *perexil de la mar, vnhas de agnula yerna*: Italicè, *sinocchio marino herba di san Pietro*: Gallicè, *de la creste marine, bacille, percepierre*. Germanicè, *Bacilen, Meerfenchel*.

## Enarratio CXXII I.

**C**rethmon vel batis, crethamus in officinis hodie dicitur, herba vbiq; nota, sua sponte prope mare crescens, foliis multidiuisis, pinguibus, oblongis, aquilæ vngues representantibus, vnde multi Hispanorum, herbam istam, vnguem aquilæ appellant, quanquam alij petroselinum marinum, vel fœniculum marinum quoq; eam nominent, ac oxelæo & sale, vt cappares condiant, & in multas orbis partes cum aliis mercibus, venditum trahant: vinam autem prorritat, & renū ac vesicæ calculos comminuit, de qua Galenus libro septimo, de Facultatibus simplicium medicamentorum, ita tradit: Gustantibus fallum est, cum paucula amaritudine, quamobrem vis eius est exiccatoria & absterforia.

## DE CORONOPO.

Græcè, κορωνόπος: Latinè, *coronopus*: Hispanicè, *guia belha*: Italicè, *stella*: Gallicè, *corne de cerf*: Germanicè, *Kraenfuoss*.

## Enarratio CXXIII I.

**D**ioscoridis coronopus, hodie ab hominibus doctis ea putatur herba, quàm pharmacopolæ cornu cerui, & stel



Coronopus.

Mathiolus  
sibi ipsi con-  
tradicit.


Mathiolus fatetur, quanquam, capite de batrachio sibi ipsi contradicat, vt legenti notum euadet.

## CONSTANTINVS.

Osctanter Mathioli viri doctissimi scripta legit Amatus Lusitanus, aut maliciosè interpretatur. Mathiolus enim cap. de Coronopo & cap. de Ranunculo cõstanter assertit pedem corunum Italorum, id est Pie coruino, ouero pie di cornachia qui ranunculus est, nõ esse Coronopum. quod apertius in Latino opere Mathiolus ostendit, miror tamen hunc locum à Lusitano non intellectum in libro vulgari lingua edito, cum soleat nunquã laudato auctore, integras paginas conuerture.

## DE SONCHO.

Gracè, σόρυχος : Latinè, sonchus : Hispanicè, serraya, ferralha : Italicè, cicerbita, crespine : Gallicè, Letteron, ou palais de lieure : Germanicè, Moss, gens distel.

*Sonchus aspera.**Sonchus non aspera.*

## Enarratio CXXV.

**S**onchos herba, ideo dicta est, quod salubre fundat succum, ἀπό το σόου χείρ: Nam ebibitus stomachi rostones lenit, & lactis abundantiam nutricibus subministrat, & multa alia commoda elargitur: quæ communiori voce cicerbita vocatur: & interdum parua est & tenella, inter herbas acetarium adornantes connumeratur: imò multi solam per se tantum, aceto sumunt: quum verò grandior fit, spinosa euadit, & minime esculenta, sylvestri respondens. Vnde Galenus hæc animaduertens dixit: vbi adoleuerit sonchus ex spinosis plantis est. Cæterum viridis etiamnū & tener estur, perinde vt cætera olera sylvestria. Hæc rursus illa herba est, qua mustela dimicatura contra serpentem se prius munit, adeo enim salubris est, & contra venenum valet.

*Sonchos herba.**Cicerbita.*

## CONSTANTINVS.

**S**onchum vel sonchus dicitur Plinio libro xxvj. cap. vltimo & libro xxij. cap. eiusdem numeri. Græcis est σέρχ & σέρν  
apud

apud Theophrastum libro iij. de hist. plantarum, dicitur autem  
 ὄρχη & quasi ὄρχη, ab inanitate caulium quo nomine etiam vo-  
 catur cucurbita Sylvestris ob eandē causam à Plinio lib. xx. cap. 5.  
 futilis enim etymologia quam affert Amatus. Soncho enim nigro  
 vt morbos faciente Clemporus prohibet vesci, de albo cōsentiens.  
 Non ignoro tamen hac Plinium nostrum prodidisse lib. xxij. cap.  
 eodem: Estur inquit & sonchos, vt quem Theseo apud Callima-  
 chum apponat Hecale, vt erq; albus et niger, lactuca similes ambo,  
 nisi spinosi essent, caule cubitali anguloso, intus cauo, sed qui fra-  
 ctus copioso lacte manet. multasq; recenset eodem capite sonchi albi  
 vt utilitates in medicina, inter eas & ipsum bibi cōtra serpentes scor-  
 pionesq; radicem verò illini. Tamen non video vnde confinxerit  
 Lusitanus sonchum illam esse herbam, qua mustela vt ait, dimica-  
 tura contra serpentē se prius munit. non enim id habet Dioscori-  
 des aut Galenus cum de soncho agit, 8. simplicium aut Paulus lib.  
 vij. imò nec alius author, quod sciam, hoc enim Plinius ruta ascri-  
 bit. simili modo inquit ille lib. xx. cap. 13. contra serpentium ictus,  
 vt pote cum mustela dimicatura cum his, ruta prius edendo se mu-  
 niant. non soncho igitur sed ruta mustela, vt cunila qua bubula  
 appellatur muniant se testudines cum serpentibus pugnatura, vt  
 ipse naturalis historie patens mihi testis est lib. xx. cap. 16. & lib.  
 vij. cap. 27. Testudo inquit cunila, quam bubulam vocant, pasta,  
 vires contra serpentes refouet: Mustela ruta in murium renatu  
 cum ijs dimicatione conferta.

## DE ENDIUA.

Græcè, στέλες ἀγρία, κικώρειον, κικώρειος: Latine, cicho-  
 rium, intubum agreste, ambubeia: Hispanicè,  
 almerones, cihoria: Italicè, cichorea: Arabicè,  
 dumbebe: Gallicè, cichoree: Germanicè, Vuc-  
 guarten.

## SECUNDA SPECIES

## CICHORII AGRESTIS.

Græcè, ἄδλυπνόϊς, ἀπύκην: Officinis, dens leonis, ro-  
 strum porcinum, tarraxacon: Hispanicè, dente de  
 leon hierua: Italicè, gruni, radice, girasole: Gallicè,  
 dent de chien, dent de leon, ou piss'enliët: Germa-  
 nicè, Pfaffen rœrlin,

## ENDIVIA DOMESTICA.

Græcè, *αἰείς*: Latine, *intubus, intubum sativum, endi-  
uia domestica, latifolia*: Hisp. *endiua*: Ital. *endiua*  
Gal. *endiue*, Arab. *Dumbebe*: Ger. *Endiuen*.

ALIA DOMESTICA STRI-  
CTIORIBVS FOLIIS.

Græcè, *αἰείς*: Officinis, *seriola, scariola*: Hispanicè,  
*ferraya enuide*: Italicè, *la scariola*: Gallicè, *scario-  
le*: Germanicè, *Scariol*.



Seris sylvestris.



Seris sativa.

## Enarratio CXXVI.

**D**iffert endiua à cichorea, tanquam domestica à syl-  
uestri: Nam endiua, domestica & hortis familiaris  
est, ex qua aqua & syrupus in officinis parari debent: Syl-  
uestris verò, cichorea siue cichoreū appellatur. Nam syl-  
uestris endiue dictæ cichoreæ, duplex est species: quædam  
ambub

*Endiua à  
cichorea in  
quibus dif-  
ferat.*

*Heliotropium.*

*Aphaca  
dissert ab  
aphaca vi  
tia.  
Endiuia  
domestica  
latifolia al  
ba fit.*

ambubeia dicta, siue cichorea libere nascens, quæ ex se tricubitales emittit virgas, fistulosas, difficulter frangibiles, flore cœruleo, interdum albo, quæ apparète Sole panditur, & cum eo circumagitur: eo verò nubilo, aut nō apparen-te, clauditur, & compressa videtur, vnde Ambubeia herbæ, aut solaris nomen accepit, non ideo tamen heliotropium, dicenda est, quum heliotropium longè alia sit herba, de qua suo loco plura dicenda sunt. Secunda verò cichoreæ species, illa est herba, quâ leonis dentem pharmacopœ, aut tarraxacon, vel rostrum porcinum appellant, & illam vniuersa Italia, in hortis tanquam celebre oxyporum, satam habet, quam multi quoq; cichoream appellant, & differentè à dente leonis herbam eam faciunt, quum tamen eadem fere sit, & in nihilo præter quàm cultura differant: vocat autem hanc Plinius hedyphnoem, id est suauiter dormire, somnumq; irrepere facientem, non minusq; aphacam, lib. xxj. cap. xv. vt Theophrastus quoq; lib. vij. de Plantarum historia, cap. 7. Sed aduertendum est, quòd aphaca hæc multum differt ab alia aphaca, syluestri dicta vitia, de qua breui sumus dicturi. Domestica verò endiuia duplex est, altera latifolia, hortis familiarissima, & quæ terra obruta, alba reddita, hibernis mensis, oxelæo & sale, cruda, & cocta antepositur, quanquam vniuersa Hispania, sic paratam eam nunquam quòd sciam, viderit, quam aliqui endiuiam, alij verò cichoream vocant. Altera verò arctioribus foliis endiuia, à seri seriola, postea verò scariola nuncupata est. Cæterum, ab intybo siue intyba, corruptè endiuia deducta est, cuius omnes species in amaritudine conueniunt, maius & minus, vnde prouerbum, Intyba successit ambrosiæ, & illud Virgilianum, amaris Intyba fibris. De quarum viribus, ita differit Gal. lib. viij. de Facult. simpli. medi. Seris, holus est subamarum, & magis quod agreste est, id nanq; est frigida & sicca temperatura, secundo excessu. At domestica magis quàm agrestis refrigerat: Porrò vtraq; astringentis qualitatis est particips, vt condrilla, quæ est etiam scereos species.

#### DE CONDRIILA.

*Græcè, κωνδρίλλα; Latine, condrilla; Hispanicè, Lusitanicè, leitugas, lechugas dentre los planos; Italicè,*

*lartai*

*lattainola, latte d'angelli: Gallicè, Lettron: Arab. candarel: Germanicè, klein sonnen vuürbel.*

## Enarratio CXXVII.

Condrilla

**E**st proculdubio cōdrilla, intybi species, qua de causa Galenus capite citato, de ea simul cum aliis mentionem fecit, quanquam tamen lib. ij. de Alimen. facultatib. ipse nō inter seras, id est intybos, eam connumeret, sed potius capite de lactuca, lactucæ cōdrillam olus simile facit quo fit, nostri Lusitani, herbā istam in hunc vsq; diē lactucam appellant. Nascitur enim inter segetes, & vineas, & aliis locis quoque, qua acetarij vice mulieres & homines rustici vtuntur. Inest autem huic condrilla, folium endiuæ simile, lac ex se quum rumpitur mittens, cui quoq; altera species similis vbiq; cernitur, easdem fere cum intybis vires obtinens: dicitur autem condrilla ista, ab Hispanis, lactuca inter segetes nascens, vt differentiam inter vulgarem lactucam, & istam de qua agimus, faciant.

## DE CUCURBITA.

*Græcè, κολοκύνθη, Latinè, cucurbita: Hispanicè, laca-labaca: Lusitanicè, abolara: Italicè, succa: Gallicè, courge: Arabicè, hara: Germanicè, Kürbs.*

## Enarratio CXXVIII.

**C**olocynthæ, ea est cucurbita, quæ in cibi vsu quotidie venit, & multiformis conspicitur, aliquando ventrosa, sic dicta quia in ventre multum turgescit, nonnunquam curua, quandoq; vero tantæ longitudinis, vt modo nouem modo decem pedum visa sit, quæ sæpe (natura artifice) ita eueniunt, quandoq; vero ab hortulano vinculo formantur, & finguntur, quum cucurbitæ quæ coguntur forma, crescunt, vt in harundine oblonga experti sumus, quæ secundum harundinis longitudinē creuere: vnde merito, cucurbita à curuatura dicta est, quia facile in quamuis figuram dempto impedimento curuari possunt, non minus quoq; in amplis vasculis immissæ, ventrosæ fiunt: Sic ornata, vt postea maturis, & siccis, ac inanitis, vasorum vice, vtantur. Vnde Plinius Naturalis historiæ libro, dixit, nuper enim cucurbitarum vsus ve-



Rotunda.

Longa.

nere, vrceorum vice, iam pridem etiam cadorum ad vina condenda. Columella quoq; de media inquit parte cucurbitæ, semen inuerso cacumineposito, vt fiat incrementi vastioris, nam sunt ad vsum vaforum satis idoneæ, quod hodie in vsu videmus, atq; ipsis præcipuè vtuntur, qui per æstatem atque ardores maximos in agris negociantur. Medici nostri temporis cucurbitam, pro bona victus ratione febricitantibus præbent, quum humidæ ac frigidæ potestatis sit: meo tamen iudicio, repurgato ventriculo, edenda cucurbita est, quia facillime in eos conuertitur humores quos stomachus in se continet, vt auctor est Galenus lib. ij. de Facul. aliment. cap. 3. qui quoq; libr. vij. de Facul. simpl. medic. ita eius persequitur vires. Humida & frigida est in secundo ordine cucurbita, quare succus eius rosaceo mistus, aurium dolori contracto ex phlegmone, est utilis: præterea restinguit sitim.

## DE SATIVO CUCUMERE.

Græcè, σίκυς: Latine, Cucumer, cucumis: Hispanicè,



nicè, cogombro: Italicè, cocomero, Gallicè, con-  
combres, Arabicè, Chetha, Cer, Cucumern.

## PEPO.

Græcè, πένυρ: Latine, Pepo: Hispanicè, Pepinos:  
Longobardicè, Cocomero, citruolo, Gallicè, Po-  
pons, Melons: Arabicè, Batocha, Germa-  
nicè, Citrullen.



Citrullus.




Cucumis marinus.

## Enarratio CXXXIX.

**C**ucumer, non ubique satius reperitur, qua de causa  
multi non sine ingenti errore, citrullum quem pe-  
ponem esse certò scimus, cucumerem appellant, vulga-  
rium forsitan voce seducti, qui in Italia fere vniuersa, &  
Flandria ac Germania, citrullum cucumerem vocant, sed  
vt dixi, non sine magno, ne dicam pudendo errore, inter  
quos nouissimus extat Marthiolus Senensis, in suo Dios-  
coride Hetrusca lingua confecto. Est igitur Græcorum

Cucumer.

*Cucumis sativus.**Pepo.*

*Cucumer  
anguinus.*

cucumer, siue cucumis, dictus sic, vt Varroni placet, quia facile curuatur, baculi crassitudine, colore viridi, longitudine cubitali, & maiori, præsertim, si in flore existens, in fistulam mittatur: tunc enim vt tradit Plinius lib. xix. cap. 5. mira longitudine, & ad fistulæ complementum crescit; & hæc de causa Columella anguinum cucumerem eum appellat, quia oblongus, crassus, atq; instar anguis flexuosus sit. Nascitur enim in simili planta, qua cucumer syluestris oritur. Cæterum est cucumer, natura frigidus & humidus, appetentiam concumbendi minuens, vnde sycis à Græcis dictus est. Hinc de cucumere (quia textrices magna ex parte impudicæ sunt) adagium ortum est: texens pallium mulier, cucumerem deuoret. Raro in Luitania cucumer videtur: Secus autem in altera parte Hispaniæ, præcipue apud Salmanticensis, vbi in magna cernitur copia, hirsutus, colore omnino viridi, longitudine cubitali & curua. At pepo is est, quem officinæ ob colorem citri, in maturitate acquisitum citrullum appellant,

*Pepo citru  
lus est.*

Græci

Græci verò illum *πικραλον*, id est maturum, Graia voce dixere, quam vocem Hispani vel hodie seruantes, nulla immutata litera aut syllaba, illum quoq; pepanum vocant, & eius supremam partem cōcisam, fronti æstus hora, in qua illum plerunq; comedimus, tanquam refrigerantem, ad-mouemus, quod olim quoq; à Græcis fieri Dioscorides inuere videtur. Vescimur enim pepone Hispani, dum vi-ret: nam postquam maturuit, & colorem luteum, citri maturi contraxit, tanquam cibo inurilè reiiçimus, si quid tamen illius comedendum sit, eius suprema & cartilaginea pars tantū pro victu, reiecta eius medullari parte, accipiendā est: vt apud inferiores Germanos plerunq; fit, qui pepo-nibus iis, non nisi maturis, contra Hispanorum consuetu-dinem, in victu vtuntur, quorum medullarem & interio-rem partem, in qua semen continetur, tanquā improbam & malam reiiçunt, suprema & cartilaginea illa, crebris verrucis ornata parte, cōtenti, qui mos apud Græcos quo-que fuit, vt ex Galeno deprehenditur, lib. ij. de Alimento-rum facultatibus capite 5. vbi inquit: huc accedit, quòd in peponibus homines à carne intima in qua semē habetur, abstinent. Sed hæc ignorans Mathiolus, nihil in hoc capi-te præter alios vellicare facit. Subdit quoque Galenus eod-  
dem loco, in melopeponibus antè mandunt, id est carnem interiorē, pro quo scire licet, quòd melopepones, hodierni sunt melones, quorū varietas ingens est, quum alij cor-tice subtili reguntur, alij verò crassiori, & tardius maturi fiunt, quos Clodienses (Venetijs prope Riuumaltū) ven-dentes, peponas appellant: alij autem intus sunt rubri, & illorum quidam muschatelli dicti, odore & sapore præ-stantissimi, vt apud Lusitanos, Abrantini dicti, ab oppido Abrantes dicto, quod Tagus aurifer præterlabitur, qui-bus Neapolitani respondent. Alij autem sunt albi, & illo-rum nonnulli hiemales dicti, quia per vniuersam hiemem suspensi in domibus seruantur, apud Salmanticenses fre-quentes, qui quoq; è Græcia in Italiam hodie aduehuntur. Sunt quoq; præter istos, melones aquei dicti, quos angur-rias multi appellant, alij verò, bateccas, Turcæ, carpuzes. Thusci, præter omnem loquendi cōsuetudinem, cucume-res nominant. Dicuntur verò melones aquei, quia intus aquam habeant, quam cum interiori substantia, adiecto

*Mathiolus  
errat.*

*Angurria*

succharo Mauri & Turcæ, vigente æstu, pro refrigerandis ventriculis, in continuus victus vsu habent, magnæ enim sunt anguriæ istæ, ventrosæ, lucidæ, colore virides, quam nonnullæ parvæ reperiuntur, multis variegatæ coloribus, quarum omnium, interior pars dulcis admodum est, qua febricitantes, sitim arcere conantur. Sunt præterea, vt plures alias præteream species, Saracenicæ quædam, vel Transmarinæ dictæ cucurbitæ quas nonnulli pepones appellât, aliæ exterius albæ, aliæ verò subluteæ, omnes crassi & pessimi nutrimenti: & ea de causa à rusticis in hinc tantum comeduntur, Frigidæ enim & siccæ, temperatura sunt, veluti priores omnes species, quas crudas comedere solemus, frigidæ & humidæ, in secundo gradu: Attamen, si quis aut semen aut radicem arefaciat, haud etiam humidæ fuerit naturæ: sed iam desiccantis, idq; in primo quodam ordine, aut in secundo incipiente, vt latius Galenus dixit libro citato de Facultatibus alimentorum. Porro, cucurbitam ac omne genus peponis vel eorum semina, saccharo hodie condiri, magno ægrotantium oblectamento, vel tonsores norunt, nedum aromatarij.

## CONSTANTINVS.

**S**Vperioribus notis in Amatium nostrum, nobis rapina atq; napina egressus, non ineptum fore arbitror si etiam cucumerarium ingrediamur, Et si hortulum hunc publicum adhuc arentem, communibus auctorum aqua viua fontibus, vel etiam prima & non conducta cisterna irrigemus: modum tamen per elices & sulcos aquarios in colliquias humore derivato. amat enim cucurbita atque cucumeres aquam, non tamen nimis copiosam: atque irriguo nihil est elatius horto, iuxta Horatium. Nunc igitur vt morosus hortor à socijs informatas areas & licet cylindro æquatas reformat, sic quia mihi non placet aliorum scriptorum, huius etiam cartilaginei generis, cucurbitarum scilicet, cucumerum & id genus ordinatio atque per areolas dispositio, omnia explantabo atque aliter digeram, prout visum erit hæc oluscula lecluro commodius. Primum de cucurbita que Dioscoridi est *κολοκύνθη*, Galeno *κολοκύνθη* & Aristophani in *Neb.* *κολοκύνθη* vel etiam ipsi Galeno in glossis *ἀπυρεσθής κολοκύνθη*, aliquid dicendum est. Ea igitur aut est sativa, aut Sylvestris: sativa duum est generum, Cameraria et plebeia. Cameraria reptantibus flagellis & viticulis tanquam manibus admotæ quæq; complectens, in altum se subijcit, vt sæpe per aspera

ra parietum scandens in tectum usque, natura sublimitatis auda  
 conscendat. Sic cui per se standi vires non sunt, alterius adminiculo  
 fulcita statim maxima comparet: & leni foliorum umbra subie-  
 ctum locum opacat, cameras ac pergulas operiens, in hac, tenui  
 pediculo libratur aure pondus immobile. At Plebeia longis sar-  
 mentis per terram expansis humi perreptat, & parum assurgit  
 sua humilitate contenta: folijs tamen luxuriat, & hospitem lo-  
 cum suis floribus conuestit, omniq; modo fastigiatur cucurbita,  
 virginis maxime vitilibus, coniecta in eas postquam defloruit.  
 Crescit enim qua cogitur forma, plerumq; & draconis intorti fi-  
 gura: libertate vero pensili concessa, iam visa est, testante Plinio,  
 nouem pedum longitudinis. Cucurbita cum aqua tanta natura  
 conuenientia & consensus, Graeci vocant Sympathiam, quanta  
 cum oleo repugnantia atq; insitum odium, quod ydem antipa-  
 thiam nominarunt. Subiectum aut admotum ne attingat, auer-  
 titur, & se ipsam contrahit, quasi olei attactum exhorreat: ut  
 autem aquam attingat, velut sticulosa, crescendo festinat sese  
 promittens admirabilitate natura. Inter cucurbitarum varietate-  
 tes, quadam est ventrosa: nam in ventrem crescens mira ampli-  
 tudine turgescit, eaq; ἀπιῶ est satua & insipida, qua in bal-  
 neis vrceorum visem praeiitit, & cadorum ad vina condenda.  
 Alia est qua in longitudinem admirabilem excreuit atq; exten-  
 ditur, à quibusdam etiam anguina appellata. Cucurbitarum  
 praeter numerosior vsus, & primus, caulis in cibo. Cortex etiam  
 viridibus deraditur dum tener est: in cibusq; salubriores qua pen-  
 dendo creuere. Lagenariae vero Cucurbitae dictae, & sum viatores  
 nouerunt, quibus lagenae officio fungitur: sed ipsa primum ita  
 artificio fungitur, suniculo dum crescit astricta qua parte desyde-  
 ratatur angustior. Nec nobis silendae sunt Cucurbitarum genera  
 indicta maioribus, & ut credibile, etiam incognita. Indica dico,  
 tanta varietate natura quasi ludentis ad admirationem sui, ut  
 difficile sit exprimere. Sunt & turchica subrotunda, parua, &  
 veluti anguina vernatione, pluribus in locis per plagulas interlita,  
 carne constant firmiore, pulpaq; in qua semina ut phaseolorum  
 cuidam generi, rubicundissima. Nunc ad syluestres conuertatur  
 oratio. Syluestris Cucurbitae duplex species: vna somphos à Grae-  
 cis appellata, inanis, vnde & nomen, digitali crassitudine, non  
 nisi saxosis nascens. Colocinthis vocatur altera, ipsa plena, sed  
 minor quam satua: viticulas & folia humi strata profert satius  
 cucumeris similia, incisa, ut habet Dioscorides: qui cum de flo-

ribus taceat, tamen florum etiam consentientiam cum cucumere, e mentita Dioscoridis auctoritate, de suo adiicit doctissimus Matthiæus, hæc sylvestris cucurbita purgatoriam vim habet, diciturq; à Dioscoride lib. iiij. Cap. 78. κολοκυνθίς ab Hippocrate κολοκυνθία ἄγρία, ἢ σικύα ἢ σικύα ἢ σικύα: & apud ipsam leges τῆς σικύας σπασσῶν pro pulpa spongiosa Colocynthidis, Galeno in glossis interprete, t. imetfi σικύα & σικύα hortensem cucurbitam alijs significent. Rufus medicus, cuius opuscula impressa, de græco transtulionus, σικυωρίαν vocat Colocynthidem, quam etiam alijs σικύαν πικρὰν, κολοκυνθίαν ἄγριαν, ἢ ἀλεξάνδριαν nominarunt. A quibusdam hæc pituitaria dicitur: pituitam enim vacuat, etiam Alexandro Aphrodisæo teste in præfatione primi libri problematum, quamuis ex Plinij lib. xxij. Cap. i. Scimus pituitariam esse Astaphidagrian siue Staphin, quam tamineam falso nominatam.

## CAPVT II.

**C**artilaginei generis est, extraq; terram cucumis, siue cucumer. Varroni lib. iiij. de lingua Latina cucumeres dicti à curuitate, quasi curuimeres, quorum semen Theophrasto lib. vij. de historia plantar. σίκυον dicitur. Sed fructus & planta σίκυον, vt etiam Galeno 8. Simpli. qui Dioscoridi σίκυον. Eius duplex genus est, hortense & sylvestre. Satiuus Cucumis herba est pralongis sarmentis in ramos vitis modo se spargentibus, folio rotundo, cucurbita aliquanto minore, flore luteo, Particulatim autem cucumis floret, sibi ipse superflorescens, & sticciores locos patitur, candida lanugine obductus, magisq; cum crescit: fructus oblongus est, & vbi maturuerit planus, maculisq; distinctus, cuius naturam mirè expressit Poeta cum dixit: tortusq; per herbam, cresceret in ventrem Cucumis. mira voluptate, vt refert antiquitatis summus obseruator Plinius, Tiberio principi expetitus. Nullo quispe non die contigit ei, pensiles eorum hortos promouentibus in Soles rotis, olitoribus: rursusq; hy bernis diebus intra specularium munita reuocantibus. Cucumerum Græci tria genera fecere: Laconicum, Scythicum, Beoticum. Ex his tantum Laconicum aqua gaudere. Est & Cucumis agrestis σίκυον & ἄγριον Græcis dictus, multo infamam magnitudinem satiu. ex eo fit medicamentum, quod vocatur elaterium, succo expresso è semine, inquit Plinius lib. xx. Cap. 2. vel ex fructu, vt habet Dioscorides lib. iiij. Cap. 155. in quo docet parandi modum, & magnificat veterum auctor cum Theophrasto, elaterij usum in medicina, quo nullam diutur

diuturnius medicamentum, nec quod magis etatem ferat. in summa agris cucumis, à sativo, fructus tantum paruitate differt. Est enim oblonga glandi similis, qui maturus non sine colligentium periculo, in oculos contentum succum ei aculatur, crepansq; dilabit, simul atq; attingitur. De genere eius est Cucumis scorpionis dictus, Anguinus etiam, siue erraticus.

## CAPVT. III.

Cucumeres cum magnitudine excefferint, pepones vocari tradit Plinius: Ecce inquit, cum maximè noua forma eorum in Campania prouenit, mali cotonei effigie forte primò natum, ita audio vnum, mox semine ex illo genus factum, melopeponas vocant. Mirum in his, præter figuram coloremq; & odorem, quòd maturitatem adepti, quanquam non pendentes, statim à pediculo recedunt. Quibus verbis profecto significantur, Melones: sunt enim vt Palladius author est, de genere Peponum, à mali Cydonij figura quam referunt, nomine composito, Melopepones appellati. A peponibus autem differunt, quia pepones maiores sunt, striati magis, magisq; succulenti, Sed minus grati: carne molliore, & semine pauciore.  $\pi\epsilon\pi\omicron\nu\epsilon\varsigma$  igitur ipsi sunt, qui de Peponibus tantopere rixantur, cum melones nihil aliud sint quam  $\mu\alpha\delta\omicron\pi\epsilon\pi\omicron\nu\epsilon\varsigma$  Grecis, de genere Peponum. Pepo vero Grecis vocatur  $\pi\epsilon\pi\omicron\nu$  &  $\sigma\iota\upsilon\upsilon$  &  $\pi\epsilon\pi\omicron\nu$  Aristoteli in Probl. Sect. 20. quæst. 32. Polluci etiam lib. vj. quem etiam  $\sigma\pi\epsilon\pi\mu\alpha\chi\iota\varsigma$  vocari tradit. Galenus vero 2. de Alimentis composito nomine dixit:  $\sigma\iota\upsilon\upsilon\pi\epsilon\pi\omicron\nu\alpha$ . Peponum autem per multa sunt genera, quæ sapore & figura distinguuntur. Est enim ventricosus pepo qui à pediculo ad oculum vsq; striatus & canaliculatus. Alius etiam quem feminam vocant, minus striatus. Sunt item qui Hircini & vulgò turchici: fiunt & succrim dulci, artificio, feminibus moscho aut saccharo imbutis, At qui citrulus medicis dicitur, quasi citreolus, quod citrei mali in forma & colore sit æmulus, sapore cucumerem refert, & folia habet multis incisuris diuisa alarum aut pennarum instar. Quintiam ex Campania & Melita Siciliæ insula pepones asciti sunt, quos bothecus vocat Italia, folio melonum sed latiore: fructuq; multò crassiore, strijs obscuris, crasso pediculo contra ac in melonibus. hujus fructus versicolores sunt, alij albicant, alij virescunt magis, qui maturi dulces fiunt atq; ab agris in febrium ardoribus vehementer expetitur. Tandem sunt & hyberni pepones qui in area & solo non maturefcunt, sed flauescunt solaribus appensis,

magnaq; voluptate in hyeme comeduntur. Nostra Gallia iam serè hæc omnia agnoscat genera, sed alia alibi: quæ subtilius & enucleatius in iusto opere explicabimus. Nam hæc tantum sunt speciminis gratia, à nobis proposita lectoribus.

## DE LACTUCA.

Græcè, *θεϊδαξ*: Latinè, *lactuca*: Lusitanicè, *alface*: Hispanicè, *lechuga*: Italicè, *lattuca*: Arabicè, *cherbas*: Gallicè, *laittue*: Germanicè, *Lattich*.



Crispa.



Capitata.

## Enarratio cxxx.

Lactuca.

Dicitur lactuca, vt Palladio in Ianuario placet, quod abundantia lactis exuperet, quod quidem lac ventrem mouere leuiter, olim credebatur, quare apud veteres, in primis epulis veniebat, vt Martialis sequenti carmine testatur, quum dicat. Prima tibi dabitur, ventri lactuca, mouendo Vtilis: de qua quoque ille dixit, Claudere quæ cœnas lactuca solebat aorum, Dic mihi cur nostras inchoat illa dapes? Syluestris verò longiori caule in campis





Sylvestris.

pis nascitur, folio sativæ simili, sed spinoso, præfertim quum ad complementū peruenit, Satiua verò quæ in victus vsu quotidie venit, vt refert Galenus, humidum frigidumque est olus, non tamen extremè. Dicenda igitur lactuca, humida, & frigida est secundum aquæ fontanæ frigiditatem, & vt lib. ij. de Facul. alimen. legimus, hoc olus, succi est quā alia omnia laudabilioris. Nā quum reliqua omnia sanguinem gignant paucissimum, ac pravi succi, lactuca nō multū quidem

Lactuca tēperatura.

generat, id tamen nec mali succi est, neq; omnino laudabilis. Porrò dum essem iuuenis, ventriculusque mihi infestaretur bile, lactuca qua ipsum refrigerarem vtebar: quum verò ad ætatem declinantem perueni, hoc ipsum olus fuit mihi contra vigilias auxilio, quæ senibus esse annexæ videntur. Habet itaque lactuca succum quidem frigidum atque humidum, minime tamen prauum, quare nec concoctioni resistit, nec perinde vt reliqua olera, ventrem cohibet sicuti neq; etiam prorritat.

## DE GINGIDIO.

Græcè, γινγιδιον: Latinè, *gingidium*, *chærefolium*:  
 Italicè, *ceresolio herba*: Gallicè, *cerfueil*: Germanicè, *Kerbelkraut*.

## Enarratio cxxxvi.

**R**ECÈ mea sententia, Ruellius Gallus, & post illum Fuchsius, in suo herbario, *gingidium chærefolium* esse,

*Gingidium chærefolium* est.

*Gingidium.*

Quòd verò Hispani, herbulam hanc, in hortis suis hucusque satam non habeant, id in causa mihi esse videtur, quod coriandro viridi maximè vtantur, id ferculis quotidie infundendo, quod tamen vniuersa Italia, & Germania, ac Gallia, respuunt, & tanquam noxiam herbam horrent, cuius loco hanc amplexantur, chærefolium dictam, quæ in vniuersam alia est, ab ea quam Plinius chærefolium appellat. Huius porro vires, Galenus libro secundo, de Facultatibus alimentorum. cap. quinquagesimo quinto: & sexto libro, de Facultatibus simplicium medicamentorum, enarrat, dicens: Gingidium gustu amarum & astringens quum sit, temperie calidum frigidumque videtur: Secundum verò vtramque qualitatem, desiccatorium est, cætera porro, stomacho amicum existit.

*Chærefolium Plinij.*

DE SCAN-

DICE.

*Græcè, σκάνδιξ: Latine, scandix.*

## Enarratio cxxxii.



Scandix.

Græcè, *καυκαλις*: Latinè, *caucalis*, *dau-*  
*cus agrestis*: Hispanicè, *queyones*, *ierua*: Italicè, *pitrosello salua-*  
*tico*: Gallicè, *persil sauuiage*: Germanicè, *Rauch*  
*bibernell*.

DE CAV-  
CALIDE.

Græcè, *καυκαλις*: La-  
 tinè, *caucalis*, *dau-*  
*cus agrestis*: Hispa-

## Enarratio cxxxiii.

A Deo caucalis herba, daucum refert, cum figura, tum  
 foliorum incisura, & umbella, ut merito *Daucus* syl-  
 uestris à multis appelletur. Nascitur enim hæc ubique,  
 in aruis, folio inferiori petroselinio simili: superiori ve-  
 rò, inciso, minuto, ut in fœniculo, cernitur, unde ab  
 Italis, petroselinum agreste, herba ista dicta est. Præ-  
 terea, huic similis folio & umbella alia est herba, caule  
 hirsuto, cuius radices rotundæ, nucum magnitudine  
 sunt: exterius nigrae, intus verò albæ, & esui aptæ, quas  
 pueri in Hispania, frequentissime comedunt, & eas,  
 eadem voce, qua iuncum auellanam appellari diximus  
 vocant, nusquam quàm in Hispania à me visas: nec mi-  
 rum, quum, ut ait Virgilius. Nec verò terræ ferre omnes  
 omnia

*Caucalis*  
*herba.*

*Caulis.*

*rucheta*: Gallicè *Roquette*; Germanicè, *Vueils* senff.

omnia possunt. Cæterum de caulide, ita pro-  
dit Galenus libro septi-  
mo, de Facultatibus  
simplicium medicamen-  
torum, quidam daucum  
sylvestrem nuncupant,  
est enim ei adsimilis  
gustu simul ac viribus,  
excalfacit enim ut ille  
& desiccet, tum vrinam  
ciet, & muria ad reposi-  
tionem conditur.

## DE ERUCA.

Græcè, *εὐζωμῶν*: Lati-  
nè, *eruca*: Arabicè,  
*ergit*: Hispanicè, *a-*  
*ruga*: Italicè, *rucola*,

## Enarratio CXXXIII.

*Eruca.* ERUCA tam domestica quàm sylvestris communissi-  
ma est herba, quæ plerunque in acetariis venit, &  
ideo eruca dicitur, quia in gustu erodat: euzomos ve-  
rò, quia iura commendet, detque illis gratum sapo-  
rem. Venerem enim eruca mouet, qua de causa, à pœ-  
tis salax eruca appellatur: de qua Galenus libro secun-  
do de Alimentorum facultatibus capite quinquagesi-  
mo tertio, ita inquit: hoc olus manifestissime calfa-  
cit, semenque gignere ereditur, & coeundi excitare  
appetitum, capiti etiam dolorem infert, præsertim si-  
quis ipso solo vescatur: hætenus Galenus. Quibus,  
tu adde, modo quo eruca vescitur, calidus tempera-  
tura



Sativa.



Sylvestris.

tura sit, quum si frigidus fuerit, tantum abest vt illi do-  
lorem capitis inducet, vt potius magnum adducat iu-  
uamen.

## DE OCIMO.

Grecè, *ὄκυμνον*: Latinè, *ocimum*: Arabicè, *berendaros*:  
Hispanicè, *albahaca*: Italicè, *basilico*: Gallicè, *ba-*  
*silic*: Germanicè, *Basilig*.

Enarratio cxxxv.

**N**on solum in hortis satum ocimum videtur, sed *Ocimum.*  
passim ad fenestras figulinis vasis repositum, quod  
mulieres ob fragrantissimum quem habet odorè fouent,  
vnde ocimū ab *ὄσμις* verbo quòd est redoleo, deductum est.  
Reperitur enim gariophyllatum dictum suauioris odo-  
ris, sic dictum quòd nescio quid gariophylli redoleat,  
propriè verò basilicon minutis foliis ornatum, acinos  
est, de quo tertio libro sermonem faciemus. Cæterum in  
ocimū

*Ocimum mediocre.**Ocimum maius.*

*Acinos  
quid.*

*Simeon  
Sethi.*

ocimi viribus multi dissident, Galenus tamē cui habenda fides est, sic de eo lib. viij. de Facult. simplic. medic. tradit: Ocimum ex secundo est ordine calfacientium, habet autem recrementitiā humiditatē, proinde nec commodum est, quòd in corpus sumatur: cæterum foris illitum ad digerendum & concoquendum idoneum est. At Simeon Sethi, de eo ita quoq; iudicium suum fert, quum dicat, basilica ocima, olfacta, cor, & caput iuuant, si aqua irrigantur humidiora fiunt, & somnum cōciliant, semen eorum cardiacis affectibus succurrit, animi mœrorem ex atra bile ortam, in hilaritatem & lætitiā mutat,

### DE OROBANCHE.

*Græcè, ὄροβαγχη: Latine, orobanche, erui angina: Hispanicè, yerua vaqua: Italicè, herba lupa, coda di leone, herba tora: Gallicè, pain de lieure, fenien: Germanicè, Sommervuurtz.*

## Enarratio CXXXVI.



Orobanche.

**N** Ascitur orobache inter legumina, hordeum & canabin, pedalis altitudinis, cauliculus, & minoris ad ruborem declinans, sine foliis, hirsutus, pinguis, tener, asparagi modo crassus, flore subrutilo, ad album declinante in totum hypocisti similis, nam radix illi, tenera, pollicaris crassitudinis est. Orobanche ex maleficio nomē traxit, quod videlicet, legumina, præcipuè orobum, inter que nasci diximus, strangulet. non illis, se circumligando, vt Theophrastus dixit, sed tantum

Orobache  
cauliculus  
est.

inter ea nascendo, vt experientia indicat. Dicitur verò herba hæc, nonnullis, herba tauri: ab aliis autem herba vacca, eo quod vacca quum eam comedit, illico ad taurum accedit, non minus quoq; cynomorion appellatur, quod canis genitale membrum referat, nam vna parte crassa videtur, alia verò subtilis. De qua ita Galenus lib. viij. de Facultatibus simplicium medicamentorum inquit, breuissimè, sicca frigidaq; temperaturæ est, in primo ordine.

## DE TRAGOPOGONE.

Græcè, *ῥαγοπόγων*: Latine, *tragopogon*, *barbula hirci*: Hispanicè, *barba de cabron*, *yerua*, *noz elhas*: Italicè, *sassefrica*: Gallicè, *barbe de bouc*: Germanicè, *Bocksbart*.

## Enarratio CXXXVII.

**E**st dubio procul herba hæc similis omnino herbae croci, præsertim illa flores purpureos emittens: nam alte-

Tragopogon.

Hermo-  
laus taxa-  
sur.


ra luteos potius flores producit, sed vtriq; radix est parua, bulbosa, aliquantulum oblonga, auellanae magnitudine, dulcis, esui apta, quam pueri in Hispania in campis eradicantes, à similitudine paruarum nucum, nozellas appellitant, & illarū esū maxime oblectantur. Dicitur enim herba hæc barba hirci, quia in calice, nescio quid hircinam barbam representet, quanquam Hermolaus Barbarus vir alioquin doctissimus, parum hoc animaduertit.

## DE ORNITHOGALO.

Græcè, ὄρνιθόγαλον: Latine, ornithogalum: Hispanicè, leche de gallina yerua: Italicè, latte de gallina: Gallicè, churles: Germanicè, Klein erdtuufs.

Enarratio CXXXVIII.

Ornitho,  
galon.



Ornithogalon,

pistrinæ accommodatum, quum id panibus tanquam melanthium iniiciant: Radices quoque huius herbæ dulces sunt, bulbosæ, in victus vsu quotidie venientes, non minus ac castanæ, quas rustici deficiente annona, non prætermittunt, famem, crudis & coctis propulsantes,

Scitent vniuersi cam-  
Spi sceno referti, ornithogalo herba, Dioscoridis picture omnino respondente. Nec minus quoq; inter segetes reperitur herba hæc, sine foliis caulem producent, tenerum, subtilem, tribus quatuorve agnatis, & ipsis etiam tenellis, ex quibus flores prodeunt primo aspectu albi, sed postea penitus inspecti, exterius herbaceo, intus verò tantum lacteo colore deprehenduntur: in medio quorum postea tanquam in pillula semen seruatur,



## DE TUBERIBVS TERRAE.

Græcè, ὑδνα: Latine, tubera: Hispanicè, turmas de tierra: Italicè, tartuffi: Arabicè, ramech: Gallicè, truffes: German. Morchelen, hirtz brunft.

Enarratio CXXXIX.

Tubera.

**P**arit intra se tubera tellus, sine caule, sine foliis, aliisve pignatis, quæ pessimum & terrestrem præbent nutrimentum, & vt tradit Auicenna neruis & stomacho inimica sunt, quæ de causa, consulto iure carniū pinguium tubera elixanda sunt, vel vt Platina lib. de Obsoniis placet, vino lota sub cineribus coquenda sunt, ac sale & pipere aspersa, adhuc calida in conuiujs, post esum carniū comedenda. Erūpunt enim, vt obiter hoc dicamus, tubera tonitru, vnde Aquinas poëta dixit: Et facient lautas optata tonitrua cœnas.

## DE HORTENSI SMILACE.

Græcè, σμίλαξ κηπάια: Latine, smilax hortensis, phaselus: Hispanicè, seyones: Italicè, fagioli, faseli: Arabicè, lubia: Gallicè, fèveoles; Germanicè, Faselen, Vuelsch bonen.

Enarratio CXL.

Phaselus.

**A**Deo clare phaselus vulgatissimum legumen à Dioscoride in præsentī describitur, vt non multis opus sit comprobationibus. Nam renum figura legumen hoc cernitur, aliquando rubrum, aliquando verò album, non nunquam quoq; nigro colore punctum. De quibus omnibus hic Dioscorides simul agit, non verò, vt quidam putant, de vno tantum genere, pluribus variegato coloribus, quod hodie, Italia phaselū Turcicum appellat, vt cap. 101. abunde diximus. cæterum coquuntur hodie in Italia pro cibo, teneræ ac virides cum semine phaseli siliquæ, veluti quoq; olim fieri Dioscorides meminit, cæterū, flatuosum nutrimentū phaselus gignit, nec omnino malum.

## DE MEDICA HERBA.

Græcè, κηδική: Latine, medica: Hispanicè, alfase, eruaye: Arabicè, cot, & alfafasat: Gallicè, saint

*foin, foin de bourgogne : Grand treffle.*

Enarratio CXL I.

**H**Aec non vbiq; prouenit herba: at in regno Valenti-  
no apud Hispanos, abundantissime crescit, vbi quo-  
que illius serendæ diligens, pro saginandis iumentis cura  
habetur, quam Arabica voce, alfalie, vel alfafasat appella-  
re solent, in Gallia quoque eam nasci Ruellius est author,  
vbi trifolium magnum, aut potius Burgundiæ trifolium  
appellari tradit. Dicitur tamen herba ista Medica, quod  
ex Media, in Italiam olim adducta fuerit, vbi quoque ma-  
gna diligentia, pro iumentorum pabulo seriebatur, sed  
nunc quod nouerim, vniuersa Italia ea caret.

DE APHACE.

*Græcè, ἀφάκς ; Latine, Aphace, syluestris vitia:*  
*Gallicè, vesseron, Arabicè, apaki: Germanicè,*  
*Feldvuicken.*

Enarratio CXLII.



*Aphaca en-  
diua spe-  
cies.*

*Fuchsius  
errat.*

*Aphaca.*

**N**Ascitur in pratis &  
prope sepes aphace  
herba, caule quadrato,  
folio lentis, aut campe-  
stris eruiiæ, flore sub-  
rubro, sed postea filicu-  
las quasdam emittit par-  
uas, in quibus semen, ad  
speciei conseruationem  
recondit. Nam aphaca,  
apud Theophrastu long-  
ge alia est herba, vtpote  
cichoreæ altera species,  
quam dentem leonis,  
aut tarraxacum, vel al-  
tarraxacu appellari di-  
ximus. Porro Fuchsius  
in præsentî errat, quum  
aphacen, os mundi, her-  
bam esse dixerit, quum  
proculdubio, os mundi,  
folia

folia maiora habeat, filicis modo alata, herba in altum  
 crescens, & ea de causa, à multis spectaculi gratia in hortis  
 sata habetur: Hodie verò aphace, in Hispania nõ feritur,  
 quia ubiq; , & in omnibus campis, præcipuè fœno refer-  
 tis sua sponte nascatur, vt audio tamen, in nonnullis Italię  
 locis, illius, non minus ac alterius cuiusq; leguminis cura  
 ferendi habetur, de qua Galenus libro sexto, de Faculta-  
 tibus simplicium medicamentorum, ita inquit: Aphace  
 astringit, editurq; vt ipsa lenticula, ægrius tamen con-  
 coquitur: Cæterum valentius desiccatur, & moderati calo-  
 ris est, cætera verò legito lib. j. de Facult. alimen. cap. 6.

### DE PORRO CAPITATO.

Græcè, πρᾶσον κεφαλωτόν: Latinè, *Porrum capita-  
 tum*: Hispanicè, *Puerros*: Italicè, *porri*: Gallicè,  
*Poureaulx*: Arabicè, *Curat*: Germanicè, *Lauch*,  
*Schnitlauch*, & *bryslauch*.



*Porrum capitatum.*



*Porrum sectium.*

## Enarratio CXLIII.

*Prasum  
porrum.  
Prasum  
marrubii.*

**P**rasum, porrum est, prasum verò marrubium, cuius inaduertentia Plinius quandoq; lapsus fuit. Agit igitur Dioscorides de porro capitato, non quidem quòd ab aliis communioribus radices habentibus longas differat; sed potius, quia olim in isto capitato, maior suauitas & & teneritudo quàm in cæteris, percipiebatur. Parabatur autem porrum capitatum, id est, capitis latioris, utpote cepæ modo incrementum habens sequenti modo: quum enim transplantabatur, folia à radicibus auferebantur, ac subtus parum tegula, aut cuiusuis alterius testæ ponebatur, ne porri radix in altum cresceret, sed magis cepæ modo lata fieret, de quibus, & cepis, ac aliis, Galen. lib. ij. de alimentorum facultatibus cap. vltimo sermonè fecit, cum dicit: corpus enim calefacit, & crassos in eo humores extenuat, glutinososque incidit, bis tamen aut ter in aqua decoctum, acrimonia spoliatur, quanquam nec sic quidem vim perdit extenuandi. At Simeon Sethi, porrum calidum & siccum in secundo ordine constituit, dicens quoq; , vriam cit, & mali succi est, assidue comestum visus hebetudinem efficit, difficilia inuehit somnia, & stomacho nocet, genitale semen calefacit, & capitis dolores excitat, iecur, renes, & vesicam ledit, confert ad hæmorrhoidas, bis verò aqua coctum & aceto, & garo & oleo, cum inòq; còditum, salubre est, iis qui frigido sunt stomacho.

## DE AMPELOPRASO.

*Græcè, ἀμπελόπρασον: Latinè, ampeloprasum, vinearum porrum, agreste porrum: Hispanicè, ayos de las vinhas, puerros de las vinhas: Italicè, porro saluatico, porrandelo: Gallicè, porreau de chien, porreau sauluaige: Arabicè, Nabati: Germ. Vuilblauch.*

## Enarratio CXLIIII.

*Porrum vi  
nearum.*

**D**icitur ampeloprasum, quod in vinetis frequentissime nascatur, quo rustici alij loco vescuntur. Durum enim substantiam ampeloprasum habet, & acutum ex se spirat odorem. De quo Galenus libr. vj. de Faculta. simpl. medic. ita inquit, ampeloprason, si inter allium & prason, hoc est, porrum, medium quiddam concipias, facultatem ampelop

ampeloprafi inueneris. Est enim agreſte vt ſic dicam porrum, quamobrem & acrius eo & ſiccus eſt, ſicut agreſtia omnia reliqua hortenſibus, ac proinde ſtomacho quam illud nocentius, ſed & craſſos & lentos humores potētius incidit, valentiuſq; inſarcta organa obſtructione liberat, hac quoq; ratione, vrinas ſæpe prouocauit, vbi à craſſis & lentis retinebantur humoribus, adeo vero eſt calidum vt illitum cataplaſmatis modo exulceret. Dicitur autem eſt antea, quod quæ cum in modum ſunt calida, extremi ſint ordinis. Hæc Galenus: in quorū verborum primordio animaduertendum duximus, quod Galenus, Ampelopraſum viribus conſtituit inter allium & porrum, quum tamen hæc potius ſcorodopraſo, hoc eſt allio porro, quam ampelopraſo, vineto porro, conueniant: quæ quoq; Galenus lib. viij. eiſdem citati voluminis cōfirmavit, quum dixerit ſcorodopraſon, ſicut guſtu & odore mediam ſcorodi, hoc eſt allij, & praſi id eſt porri, qualitatem poſſidet: ita & viribus, vnde prima illa verba, capitũ ampelopraſi, addita ſuperelle pro firmo crediderim.

## DE CEPA

Græcè, κρόμμυον: Latine, Cepa, cepe: Hispanicè, Cebolhas: Italicè, Cipolle: Gallicè, Oignon: Arabicè, Baſil: Germanicè, Zvibel.

## Enarratio. CXLV.

Cepa lachrymoſum olus, vbique vulgatiſſima eſt, cuius dulcis & acris ac media, veluti rubra & alba reperitur, quæ quoq; inter bulbos reponitur, imò Celfus omnia capitata olera, vel quorum radices in victum veniunt, inter bulbos reponit, vt capite de ſcilla quoq; meminimus. Ex quarto enim ordine excaſſificantium cepa eſt, vt tradit Galenus, lib. vij. de Facul. ſimpl. medica. de quo certe haud admirari non poſſum, quum cepam in quarto collocet gradu: ſcillam vero medicamen venenolum in ſecundo tantum. Caterum, cepa vt Simeoni Sethi placet, lotium cit, & ſemen genitale gignit, cibi appetentiam excitat, capitũ dolores facit, & ſtomacho officit, rationem etiam vt aliqui ferunt, lædit: ſi verò coquatur, plurimum malignitatis deponit, & vtilis fit

ad thoracis asperitates, & tusses, hæmorrhoidas impositæ aperit, & cum aceto inunctum, alphas extergit, cetera autem crassarum partium substantiam habeat, humores tamen crassos & lentos extenuat, ventriculum verò inflat, si crebrius quis ea vtatur, in lienis vitia incidit.

## DE ALLIO.

Græcè, σκόροδος: Latine, *Allium*, Hispanicè, ayos: Italicè, aglio: Gallicè, ail: Arabicè, Thum: Germanicè, Knoblauch.

*Allium hortense.**Sylvestre.*

## Enarratio CXLVI.

*Scorodon  
allium.*

**S**corodon quasi σκὰροδος id est rudem rosam, quòd aspere supra modum redoleat, dictum puto, & allium, quòd exilendo crescat, honestum ac gratū rusticæ plebi obsonium est, adeo vt à Columella lib. ij. inter hortorum delicias numeretur, & à Galeno rusticorum theriaca, siue rusticorum antidorum appelletur, quòd ad allium tanquam ad sacrum antidotum & theriacam, quum male sint affecti,



Syluestre.

Vrsinum.

Anguinū  
allium.Vrsinum  
Allium in  
peste.Allium in  
vipera  
morsu.

affecti, concurrant : cuius à Dioscoride in præfenti duo describuntur genera, Hortense siue domesticum : alterum vero syluestre quod Græci ophioscorodon, id est anguinum allium vocant, sua sponte in aruis crescens, folio prælongo, tereti, intus concauo, iunceam speciem representante, radice vero domestico non abfimili. Tertium autem genus, præter hæc duo citata comperitur, vrsinum dictum, in nemoribus nascens, & nunc hortis Italiæ familiare factum, folio persimili lilio conuallis, flore multiplici, albo, odorem allij respirante, radice vero tenui. Cæterum an allium pestilenti morbo conueniat, & in eo tuto dari possit, dubium est: cui quæsitio facile respödemus, quòd in præseruatione pestis, aliis vti, optimum est consilium, quanquam Abinzoarem oppositum asseuerantem videamus: sed re vera, allium veneno aduersari, & optimum esse antidotum, non solum comestum pro pestis præseruatione, sed etiam vt ex eo conficiatur rubricans emplastrum in bubone pestifero certum est. Verum allium in curatione morsus viperæ multum

bb 5 valere,

valere, omnes tradunt, & nos ipsi experientia comprobatum habemus: quo fit, Auicenna Fen sexta, quarti libri, cap. xxxiij. quo de viperæ morsus cura agit, emendandus veniat, quum loco alliorum, Interpres somnum ineptissime interpretatus est, Vocum forsan Arabicarum affinitate deceptus: Nam taumi Arabes allia vocant, naumi vero somnum. Quum igitur Auicenna dicat, quod affectus viperæ morsu, vtatur si possibile est, allis & vini multitudine in potu, quum omnem excedat curationem, medicamen hoc interpres, non alliorum & vini multitudine, vtendum dixit, sed potius somni & vini quantitates: qui sane error vitæ humanæ periculosissimus est. Proinde Auicenna in eo loco vt diximus, emendandus est. Allium authore Galeno libr. viij. de Facul. simpl. medica. desiccatur & excalfacit quarto excessu. Porro, ophioscorodon, agreste allium est, domestico valentius, ceu reliqua agrestia omnia. Sed hæc de scorodo sunt dicta: nam scordion herba, longe alia res est, de qua suo loco plura dicturi sumus,

## DE SCORODOPRASO

Græcè, σκοροδόνπρασον: Latine, *Allium porrum*,  
allium Turcicum: Italicè, *aglio de Turchi*, Germanicè, *Feldknoblauch*.

## Enarratio CXLVII.

**Decipitur** Scorodoprason herba, à natura producta est, non vero  
**Marcellus** Sab holitore ex allio & porro composita, vt Marcellus  
**Virgilius.** Virgilius putat. Nascitur in aruis foliis porri, quæ & in hortis iam hodie spectaculi gratia cernitur, & illam Turcicum allium vel Turcarum porrum appellant, allij & porri vires possidens, vt de eo testatur Gale. loco superius citato dicens: Scorodoprason, sicut gustu & odore mediam scorodi hoc est allij, & prasi id est porri, qualitatem possidet, ita & viribus.

## DE SINAPI.

Græcè, σίνυπι ἢ σάπυ: Latine, *Sinapi*, Hispanicè, *Mostarda*, mostaza: Italicè, *senape*: Gallicè, *senneue*: Arabicè, *Cardel*: Germanicè, *Zam oder garten senff*.



## Enarratio CXLVIII.



Sinapi.

Sinapis vt Athenęo pla-  
 Scet, hic dicitur quod *Sinapis.*  
 olfactu suo luminibus  
 officiat, cuius duo ha-  
 bentur genera. Alterum,  
 caulem habens hirsutum,  
 longum, ramosum, folia  
 rari, minora tamen &  
 asperiora, flores luteos,  
 siliquas rotundas ac hir-  
 sutas, plenas semine par-  
 uo, minuto, & candican-  
 te. Alterum verò hirsuto  
 quoque caule præditum  
 est, minore tamen, fo-  
 liis erucæ, sed maioribus  
 & latioribus, ac lacini-  
 atis, floribus albicantibus,  
 crucisque effigiem refe-  
 rentibus, siliquis tereti-  
 bus, & oblongis, semine

pullo rufescente refertis. Cæterum, ex sinapi, adiecta  
 panis medulla & aceto, conditum paratur, probubus  
 potissimum & duris piscibus comedendis, accommoda-  
 tum, non minus quoque ex musto rubro & sinapi, apud  
 Gallos frequentissime quoque concinnatur, veluti ex po-  
 mis sinape, cinnamomo & melle: est enim sinapis semen  
 calidum & siccum quarto ordine, ex quo sinapismus ad  
 exulcerationem paratur, vt Galenus ex mente Archige-  
 nis libris de Locis affectis meminit, oleum porro ex eo  
 confectum in officinis prostat.

*Sinapis te-  
 peratura.*

## DE NASTURTIO.

Græcè, κάπταυρος: Latinè, nasturtium: Arabicè,  
 harf: Hispanicè, nasturcyos, malpica: Italicè,  
 agreto: Gallicè, cresson aленоis: Germanicè, Gar-  
 ten kressen.



Nasturtium hortense.



Sylvestre.

## Enarratio CXLIX.

Nasturtiū.

Nasturtiū

venerem

incitat.

Plinius er-

rat.

**N**asturtium appellatum est, à naribus torquendis, quòd odore & seminis acrimonia sternutamenta prouocet, cuius genera sunt duo, sylvestre & domesticū: de sylvestri paulò antea diximus lib.j. capite de hiberide siue vicetoxico: nunc autem de satiuo, siue domestico sermo habetur, quod egregie inter olera prouenit, & Venerem stimulat, quanquam Plin. lib. xx. cap. 13. illud eam inhibere contendat, non absq; errore tamen, vt experientia quotidiana docet. De quo Galenus lib. 7. de Facultatibus simplicium medicamentorū ita prodit: Nasturtij semen, adurentis facultatis est particeps, veluti napy. proinde omnia quæ rubrificationē postulant, eo excalfaciunt: miscetur quoque remediis quæ exhibentur asthmaticis, tanquam valèter crassos succos incidere valeat: porro & herba arefacta semini similem facultatem sortitur: nam quæ humida est, & viridis, multis numeris inferiorem.

## DE THLASPI.

Græcè, θλάσσι: Latine, thlaspi: Hispanicè, Lusitanicè, paniqueso de flor blanco yerna: Gallicè, senne sauvage: Germanicè, Besem kraut.



Latifolium.



Angustifolium.

## Enarratio . C L.

**T**anta est thlaspis herbae similitudo, cum ea quam *Thlaspi*, officinae bursam pastoris appellant, ut nonnulli herbariorum, eam quoque bursam pastoris nominauerint: At reuera inter se multum differunt, quum folia in thlaspide diuisa in summitate esse videmus, crassa, stricta, longitudinis digitalis, saporis acuti, non insuauis. Vnde fit, quod pueri Hispaniae illis vescentes, panem & caseum, herbam istam appellent: accedunt iis, quod flores thlaspis, albi semper sunt: in bursa vero pastoris, plerumque lutei conspiciuntur. Semen quoque in thlaspi, rubrum acutum, & latum percipimus, ut eas inter se, ut viribus, ita & figura differentes dicamus.

*Bursa pa-  
storis her-  
ba.*

dicamus. De qua Galen. lib. vj. de Facultat. simplic. medic. ita tradit: Semen eius facultatem acrem sortitur, adeo vt internos abscessus potū disrumpat, menses ciet, & foetum enecat, per sedem infusum sanguinolēta euacuans, ischia- dibus prodest, euacuatque superne & inferne bilem ory- baphi mensura epotum. Verum, herba bursa pastoris di- cta, frigida & sicca cum quadā stypticitate est, cuius suc- cus recens extractus, vulnera recentia glutinat, & aceto mixtus, inflammationes & erysipelata sanat. Nam ex ea, & plantagine, parata in aqua pluuiali decoctio, cum bolo Armeno, dysentericis & hæmoptoicis, id est sanguinem è pectore screantibus, medetur. Demum, herba ista pro- sistendo quocunque sanguine fluente, accommodata est, & merito vulneraria dicta.

### DE ARABIDE.

*Gracè, ἀράβις ἢ ἀράβη: Latine, Arabis, draba.*

#### Enarratio C L I.

*Arabis.*

**H**anc & si Ruellius in Gallia nasci, præsertim in lo- cis nuper cultis, eamque cuminum syluestre à vulgo appellari tradat, bucusq; tamen nunquam eam videre po- tui. Proinde, crederem herbā hanc, potius apud Cappado- ces particularem esse, cuius semine frequentissime in ci- bariis vtuntur, quàm vel in Hispania, vel Italia nasci.

### DE ERYSIMO.

*Gracè, ἔρυσιμον: Latine, irio: Hispanicè, rinchaon:  
Gallicè, tortelle: Germanicè, Vuilder senff.*

#### Enarratio C L I I.

**D**ioscoridis erysimon, siue irio, multum ab eo quod Theophrastus describit, differt, quum erysimon hoc Dioscoridis, herba pascim in ruderibus, & fossis nascens sit, folio syluestri eruca persimili, flore luteo, caule ramo- so, lento, frangenti, cōtumaci, nam floris loco, siliquæ cor- niculorum figura prodeunt, in quibus semen minutum, sinapi vel nasturtio simile includitur: de quo Galen. loqui- tur lib. vj. de Faculta. simplic. medic. & Plin. lib. xxij. cap. vltimo. Nam Theophrasti erysimon frugū genus quod- dam est, hordeo vel speltæ perquam simile, de quo Plin. lib. xvij. cap. 7. & 10. locutus fuit, & Galen. i. de Facultat. aliment.

*Erysimon  
Theophra-  
sti frugum  
genus est.*

aliment. lib. vbi sesamo, irionis semen simile fecit. Quod verò frugis genus hoc hodie sit, dubitatur, quū Ruellius, tritici quoddam genus, ab Italis frumentonum dictum, esse credat, mea tamē sententia nō sine errore, quum irionis folia, interdum virent, vt refert Theophrastus, à iumentis non edantur, quum tamen folia huius frumentoni auidissime, ab illis comedantur, nec vllam cum sesamo contrahit similitudinem, vt facile Ruellius conuincatur, quòd Theophrasti erysimon tritici genus dictum non sit.

Ruellius  
errat.

## DE PIPERE.

Græcè, *πέπερι*: Latine, *piper*: Hispanicè, *pimienta*: Italicè, *pepe*: Arabicè, *fulful*: Gallicè, *poiure*: Germanicè: Pfeffer.

## Enarratio CLIII.

Nascitur piper apud Indos, eo modo quo apud nos hederæ, sic enim quoque piperis planta parietibus & arboribus hæret, circumuoluiturque folio mali cotonei, sed rotundiore, quanquã piper quoq; in planta folia vitis ferente, nasci à nōnullis visum est, & hodie Venetiis in nonnullis hortis conspicitur. Nascitur enim prius piper, affixum ramulo, tanquam verruca carni, sed postea, pediculis tanquam hederæ bacea pendet. Virides namq; piperis racemos, aceto seruatos, ex India, ad nos Amici transuexerunt: ex quibus exacte conscij sumus, quod piper eo modo dicto crescat, nascaturve, sed quum ad maturitatē peruenit, colligitur, & in storeis ad torridū Solem ponitur, vbi eo modo quo nos corrugatū videmus efficitur. Interdum autem granum hoc omphax, ac immaturū est, album piper appellatur, ita vt piper nigrum, & album eiusdem sit arboris fructus, nec in alio differat, quàm maiori vel minori maturatione. An verò piper album, nigro calidius sit, vel è contrario, variant Authores. Nam Dioscorides, nigrum calidius, ac maiori acrimonia præditū, gratiusq; cibis esse testatur: Galen. verò, lib. viij. Simplicium, contrarium contendit, vtcunq; tamen sit, vterq; errat, quia piper longum eiusdem arboris, fructum esse eredant, quum reuera, piper longum, alterius arboris fructus sit, qui ex insula Somatra, Taprobana dicta adfertur, valenter enim

Piper, *nigro*

Piperis genus quod calidius sit Galenus errat. Dioscori, errat.

omnia

*Piper longum.*

*Diatrion pipercon. Caryophyllum.*

*Carpesium cubeba est.*

omnia hæc tria piperis genera calfaciunt, tum deficcant, & vt quarto lib. de Sanitate tuenda refert, piper longum, flatuosi spiritus crassitudinem soluit, & quæ in præcordiis pigra cessant, ad ventrem inferiorem depellit, & concoctioni ciborum subuenit, & subdit: Si huius copia non est, utiq; albo vtendum, quippe quod supra duo reliqua genera ventrem roborat: Sin hoc non adest, optimum nigrum petendum est: id verò fuerit, quod pondere præcellit. Paratur enim ex omnibus compositum, diatrion pipercon dictum. Cæterum quum de pipere locuti simus, non abre quoq; fuerit, de caryophyllo præstatissimo aromate, verbum facere, quum culinæ multum deseruiat, tamen si eo antiquitas pro odoramento, referente Plinio, tantum vtatur. Est igitur caryophyllon festucarius quidam flos cuiusdam arboris apud Indos nascentis, buxo, tum figura, trunco & folio persimilis: falluntur qui caryophyllo folium nucis, aut cinnamomi inesse autumant, quum reuera, arbor caryophyllorum, buxi folio vestiatur: vnde Paulus Aegineta, libr. vij. suæ medicinæ recte hoc animaduertens dixit: Caryophyllon, quasi dicas, nucifolium non eam habet substantiam, quæ nomine prætenditur: sed ex India, veluti flores cuiusdam arboris festucaceæ, & nigri sunt, longitudine pollicari, propemodum odorati, acres, subamari, calidi & sicci in tertio ordine, qui multiplicis vsus sunt, tum in faciei medicamentis, tum in aliis. Apud Galenum tamen, nusquam quod meminerim, de illis mentio facta est, quanquam Serapio, cap. 307, Galenum citet, & paulo post dicat: Paulus quidem dixit sicut Galenus de litera ad literam, vnde significatur, quòd ea ab eo transtulit, & subdit: cõfert enim stomacho caryophyllon, & epati, confortat cor, ventrem constringit, & cibum concoquit, pondere vero quatuor scryptulorù cum lacte, ieiuno stomacho, potentiam veneream corroborat. Iis carpesium proximum est, quod cubeba officinis dicitur, vt libr. j. meminimus, & Actuarius confirmat, non enim carpesium, zedoaria siue zurumbet Arabum est, vt Mathiolus augurat, quum potius, vt dicimus carpesium cubeba sit, de quo Galenus lib. vij. de Facul. simpl. medic. ita inquit: Carpesium simile est valerianæ, tum gustu, tum facultate, sed plus habet tenuitatis, proinde magis ea viscerum

serum obstructions extergit, urinam mouet, renesque calculis degrauat expurgat.

## DE ZINGIBERE.

Græcè, *Zyrribegis*: Latine, *Zingiber*: Hispanicè,  
*Gengiure*: Italicè, *gengero*: Gallicè, *Gingembre*,  
 Arabicè, *Zingibel*: Germanicè, *Imber*.

## ENARRATIO CLIIII.

*Zingiber.*

**I**Ta enim apud Indos Zingiber seritur, quo apud nos  
 allia, imo Zingiber, cannarum & veluti alliorum folia  
 emittit, quibus in iusculis & coquinario vsu, ac acetario,  
 Indiani, veluti nos alliorum foliis, vtuntur: aduehitur  
 porro zingiber ex insula Cananoris. Radix alba nodosa,  
 multidiuisa, odorata, saporis acuti, quæ ne euanescat, ac  
 vermibus corrodat, terra quadam rubra aqua dissoluta,  
 inficitur, ac sic infectam, rubrum zingiber appellant.  
 Affertur enim ex India saccharo conditum, senibus, & pi-  
 tuitosis, ac frigidis, & male concoquentibus stomachis  
 accommodatum, quanquam Venetiis & variis aliis locis,  
 siccum zingiber lixiuio emollitum prius, saccharo quoque  
 paratur, non adeo tamen bonum, vt ex India aduectum.  
 De zingiberis vero viribus, ita meminit Gale. libr. vj. de  
 Facul. simpl. medic. Zingiberis radix exalfacit, sed non  
 primo statim occurſu, veluti piper: vnde sane & minus  
 esse subtilium partium quam piper, existimanda: Etenim  
 illaboratam quandam, & crassam retinere in se videtur  
 humiditatem, quemadmodum piper longum, quare diu-  
 tius perseuerat quæ proficiscitur à zingibere, aut pipere  
 longo caliditas, quam quæ ab albo aut nigro. Porro vbi  
 totum corpus celerrime calfacere consilium est, ea tunc  
 exhibenda sunt, quæ & celerrime à caloris nostri contactu  
 incalescant, & promptissime vndequaque ferantur. Verum  
 vbi partem quamuis refrigeratam recalfacere studemus,  
 contra agendum, nimirum quæ tarde calescentia, pluri-  
 mo tempore perdurent, ea præbendo. Caterum, licet zin-  
 giber & piper longum, hac prædicta ratione à nigro pi-  
 pere differant, non magna tamen est differentia. At na-  
 sturtium, napy, tapsia, & agrestium columbarum stercus,  
 maiori tempore perfecte accenduntur, & plurimo tem-  
 pore

*Zedoaria.* pore perdurant. Cæterum zingiberi aroma aliud simile videtur, quod zedoariam: Arabes vero, zurumbet vocant, à Græcis vt dixi, prætermiffum: quia carpesium *Zurumbet.* cubeba est, non vero zedoaria, de qua Serapio, cap. 169, ita inquit: zurumbet, id est zedoaria, calidum & ficcum in fecundo gradu est, impinguat conueniente obefitate, & aufert ventofitates, & de eius proprietate est, alliorum, ceparum, & vini, tetrum odorem aufere, item morfu venenoforum animantium opitulatur, & craffas ventofitates refoluit, ac ventrem constringit: quibus adde apstemata quæ sunt in matrice refoluit, vomitum retine, & colicam affectionem curat.

## DE HYDROPIPERE.

*Græcè, ὑδροπέπερι: Latinè, Hydropiper, persicaria non maculata: Hispanicè, hierna pexiguera sin manchas: Italicè, herba persicaria: Germanicè, Mucken kraut, vuasser pfeffer.*

## Enarratio CLV.

*Hydropiper.* **H**Ydropiper siue aquaticum piper, vt paucis dicamus, persicaria herba absq; literulis est, sic dicta, quia folia persicæ arboris similia habet: Nam absq; literulis siue maculis aut notis dicitur, ad differentiam alterius, maculis insignitæ. Est igitur herba hæc persicaria immaculata dicta, sapore acuta, acinosum semē, & acutum quoq; habens, aquosis in locis plerunq; nascens, in vniuersum descriptioni hydropiperis respondens, vt merito affirmare debeamus, persicariam officinarum absque notis, Græcorum hydropiper esse. Vnde mirari satis nō possum *Ruellius* Ruellium virum alioqui doctissimum, qui tam intentate scriptum reliquerit, quod eupatorium cōmune officinarum, canabis folia habens, hydropiper sit, quum tantum reuera inter se differant, quantum beta à portulaca. Cæterum siliquastrum vel piperitis à Plinio descripta, lib. xx, cap. 17. ea est herba, cuius mentionem lib. j. cap. de Cardamomo fecimus, quæ pyramidales siliquas, cordis modo, profert, vnde siliquastrum nomē meruit, & piper Hispanum siue piper Indianum appellant: Auicenna verò zingiber caninum appellare videtur, cuius siliquæ maturæ rubræ coralli



coralli modo lucentes sunt, tanti feruoris & acuminis, vt piper excedere, ac sapore superare videantur. Nam piperitis, vulgaris herba, vt diximus, alia res est. De hydro-pipere verò perficaria dicta, loquitur Galenus lib. viij, de Facultatibus simplicium medicamentorum dicens: hydro-piperi à locis in quibus nascitur, & à similitudine quæ illi cum pipere in gustu est, nomen sortitum est. Ceterum, non vîq; adeo calidum est quàm piper, attamè herba ipsa etiamnum viridis, cataplasmatibus in modum imposita sugillata & tumores induratos digerit.

## DE PTARMICA.

Græcè *πταρμική*: Latine, *Ptarmica*: Italicè, *Oliuella*: Hispanicè, *Pelitre saluatico*: Germanicè, *Vvilderbertram*.

## Enarratio c. l. v. i.



Ptarmica.

ceteras ecchymoses digerit: Viridis porrò calfacit, secundo ordine, tertio autem siccatur.

**P**TARMON, Latini sternutamentū vertunt, vnde ptarmice, quia sternutamentum iterare faciat, nomen habet, herba pyrethro non absumilis, tum folio, flore, & saporis acutic, vellicat enim linguam pyrethri modo, quanquam mitius, flores porro, anthemidis siue camomilla, rotundi in huius herbe summitate apparent, qui acri suo odore, nares ferientes sternutamentum irritant, & vt tradit Galenus libro octauo citato, præterdicta, sugillata &

## DE STRUTHIO.

Græcè, *εγobbiou*, Latine, *radicula*, Arab. *Condes*,

## Enarratio CLVII.

**S**Truthion, siue radícula, aut fullonum herba, Arabum  
 Scodisi est, quam nostri saponariam appellant, cuius  
 species duæ hodie visuntur, altera parua, flores lanosos  
 producens, humi sparsa, & ea de causa, à Græcis, *χαμαίεσσις*,  
 appellata, quæ aqua manibus fricata, ex se spumam emit-  
 tit, qualem à sapone oriri videmus, Hispanis admodum  
 familiaris, sub nomine saponariæ. Altera verò ab herba-  
 riis hodie indicatur lanaria herba, siue saponaria, hortis  
 familiarissima, clymeni folia habens, caulem vero rotun-  
 dum, nodosum, nõ verò fabaceum, vt in clymeno conspi-  
 citur, quæ dubio procul, multum ab ea quam Plin. lib. xix.  
 cap. 3. describit, abest, vtriusq; tamen radix, pro sternuta-  
 mento euocando, in vsum trahitur. De qua Gale. lib. viij.  
 citati voluminis dixit: Radix eius est acris, calida, siccaq;  
 temperamento, ex quarto propemodum ordine excalfi-  
 cientium, sed & abstergit, & irritat, proinde & sternuta-  
 tionem prouocat. Cæterum, vnde herba ista, struthion, sit di-  
 cta, non satis constat, nisi forte à foliorum ordine, quæ quo-  
 dantenus auium alas imitantur, nam Græcorum struthon siue  
 struthion, Romanis passer est. Sed quum de struthio loquor,  
 in mentem venit herba quædam, apud Lusitanos, non nisi  
 in muris patriæ meæ Castelli Albi, & Nisiz, oppidi cir-  
 cumuicini, nascens, quæ dubio procul, tanquam naturæ mi-  
 raculum adduci potest. Est enim herba hæc, in muris, va-  
 stissimis lapidibus constructis, illis, nascens, nec aliter  
 quam inter vtrunq; lapidem crescens, caule bicubitali, &  
 ampliori, lanuginoso, folio parietariæ, resinoso, florem  
 verò si spectes, passerulum, aut auiculam albissimam, la-  
 nugine quadam vestita dices, vt inde nostri, herbam istam  
 non nisi passerulorum, aut auicularum herbam appellant,  
 floret autem veris tempore, ac in hyeme emarcescit, postea  
 verò, verno tempore repullulat. Nec enim alibi, quam in  
 iis duobus citatis locis, herbam hanc vnquam mihi videre  
 contigit. Nullius præterea vt hæc dicamus, odoris flos hic  
 est, imò tota ipsa herba ad nullos vsus medicos seruaba-  
 tur: Olim verò causam huius floris inuestigans, nõ aliam  
 inueni,

*Herba pas-  
 serulorū.*

inueni, quàm quòd struthij, passerès dicti, inter illos magna molis lapides, nidificant, ex quibus semen eiaculatum herbæ radicem attingere, ac eam inficere, erat possibile, adeo vt inde, & cœlo fauente: flos ille auiculæ modo effigiatus euaserit.

κυκλάμινα

## DE CYCLAMINE.

Græcè, κυκλάμινα ☉: Latinè, *Cyclaminus*, rapum terra: Hispanicè, pan de purco: Italicè, pan porcino, ciclamino: Gallicè, pain de pourceau: Arabicè, Buchormarien: Germanicè, Erdvuurtz, oder apffel, Schuuein oder seuubrot.

### Enarratio CLVIII.



*Cyclaminus.*

ac suffusus cum melle illitus competit: ad hæc per nares expurgat, adeo vehemens eius facultas sit, vt abdomine illito, subducatur aluum, & fœtum perimat. Tota autem radix succo imbecillior est, quanquam & ipsa vehemens

**D**icitur cyclaminus, panis porcino, quia à porcis audivissime eius radix tuberosa manditur. Nota enim herba est, & à seplasiariis in continuo usu habita, cuius vires Galenus inuestigans ita lib. vii. de Facultatibus simplicium medicamentorū tradit: Abstergit, incidit, ora venarū aperit, attrahit, & digerit, succus eius hæmorrhoidas reserat, violenterque ad secessum prouocat in floccis appositus. Sic etiam facultatibus phymata, strumas, aliasq; durities digerētibus commiscetur,

fatis. Nam & menses siue epota, siue apposita, euocat & aurigini prodest. Modus eius bibendi est drachmarum trium, siue cum meliocrato, siue cum passo, cutem detergit, ac tum alopecias, ephelidas, omniaque exanthemata curat, necnon auxilio est lieni indurato. Mesue vero, calidam & siccam in tertio ordine hanc collocat herbam.

### DE ALTERA CYCLAMINO.

Græcè, κυκλάμινος ἑτέρα: Latine, *Altera cyclaminus.*

#### Enarratio CLIX.



Ruellius  
fallitur.

*Cyclaminus unico folio.*

suo dicemus loco. Porro Mathioli Senensis, hanc secundam cyclaminum à se conspectam affirmat, radice parua, auellanae perfimili, quam hucusque nos nunquam videre potuimus.

### DE DRACUNCULO MAIORI.

Græcè, δρακόντιον: Latine, *Dracontium, dracunculus maior, Proserpinalis Apuleio, Hispan. Taragontia,*

gontia, Italicè, dragontea maggiore: Gallicè, Serpentine: Arabicè, Luf: Germanicè, Schlangen kraut.

## Enarratio C L X.



*Dracunculi. 1. species.*


haberet annos, totidemq; esse folia. Libro quoq; xxv. cap. 2. In Lusitania, inquit, cognoui in agro hospitis, nuper ibi repertū dracunculū appellatū, caulē pollicari crassitudine, versicoloribus viperarum maculis, quem ferebant contra omnium morsus esse remedium. Alius est quem nos in priori volumine eiusdem nominis diximus, sed huic alia figura, aliudque miraculum, exeuntis è terra ad primas serpentiū vernationes bipedali fere altitudine, & cætera. Ex hac igitur multiplici dracunculi differentia satis clare patet, quàm perperam dicant ij, qui caput sequens Dioscoridi superadditum esse contendunt, quum dracunculus maior in multis crescat prouinciis, longe à minori differens. Nam apud Flandros & Gallos, Italosque procerè crescit, ita vt Sephasiarj ad tabernas, tanquam

Varias esse dracunculi species, testatur Plinius lib. xxiii. capite 16. vbi ita inquit: Id autem quod Græci dracontion vocant, triplici effigie mihi demonstratum est, foliis betæ, non sine thyrsō, flore purpureo: hoc est simile aro. Alij radice longa, veluti signata articulosaq; monstrauere, tribus omnino cauliculis, folia eius ex aceto decoqui cōtra serpentium ictus, iubentes: Tertia demonstrata fuit, folio maiore quàm cornus, radice harundinea, totidem vt affirmabant geniculata nodis, quot

Legitur apud Plinea, & loquitur de lacetania, Hispania proxima parte. vide apud ipsū Plin. de Lacetaniis lib. 3. & cap. 3.

ſpectaculum, ac prætereuntium remoram, cum ponant, præſertim quãdo purpureo illo flore, cornu modo oblongo floret. Nam tunc, res mira, ac horrenda apparet. Cæterum Galenus dracuntiorum omniũ, vtpote eaſdem ferè facultates habentium, ſub vno capite mentionem fecit, dicens: *Quiddam aro perſimile obtinet, tum foliis, tum radice: cæterum illo acrius eſt, & amarius ac proinde calfactorium magis, & tenuioribus partibus. Habet etiam & aſtrictionẽ leuiculam: radix omnia viſcera expurgat, optimumque remedium eſt contumacium vlcerum. Verum extergit etiam cætera omnia, quæ exterſionem deſiderant: folia præterea ſimilem facultatem ſortiuntur, ob idque ſi ſint viridia, recentia vulnera glutinant, fructus valentior eſt, nõ foliis tantum, ſed radice, itaq; & caneros, & polypodas creditur eliquare, ſuccus eius quoq; vitia oculorum expurgat. Hæc Galenus. Cæterũ dracontium hoc calidum & ſiccum in ſecũdo ordine eſt, aluum quoq; tentans, vt experientia quotidiana indicat, quare Manardum hic minus bene Meſuem taxare, certum eſt.*

*Manardus  
non bene  
Meſuem ta  
xat.*



*Dracuncu  
lus minor.*

*Dracunculi. 2. ſpecies.*

## DE DRACVN- CVLO MINORI.

*Græcè, δρακόντιον μι-  
νέρον; Latine, dracun-  
culus minor, dracun-  
tium minus: Hispanicè,  
taragontia, hierua co-  
lubrina: Italicè, dra-  
gontea minore: Gallicè,  
ſerpentine: Ger. Klein  
ſchlangen kraut.*

Enarratio CLXI.

**D**racunculus minor, qui viperina, aut dracontia, ob eius quoq; maculatum caulem dicitur, vbiq; vulgaris eſt, & officinis

einis satis cognitus, cuius radix abortum facit, & aluum subducit, ac magnifice faciem abstergit: qua de causa, ex ea mulieres pro polienda facie, quotidie vnguentum parant. Cæterum, in vniuersa Italia, herba quædam hodie comperitur, quam draconè, siue draconeam, aut draconium appellant, folio oblongo, hyssopi modo, sed ampliori, sapore feruido, acetum & salem referente, & ea de causa, acetariis expetita, quia vtriusque saporem, in ea herbarum miscella superet, ita vt nec salem, nec acetum, sit opus addere. Nascitur autem herba ista, ex semine lini in cepa incluso.

*Dracon  
herba.*

### DE ARO.

Græcè, ἀροϋ: Latinè, arum, Hispanicè, yaro, foia de yaro: Italicè, aro, Iaro: Gallicè, vit de prestre: Germanicè, Pfaffenpint, arona.

#### Enarratio CLXII.



*Arum.*

**A**Rum commune *Arum.* nis, & nusquã non familiaris habetur herba, diuersimode tamen, quum non vbiq; æqualiter nascatur, acris, imò aliquando adeo mitis eius comperitur radix, vt rapæ modo, edi possit, quemadmodum Galenum adnotasse legimus lib. ij. de Facult. alimentorum, cap. 63. qui quoq; de illius viribus lib. vj. de Facult. simplic. medic. ita inquit: Medio-crem extergedi vim possidet, estque pri-

mi ordinis calfacientium, & exiccantium, radices eius

comesa mediocriter humorum crassitiem incidunt; ita ut sint excretionibus ex pectore idoneæ. Hæc Galenus. Verum herba ista, ut viribus differens quâdoq; reperitur, ita quoq; & radicis colore variâ cernitur, quo factum est, ut Dioscorides, candidam radicem habere arum tradat: Plinius verò nigram libro xxiii. capite xvj.

## DE ARISARO.

*Græcè, ἀρισάρον, Latinè, Arisarum: Hispanicè, fraylillos hierua, fradinhos hierua: Italicè, erisaro.*

## ENARRATIO CLXIII.

*Arisarum*

**E**st ut refert Plinius libr. xxiii. ca. xvj. & res ipsa indicat, arifaris, vel arifaron, aro similis herbula, minor tamen, & minoribus ornata foliis, radice vero oliuæ magnitudine, qua multi tâquam pretiosissimo secreto apud Germanos inferiores contra pestem vtuntur, vocant autem Hispani herbam istam, plurali numero, fraylillos, id est fraterculus, forsan quia figura monachulum referre videatur.

## DE ASPHODELO.

*Græcè, ἀσφόδελο: Latinè, asphodelus, hastula regia, Hispanicè, Gamones, gamonitos: Italicè, Amphodello: Gallicè, Aphrodille: Arabicè, Biruach: Germanicè, Goldtvuertz.*

## ENARRATIO CLXIII.

**A**sphodelus officinarum affodillus est, herba hastula regia dicta, ob id quòd omnium plantarum, quæ bulbos habent, maximum proferat caulem, cui radices coaceruatæ, multæ glandibus similes, in longitudine sunt, colore vero aureo, sapore acri, quæ in vniuersa Hispania passim in pratis & conuallibus reperitur. Nam in frigidioribus regionibus difficulter nascitur, & Anthuerpiæ semel tantum, & eam quidem in horto Martini chirurgici satam vidi. Nostro hoc tempore, huius radices in vsum victus non veniunt, ut olim veniebant. & Hesiodus ac Plinius cæterique antiquissimi viri affirmant, imò tam nunc alienus hominibus cibus, asphodelus est, ut potius pro muribus interficiendis, ipsa hodie vtantur.

Vnde



Vnde & merito illius radices, inter medicamenta erodentia, censendæ sunt, non vero inter olera, vt prisci faciebant. De qua Galenus, lib. vj. de Facult. simpl. medica. ita prodit: Huius radix extergentis est facultatis, vsta autem cinis, calidior, exiccantior, subtilior, ac digerere potentior existit, ac proinde alopecias sanat.

## CONSTANTINVS.

**A**sphodelum etiam heroion dictam scribit Plinius lib. xxij. Cap. eodẽ, in syluis nasci dixit Hesiodus, Dyonisius marem ac feminam esse: Folium habet oblongum, inquit idem author lib. xx. Cap. 17. radix naris modicis similis est, neq; alia numerosior. 80. Simul acervatis sæpè bulbis. Theophrastus & serè Græci, princepsq; Pythagoras caulem eius cubitalem, & sæpè duum cubitorum, folijs porri sylvestris anthericon vocauerunt: radicem verò: id est bulbos, asphodelum: nostri inquit idem Plinius, illud albucum vocant, & asphodelum hastulam regiam. Nicander & contra serpentes & scorpiones, vel caulem quem Anthericon vocari tradidimus, vel semen, vel bulbos dedit in vino. Mandebantur enim olim bulbi, quod nostris temporibus desitum. in huius plantæ nominibus, inter se non consentiunt authores tantum interpretum culpa, maximè Dioscoridis, qui huius hæc verba de Asphodelo li. ij. Cap. 199. καυλὸν ἢ ἄλλο ἐχούσα ἐπ' αὐτῆς αὐτὸ καὶ ἄλλοθεν αὐθεντικόν, ita interpretantur: caule leui, ferente in cacumine florem, quem anthericon appellant: cum adiectiuum καυλόμενον id est vocatum, referendum sit ad caulem, non ad florem vt optimè Plinius ostendit: quod miror adhuc à nemine animaduersum. super hac materia vide Aulum Gellium lib. xviij. Cap. 2. Et Theophrastum lib. vij. Cap. 12. de historia plantarum, qui anthericon videtur surpassasse pro tota planta, vt etiam obseruauit Caluus antiquarius, qui tamen nec ipse Dioscoridem intellexit. Interpretes Theocriti à se facere Theophrastum asseruit, cum illud enarrans apud ipsum Theocritum, Αὐτὰρ ὄρε αὐθεντικῶσι καλὰν πλέην ἀκροδοξίαν Σχόινω ἐπαεμύσθων, Anthericos inquit, fructus asphodeli, cuius folia porri sylvestris maiora & latiora: caulis vero antherix vocatur, cubitali vel amplius magnitudine, hoc ipsum ait & Theophrastus. Asphodeli mentionem & Homerus fecit, Lucianusq; manes eo vesci tradidit. Decantatumq; illud Hesiodi ἢ ἄ' ὄσση ἐν μαλακῆς τε ἠεὶ ἀσφοδέλω μέγ' ὄνησας. Nec taceandum illud, quod apud Dioscoridem lib. j. Capite de Rhamno in impressis Græcè codicibus, de rhamni fructu legatur, ἰσικὸς ἀσφο-

*ἄλω. id verticilo similem interpretes reddiderunt, quod & Thesamus adnotavit in dictione Asphodelos libri menda deceptus: legendum enim σπονδυλίω, ut & credibile Ruellium, ceterosq; legisse in fideliori Codice.*

## DE BVLBO VOMITORIO.

*Gracè, Βολβός ἐμετικός: Latine, Bulbus vomitorius: Arabicè, Zir.*

Enarratio CLXV.

*Bulbus.*

**B**ulbus vomitorius, ad differentiam cibarij bulbi, qui vomitum ciet, dicitur, planta quæ foliis nigris, & radice alio persimili vestitur.

## DE BVLBO, QUI EDENDO EST.

*Gracè, Βολβός ἐδωδιμῶς: Latine, bulbus esculentus, Arabicè, Basâr alzir.*

Enarratio CLXVI.

*Bulbus esculentus.*

tanti fecit Pythagoras bulbos Megarenfes, ut de eorum natura

**F**requenti in vfu, bulbus qui edendo est, habetur: cepa quidè parua, oblonga, rubra, quæ vnerem irritat, & Afcalonitam, siue Afcaloniam cepam, quia ab Afcalone oppido Syriæ aduectam, appellant, de qua Martialis in epigramate dixit,

*Quum fit anus cõiux, & sint tibi mortua membra.*

*Nihil aliud bulbis quã satur esse potest.*

Vnde & merito, Marcus Varro, in nuptiis bulbos edendos suadet, cui Apitius assentitur, dum modo, nuclei pinei, erucz succus, & parum piperis dictis addatur. Ceterum,

natura

natura, integrum, vt fertur, composuerit volumen, inter quos scillam, & pancratium præcipuè numerare est, aliaq; diuersa genera vt, apud Theophrastum, lib. viij. de Plantarum historia legere est, & Plinium lib. xix. cap. 5.

## CONSTANTINVS.

**F**allitur *Lustanus*, est enim & bulbus vomitorius & esculentus nostris hominibus ignotus: Atq; *Ascalonica* ab oppido Iudæa nominata. *Plinius* enumerat inter cepe genera lib. xix. cap. 6. & *Theophr.* lib. viij. Cap. 4. de bulbo vomitorio ab effectu vide *Plinium* lib. xx. Cap. 9. qui bulborum syluestrium florem anemonem etiam vocat lib. xxj. Cap. II. De bulbis etiam *Galenus* lib. vi. *Paulus Aeg.* lib. viij. *Martialis.* lib. xij. *Columella* lib. x. Quæq; viros acunt armantq; puellas, iam *Megaris* veniant genitalia semina bulbi. *Megarenses* enim plurimi fecit *Cato*. Bulbus *Græcis* est, βολβός accepit tamen *Aristoph.* in *Neb.* pro tuberibus cum dixit βολβός ἀγὰρ ἰσσοῖσι. Multa autem bulbosam radicem habent vt *Harundo*, *Crocum*, *Lilium* & c.

## DE SCILLA.



Scilla.

*Græcè*, σκίλλα: *Latine*, *Scilla*, *squilla*, *Hispanice*, *Cebolha albatrana*: *Italice*, *squilla*: *Gallicè*, *squille*, *oignon marin*: *Arabice*, *hausel*: *Ger.* *Meerzuibel*.

Enarratio C I X V I I.

**S**cilla, suspesa in officinis, squilla est, quæ in taleolas, sic ne inuicem se tangant, per intervalla, suspenditur, ex qua acetum scilliticum, & oxymel scillinum, parantur, cuius vires inuestigans *Galenus*, ita prodit lib. viij. *Simplicium*: *Scilla*, admodum quidem incidit,

*Acetum  
Scilliticū.*

incidit, calcfacit autem secundo ordine, porro præstat eam assam, aut elixam sumere, quod sic eius vehementia exoluatur. Hæc Galenus, Ceterum an acetum Scilliticum, leniat asperam arteriam, vel eam potius exasperet, in dubium vertitur. Tu Cardanū Mediolanensem lege, Contradictione decima sui libri, quum paucis rem illic absoluit, ac utinam non ita obscure ut solet, loquatur, ut inde tyrunculi in re medica illum intelligant.

## DE PANCRATIO.

*Græcè, πανγάρτιον: Latine, Pancratium, scilla minor, scilla nigra: Germ. Klein meer zvuibel.*

Enarratio CLXVIII.

*Pancratiū*

**H**Acc minor scilla, & illa quidem nigra, ab herbariis indicatur, quam masculum appellarem: Superiorem vero, ut pote albam, fœminam, quanquam Ruellius, contra naturæ ordinem, albam, masculum appellat, nigram vero fœminam.

## DE CAPPARE.


*Græcè, κάππαρις: Latine, Capparis, Hispanicè, alkaparras: Italicè, Cappare: Gallicè, Cappres: Arabicè, Cappar.*

Enarratio CLXIX.

*Cappares.*

**N**Otissimæ sunt cappares, & officinis, & tabernis fere omnibus, salitæ prostant. Nam hortenses cappares, in frutice, non spinoso nasci Ferrariæ vidimus, appetentiam enim deiectam incitant, & lienem minuunt, atque obstructions aperiunt, qua de causa, capparis radice, & ipsius oleo pro liene atq; meatibus obturandis, frequentissime medici utuntur, ipsi porro cappares, non admodum probum gignunt succum, imo ut tradit Galenus lib. ij. de Facul. alimen. tenuium quidem est partium capparis, ac proinde minimum alimenti exhibet, utimur autem fructu huius plantæ magis ut medicamento, quam ut alimento: sale enim conspersus ad nos importatur, propterea, quod putrescit, si reponatur solus; ubi igitur saluginem deposuerit elota, collapsam appetendi vim excitat, pituitam ventris detergit, atq; subducit, purgatq;

tum

tum lienis, tum hepatis obstructions, Vti autem ad eas res oportet, ante alios omnes cibos, ex oxymelite, vel exciaco. Huius etiam plantæ virides ac teneros surculos, non aliter quam terebinthi mandunt, in aceto simul & muria, aut solo aceto condientes. Cæterum capparidis pugnans facultatibus constat, vt lib. vij. de Facul. simpl. medic. legitur: extergit enim radix eius, & probe purgat, incidit, discutitq; tum amaritudine, tum acrimonia: at acerbitate contrahit, stringit, & densat, quapropter lienes induratos, & pota & extrinsecus imposita iuuat, menses promouet, pituitam per os educit, maligna viscera sanat, dentium dolores sopit, tumores digerit, & vitiligines, quas alphas dicunt, aurium vermes enecat, folia autem & fructus similem quidem, sed imbecillio-  


*Capparidis  
 natura.*

## DE LEPIDIO.

*Græcè, λεπίδιον: Latinè, lepidium, Iberis, Gallicè, Coc: & poiurée, Arabicè, haufab: Germanicè, Pfefferkraut.*

### Enarratio CLXX.

**L**epidium vt Galeno placet, iberis est herba, de qua libro j. cap. vltimo diximus: non desunt tamen, qui dicant, piperitum hortorum, lepidium esse: alij verò qui credant raphanum Gallicum potius esse, quæcunq; tamen casit herba, exulcerandi, ac ex cute squamas pellendi vim habet. Porro Plinij lepidium, eadem est herba cum secundo à Paulo Aegineta descripto lepidio, quod raphanum dictum Gallicum esse, omnino crederem, scitaragi à nonnullis Mauritanis appellatum.

## DE BATRACHIO.

*Græcè, βατραχίον: Latinè, batrachion, ranunculus, Hispanicè, Lusitanicè, hierua belida: Italicè, pie de gallo, pie coruino: Gallicè, Bassines: Germanicè, Hanenfuoss, frœsch pfeffer.*

Enar



*Primum genus Ranunculi.*

*Secundum genus.*

Enarratio CLXXI.

*Batrachio.* **B**atrachion, id est ranunculus, herba à nostris pes cor-  
 uinus dicta est, cuius genera plura, officinis nota sunt  
 satis, quæ exulcerandi, & ignis modo, vrendi vim possi-  
 dent: vnde mirari satis non possum, vt multis ab hinc an-  
 nis dixi, cur Otho Brunphelsius, huius tria genera effigia-  
 ta, non batrachio, sed coronopo potius tribuerit, quum  
 illorum quodlibet gustatū, linguam exulcerat, non verò  
 vt coronopus astringit: Vos verò illorū viuas herbas gu-  
 state, & vt spero non inuiti pedibus in meam sententiam  
 ibitis. Est enim primū horum genus, radicem rotundam  
 habens, castaneæ magnitudine, qua pro excitanda vesica,  
 ac exulcerando loco cutaneo, saepe vtimur. Secundū verò  
 genus, apium risus dicitur, vel potius herba Sardonia, quæ  
 ridendo interficit: de qua Apuleius dixit, si quis eam gu-  
 stauerit ieiunus, ridendo exanimabitur, vnde risus Sardo-  
 nius dictus est, & vt Salustio placet, neruos labiorum &  
 oris musculos, illius qui eam comedit, contrahere facit,  
 adeo

*Sardonia  
 herba.*

*Prima species.**Secunda species.*

adeo vt ridendo mori videatur. Nouimus nos, apud Anthuerpiam, hodie omnium ciuitatū facile reginam, nonnullos iuuenes Italos, in acetario herbario, hāc degustasse herbam, quorum nonnulli illico vitam cum morte commutarunt: alij verò, qui subito ad antidota, & medicamēta vomitoria confugere, euaserunt, venefica enim herba hęc est, & vitæ humanæ aduersa. Tertium verò genus, commune est, & vbiq; obuium, insunt autem iis omnibus folia apij, flores verò aurei, de quibus apud Hispanos, prouerbium circumfertur, sic: de la herua belida, preseue lhenno, barrigua fazia: quod sic sonat, quum batrachium herba in præsepio est, præsepium ea semper est plenū, at ventres iumentorum vacui sunt: Nam illa non vescuntur, nec immerito, quia exulcerandi vim possidet, veluti & quartum genus folia lactea habens: de quibus Gal. lib. sexto de Facultat. simplic. medic. ita tradit: Huius omnes quatuor species adeo acres existunt, vt cū dolore exulcerent: quare si cōuenienter vtare, pforas & lepras excoriant, & vngues

dd      diuellunt

diuellunt, tum leprosis stigmata digerunt, & verrucas detrahunt, quin & alopecias iuuant, exiguo tempore admotæ. Radix arefacta sternutationem prouocat, sed & dentes dolentes iuuat, sic vt eos frangat. Est itaque valde calida & sicca, tum radix tum vniuersa herba.

### DE ANEMONE.

Græcè, ἀνεμόνη: Latinè, *anemone*: Hispanicè, *ampollas de frolchiquita*: Italicè, *anemone*: Gal. *coquelourdes*, ou *passesieur*: Arab. *Iachaik alnahamen*.

#### Enarratio CLXXII.



*Anemone.*

Quum olim Ferraria, vnà cum doctissimis viris, & rerum naturalium curiosissimis inuestigatoribus, Gaspare de Gabriellis nobili Patuino, ac Gabriele Mutinensi, nec non Ioanne Falconerio Anglo, in horto amœnissimo, Magnifici Azaioli conuenissemus, illic anemon inter plures alias herbas, indicata fuit: quæ dubio procul, multum à rheade, id est papauere erratico, papauer alide dicto, differt, nam folia in anemone, diuisa veluti in coriandro, cernuntur, radices verò rotundæ ad oliuæ magnitudinem, flores verò parui, nec ita magni veluti in erratico papauere, rubro, passim obuiosunt, purpurei vt plurimum, aliquando lactescentes, nonnunquam albi, & punicei: Item, in anemone, quum rumpitur caulis, nullum ex se emittit lac, quod contrarium in papauere erratico euenire ani maduertimus. Dicitur enim anemo, quia non nisi flante vento, aperiat. Est & altera anemo



anemonis species, hodie cauda vulpis dicta, herba hirsuta, lanuginosa, quæ loco floris, lanuginè in summitatibus cauliculorum producit, & illam nonnulli potius inter batrachij genera reponunt, quia omnino caustica, & vlcera faciens est. At de anemone ita tradit Galenus lib. vj. de Faculta. simplic. medic. Radix eius commansa pituitam euocat, succus è naribus purgatur, & oculorum cicatrices extenuat. Insuper sordida vlcerum anemonæ expurgant, & lepras detrahunt, mensèsq; appositè eliciunt, & lac trahūt.

*anemonis  
nomencla-  
tura.*

## DE ARGEMONE.

*Græcè, ἀργεμόνη: Latinè, argemone.*

Enarratio CLXXIII.

**A**rgemonia hæc, multū ab agrimonia vulgari abest, nam vulgaris agrimonia, Græcorum eupatorium est, vt suo diximus capite. Quæ verò hæc Græcorum argemonia sit, mihi albo coruo rarior est.

## DE ALTERA ARGEMONIA.

*Græcè, ἀργεμόνη ἑτέρα: Latinè, argemone altera:  
Vulgo argentina herba.*

Enarratio CLXXIII.

**H**oc alterum argemoniū, vt paucis dicamus, argentina recentiorum est herba, sic argētina dicta, ab argenteo colore, quem in foliorum parte exteriori habet.

## DE ANAGALLIDE.

*Græcè, ἀναγallis: Latinè, anagallis: Hispanicè, muruges: Italicè, anagallo: Gallicè, mouron & morgel-  
line: Germanicè, Gauchheil.*

Enarratio CLXXV.

**A**nagallidis multa sunt genera, omnia officinis satis nota, sub morsus gallinæ nomine, quanquā Dioscovidis in præsentī duo tantum eius memorat, alterū cœruleo flore ornatum, scæmininū dictum: reliquum verò masculum, phœniceo, siue rubro corallio persimili colore, vnde corallium quoquē à multis ob colorem sui floris di-

*Corallium  
herba.*

*Anagallis mas.**Fœmina.*

*Auicenna  
errat.*

Etum est, quo fit vt Paulus Aegineta lib. vij. suę medicinę quum antidotum articulari morbo cōueniens describat, cuius titulus ab anagallide sumendus erat, ille potius, à corallio, id est anagallide flores rubros, corallio similes habente, illum desumpsit, & diacoralliū appellauit, cuius inaduertentia, Auicenna atq; eius omnes assēclæ, aberrauere, credentes à corallio potius antidotum denominationem sumpsisse, quàm ab herba corallio dicta, vt Ferrarientes primo magna vigilantia indicarunt. At Galenus, vtriusque anagallis facultates ita libro vj. citato enarrat. Anagallis vtraq; & quę cœruleum, & quę purpureū fert florem, extergentis est facultatis, habet verò nonnihil etiam caloris, & quandam trahendi vim, qua corpori infixæ extrahunt, succus earum ex naribus purgat, eadem de causa, in summa, desiccandi vim habēt citra mordicationem, quamobrē vulnera glutinant, & putrida corrigunt.

#### DE HEDERA.

*Græcè, uaròs: Latine, hedera: Hispanicè, edera, era:  
Italicè,*

*italicè, hederæ: Gallicè, Terre, ou lierre: Arabicè, cussus: Germanicè, Epheuu, Mauier.*



*Hedera nigra.*



*Helix.*

Enarratio CLXXVI.

**C**issos hederæ est, nõ verò cisthos, vt alias monuimus, cuius inaduertentia Plinius errauit: cæterum hederæ plura & varia sunt genera, vt apud Plinium est videre lib. xvj. cap. 34. & Theophrastum lib. iij. cap. 18. Dioscoridis tamen, tria tantû descripta genera omnibus sunt nota, vnum album, à fructu & folio sic dictum: vnde Virgilius dixit: candidior cygnis, hederæ formosior alba. Alterum verò nigrum, corimbo ferens nigros, atq; racemos in orbem circumactos de quo dixit quoq; Virgilius, atq; hederæ pandunt vestigia nigræ. Hæc ipsa, apud Plinium mas est, quæ olim Bacchica & Nisia dicebatur, quia in Bacchi sacrificiis, quæ Dionysia appellabantur, & illa confectis corollis vterentur. Tertium verò genus, Helix dicitur, quia multas habeat inuolutiones. Hederæ omnino sterilis, nullum præbens fructum: de quibus omnibus Galen.

lib. vij. de Facultatibus simplicium medicamentorum ita inquit: Ex contrariis facultatibus hedera constat, habet enim quiddam astringentis substantiæ, quæ terrea & frigida existit, habetque nonnihil acris, quam calidam esse, vel gustus comprobat, præterea si viridis sit, obtinet etiam quandam aqueam & tepidam. Viridia igitur folia, in vino decocta, grãdia vlcera glutinant, malignaq; ad sanitatem reducunt, igne factas exulcerationes cicatrice obfirmât, cum aceto decocta lienosis opitulâtur: flores autem quodammodo validiores sunt, succus medicamen est errhinon, vetustas auriû fluxiones sanat, nec non vetera vlceratum auriû tum nariû, lachryma hederæ perimit lendes, pilisq; nudat, adeo quippe est calida, vt etiã obscure adurat.

### DE CHELIDONIO MAIORI.

*Græcè, χελιδόνιον μέγα: Latinè, chelidonium maius, Hispanicè, celiduenha: Italicè, celidonia: Gallicè, esclere: Arabicè, memiran: Germa. Schelkraut.*

*Chelido-*  
*nia.*



*Chelidonium.*

Enar. CLXXVII.

Scitent omnes ferme S nūc horti & parietes chelidonia. Quæ hirundinaria, vt Theophrasto placet, appellatur quia aduentu hirundinis, suū excitat florem, vt apud ipsum legere est, libro septimo, capite decimo quarto. Plinius vero lib. vigesimoquinto, capit. octauo, chelidonium (inquit) visui saluberrimã hirundines mōstrauere, vexatis pullorum oculis, illa medētes. Cæterum, hæc non memithe est, vt Gerardus Cremonēsis & alij multi, nono ad Almanforem regem dicato libro

libro, Rasem interpretati sunt, quia memithe Dioscoridis glautium est, ut Ferrarienses primo indicarunt, & post illos Leonardus Fuchsius libro Paradoxorum. At chelidonio vires, prosequitur Galenus libro. viij. de Facultatibus simplicium medicamentorum ita: Admodum extergit & calfacit. Succus eius ad acuendum visum est commodus, quidam radicem eius, ad auriginem ab obstructione iecoris ortam, in vino albo cum aniso propinant, Mansa etiam confert dentium doloribus.

*Memithe  
Glautium  
est.*

## DE CHELIDONIO MINORI.

*Græcè, χελιδόνιον μινον: Latine, chelidonium minus, hirundinaria minor: Hispanicè, scrofularia menor; Italicè, fauosello: Gallicè, herbe aus escroelles: couillons de prestre: Arabicè, Memithen: Germanicè, Feiguartzten, oder blaternkraut.*

### Enarratio CLXXVIII.

**V**erna herba hæc est, atque ob id, quod apparentibus hirundinibus, è terra erumpit hirundinaria appellatur. Humi enim serpit herba ista, passim obuia, folio hederaceo, paruo tamen, sine caule, flore luteo, quæ Dioscorides siluit, nam radices, illi parue insunt, tritici granis perquam similes, albæ, inter quas capillares nonnullæ comperiuntur, parum tamen acutæ sapore: nam in alio loco, acres reperiri non dubitarem, ut de Aro quoque Galenus dixit lib. ij. de Facultatibus alimentorum, & nos proprio capite meminimus. Proinde dotes huic chelidonio minori tributas, in nostro non reperiri crediderim, quum acredinem illam propriam, qua potissimum operatur, amissam habeat. Ut de eo ita dixit Galen. ubi supra, chelidonium minus, quum maiori sit acrius, celeriter cutem exulcerat, unguetque scabros eiicit, succus eius per nares purgat. Hæc itaque siccat, & calfacit, in quarto incipientis ordinis: At chelidonium maius in tertio.

*Chelido-  
nium mi-  
nus.*

## DE OTHONNA.

*Græcè, ὀθόνη: Latine, othonna.*

## Enarratio CLXXIX.

**O**thonna quid sit, non satis inter priscos constat: Paulus tamen, illis adherere videtur, qui credant, othonnam succum maioris chelidonij esse.



*Auricula muris.*

## DE MYOS

## OTIDE.

*Græcè, μὴὸς ὠτῆ: Lat. myosotis altera, auricula muris: Gal. Mouron.*

## Enar. CLXXX.

**P**rima hæc myosotis, id est auricula muris, quarto libro, alfinis dicta est, quare cum Marcello Virgilio, quæ hic de ea semel factum fuerit, non esse de ea iterum agendû, dicendum reor, quum vtrobiq; eadem est historia, & medicina, sequens tamen myosotis altera est.

## DE ALTERA MYOSOTIDE.

*Græcè, μὴὸς ὠτῆς ἑτέρα: Latine, myosotis altera, Auricula muris.*

## Enarratio CLXXXI.

**H**oc secundum auriculæ muris genus, primo in Flandria vidimus, præcipue in oppido Beueres dicto, in vniuersum herbula, cuius folium auri muris respondet, vnde merito nomen contraxit. Cæterum Auicennâ confuse admodum loqui, vt qui herbas quatuor, helxinem, alfinem, myosotida, & anagallidem, natura & figura, multum differentes, sub Auriculæ muris nomine confundit, Ferrarienses primo patefecerunt. Huius porro temperaturam ac dotes breuissimè attingit Galen. lib. vij. de Facult

*Auicenna  
error.*

cultat. simplic. medic. dicens. Myosotis deficcet secundo ordine: cæterum nullam eidentem caliditatem possidet.

## DE ISATIDE SATIVA.

Græcè, ἰσάρις ἴσχυρος: Latine, *Isatis sativa*, *glastum*,  
Hispanicè, *pastel*: Italicè, *guado*: Gallicè, *du gue-  
de ou pastel*: Arab. *Dili*: Ger. *Vueidt*.

## DE ISATIDE SYLVESTRI.

Græcè, ἰσάρις ἀγρία: Latine, *sylvestris isatis*, Hispa-  
nicè, *pastel saluatico*: Italicè, *guado agreste*: Gal-  
*guede sauluaige*: Germanicè, *Vuuld vueidt*.



Sylvestre Glastum.

Glastum.

## Enarratio C LXXXII.

Nihil nunc isatide notius, qua infectores lanarum ma-  
ximè vtuntur, adeo vt sine illa, nihil in tingēdis pan-  
nis proficere possint, quæ glastum, & hodie guadam vul-  
go dicitur, cuius Galli, serendi maximam curam habent, Glastum  
guadam.

& ex ea maximum faciunt quæstum, veluti insulares, regi Lusitania: parentes: de cuius viribus Galen. lib. vj. de Facultatib. simplic. medic. ita tradit: Isatis domestica, qua quidem vtuntur tinctorum, facultatis est valenter exiccantis, nondum tamen mordentis: est enim simul amara & astringens, proinde magna vulnera corporum durorum glutinat, & sanguinis profluuium laborantibus partibus vtiliter illinitur, tumores laxos mirifice digerit, simul ac reprimat, & aduersus omnia maligna vlcera mirabiliter resistit, At isatis syluestris, manifeste iam acre quiddam, tum gustu, tum actione præfert, proinde quam domestica magis desiccans, valentius etiam putredinibus obsistit, ad cætera iam comprehensa deterior, hætenus Galen. Cæterum, ex succo isatidis Indicium confici, suo dicemus loco: Plinium quoque errasse, qui isatim, inter lactucæ genera computauit, notum est.

*Indicum  
Isatidis suc-  
cus est.*

### CONSTANTINVS.

**D**ioscorides sub Isatidis nomine duas plantas complectitur, tantum syluestris aut satiuæ apposita differentia. Vtramque suo nomine distinguit Plinius satiuam glastum vocans, syluestrem vero isatim: quem imitari potius deberent interpretes, quam nomina confundere nullius autoritate vtramque plantam glastum vocantes. Simile inquit ille lib. xx. cap. 1. Plantagini glastum in Gallia vocatur: quo Britannorum coniuges, nurusque toto corpore oblite, quibusdam in sacris nudæ incedunt, Aethiopum colorem imitantes. (Idem scribit Caesar in comment. lib. v. de bello Gallico) lib. autem xx. cap. 7. Tertium genus est inquit, in syluis nascens, isatin vocant. Quarto insectores lanarum vtuntur, quod glastum vocant: simile erat lapathum syluestri folijs, nisi quod plura habet & nigriora. Quo loco Plinius de lactucæ generibus loquitur, inter quæ isatin posuit propter similitudinem, quam etiam lactucæ confert Dioscorides: quo apparet, quam sine ratione Lustinus Plinium accuset: & quam iuste Philandri summi alioqui viri fides suspectior esse possit, qui in suis eruditissimis commentarijs in Vitruuium scribit glastum in horum authorum antiquis codicibus non legi.

### DE TELEPHIO.

Græcè, τηλέφιοϋ: Latinè, telephium.



*Telephium album.**Purpurascens.*

## Enarratio CLXXXIII.

**T**elephium non est crassula maior, vt multi rentur, quia crassula maior, faba inuersa dicta, frigida est: Telephium verò calidum. Proinde telephiū, syluestrem portulacam, siue tertium sedum apud Dioscoridem esse, pro firmo crediderim, de quo sermo illic habendus est, At fabam crassam inter sedi quoque genera reponi debere, & illa quidem frigida, non inepte quis dixerit.

## CONSTANTINVS.

**T**elephion de quo etiam Plinius libro xxvij. cap. 13. & Galenus lib. viij. simplicium, Paulusq; lib. vij. non est nostrum vulgare orpin dictum quod digitalis species est, siue sedi: non etiam est illecebra siue andrachne syluestris, tametsi ea quoque telephij nomine dicta sit ab Hippocrate: & Dioscorides ita vocatam lib. iij. cap. 91. illecebram testetur, quæ portulaca est syluestris, cui secundum Dioscoridem loco citato, vis inest acris & vlcerandi: refrigeratoria autem iuxta Plinium lib. xxv. cap. 13. At hoc telephium de quo nunc agitur, vel Galeno auctore tantum calidum est in primo ordine & siccum in sine secundi.

# IN DIOSCORIDIS ANAZARBEI LIBRVM TER-

TIVM ENARRATIONES DOCTO-  
ris Amati Lusitani Medici  
præstantissimi.

## DE AGARICO.

*Græcè, ἀγαρικόν: Latine, agaricum: Vulgo aga-  
rico: Gallicè, agaric: Arabicè garicum: Ger-  
manicè, Agaric.*

Enarratio capitis primi.

*Agaricum*



*Agaricum.*

**X** IIS Medi-  
cinis, Agari-  
cū est, quibus  
palsim, ma-

gno cum agrotantium  
iuuamento vtimur, non  
enim radix est agaricū,  
tamen Galenus illud ra-  
dicem appellet, fungus  
autē potius dicendus est,  
qui ad radices multarum  
diuersarum arborū, na-  
scitur, non quidem ita al-  
bus aut politus, vt in of-  
ficinis cernitur, sed cor-  
tice potius quodam co-  
opertus, quo veterinarij,  
mulo medici dicti, ple-  
runq; vtuntur, ex eo cly-  
steres pro irritandis iu-

mentorum fecibus parantes: optimus hodie ex Aphrica  
affertur, ex Allobrogibus verò non ita bonus asportatur,  
quo vniuersa Gallia ac Italia vtuntur. Fœmina agaricus,  
primatū obtinet, modo vt inquit Mesue, sit habens quin-

*Agarici bo-  
ni nota.*

que

que dotes, prima quarum est, sit leuis: secūda, sit albus: tertia velociter frangibilis: quarta, porosus: quinta rarus. Nam agaricus fœmina, à Dioscoride descriptus, intus retas pectinum modo venas, & diuisiones habens, proculdubio pessimus iudicandus est, qua de re, in isto textu, mendam esse, aliquando sum suspicatus, quum quæ masculo pessimo debentur, Dioscorides fœminæ, agarico optimo tribuit, sed vtcunq; res se habeat, vt bonus dicatur agaricus, albilissimus sit oportet, leuissimus, & minime lignosus: talis proculdubio erit, absq; lineis percurrētibus, quas in malo saepe conspiciamus, & optimus dicendus erit, quem Democritus familiæ medicamen solebat appellare, quia in omni tempore, & omni ætate tuto dari possit. Agaricus, calidus in primo gradu est, & siccus in secundo, & vt tradit Galenus lib. vj. de Facultat. simplic. medic. Agarici radix, primo quidem gustu dulcis, sed paulo post subamara apparet, acrimoniæque & astrictiōis leuiculæ quandam speciem temporis spacio inducit, estque consistentia laxa: quare composita hæc radix est, ex substantia aërea & terrea à calore extenuata: Minimū autem habet essentiæ aqueæ, hac ratione & digerendi vim possidet, & crassitudinem incidendi, tum anfractus viscerum expurgandi: Iccirco regio morbo laborantes ex obstructiōe iecinoris, nec non morbo comitiali obnoxios sanat, tum rigores per circuitus recurrentes, ex crassis viscidisq; humoribus ortos, exterminat: iuuat & morsos à bestiis frigore lædentibus, aut cōpunctos, tum foris in affecta parte impositum, tum intro in corpus assumptū, pondere drachmæ vnus, cum vino diluto. Est etiam & purgatorium, in iis autem Gal. verbis, adnotandum duximus, quòd in agarico sapor amarus cōperitur, quò mediante (etsi à tota substantia) pituitæ purgatorius agaricus sit, biliosos quoque & serosos educit humores, præter quas dotes, reperitur quoq; in eo, vt tradit Galenus & experientia ipsa indicat, acrimonia pauca, & vix post longū tempus perceptibilis, qua crassa incidit. At quia acrimonia ista vt diximus, pauca est, parum incidere potest, ideo sapientissime, medici, huius agarici facultates inuestigantes, quum ex illo pastillos parant, zingiber, vel cinnamomum, aut cassiam, cum sale gema, & oxymelite, illi adiungunt, vt acrimonia

Agarici vi  
res.

*Taxantur  
medici.*

monia parua, à natura illi data, prædictis acribus medica-  
mentis fortior euadat, & conſequenter pōtentius crassa  
incidat, & educat. Sed vnum est, in iis paſtillis, siue trochi-  
ſcis admonendum, quòd pharmacopolæ omnes, illos pa-  
ratos in ſuis habent pyxidibus, vt quum à medicis deſcri-  
ptum ſit, Ex trochiſcorū de Agarico, illico ad eas, nulla  
interpoſita mora, confugiant, parum alioqui animaduer-  
rentes medici, in iis trochiſcis, vires agarici deperditas eſ-  
ſe, quia ſiccitate acquiſita, ſubtiliores particulæ, quibus  
opus perfici ſolet, euanuerunt, manentibus crassis, & terre-  
ſtribus: & ea de cauſa, medici prudentiores, & qui rerum  
curam habent, nunquam agaricum niſi nouiter in paſta  
paratum ægrotis præbent, ſcientes trochiſcatum illum vi-  
res ſuas omnino amiſiſſe. Proinde caueant Medici dein-  
ceps, ne ſuis ægrotantibus trochiſcatum iſtum præbeant  
agaricum, imo pharmacopolas, vt ab iſta abſtineāt com-  
poſitione, moneant: quum prudentius multo facient, ſi  
quoties agarico vti opus fuerit, de nouo vt diximus con-  
ficiāt, & in paſtam redigant. Sic enim melius operabitur,  
imo in paſta, eo modo quo pilularum maſſa redigitur, lō-  
giori tempore, quàm forma trochiſcorum ſeruabitur, nec  
ita celeriter ſuas amittet vires. Soluit autem agaricus, pi-  
tuitam, ac bilem crassam, viſcidosq; & crassos humores:  
Verum agaricum internis inflammationibus obeſſe, Sila-  
nus quidam commentariis ſuper 9. libro Rafis, regi Al-  
manſori dicato, contendit, de qua re Nicolaus Florenti-  
nus, ac Mathæus de Gradis conſulendi ſunt, nunç vero  
rem tetigiſſe ſufficit.

## DE RHAPONTICO.

*Græcè, ῥαπόντικος: Latinè, rhaponticum, rhecoma,  
radix Ponti: rheon, rha, rhabarbarum Ponti-  
cum: Vulgò rheubarbaro da ponto, repontico.*

### Enarratio I I.

*Rhaponti-  
cum.*

**A**Nconam veni nobile apud Italiam emporium, ad  
quod omne genus hominum mercatorum, totius  
Orientalis plagæ conſluit, eo conſilio, vt ab illis, ſi quæ  
ſunt medicamenta à noſtris deſiderata, quæ ex Oriente  
afferri ſolent, haberem; nam quum hodie nullus extat  
prin

princeps, qui pro illis veris cognoscēdis sollicitus sit, aut qui medicis suis, modum aliquem inquirēdi cum impensis constituat, vt olim Alexander Magnus præceptoris suo Aristoteli summo philosopho opes ingētes ad hæc inquirenda naturæ secreta affatim largiebatur: Decreui, non vt principibus placerem, aut ex illis stipendium aliquod sperarem, sed magis vt animo satisfacerem ac posteritati prodessem quo ad fieri posset rerū occultarum, & de quibus auctores hodie maximas habēt contentiones, certam afferrem notitiam: quo factum est, vt res votis non infeliciter successerit, vt in rhapontico iudicare quis poterit, quod ad me aduectum fuit, in maxima quidem copia, & id Gerardus Caroli Quinti Imperatoris, apud Solymanum Turcarum Imperatorem doctissimus orator, propriis manibus, in regione Ponti eradicaauerat. Est enim vir ille doctissimus, & variarum linguarum peritissimus, ac medicamentorum simplicium diligentissimus inuestigator, qui hoc tempore, primo radicem istam in lucem traxit, digitalis longitudinis & crassitudinis, fungosam, leuem, coloris exterioris subnigri, sub quo luteus alter videtur, nam intus ea fracta, eiusdem cernitur coloris, quo vulgare rhabarbarum, præcipue immaturum, insignitur, quam si dentibus tractaueris, labia & sputum, crecei coloris reddi certum est, porro saporis mixti est, communis ferè aut vulgati rhabarbari ex se saporem reddens: Nam tota ista radix, styptica est, vt experientia comperit habeo: illius enim drachmarum duarum pondus sæpe dedi, & nullus bibentium egeffit, imò potius eorum ventres constricti magis fuere. Proinde rhaponticum hoc Græcorum, diuersum à vulgari rhabarbaro esse, non solum figura, sed viribus ipsis, certissimum est. Quum autem hæc literis mandarem, huius radice Ponticæ partem, ad Antonium Musam Brasauolam virum doctissimum, misimus, veluti ad Anthuerpienses, vt inde singularis doctrinæ vir, Ludouicus Nunius Santarenensis Lusitanus, in Hispaniam ad amicos transmittat. Eam vero hodie quoq; Monachi, qui Mesues Antidotarium enarrarunt, habent, veluti alij plures doctissimi viri Romæ agentes. Quapropter, de isto rhapontico nihil amplius agendum decreuimus, modo Dioscoridem sic in præsentem intellig

*Exponitur Dioscorides.* intelligendum monuerimus, eo modo quo Manardus olim interpretatus est, circa verbum hoc: Datur agarico similiter, in singuli prædictis morbis eodem pondere, in iisdem liquoribus, &c. non autem Dioscorides per hæc verba, rhaponticum purgatoriū, vt agaricum intelligit, vt multi falso interpretantur, sed inquit, potius: Dosis rhapontici in prædictis morbis, eadem est, qua agaricus conceditur, tuto enim rhaponticum hoc dysentericis conceditur. De quo Galenus libro octauo de Facultatibus simpl. medic. sub rheo & rha. sermonem habet dicens: Quiddam habet terrestre frigidum, ceu indicio est astrictio: adiuncta est illi tamen quædam caliditas. Siquidem si mandatur plusculum, subacre conspicitur: est etiam aëreæ cuiusdam substantiæ subtilis particeps, quod indicat laxitas, leuitasq;: quare conuulsis, ruptis, orthopnæq; prodest, sic quoq; liuentia & lichenas cum aceto illitum perfanat. Astrictionis ratione, sanguinem expuentibus, cœliacis & dysentericis confert. Libro quoq; de Antidotis, ita de eo tradit: Rheon quoq; ipsum adulteratur, quandoquidem statim in regionibus vbi gignitur, recens nonnulli capientes ipsum, decoquunt, donec totum cremorem reddat, quæ postea cremorem, vbi acuratius percoxerint ceu purum, atq; aba quæ mistura alienum, ad nos transmittunt, sicuti & rheon ipsam siccaturam, tanquam neq; id prius cocturam fuerit expertum. Cognoscetur tamen facile dolus, nam eiusmodi rheon, nec densam compactamue substantiam possidet, vt quod integrum est, sed rarius apparet, astrictionemq; aut obscuram, aut plane nullam gustanti exhibet, quam tamen rheon vigenis, validissimam possidet. Hæc vero Galeni verba, Mesue suo tribuit rhabarbaro. de quo nunc paululum disserere, non ab re erit. Est igitur RHABARBARVM vulgare, Medicamentum benedictum, & sanctum dictum. Radix è Scythia prope Persiam, hodie aduecta, figura orbicularis, pondere ad summum vnius libræ: quæ quanto grauior, ac ponderosior fuerit, eo melior erit. Calidum enim & siccum rhabarbarum hoc est, & vt Mesue placet, in secundo gradu, quod natura sua bilem purgat, deinde pituitam, imò vt subdit inibi Mesue, maior eius proprietates est. mundificare & confortare hepar & stomachum, & conferre dolor

*Rheon Galeni.*

*Rheon adulteratur.*

*Quæ debetur rheo: Mesue suo tribuit rhabarbaro. Rhabarbarum.*

doloribus pungitiuis eorum, & clarificare sanguinem, & auferre oppilationes, & morbos quorum mater est obstructio, sicut hydropem & ictericam, & splenis crassitiam, & febres oppilationum, & similia. Super quibus verbis adnotandum est, quòd quãdo Medicus decreuerit, meatum obstructions aperire, ac vias obclusas reserare, tunc rhabarbari infusum offerre ægrotantibus melius est: quando vero simul aperire, & roborare, tunc rhabarbari substantiam dare sanius est consilium: sua enim stypticitate laxam particulam constringit, ac roborat. Vnde Arnaldus Villanouanus, reprehensione dignus est, qui ob stypticitatem insitam rhabarbaro ipso prægnantibus interdicitur, ignorans alioquin vir doctus, & practicus insignis, nullam rhabarbaro inesse partem præstantiorem, ob quam tuto vtero gerentibus dari possit, hæc styptica, ob quam quoque, & pueris, & senibus, estate, & hyeme, frequenter, absq; noxa vlla datur: totum enim rhabarbarum in substantia exhibitum, optime educit, & multo melius ac securius, quàm eius infusum, vel dilutum dictum: nam astrictione sua, quæ purgationem non impedit, viscera fortificat, & ea roborat: quo fit, & extenuatis, & debilibus, iisq; qui viscus aliquod debile habent, in substantia ipsum dare, melius sit. Comperiuntur autem in rhabarbaro, tres nobiles facultates, quarum vna, acrimonia est, qua crassa incidit, extenuat, subtiliat, & ad deiectionem præparat: ad quam facultatem iuuandam, neoterici, tanquam rhabarbaro opem ferentes, spicam nardum illi adiungebant, credentes rhabarbari acrimoniam, spicæ nardi acrimonia intendi & adiuuari, quorum ratiocinatio licet optima sit, in hoc tamè claudicat, quòd licet veram spicam habeamus, vt vere habemus, quã multos carere diximus, in ea tamen, vel Galeno teste, libro de Facul. simpl. adeo pauca, & memorari indigna comperitur acrimonia, vt certum sit, ea parum aut nihil adiuuari posse. Quare prudentius medici ij fecissent, si loco nardi spicæ, cinnamomum, aut cassiam illi ad iunxissent, pro qua complenda operatione, optimo profecto consilio, medici in illius infusione, parum vini albi generosi, & aromatici infundere solent. Qui vero rhabarbarum vltum dysentericis propinant, miro detinentur errore,

*Methodus dandi rhabarbarum.*

*Arnaldus Villanouanus errat.*

*Rhabarbari tres facultates.*

*Rhabarbarum vstum  
dysenterici  
dari non  
debet.*

quum tantum abest, vt vstum rhabarbarum constringat, vt potius vlcerata intestina magis rodat, & fluxu augeat. Mordacitatem enim, & acredinem quandam ab igne contrahit, quam Aristoteles empyreum appellat: qua mediante, corrodens ac mordicans efficitur: praesertim si non lauetur: nam Galeno auctore libro citato, capita chalcitidis, vt sexcentos alios locos ex libris de Compositione medicamentorum taceam, vita omnia si lauentur, moderatio ra redduntur, minusq; mordacia. Mea igitur sententia, rhabarbaru si dysentericis dari debet, Graecorum rhabarbarum siue rhaponticum dictum, esse debet, nam commune & vulgare rhabarbarum, non quidem vstum aut tostum, offerri debet, sed potius eius substantia a subtilioribus particulis denudata, quas in aqua plantaginis, vel rosacea, prius optime pista, & per diem mersa, amittit, sic enim rhabarbari substantia tuto dari potest. Testis enim Deus est, nos plures Lusitanos, fluxu laborantes, vidisse, quibus rhabarbarum assum, tanquam rem praecipuam medici dabant, quorum plures, e vita illico discesserunt. Nam cum virtus expultrix tribus de causis, ad expellendum prouocatur, multo pondere, multa mole, & rosione: fit inde, vt excoriata intestina, rhabarbari asirofione, magis corrodantur, ac vlcerentur, & consequenter diem suum obeant aegrotantes. Est vero Rhabarbarum alterum, hortis familiare, folia habens ampla, longa, epulae campanae similia, cuius radix non infeliciter quoque soluit, quod Fuchsius, nescio quo augurio ductus inter rumicis genera collocauit.

#### CONSTANTINVS.

**A**liud est rhaponticum veterum, aliud nunc vsitatissimum Rhabarbarum dictum, Rhaponticum vocant Dioscorides & Galenus libro 8. simpl. Paulusque Aegineta libr. vii. ga regi p̄ap Ipseque p̄ap noūx̄ōp: Actuarius eius noūx̄ōp, Cornelius Celsus radicem ponticam nominat, & Plinius rhacoma lib. xxvij. cap. 11. Rhacoma inquit, assertur ex his quae supra Pontum sunt regionibus, radix Costo nigro similis, minor & ruffior paulo, siue odore, calfaciens, gustu astringens. Eadem trita vini colorem reddit ad traquem inclinantem: hoc rhaponticum purgandi vim habuisse a memine proditum. Rhabarbarum vero Arabum purgatricem facultatem insignem habet cum non pauca amaritudine, quae cum



vel Aristotelis testimonio, omnibus in sectis ex itio esse soleat, miraculi loco esse potest, vermes tamen ex Rhabarbaro vivere. Sane non ita pridem eius dissecta magna radice, non vi. ta quidem illa, aut exoleta, vel cariota, sed satis recentis & optima, in medio duos deprehendi figura chrysalidis, quam ex Theophrasto Gaza vertit aureliam. Mesue Rhabarbari tria statuit genera, Barbarum, Indicum, id est raved Sceni omnium præstantissimum: Atque aliud turchicum deterrimum, horum nullum novit Serapion aut Auicenna. Nicolaus myrepsus saepe vsurpat Rhean barbarum pro Rheo pontico, & è diverso. De his omnium optimè tractavit multis in locis doctissimus Fuchsus.

## DE GENTIANA.

Græcè, γέντιανν: Latine, gentiana: Hispanicè, la gentiana: Italicè, gentiana: Gallicè, gentiane: Germanicè, Entzian, oder bitter vurtz.



Gentiana.



Gentiana species.

## Enarratio III.

*Gentiana*, **N**Otissima officinis, Gentiana herba est, à Gentio Illyricorum rege, qui eam in bello inuenerit, sic dicta. De qua Galenus exacte dixit lib. vj. de Facultatibus simplicium medicamentorum, hoc modo: Huius herbæ radix, multum est efficax, quum opus est extenuatione, purgatione, absterfione, obstructionis liberatione: nec mirum si hæc possit, quum impense sit amara.

## DE ARISTOLOCHIA.

Græcè, ἀριστολόχη: Latine, aristolochia, malum terre: Arabicè, Zaruud: Hispanicè, & Italicè, astrologia: Gallicè, aristologie, ou sarrasine: Germanicè, Holvurtz, osterlucei.

*Aristolochia longa.**Aristolochia rotunda vera.*

## Enarratio IIII.

**D**icitur Aristolochia, quod ἀρίστη τῶν λοχῶν ἢ τῶν λοχούσων, id est, optima puerperis sit, nam remoratos men

menses, & herentes secundas, à partu optime expellit, cuius duo vulgatissima genera sunt, altera rotunda, altera vero longa: tertia vero clematidis, id est sarmentaria appellatur, hodie herbariis ignota. Præter has Plinius libro vigesimoquinto, capite nono, alteram, pistolochiam dictam describit, densis radicis capillamentis, iunci plenioris crassitudine, quam quidam polyrhizon cognominant. Hæc vero, à bonis herbariis ineunte vere conspicitur, folio tenero, diuiso, ranunculo persimili, radice crassa, bulbosa, inferiori parte lata, intus vacua, colore lutea, sapore vero & odore persimili aristolochiæ, vnde Germani, eam pro aristolochia rotunda, hucusque usurpant. Delitescit enim herba ista in fine Maij, & non apparet. Cæterum, calidæ & siccæ, in fine secundi gradus, aristolochiæ sunt, de quibus Galenus ita prodit libr. vj. de Facul. simpl. medic. Radix eius est amara & subacris, sed & ex illis omnium subtilissima est, quæ rotunda. Aliarum vero duarum, quæ clematidis appellatur, fragrantior est, infirmior tamen. At longe, tenuitate quidem à rotunda vincitur: abstergendi tamen calfaciendiq; & ipsa potentiam obtinet minus tamen quam rotunda abstergens & digerens, sed non minus calfaciens; imò forsân plus. Itaq; in quibus vsus est modicæ abstersionis, commodior est longa, vt puta in vlceribus carne implendis, at in quibus crassum humorem validius extenuare oportet, illic vsus est rotundæ, proinde dolores à crasso spiritu inductos, rotunda exactius persanat: extrahit spicula, putredines corrigit, vlcera sordida purgat, dentes & gingiuas splendidas facit, auxilio est asthmaticis singultientibus, comitialibus, podagricisq; si cum aqua bibatur: tum ruptis, & contullis, vt si quod alium medicamen idoneum est. Cæterum Mesue, aristolochiam inter medicamenta aluum soluentia adnumerat, vt legenti manifestum erit.

*Aristolochia aluta soluit.*

## DE GLYCYRRHIZA.

Græcè, γλυκύριζα: Latine, glycyrrhiza. Dulcis radix, Arabicè, sus: Hispanicè, regaliza: Mauritanicè, alcazuf: Italicè, regolitna: Gallicè, rigolisse: Germanicè, Suefs holtz.

## Euarratio v.

Plinius  
errat.



*Dulcis radix.*

Plin. Gly-  
cyrrhizam  
nunquam  
vidit.

hac re errasse, quam quia legit, in codice aliquo Græco, loco vocis *αξιϑ* & lentiscum significantis, *αχιϑ*, id est asperum & spinosum: ex quo satis claret, Plinium Glycyrrhizam nunquam vidisse. De qua Galenus prudentissime ita loquitur lib. vj. tam sæpe à nobis allegato: similiter radici ipse succus, dulcis leuiterq; astringens existit, proinde non modo asperæ arteriæ, sed vesicæ etiam scabritiem lenire potest, idq; temperaturæ mediocritate: quare fuerit sane natura eius familiaris nostræ temperaturæ: Cæterum, tepidam quandam caliditatem sortitur, porro quoniam temperie quoq; est humidum, id quod modice est dulce, iure sane etiam siti congruens medicamentum est, nimirum modice humidum, humanaque natura frigidius. Dioscorides ait, arefactæ radicis pollinem vnguis oculorum mederi.

CONSTANTINVS.

**G**lycyrrhiza Plinio lib. xxij. Cap. 9. Dioscoridi γλυκυσσίζα.  
Idem Plinius lib. xx. Cap. 15. & lib. xxj. Cap. 54. vocat Gly-  
cyrrhizon.

*Glycyrrhiza*, Quæ Theophrasto est *δββγλνκία η̄ συνθιμὴ πῖσα, η̄ γλνκία*. de historia plantarum libro ix. cap. 13. alij etiam dicitur *ελόνκ*, Galenus apud Hippocrat. *γλνκίον βοτάνον* exponit *Glycyrrhizam*. ab hac etiam fit vinū quod *Glycyrrhizites* vocat. Columella lib. j. cap. 35. Et quia samem sitimq; sedat *Glycyrrhiza*, ob hoc adipsos vocata est.

## DE CENTAVRIO MAIORE.

Græcè: *κντάριον μέγα*: Latinè, *centuarium maius*, *rhaponticum officinarum*: Arabicè, *canthurion*: Hispanicè, *ruipontico*: Italicè, *reupontico*: Gallicè, *centaure*, ou *erronee*: Germa. *Rapontick*.

## Enarratio VI.

**C**entaurea hæc maior, absq; ambagibus, & controversa vlla, rhaponticum officinarum est, radix brachialis crassitudinis, nullibi non obuia, cuius vires prosequitur Galeus, lib. vij. Simplicium, ad istum modum: Radix eius gustui acris simulq; astringens apparet, cum leuicula quadam dulcedine, quod verò ad actiones pertinet, menles prouocat, viuum fortum extinguit, extintumq; propellit, præterea vlcera glutinat, sanguinemq; reiicientibus prodest: exhibentur autè eius binæ drachmæ febrientibus quidem cum aqua, febrī vero liberis, cum vino, quinetiam ruptis, conuulsis, dyspnœæ inueteratæq; tussi est auxilio, eadem quæ radix, & succus ipsius præstat. Cæterū Theodorus Gaza, in Theophrasto, perperam huic Fel terræ nomē indidit, quum hoc nomē minori centauro potius ob insignem eius amaritudinē conueniat.

Gaza errat.

## DE CENTAVRIO MINORI.

Græcè, *κντάριον μικρόν*: Latinè, *centaurium minus*, *centaurea minor*, *fel terra*, *febrifuga*: Hispanicè, *fel de tierra*: Italicè, *biondella*: Arabicè *catarion*, *seges*: Gallicè, *fiel de terre*: Germanicè, *Fieberkraut*, *Tausent gulden kraut*.

## Enarratio VII.

**V**lgaris admodum herba ista est, & ob nimiam quam possidet amaritudinē, Fel terræ dicta, quod nomen

*Centaurea  
minor fel  
terra dicitur.*



*Centaureum minus.*

medicamen, expers mordacitatis, vlcera itaq; magna herbae ipsius recentis illitu glutinantur, & vetusta, quaeq; aegre ad cicatricem perducuntur, cicatrice obducuntur, arefacta vero glutinatoriis & desiccatoriis miscetur facultatibus, miscetur etiam ita quae rheumaticis medetur affectibus, in quibus ea medicamina praestantissima sunt, quae vehementer desiccantia cum quadam astrictione nullam habent mordacitatem. Decoctum herbae quidam infundunt ischiadicis, ceu biliosa & crassa extrahens, nam & talia purgat, succus eius praeter dicta, cum melle oculis illinitur, mensesq; & foetum euocat, iecinoris quoque obstructions optime aperit, bonumq; durato lieni est remedium, & impositum foris, & bibitum.

### DE CHAMAELEONE ALBO.

Græcè, χαμαιλέον λευκός: Latine, *chameleon albus*, Arabicè, *chamaliium*: Hispanicè, *cardo pintto*: Italicè, *Cardo maria*, *cardo macula-*

to: Gallicè, carline : Germanicè, Vehe distel,  
Marien distel.

Enarratio VIII.

**C**hamæleon albus, vt mea fert opinio, non aliunde nomen traxit, quàm ex multorum colorum varietate in quos chamæleon animal vertitur. Quo factum est, vt carduum istum Hispani, pinctum, vel pictum, appellant, & merito sane, quia eius folia multis & variis insigniuntur maculis, & illis quidem lacteis, quandoq; vero nigrioribus, qua de causa, alterum album, alterum vero nigrum vocant, iis vero in aqua decoctis, furfuribus adiectis Lusitani suos faginant equos. Cæterum, conspicitur hodie ad radices vtriusq; chamæleonis, lentus quidam humor viscidus, quem viscum multi appellant, & ea de causa, radix chamæleonis, iuxta à nonnullis appellabatur. Est enim *isias* succus iste ad radices chamæleonis nascens, veneni graue genus, de quo Dioscorides libr. vj. cap. xxj. sermonem fecit: quod Plinius quoq; semper intelligit, quum antidotum contra viscum describit. Nam chamælea, longe alia res est, cuius inaduertentia, Auicenna libro sui Canonis errat, chamæleam cum chamæleone confundens. Est enim chamælea, officinarum mezereon, De qua proprio capite sermo habendus est. Dicitur autem carduus iste suarius, quia eius radix sues interficiat, vnde charlinam vulgarem, chamæleonem istum non esse certissimum est, quia eius radix, tantum abest vt sues interficiat, vt eos potius apprime nutrire valeat. Item charlina, pauca emittit folia, caulem vero à radice denudatum, in cuius summitate, pappus quidam, tanquam cardui echinus apparet, latus, purpureus, vndique aculeatus, ex quo polito, & ab horridis spinis denudato ac mundo, conditum saccharo, vel melle hodie paratur, frigidiori ventriculo conducibile, vt hodie experimur, in quodā, quod ad nos reuerendus Ludouicus Bartholus Vrbinas Anconæ apud Dominicanos prior dignissimus misit. Valet autem radix charlinæ, contra pestilentem luem, quæ ab angelo, Carolo Magno, vt ea exercitum à peste liberaret, indicata creditur.

*isias*  
*venenum,*

*Charlina*  
*descriptio.*

DE CHAMAE-  
LEONE NI-  
GRO.Chamaeleon  
niger.

Chamaeleon niger.

Græcè, χαμαλέον μέ-  
λας: Latine, chamaele-  
on niger: Hispanicè,  
cardo pinto negro, car-  
do aliogero: Italicè,  
chameleone negro: Gal-  
licè, chardōnete: Ara-  
bicè, chameleon mela-  
mos: Germanicè. Eber-  
uurtz.

## Enarratio IX.

DE isto abundè su-  
periori diximus  
capite.

## DE CROCODILIO.

Græcè, κροκόδιλον: Latine, crocodilium: Hispanicè,  
carlina: vulgo carina: Germ. Vuildeber vuurtz,

## Enarratio X.

Crocodili-  
um charli-  
na est.Galeni tro-  
codilium.

CROCODILUM vt placet Ruellio Suefionensi, ac  
Brisoto Parisiensi viris doctissimis, charlina est, de  
qua cap. 8. vnum vel alterum verbum fecimus: nascitur  
enim, non solum in syluis, vt tradit Dioscorides, sed  
etiam arenosis, & macris locis, vt Plinium adnotasse  
legimus, lib. xxij. cap. 4. prope enim terram, charlina sua  
emittit flores, de qua Galenus sub crocodilij nomine, ita  
lib. vij. agit dicens: Crocodilij semen acre est, atque odo-  
ratum, vrinam mensisque ciens, itaque facultatem habet  
calidam, digerentem & exiccantem, succus tum caulis,  
tum seminis, vt quæ similis sint facultatis, nephriticis ad-  
iuuat, radix pectoris excreationibus valenter conducit,  
trahit vero etiam per nares sanguinem, hæc Galenus.  
Quod vero charlina nostra, per nares sanguinem non tra-



hat, id loci ratione euenire credendum est.

## DE DIPSA CO.

Græcè, *Μάχου*: Latine, *labrum veneris*, Hispanicè, *cardencha*, *cardo pendeador*: Italicè, *cardo da cardar*: Gallicè, *chardon de cardeur*: Arabicè, *dibsa-cos*: Germanicè, *Karten distel*.

## Enarratio x i.



*Dipsacū siue labrū veneris.* siue *carduus fullonius*, quia rudes panni, veluti & pilei, huius echino poliuntur. Nascitur autem in Hispania in aruis, maxima quidem copia, vt nulla prorsus indigeat cultura: in Italia vero, præsertim apud Bononienses, maxima cura seritur, ac ea de causa, multi inter domesticum & syluestrem, differentiam faciunt, quum tamen nulla prorsus sit, & in vtroque qui diligenter quærit, vermiculum in echino inuenit, cuius Galeni temperamentum inuestigans, breuissimè lib. vj. de Facultatibus simplicium medicamentorum, ita dixit: *Dipsaci spinę radix ex secundo ordine exiccatoria est,*  
habet

**V**lgaris *carduus dipsacos* est, & à phar-macopolis, *virga pastoris* dictus, quia virgis oblongis, aculeis denudatis gregem pastores ducūt. Errat Mathæus Syluaticus, nonnullos alios imitans qui *virgam pastoris carduum*, cum *corrigiola sanguinaria*, ac *cētumnodia* dicta herba, confundit, ignorans hanc *centumnodiam* siue *sanguinariam*, *polygoniū* apud Dioscoridem esse, non vero *dipsacum*, vt suo dicemus capite. Dicitur quoq; *carduus iste* officinis, *cardo fullonū*,

habetque nonnihil & absterforium.

## DE SPINA ALBA.

Græcè, ἀκανθα λευκή: Latine, spina alba: officinis bedeguar: Hispanicè, cardo sylvestre, que hecha alcahosres: Italicè, cardo sylvestre deli Carcioffi: Gallicè, artichau saulnage: Arabicè, Bedeguar: Germanicè, Feh distel.

### Enarratio XII.



*Spina alba.*

Spina alba, officinarū bedeguar est, apud nonnullos sylvestris dicta cinara, carduus scilicet sylvestris alcichoflos ferens, qui plerumque in montibus, & syluosis locis reperitur, & eius floribus variis in locis lac coagulatur. Non est igitur ut pharmacopole putāt, bedeguar syluestris rosæ fructus, aut carduus benedictus, quāquam illius loco eo uti non extra rationē esset, ut suadet Brasauola in syrupo de eupatorio efficiendo. Est igitur ἀκανθα λευκή, id est spina alba, Serapionis & Arabum bedeguar. Nam λευκή ἀκανθα, id est alba spina, res est, cuius inaduertētia Manardus errauit. Succhaha vero, nō est bedeguar, sed poti⁹ apud Dioscoridē Arabica, siue Aegyptia spina, quāquā reuera, vtraq; soli ratione tantum inter se differant: nā bedeguar apud nos nascit, succhaha vero apud Arabas reperitur, & ea de causa loco succhaha, bedeguar recte accipi potest. An vero radices harum spinarum, ingredi debeant syrumpum eupatorij Mesues: in dubium vertitur, Brasauolus eas ut pote astringentes reiicit. Mathiō-  
lus

Ius vero Senensis, acriter eum reprehendit. Ego vero, tametsi noscam Brasauolum doctissimum, exercitatissimumque in re medica esse, ut cui singulis annis, quingenti supra mille aegrotantes subiiciantur, non sic tamen a Mesue discedendum putarem, quum reuera, syrupus iste pro morbis diuturnis, & febribus longinquis, paratus sit, quibus languentium stomachi, languidi, deiecti ac debiles & relaxati, sunt facti, pro quibus roborandis, vel saltem non omnino destruendis, prædictæ radices consulto huic adiiciuntur syrupo. Quibus quoque adde, quòd radix bedeguar, id est acanthæ leuces, modice astringit, ut ex Galeno percipitur lib. vj. citato, sic dicente: radix eius desiccatoria est, & modice astringens, quam obrem & cœliacos & dysentericos iuuat, & sanguinis reiectiones cohibet, œdemataque illitu contrahit, ac dentes dolentes iuuat, si decocto eius colluantur, semen tenuis essentia & calida facultatis est, itaq; potui dari ijs qui cõuelluntur, cõuenit.

## DE AEGYPTIA, SIVE

## ARABICA SPINA.

Græcè, ἀκανθα αραβική: Latine, arabica spina, ægyptia spina, Arabicè, succhaha.

## Enarratio XIII.

**A**rabica siue Aegyptia spina, Arabum succhaha est, quæ natali tantum à spina alba differt, nam hæc apud nos crescit: illa vero apud Arabas & Aegyptios, vnde cognomina traxit. Loco igitur Arabicæ spinæ, quæ ad nos hodie non affertur, alba uti debemus. Cæterum Ruellius hic hallucinatur, credens utique, Arabicam spinam, acaciæ arbusculum esse, parum Galenni animaduertens verba, quæ ita lib. vj. habentur: Acatha Aegyptia, quidam Arabicam vocant, similis autem est spinæ albæ nostrati, verum facultate validius astringente pariter & desiccate, itaque profluuium muliebri radix eius iuuat, & alia quibus auxilio est, quæ apud nascitur spina, sed efficacius tamen omnia adiuuant: tum radix tum fructus: Hic vero & columellæ prodest, & iis quæ inflata sunt, tum vlcera ad cicatricem ducit, mediocrem habens & non molestam astringentem. Hæc Galenus, per quæ satis percipitur quòd arbusc

Ruellius  
hallucina-  
tur.

arbusculum ferens acatiam, tametsi in Aegypto nascatur spina hæc Arabica, siue Aegyptia spina de qua agimus, non sit. Nec enim ignoro Oribasium ac Aëtium viros graues, acatiam cum Aegyptia spina, idem facere, quos forsitan Ruellius secutus est, sed vt dixi, non sine errore.

## DE SCHOLYMO.

Græcè, σκόλυμος: Latinè, scolymus, carduus, cinara,  
Hispanicè, cardo de comer, cardos: Italicè, cardoni:  
Gallicè, artichaut: Arabicè, sacolomas: German.  
Artischauu.

## Enarratio XIII.



Carduus.

Antuerpiam. De quo Plinius candidè vt solet, inquit lib. xix. cap. 4. & iam ne in herbis discrimen inuentum est, & subdit, & in iis aliqua sibi quoque nasci tribus negant, caule in tantum signato vt pauperis mensa non capiat, sy uestres fecerat natura horridos, vt quisque demeteret, palam, ecce altiles spectantur asparagi, & Rauenna ternis libris.

ET si carduorum multa & varia sint genera carduus tamen absolute dictus, is est, qui inuictus vsus venit, & lautioribus mensis, pro sigillandis ac roborandis stomachis apponitur. Nã apud vniuersam Hispaniam frequens carduus iste habetur, qui hibernis mensibus terra obruitur, & albus ac delicatissimus redditur. At in germania, raro carduus iste conspicitur. Porro in Flandria, Hispanorum diligentia, qui huiuscemodi delitiis multum delectantur, nõ infeliciter prouenit, præsertim apud Brugas, &

bris rependit, heu prodigia ventris, Mirum esset nō licere carduis pecori vesci, non licet plebeis, item, cap. viij. eiusdem voluminis, inquit, poterant videri dicta omnia quæ in pretio sunt, nisi restaret res maximi quæstus, non sine pudore dicenda. Certum est quippe, carduos apud Carthaginem magnam Cordubamq; præcipue, sestertia fena milia è paruis iis reddere, quoniam portenta quoque terrarum in ganeam vertimus, etiam ea quæ fugiunt, qua drupes conscia. Ceterum Galenus de isto ita tradit lib. viij. de Facultatibus simplicium medicamentorum: Radix eius, si quis illam in vino coctam bibat, graueolentem urinam abundanter elicit, fætorique alarum medetur, succus enim eius est purgatorius, calfacit porro secundo & completo ordine, aut tertio incipiente, siccat vero secūdo.

*Scolymi tē  
peratura.*

CONSTANTINVS.

**C**arduorum duplex est differentia. Sunt enim syluestres, & satiu: syluestrium vt placet Plinio lib. xxj. cap. 23. duo sunt genera, vnum fruticosius à terra statim. Alterum vnicauale crassius & vtrique folia pauca spinosa, muricatis cacuminibus. Sed alter florem purpureum mittit, inter medios aculeos, & celeriter canescentem, & abeuntem cum aura: scolymon Græci vocant, de quo lib. xxj. cap. simili sic tradit: Scolymon quoque in cibos recipit oriens, & alio nomine limonion appellat. Frutex est nunquam cubitali altior, cristisq; foliorum ac radice nigra, sed dulci, Eratostheni quoque laudata in pauperis cæna. Cicada ea florēte sunt acerrimi cantis vt testatur Alceus, & Hesiodus: ἦ μὲν ἵ σκολυμῶν τ' ἀνθεῶν καὶ ἰχθῆρα τέρψις. Scolymi autem carduorum generis, radicē etiam rescendo esse decoctam Idem author est Plin. lib. xx. cap. 16. Qui de satu carduorum Hortensium diligenter prescribit lib. xix. cap. 8. Et quamuis scolymi nomine apud Græcos, carduorum omne genus continetur, tamen species quadam est, vt ex citatis locis liquet, quæ priuatim scolymos dicitur, quam secundo de Alimentis Galenus discernit à cinara, quæ itē satui cardus generis est, scolymon enim statuit inter εὐγοῦαχχα, cinaram vero inter κακοῦρα quod si satis expendisset Mathiolus vir non sine honoris præfatione nominandus, non dixisset in huius capituli Comm. in Dioscoridem, Galeni Carduum cinaram appellasse. De cinara quod meminerrim, vti statim nullibi Dioscorides tractauit, aut Plinius: nisi de hac cinara intelligas, quod dixit lib. viij. cap. 27. Ceruum herba Cinara venenatis pabulis resistere. De Cinara ita ceteris Colamel-  
te lib.

la lib. x. hispida ponatur Cimara quæ dulcis Iaccho Potanti veniat, nec Phæbo grata canenti. Ipsam plantam loco superius adducto, vocari tradit Galenus  $\nu\iota\upsilon\alpha\pi\alpha\upsilon$  per Iota &  $\nu\upsilon\alpha\pi\alpha\upsilon$  per ypsilon, cuius quasi capita  $\sigma\tau\omicron\upsilon\gamma\upsilon\lambda\omicron\varsigma$  nominat. Alexandro verò Tralliano est  $\alpha\pi\tau\upsilon\upsilon\iota\alpha$ , nosq; vocamus artichauts: fructus videlicet Cimara, de qua etiam meminit Iulius Pollux libro vj.



Poterium.

## DE POTERIO.

Græcè,  $\tau\omega\delta\iota\sigma\epsilon\omicron\upsilon\pi$ : Latine, poterion.

Enarratio decima quinta.

**P**oterion & neurax, idem est frutex, quam Paulus differentes, faciat, est verò, poterion Hispanis familiaris carduus, sub nomine dicto habitus, quæ Cornarius Germanus vir doctissimus, sua voce, *schleben* appellari tradit.

## CONSTANTINVS.

**D**E Poterio agit Galenus lib. viij. simpl. sub titula *neurax*, quæ ita dicta est, quod nervos abscissos conglutinat, Phrygiæ etiam vocata à Plinio, quia rubet arum venenum depellit, Hanc describit Plin. lib. xxvij. cap. 12. meminit item lib. xxvj. cap. 12. & lib. xxv. cap. 10. Cornarius quem Amatus sequitur, poterion nulla ratione contendit esse prunum Sylvestrè, quæ spinus est Virg.

## DE ACANTHO.

Græcè,  $\alpha\kappa\alpha\theta\iota\omicron\upsilon\pi$ : Latine, acanthium.

Enarratio xvi.

**V**idetur hodie Acanthion, foliis minoribus *aca. phz.*, sed lanuginosis, & aliquantulum per ambitum spinosis

noſis, quæ manibus fricata, fabarum viridium, ex ſe ſpirant odorem, vt in horto probi viri Azaioli Ferrarienſis experti ſumus, ſed in planta iſta, non tanta reperitur lanugo, vt ex illa, veſtes bombycinis ſimiles parari poſſent, alibi tamen reperiri credendum eſt. At bombafium ſiue Gofſipium, in planta naſcitur ſpinofa, quam Dioſcoridem nouiſſe, ex hac deprehendi poteſt ſimilitudine, cuius ſemen tuſſi, & pectoris ægri tudinibus prodeſt, calidum enim eſt, & emolliens, ac ſemen genitale augens, nam Gofſipium uſtum, ſanguinis fluxiones conſtringere, certiffimū eſt. Porro de Acanthio, Galen. breuiſſime lib. vj. adducto, ita meminit. Radix huius & folia facultatis ſunt excaſfactoriæ, vt & iis qui conuelluntur, auxiliantur.

Gofſipium  
quid.

## DE ACANTHO.

Græcè, ἀκανθα: Latine, acanthus: Hiſpa yeruaguan-  
te, branca vrfina: Italicè, acantho: Gal. acanthe,  
ou branch vrfine: Germanicè, Beren klauu.

## Enarratio xvii.



Acanthus hortensis.

**D**iximus ab hinc multis annis, id quod & nunc affirmamus, acanthum Græcorum, officinarum brancam vrfinam eſſe, quum adamuſſim inter ſe conueniant, nec aliqua in parte differant: Quæ ideo branca vrfina dicitur, non vero hircina, vt nonnulli, contendunt, quia eius folia ſimilitudinem quandam, cum vrforum anterioribus pedibus gerunt. Hæc quoq; depicta in cõlūnis & marmoribus antiquiſſimis hodie cernitur,

Brancha  
vrfina, acanthus eſt.

tur, vnde marmoraria à Romanis olim dicebatur. Hodie quoq; in pateris, & auleis, hoc est pannis depictis tapetariè, huius folia effigiata videntur, sunt enim vt paucis dicam, folia hæc lactucæea, cubitalia, subnigra, pinguis, palmaris latitudinis, incisuris quibusdam magnis diuisa: ex quorû decocto clysteres quoq; passim componuntur, & vt tradit Gal. lib. vj. de Faculta. simpl. medic. huius folia mediocriter digerentem facultatem obtinent. At radix exiccatoria est leuiter incisoria, & tenuium partium.

### CONSTANTINVS,

**A**chantus quem Dioscorides ἀκανθῶν vocat, & Galenus lib. vj. Simplicium ἀκανθῶν, καὶ παυδῆσῶν ἢ μελάμυρα λέγει. Plinio lib. xxij. Cap. 22. Achantos dicitur: Achantos inquit, est topiaria & urbana herba, elato longoq; folio, crepidines marginum, adsurgentiumq; puluinorum toros vestiens. Duo genera eius sunt, aculeatum & crispum, quod breuius: Alterum leue, quod aliqui paderota vocant, alij melamphyllon. dielamq; marmorariam apud veteres Romanos acanthum scribit Amatus, sed an sine sacramento contendere, melioris nota scriptorem, cuius opera legantur, nullum hoc vnquam scripsisse. Nam marmoritis herba, ita appellata quæd in marmoribus crescat, ab acantho diuersa Plinio lib. xxiiij. Cap. 17. à quo etiam aglaophotis dicitur. Nectamen ignoro vel ex Vitruuij de architectura libr. iij. cap. 1. in opere sculptili Acanthum magno in honore fuisse, Callimachus enim in columnis Corinthijs capitula Acanthi folijs exornauit. Sed etiam in manucalatis poculis eius herba placuit elegantia, Virgilius in Bucol. & molli circum est ansas complexus Acantho. In limbo etiam vestium pro meandro ascita est. Idem author Aeneidos. Et circumtextum croceo velamen acantho. Quinetiã quia lentus est acanthus caulibus maxime vitilibus, & sequacibus, ideo olim atq; etiamnum regnat, in opere topiario: ob id à Virgilio mollis dictus 4. Georgicon: Ille comam mollis iam tum tondebat Acanthi. Et Ibidem: nec fera comantem Narcissum: aut flexi tacuissent rimen Acanthi.

### DE SYLVESTRIBUS

#### ACANTHO.

Græcè, ἀγλαὸν ἀκανθῶν: Latine, Acanthus syluestris,  
branca ursina syluestris,



Enarratio decima-  
octava.

**H**Aec hodie quoque  
conspicitur, aspe-  
ctu tristior, quam pri-  
ma, cui folia nigriora  
& strictiora videntur.

DE ONO-  
NIDE.

Græcè, ἀνώπιδις: Latine,  
ononis, anonis: Hispani-  
cè, gatillos, gathin-  
nos: Italicè, bonaga:  
Gallicè, bugraues, &  
bugrundes: Germa-  
nicè, Heuu hechel, oder stallkraut.

*Achantis Sylvestris.*

Heuu hechel, oder stallkraut.

## Enarratio XIX.

**N**Orunt hanc anonidem, vel ononidem, dictam  
herbam, laboratores, ob id quod eorum aratra  
illius implicitis radicibus remorentur, vnde remora  
aratri nomen traxit, quæ plerunque (silente Diosco-  
ride) flore purpureo ornatur, raro tamen luteo, & de  
ea Plinius libro vigesimo septimo, capite quarto, ita  
tradit: Anonim, quidam anonida malunt vocare ra-  
mosam, similem fœnugræco, nisi fruticosior, hirsu-  
tiorque esset, odore iucundo, post ver spinosa, in iis  
autem ultimis verbis, aut Plinius emendandus est, aut  
omnino errat, quum asserat, post ver spinosa, nam  
Theophrastus, autumno spinosam fieri meminit, id  
quod ita esse, experientia testatur: legendus itaque  
mihi Plinius videtur ad istum modum, post æstatem

Plinius e-  
mendatur

ff 2

spinosa.

*Anonis.*

terea ad dolores dentium, qui oxycrato in quo fuerit cocta colluuntur.

## DE LEVCACANTHA.

Græcè, λευκάκανθα: Latinè, *leucacantha, alba spina.*

## Enarratio x x.

**L**euacantha & acanthaleuce muleum inter se differunt, vt ex Dioscoride, Galeno, Paulo, ac Plinio, facile deprehendi potest. Nam acanthaleuce id est spina alba, Serapionis bedeguar est, vt ca. 12. superiori diximus. Leucacantha vero, id est alba spina, de qua ad præsens agitur, longe res alia est, & cuius exacta notitia haberi non potest, ob prætermissam ipsius à Dioscoride & Plinio historiam: vt tamen coniecturis assequi possumus, arbuscula quædam, leucacantha dici debet, sepes maxime exornans, quæ pyri folia habet, fructum vero nigrum, baccis ligustri similem, ex quo pictores viridem quendam saturum colorè parât, vt cap. de Rhâno meminimus. Proinde Ruellius hic dupliciter errat, primo quòd cum Manardo, leucacan

leucacantham ab acanthaleuce non separat: sed rem vnam esse credidit: Secundo, quod arbusculam hanc rhamnum esse descripserit. Cæterum, si frutex iste dictus, alba spina non sit, proculdubio, quæ illa sit ignoratur. De qua Galenus separatim à spina alba, caput præfixit, & eius verba lib. vii. huic dicato negotio ita leguntur: huius radix amara est, ac proinde incidit, exiccatque in tertio ordine: calfacit autem in primo.

## DE TRAGACANTHA.

Græcè, *ῥαγάκανθα*: Latine, *tragacantha*, spina, Gallicè, *Dragant*, espine à bouc: Arabicè, *Alcuted*.

## HVIVS GUMMI.

*Tragacanthum gummi*, Hispanicè, Arabicè, *alquitira*: Italicè, *gomma draganti*: Gallicè, *gomme dragant*: Germanicè, *Dragant*.

## Enarratio XXI.

Huius plantæ liquor, gummi dragacanthum, vel tragacanthum officinis dicitur: quod ex Creta & Peloponneso præcipuè aduehitur, & de eo Gal. lib. viij. excitatis ita dixit: Tragacantha emplasticam facultatè similem gummi obtinet, nec non obtusiores acridinem: ac sanè similiter illi desiccatur.

## DE ERYNGIO.

Græcè, *ἔργυριον*: Latine, *Eryngium*, Hispanicè, *Cardo corredor*: Italicè, *fringo*: Gallicè, *Panicault*, ou *chardon testu*: Germanicè, *Mannstreu*, *Brachendistel*.

## Enarratio XXII.

Eryngium nascitur passim in campestribus & asperis locis, carduus officinis satis notus, centum capita alioquin dictus, ob multa capita, quæ in summa continet parte, nam Plinij centum capita, diuersa res ab eryngio isto est, vt etiam apud serapionem deprehenditur, qui per centum capita, inguinalem herbam, siue aster Atticum apud Dioscoridem intelligit:

*Eryngium.*

tamen siccitatem sortitur, consistentē in tenui substantia.

## DE ALOE.

*Græcè, ἄλόν: La. aloë: His. hierna babosa: Ital. herba di aloë Ara. saber: Gal. Perroquet: Ger. Alepatick.*

## LIQVOR ALOES.

*Aloë: Hispanice, az euré: Italice, aloë, Gall. aloë.*

## Enarratio XXIII.

**N**on solum hodie herba Aloes, in hortis & fenestris feritur, sed in multis mercatorum officinis suspensa videtur, succum ex se glutinosum destillans, quem aloem appellamus, vnde Hispani à continua destillatione, illam, herbam babosam, appellitant, tam enim herba hæc descriptioni Dioscoridis respondet, vt in eius pictura immorari non sit opus. Affertur autem bona aloë, ex India quadam insula, Socotora dicta, vnde Succotrina Aloë appellatur, & cæteris antefertur, Iocinoris modo concreta, ruffa, splendens, friabilis, ac egregie amara, quæ

*Aloë succo  
trina opti-  
ma.*

*Aloë orifi-  
cia venarū  
aperit.*

vt tra

*Aloë.*

vt tradit Mesue, venarum orificia aperit, in qua re, immerito Manardus ac Fuchsius eum vellicant, quum experientia ipsa verū dixisse Mesuem attestatur, vt Antonius Musa Brasauola optime dixit, & Guiliel. Puteanus euidentissimis rationibus probauit, & nos ipsi ita esse nouimus, quæ vt tradit Mesue, pituitam, & bilē expellit, & ab illis, caput & os ventriculi mūdificat, & confert iuamēto magno, doloribus eorū, & inflāmationi stomachi, in dō qui cōtinuo ea vtitur, nō sentiet in corpo-

re suo, nec instrumentis sensuum suorum ægritudinem, quæ non sit facilis sanatu, & præseruat à putrefactione: ita vt etiam cadauera, præcipuè cū myrrha mixta, & aliis, in corrupta seruet. Caue ergo inquit Mesue, dare Aloem in temporibus frigidis, excoriat enim, ex solutione educit sanguinem. In quibus verbis, Mesue à Manardo quoq; reprehenditur, & merito sane, quanquā Brasauolus pro Mesue ab errore vindicando, rationes adducit, quas tanquam ficulneas dimittimus, quū reuera, aloë securius in hyeme quàm æstate operatur, & validius in æstate, sanguinē per ora venarum aperta detrahit quàm in hyeme, vt cuiq; vel mediocriter in re medica exercitato notū erit. Vt tamen Aloes temperaturam, & illius dotes, apud Galenū descriptas noscamus, ipsum in præsentī audiamus, qui ita lib. vj. tradit: Hæc herba optima in India nascitur, cuius liquor est id quod ad nos importatur, cognominatum Aloë, medicamentum ad plurimas res, propter siccitatē mordicationis expertem vtile, quod quidem astringit modice, sed fortiter amarū est, ac proinde subducit ventrē. Est autem

*Mesue error.*

*Aloes tem  
paratura.* tertij ordinis exiccantium: calfacientium autem, aut primi intensi, aut secundi remissi. Ad hæc vero, gratum est ventriculo medicamen, vt si quod aliud, & sinus glutinat, sanat vlcera quæ ægrè ad cicatricè perducì possunt, & maxime quæ in ano sunt, & pudendo: confert similiter si maceretur aqua, ad eorù phlegmonas, nec nõ eas quæ in ore, naribus, oculisq; oboriuntur, in summa repellere & digerere simul potest, cum hoc vt paulum extergeat, quantum videlicet vlceribus puris non sit molestum.

## DE ABSINTHIO.

Græcè, & ἄλθιου: Latine, *Absinthium*, *absinthium Ponticum*, *absinthium Romanū*: Hispanicè, *asentios*, *alosna*: Italicè, *assenzo*: Gal. *Alwynne*: Arab. *Affinthium*: Germanicè, *Vvermuot*.

Enarratio XXIII.

*Absinthium.*

Abſinthiũ vulgare, idem cū Pontico, & Romano Abſinthio eſt, quia in nihilo inter ſe quam natali tantum differant, quo factũ eſt, vt Galen. libris Methodi medendi, aliquando herbas diuerſas facere videatur, quum tamen eadem ſit: in Ponto tamen procerius creſcit, cuius facultates & temperamentum ille libr. vj. de Facul. ſimpl. medica. ita proſequitur: abſinthium aſtrictoriam, amaram & acrem qualitatem ſortitur, excalfaciens, extergens, roborans, & exiccans: proinde bilioſos ventris humores deiicit: ac per vrinas euacuat: Verum contentam in ventre pituitam, nihil adiuuat ſumptum ſic

fic nec in thōrace aut pulmone contineatur: Nam astringens in eo facultas quā amara, valentior est. Est autem calidum in excessu primo, siccum vero in tertio: at succus longe quā herba est calidior.

## DE SERIPHIO.

Græcè, ἀψιθίου θαλάσσιου: Latine, *seriphium*, *Absinthium marinum*: Hispanicè, *assentios marinos*, *alofna marina*: Italicè, *assenzo marino*: Gallicè, *barbotine*.

## Enarratio xxv.

**N**ascitur seriphium nō solum prope mare, sed in multis Italiæ hortis, semine onustum: vnde Fuchsius, hanc non nouisse herbam, certum est, quum in suo Herbario, quibusdam siliquis ornatam eam depictam proposuerit: & de ea ita tradit Galenus lib. viij. Simplicium, quū inquit: Seriphium absinthio est tum specie, tum gustu simile: Cæterum, non æque astringit: sed calfacit valentius, nec nō amaritudinem quandam saluginosam refert, ventriculoque est infestum: magisque absinthio lumbricos enecat, calfacit itaque secundo ordine intenso, siccatur autem in tertio. *Seriphium*

## DE SANCTONICO

## ABSINTHIO.

Græcè, ἀψιθίου σαυτόνικου: Latine, *santonicum absinthium*: Gallicè, *Aluynes de Xaintonge*.

## Enarratio xxvi.

**D**icitur Absinthium Santonicum, à Santonibus Gallia populis, apud quos plurimum gignitur. Cuius semen à santonico, corrupte sanctum deductum est, quod hodie saccharo incrustatur, pro vermibus puerorum interficiendis, & ea de causa, semen lumbricorum appellatur. Cæterum, qui Serapionis, tanabel, semen hoc interpretatur, omnino errat: quia canabel Serapionis, arena quædam terra est, à cælo pluuiæ tempore cadens, non vero semen plantæ, quæ non solum contra vermes in usu habentur, sed etiam pro figulinis vasis glutinandis.

## DE ABROTONO.

Gracè, ἀβρότονον : Latinè, abrotonum : Hispanicè, abrotano, hierua lombriguera : Italicè, abrotano: Gallicè, auroene ou garderobbe: Arabicè, Kesum: Germanicè, Schols vuurtz.

## Enarratio xxvii.

Abrotonū.

Campho-  
rata.

Abrotonum.

Ulgata & inter cōmunes herbas, abrotonum habetur, cuius fœmina & mas sunt: fœmina, infima siue syluestris cypressus, in hortis nascens est, quæ fantolina vel camphorata à nonnullis quoq; appellatur. Mas verò, vbique reperitur, de quarū virtutibus, Galen.lib.vj.de Facultat.simplic.medic. inquit: Abrotonum calidum & siccum est facultate in tertio recessu, aut ordine, qui ad temperatam naturam expenditur, sicut, valde siquidem est amarum, qui sapor, quum terrenæ essentia sit, à largo est calore extenuatus: porrò, si quibus per circuitus redeunt rigores, ante inuasionem rigorum eos abrotono confrices, minus utiq; concutientur subitoque sensum caloris percipient. Quòd abrotonum etiam lumbricos perimat, par quidem est, quum sit amarum: cæterum & digerendi & incidendi quandam vim habet, ipsoq; absinthio maiorem, quandoquidem paucissimæ acerbitalis particeps est abrotonum, haud autem exiguae absinthium: vnde inimicum sane est ventriculo abrotonum, veluti etiam seriphium, gratum verò & amicum absinthium, per se quippe amarum omnifariam est in sensum ventriculo, austerum

vero,



verò, aut acerbum, aut in summa astringens, amicum & familiare. Et subdit: abrotonum vltum, calidum siccumq; facultate est, magis etiam quàm cucurbita sicca vsta, & anethi radix, illa enim vlceribus humidis simul & citra phlegmonem callo induratis conueniunt, ac proinde maxime præputij vlceribus congruunt: At cinis abrotoni, vlceribus omnibus mordax est, atq; iccirco ex oleo aliquo tenui, cicino scilicet, aut raphanino, aut Sicyonio, aut veteri, & maximè Sabino, ad alopecias accommodatur. Tum barbam tardius nascentem, in eorum aliquo, nec minus lentiscino maceratum elicit.

## DE HYSOPO.

Græcè, ὑσώπῳ: Latinè, *hyssopum*: Hispanicè, *hyssopo*, *Hissopilho*: Arabicè, *fusa*: Italicè, *Hissopo*: Gallicè, *hyssope*: Germanicè, *Hysop*.

Enarratio xxviii.



*Hyssopum.*

hyssopo, sed potius in folio tantum, proinde hyssopum  
vulg

**H**YSSOPUS officinis communis & vulgaris est herba, quam Dioscoridis & Græcorum hyssopum esse, vel ne, multi dubitabāt: quia capite de origano Heraclotica, legunt, secundum Marcelli versionē, folia hyssopi habere, non tamen umbellam hyssopi modo: rotæ figura, in quibus verbis videtur hyssopum, umbellā modo rotæ habere: sed reuera, textus iste verus est, cui tamē falsa verba hæc adiecta sunt, hyssopi modo, quum Dioscorides in flore origani nullam faciat similitudinē cum

vulgarem, Græcorum hyssopum esse, non est dubium, de qua Galenus lib. viij. de Facul. simpl. medi. breuissimè ita dixit: Desiccatur & exalfacit tertio ordine, sed tenuium est partium hyssopum.

## DE STECHADE.

Græcè, *συχὰς καὶ σοιχὰς*: Latine, *stæchas*: Hispanicè, *cantuesso*: Lusitanicè, *rosmarinho*: Italicè, *steca*: Gallicè, *stechas*: Arabicè, *astuchudes*: Germanicè, *Stichas kraut*.

### Enarratio xxxix.



*Stæchas.*

prope Mafsiliam fitis, contrahitur, ex qua syrupus in officinis paratur, & cum aromatibus & sine illis: ex illius quoq; floribus, conditum, capiti, ventriculo & matriçi conueniens, cum succharo vel melle conficitur. De qua Galenus libro octauo de Facultatibus simplicium medicamentorũ ita inquit: *Stæchas amara est, & mediocriter*



Spica.



Lauendula.

substringens, quum nimirum ex terrena essentia frigida exigua, & extenuata altera terrena copiosa, constet, quare obstructione liberat, extenuat, extergit, roboratq; & viscera & vniuersum corpus: cæterum, herba illa à nonnullis stœchas citrina dicta, longe alia res est, de qua alibi sermonem habituri sumus. Est porro stœchadi, herba folio, & figura persimilis, absq; flore tamen: quam pleriq; crispulam vocant, optimi sane odoris, & cuius radix, thuris odorem maxime refert, & eam in vnguento marciatone iniiciunt.

*Crispula  
herba.*

## DE ORIGANO HERA- CLEOTICO.

Græcè, ὀρίσανθον ἡρακλεωτικόν; Latine, *Origanum Heracleoticum*: Hispanicè, *Oreganos*: Italicè, *Origano*: Gallicè, *organ*: ou mariolaine sauvage: Arabicè, *faudenegi*: Ger. *Vvolgemuot, dosten.*

DE

AMATI LVSIT. COMMENT.  
DE ASININA ORIGANO,  
ONITIDE DICTA.

Græcè, ὀρίγανος ὀνίτις: Latine, *onitis origanus*, *asinina origanus*.

DE SYLVESTRI ORIGANO.

Græcè, ἀγροκόρυλλον: Latine, *sylvestris Origanus*:  
*vulgo, origano campestre*.

DE TRAGORIGANO.

Græcè, τραγορίγανος: Latine, *tragoriganus*, *hircina origanus*: Gallicè, *Mastic*.

Enarratio xxx. xxxi. xxxii. xxxiii.

origani  
quatuor  
genera.



*Origanum.*

Quatuor origani genera à Dioscoride describuntur, quorum præstantius, & verius, sylvestre est, quod nullibi quàm in Hispania hucusque mihi videre contigit: in Gallia vero, & Germania ac Italia, genere quodam vtitur non adeo tamen potente ac bono. Habent tamen origani vt refert Galenus libr. vii. de Facultatibus simplicium medicamentorum has sequentes doctes, Heracleotica quidem efficacior est Onitide, agrestis tamen est valentior vtraq; , omnes vero incidendi, extenuandi, calfaciendi, & exiccandi obtinent facultatem, in tertio nimirum excessu, At tragoriganus etiam quippiam astringit.

## DE PVLEGIO.

Græcè, γλίχων: Latine, *pulegium*: Hispanicè, *poleios*,  
*poeyos*: Italicè, *pulegio*: Gallicè, *pouliot*: Germanicè,  
*Poley*, hertz *poley*.

## Enarratio XXXIIII.

*Pulegium.*

**O**Lim verò cum non-<sup>*Pulegium.*</sup>  
 nullis doctissimis  
 viris, ac diligentissimis  
 simplicium medicamen-  
 torum investigatoribus,  
 in dubiũ vertebam, num  
 pulegiũ vulgare, Diosco-  
 ridis & Græcorum pule-  
 giũ esset. Sed nunc re ex-  
 actè contèplata, pro fir-  
 mo tenemus, in idè con-  
 venire, nec ì aliquo inter  
 se differre, Cuius duo ge-  
 nera reperiũtur, alterum  
 flores albos, alterũ verò  
 purpureos ferès: illũ ma-  
 rem, istũ verò fœminam  
 Pli. lib. xx. cap. 14. appel-  
 lat. Sed Fuchsius in hoc  
 errat, credens, pulegium  
 fœminã, purpureos flo-

*Fuchsius er-  
 rat.*

res gerens, nepitham esse, quum revera res inter se diffe-  
 rentes sint, vt experientia ipsa indicat: de quo Galenus  
 lib. vj. Simplicium ita inquit: Glechon id est pulegium  
 herba, quandoquidem acris & subamara est, valde exte-  
 nuat, & calfacit. Quare & illita rubricat, & exulcerat si  
 diutius hæreat, quinetiam humida, crassa, & lenta, ex tho-  
 race & pulmone excreatu facilia facit, mensesq; mouet.

## DE DICTAMNO.

Græcè, Διταμνον: Latine, *dictamnium*, *Dictamnus*  
*Cretensis*, vulgo *dittamo*: Arabicè, *Bari*,

## Enarratio xxxv.

Dictam-  
nus.

**A**ffertur è Creta infula dictamnus, foliis pulegij, subrotundis, & tomento quodam desuper vestitis, qua nulla quantumcunque paupercula aromataria sit, in Italia iam hodie caret, tam enim frequens, ac continua illius aduectio est. Cæterum, quod Dioscorides inquit, ferunt in Creta vulneratis telo capris, eius herbæ cibo, tela cuspidesque omnes ex corpore decidere, hodie verum esse nouimus, est certe hæc hæc, vt refert Theophrastus lib. ix. de Plantarum historia, cap. xvij. mirabilis, præsertim pro partu accelerando. De qua Galenus lib. vj. citato, ita tradit: Tenuiori essentia constat quàm pulegium: cætera illi simile.

## DE PSEVDODICTAMNO.

Græcè, *ψευδοδίαμνος*: Latine, *falsum Dictamnium*.

Hispanicè, *pulegium ceruinum*, *poleo cerual*.

## Enarratio xxxvi.

Pseudo di-  
ctamnium.

**H**æc in Hispania & Italia comperitur, quam Hispani, pulegium ceruinum appellant. De quo Galenus libro superius citato, inquit: At pseudodictamnium ad omnia imbecillius existit.

## DE ALTERA CRETENSI

## DICTAMNO.

Græcè, *ἑτεροειδὲς διάμνος*: Latine, *altera Cretensis dictamnium*.

## Enarratio xxxvii.

Tertia di-  
ctamnium.

**N**on solum in hortis hodie altera hæc Cretensis dictamnium videtur: sed etiam in fictilibus ad fenestras frequenter reponitur, folio crefonis, flore pulchro, purpureo, & qui fricatus odorem ex se refert, qualem ex flore narantij oriri videmus.

## DE SALVIA.

Græcè, *ἑλείσσακος*: Latine, *salvia*: Hispanicè, *Italice, salvia, salua*: Gallicè, *sauge*: Arabicè, *Eli-facos*: Germanicè, *Salbey*.

*Salvia maior.**Salvia minor.*

## ENARRATIO XXXVIII.

**N**ullus extat hortulus, quantumcunque pauperculus, *Salvia.* qui non salvia ornetur, adeò ubique frequens est, nam & sylvestris quoque non minus obuia est, quæ variis in locis fructum quendam gignit, gallæ omnino similem, paruum tamen, & colore subalbidum: de qua Galenus breuissimè dixit libro vj. de Facultatibus simplicium medicamentorum. Elelisphacos, id est salvia, euidenter excalfacit, ac leuiter subastringit.

## DE MENTA.

Græcè, ἄδύσση & μέντη: Latine, *Mentha*: Hispanicè, *hierua buena*, *ortelana*: Italicè, *menta*: Gallicè, *mente*: Arabicè, *nahanaha*: Germanicè, *Müntz*.

## ENARRATIO XXXIX.

**V**bique menta nota est, quæ quia in hortis semper reperitur, Hortulana ab Hispanis nonnullis appellatur. *Menta vn de dicta.*

*Menta sativa.**Menta sativa altera.*

Dicitur porro menta, quòd odore suo mètem & venerem excitet, vt ex Galeno & Dioscoride facile percipi potest, quanquam Plinius lib. xx. cap. xiiij. oppositum dicat, non sine tamen errore, vt ex Galeni sequentibus iis verbis, facile percipitur, quæ ita habent: Tam menta quàm calamintha, gustu acris, & facultate calida est, ex tertio calfacientium ordine: infirmior tamen est menta, & minus excalfacit: cæterum mediocriter ad venerem excitat, id quod omnibus accidit, quæ humiditatem semicoctam & flatuosam continent, At calamintha, quum valentius calfaciat & exiccet, habet etiam quiddam amarum in se, ac acerbum: quare illo quidem lumbricos perimit, acerbitate verò, si cum oxycrato bibatur, recentes sanguinis reiectiones reprimat: Substantia est, vt si qua alia herba, tenuium partium. Cæterum Galenus hic mea sententia per calamintham, mentè syluestrem, dictam mentastrum intelligit, de qua sermo subsequitur.

*Menta syl-  
uestris men-  
astrum est.*



## CONSTANTINVS.

**E**RRorem suum congeminat Amatus Lusitanus Plinium cul-  
 pans, & absurdo consuetario, ex detortis Dioscoridis & Galeni  
 verbis concludens Mentha falsam etymologiam. Nam quæ potest  
 esse absurdior consequentia quàm hac Amati? Dioscoride ac Ga-  
 leno authoribus, mentha ad venerem stimulat: ergo mentem emo-  
 uet. falsa enim hæc est antecedens enunciatio: Omnia quæ ad vene-  
 rem incitant conturbant mentem, siue vt ipse loquitur excitant.  
 Sed demus hoc pronunciatum verum esse ac necessarium. An continuo  
 sequitur? Igitur in mentha etymo lapsus est Plin. At sanè Amate  
 noster, vt verè potius & libere dicam, quàm accusatoricè aut as-  
 sentatoricè, hæc est lingua Græca, si non vt rursus q; puderda ignora-  
 tio, ac in enoluentis bonis authoribus imitandi magis, quàm cri-  
 minandi causa, supina negligentia. Mentha enim nomen Græco  
 fonte defluxit, quod à vocabulo quo Græcis mens significatur, tam  
 longe abiit, quàm quod maxime, quod ne gratis dixisse videamur,  
 age laudentur authores. Crævinus apud Pollucem lib. vi. Onoma-  
 sticè,  $\mu\acute{\iota}\nu\theta\eta$  ἢ  $\mu\acute{\iota}\nu\theta\eta$  παραδειγματικῶς & ἢ ἐκ αἰῶ. Mentha siquidem ec-  
 dem Polluce teste, non solum dicta est ἰδιώσωρον, sed etiam  $\mu\acute{\iota}\nu\theta\eta$   
 $\eta\gamma\epsilon\iota$   $\mu\acute{\iota}\nu\theta\eta$ , tàmetsi apud eundem corruptè legatur  $\mu\acute{\iota}\nu\theta\eta$ , à Min-  
 the Plutonis scorto (alijsq; Coryti filii) in hanc plantam, vt fabu-  
 lamur poeta, conuerso: quod cum Polluce testatur Ouidius Meta-  
 morph. lib. x. An tibi, inquit, quondam Famineos artus in olen-  
 tes vertere menthas Persephone licuit? Et Galenus lib. vi. simpl.  
 $\mu\acute{\iota}\nu\theta\eta$   $\eta\gamma\epsilon\iota$ , inquit, quam nonnulli  $\mu\acute{\iota}\nu\theta\eta$ , vocant. scitè igitur dixit  
 literatissimus Plinius: Mentha nomen suauitas odoris apud Græ-  
 cos mutauit, cum alloqui mintha vocaretur, vnde veteres nostri  
 nomen declinauerunt. Quæ Plinij verba leguntur lib. xix. cap. 8.  
 non, vt falso citat Amatus, libro xx. cap. 14. Illic enim non de  
 mentha nomine agit, sed de Mentha stro quod syluestris mētha est,  
 differens specie foliorum, quasi figura ocimi, pulegij colore, propter  
 quod quidam Syluestre pulegium vocant. Sed tàmè indidem suam  
 calumniam in Plinium, Amatus adornauit. Ibidem enim hæc sunt  
 verba Plinij: mentha ipsius odor animum excitat, & sapor audita-  
 tem in cibis: ideo embammatum mixtura familiaris, vides vnde  
 composita insidie, & consuti doli? Ac vt, quod Plin. ipse animum  
 excitare, Plinomastrix mentem excitare dixerit, in hac significa-  
 tione (si dijs placet) Latinius. Nimirum literatè tu quidem Amate  
 saluet, tuq; illiteratè naturalis historiae parens atque restitutor.  
 Certe quidē o noster Lusitane, (vt hoc semel aduersus omnes Plinij

obtreclatores dicatur, qui vt viatores cum sudum apparuit, platanos ramos defringunt, sub quo tempore pluuio latuerant : aut vt orobanche, vitis, vel cucurbita, plantas arboresq; per quas creuere suffocant : sic Plinium isti suffocanei palmites supplantare nituntur & concerpere, à quo & eius ordinis scriptoribus, latrocinantur omnia) istud est cum laruis lucelari: & Cyri padiam conuellere. Sed hoc satis, superque sit. Mentha autem à Græcorum explanatoribus grammaticis, etiã *νοξία βοτάνη*, dicta est, id est, herba noxia: non aliam ob causam, quã quod *ἀσυνήθια ὄπρ' ἄσθερα*, id est, conceptus impedit, vt mihi testis est Dioscorides, & Plinius qui eam generationi tradit resistere lib. vice simo, capite decimoquarto.

## DE MENTASTRO.

Græcè, *ἀγροῦ ἡδ' ὄσμοῦ*: Latine, *mentastrum*, *mentasyluestris*: Hispanicè, *italicè*, *mentastro*: Gallicè, *mentastre*: Germanicè, *Rofs müntz*.

### Enarratio XL.

**M**entastrum syluestris menta est, quæ potissimum in aquosis crescit, folio hirsuto, lanugine canescente, odore grauiori, quàm primi silymbrij, ex qua lauacra quotidie parantur, & de illius natura, ac viribus, Galenus capite de menta, sub calaminthæ nomine verba fecit:

## DE NEPETA, SIVE

### CALAMINTHA.

Græcè, *καλαμίνθη*: Latine, *calamintha*, *nepita*, *Arabicè*, *calamentum*: Gallicè, *calament*: Hispanicè, *laneuada*: Italicè, *nipotella*: Ger. *Rorn müntz*.

### Enarratio XLI.

**T**res calaminthæ species à Dioscoride in præsentibus describuntur, quarum secunda, nepeta siue nepita est, non ubiq; nascens, sed magis in regionibus calidis, vnde in Germania rarissime videtur. Est enim herba hæc parua, gracilis, folio pulegij, flore vero purpureo, albicante, paruo, odorẽ ex se gratissimum expirante. Altera vero species, herba cataria appellatur, eo quod ea cati maxime oblectantur, quam Ferrarienses quoq; sua voce neueda appellant, quum tamen vox hæc neueda, non huic catariæ,

*Calamintha.*

catariæ , sed à nobis dictæ cōueniat : melius igitur eam vniuersæ Italiæ residuum , herbam catariam appellat , quàm Ferrarienses , & Longobardi nepetam , quum vt diximus , nepeta siue nepita , prima à nobis descripta est , à Dioscoride verò secunda. Tertia quoq; species reperitur , quam proprie calamētum pharmacopolæ vocant , herbam lōge à duabus diuersam , nec multum à sisymbrio differentē. Omnes tamen istæ herbæ easdem ferè vires obtinent , de quibus Galenus cap. i. lib. vij. de Facult. simplic. medic. ita

tradit : Calamintha , id est nepita , essentia quidē est tenui , temperie autem calida & sicca quodāmodo in tertio ordine. Est enim acris gustu , paulumq; amaritudinis obtinet , extrinsecus admota , primum quidem valde exalfacit & mordicat , cutemq; exugit , postremo etiam vlcus efficit , in corpus autem intro assumpta , tū ipse per sese sicca , tum etiam cum melicrato , perspicuo calfacit , atq; sudoresciet , omneq; corpus tum digerit , tū exsiccat. Iccirco ea contra rigores repetentes per circuitū nonnulli vtuntur , sicuti & contra ischiadicis morbos , trahit enim quæ in profundo hærent ad superficiem , totumq; adeo articulum exalfacit , & cutem non obscure adurit , mensesq; tum epota , tum apposita admodum efficaciter prouocat , ac denique elephantiscis etiam probe auxiliatur : præterea , cicatricibus atris candorem restituit , & sigillata digerit. Præstat autem in huiusmodi , vbi in vino decoxerimus , ipsam emplastritu apponere , & viridem magis quàm siccam : at sicca ad venenatarum bestiarum morsus assumitur , veluti etiam cauteria , & quæcunque medicamēta calida sunt & acria.

Succus eius aut infusus, aut epotus, ascaridas, lumbricos, & aurium vermes enecat, sic & conceptū interimit, eicitque: igitur incidendi quidem ei vis adest, ob calorem, tenuitatem, amaritudinem: abstergendi verò propter solam amaritudinem: quare asthmaticis atque ictericis conuenit, ad omnia tamen dicta, montana efficacior existit.

## DE THYMO.

Græcè, *Θυμῶ*: Hispanicè, *tomilho*: Italicè, *thymo*: Gallicè, *Thyn*: Arabicè, *basce*: German. *Thyn*.

## Enarratio XLII.



*Epithy-  
mus.*

*Thymum.*

Thymus vulgaris & nota herbula est, aliquando flores purpureos, nonnunquam verò albos producens, quibus apes multū oblectantur, mel inde facientes. Nam thymus purpureos flores habens, melior est, ac securior, quanquam qui albos emittit validior ac potentior censetur. A nigro porro thymo abstinendum est, vt suadent nonnulli, quia venenosum omnino sit medicamen. Nascitur autē super thymo, capillus quidam implicatus, epithymus hodie appellatus, cuius copiam Salmanticenses maximam habent, ad ripas fluitij Tormidis, nō longe à fano diuæ Mariæ: De quo libro iiii. suus habetur sermo. Nunc verò thymi vires, ac temperamentum audiamus à Galeo, libro vi. de Facultat. simplic. medicamen. qui ita ait: Thymus incidit, & calfacit vehementer, ob idque vrinam & menses prouocat, foetum euellit, potus viscera expurgat, educendis ex thorace & pulmone confert, ac demique excalfacit exiccatque in tertio ordine.

## DE THYMBRA.

Græcè, *θύμβρα*: Latinè, *thymbra*, *satureia*, *cunila*:  
 Hispanicè, *segurelha*: Italicè, *coniella*, *sauoregia*:  
 Gallicè, *sarriette*: Arabicè, *sahater*: Germanicè,  
*Saturey*, *Zuuibelysop*.

## Enarratio XLIII.

*Satureya.*

in humidis regionibus nascitur, odore grauior & inefficacior est.

## DE SERPILLO.

Græcè, *ἔρπυλλον*: Latinè, *serpillum*: Hispanicè, *serpolho*, *serpam*: Italicè, *serpillo*: Gall: *serpolet*: Arabicè, *Nemen*: Germanicè, *Quendel*.

## Enarratio XLIII.

**S**yluestre & hortense reperitur serpillum, varie tamen, quia nonnunquam hortense humoris copia curuum, humi serpit, vnde nomen à serpendo sibi vendicauit. Ali-

*Serpyllum.*

cult. simpl. medic. ita breuissime dixit: vsq; adeo calfacit, vt vrinas & menses moueat: estq; & gustu admodum acre.

## DE SAMPVCHO.

Græcè, σαμψυχου: Latine, *sampsuchus*, *amaracus*:  
Hispan. *maiorana*: Ital. *Persa*, *maiorana*: Gal. *mar-*  
*iolaine*: Arabicè, *merzenius*: Germ. *Maioran*.

## Enarratio XLV.

Est proculdubio, *sampsuchus*, *amaracus* odorifera, *maiorana* hodie dicta herba, nam altera *amaracus* foetida, reperitur, quam Dioscorides *parthenium* & vulgares *cotulam* foetidam appellant. De præsentī verò, agit Galenus breuissime lib. viij. de Facultat. simplic. medic. quum inquit: *Sampsychon* tenuium partium, & digerētis est facultatis, desiccat enim & excalfacit, ordine tertio.

## CONSTANTINVS.

*Μαριανου* & *νηδ* *αμαρρανου* Theophrasto lib. j. de causis plantarum, *σαμψυκου* Dioscoridi, *νη σαμψυκου* Polluci lib. vj. Est *amaracum* Virgilio lib. j. *Aeneid*. Nam vt author Plinius lib.

xxj. cap. 11. Amaracum Diocles medicus & Sicula gens appellare, quod Aegyptus et Syria sampsuchum: ex quo fit unguentum sampsuchinum, id est amaracinum, ut ipsemet exponit libro xxj. cap. 22. Tamen de amaracino oleo & sampsuchino, distinctis tractat capitibus Dioscorides: ac de sampsucho atque amaraco tamquam differentibus plantis, diuersis locis scripserunt Galenus & Paulus Aegineta, sed eorum amaracus, ab alijs creditur Marum esse Dioscoridis, quod nostra lingua mastice dicimus, ab alijs verò parthenium: quorum opinioni magis assentior. Galenus enim tamen (ut nec etiam Paulus) parthenij, aut mari inter simplicia non meminerit, Marum ab Amaraco aperte discernit libro primo, de Antidotis in compositione hedychoi.

## DE MELILOTO.

Græcè, μελιλωτόν: Latinè, melilotus, sertula campana: Hispanicè, corona de rei, Italicè, Gallicè, melilot: Arabicè, Alchilemelich: Germanicè, Edler stein klee.



Melilotus.



Melilotus Italica.

## Enarratio XLVI.

**N**vsquam quod equidem obseruauerim, melilotum verum quam in Hispania vidi, flore luteo, vel potius melleo, vnde forsan nomen traxit, & illo quidem in orbem coronæ modo consisto, vnde Corona regia, dicta est herba, non nisi optimum, ac iucundum ex se spirans odorem: Nam herba ista, quæ passim pro meliloto à pharmacopolis vsurpatur, tantum à vero abest meliloto, quantum cancer ab anguilla. Porro in Calabria, & Neapolitano regno, verum quoq; nasci certum est, quod Dioscorides vt diligentissimus inuestigator, non siluit: de eo tamen Gal lib. vij. de Facul. simpl. medi. ita tradit: Melilotum quidda habet astringens, digerit tamē, concoquitq; copiosior enim in eo est substantia calida quam frigida.

## DE MARO.

Græcè, μάργον; Latine, Maron, Gallicè, l'herbe du mastic.

## Enarratio XLVII.



Acmos.

**C**onspicitur maro herba, apprime descriptioni Dioscorid. respondens & qua Colimbrienses, bonarū literarū studiosi habēt amaraco sumlem folio organi, admodum odoriferā, & amarā. De qua Gale. lib. de Antidotis mentionē tantum facit quum dicit in Italia sicuti alias quāsdā herbas crescere vidi, ita & amaratum, porro hæc planta à maro per multū odore vincitur, &c.

## : DE ACINO.

Græcè, ἀκινός; Latine, Acinus.



## Enarratio XLVIII.

**A**Cinos ut Ruellius credit, vulgare basilicū est, quod in Aegypto ut ex Plinio percipitur lib. xxj. cap. 15. & 27. flores non emittit.

## CONSTANTINVS.

**A**KIVΘ, sine ἀκνυΘ Dioscoridi, Plinio est acinos, quam & Epipetron tradit vocari his verbis lib. xxj. cap. 15. Et Aequinoctio nascens aphace, acinos quam epipetron vocant, quæ nunquam flores. quæ lectio verior mihi videtur quā hæc apud Theophrastum de historia plantar. libro viij. cap. 8. ἐν αἰῶνι ἢ καὶ ὄλως ἀφ' αὐτοῦ, καὶ ἀπὸ τῆς καὶ τὸ ἐπιμετρῶν. id est, quædam enim prorsus non florent, ut & epimetron. De acino etiā hoc modo Plinius lib. xxj. cap. 27. Acinum & coronarum causa & liborū Aegyptij serunt: Eademq; erat quæ ocimum, nisi hirsutior ramis ac folijs esset, & admodum odorata. Ciet menses & vrinas. Quibus locis aperte ostenditur Basilicum nostrum acinum non esse, quia illud flores flore albo, nec folijs aut ramis est hirsutum, sed ipsum Ocimastrum potius est, de genere Ocimi: & multo sanior est opinio doctissimi Mathioli Senensis, cui subscribimus.

## DE BACCHARI.

Græcè, Βάκχαρις: Latine, Baccharis.

## Enarratio XLIX.

**N**Orunt iam hodie officinarum mangones, asarum à Baccharis. bacchari multum differre, quum tamen, antea eas herbas confunderent. Quid vero sit baccharis, non satis constat: nam Leoniceus scarleam herbam, quam galli cristam Hispani, & multi alij appellant, esse dixit, cui tamen non accedimus, quum & si inter se similitudinem quandam folijs habeant, radicibus tamen omnino differunt. Quia scarlea, nec elleboro nigro radices similes habet, nec cinnamomo odore referentes, imò eas albicantes, subtiles, & inodoras conspiciamus: faciunt etiam ad hæc, quòd scarlea, quæ domestica & sylvestris comperitur, ad orminium Græcorum magis accedit, ut proprio dicemus capite. Non præteribo tamen vnum in præsentia, quòd mulieres Hispanicæ, contra puerorum fascinationes semine scarleæ continuo vtuntur, & ut ipsæ aiunt, non sine quidem optimo successu & maximo iuuamento, quæ vires olim bacchari tribuebantur, ut canit Virgilius.

bacchare

*bacchare frontem*

*Cingite, ne vati noceat mala lingua futuro.*

Ruellius porro, baccharim in Gallia reperiri, eamq; à rusticis, mariæ chirothecas appellari, contendit, quam nos, quum diligenter in Gallia quesuissimus, à scarlez minime abesse nouimus. Cæterum de bacchari, Galenus, quod equidem teneam, in libris Simpliciu nullam facit mentionem. Paulus tamen ita de ea loquitur libr. vii. suæ medicinæ: Baccharis odorata est herba similis cinnamomo, coronaria & acris, huius radice decoctum meatus obstructos aperit, vrinam & menses citat, folia ipsius quum fiat astringentia fluxionibus opitulatur.

### DE RUTA.

*Græcè, ῥύκων: Latinè, ruta: Hispanicè, arruda: Italicè, rutta: Gallicè, rue: Arabicè, sâdeb: Germanicè, Rauten.*

#### Enarratio I.

Ruta.



Ruta.

**T**Am nota & vulgaris ruta est, vt ex ea, quum rem obuiam, & omnibus manifestam indicare volumus, pro uerbium vsurpetur, dicendo: ruta notior est, quæ domestica, siue satiuæ, & syluestris reperitur: Satiuæ non adeo ingrata gustui est, imò eâ vniuersa Italia, inter herbas acetarium componentes, miscet. Syluestris verò sua sponte nascitur, similis omnino domesticæ: sed sapore & odore grauior, & consequenter viribus potentior. Sed animaduerte, quòd syluestris hæc ruta longe

Jonge alia est, ab hac subsequenti syluestri ruta, quam harmel, siue armala Græci vocant, vt inferius sequenti capite dicemus, potens enim ruta est contra venena, vt ex Plinio elicitur lib. viij. suæ naturalis historiæ, cap. 19. & valida contra fascinationes, vt ab Aristot. libro Problematum desumitur, cuius temperamentum, Galen. lib. viij. de Facultat. simpl. medic. ita prosequitur: Peganon, id est ruta, aggreffis quidem, in quarto ordine exalfacit: domestica verò in tertio. Est autem non solum gustu acri, sed amaro: ex quo sane, digerere, incidereq; crassos & lentos humores potest, atq; mouere vrinas, quin & tenuiũ est partium, flatusque extinguit, quare ad inflationes competit, ac Veneris appetentiam inhibet, digeritq; atq; exiccat strenuè.

### DE SYLVESTRİ RUTA.

Græcè, *ῥύσανον ἄργιου*: Latine, *ruta syluestris*, Arabicè, *Harmel*, *armel*: Germanicè, *Vildraut*.

#### Enarratio LI.

CONSULTO prætermisimus, huius capitis magnam partem, quum illa supposititia huic capiti sit, & ex duobus aliis capitibus decerpta, videlicet, ex capite de hyperico, & ascyro, vt cuiq; conferenti manifestum erit, imò nonnulli extant codices, tam Græci quàm Latini, in quibus caput ita incipit: Vocant & aliqui agrestem rutam, & c. vt merito & nos ex iisdem quoq; verbis, capitis initium fecerimus. Hæc enim ruta syluestris, longe alia est ab ea syluestri ruta, quam capite superiori descripsimus, quum syluestris ruta superioris capitis, vt diximus vulgarissima sit: hæc vero Capadociæ, & Asiæ, particularis, quam harmel, siue armel aut armala Græci vocant: vnde fœdissimè, Mathæus vere Syluaticus, & alij Luminarij dicti, errant, credentes, quòd Harmel, cum litera H, scripta, significat semen cicutæ, cum A vero rutam, res proculdubio absurda, & à veritate multum aliena, quum siue cum H, siue cum A, scribatur litera, semper Harmel vel armel, rutam istam syluestrem significat, vt ex Auicenna, & Serapione deprehendi quoq; potest. Animaduertant igitur deinceps pharmacopolæ, quum pillulas fœtidas, & aggregatiuas componunt, ne illis pro harmel, semen cicutæ adiciant, quum venenosum & mortiferum sit,

fit, sed potius immisceant semen rutæ syluestris. Sed vnde error iste ortus fuerit, vt pro semine rutæ syluestris, semen cicutæ acceperint, nunc dicam. Nam Auerrois lib. v. sui Collectorij ita inquit: Armel vel alharmel, id est cicuta, calida est, & sicca in tertio ordine, crassos & viscidos, ac lentos incidit humores, & ob eam vim vrinas mouet, & menses subducit, ex quibus verbis, satis clarum est quod halmel cicuta sit, quibus nos facillime respōdemus, quod textus ille Auerrois corruptus est, quum loco rutæ cicutæ scriptum sit, & quod verum sit patet, quia cicuta frigida est, & somnifera, & textus inquit, pro vt Galenus lib. vii. de Facultatibus simplic. medica. capite moly. Harmel tenuium est partium, & calida tertio ordine, vnde crassos humores & lentos dissecat, ac digerit, & vrinam mouet. Ex quibus verbis satis constat, quod Harmel Auerrois sit ruta syluestris, siue moly Galeni, quam quoq; harmolan Galenus & Græci appellant, vnde satis claret, quod typographi, vel correctoris incuria factum sit, vt pro ruta, cicuta scriptum sit, quia verba subsequētia, temperaturam attestantia, rutæ respondent, & non cicutæ: quia vt diximus, cicuta mortifera est, & quarto ordine frigida: nō vero calida, vt harmola est, quemadmodum ex lib. vii. de Facul. simpl. medic. comprehenditur, vbi Galenus, vltimo capite prædicti libri, ita inquit. Moly hoc quidam vocant, peganon agrion, hoc est rutam syluestrem, nonnulli harmolan, Syri befasan, sicut Cappadoces Moly: quia radicem habeat nigram, & florem lacteum, vis eius tenuium partium est, & calida tertio ordine, vnde & crassos humores ac lentos dissecat, & digerit, ac vrinam mouet. Cæterum quæ herba hæc sit, pauci norunt, nos tamen post longam inuestigationem, eam inuenisse credimus, quæ proculdubio, non alia est: quàm herba quædam, hodie in Italiam & Galliam, ex alieno orbe aduecta, flores similes caryophyllis producēs, quandoq; mellei coloris, nonnunquam vero, lutei, aut crocei, lacteie, quos vniuersa Italia vltimarios caryophyllos appellat, nam ab vna radice plures virgas & longas herba ista emittit, in quarum summitatibus, capitula siue flores dicti caryophyllis perquam similes nascuntur.

*Auerrois  
locus casti-  
gatus.*

## DE MOLY.

*Græcè, μῶλυ: Latine, Moly.*

## Enarratio LII.

**M**oly ut fertur, à Mercurio deo inuenta herba est, *Moly.*  
 incantationibus & veneficiis accommodata, ut ex  
 Homero, decima Odysseæ rapsodia, & Ouidio in Trans-  
 formationibus colligitur, non minùsq; à Plinio capite  
 vigesimoquinto libri quarti, quæ bulbosa & nigra radice  
 ornatur, ut Ouidius loco citato dixit, ad istum modum:  
 Moly vocant superi, nigra radice retentum. flore vero  
 quandoq; vero rubro ornari, ex Homero, tum etiam  
 Græcis medicis, colligitur. Nam Homerus flore albo  
 moly depinxit, & Ouidius illi subscribens dixit, Pacifer  
 huic florem dederat Cyllenius album. Hæc vero hodie,  
 non habetur, nec quæ sit dignoscitur: non desunt tamen  
 aliqui herbarum inuestigatores, qui eam in agro Neapo-  
 litano nasci contendant.

## DE PANACE.

*Græcè, πᾶναξ ἡράκλειος: Latine, panax heraclius:  
 Arabicè, steusir.*

## Enarratio LIII.

**P**anax heracleon, siue panaces Herculeon, ab Hercule  
 illius inuentore, sic dicta herba, in monte Gargano,  
 sancti Angeli dicto, apud Apuliam nascitur, quæ in mul-  
 tis Italia hortis quoq; conspicitur, folio ficulneo, siue pla-  
 tani, ex qua liquor, opopanax dictus extrahitur. Cuius vi-  
 res Mesue exacte profecutus fuit, quanquam, nõ recte ibi-  
 dem dicat, panacem istum folio ferulæ insigniri.

*Opopanax  
liquor.*

## DE PANACE ASCLEPIADE.

*Græcè, πᾶναξ ἀσκληπιῆς: Latine, panax Asclepias,  
 Arabicè, panax Aschilibet.*

## Enarratio LIIII.

**P**anaces asclepion, hodie non videtur, illius tamen in-  
 uentorem Aesculapium fuisse audio.

## DE PANACE CHIRONIO.

Græcè, πανάξ χειρών: Latine, panaces Chironion,  
Arabice, fanax caromon.

Enarratio LV.

**H**æc verò à Chirone repertore dicta est, quæ quoq;  
hodie difficulter videtur.

## DE LIGVSTICO.

Græcè, λιγυστικόν: Latine, ligusticum.

Enarratio LVI.



*Ligusticum.*

quit: libistici radix & semen ex genere exalfacientium  
sunt, ad eò vt & menses cieant, & vrinas prouocent, fla-  
tusque extinguant.

## DE PASTINACA

ERRATICA.

Græcè, σαφυλίη ἀγείος: Latine, pastinaca erratica,  
Arabice, gezar: Hispanicè, canaorias blanquas:

Italicè

*Italicè, pastinaqua; Gallicè, pastenades; Germanicè, Vuild pastiney, vogel nest.*

Enarratio LVII.



*Pastinaca.*

**P**astinacam præcipuè syluestrem Dioscorides describit, quia natura potètiior, & viribus validior quàm fatiua est, cuius radix alba est, & in campis passim crescit: fatiuam tamen culinæ deseruientem omnes habent: iis proxima tum figura sapore ac viribus radix altera est, quæ quædoq; sanguinei coloris, quandoq; lutei, nonnunquam verò nigri conspicitur, quæ Hispani propriè canaoriam, Itali verò, carotam, appellant. Verum multi hodie falluntur, credentes pastinacam erraticam, daucum esse: Nam etsi vi-

ribus, & temperatura, herbæ fere æquales sint, vt recte vna alterius vice poni possit, herbæ tamè differentes sunt, sed cum hoc quoq; non ab re esset fateri, quòd daucus verus, pastinacæ syluestris quoddam sit genus: de quibus suo loco, sermo habendus est. Cæterum, Galen. lib. viij. de Facultat. simplic. medica. de staphilino, id est pastinaca, ita tradit: Satiua imbecillior, agrestis ad omnia potentior est. Vrinæ mensisq; prouocat, abstergitque non nihil, quum herba quidem tota, tum vel maxime semen & radix.

#### DE SESELI MASSILIENSI.

*Græcè, σέσσηλι μασαλιωτικόν: Latinè, seseli Massiliense: Officinis, siler montanum: Vulgo, siler montano: Arab. sifalios: Ger. Vvelscher steinbrech.*

*Massiliense seseli.**Creticum seseli.*

## Enarratio LVIII.

*Siler montanum.*

**Q**uod officinae hodiernae siler montanum appellant, ut mea fert opinio, seseli Massiliense est, quia omnia ex parte, inter se maxime respondeant. Nasquitur enim, in hoc Anconitano monte, feniculi similitudine,

DE SESELI AETHIOPICO.  
DE SESELI PELOPONNESIACO.  
DE TORDYLIO, ID EST CRETICO  
SESELI.

## Enarratio LIX. LX. LXI.

*Seselis tres species.*

**R**aro tres istae seselios species, in officinis videntur, quia ad nos non portantur, de quibus omnibus simul ita tradit Galen. lib. viij. de Faculta. simplic. medic. dicens: Adeo exalfacit tum radix, tum fructus, ut moueat urinas; est etiam tenuium partium, ut comitialibus morbis, & orthopnoeis competat: Catera seselim herbam a ceruis inuentam esse, tradit Aristoteles lib. ix. de Natura animalium,



cap. 5. dicens: Ferarum quadrupedum, cerua maxime prudentia prestare videtur, tum quia circa semitas pariat, quo scilicet beluæ propter homines minus accedunt, tum etiam quia cum peperit, in volucrum primum exedit, mox se felim herbam petit, quam cum ederit, redit ad prolem.

## DE SISONNE SIVE

SINNO HERBA.

Græcè, σίσων: Latine, sison.

ENARRATIO LXII.

Sison, in Syria exiguum nascens semen est, quod nec in Hispania nec Italia quod sciam crescit.



Anisum.

## DE ANISO.

Græcè, ἀνίσον: Latine, anisum: Hispanicè, matahalua, Arabicè, anaxisum: Italicè, aniso: Gallicè, anis: Germa. Anis.

ENARRATIO LXIII.

**A**nisum, tam herba quam semen, satis cognoscitur. De quo Galenus lib. vj. de Facultatibus simplicium medicamentorum ita inquit: Anisi semen calfacit, & siccat in tertio ordine, proinde urinam mouet

ac digerit, flatusque ventris reprimit.

## DE CARO.

Græcè, κάρπος: Latine, carum. Officin. careum, carui: Hispanicè, alcarauca, alcoronia: Italicè, carui: Germanicè, Vvilsen kümel.

## Enarratio LXIII.

**K** Arum siue kareum, vocant pharmacopola carui, semen satis notum, ventositates dissoluens, quod bubulis carnibus iurulentis, praesertim cum brassica conditis dicatur, & illius vires Galenus lib. vij. de Facultatib. simplicium medicamentorum ita scribit: Cari semen calfacit, & exiccat, tertio quodammodo ordipe, moderate acrem possidens qualitatem, itaque & flatus extinguit, & vrinas ciet, tum semen tum planta.

## CONSTANTINVS.

**R** ecentiores Graeci, vt Simeon Sethi, Carum vocant καρυβάδιον, quod tamen Nicolaus Myrepsus interpretatur per cuminum aethiopicum.

## DE ANETHO.

Graecè, ἀνθον: Latinè, anethum: Hispanicè, eneldo, endros: Italicè, anetho: Gallicè, anet: Arabicè, Sebet: Germanicè, Dyllen.

## Enarratio LXV.

Anethume



Anethum.

**A** nethum, satis nota est herba, quae hortosuo odore magnifice exornat, & eius semen in continuo est vsu. De qua Galenus libr. vj. de Facult. simplic. medica. ita tradit: Adeo exalfacit anethum, vt habendum sit aut secundi ordinis intensi, aut tertij remissi, exiccantis vero ordinis est secundi incipientis, aut primi finientis: itaq; merito in oleo decoctum digerit, dolorem sedat, somnum conciliat, crudos humores concoquit, vstum autem tertij ordinis, tum calfacientium

facientium, tum exiccantium fit: proinde vlceribus nimis humidis prodest, potissimum iis quæ in pudendis consistunt: At quæ in præputio sunt inueterata, ea probe cicatrice inducit. Cæterum, viride humidius & minus calidum est, itaq; magis concoquit, & somnum conciliat: sed minus discutit.

## DE CYMINO.

Græcè, κβμινον ἰμβρον: Latine, cuminum: Hispanice, cominhos: Italicè, cimino: Gallicè, cumin: Arabicè, Camum: Germanicè, Roemisch kùmich:

## Enarratio LXVI.

CYminum, semen vulgatissimum est, quod Hispanum Galenus sæpe desiderat; & ex ordine tertio calfacientium facit.

## DE CYMINO

## RVSTICO.

Græcè, κβμινον ἄγριον: Latine, cuminum sylvestre: Gallicè, cornuette, officinarum consolida regalis: Germanicè, Vvilder kùmich.

## Enarratio LXVII.

CYminum sylvestre; hodie in officinis, rusticum cuminum appellatur, de quo in generali, libro septimo, de Facultat. simplic. medicament. ita breuiter dixit: Cymini semen calfacit in tertio ordine, vrinam mouet, extinguitque flatu.

## DE SEMINE

## AMMI DICTO.

Græcè, ἄμμι: Latine, ammi, cyminum athiopicum: Vulgò, ameos: Arabicè, naniochach.

## Enarratio LXVIII.

*Ammi.*


Venetis, in omnibus fere officinis, iam hodie prostat. De quo Galenus libro sexto, de Facultatibus simplicium medicamentorum ita tradit. Eius semen est admodum vtile, quum enim sit subamarum & acre, constat ipsum & digerere, & prouocare vrinas: calfacit autem, resiccatq; in tertio ordine intenso.

## DE CORIANDRO.

Græcè, κόριον, κορίανον : Latinè, *Coriandrum* : Hispanicè, *culantro*, *cœntro* : Italicè, *Coriandro* : Gallicè, *Coriandre* : Arabicè, *Rasbera* : Germanicè, *Coriander*.

## Enarratio LXIX.

**C**oriandrum, herba est communis & Hispaniæ hortis familiarissima, quia ea illic omnes, tanquam  
stoma



Coriandrum.

stomacho, & capiti conueniente, ac aromatica, viridi vtuntur, vnde mirari ipse satis nō possum, quōd præter Hispanos, cæteræ quidem nationes tanquam fœtidam ac pessimi saporis, ab ea abhorreant, reiciantue illam, eius tātum sicco semine contentæ, sed quum in hac re contemplor in mentem venit, quōd præsci Coriandri esum maxime vituperant, imo illum inter venena reponunt, vt ex Dioscoride, libro sexto, capite nono percipitur, & multo magis ex Nicandro, in suis Alexipharmacis, vbi de

Coriandro ita canit.

Quod si noxia quis biberit Coriandra repente  
 Ablato exagitur sensu stridenteque voce  
 Edit acuta velut furiose inbila baccha,  
 Seu Stygia iniecto quasi percitus angue Megææ,  
 Contra hæc ex dulci de prammia vna racemo,  
 Vt madido spumans fudit vindemia pralo,  
 Diluat infuso tamen hæc maris vnda catino,  
 Quin & inanis Gallina partulus ouis.  
 Confractis salsam testis superinijce spumam,  
 Qua rescens cepheus se seruat & interit esca,  
 Piscantes pueri struclis vbi fraudibus illis  
 Insidiantur aui, sic vt capiat ab his, dum  
 Albentem sequitur, non prouida in æquora spumam.

In iis enim carminibus Nicander Coriandri venentum, atque illius antidotum describit, vnde credendum est, emanasse, vt populus hanc herbam pro venenosa habeat, repudiatue, illius tamen semine contentus. Sed reuera contrarium euenit, quia coriandrum, herba optimi est odoris,

& saporis, grata stomacho, & capiti, ita vt inter medicamenta cordialia, digna sit adnumerari, & non ab re, vniuersa Hispania, ea tam sæpe in iusculis, & conditis vitur, ex cuius esu, nullus vnquam, noxam aliquam percepit. Proinde crederem ipse, quum antiqui coriandrum venenosum dicant, non hoc domesticum intelligant coriandrum, sed magis herbulam quandam, cicutariam dictam, folio similem coriandro, quæ in vniuersum frigida est, vt sua frigiditate interimat: vel aliter respondemus, quod prisce illi, de syluestri intelligunt coriandro, non vero de domestico. Nec obstat quòd Plin. lib. xx. cap. quoque 20. dicat, coriandrum syluestre non reperiri, quia falsum hoc esse, nunc in Italia deprehēdimus, quum coriandrū syluestre cōperiat, quod sua spē, nullo interueniēte satore, in aruis & campis nascitur, & crescit, vt hic Anconę, non procul ab vrbe conspiciamus, vnde quotannis mulierculæ colligentes: ad pharmacopolas, vendendū portant. Verū, ad coriandri temperaturā accedamus, in qua Gale. à Dioscoride discrepat: nam Hippocrates, vt primo illū adducamus lib. ij. de Diætā, id est victus ratione, ita de coriandro tradit: Coriandrū calidum est, & aluū sistit, & ructum acidum sedat, & somnū conciliat, si postremū edatur. Hęc Hippocrates: Qui vt inibi videtur, de herba loquitur, non verò de ipsius tantū semine. Libro verò de Affectionibus, siue illius ipse sit author, siue Polybus, ita quoque de coriandro testatur: stomacho gratū est, & per aluum secedit, tum coctū tum crudum. Dioscorides porro, vt videtis, coriandrū, refrigerandi vires habere ita tradit, vt si quis copiosiore vsu eo vtatur, nō leui periculo mente tentabitur, vt de hoc coriandro vulgari loqui lib. vj. videatur. Sed hoc falsum esse Gal. indicat, quum coriandrū calidum est, non verò frigidū, vt ex eius percipitur verbis, quæ ita habent lib. vij. de Facul. simplic. medic. Hanc herbam refrigeratoriā esse, Dioscorides prodidit, quòd mista pani aut polentæ, illitaq; erysipelas curet, quanquam certe exactum aliquod erysipelas, quod vtiq; inflammatū est, & flauum, haud vnquam à tali cataplasmate persanabitur, sed illud tantū quod refrigeratū iam fuerit. Coriandrum itaq; ex contrariis facultatibus constat, plurimū habens essentiæ amaræ, quæ tenuium partium est, & terrena: Nec parum

*Coriandrum syluestre.*

*Coriandri temperaturā.*

etiam aqueæ humiditatis obtinet, quæ tepentis est facultatis. His adiunctum est quoque astrictiois paucillum, Quod autè longe à refrigeratione absit coriandrum, hinc constat, quòd chæradas, siue strumas, cù lomèto discutiat, id quòd nullum refrigerantiũ medicamentorũ facere est aptum. Hæc Galen. Quibus clare percipitur, ipsum cõtra Dioscoridè asseuerare, coriandrũ esse tẽperatura calidũ, non verò frigidũ. Sed reuera, cõciliatio facilis ex Galeno desumitur, qui coriandrũ, ex compositis facultatibus, non verò vna tantũ frigida, insigniri tradit. Cõponitur igitur coriandrũ ex partibus quibusdã calidis, quæ in superficie habentur, & ea de causa strumas & duros tumores dissoluit, vt Galen. contendit, cæteræ verò coriandri centrales partes, terreæ sunt & stypticæ, natura frigidæ, inter quas aqueæ quoq; vt tradit Gale. inueniũtur: cæterũ Auicenna, ne illũ prætereã, cù Dioscoride cõtra Galen. agit, vt apud illum quis legere poterit libro ij. sui Canonis, cap. 140.

Aritenna.

## CONSTANTINVS.

**N**icandri scholiastes in Alexiphar. Coriandri, siue coriani, vt etiam apud Theophrast. legitur *νοπίανον*, duo gênera statuit, Hortense & Sylvestre,



Hieracium.

quorũ satiũ suauolens, & gratũ: Sylvestre verò Hortensi simile, solijs latiorib. & longioribus, floribus, radicibus, adnatisq; copiosũ, quod quouis modo assumptum & ingestum lethale sit.

## DE HIERACIO

## MAIORI.

Græcè: *ιδρίανον μέγα*:

Latin. *hieraciũ maius*.

Enarratio LXX.

**H**ieracium herba, vt placet Plin. lib. xx. cap. vij. vbi lactuce varia enumerat genera, ab accipitre suũ nomẽ traxit, quoniam accipitres, eam

hh 5 scalp

*Hieracites  
lapis.*

scalpendo, & eius succum oculis admouendo, ab eis obscuritatem quum sentiunt, discutiant, quæ quoque lactuca erratica vocatur, variis in locis obuia. Cæterum hieracites, apud Galenum, lapis quidam est, profluentem ex hemorrhoidibus sanguinem sistens, vt libro nono de Facultatibus simplicium medicamentorum legitur.

### DE HIERACIO MINORE.

*Græcè, ἱεράκιον μικρόν: Latinè, hieracium minus:  
Hispanicè, coyon de galho hierua.*

#### Enarratio LXXI.

**H**æc verò, potius chondrillæ similis est herba, quàm maiori hieraceo, quæ per terram tracta folia habet, ex quorum medio, tenellum cauliculum emittit, in cuius suprema parte, nonnunquam verò inferiori, tuberculum quoddam concretum nascitur, & illud quidem tenerum, succosum, & gustui perquam gratum, quod ideo pueri Hispaniæ avidissime comedunt, & herbam testiculi galli appellant: quum enim ad statum herbæ ista venit, lacte abundat, & ea de causa meritò inter lactucas reponitur.

### DE APIO SATIVO.

*Græcè, σέλινον κηπάιον: Latinè, apium hortense: Hispanicè, perexil: Lusitanicè, salsa: Italicè, petroselinolo: Gallicè, persil: Arab. carfi: Germ. Epffich.*

#### Enarratio LXXII.

**S**elinon hortense, siue apium satium, nostrum vulgare petroselinum est, cuius rami (testante Plinio) largis portionibus per iura innatant, & in condimentis peculiarem gratiam habent, quod hodie ita esse quoque percipimus, & vt tradit Galenus lib. ij. de Facultat. alimentorum cap. 52. vrinas mouet, ad quod opus vsitatissimū est, nam & suaue est, & stomacho gratum. Nec hæc tantum de herba ipsa, intelligas opus est, sed etiam de ipsius radice, ac semine. Calidum enim petroselinum hoc vulgare in secundo ordine est, & siccū in medio tertij, vt meminit Galen. lib. viij. de Facult. simplic. medic. dicens: Adeo calidū est, vt & vrinam & menses cieat, flatus quoque digerit, & magis semen quàm herba. Oreoselini & hipposelini similis

*Temperatura.*



*Apium.*

in medium asferre est necesse.

## DE PALVSTRI APIO.

*Græcè, ἐλεοσέλινον: Latinè, apium palustre, paludarium: Hispanicè, perexil dagoa: Italicè, petrosimolo del aqua: Arabicè, asalis: Gallicè, persil de marests.*

### Enarratio LXXIII.

**P**alustre apium, petroselinum nostrum est, in aquis tamen nascens, ad omnia ferè pòtens ad quæ hortense. Caueant tamen Hispani, ne herbam illam in aquosis potissimum nascentem, quam rabacias appellant, apio vulgari simillimam, palustre hoc apium esse credant, quum illa, vt dixi, Sion est, de qua libro ij. sermonem fecimus. Nascitur enim hoc de quo agimus, aquaticum petroselinum in lacubus, quoq; & locis paludosis, simile omnino hortensi, vel satiuo dicto apio, quòd nos petroselinum, communi voce appellamus. Cæterum hippocrates libro de Affect

vis existit: Verum hipposelinū imbecillius est: oreoselinum valentius. Hæc Galenus. Cæterum, an apiū hoc sit funebribus cibariis dicatū, quod ideo multi ab esu hominum explodebant, simul quia morbū caducū excitabat, ignoratur: credere tamen est, longe aliud esse, vtpote apium vulgare, Dioscoridis petroselinū, quod comestum, caput tentat, & morbum caducum incitat: ita verò se rem habere, certissimus sum, nec rationes quæ ab Aegyptiis, & Hebræis desumi possunt hoc potissimum indicantes,

de Affectionibus, palustre apium satiuo maiorem vim habere, memoriae commendauit.

### DE OREOSELINO.

*Græcè, ὄρεοσέλινον: Latine, montanum apium: Hispanicè, perexil montifino, salsa saluatiqua: Italicè, petrosimolo aggreste: Gallicè, persil de montaigne: Arabicè, acraselinum: Germanicè, Peterfilgen, peterlin.*

#### Enarratio LXXIIII.

*Oreoselinon.*

**E**st verò, vt breui dicam, oreoselinon, hodiernum petroselinum in montibus nascens, herba herbariis nota, parum à petroselino communi differens, vnde legendum crederem, in hoc capite, ad Theophrasti mentem, cum Plinio lib. xix. cap. viij. hoc modo: circa quem, ramuli, & capitula cicutæ similia, multo tamen tenuiora, in quibus semen oblongum, acre, tenue, odoratum, cymino simile comperitur, nec obstat, quòd in pluribus exemplaribus Dioscoridis, capitulorum papaueris fiat mentio, quia vice, *κωνιέω*, id est cicutæ, corruptè, *κωνιόω παρεμπερή*, legitur. Habet igitur oreoselinum, cicutæ folia, vt ex Plinio restituimus.

### DE PÉTROSELINO.

*Græcè, πέτροσέλινον: Latine, petroselinum.*

#### Enarratio LXXV.

**P**etroselinum Græcorum, officinarum apium est, quòd & vulgares apium appellant, & cuius semen, herba, & radices, syrupos ingrediuntur aperientes, & decoctiones exornant diureticas. Est enim tertij ordinis tum ex-calfacièntium, tum desiccantium. De quo plura capite septuagesimo secundo, si recte teneo, dixi.

#### CONSTANTINVS.

**L**vsitanus sine ratione contendit Dioscoridis petroselinon esse vulgare apium, quòd iam verum petroselinon multis rei herbarie studiosis innotuerit, diuersaq; sit planta ab apio vulgari, vel à pimpinella quam Hieronymus Tragus nobis profert, pro petroselina Mæcedonico Dioscoridis.

IN DIOSCORID. LIB. III.  
DE HIPPOSELINO, QVOD

493

OLVS ATRVM DICITVR.

*Græcè, ἵπποσέλινον; Latine, hipposelinon, olusatrum, equapium; Arabicè, salus; Gallicè, ache, Ruell. leuesche, Mathiolo.*

Enarratio LXXVI.

**V**T enim coniecturis assequi possumus, Hipposelinon, leuisticum officinarum est, nam ligusticum, aliam rem esse diximus. Porro admonendus hic à me candidus lector est, quia in hoc Dioscoridis textu Græco, nulla nigredinis in radice mentio fit, proinde expungēda illa sunt verba: à Marcello Virgilio superaddita, toris nigra, quum extra Dioscoridis mentem interposita sint, vt optime quoq; Manardus adnotauit, qua tamē de causa Marcellus, illa duo addidit verba, dicā, quia Theophrastus suo hipposelino, radicem quoq; nigram tribuit, dicens; hipposelinum radice ornatur crassa raphano simili, & illa quidem nigra, vt apud illum est legere, lib. vii. de Plantarum historia, cap. 6. Sed reuera Marcellus in hoc

*Marcellus  
errat.*

DE SMYRNIO.

*Græcè, σμύρνιον; Latine, smyrnion; Italicè, Macerone, Arabicè, Senirnuon.*

Enarratio LXXVII.

**Q**uod enim iudicium hodie de apiis tradimus, tale quidem ab hinc quindecim annis in lucem emisimus, a quo Ruel, Gallus, Fuchsus Germanus, ac alij immerito proculdubio euariant. At Ferrariēses fere omnes, veluti & Mathiolus Sepensis in vniuersum nobiscum agunt. Est igitur smyrnion, apium Macedonicum, quum inter se multum conueniant, & de quo Galenus ita dixit, lib. viij. de Facultat. simplic. medic. Smyrniū ex eodem genere

Archangelica imperatoria dicta.

genere cum apio est, & petroselino: fueritque apio quidem validius, imbecillius verò petroselino, itaq; & vrinæ & menses proritat, calidum siccumq; tertio ordine. Cæterum, præter istas apiorum species, plures aliæ reperiuntur, inter quas Archangelica, siue Imperatoria dicta, primatum obtinet, herba hortis admodum familiaris, calida & sicca, tertio ordine, atque inde morbis opitulatur frigidis, contra quartanam magno datur iuuamento, partus faciles reddit, & cerebrum expurgat, ac illud à superflua humiditate liberat. Dicitur verò imperatoria, quia medium folium, ex tribus quibus ornari videtur, coronam imitatur, quia in tres diuiditur partes, altera verò folia duo, à lateribus existentia, in duas tantum, vt demum, medium dictum folium, inter illa duo tanquam corona medium sit, appareatve.

## DE ELAPHOBOSCO.

Græcè, ἐλαφόβοσκορ: Latinè, *elaphoboscum*, *pabulum ceruorum*.

### Enarratio LXXVIII.

**I**Nter herbas, quæ non facile in hominum cognitionem veniunt, elaphoboscum est, quam nos sedulo inquirentes, post longam tandem inuestigationem inuenimus. Nam quum Ferrariæ mihi contigerit herbatum ire cum nonnullis viris doctissimis, & rerum naturalium diligentissimis inquisitoribus, inter quos, mihi nominandi veniunt, Ioannes Falconerius Anglus, vir mea sententia, cum quouis doctissimo herbario conferendus, & qui pro dignoscendis herbis, varias orbis partes perlustrauerat, quarum plures & varias, miro artificio, codici cuidam confitas, ac agglutinatas afferebat: Alter verò, Gabriel Mutinensis, philosophus doctissimus, & cui ob plures eius dotes, ac variam doctrinam, hodie publice Dioscoridem interpretandi munus datū est Ferrariæ, elaphoboscum inter plures alias herbas offendimus, cuius folium nō adeo oblongum erat, duum digitorū latitudine, aliquantulum asperum vt lanugine cooperiri quis diceret. Nam caulis huic bieubitalis cernebatur, rubricans, cuius flores tūc videre, non fuit possibile. Hanc verò herbam Ruellius Gallus, in Gal

in Gallia frequentē esse, & Gratiam Dei appellari tradit, à *Herba*  
 qua vnguentum de Gratia Dei dictum, nomen sibi vendi- *Gratia*  
 cat, vt apud Petrum de Largellata chirurgum non asper- *Dei.*  
 nendum videre est, quo omnes chirurgici, in vulneribus  
 capitis passim vtuntur. At licet in Gallia herba hæc Gra-  
 tia Dei dicatur, in Italia tamen longe alia herba, pro Gra-  
 tia Dei indicatur, & quam Iacobus Manilius, suo Lumi-  
 nari describit dicens: Herba Gratia Dei apud modernos  
 herbarios, sic est vocata, & est herba, cuius longitudo est  
 vnus palmi, aut parum plus, folia habet similia hyssopo,  
 florem verò inter folia paruum, cuius color tendit de bi-  
 coloribus ad album & purpureum, sicut herba quæ dici-  
 tur volubilis, quæ in vineis nascitur, radicē habet paruam,  
 nam apud nos in pratis valde abundat, & cognoscitur pro-  
 pter saporem foliorū, in quibus est amaror ita potens si-  
 cut in centaurea minori, & maiori, hæctenus Iacobus Ma-  
 nilius in suo Luminari maiori. Hodie verò hanc quoque  
 nasci percipimus locis paludosis & aquaticis, folio hyssopi,  
 sed latiori, flore verò albo. Quæ de ea causa multi eam  
 syluestrem hyssopum appellare non dubitant, sed falsò,  
 quia herba hæc illa vera est, Gratia Dei dicta herba, præ-  
 dictum ornans vnguentum, sapore cum quadam stypticita-  
 te, amara, & quæ comesta potentissime bilem deponit,  
 & vlcera facillime sanat. Cæterū, non me præterit, quòd  
 Plinius elaphobosco folia hipposelini id est olusatrici dica-  
 uit, vt apud illum est legere lib. xxiij. eiusdem numeri ca- *Plinius de*  
 pite: quæquam Manardus libro suarum Epistolarū nono, *senditur.*  
 epistola tertia, locum istum emendare ac restituere con-  
 tur, reuera tamen Plinius recte inquit, quum siquis folia  
 in caule nata conspexerit, quodam modo olusatrici referre  
 percipiet, de qua Galenus lib. vj. de Facult. simplic. medic.  
 ita tradit: excalfacit & tenuium est partium, ob idq; exic-  
 cat maxime in secundo ordine.

## DE FOENICULO.

Græcè, μάραθος: Latine, fœniculum: Hispanicè, fun-  
 cho: Italicè, finocchio: Gallicè, fenouil: Arabicè, ra-  
 genigi: Germanicè, Fenchel,

AMATI LVSIT. COMMENT.  
DE SYLVESTRI SIVE ER-  
RATICO FOENICVLO.

Græcè, ἰππομάραθρον: Latinè, sylvestre fœniculum.  
Enarratio LXXIX. LXXX.

Fœniculū



Fœniculum.

Seritur passim fœni-  
sculum, in Italiae horti-  
tis, quod caule turgescen-  
te colligitur & esui dica-  
tur. Lac enim potissi-  
mum fœniculum gene-  
rat, & oculorum clarita-  
tem iuuat, vt testatur Pli-  
nius, præsertim eius in  
caule cœcretum gummi,  
quod calidioribus in re-  
gionibus reperitur, præ-  
cipuè in Hispania, vt re-  
cte admodū notat Dio-  
scorides: Est enim herba  
hæc, ac eius semen, & ra-  
dices, in continuo vsu  
medico: Nam sylvestre  
fœniculum in campis  
errat & nascitur, de quo-  
rum natura, ita tradit  
Galen, lib. vij, de Facul-

tatibus simplic. medicament. Marathrum, calcacit in ter-  
tio ordine, desiccatur verò in secundo, proinde lac gignit,  
auxiliatur suffusis, mensesque & vrinas promouet. Radix  
& semen hippomarathi amplius quàm domestici siccat,  
quare & ventrem videntur sistere, possunt etiam & cal-  
culos frangere, curare ictericos mensesque & vrinas mo-  
uere: minimè tamen lac gignere,

DE DAUCCO,

Græcè, δάυκος: Latinè, daucus: Hispanicè, dauco cre-  
tico: Italicè, dauco: Arabicè, gezar: Germanicè,  
Bervuurtz.

## Enarratio LXXXI.

**D**Aucus verus non solum ex Creta aduehitur, sed Hispaniæ & Italię frequens est, quem Hispani, daucum vel Cretensem daucum appellant, nascitur autem potissimum apud Colimbricenses in Lusitania prope fanū diuæ Mariæ ab Spe dictæ, quanquam pharmacopolæ illius loci non ita illum facile noscant. Est & quoq; aliud genus, quo passim pharmacopolę vtuntur, quibus tertium addere est, quod Hispani vis nagam appellant, & illius umbellis pro dentifriciis optimis vtuntur. Verum falluntur qui daucum, syluestrem pastinacam esse cõtendunt, quum syluestrem pastinacam, si quis recte Galenum animaduernerit à dauco aliam rem esse inueniet, vt ex vj. & viij. libro de Facultat. simplic. medic. clare res elici potest, in quibus, de iis tanquam rebus diuersis, diuersa capita faciat, à quo nec Dioscorides in præsentī d'sidet. Proinde daucum à pastinaca syluestri rem diuersam esse in confesso est. Ceterum, cum iis fateri quoq; est Daucum syluestris pastinacæ speciem esse. De quo Galenus lib. vj. citato ita tradit: Domesticus esui aptior, sed imbecillior, acré calidamq; facultatem sortitur, ac proinde etiam extenuat: At radix, sane flatuosum quid obtinet, ac venereum, semen autem domestici quidem & ipsum quandam ad venerem ciendum potentiam possidet: agrestis verò plane flatu caret, ac proinde vrinam mensisque ciet, quæ verò subsequuntur de semine dauci per otium legito.

Vis nagam  
dauci ge-  
nus.

## DE DELPHINIO.

Græcè, Δελφίνιον: Latine, delphinium herba.

## Enarratio LXXXII.

**D**elphinium herbam, conantur multi eam indicare, sed falso, quia folia, delphinorum figuram nullam habent, in Gallia porro nasci Ruellius tradit, cui fides habenda est, quum & in Hispania herba ista crescat, cubitalis altitudinis & maioris, caule rotundo innodo, ramosa, folia delphino pisces similia habens, florem vero purpureum, violæ, quam cheiri Arabes appellant, similem: nam semen, in siliquis quibusdam paruis recondit, vt optimi scholastici Colimbrienses in Lusitania videre possunt, quum illic herba ista felicissime crescat, præcipuè

Delphinium

prope fontem Reginae dictum, non procul à cœnobio sanctæ Claræ dicato. Nam & apud Olissiponam in maxima quoq; copia reperitur. Huius vero herbæ, nec Galenus, nec Paulus, Oribasiusue, vllam fecerunt mentionem. Qua de causa, caput hoc Dioscoridi superadditum esse, multi arbitrati sunt, & hoc magis, quia in nonnullis Dioscoridis exemplaribus caput istud deesse notabant: sed vt cunq; sit, caput hoc legitimum & germanum apud Dioscoridem esse, pro firmo habemus, quia in omnibus exemplaribus hucusq; à nobis visis reperiatur. Qui delphinum senam esse putant, omnino errant, quum sena longe alia sit res, nec cum delphinio similitudinem aliquam habeat. Nec minori errore deprehensi sunt, qui senam alypon, aut empetrum putarunt: imò irridendi proculdubio sunt, qui contendunt apud Dioscoridem, senæ mentionem vllam factam esse, sub quocunq; dicant nomine, vt olim senæ bonus Vincentius Caprilis medicus Ferrariensis mecum contendebat: Cui non aliud dedimus responsum, quam quòd contentio hæc sua, antiquas suas sapere videbatur, vt ex plurimis, quas Manardus libris suarum epistolarum interposuit, iudicare quis poterit. Ruellius porro Dioscoridem, Galenum, Paulum, Aëtium ac Plinium miratur de sena mentionem nullam fecisse, quum, vt ille putat, Theophrastus illis ætate prior, de ea locutus fuerit, ac eam graphice depinxerit, sub coluteæ nomine libr. iij, de Historia stirpium, cap. xvij. At Ruellius (bona viri pace dixerim) errat, vt ex infra dicendis quisq; facillime deprehendere poterit, quia colutea à sena multum differt, de qua Theophrastus loco citato ita inquit: Colutea quoque lipare proprie traditur, arbor magnitudine præstans, fructum in siliqua ferens magnitudine lentis, qui oues mirum in modum pinguefacit: nascitur semine & fimo præcipue ouillo, & subdit: habet folium non absimile scæno græco, germinat primo vnicaulis triennio maxime, & c. quæ proculdubio, cum sena in nihilo conueniunt. Nam *SENA* herba est in Liguria & Hetruria frequentissima, & quæ singulis annis, in campis seritur, & colligitur, & ex ea magnum vectigal, ac quæstum populi illi faciunt, altitudine cubitali, ramosa, folio vero oliuari, sed minori, flore luteo, multis complicato venulis, ad rubrum

*Delphinium non est sena.*

*Ruellius.*

*Ruellius errat.*

*Sena herba.*



brum vergentibus, in quo postea folliculus pendet arcuatus, renum modo, ab utroque latere planus & veluti compressus, in quo semina clauduntur, tanquam vuarum acini, nam folliculus iste facillime à vento percussus in terram cadit, quia pediculo pendet subtili, & eum pastores, ut Serapio adnotat, colligunt. Quæ verba Ruellius aduertens, senam coluteam Græcorum esse dixit. Sed reuera fallitur Ruellius, quia colutea arbor est, sena vero planta, per unum tantum permanens annum, item colutea folia habet fœnugræci, siue trifolij, sena autem potius oliuæ: item, colutea & si luteum producit florem, non tamen similem brassicæ flori, qualem sena producit: quibus adde, colutea in folliculis semen latum lenti simile includit: Sena vero simile potius vuarum acinis, ut facile quis, ex iis collatis, differentiam inter utraq; ponere sciat. Quæ vero hæc sit arbor colutea dicta, posset quis querere, cui breui respondemus, illam esse, quam nonnulli rei rusticæ scriptores, alburnum appellarunt: Itali vero & nonnulli Hispanorum, aorno vocant, quam ego, primo Mechliniæ, celebri ciuitate Brabantiæ, ac media inter Anthuerpiam & Louanium bonarum literarum nobilem academiam, vidi, & ut verum fatear, primo intuitu, senam esse putaueram: sed quum postea, senam herbam & non arborem deprehendi, ab ea discessi opinione. Non desinam tamen, unum fateri, quod colytea à Theophrasto eodem libro, capite decimoquarto, descripta, senæ magis respondere videatur, quam colutea, de qua supra, ita enim de colytea loco citato Theophrastus tradit: Colytea folio salici vicina est, ramosa, foliosaq; in totum ampla, fructum in siliqua sicuti legumina gignit, eaq; lata, non angusta, semen inclusum, paruulum, non magnum, durum modice. Hæc enim colyteæ descriptio, proculdubio senæ conuenire videtur, ut iure quis dicere possit, colyteam Theophrasti, nostram esse senam. Sed age siue sit ut nos putamus, siue non sit, ut Auerroï placet, dubio procul, sena medicina est, multis digna laudibus, de qua Actuarius Græcus author ita tradit. Senæ à Barbaris appellatum, siliquosus ille fructus est, qui circa noxam drachmæ pondusculo sumptus, pituitam & bilem purgat, & ut tradit Mesue, calidum est in principio secundi

*Colutea arbor.*

*Colutea arbor alburnum dicitur.*

*Colytea.*

*Colytea Theophrasti nostra est sena. Sena vt res.*

gradus, siccum vero in primo. Quæ verba forsan ad senæ filiquam siue folliculum referri debent, quia de foliorum temperatura ita subdit: & folia sunt in primo calida, & vniuersaliter Senæ est absterfium mundificatiuum, conuenienter & resolutiuum, & inferius inquit: Solutione educit eum facilitate melancholiam, & choleram adustam, & mundificat cerebrum, cor & epar, & splenem, & membra sensuum, & pulmonem, & confert ægritudinibus eorum, & aperit oppilationes viscerum, & confert videnti eo in iuuentute, & generat gaudium, causam autem tristitiæ amputat, & ponuntur folia eius in lauacris ad caput, & proprie cum camomilla, & confortat cerebrum, & neruos, & secundum eius omnem administrationem, addit inuisum, & corroborat auditum, & est medicina bona februm melancholicarum, & antiquarum, cuius infusionis dosis est, ad vnciam vnam: sed nos hodie absq; noxa vlla vncias quinque & sex Serapionis consilio ægrotis præbemus. Verum hic dubitatur, an filiquæ dictæ folliculi senæ, potentiores in operatione sint, quam folia, vel contrà: Secundo, an senæ noceat stomacho, vel non: Tertio, an pituitam sena euacuet: Quarto, quomodo infusum siue decoctio dicta senæ parari debeat. Ad primum igitur respondentes, dicimus, quòd Actuarium, de folliculis siue filiquis, vt pote potentioribus tantum loqui videtur, non vero de ipsius foliis senæ: qua de causa Mesue, qui ab Actuario multa mutuatus in suum opus est, inquit, Melior, id est potentior in euacuando, pars senæ est folliculus, deinde folia, in quibus est virtus debilis valde, & melior folliculus est, cuius color accedit ad viriditatem & subnigredinem quandam, & in quo est de amaritudine res modica cum stypticitate, & qui est magis completus, &c. In quibus verbis, satis liquet apud Meluem folliculos senæ, viribus potentiores esse, quam ipsius folia, quem secutus quoque est Antonius Musa Brasauola, qui vt tradit expertus est. Decoctum ex folliculis senæ, validius operatur, quam ex foliis paratum, quibus & nos quoque non possumus non subscribere, quum experimentum facientes, sæpe ex folliculis paratum decoctum, potentius inuenimus, quam quod ex foliis ornabatur: nec nobis ratio deest, quia pars, vbi semen ad conseruat

*Senæ folliculi an potentiores sint quam folia.*

seruationem speciei occluditur, potentior esse debet,  
 quàm folium: igitur folliculus cum toto ipso semine po-  
 tentior ac validior dicendus est. Manardus vero contra-  
 rium dicit, nec aliquam rationem præter experientiam  
 adducit. Inquit enim decoctum ex foliis senæ, potentius  
 multo esse, quàm ex folliculis parato. Fuit certe Manar-  
 dus Ferrariensis vir doctissimus, & cuius iudicium, non  
 sic spernendum facilè putarem, quo fit, quum senam de-  
 scribo, solem ipse partem mediam folliculorum & me-  
 diam quoq; foliorum addere, quod in componendo de-  
 cocto à pharmacopolis factitatū iri desidero. Ad secun-  
 dum, an sena ventriculo noceat, respondet Mesue, dicens:  
 est solutionis debilis & tardæ, & debilitat stomachum,  
 verum confortatur eius operatio in permiscendo cum eo  
 aliquid ex rebus acutis, sicut zingiber, proprie & sal ge-  
 ma, & sal Indus, & medicinæ cordiales cum eo, & sto-  
 machicæ felicitant opus eius. Hæc Mesue, cui Actuarius  
 contrarius videtur, quum dicat, contra noxam drachmę  
 pondere sumi, cui ratio quoq; suffragatur quia in sena  
 amaritudo quædam parua coniuncta stypticitati reperi-  
 tur: qui sane sapor Galeno auctore lib. iiii. de Simplicibus,  
 tantum abest, vt obsit stomacho, vt potius illi iuua-  
 mentum ac robur magnum præstet, vt ab absinthio ar-  
 gumentum desumi quoq; potest. Nec enim cõfugere est,  
 dicendo, quòd in sena, alia quædam extranea reperi-  
 tur qualitas, ab illis dictis, prout in Epimelide amaro  
 & styptico reperitur, quemadmodum Libro sexto ci-  
 tati voluminis legitur, qui & stomacho nocet & capitì  
 dolorem affert, iis de causis crederem ipse, senam sto-  
 macho nullam noxam aut detrimentum afferre posse: vt  
 tamen maiori cautela operemur, & medicorum vulga-  
 rium scrupulos fugiamus, consulimus, vt senæ aliquid  
 semper ventositatem resoluens admisceatur, vt docet Me-  
 sue, & Brasauola consentit. Ad tertium, an pituitam sena  
 expurget, respondet Mesue, senæ cum facilitate educit  
 melancholiam, & choleram adustam, Serapio vero abso-  
 lutè bilem purgare dixit. Quibus cõsentire videtur Auer-  
 rois, qui quinto libro sui Colliget, omnino negat senam  
 posse purgare pituitam. Actuarius tamen vir Græcus &

*Sena pur-  
gat pitui-  
tam.*

magnæ authoritatis, & cui ego plurimam tribuo fidem, senam purgare pituitam inquit, cui & experientia astipulatur quotidiana, quæ indicat senam pituitam removere, præsertim in morbo Gallico, & febribus quotidianis, veluti & atrabiliarios humores.

Ad quartum, Quomodo infusum siue decoctum senæ, parari debeat, respondemus, quòd varij varie parant: pro illius tamen præparatione, Sena ex Alexandria adducta eligatur, quæ Ligustica aut Ethrusca præstantior est. Ea igitur habita, eius decoctum aut infusum dictum sic paratur.

R. Folliculorum foliorum senæ, vnciam vnam: Poly-podij, drachmas duas: Passularum, vnciam mediam: Sebesten, numero decem: Pruna pinguis Damascena, numero octo: Zingiberis, drachmam mediam: Florum boraginis communis: Violarum: Rosarum rubearum: Naphæ, id est floris narantiorum, añ. ʒ. i.

Modus autem conficiendi, talis seruari debet: Accipe polypodium optime contusum, recens quercinum, ac passulas, pruna & sebesten, & in olla vitreata continente libram vnam & mediam aquæ omnia iniiciantur, & ad lentum ignem, parum ferueant: quibus postea superaddas senam, cum prædictis floribus, & zingiberis radicem quæ simul quoq; ebullitione vna, vel altera feruere permittas: ac ollam optime obturatam, ab igne depositam, per aliquot horas finito, postea fortiter exprimito, ac mel lis rosacei colati vncias quatuor illi admisceto. Hæc enim completa est decoctio senæ, quæ variis aliis modis parari solet, & plerumq; absq; melle rosaceo, quia cum aliis miscetur syrupis, vt syrupo rosaceo solutiuo, syrupo de fumo terræ, syrupo de epithymo, vel quouis alio, sed sæpe cum rhabarbaro datur, vel manna, aut cassia fistulari, aut alio simili medicamento purgante, imo senam multoties adiungi facimus, sero caprino, boragini, floribus cordialibus & fumi terræ, veluti, iuri capi, aut gallinæ, castratiue, prout intentio nostra est: Sed & aliquando puluisculum ipsius senæ, pondere triū vel quatuor drachmarum in iure, vel stillatitia aqua, aut pultracula propinamus: Carterum, infusi siue decocti prædicti senæ quantitas, ad vncias sex describitur quæ tuto sine læsione, & pueris, &

*Infusionis  
senæ pon-  
dus.*

ris, & vtero gerentibus, ac senibus in omni temporis constitutione dari potest.

### CONSTANTINVS.

**S**ena Alexandrina siue orientalis siliquares fructus ferens, vt habet Acluarus, quam Serapio cap. 58. habo hanifa vocat & Mesue Abalzemer, planta est indiela antiquis scriptoribus, tum Græcis, tum latinis, non enim,  $\kappa\omicron\lambda\omicron\upsilon\iota\lambda\alpha$ ,  $\eta$   $\kappa\omicron\lambda\upsilon\kappa\acute{\iota}\alpha$ , nec  $\kappa\omicron\lambda\upsilon\sigma\acute{\iota}\alpha$ ,  $\eta$   $\kappa\omicron\lambda\upsilon\sigma\acute{\iota}\alpha$  Theophrasti lib. j. & tertio de histor. plant. i. Colætia vel colycea, nec Colutea aut Colotea (sic enim legendum ex emendationum codicum fide) Est enim eodem authore & colycea arbor circa Idam, & altera folio salicis, quã Plinij staphylodendron esse multi falso contendunt: quum Plinius ipse lib. xvj. cap. simili, arborem esse describat trans Alpes similem aceri albo materia, siliquas ferentem, & in ijs nucleos sapore nuci auellana: quæ omnia diuersa ab hac Colycea Theophrasti. Nec magis ipsius Colutea arbor Liparæ peculiaris, potest esse vulgaris sena, quã vocamus etiam baguenaudier: quia hæc frutex humilis est, illa verò arbor procera. Sed ista communis sena, potius connumeranda est inter solani vesicarij genera. Miror autem cuius autoritate contendat Amatus Lusitanus, Coluteam Theophrasti latinorum esse Alburnum: cum sciamus Plinium lib. xvj. cap. 38. Alburnum vocasse, partem illam in arboribus, quam adipis loco natura tribuit. Ipsius hæc verba: Atque in toto corpore arborum, vt reliquorum animalium, cutis, sanguis, caro, nerui, venæ, ossa, medullæ, pro cute cortex. Proximi pleriq; adipis: ij vocantur à colore alburni: mollis ac pessima pars ligni, etiam in robore putrescens, teredini obnoxia, quare semper amputabitur. Et lib. xvj. cap. 40. robur ex alburnatum vocauit, cui alburnum detractum. Ab Alburno autem diuersum est, vt hoc in transitu dicatur, viburnum, planta videlicet, inter vitilia, & ob id à Virgilio in Bucol. lenta nominata vno hoc carmine, nec, alibi, aut alijs authoribus memorata quod sciam: Quantum lenta solent inter viburna cupressi. Ea est quam lantanã vocat. Italia, & Gallia nostra viorne: at aorno vulgò dici malè scripsit Amatus Lusitanus Coluteam Theophrasti.

### DE PYRETHRO.

Græcè,  $\pi\upsilon\beta\epsilon\theta\gamma\omicron\upsilon$ : Latine, Pyrethrum, & saluaris herba: Hispanicè, pelitre: Italicè, pirethro: Gallicè, pied D'alexandre, ou pyrethre: Arabicè,

*Machabraraha, Germanicè, Bertram.*

Enarratio LXXXIII.

*Pyrethrum.*

dum cum oleo confricatur, stupidolque & resolutos adiuuat.

**P**yrethrum, herba cū sua radice, in continuo medico vsu, pro masticatoriis, & dentiū doloribus sedandis est, quæ hucusq; à me absq; umbella semper visa est. Proinde crederem ipse, in hoc capite, ita esse legendum, scilicet, in pyrethro flores, umbellæ modo rotundi sunt, vt in camomilla apparent, de qua Galenus libro octauo de Facultatibus simplicium medicamentorum ita tradit: Radix eius causticam possidet facultatem, qua dentes refrigeratos mitigat, porro ad rigores ante perio-

## DE ROSMARINO.

*Grecè, λιβανός: Latinè, rosmarinus: Hispanicè, romero: Italicè, rosmarino: Gallicè, Roumarin: Arabicè, almeriem: Germanicè, Rosmarin.*

## DE CANCHRY.

*Grecè, κάρχυ: Latinè, canchrys, fructus libanotidis,*

Enarratio LXXXIII. LXXXV. LXXXVI.

**L**ibanotis, à Libano, hoc est thure, nomen sibi traxit, quia vna eius species thus redoleat. Primam speciem millies vidimus, & cuius fructus canchrys appellatur,

& in eo semen obcluditur: Secundam vero speciem, non est difficile inuenire: Tertiam autem coronariam dictam, passim in syluis & montibus crescere, cum cæteris speciebus nouimus, & ita apud Hispaniam frequenter, vt non temere multi illic, pro calfaciendis furnis, altero vtantur ligno. Est enim libanotis siue rosmarinus, frutex topiarius, simul & coronarius omnibus satis notus. De quo ita Galenus lib. vij. de Facul. simpl. medic. tradit: Libanotides tres existunt, vna sterilis, duæ fructum ferentes. Omnes vero emollientis, digerentis, incidentis & abstergentis sunt facultatis, succus tum radicis, tum herbæ mistus melli, obtusam oculorum aciem ab humorum crassitudine emendat: decoctum eius, quam rorem marinum appellant. potum regio morbo auxiliatur. Hęc Galenus. Ex floribus rosmarini, conditum saccharo paratur, ventriculo roborando accommodatum, & matrici conuenientissimum, quod Simon Genuensis, dianthos appellat, quasi peculiariter flores istos, anthos Græci appellarent, quod falsum esse omnes norunt, dicuntur tamen flores isti ab Arabibus: alkhill.

*Conserua  
dianthos.  
Alkhill  
fiores.*

## DE SPHONDYLIO.

*Græcè, σπονδύλιον: Latine, spondylion: Gallicè panay  
sauuage: ou Austruce.*

## ENARRATIO LXXXVII.

Spondylion, siue sphodylion, herba, in paludosis & aquaticis nascitur locis, folio platani, siue panacis, caule fœniculi, aliquando cubitali, in quo umbella albi conspicitur floris, qua decidente, semen innascitur seseli montano persimile, latius tamen ac albidius, squamosiusve, sapore quodam ingrato, quo multi sileris montani loco vtuntur. Nam radix illi, raphano æqualis est, alba & grati odoris, quo verò nomine herba ista apud Hispanos appellatur, Christophoro Oroscio medico probatissimo, & olim apud Salmanticenses, condiscipulo nostro, inquirendum committimus, nos vero vt qui ab hinc decem & octo annis, sponte ab Hispania discessimus, non sic in omnibus herbarum nomina tenere possumus, huius tamen vires, prosecutus est Galenus, lib. viij. de Facult. simplic. medic.

ad istum modū dicens: Fructus eius aeris & incidens est, itaque ad asthma & comitalem morbum, aptum est medicamen, prodest & aurigini: At radix vltra iam dicta, fistularum callos tollit, si sit circumrasa, floris succus, ad diuturniora aurium vlcera conueniens reponitur.

CONSTANTINVS.

**P**linius lib. xij. cap. 26. spondylion comparat cum quodam genere ferule, aitque ab illo tantum differre folijs, quia sunt minora & platani diuisura. Non nisi in opacis gigni, semen eodem nomine silis speciem habere, medicina tantum vtile. Spondylj verò medicinas exequitur lib. xxiiij. cap. 6. Hac autē planta est, quam pro Acantho ostendebant seplasiariorū medicina; quamq; ne pro branca vsina vsurpent pharmacopola, ipsos diligenter admonet eruditissimus Fuchsius, tametsi in suo herbario Spondylion pro secunda Acanthi specie proposuerit. Lege eius lib. de Comp. Medica.

DE FERULA.

Græcè, *ῥάβδης*: Latine, *ferula*: Hispanicè, *cananheia*:  
Italice, *ferola*: Gallicè, *ferule*.

Enarratio LXXXVIII.

**Ferula.** **N**ascitur Ferula in regionibus calidis, potissimum in insulis Canariæ, Portugallia, ac vniuersa Hispania, non nisi procerè, & nodosè, lanceæ altitudine, quā Hispani, à similitudine quam cum cannis in altitudine habet, cannam, & loco ferulæ, corrupte frescham, dicunt. Eam igitur cannam ferulam appellant, cuius plures videntur species, sed duæ præcipue, altera lanceæ altitudine, altera verò humilis, anetho persimilem habens umbellam, quibus folia fœniculi modo insunt. In Apulia porrò, procerè quoq; ferulam nasci, certū est, ex qua interim dum viret, pastores, meditullium oui vitello persimile, vt audio, extrahunt, ac sub cineribus coctum, pipere non iniucundo sapore, pro irritanda venere mandunt, de qua Galen. lib. viij. de Facultat. simplic. medic. ita inquit: Narthex, id est ferula eius semē calfacit, & tenuat, medulla autē astrictio- nis est particeps, vnde hæmoptoicis, & cœliacis conuenit.

CONSTANTINVS.

**F**erulam arborum generi ascribit Plinius libro xij. cap. 22. quoniam quarundam natura (sicut ipse distinguit) lignum omne corticis loco habens, hoc est squinsecus; ligni autem loco fungosam



posam intus medullam, ut sambuci: quedam verò inanitatem, ut  
 harundines. Ferula eo authore calidis nascitur locus, atque trans  
 maria, geniculatis nodata scapis, cuius ipse duo genera statuit, ut  
 & Theophrastus lib. vj. de. Historia plantarum, nartheca assur-  
 gentem in altitudinem, nartheciam verò semper humilem. A ge-  
 nibus exeuntia folia maxima, ut quæque terra proxima. Cetero  
 inquit, natura eadem, quæ anetho. & fructui similis, nullibi fru-  
 ticum lenitas maior: ob id gestata facilius, baculorū r̄sum senectuti  
 præbet. ut autem idem author prodidit lib. xx. cap. 23. ferula se-  
 men simile habet anetho. Et quæ ab vno caule diuiditur in cacu-  
 mine, femina putatur. Caules eduntur decocti, commendanturq;  
 musto ac melle, stomacho vtilis: locoque citato ferula multas in  
 medicina comoditates recenset. Sed mirū illud est quod ferula asi-  
 nis gratissima, eodem Plinio teste. lib. xxiiij. cap. 1. ceteris verò iu-  
 mentis præsentaneo veneno. nec minoris est miraculi, quod ferula-  
 rum natura r̄sque adeo murenis infesta sit, ut ea solum contacta  
 expirent, quod etiam apud ipsum legitur. lib. xx. cap. 23. sicut hoc  
 ipsum lib. xv. cap. 28. quod in papyris & ferulis, spinaque alba,  
 capulis ipse pomum sit. At semen ferula in Italia cibum esse, condiri  
 quippe, durareq; in vrceis, vel anni spatio, ipsemet author est. Pli-  
 nius lib. xix. cap. 9. quo loco inquit, duo genera ea sunt, Caules &  
 racemi: corymbiam hanc vocant, corymbosq; quos condiunt. Ve-  
 rum ut ad herbaria studium prouocentur iuuenes, sine cuius, sal-  
 tem mediocri cognitione, humanioris literaturæ principes scripto-  
 res non possunt intelligi, ista proponam exempli gratia, quæ de fe-  
 rula ab ipsis tradita. primū de *ῥαβδανόβοις* apud Platonem in  
 Phedone, id est, de Bacchi ministris, quod ferula Baccho dicata: ut  
 testis Plinius noster libro xxiiij. cap. 1. cur etiam Ion poeta apud  
 Pollucem Onomastici decimo dixerit, *ῥαβδανόβου ῥαβδανόβου*; aut quod  
 sapit antiquitatem, cur poeta, ut Aeschylus & Hesiodus, ἐν ῥαβδανῷ  
*ῥαβδανῷ* Promethei furtū, ut loquitur Virgilius, potius fuisse pro-  
 dant, quàm in alia plantarum? Quid sibi vult Iuuenalis cum di-  
 xit Satyra j. Et nos ergo manum ferula subduximus? Aut Mar-  
 tialis per illud lib. x. ferulaq; tristes Sceptra pedagogum cessent.  
 Aut quid tandem innuit Columella vocans, nec manibus mites  
 ferulas: & alibi, ferulasq; minaces? Quare non minimi r̄sus sim-  
 plicium cognitio.

## DE PEUCEDANO.

Græcè, *πευκέδαρος*: Latine, peucedanum officinar.  
 fœnic

*fœniculum porcinum: Hispanicè, heruatum: Italicè, peucedano: Arabicè, harbatum: Germanicè, Harltrang.*

Enarratio LXXXIX.

**P**Euucedanum, omnium consensu, officinarum fœniculum porcinum est, herba coma spissa, ac subtili fœniculi modo crescens, quod verò descriptioni omni ex parte non respondeat, id in causa est, quia in Sardinia, ac Samothrace, & Arcadia, laudatissimum crescens Dioscorides magis quam nostrum describere videtur: cuius vires, ac temperaturam Galenus ita libro viij. tam sæpe repetito describit, dicens: succus eius admodum exalfacit, & digerit, estque tenuium & incidentium partium, quare omnibus neruorum affectibus creditur opitulari, tum morbus in pulmone & thorace ex crassitudine humorū ortis. Nec verò intra corpus sumptus duntaxat, sed olfactu etiā prodelt, ad hæc sæpe foratorū dentium dolores, cavitati impositus, protinus mitigauit, quin etiam induratos lienes iuuat, ad quæ omnia, licet etiā vti radice, quæ & squamas celerrime ab ossibus detrahit, & arida illita vlceribus cõrumacibus remedium est optimum, minus quidem quam succus exalfaciens, nempe in secundo ordine iam completo, desiccans verò in tertio incipiente.

DE MELANTHIO.

*Gracè, μελάνθιον: Latinè, melanthium: Arab. Sunis: Officinis, nigella Romana: Gallicè, poyurette, onnielle: Hispanicè, alipiure, axemuz: Italicè, nigella ortelana: Germanicè, Schvartz rœmisch Coriander.*

Enarratio XC.

*Melanthiū  
non est vul  
garis nigel  
la.*

**F**Alluntur, qui nigellam in segetibus nascentem, folio porraceo, semine nigro, & rotundo, Græcorum melanthium esse putant, quum Græcorum melanthium, semen paruum sit, subnigrum, gustu aromaticum, cum quadam acuitate, ob qua Lusitani nostri semen hoc aliud pipet appellant, quo mulieres frequentissimè contra matricis, & stomachi vitia, maxime vtuntur: hoc enim se-

*Melanthium sativum.**Sylvestre.*

men illud est, quod medici contra capitis destillationes potissimum laudant, nec sic facile reperitur, quia nō nisi satum crescat, aliud verò subcitrinum granum, in non dissimili planta nascitur. Quod aliqui nigellam quoque appellant, sed nos ipsum potius inter cardamomi genera libro primo numeravimus, nam in tritico repertam nigellam pseudomelanthium, ad Hippocratis mentem appellare quis poterit, quam Itali sua voce, gittone, vel ruosolam nominant, & eam Leonardus Fuchsius non sine errore, pro lolio depinxit, sed de Melanthio ita Galenus inquit lib. vij. de Facult. simpl. medic. Melanthium excalfacit & siccatur in tertio ordine, estque amarū atque tenuium partium, quare catarrhos sanat, in linteo admotum, atque assidue olfactum, flatus potum extinguit, lumbricos enecat; non esum modo sed etiam foris applicitum, lepras, clauos, atque myrmecias exterit, orthopnoeam iuvat, & menses prouocat, in summa verò ubi sectione, extersione, desiccatione, excalfactione est opus, præstan

*Melanthiū  
subcitrinū.**Gittone.**Fuchsius  
errat.*

stantissimum id remedium existit.

## DE LASERPITIO.

Græcè, σιλπίου: Latine, *laserpitium, laser*: liquor Cyrenaicus, Officinis, *belz uinum, assa dulcis*: Hispanicè, *menz oin*: Italicè, *belgioino*: Gallicè, *Beniouin*: Germa. *Meyster vurtz*.

## SVCCVS SILPHII IN

SYRIA NASCENTIS.

Græcè, ὀπὸς σιλπίου: Latine, *succus medicus, & parthicus, liquor Syriacus*: Officinis, *assa fetida, stercus diaboli, vulgò, assa fetida*: Germanicè, *Teuffels dreck*.

### Enarratio xci. xcii.

Cirenaicus  
succus.  
Syriacus.

**E**X planta silphio, siue laserpitio dicta, liquor pretiosissimus, & in honore maximo ab antiquis habitus, & hodie quoq; ita receptus eiusdem cum planta nominis colligebatur, cuius duæ erant differentiæ. Nam Cyrenaicus & Libycus, tanquam odore præstans & syncerus, primas obtinebat: Syriacus verò, tanquam odore virulæ ac fœtidus, postremas. Hanc verò differentiam apud Dioscoridem factam, inter laserpitium odoratum, & fœtidum animaduertentes Arabes, sic postea eam operibus suis indiderunt, corruptè tamen pro lasere, assam scribentes, & illius alteram odoriferam constituunt: alteram verò fœtidam: Odoriferam verò Assam eam dicunt, quam nos benzuinum appellamus: fœtidam verò, seruato nomine, assam fœtidam, quam quoq; multi, ob tetrum, & immensum quem habet fœtorem, stercus diabolicum vocarunt. Cæterum auctore Hippocrate lib. iiii. de Morbis, non longe à principio, in Ionia & Peloponneso, hodie Morea regione dicta, silphium nunquam repertum fuit: fieri enim non potest, inquit ille, multis frustra iam id tentantibus, vt in Ionia: aut Peloponneso silphium nascatur: At in Lybia sua sponte nascitur, non enim est neq; in Ionia neq; in Peloponneso, eiusmodi humor, qui ipsum alere possit, &c. quæ ad materiam nostram multum faciunt, à nobis in præsentem prætermittam. Vt receptui igitur

canam

canamus, silphium siue laſerpitium odoratum, nostrum *silphium*  
 est belzuinum, præcipue subnigrum cum quodam rubore, *odoratum*  
 quod Lusitani nostri à boninas appellant, vt capite de *belzuinū.*  
 Myrrha copiose diximus: Nam virosum laſerpitium, assa  
 fœtida est, quod & in Syria sagapeno & chalbano, alijsve  
 gummis varijs adulteratur, & fœtidum euadit. Quod ve-  
 rò laſerpitium odoratum belzuinum esse dicam, hæ me  
 permouent rationes, quia benzuinum satis odoriferum  
 est lucidum, transparens, ad ruborem inclinans, gustui gra-  
 tum, & quod si lauetur, quoquomodo albicat, quæ omnia  
 laſerpitio conuenire certum est: hoc verò nonnulli ex re-  
 centioribus ob dulcè quem habet saporem, dulcem assam  
 appellant. At assam fœtidam, laſerpitij speciem esse,  
 illius attestatur odor, modo quis naribus, eam per spa-  
 tium admotam habeat: tunc enim, qui huius periculum  
 fecerit, deprehendet, assam fœtidam, odorem belzuini non  
 absimilem, dereliquisse. Affertur autem belzuinum, ex  
 India vastissima regione, præcipue Sumatra insula, quam  
 Taprobanam dicunt, vbi arborem benzuinum ferentem,  
 incolæ lasarum appellant: vt Ludouicus Romanus testa-  
 tur, & Lusitani nostri cõfirmant, de quo Galenus lib. viij.  
 de Facultat. simplic. medic. ita tradit: Silphij liquor cali-  
 dissimus est, necnon folia, caulis, & radix, strenue etiam  
 sunt calida, omnia tamen flatulentæ magis essentiæ sunt,  
 ac proinde difficilia concoctu, foris autem imposita cor-  
 pori efficaciora, liquor præcipue admodum trahentem  
 facultatem possidens, at tamen & excrementas exterit,  
 & quandam liquandi vim possidet.

## DE SAGAPENO.

Græcè, σαγάπενου: Latine, sagapenum: Officinis, se-  
 rapinum: Arabicè, sachabenigi.

## ENARRATIO XCIII.

Sagapenum officinarum Serapinum est, liquor scilicet  
 Sferulaceæ herbæ, vt Dioscoridi & Galeno placet, vt verò  
 Mesue, ex arbore oleandro simili destillans gummi est,  
 quod raro ad nos syncerum & purum ex Orientali plaga  
 adfertur, quanquam ex Apulia nunc licet minoris nomi-  
 nis adferri quoque incipiat. Cæterum, Serapinum aluum

*Serapiniū*  
*aluum sub*  
*ducit.*

ria, pro euacuandis crassis, viscidis & tenacibus humoribus, veluti & serosis preparant, vnde Mesue de illo ita tradit: serapinum calidum est in tertio, siccum verò in secundo ordine: & subdit, solutione educit humores viscosos, & phlegma grossum, & aquam citrinam, & eius proprietas est mundificare cerebrum & nervos, & adducere materias eorum, & conferre ægritudinibus eorum frigidis, &c. Galenus libro de Antidotis, notas quibus verum sagapenum ab adulterato & falso dignosci debet, describit, dicens breuiter: verum sagapenum, statim aqua rigatum soluitur, quod non tale est eliquescit minime, & subdit: Sciendum autem est, chalbani partem in sagapenum degenerare, sicut etiam optima cassia, in cinnamomum transit, & vt tradit lib. vij. de Facult. simpli. medic. Sagapenum liquor est calidus, & tenuium partium, sicuti & alij liquores, sed abliterationem quandam obtinet, qua oculorum cicatrices expurgat, extenuatq;: suffusionibus etiam & hebetudinibus oculorum quæ à crassitie humorum proueniunt non malum est medicamen. At planta ex qua prouenit, ferulæ assimilis, imbecilla est, & inutilis.

## DE EUPHORBIO.

*Græcè, ὑπόρβιον: Latinè, euphorbium: Hispanicè, alforuiam, alforfion: Italice, euforbio: Gallicè, euforbe: Arabicè, farbion.*

## Enarratio XCIII.

*Euphorbi-  
1179.*

*Plinius re-  
stituitur.*

**V**ulgare & commune, officinis gummi euphorbium est, quod Iuba Mauritaniæ rex in montè Atlante inuenit, & herbam arborescentem, vnde effluit nomine sui medici, euphorbij dicti, & Antonij Musæ sui fratris, medici Augusti Imperatoris, euphorbiam appellauit, quæ vt placet Dioscoridi ferulacea est, quanquam Plinius foliis achæntinis potius ornari tradat, non tamè sine textus menda, vt suspicor, quum loco, foliis narthicis, id est ferulæ, achæntinis, scriptum fuit, sed quòd ita Plinius emendandus sit Pintiano viro doctissimo, & maximo Plinij instauratori, olim in bonis literis apud Salmanticenses, præceptoris nostro, committimus, non minus quæ Ioanni Ferdinando, vnico literarum ornamento, & apud Colimbricen

bricenses publico bonarum literarum professori, discernenda permittimus. Mesue tamen, folia polij marini eam habere tradit, sed utcumq; res se habeat, vero euphorbio nō caremus, quod ut tradit Mesue, cætera omnia gummi genera, calfaciendo & subtiliando excedit: calidum enim & siccum ut illi placet in quarto gradu est, & calidius & subtilius omni eo quod calfacit ex gummis, & est in eo virtus adustionē faciens, &c. At Dioscorides, & Galenus, euphorbiū, vim purgatoriam habere, non nouerunt: Paulus verò, Aëtius, ac Actuarius maxime: de quo Actuarius libello suo, de Cōpositis medicamētis, ita tradit: Pituitam subducit, sed potentius aquam, est autem celerrimum, & maxime ignea vi flagrans, vnde colicis, & aluum frigidiorē habentibus datur: cæteros vehemēter conturbat, sitim maxime ciet, non nihil ex odoratis feminibus ei est commiscēdum. Modus triobolaris ex aqua mulsa, præstat autem cum melle cocto in catapotia digerere, hætenus ille. A quo postea Arabes desumentes, ex euphorbio pilulas parare ceperunt, asciti morbo, id est aquosæ hydropi, viles. Porro recens euphorbium, & vnius anni, fortissimum est, & cuius drachmę tres, in potu hominem vrendo interficiunt, quum verò sextum annum transcendit, vires in vniuersum amittit, & in totum elanguescit: vnde Galenus hæc sciens lib. iij. de Compositione medicamentorum secundum genera, ita de euphorbio tradit: Euphorbium sane cum principio bonum fuerit, & probe sit repositum etiam anno tertio adhuc vim aliquam retinet, interim anno quarto: quinto autē & sexto iam exoluitur: deinde procedente tempore in totum elanguescit, & ut libro vj. de Facultatibus simpli. medicament. de eo quoq; tradit: virentem & tenuiū partium facultatem sortitur.

*Euphorbium purgat.*

*Euphorbium Atlas.*

## DE CHALBANO.

Græcè, χαλβάνη: Latine, galbanum: Arab. bezard.

Enarratio xcv.

Vulgatissimum & tetri odoris galbanum est, quod chartilaginosum ad ammoniaci similitudinem, consideratur: de quo Galenus libro viij. de Facultatibus simplicium medic. ita dixit: succus est plantæ ferulaceæ, molliendi & digerēdi v: calfacit enim ordine tertio incipiēte,

*Galbanū.*

aut completo secundo, siccat verò secundo incipiente,

DE AMMONIACO.

*Græcè, ἀμμωνιάκη: Latinè, ammoniacum: Hispanicè, aguaxaque: Gallicè, ammoniac: Arabicè, assach.*

Enarratio XCVI.

*Ammonia  
cū thymia-  
ma dicitur*

**P**Otius Ammoniacum, quàm Armoniacum, liquor iste appellandus est, quia vt tradit Dioscorides, in Libya, ad Ammonis Iouis templum nascitur, vnde & nomen trahere certum est: cuius duæ species sunt: altera præstans, Thrausma dicta, thuri persimilis, qua olim antiqui pro parandis suffitibus utebantur, & ea de causa, Ammoniacum thymia, à Paulo & Aëtio plerunq; appellatum comperimus. Altera vero species, phyrama dicitur, minus bona, harena & calculis permixta, quam dubio procul, commune nostrum Ammoniaem esse crederem. Iis vero Plinius libro duodecimo, capite vigesimo tertio subscribit, quum dicat. Ergo Aethiopiæ subiecta Africa, Ammoniaci lachrymam stillat in harenis suis, inde etiam nomine Hammonis oraculo iuxta quod dignitur arbor, quam metopion vocant resinæ modo aut gummi. Genera eius duo, Thrauston masculi thuris similitudine, quod maxime probatur, alterum pingue & resinofum, quod phyrama appellat: de quo Galenus libro sexto de Facul. simpl. medic. ita tradit: Ammoniacum, cuiusdam ferulæ est lachryma, intensam emolliendi vim possidens, adeo vt articulorum tophos dissoluat, & lienes induratos sanet, & chœradas per halitum digerat.

DE SARCOCOLLA.

*Græcè, σαρκικόλλα: Latinè, sarcocolla: Hispanicè, lan- carotes: vulgò, sarcocolla: Arabicè, anfarot.*

Enarratio XCVII.

*Sarcocolla  
amara o-  
ptima.*

**S**arcocolla lachryma, siue liquor densatus, officinis familiaris est, quæ ideo sarcocolla dicitur, quia mirifice carnis vulnera, agglutinet porro, ad ruborem inclinantem, & mannæ thuris similem, cum quodam amaro re gustatam, laudat Dioscorides: Plinius vero eam potius albam, quàm rubram eligit. vt lib. xiiij. cap. i. apud ipsum quis legere poterit. Tu vero pharmacopola, si optimam dignosc



dignoscere cupis, eam gusta: quòd si amaram inuenies, optimam esse dicas. Cæterum, sarcocollam vim purgatoriam habere, Mauritanorum inuentum est, & vt tradit Mesue, solutione educit phlegma crudum, & humores crassos, & proprie quod est in iuncturis & anchis, & mundificat cerebrum, & neruos, & pulmonem, & confert tussi, & astmati, & est ex rebus conferentibus senibus, & proprie phlegmaticis, &c. Calida enim in secundo ordine est: Sicea vero in fine primi, & vt tradit Galen. lib. viij. Simplicium, mixtam vim habet, ex emplastica quadam substantia, & pauca amara, itaq; citra morsum desiccatur, ac proinde glutinare vlcera valet.

*Sarcocol-  
la purgat.*

## DE GLAUCIO.

*Græcè, γλάυκιον: Latine, glauciū: Arabicè, memitha.*

## Enarratio XC VIII.

**G**laucium Græcorum, vocant factionis Mauritanicæ medici memitham, vt ex Serapione deprehenditur, & ita esse res ipsa clamat, quum præter quòd vulgata in officinis memitha ex Syria adferatur, in parte exteriori rubra est: in interiori vero lutei est coloris, sapore amaro, & odore tetro: quibus addimus, quòd oculorum affectibus mirum in modum subuenit, vt omni ex parte affirmandum sit, hanc memitham, cuius vsus frequens est, glaucium esse. Quòd vero memitha succus chelidonij non sit, aut cornuti papaueris, explosum iam est, vnde sæde admodum Serapionis interpres hallucinatus est, quum succum chelidonij, memitham esse dixerit, quum reuera succus herbæ Syriacæ sit, quæ licet in Syria nascatur, apud Louanienses quoq; eam gigni nouimus Dioscoridis delineationi omnino respondentem, de qua Galenus lib. vj. de Facult. simplic. medica. dixit ita: Astringit cum quodam fastidio, tum adeo insigniter refrigerat, vt solum sæpe erysipelata, si valentia nõ fuerint, curare possit, constat enim ex aquea terreaque substantia, vtraq; frigida.

*Memitha.*

## DE GLVTINO.

*Græcè, κόλλα: ξυλλοκόλλα: Latine, glutinum: Hispanicè, grudel: Italicè, colla de carnicio: Gallicè, colle: Germanicè, Bepp.*

## Enarratio x c i x.

*Glutinum  
ex bubulo  
corio.*

*Gluten ex  
similagine*

**G**Lutinum quod ex bubulo fit corio, notum est, Rhodium Dioscorides laudat: At nos Hispanum Salmanticense, apud pontem paratum non procul à domo Celestinae mulieris famosissimae, & de qua legitur in comedia Calisti & Melibae, caeteris anteponimus. Caeterum huius Galenus quod sciam, in suis libris Simplicium, nullam fecit mentionem; illius tamen, quod ex farina paratur, pro libris agglutinandis, meminit, lib. viij. sic ad istum modum dicens; Gluten quo ad libros praeparant ex similagine & garo, emplasticae coccoctorieq; facultatis existit.

## DE GLUTINE PISCIVM.

*Graecè, ἰχθυόκολλα: Latinè, Ichthyocolla, piscium  
gluten: Hispanicè, colla de pece: Italicè, colla di  
pesce: Gallicè, colle de poisson: Arabicè, gara:  
Germanicè, Mundt leim.*

## Enarratio c.

**E**T hoc quoque satis est notum, cuius quoque Paulus meminit,

## CONSTANTINVS.

**G**Lutinum siue Graecis collan, auctores nominant, quo tenaci nexu res conglutinantur & coherent, quae alio modo coire & coniungi aptius non poterant. Glutinamenti autem cum simplex sit ratio, multiplex tamen glutinis materia: quia non omnibus compingendis & coagmentandis rebus Glutinesa compositio vna sufficiat, aut corporis vnus quantumvis lenti & sociabilis impermixta natura. Chryso colla enim quam Plinius santernam vocari scribit lib. xxxij. cap. 5. nisi legendum sit santeriam, ferruminatur aurum, glutinum vero est argilla ferro, cadmia erumasis, alumen laminis, resina plumbo, & marmoris, sed plumbum nigrum albo iungitur, ipsumq; album sibi oleo. Item stannum aramentis, stanno argentum. In arboribus etiam ex quibus opera intestina fiunt, Glutinis magna ratio (vti etiã docet Plin. lib. xvj. cap. 43. Quia in omni genere & glutinum abdicant quaedam, & inter se & cum alijs insociabili glutino, sicut robor. Sed nec ferè coherent, nisi similia natura, vt si quis lapidem lignumq; coniungat. Quo factum vt glutini diuersa genera necessitas excogitarit, ad humanae vitae artificia, quae postea ad suos


visus nonnulla ex parte transtulit medicina. Est enim lithocolla qua vtuntur in agglutinandis præcipuè marmorum fragmentis cum reliquo corpore: quæ lapide pario constat, siue marmore & glutino taurino. Est etiam alia glutinis compositio, quæ lapidis duritiem superat simul atq; inaruit. Calx vino extinguitur, tunditur, additurq; suillus adeps & ficus: omniaque vnâ probe subiunguntur. Aliud genus est hoc quo cementarij vtuntur, quod fit ex piscis Græcæ, piceæ resina, ac pulueris laterum mixtura, durissimum dum frigidum est ac firmissimum, sed si incalescat non ita fidele. De glutino autem chartarum quomodo parari debeat, legant glutinatores apud Plinium lib. xiij. cap. 12. Glutini alia genera quæ etiam in medicina locum habent, sunt taurocolla Græcè dicta, siue xylocolla: & Ichthyocolla. Taurocolla quæ & simpliciter Græcè colla, vt author Aristoteles libr. ij. de historia animalium, fit ex coriorum bouum mucoso lentore, quod in ijs abundet. Plinius vero lib. xxvij. cap. xvij. Glutinum fieri tradit ex auribus taurorum & genitalibus: nec quicquam efficacius prodesse ambustis. Nunc de Ichthyocolla, Idem author sic prodidit lib. xxxij. cap. 7. Ichthyocolla appellatur piscis, cui glutinosum est corium, idemq; nomen glutino eius, hic Epinyctidas tollit. Quidam ex ventre nõ ex corio fieri tradunt Ichthyocollam, vt glutinum taurinum. Et ab eo laudatur pontica quæ cutem erugat & extendit, cuius vicem hac in parte potest explere quæ à nostris dicitur colle de bouche: parata ex mollua, pisce diuerso à salpa aut Ichthyocolla cetacei generis. Glutinum deniq; & Ichthyocollam adinuenit Dædalus Plinio teste libr. vj. cap. 56. parandi ratio ad vitrum etiam Glutinandum exponitur à Cardano libr. de varietate.

## DE VISCO.

Græcè, ἰξός: Latinè, viscum: Hispanicè, visco: Italicè, vischio: Gallicè, glu: frutex, gny, Arabicè, Dabach: Germanicè, Vogelleim, & mittel vocatur frutex. Enar. CI.

DE visco in præsentia ait Dioscorides, quo aucupes *Viscum*. pro irretiendis auibus vtuntur, nascitur autem pluribus in arboribus, præcipue quercu, vnde viscum quercinum per excellentiam est dictum: nascitur quoq; super alias arbores, quorum acinis turdi vescuntur, ac postea in illis cacantes, inde viscum enascitur, vnde prouerbiū *Prouerbiū*  
kk 3 hoc

hoc ortū est; turdus ipse sibi malū cacat. Verum ex Syria viscum quoq; Venetias in magna copia affertur, quod ex besten paratur, & à multis Damascenum viscum appellatur, non minus quoq; ex hibisci radicibus aqua maceratis viscum conficitur, vnde Poëta, aues fallere hibisco dixit. Est autem hibiscus, bismalua, siue malua viscū dictum. Sed hic adnotandum est, quod ligni visci, in operibus artis medēdi, longe plurimus est vsus, vt Gētilis Fulginas, ac Iacobus de Partibus, in vsum duxe-



Lignum  
visci.

### Viscum.

runt, & ipsum ob præclaras illi insitas vires, lignū sanctæ crucis appellarunt, credunt enim, ac persuasum sibi habent, contra epilepsiam, ac apoplexiam, & paralysem, multum lignum hoc præstare, tum intus epotum, tum vero in collo appensum. Rursus meminimus, quum de Chamæleone egimus, quod ixia, siue viscum, ad radices vtriusq; Chamæleonis nascens, *ixiās* est, veneni quoddam genus, quod Dioscorides describit libr. vj. huius voluminis, cap. xxj. At Galenus de visco, ita libr. vj. de Facultat. simplic. medic. meminit: Ixos, id est viscum, ex plurima aërea & aquæa, paucissima terrena substantia constat, quare ex alto humores extrahit, eosq; diffundit, & digerit, tempus autem vt calfiat postulat.

Ixia.  
ixiās vene-  
num.

### DE APARINE.

Græcè, ἀπαρίνη: Latinè, aparine: Hispanicè, preserra: Italicè, speronella: Gallicè, grateron: Germanicè, Klebkraut.

Enarra

## Enarratio cii.

*Aparine.*

**E**X iis herbis, quæ primo occurfu herbariis se offerunt, aparine est, herba sepibus & leguminibus familiaris: præcipue lentibus, plurimis serpens ramis, & illis quidem quadratis, hirsutis, vestibus facile hærentibus: in quorum medio; rotæ quædam, tanquam in calcaribus conspectæ, ex ramusculis prodeunt, veluti quoq; in rubea nasci videmus: vnde multi, hanc herbam, rubeam minorem, aut syluestrem tubeam appellari non dubitabant: quum tamen, revera rubea minor, longe alia sit her-

*Aparine.*

ba, radicem utpote rubram habens: qua aparinem carere, certum est. Pandolphus autem Collinutius aparinen, lapariam vocari scribit, & mercurialis foliis vestiri contendit, non sine ingenti tamen, ne dicam pudendo errore. Huius porro herbæ succo, multi tanquam præstantissimo medicamine constringente utuntur, & ut tradit Galenus lib. vj. de Facult. simplic. medi. modice extergit, & desiccatur, habetq; nonnihil subtilium partium.

*Collinutius errat.*

## DE ALYSSO.

*Græcè, ἄλυσσος: Latine, Alysson, rubea minor, Plinio incognita.*

## Enarratio ciii.

**V**ariâ de alyssio iudicia referuntur, Nam Plinius lib. xxiiij. cap. xj. non procul à rubea differre alyssum contendit, ut eius hæc indicant verba: Erythrodanus, id est rubea tinctorum, distat ab eo qui alysson vocatur, fœ-

liis tantum, & ramis minoribus, quippe nomen accepit, quòd à cane emorfos, rabiem sentire non patitur: potus ex aceto adalligatusque: ex quibus verbis, satis constat, alyssum apud Plinium, rubeæ tinctorum herbam persimilem esse, sed re vera, Dioscoridis alysson, à rubea multum abesse videtur, quia exiguus frutex alysson est, folia habens circinata, secundum quæ fructus exigui sunt, duplicis clypeoli figura, in quibus semen est, in latitudinem se æqualiter explicans, quæ omnia rubeæ non conuenire, notius est, quàm explicari possit. Ruellius vero, alyssum, syluestrem canabem esse opinatur. Aëtius quoque, sermone primo, suæ medicinæ, alyssum aliam herbam à dictis facit, quum dicat: Alysson autem esse sideritim herbam appellatam, quæ iuxta vias nascitur, vbique purpureum florem habens, & folia crassiora: nomen inuenit, ex eo quòd commorsis à cane rabido mirabiliter succurrit. Nos vero, post tantam doctorum hominum dissentionem, & longam de hac re inuestigationem, concludimus, quòd Dioscoridis Alysson, eadem est herba, cum alyssò à Plinio descripto, quæ proculdubio alia non est, quàm rubea minor dicta: non tamen ea, quam vulgares rubeam minorem appellant, nam rationabilius autem alysson rubea minor appellari meret, quàm vulgata herbula illa aparines similitudinem gerens, quum & si ambæ radices rubras habeant: Alysson tamen præter radicis ruborem, similitudinem in foliis magnam, cum foliis rubeæ tinctorum possidet, vnde hæc, rubea minor potius appellari debet: De qua Galenus libro vi. Simplicium ita tradit: Nuncupata est herba hæc alysson, quòd mirifice iuuet morsos à cane rabido, sed rabienti quoque data sæpe in totum sanauit, ob totius substantiæ similitudinem, siccatur autem digeriturque medicriter: ac præterea detergit nonnihil, qua ratione vitiliginem & ephelim purgat.

*Alysson rubea minor est.*

## DE ASCLEPIADE HERBA.

*Græcè, ἀσκληπιάς: Latine, Asclepias: Germanicè, Schyualben vuurtz.*

## Enarratio CIIII.

*Asclepias.*

ita dixit: Huius nondum nos periculum fecimus.

**L**ongè alia herba *Asclepias*.  
 Apud Ferrarienses  
*asclepias* monstratur,  
 quàm hederæ terrestris,  
 non est igitur *asclepias*,  
 hederæ terrestris, vt mul-  
 ti falsò putant: nec illa  
 altera foliis laurinis, sed  
 acutioribus vestita, quã  
 vicetoxicum vocant, vt  
 Leonardus Fuchsius in  
 suo prægrandi vastoq̃ue  
 Herbario putauit: quo  
 nomine verò, vera *ascle-*  
*pias* apud vulgares vo-  
 caretur, explicare non  
 valui: qua de causa, pro-  
 prio tantù nomine eam  
 insignitam dimittimus,  
 de qua Galenus libro  
 sexto citato breuissimè

## CONSTANTINVS.

**M**athiolus & Amatus immeritò discedunt à Fuchsi senten-  
 tia, cui etiam subscribit Hieronymus Tragus, verior enim  
 pictura nulla dari potest, nec vlla planta quæ magis *Asclepiadis*  
 notis omnibus respondeat, quàm est illa hirundinaria siue vici-  
 toxicum *Officinarum*, cuius picturam illi proferunt. Viuam  
 plantam multoties cū Dioscoridis descriptione & Plinij lib. xxxvij.  
 cap. 5. collatam omnibus numeris respondere comperimus. De ea  
 Galen. lib. vij. simplic. Paulus lib. vij.

## DE ATRACTYLIDE.

Græcè, ἀτρακτύλις: Latine, *atractylis*, fusus agrestis.

## Enarratio CV.

**D**esudant aliqui multum in demonstrâdo, quòd *atra-*  
*ctylis* non sit altera cartami syluestris species, sed  
 reuera frustra, quum *atractylis*, cnici id est cartami sylue-  
 stris,

*Atractylis. 1.**Atractylis. 2.*

*Atractylis  
prima spe-  
cies sylue-  
stris cartami.*

stris, prima sit species, vt ex Plinio facillimè deprehenditur, lib. xxj. cap. xv. ad istum modum dicente : Sed Aegyptij maximè celebrant enicon Italiae ignotam, ipsi autem oleo, non cibo gratam, hoc faciunt ex semine eius: differentia prima syluestris, & satiuæ: syluestrium duæ species, vna mitior est, simili caule: tamen rigido, itaque & colu antiquæ mulieres vtebantur ex illis, quam quidam atractylida vocant, semen eius candidum, & grande, amarum, &c. Ex quibus liquido constat, atractylida, primam syluestris cartami speciem, à Plinio vocari, cuius historiam, plenius capite sequenti, eiusdem libri descripsit, cum dicat: scolimus quoque; floret sero & diu, à corna colore tantum rufo distinguitur, & pinguiore succo, idem erat atractylis quoque; nisi candidior esset, & nisi sanguineum succum funderet. Nec enim Theophrastus lib. vj. de Historia plantarum cap. iij. à dictis dissidet, quin potius illis astipulatur, quàm atractylida, inter syluestris cartami genera adnumeret, & ex illius incisissimis foliis, sanguineum succum



cum efflui tradat: Hanc verò opinionē sequitur doctissimus Ruellius, cui quoq; fauere videtur Aëtius sermone primo suæ medicinae, vbi atractylida, cnicum syluestre interpretatur, vt demū concludere debeamus, quòd atractylis syluestris cartamus sit. Secunda tamen cnici syluestris species, carduus benedictus est, quem alij carduum sanctum, alij verò herbam Turcam appellant, multis proculdubio dotatum viribus, nam contra omne genus veneni valere fertur, simulq; contra pestem: hodie verò illius magnus, & frequens est vsus, pro vino vel aqua ex Guaiaco ligno, contra morbum Gallicum conficiendo, nec sane immeritò, quia exiccandi ac maligna vlcera curandi vires insignes obtineat.

*Secunda species cartami syluestris carduus benedictus.*

### CONSTANTINVS.

**M** Athiolus Senensis medicus maximi nominis, de Atractylide planè contrariam habet sententiam, veriore, necne, alibi statuimus. Eius omnia argumenta, sed interuertens, sibi suo iure vindicat, vt consuevit Amatus Lusitanus, suppresso etiam nomine authoris, quod est plagiarium. At in medio posuit Deus omnia campo: verum, non tamen vt furari, sed aperte sumere & mutuari vicuiq; liceat: quod hic noſter minimè facit.

### DE POLYCNEMONE.

*Græcè, πολύκνημον: Latinè, polycnemon.*

#### Enarratio CVI.

**S**emel mihi tantum polycnemonem herbam, videre contingit, & eam quidem, apud Ioannem Falconerium Anglum, quam libro suo, variis referto herbis agglutinatum habebat, Dioscoridis descriptioni apprimè respondentem: cuius vires ac temperaturam, Galenus vno versu complexus est, dicens: polycnemon desiccatur, & exalfacit, secundo excessu, itaq; & ipsum vlcera glutinat.

### DE CLINOPODIO.

*Græcè, κλινopόδιον: Latinè, clinopodium, pes lecti, montanum pulegium: Gallicè, pouliot de montaigne: Germanicè, V verbel doſt.*

Enarra

## Enarratio CVII.

*Clinopodium.*  
*Pes lecti.*

**C**linopodium idem est, ac pes lecti, ita dicta herba: quia flores suos per interualla vt in marrubio, ac rotas, lecti pedes referentes, habeat: cui nomina vulgaria, vt nobis ignota, præmittimus: qui verò ea tenuerit in lemmate scribat ac in medium proferat. At Galenus de clinopodio ita lib. vij. de Facultat. simplic. medicament. tradit: Clinopodium exalfaciendi vim obtinet, sed nondum adurendi, est verò etiã essentia subtili, ponatq; ipsum quilibet in tertio ordine, exalfacientiũ tum resiccantium.

## DE LEONTOPETALO.

*Græcè, λεοσιπέταλον. Lat. leontopetalon Officin. pata leonis. Gallicè, patte de leon. Ger. Levuen tapp.*

## Enarratio CVIII.

*Leontopetalon.*

**P**linius capite vndecimo, lib. xxvij. ita de leontopetalo tradit: Leontopetalon, alij rhapeion vocant, folia brassicæ, caule semipedali, alæ multæ, semen in cacumine, in siliquis ciceris modo: radix rapo similis, grandis, nigra, nascitur in aruis: Radix aduersatur omnium serpentium generibus ex vino pota, nec alia res celerius proficit, datur & ischiadicis. Hactenus Plinius. Cæterum hæc in aruis non solum conspicitur, sed hortis perquam familiaris est, quam nonnulli patam leonis appellant, præsertim illius radicem nodosam, nigram, rapæ æqualem, de qua ita dixit Gal. lib. vij. de Facult. simplic. medic. leontopetali radice maximè vtimur: digerendi facultatem, & exiccandi exalfaciendiq; in tertio ordine possidet.

*Pata leonis.*

## DE TEUCRIO.

*Græcè, τευκρίον: Latine, teucrion.*

## Enarratio CIX.

**A**deo Teucris historia, pimpinellæ herbæ, acetariis familiari, respondet, vt contumax, & rudis dicendus ille sit, qui in hanc non condescenderit sententiam. Est igitur teucrium pimpinella herba, ideo pimpinella dicta, quòd odore, citrullum pipinum, vel peponem dictum, referat, vnde dubio procul, crederem, quòd huic herbæ nomen



Teucrium, 1.



Teucrium, 2.

men, ab aliquo Hispano vel Græco homine impositum fuerit, quia citrullus pepo, apud Hispanos, Græco seruato nomine, pipinus dicitur: & quia herba ista, citrulli siue pipini odore dotata est, inde illi pimpinellæ nomē inditum est. Distis accedunt, quòd pimpinella teucrium sit, quia, vltra quòd delineatione respondent, viribus quoq; sunt pares, vt merito concludendum sit, quòd vulgaris pimpinella teucrion Græcorū sit: cuius vires Galenus lib. viij. de facultatibus simplicium medica. ita enarrat: Incidit & tenuium est partiū, quare lienes sanat, ac exiccac quidem in tertio, calfacit autem secundo ordine.

#### CONSTANTINVS.

**H**Oc Amati paradoxon decretum de Teucrio, propria absurditate reuincitur: cum nemo ferè sit herbarius, qui non verum Teucrion siue Teucriam Plinio, hermon & splenion vocatam nouerit, spargentem iuncos tenues, folia curua, austero sapore, καὶ ἀναπρον: quæ omnia desiderantur in pimpinella, cuius etiam riuiculam suo more, etymologiam profert Amatus. Pimpinella

nella semen gignit : nec trixaginem plantam etiam optimè cognitam , refert. Quò melius quæ verior sit opinio pèssis liquido statuere , legendus cum Dioscoride Plinius libro xxxv. cap. 5. qui eius herba etiam meminit libro xxvj. capite octauo , & Galen. libro octauo simplicium medicament.

## DE CHAMÆDRY.

Græcè, χαμᾶδρυς : Latinè, chamædrys, trixago : Hispanicè, chamedreos : Italicè, querciuola, chalaman-drina : Gallicè, germandree : Arab. damederios : Germanicè, Gamanderlin.

### Enarratio cx.

**C**hamædrys genituo casu apud pharmacopolas, chamædreos dicitur : latiniore verò, trixaginem vocant, quæ eadem cum chamærope siue gamandrea est: vulgaris herba ista est, chamædrys ita dicta, quòd infima quercus videatur, quam Itali tanquam antidotum à peste præseruans, ieiuno stomacho comedunt, & vt tradit Gale-



*Trixago. 1.*



*Trixago. 2.*

nus lib. viij. de Facultat. simplic. medic. Vincentem habet qualitatem amaram, & quodammodo acrem, quare merito lienes colliquat, vrinas & menses prouocat, crassitudinem humorum incidit, viscerumque obstructions re-purgat, calfacit itaque & desiccatur tertio ordine, plus tamen calfacit, quam siccat.

## DE LEUCADE.

Græcè, λευκάς: Latine, leucas.

## Enarratio CXI.

QVod in hoc capite principium deest, testatur Marcellus Virgilius, & quod ita sit, ratio indicat, quia quum de montana egit Dioscorides, de domestica prius egisse credendum est: cui adde, quod Marcellus ipse affirmat, se ita capituli initium, in quodam Dioscoride Latino, inuenisse, Leuces duæ sunt species, altera domestica, altera verò agrestis, siue montana, Montana in hoc genere, & cætera. Sed quæ hæc sit herba ambigitur, quia Dioscorides illius exactam prætermisit historiam. Ruellius tamen, & ante eum Hermolaus Barbarus Venetus patritius, herbam in vineis nascentem, mercuriali persimilem, & quam plerique triplicem rusticam appellant, leucada esse cõtendunt, de qua Galenus lib. vij. de Facultatibus simplicium medicamentorum ita tradit: leucas acrem possidet facultatem, exuberantem, temperaturam verò calidam siccamque in tertio quodammodo ordine.

## DE LYCHNIDE.

Græcè, λυχνίς: Latine, lychnis, bellaria, lychnis coronaria: aliqui, Donner nægeln, oder bluetz trœpflin.

## DE LYCHNIDE AGRESTI.

Græcè, λυχνίς ἀγρία: Latine, lychnis agrestis.

## Enarratio CXII. CXIII.

VTRAQUE lychnis nobis nota est, nã coronaria in hortis frequens videtur, folio calendulae herbae, sed magis hirsuto, latòve, quod viride, oleo inunctum in flammam ad

Lychnis  
herba.

*Lychnis sativa.**Sylvestris.*

Plinius er-  
vat.

ad ignem accenditur, vnde nomen traxisse videtur: flos  
verò purpureus huic inest, inodorus, aspectu gratus, simi-  
lis violæ cheiri Arabibus dictæ, à qua sylvestris non mul-  
tum abhorret. Cæterum, Plinius, lychnida coronariam  
inter rosas connumerat: Sylvestrem verò, antirrhinum  
esse credit: extra tamen omnem dicendi rationē, vt cuiq;  
mediocriter in re herbaria exercitato notum erit: At de  
lychnide, ita vt solet tradit Galenus libro septimo huic  
operi dicato: semen eius calidum & siccum est, secundo  
quodammodo, aut etiam tertio ordine.

### CONSTANTINVS.

**A**lia est lychnis, alia verò lychnitis. Lychnitis enim qua &  
thryallis & phlonis dicta est, tertia species est phlomi, id est,  
verbasci: de qua Dioscorides lib. iij. cap. 104. & Plinius lib. xxv.  
cap. 10. De lychnide verò herba coronaria, hoc capite Dioscorides:  
& Plinius lib. xxj. cap. 4. in quo de rosis agit, cuius hæc dictio: Est  
& qua Græca appellatur à nostris, à Græcis lychnis, non nisi in  
humidis

humidis locis proveniens, nec unquam excedens quinque folia, viola magnitudine, odore nullo, Est & alia græcula appellata, à convolutis foliorum panniculis, nec dehiscens nisi manu spacta, semperque nascenti similis, latissimis folijs. Et lib. xxj. cap. 11. lychnis & Iouis flos inter aestivos flores numerantur. Idem vero Plin. lib. xxv. cap. 10. sicut inquit: Antirrhinon vocatur siue anarrhinon siue lychnis agria, similis lino, radice nulla, flore hyacinthi, semine vituli narium, quo loco apparet quàm Amatus impudenter, aut saltem imperitè Plinium reprehendat: Siquidem ipse Dioscorides lib. iij. cap. 33. disertis verbis scribit Antirrhinon, anarrhinon & lychnida agrestem vocari, semine vituli nariū. Se reuocet igitur merito Lufitanus, & Plinium immerentem calumnia exoneret,

## DE LILIO.

Græcè, λείων: Latine, liliū: Hispanicè, cebolla secan,  
 Italicè, giglio bianco: Gallicè, lis: Arabicè, susen,  
 Germanicè, Vveifs Ligen, oder gilgen.

## Enarratio CXIII.



Lilium.

**L**ilium vulgare & officinis cōmune, sub Lilium.  
 lilio albo est, ex quo oleum paratum, mulieribus familiare habetur, cuius radix bulbosa emplastrum maturans apprime adornat, & de illius viribus Galenus lib. vij. de Facultat. simplic. medica. ita tradit: Liliij flos temperaturā mistam obtinet, partim ex tenui, partim ex terrena essentia, partim ex aquea, eaq; temperata, quare quod ex eo conficitur oleum, digerendi, emolliendiq; citra morsum facultatem sortitur, vnde fit, vt

vteri sit duritiebus aptissimum. Porro radix foliaque per se trita, desiccant, abstergunt, & digerunt moderate: proinde quoque ambustis competunt. Radicem ergo tostam, ac dein rosaceo contritam, ambustis, quoad obducatur cicatrix, imponunt, quum sit etiam vlcera aliorum remedium. Emollit praeterea vteros, mensesque prouocat: iterum, quum aut vitiligines, aut psoram, aut lepram, aut achoras, aut aliquid id genus extergere volumus, commiscemus illi aliquod aliorum medicaminum validius extergentium, cuiusmodi est mel: imposuimus verò etiam quandoque & foliorum succum cum melle & aceto coctum, eratque respectu vtriusque portio ipsius succi quincupla: atque ita conficiebatur insigne medicamentum ad omnia vlcera, quae exicari absque morfu postulant. Haec Galeni verba. Ceterum liliū alterum Italiae hortis familiare, & sua lingua martagum dictum, flores albo similes, sed croceos mittens, quod Plinius lib. xxj. cap. 8. petilium appellat, huius speciem esse pro firmo teneo: Vnde Fuchsius, reprehensione dignus est, qui liliū hoc asphodelum feminam esse contendit, quum reuera, longe à descriptione abest, vt conferenti manifestum erit.

Martagū.  
Petilium.

## DE BALLOTE.

Græcè, Βαλλωτή: Latine, marrubium nigrum, marrubium foetidum: Hispanicè, marroios negros: Italicè, marrobbio nero: marrobbio fetido: Gallicè, mar Rubin noir: Germanicè, Schvartz andorn.

### Enarratio c x v.

Ballote.

ITA ballote siue marrubium nigrum melissae herbae foliis simile est, vt intuenti inter vtranque discernere difficile sit, & nisi dubio procul odor esset dispar, alterum ab altera separans, vnam pro altera herbarij eradicaent, foetida enim herba marrubiū nigrum est: melissa verò odoratissima: non minus quoque marrubium nigrum hoc galiopsi persimile est, sed flore differentia percipitur. Nam galiopsis, flores rubricantes ac purpurascentes habet: nigrum verò marrubium, albos, cuius naturam Galenus, sinit: Paulus tamen de illo, ita lib. vij. suae medicinae dixit: Ballote, quod alij marrubium nigrum dicunt, acris est, & abster



absterforiæ facultatis, impositum cum sale, rabidi canis moribus medetur.

## DE MELISSOPHYLLO.

Græcè, μελισσόφυλλον: Latine, *Melissa*, *citrago*, *melitena*, *apiastrum*: Hispanicè, *torongil*, *hierua cidrera*: Italicè, *herba rosa*, *cedronella*, *melissa*: Gallicè, *melisse*: Arabicè, *Bedarungi*: Germanicè, *Melissen*.

## Enarratio CXVI.



*Apiastrum.*

**G**racorum melissophyllon, nostra est melissa, quæ ideo citrago dicitur, quia, citri odorem habeat. Hæc enim ut Arabibus placet, quibus non parum medicos debere, doctissimi homines fatentur, quia medicinam ipsam ampliarunt, cordialissimam herba est, ut apud Auicennam legimus libello suo de medicinis cordi faciendis, & ut Serapio testatur, animam latificat, & ieiuno stomacho comesta, ventriculo frigido, & humido, confert: nam virtutem concoctricè illius roborat, & cerebri quoq;

obstructiones aperit: cordis quoq; imbecillitati confert, & cardiacam affectionem curat: non minus quoq; solitudines, umbras, timores, ac animi similes affectus, à Melancholia & atra bile ortos, remouet: qua de re, non solum aqua per campanam extracta passim in officinis parata habetur, sed etiam syrupus ex illius succo, quem cum suc-

charo, meis monitis, præclaris in ciuitatibus, in quibus diu egi, confici curauit, reperitur. Calida enim & sicca secundo ordine melissa est, vt tradit Auicenna, loco à nobis citato, cuius quoq; Galenus lib. vij. de Facultatibus simplic. medic. meminit.

## DE MARRUBIO.

*Græcè, μαρρόριον: Latine, Prassium, marrubium: Hispanicè, marrois, marruios: Italicè, marrobio: Gallicè, marrube: Arabicè, farasio: Germanicè, Andorn, oder gotts vergifs,*

## Enarratio CXVII.

*Porrum.*

**P**rassium, marrubium est, prassium vero porrum, cuius inaduertentia Plinius saepe in errorem labitur. Est autem marrubium herba vulgaris & officinis admodum familiaris, ex qua eclegma contra pectoris vitia paratum habetur, non minus quoq; syrupus ad eadem valens, prassinus dictus, vbique prostat, qui ad tussim antiquam, asthma, & longas pectoris ægritudines, à crassa viscida, & glutinosa materia pendentes, multum facit, non minus quoq; iecinoris, & viscerum interiorum obstructions potenter aperit, illas præcipuè quæ à longis febribus originem & labem quandam contraxerunt. Quia vt tradit Galenus lib. viii. Simplicium, prassium amarum quum sit, iccur ac lienem liberat obstructione, thoracem & pulmonem expurgat, ac menses promouet, sed illitum etiam detergit & digerit: Calfacit itaq; secundo excessu completo, siccat autem tertio ineunte aut completo, succo eius ad aciei oculorum claritatem vtuntur cum melle, per naresq; aurigiam purgat, ipsumq; ad inueteratos aurium dolores adhibent.

*Marrubij  
tempera-  
tura.*

## CONSTANTINVS.

**P**linium consummata lectionis & eruditionis authorem, petim, vt eius verbo utar, aut vt Varronis, indefinenter vellat Lusitanus, cassim quidem & punctim petens, nequaquam tamen feriens, vt malus gladiator veteranum militem. Prassium inquit hic, marrubium est, prasson vero porrum, cuius inaduertentia (sic enim Plinius astix inartificialiter loquitur, credo quia inasfectata verborum veritas, iuxta Quintilianum) Plinius in erro-

rem saepe labitur. Vt autem constet quàm falsò suggillet Plinium Lusitanus, luculenter Græcè scientem, ex ipso Plinio testimonia producam. Marrubium inquit lib. xx. Cap. 22. plerique inter primas herbas commendauere, quod Græci prasion vocant. Et libro xxxvii cap. viij. de topaxio loquens, & duo eius genera faciunt, prasoidem atque chrysopteron similem chrysoprasio: Eius enim tota similitudo ad succum porri dirigitur. Ac in eodem capite: vilioris est turba prasius, cuius alterum genus, sanguineis punctis abhorret, tertium virgulis tribus distinctum est candidum. Praefertur his chrysoprasius, porri succum & ipsa referente, sed hæc paulum declinans à topaxio in aurum. Iam ne tibi videtur Amate, Græcorum linguam satis caluisse Plinius, vt prasi & prasiq, id est, porri & marrubij significationem posset exprimere, & alterum ab altero distinguere? Imò verò hoc sciebat, atque amplius quod fortasse nescis, vel ab ipso didicisti: lib. xx. cap. 17. Origani genus quod & prasion vocent Græci, et onitum, hoc quid sit expendas, & ad verbi notationem, quãuis palleas semper, notabiliter expallescas. Disce mecum adhuc ex eodem, quo ego præceptore vti consueui, esse & maris fruticem phycos, & quia folia habet colore viridi, prason et Zosteria vocari, lib. xxxvii. cap. 8. de quo Dioslib. iij. cap. 100.

## DE STACHY.

Græcè, σάχυσ: Latinè, Stachys, Hispanicè, yerua olodera: Lusitanicè, hierua do sonto: Germanicè, Feld andorn, riechen der andorn.

## ENARRATIO CXVIII.

Est Stachys, herba inter cæteras herbas, odorem suauiore, & præstantiore habens; qua de cãusa; Hispani à suauis illo odore, illam oloderam sua voce, id est odoriferam appellant, quò fit, nos in lemmate quoque ipsam herbam odoratissimã appellare non dubitauimus; in vniuersum enim, foliis melissæ herba ista similatur: ex quibus odor vt dixi suauissimus expirat, quam in Italiã hucusq; nunquam mihi videre contigit, Plinius porro, vt in hac re solet, hallucinatur, dicens Stachym folia porri habere, quum potius marrubij, dicere debuerat: Sed ille vocis vicinitate deceptus est, quia pro prasio, id est marrubio, prassum id est porrum, interpretatus est, & de illius viribus Galenus ita tradit libro octauo de Facultat.

Stachys.

Plinius  
hallucina-  
tur.

simplic. medicament. Stachys gustu est acri & amaro, ter-  
 riliq̄ue calfacientium ordinis, vnde menses rationabiliter  
 prouocat, facit tamen abortum, atq; secundas eiicit.

CONSTANTINVS.

Superiori animaduersione, ostendimus Plinium praesi, & praesi  
 Sapud Græcos non ignorasse differentiam: nec vocum germanita-  
 te deceptum: vniquam fuisse, sed (vt quiuis potest alius vel etiam  
 doctissimus) corrupti codicis vitio & culpa. vti illi accidit libro  
 xxiiij. cap. 15. cum dixit: Ea quoque que stachys vocatur porri si-  
 militudinem habet, longioribus folijs, pluribusq; & odoris incun-  
 di, colorisq; induteum inclinatum: cum dicere debuisset marrubij, non  
 porri. Sed legit Plinius (vt est indubitabile)  $\pi\alpha\sigma\alpha\varsigma$ , pro  $\pi\alpha\alpha\sigma\iota\varsigma$ ,  
 qui procliuus error est & ignoscendus, quem effecit vnius litera de-  
 tractio. Remittat igitur supercilium Amatus Lusitanus, nec fines  
 excedat modestæ: praesertim cum hoc erratum, non ignorantis lin-  
 guam Græcam Plinij, sed mendosi exemplaris, perspicacibus Ma-  
 thiooli Senensis oculis, non suis inspexerit. Atq; vt vterque horum,  
 imo: verò omnes perspiciant, & indubitanter credant deprauati  
 libri culpam fuisse: praeter ea que superius pro ipsius Plinij excusa-  
 tione pratulimus, adijciemus argumentum euidentissimum istud,  
 quod dixerit, paucis admodum versibus antea quam de stachy lo-  
 queretur: Ampeloprason in viretis nascitur, folijs porri. Quid hæc  
 notatione & interpretamento clarius?

DE PHYLLITIDE.

Græcè,  $\varphi\upsilon\lambda\lambda\iota\tau\iota\varsigma$ : Latine, phyllitis, lingua ceruina.

Hispanicè, lengoa ceruina: Italicè, lingua ceruina.

Gallicè, langue de cerf: Germanicè, Hirtz zung.

Enarratio. C X I X.

Phyllitis  
 lingua cer-  
 uina est.

Siquis exactè phyllitidis historiã introspexerit, omni-  
 no inueniet phyllitim eandem cū lingua ceruina esse,  
 quam peruerse admodum multi scolopendriã appellant,  
 quia scolopendria, apud Græcos, asplenium est, Maurita-  
 norum verò ceterach. Sed quòd phyllitis sit lingua cerui-  
 na, hæc attestantur notæ, prima, quia lingua ceruina, ru-  
 micis oblongiora speciosioraq; folia habet, aliquando  
 numero quinq; aliquando verò sex. Et plura, & illa qui-  
 dem liaeis illis transuersis, rubricantibus insignita, que  
 tanquam vermiculi apparent. Secunda, quia lingua cer-  
 uina

*Phalangium.*

uina in puteis & vmbro-  
fis locis plerunq; nasci-  
tur. Tertia, quòd in ea  
quoq; sapor acerbus re-  
peritur. Quarta, quòd  
nec caulem nec florem  
aut semen ex se emittit,  
quæ omnia phyllitidi  
còuenire, satis clare per-  
cipitur, nec enim mo-  
ueor ob id quòd Ruel-  
lius, Leoniceu. ac Fuch-  
sius, linguam ceruinam  
hemionitidem esse dixe-  
runt, quia reuera, lingua  
ceruina phyllitis est, quæ  
nihil omnino cù splene  
habet, nec illius, aut vi-  
sceris alterius appetit ob-  
structiones, imo potius  
compescit, ac còstringit,

vt eius indicat sapor: qualitas quæ nunquam errare finit,  
quia tamen pro scolopèdrio, linguam ceruinam, in vsum  
multi trahebant, factū est inde, vt eas vires, scolopendrio  
siue asplenio aut ceterach dicto, debitas, linguæ ceruinæ  
tribuissent. Nouistis enim asplenium siue ceterach, lienis  
minuendi insignes vires habere, quibus contrarias linguæ  
ceruina possidet, vtpote constringentes ac obstruentes, vt  
eius sapor satis testatur, de qua Galenus lib. viij. de Facult.  
simplic. medic. ita tradit: Phyllitis acerbata quum sit, me-  
rito & diarrhæas & dysenterias epota iuuat.

## DE PHALANGIO.

Græcè, φαλάγγιον: Latine, *phalangium.*

Enarratio CXX.

**P**halangion vt meminit Galenus, trifolij species est, sic  
phalangion dicta herba, quia phalangiorum morfi-  
bus medeatur. Nam aliter imposita, aut applicita, similia  
inducere solet symptomata, quæ à phalangij animalis  
morsu oriri solent, quæ vero herba hæc sit, hodie igno-

*Phalan-  
gion.*

ratur, de qua ita quoque Galenus lib. viij. de Facultatibus simplic. medic. meminit, dicens: phalangites sic dicitur, quòd morbis à phalangis auxilio fit, Est autem facultatis tenuiùm partium, & exiccantis, quare tormina lenit.

## DE TRIPHYLLO.

Græcè, *ῥίφυλλον*: Latine, *trifolium*: Hispanicè, *angelina treuol*: Italicè, *trifoglio*: Gallicè, *treffle*: Germanicè, *Klee*.



*Trifolium. 1.*



*Trifolium. 2.*

### Enarratio CXXI.

**Q**ui herbam Mauram, flauram, vel plantam leonis dictam, trifoliù esse putarunt, omnino hallucinati sunt, quum herba matura illa dicta, trifolium odoratum, Dioscoridis cytisus est: nam trifolium hoc Dioscoridis, trifolium in pratis nascens est, cuius tria genera passim videntur, alterum foliis rotundis & magnis: alterù verò acutis: tertium autem foliis quoque rotundis sed minoribus,

bus, quæ omnia, floribus lacteis, quandoque rubris, nonnunquam verò purpureis ornantur, & illa Plin. libro xxj. cap. 9. descripsit, dicens: Folio coronat & trifolium, tria eius genera, minyanthes vocant Græci, alij asphaltion, maiore folio, quo vtuntur coronarij: Alterū acuto, oxytriphylon: Tertium ex omnibus minutissimum, de quibus, cap. 35. libri. xvij. tradit, quòd imminente tempestate, inhorrescunt, Cæterū Scribonius Largus, genus quoddam trifolij, apud montes Lunæ se vidisse inquit, præferim quum Britannicum secaret iter, quod in Italia nunquam antea cõspexerat. Erat enim dictis simile, sed folio omnino acuto, vt in spinam terminari videretur, lanuginoso & crasso, nam caulis illi duorum pedum altitudine & ampliori erat, quod genus trifolij nos hucusque nunquam vidimus: Nam Trifolium, de quò in præsentia agimus, & pratense appellamus, primo rutã olet, postea verò quum ad cõsistentiam peruenit, bitumen olet, & odoratissimum est, De quo Nicander, in Theriacis, ita cecinit:

Scribonius  
Largus.

*A tribus hinc dictam folijs, si sumpseris herbam,  
Non leue præsidium contra illa venena pararis,  
Sunt & qui minyanthes eam, sunt qui tripetelon  
Appellant, qualis loto est apparet imago,  
Et similes ruta, donec viget, edit odorem.  
At flores vbi magna suos adnataq; membra  
Cæperit, ingratum solet eructare bitumen  
Collectum illius sume, & bene constere semen.  
Appositi quantum breue vas comprehendit acetii,  
Atque bonum aduersus serpentes ebibe potum.*

De hoc vero Galen. lib. viij. de Facultatibus simplicium medicamentorum ita meminit, dicens: Triphyllum, calfacit & siccat in tertio ordine, vt bitumen, cui odore est. Proinde potum laterum dolores ab obstructione natos iuuat, & vrinam menslesque prouocat.

## DE POLIO.

Græcè, *πόλιον*: Latine, *polium*, *polium montanum*:  
Hispanicè, *hierua vssa*: Italicè, *polio montano*:  
Arabicè, *giade*: Gallicè, *pouliot de montaigne*.

## Enarratio CXXII.

**D**Ecipiebantur annis elapsis pharmacopolæ, in colligendo polio montano, quæ illius vice herbam quandam ramosam lino similem, & semine quodam rotundo ornatam accipiebant: nunc verò in veri polij montani cognitionem omnes ferè iam deueniunt, in cuius summo, capitulum paruum cano hominis capillo simile apparet. Cæterum, Plinius, polium cum tripolio manifesto errore confundit, vt probe ostendit Leonicenus in epistola ad Hermolaum Barbarum, ter enim tripolium in die, floris colorem mutat, vt Dioscorides lib. iij. tradit: non verò polium vt Plinius scribit, lib. xxj. cap. vij. imò quod peius est, quòd quæ floribus tripolij tribuuntur, ipse Plinius folijs polij condonat. Scripsit autem de polio Galenus lib. viij. citato, ad istum modum: Amarum est, ac modicè acre. Obstructione itaq; omnia viscera liberat, vrinamque & menses promouet: at viride magna etiam vulnera glutinat, & maximè species eius fruticosa, aridum sanat rebellia vlcera, præcipuè quod minus est, & subdit: Polium minus, acrius & amarius est, quàm maius, adeò vt ex tertio sit ordine desiccantium: ex secundo verò completo calfacientium.

## DE SCORDIO.

*Græcè, σκόρδιον: Latinè, scordium: Arabicè, scordeon:  
Gallicè, scordeon, ou chamaras: Hispanicè, scordio:  
Germ. Vvasser batteng, oder lachen batteng.*

## Enarratio CXXIII.

**E**Xplosus ab officinis error ille est, quòd scordio allium syluestre esset, qui sanè error non aliunde ortus fuit, quàm ex nominum vicinitate: est enim scorodon, allium: scordion verò, herba folio trixaginis, in aquosis plerunq; nascens, qua de causa, aquatica trixago dicta est. Huius enim folium fricatum, allia subolet, cuius causa alliaris dicta est herba, & quæ in theriacis compositione immitti debet, non verò allium syluestre. Est quoq; altera herba alliaris dicta, quòd eius quoq; folia manibus tractata, aliorum

*Alliaria  
herba.*



*Scordium.**Alliaria.*

liorum odorem expirent, cubitalis enim & amplior herba ista est, folio atriplicis armolæ dictæ. Caterum, optimum scordion ex Creta affertur, vt tradit Galen. libro de Antidotis primo, ad istum modum: scordiū optimum ex Creta nobis aduehitur, quod quidem cadauera supra ipsum iacentia, diutis sine tueri à putredine proditur.

## DE TVSSILAGINE.

Græcè, Βάχιον: Latine, tussilago: Officin. unguia caballina: Hispanicè, vnha de asno, farfara: Italicè, farfara: Gallicè, pas d'asne: Germanicè, Ros huob, oder brandtlattich.

## Enarratio CXXIII.

**B**Echion ea est herba, quam officinæ farfaran, siue farfarellam, aut unguam equinam, vel caballinam appellant, quæ mirum in modum tussi succurrit, præsertim, si per infundibulum eius fumus ad prunas suscipiatur & deuoretur, non immerito recetiores ea in multis pectoris vitis

vitiis hodie vtūtur, & vt refert Galenus sexto Simplicium, bechium inde adeo nuncupatum est, quod bechas; hoc est tussēs & orthopnoeas iuuare sit creditū, siquis folia arida, aut radicem in prunis vrens ascendentem inde fuliginem inspiratu attrahat. Est autem modice acris, vt sine noxa, molestiāve omnes thoracis abscessus credita sit rumpere; sane folia virentia partes cruda phlegmone obsessas illita extrinsecus adiuuant, nempe ob aquæ substantiæ admittionem, qua omnia viridia teneraque participant, alia plus, alia minus. Nam sicca bechij folia acriora sunt, quam vt phlegmonis cōueniat. Hæc Galenus. Ad radices verò tussilaginis maturæ & cōpletæ. inchoāte hieme, lana quædā reperitur, ex qua cocta, ignis fomentum, esca dicta paratur, quæ celerrimè, tacto illic lapidè cū ferro, accenditur, & eam Germani passim in nudinis vendunt.

### DE ARTEMISIA.

Græcè, ἀρτεμισία: Latine, *artemisia*: Hispanicè, *artemisa*: Italicè, *artemisia*: Gallicè, *armoise*, & herbe S. Jan: Germanicè, *Beyfuoss*.



*Artemisia maior.*



*Minor.*

## SECUNDA TENVIOR

## ARTEMISIA.

Græcè, ἀρτεμισία λεπτόφυλλον; Latine, tenuior artemisia.

## Enarratio c x x v.

Artemisia ab Artemisia, vxore Mausoli regis, quæ sibi hanc herbam vendicauit, dicta est, & est duplex. Altera, latifolia hortensis, odore acuto, sapore verò amaro: Altera verò matricaria dicta tenuifolia, à Græcis leptophyllos appellata, nec enim in eam imus sententiam, quod matricaria hæc parthenium sit, vt Mathiolus contra omnes ferè grauissimos medicos cõtendit, quum reuera, tenuifolia artemisia, vulgaris matricaria est, nam parthenium brusaculum, herba rœtida camomillæ similis est, vt suo dicemus loco. Galenus tamen de artemisia ita lib. vj. Simplicium tradit: Duplex est, vtraq; tamen calfacit secundo ordine, intenso autem primo, aut secundo remisso deficcatur, estq; tenuium partium, vnde calculis renum, vteriq; fomentationibus haud mediocriter congruunt. Hæc Galenus. Cæterum sequens caput, cui titulus est, de tenuifolia artemisia, vt alienum, & in multis codicibus non repectum prætermittimus.

Mathiolus  
errat.

## CONSTANTINVS.

Nihil certius quàm illud caput de Artemisia Leptophyllo ascitum & spurium esse; cuius fidem facit vetustissimum exemplar Græcè Dioscoridis, in bibliotheca regia de Fontaine de bleau, in quo illud caput non legitur: testes etiam Mathiolus & Tragus, quorum authoritatem plurimi facio. Laterem itaque lauat Amatus, & quotquot super hac re disceptant.

## DE AMBROSIA.

Græcè, ἀμβροσία: Latine, ambrosia: Gallicè, herbe à vin.

Enarra



Ambrosia.



Botrys.

Enarratio centesima vigesima-sexta.

**G**racorum ambrosia, recentiorum tamen nacetum est, de qua Galenus brevissime ita libro sexto Simplicium locutus fuit: illita vim habet astringentem, ac repellentem,

CONSTAN-

TINVS.

**A**bsurda admodum opinio & iam explosa a Marcello Virgilio, quo auctore non cognoscitur Ambrosia, falso tamen id asserente, Plinius allegat inter artemisia genera: ut tamen nacetum Tragus, inter anthylidis species, nos hoc contrarium in alio opere compenemus.

DE BOTRY.

Græcè, Βότρυς: Latine, botrys: Gallicè, pynem: Germ, Türckischer beyfuos.

Enarratio CXXVII.

**H**æc superiorum, species quædã est odorifera: quã uniuersi Germani inferiores, prope diem diui Ioãnis colligunt, eamque inter vestes suas panni pretiosissimas,

ffissimas, quibus maxime abundant, interponunt, quam Galenus tacuit, sed Paulus lib. suo septimo ita de ea dixit: botrys, quam alij ambrosiam, alij artemisiã dicunt, planta est insigniter odorata. Hæc cum vino pota, subrecta ceruicem spirantibus quos orthopnoicos appellat succurrit.

## DE GERANIO.

Græcè, γεράνιον: Latine, geranium: Hispanicè, pico de ciguenta, aguyas pampillos: Italicè, rostro di grua: Gallicè, Eguille à berger, pied de coulomb, herbe Robert: Germ. Storkenschnabel.



Geranium. 1.



Geranium. 2.

## Enarratio CXXVIII.

Plinius libro vigesimo sexto, capite vndecimo, Geranij tria facit genera, quorum vltimum, apud Dioscoridem primum descriptum geranium est, quod anemonis folia habet, & inter ea, oblongas quasdam acus, ciconiæ aut gruis rostro persimiles, vnde herba nomen accepit:

nam

*Momordi-  
ca.  
Robertia-  
na.  
Roberta  
herba.*

nam radicem rotundam possidet, & illam quidem albam; secundum vero genus geranij Plinij, idem est, cum secundo, à Dioscoride descripto, folio malux, sed minori, & acubus quoq; illis insignitum, quod multi pedem columbinum appellant, herbam duorum cubitorum, quam nonnulli, sed falso amomum quoq; vocant, cuius alteram nouimus speciem, à multis dictam momordicam, reliquam vero dictam robertianam, siue robertam, quam Ruellius, non sine errore Mirrhida apud Dioscoridem esse credidit, quum Mirrhis, longe alia est herba, vt quarto libro latius dicemus. Aduertendum tamen est, quod primum genus geranij, apud Plinium delineatum, nostratum acus muschata est, quia inter se, cum foliis, tum odore, & sapore conueniunt, ideo enim acus muschata dicta herba, quia præter quod acus illas, gruis rostrum, referentes habeat, moschi odorem ex foliis exspirat, vnde moschata potius quam muschata dicenda herba est, quam quoq; falso Ruellius primum genus geranij apud Dioscoridem putauit, quia vltra quod foliis non conueniant, radice quoq; differunt: Nam primum geranium Dioscoridis radicem habet rotundam, acus vero moschata, ea caret: vt eas inter se differre. certum sit. Quare, vt nostram sententiam tandem interponamus, dicimus, quod primum geranium Plinij nostratum est, herba acus moschata dicta: primum vero geranium Dioscoridis, vltimum est Plinij, herba vbiq; vulgaris: sed secundum geranium Dioscoridis, secundum quoq; est Plinij, herba pes columbinus iam ab herbariis dicta, cuius duæ species sunt, altera dicta robertiana herba, altera vero momordica. Vulnerariæ omnes istæ herbæ sunt, quarum decoctum, & puluis, contra intestinalem rupturam in potu multum prodest: De quibus omnibus Galenus libris Simplicium, nullam facit mentionem: Paulus tamen libr. vij. suæ medicinæ, breuissime ad Dioscoridis mentem ita dixit: Geranium id quod foliis respondet anemonæ, radicem habet esculentam quæ cū vino denarij modo pota, vteri inflationes dissoluit, altera geranij species ad medicinam inutilis est.

## DE GNAPHALIO.

*Græcè, γναφάλιον: Latine, gnaphalium.*

## Enarratio CXXIX.

**G**naphalion, centumculus, vel centumcularis, aut tomentum herba dicitur, folia habens tenuia, alba, & mollia, imò tota ipsa herba albicat, & mollicula est, & ea de causa, vice tomenti, à multis vsurpatur, quæ ab Anconitanis herba zigi appellatur, & ea pro restauranda intestinali ruptura, & constringenda aluo, ac glatinandis recentibus vulneribus, chirurgici passim vtuntur, quam Plinius quoq; lib. xxvij. cap. 10. ita describit quum dicat: gnaphalion, alij chamæzelon vocant, cuius foliis albis mollibusq; pro tomento vtuntur, sane & similia sunt, datur in vino austero ad dysenteriam, ventris solutiones, mensq; mulierum sistit, infunditur autem tenasmo: illinitur, & putrescentibus vlcerum. Cæteram Hispani, Lusitani præcipue hanc herbam hirundinum vocant, an forsan quia ea hirundines suos exornant nidos.

Gnaphalion.

Cetumculus tomentum herba  
Herba Zigi.

## CONSTANTINVS.

**G**naphalion non est centumculus vt vult Lusitanus: diuersa enim planta est, à Gnaphalia centumculus, quem his verbis depingit Plinius lib. xxiiij. cap. 15. Itali centumculum vocant rostratis folijs, ad similitudinem capitis penularum, iacentem in aruis, Græci autem clematidem. Cuius egregius effectus ad sistendam aluum in vino austero. postrema hæc clausula de viribus centumculi, quia respondet cum his quæ ab eodem Plinio traduntur lib. xxvij. cap. 10. de gnaphalio, efficit vt Gesneri viri comprimueruditi hasitationem, Amatus in assæuationem conuerteret. Ille enim libro à se conscripto de historia plantarum, Gnaphalion centumculum esse dubitauerat protulit, hic vero assæuanter, & id quidem cumulate: scilicet gnaphalton centumculum esse, vel centumcularem, aut tomentum. Cópia hæc, sed inepta, ne quid dicam grauius, Non etiam Gnaphalion est ea planta, quam voracius doctus, quam diligens Fuchsius, cuius etiam astipulator Lusitanus, pro gnaphalio demonstrat, nam ea, teste Mathiolo medico, & in re herbæria principe, potius est impia dicta herba, quam itidem fons literarum Plinius delineaet libr. xxiiij. cap. 19. Equidem, vt ingenue fatear quid super hac re senserim, in suam sententiam me ferè perduxit Hieronymus Tragus, & ipse non leuiter in plantarum inquisitione versatus: qui pro vero gnaphalio ostendit hoc hirundinacei generis, siue, vt ipse habet, inucci

graminis, quod in viginosis provenit, caule terete & enodi, quodq; fert obbam & paniculam lanuginosam, tomento mollissimo, & candidissimo Gossipij modo. prater auctoritatem viri cum ratione coniunctam: hoc accedebat, quod me legere memineram. Apud antiquos tomenti duplex fuisse genus: Leuconicum, quod fiebat ex lana alba concisa: Aliud Circense ex harundinibus ad stibadia, vel stramenta plebeiorum in circo Romano. Cuius testimonium apud Senecam de beata vita, & Martialem lib. xiiij. quo loco inquit:

Tomentum concisa palus Circense vocatur:

Hoc pro Leuconico stramine pauper emit.

Causa vero cur ab hac heresi desciscam, ea est, quod de tomento in panicula, nulla questio sit: sed de albore ac mollitie foliorum, qua tomenti vicem ob hoc expleant. qua omnia in hoc calamo quem proponit Tragus, desiderantur: tamen si plausibilior & acceptior eius opinio videri poterat, quod typha palustris etiam harundinis historiam, gnaphalio subiungat Dioscorides: qui tam breuiter atq; concise hoc ipsum percurrit, vt commodum intergnosci queat, ab eo traditis notis (vt regula Lesbia cuius parieti) quam plurimis alijs plantis, se se accommodantibus. Plin. verò qui solet omnes difficultatis nodos expedire, hunc de gnaphalio magis constringit, & fere reddit inexplicabilem. Etenim cum dixerit lib. xxvij. cap. 10. Chamæelon vocari, lib. xxv. capite 9. Chamæelon vocat Quinquesolium. Quinquesolium inquit, nulli ignotum est, cum etiam si aga gignenda commedetur, Græci vocant pentapetes, siue chamæelon, siue pentaphyllon. Quare ne in errorem inextricabilem incidamus, si in rebus ita perplexis aliquid inconsideratè statuerimus, adhuc ampliandum censeo.

## DE TYPHA.

Græcè, τύφη: Latine, typha: Hispanicè, bohordo, iunco ama corocado: Italicè, mazaforda: Gallicè, roseau à masse, marteau, ou ionc marin: Germanicè, Mols kolben, oder narrenkolben.

### Enarratio cxxx.

Typha & typha differunt.

**T**Ypha genus quoddam frumenti dicitur: At typha, iuncus quidam leuis, lacubus & paludibus familiaris, in altum crescens, & enodis est, in cuius summitate pappus quidam densus apparet, quem pueri, manu carpentes





Typha.

pentēs, per aërem tanquã passerculos mittunt, & illum Itali, mazam surdam appellant, ea de causa, quia si contigerit in aurem cadere, surdastrum hominem reddit: cæterum è radicibus typhæ, folia enascuntur, quibus sedilia muliebria & puerilia texuntur, non minusq; phialæ, & cœnophora vestiuntur, de qua nullam quod equidem obseruauerim, mentionem Galenus aut ipsius simia Paulus fecere: infimæ tamen plebis homines, in nonnullis locis, suas culcitrastypa interiorius albescente, vice gos-

siij, aut lanæ implent. Medetur enim panicula illa, siue pappus, ambustis præsertim si adipe excipiatur.

## DE CIRCAEA.

Græcè, κίρκαια: Latine, circaea.

## ENARRATIO CXXXI.

Quæ nam circaea hodie sit herba, ignoratur, quæ ideo circaea dicitur, quia Circe famosissima incantatrix, ea multoties ad veneficia sua utebatur, de qua Plinius ad Dioscoridis mentem lib. xxvij. cap. viij. sic inquit: Circaea, strychno satiuo similis est, flore nigro, pusillo, paruo semine, vt milij, nascente in quibusdam corniculis, radice semipedali, triplici ferme, aut quadruplici, alba, odorata, gustus calidi, nascitur in apricis saxis, diluitur in vino, bibiturque: ad dolorem vuluæ & vitia. macerari oportet in sextariis tribus quadrantè radicis tusq; per noctè & diem. Trahit eadem potio secundas semine, lac minuit in vino aut mulla aqua pota. In iis enim vltimis verbis Plinius Dioscoridi cõtradicit, quum dicat, lac circaeam minuere,

Plinius con-  
tradicit  
Dioscoridi.

nam Dioscorides potius circa lac prouocare tradit, cui Galenus quoq; lib. vii. de Facultat. simplic. medicamento- rum fauet, dicens: Dioscorides ait, radicem eius ex vino dulci potam, secundas purgare, est enim boni odoris, & calfactoria: semen autem eius in sorbitione exhibitum, ad lactis generationem conducit.



Oenanthe.

## DE OENAN- THE.

Græcè, οὐάνθη: Latine, œnanthe, filipendula: Hispanicè, filipendola: Gallicè, filipendula: Ger. Rot steinbrech, & vuild garben.

### Enarratio

CXXXII.

**O** Enanthe multorum consensu, recentiorum filipendula est. Est quoque altera œnanthe vitis syluestris flos, de qua suo loco plura.

## DE CONYZA.

Græcè, κόνυζα: Latine, conyza, pulicaria: Hispanicè, attadegua: Italicè, conyza: German, Hunds aug, dürrvuurtz. Enarratio CXXXIII.

**O** B oculos maiorem & minorem conyzam habemus, quas hucusq; perpauci nouerunt. Est enim conyza minor, herba sarmentosa, ad summum cubitali altitudine crescens, caule rotundo, & hirsuto, à quo plures ramuli prodeunt foliis acetosæ paruæ similibus, sed circinatis, resinosis, ac boni odoris, in quorum ramulorum summitatibus flos luteus, camomillæ flori æqualis, sed sapor

saporis acuti ad amaritudinem tendentis videtur: Maior vero conyza duplo maior crescit, folio oliuæ crasso, resinoq; ex quo odor grauis, non adeo iniucundus oritur, in cuius summitate flos quoq; minori non absimilis nascitur: Crescunt autem herbæ istæ ubiq; præsertim hic Anconæ non procul à muro, quæ mense Augusto florent, & de illis ita Galenus lib. vij. de Facul. simpl. medi. tradit: Coniza & maior & minor adsimilis sunt, tum temperatura, tum facultatis, gustu amaræ & acrés, luculenter autem excalfaciunt, siue quis folia cum teneris ramulis parti infricet, siue vbi oleo incoxerit, eo vtatur, siquidem rigores per circuitum redeuntés sanare tale oleum videtur. Consimilis quoq; flores sunt facultatis, quos quidem nonnulli ex vino propinant, ad educendos menses, atq; pellendú fœtum. Est & tertiu conyza genus in locis humidioribus nascés vtrisq; illis graueolētius & imbecillius: at primæ memoratæ calfaciunt & siccant in tertio ordine.

*Conyza*  
tempera-  
tura.

## DE HEMEROCALLI.



*Hemerocallis.*



*Hemerocallis.*

Gracè, *ἡμεροκαλλίς*: Latine, syluestre lilium, lilium pallidum: Hispanicè, lirio amarillo: Italicè, giglio saluatico giallo: Gallicè, lis sauvage: Germa. Geel gilgen, goldt vuurtz, heydnisch bloum.


Enarratio CXXXIII.

Hemero-  
callis.

**H**emero-callis, lilium syluestre est, pallidum florem habens, quod in aruis & incultis vineis nascitur, radice bulbosa ad luteum vergente, qua de causa Hispani lilium pallidum, aut luteum lilium appellant. Qui hemerocallim lilium conualliu esse putarunt, omnino errant, de quo capite de ephemero plura legito: sed de hemerocalli, ita tradit Galenus lib. vj. de Facul simpl. medicamē. Hemerocalles radicem habet lilij radici similem, & figura & viribus: prodestq; vt illa, igni ambustis, nimirum cum leuiter digerens, tum nonnihil astringens.

## DE VIOLIS LEVCOIS

DICTIS.



*Leucoium luteum.*



*Leucoium purpureum.*

Græcè, λευκόιοι: Latinè, leucoion, viola alba, viola ma-  
 tronalis: Arabicè, Keiri: Hispanicè, alilis, viole-  
 tas amarilhas, violetas blāquas: Italicè, viola giala  
 e bianca: Gallicè, violes, violiers, giroflees: Ger-  
 manicè, Geel violen.



*Leucoium luteum.*



*Parpurascens.*

Enarratio cxxxv.

VIOLÆ quæ leucoia Græcis dicuntur, ab Arabibus *Leucoion.*  
 Keiri appellantur, cuius differentiæ sunt plures, aliæ *Keiri.*  
 alæ, à quibus potissimum leucoia dicuntur, aliæ pur-  
 pureæ: aliæ vero luteæ, quæ cæteris primatum obtinent,  
 & in muris, & veteris parietibus, frequentissime nascun-  
 tur. Hæc vero omnes, tum qualitatibus, tum quoq; viri-  
 bus contrariæ sunt violis nigris, ferrugineis dictis, quæ  
 propria & absoluta voce, violæ dicuntur, & veris initio  
 iuxta muros & sepes, & inter dumeta, non ingrato odo-  
 re, purpureo colore nascuntur, frigida natura, de quibus  
 mm 4 lib.

lib. iij. sermo habetur. Hæc vero quibus de agimus, calidæ sunt, & morbis muliebribus familiares, de quibus Galenus libr. vij. Simplicium, ita tradit: Leucoion extergit ac tenuium est partium, plus tamen flores, ac præcipuè qui sunt sicciore: hi quippe & oculorum crassas cicatrices extenuant, præterea menses, eorum decoctum mouet, secundas, & partum emortuum elicit, bibitumque facit abortum, maxime amarum quum sit: Quod si eius vires multa mistione aquæ frangantur, erit contra phlegmonas, & difficilia vlcera commodū medicamen: semen etiam est eiusdem facultatis, radiceq; similiter, nisi quod hæc sunt crassioris essentia, terreæq; magis, cum aceto tamen lienes induratos persanant. Hactenus Galenus. Cæterum scire licet, quod planta siue frutex purpureas violas ferens, quas Dioscorides in præsentī describit, post tertium ætati s'annū flores non simpliciter purpureos, sed albedine mixtos, ac emaculatos mittit, tã visui gratos, v' cum caryophyllis, floribus cõmunibus certare, nō solum pulchritudine, sed odoris suauitate videantur. Quibus d'causis, ab omnibus in fistilibus ad fenestras aluntur, & à omniū manibus frequentissimè veris tempore habentur.

Keiri pur-  
pureum.



*Phyllon thelygonon.*

## DE CRATAEGONO.

Græcè, κρᾶταιόγονον: Latine, *crataegonon.*

Enarratio cxxxvi.

Quæ hodie crataegonon sit, ignoratur.

## DE FOLIO HERBA.

Græcè, φῦλλον: Latine, *phyllon, folium: Germanice, Ein blat.*

Enarratio cxxxvii.

Hanc Ruellius alteram persicariam esse credidit, quo verò iudicio, alij iudicent. Est verò

hodie

hodie herbula quædam, vnico tantum ornata folio, inde vnifolium dicta, semen racemosum, serpentinæ similitudinem ferens, ex qua oleum conficitur, pro glutinandis vulneribus accommodatissimum.

## DE ORCHI.

Græcè, ὄρχις: Latine, testiculus canis: Hispanicè, coyon de perro, hierua, sed corrupte, satyrion: Arabicè, chastalkel: Gallicè, soupe au vin, ou couillon de chien: Germanicè, Rag vurtz.

## ALTER TESTICVLVS.

## CANIS.

Græcè, ὄρχις ἕτερος: Latine, alter testiculus canis: Germanicè, Knaben kraut.



Orchis.



Cynorchis.

## Enarratio CXXXVIII. CXXXIX.

*Palma christi herba.*

*Fuchsius errat.*

**N**on solum duo hæc genera testiculi canis in officinis habentur, sed plura alia, inter quæ, palma Christi herba reponi debet, sic ab herbariis dicta, quia similitudinem in radice cum humana palma habet, quam quoque Auicenna, digitum citrinum appellat, cuius folia punctis quibusdam, veluti stigmatibus, decorantur. Verum Leonardus Fuchsius, in suo vastissimo Herbario, hanc inter Satyriones reponit, ac depingit, quem quoque imitari videri deo, fratres Mefues Antidotarij enarratores, non sine errore tamen: quia satyriones, vnica tantum nascuntur radice, & illa quidem bulbosa, pomæ magnitudine: non verò duabus, vt illi delineant: Reuera tamen ad errorem paruum conuendendum fortassis est, quum satyrionis loco, quodlibet genus testiculi canis, accipi potest, quia easdem fere communes vires obtineant, præsertim, ad venerem irritandam, & pruritus libidinis excitandum, calidæ enim & siccæ radices digiti citrini sunt, & vt Auicennæ placet, in secundo ordine. At de testiculis canis Galenus libro octauo de Facultatibus simplicium medicamentorum ita tradit: Orchis, id est testiculus canis, radice eius bulbosæ & geminæ, vis inest humida, & calida, gustantibusque dulciuscula. Cæterum maior radix multam habere videtur humiditatem excrementitiam, & flatulentam: quapropter epota venere excitat: Minor verò, quæ ad calidius & siccius vergat, tantum abest vt ad coitum stimulet, vt etiã cohibeat, & reprimat. Eduntur bulborum more, tosta, sub nomine vt diximus satyrionum hodie.

## DE SATYRIO.

*Græcè, σατυριον: Latine, satyrion: Arabicè, iatarich: Gallicè, satyrion: Hispanicè, supinos de raposa: Germanicè, Creutz blum.*

## Enarratio CXL. CXLI.

**D**esiderantur hodie veri satyriones, vnum tantum bulbum pro radice habentes, sic satyriones, à satyris salicibus animalibus dicti, quorum loco, testiculi canum herbæ superiori capite descriptæ suscipiuntur sic dictæ, quia duos habeant bulbos canum testiculis similes. Verum, cum



*Satyrium trifolium.**Basilicum.*

Dioscorides dicat, in hoc textu. 141. Venerem satyrionem stimulare, si quis manu tantum radices eius gestauerit, in mentē venit herba illa, de qua Theophrastus dixit, lib. nono de Causis plantarum, capite vigesimo, ad istum modū: Ad rem autem Venerem mirum in modum herba pollebat, quam Indus attulerat: non enim solum edentibus, sed etiā tangentibus tantum genitalibus vim dixere vehementem adeo fieri, vt quoties vellent coire, valerent, & quidem qui vsi fuerunt duodecies egisse dixerunt. Indum autē ipsum, qui vel magno, atq; robusto corpore erat, septuagesies aliquando coiuisse fatentē licuit audire, verū emissionem seminis guttatim fuisse, demumq; in sanguinem deuenisse: & cetera. Porro de satyrionibus ita meminit Galenus libro octauo, de Facultatibus simplicium medicamentorum: Satyrion, triphyllon, humidum calidumque est temperie, ob idq; dulce, recrementitiam tamen & flatuosam humiditatem possidet, quo circa ad venerem incitat.

*Herba venera.*

## DE ORMINIO.

Græcè, ὄρμινον: Latine, *horminum*.

Enarratio CXLII.

*Orminium* Est proculdubio, orminum, ea herba quam hodie omnes communi voce galli cristam siue sclearam, aut Sancti Ioannis herbam appellant, quæ hortensis & syluestris reperitur. Hortensis folia latiora & albidiora sunt, agrestis verò nigriora & strictiora, ex quibus Lusitani intinctus ad incitandum stomachum deiectum parant, vtriusque tamen caulis, quadrangulus est, & in reliquis Dioscoridis historiis apprime respondent. Hanc verò Plinius describens libro vigesimo secundo, capite vltimo, manifestissime errauit, quum loco horum verborum: Horminum habet folia similia marrubio: dixit porro confundens, vt sæpe diximus, prasiū, & prassum. Aduertendum diximus tamen, quod Galenus in calce libri primi de Facultatibus alimentorum, alterum citat horminum, quod inter frumenti genera reponit, de primo verò, nullā penitus quod equidem ipse obseruauerim mentionem fecit: Paulus tamen, quæ à Dioscoride de illo tradita sunt, breuiter sic descripsit, libro suo septimo, dicens: Orminon marrubio specie simile est, calidum, mediocriter siccum & abstergens, venerem igitur stimulat, & oculorum crassities cum melle repurgat, tumores laxos discutit, & extrahit aculeos, syluestre domestico est valentius.

*Plinius errat.**Orminium Galeni.*

## CONSTANTINVS.

ILLA planta quam vocamus Toute bonne, ou oruale, & Itali sclearam, caulem sæpe profert bicubitalem, folia multò maiora quàm marrubij, & calyculos sursum tendentes, semenque etiam rotundum syluestris, quæ omnia cum hormini descriptione discordant. non potest igitur horminum esse scleara, aut gallitricum dictum. Errat igitur Ruellij & Fuchsijs affectator & astipulator Lusitanus. Verum horminum ostendit Mathiolus.

## DE HEDYSARO.

Græcè, ἄδυσαρρον: Latine, *securidaca*: Hispanicè, yerna que ahoga las lenteias: Gallicè, grane, ou febue de loup: Germa. Vnkraut der linsen.

Enarra

## Enarratio CXLIII.

**S**ecuridaca eiceris folia habet, flores luteos, & siliquas corniculorum figura inflexas, intra quas semen est. accipiti securi simile, & illud quidem amarissimum, ita ut triticum vel frugis quoduis aliud genus: in quod misceri contigerit, amarissimum quoque reddat, de qua Galenus libro sexto de Facultatibus simplicium medicamentorum ita dixit: huius semen amarum & subacribum apparet, ob idque potum stomacho gratum existit, viscerumque obstructiones expurgat, idem præstant totius fruticis germina.

*Securidaca.*  
*Pelecinus.*

## DE ONOSMA.

*Græcè, ὄνοσμα; Latine, onosma.*

## Enarratio CXLIIII.

**N**ascitur Onosma plerumque inter rapunculos, sua sponte in aruis nascentes, ita illis similis, ut sæpe interdum parva est, pro illis eradicetur, postquam vero adulta est, & illi folia maiora facta, hirsuta aliquantulum apparent, quam nos Ferrariæ in horto magnifici Azaioli, scholasticis indicauimus, humi enim serpit, nec aliud præter folia emittit.

*Onosma.*

## DE NYMPHAEA.

*Græcè, νυμφαία; Latine, nymphaea alba; Officin. nenuphar album; Hispanicè, guolfam del rio blanco; Italicè, nenuphar biancho; Arabicè, nilofar; Gallicè, nenuphar, ou roses d'estang; Germanicè, Vveifs seebluomen.*

## DE ALTERA NYMPHAEA.

*Græcè, νυμφαία ἄλλα; Latine, altera nymphaea, lutea nymphaea; Officin. nenuphar luteum; Hispanicè, Lusitanicè, figuos del rio amarillos, golfam amarillo; Italicè, nenuphar giallo; Germanicè, Geel seebluomen.*

*Enarra*

*Nymphaea lutea.**Nymphaea alba.*

## Enarratio CXLV. CXLVI.

*Nenuphar*

**N**ymphaea Græcorum, nenuphar corruptè ab Arabibus appellatur, cuius album & luteum, in paludibus lacubus, & aquarum stagnis reperiuntur folio lato, amplo, super aqua natante, sed flore roseo, aliquando albo, quandoq; verò luteo, ex quo aqua per campanam elicitur, & inter cordiales frigidas adnumeratur. Non minus quoque ex eo Syrupus conficitur, febribus pestilētibus, & acutis conuenientissimus, veluti vnguentum, quo cordis regio, loco epithematis cordialis, dum opus est, inungitur, & vt tradit Galenus lib. octauo de Facultatibus simplicium medicamentorum: Tum radix eius, tum semen, desiccandi citra morsum vim habet, itaq; vētris profluvia, semenque immodice profluens sistit: At cui adest candida radix, ea & muliebri medet̄ profluuio, ex vino nigro & austero epota, vtraq; autē abstergēdi quandā vim possidet, quare macerata quidem aqua, sanant alphas, liquida verò pice, alopecias, ad hæc tamē aptior est ea cuius radix est nigra.

## DE ANDROSACE.

Græcè, ἀνδρόσακος: Latine, *Androsaces*.

## Enarratio CXLVII.

**E**X herbis quæ supra lapides nascuntur, *Androsaces* est, quam semel tantum vidi, & eam in musæo suo mihi monstravit Antonius Musa Brasauola vir cum quouis doctissimo conferendus, quam ex Illyrico ad illum aduexerant, erat enim herbula tota candens super saxo nascens, capillis albisissimis loco foliorum ornata, digitalis altitudinis, in summitatibus quorum, capitula quædam valde parua cernebantur, in quibus semen continebatur. Nam cirros illos, siue capillos gustu falsos, cum quodam amaro, tunc esse deprehendimus, de cuius viribus ita Galenus tradit, lib. vj. tam sæpe citato: Amara & acris est herba, potest autem resiccata ebibitaque tum ipsa, tum fructus eius magnopere prouocare vrinam, & nimirum etiam digerere & desiccare.

*Androsaces herba qualis sit.*

## DE ASPLENIO.

Græcè, ἄσπληνον: Latine, *aspkenium, scolopendrium, offic. ceterach*: Hispanicè, *doradilha*: Italicè, *Scolopendria*, Gallicè, *ceterach*: Arabicè, *Scolofendriion*: Germanicè, *Ceterach, & nessel farn*.

## Enarratio CXLVIII.

**A**spkenium, siue asplenium, aut scolopendrium, vel scolopendria, Arabum ceterach est herba, non vero lingua ceruina, vt multi olim putabant. Nam lingua ceruina vt diximus, phyllitis apud Dioscoridem est, quæ lienis potius obstructions claudit, quàm absunit: ceterach vero ita lienem minuit, & eius oppillationes aperit, vt circa Cortinam urbem, vt author est Vitruuius, pecora propter abundantiam asplenij, multa sine splene inueniantur, de quo Galenus lib. vj. citato, ita inquit: Asplenium tenuium est partium, non tamen calida est herba, hac utiq; ratione, lapides frangit, & lienes liquat.

## DE HEMIONITIDE.

Græcè, ἡμιονίτις: Latine, *hemionitis*,

Enarra

## Enarratio CXLIX.

*Hemionitis.*

Inuenit & Teucer eadem ætate teucrion, quã quidam hemionitim vocant, spargentem iuncos tenues, folia curua, asperis locis nascentẽ, austero sapore, nunquã florentem, nec semen gignit, medetur lienibus, & c.

## CONSTANTINVS.

**A**matius Lusitanus perperam legit apud Plinium libro xxv. cap. 5. hemionitim: legendum enim cum correctis exemplaribus hermion, quam etiam lectionem se reuocans agnoscit Mathiolus Senensis in Dioscoridem capite de hemionitide, ubi Plinium in erroris suspicionem vocat, quod lib. xxv. cap. 5. asplenium vocat hemionion: creditq; ipse Mathiolus, ut eius verba declarant, hemionium significare hemionitidem, sed tantus vir hoc in locum dormit, & sas opere in tanto aliquando somnum obrepere, solum enim Plinius Dioscoridi astipulatur, per ipsius incedens vestigia. Disertis enim verbis Dioscorides tradidit asplenium, hemionium vocari, capite de Aspleno.

## DE ANTHYLLIDE.

Græcè, ἀνθυλλίς; Latine, anthyllis,

## Enarratio c l.

**O**Mnis cinis qui ex Syria aduehitur, pro conficiendo sapone, & vitro, ex herba anthyllide combusta conficitur, quam herbam & cinerem, Mauritani alkali appellant, ignorantes hodie multi quod cinis iste aduectus ex Syria, alkali sit, salem tamen concretum ex lixuiuo huius cineris resultantem, salem alkali dicunt: Cinerem vero, alumen catinum. Nascitur autem herba ista, non solum in Syria, sed optima apud Hispanos in regno Valentia: veluti in Gallia & Italia, præcipue maritimis in locis: Variat tamen, quum altera crassa sit, sua sponte nascens, quam Valentini propria voce, bordam vocant, ex cuius cinere sapo paratur, quo etiam pictores, cyaneum colorem parant. Hac enim secunda Anthyllis Dioscoridis est: Altera vero feritur dicta præstantior, quam quoque sua voce, barrinam appellant, & eam Dioscorides capite de Traho, siue Trago, libro quarto depinxit. Tertia vero, in Iacubus nascitur maritimis, quæ rara inuentu est, cæteris tamen nobilior, præcipue pro vitro conficiendo, quam Salicorniam nominant, & non feritur, nec vult feri. Adnotandum tamen est, quod cum herbæ istæ ad ignem vruntur, quod eliquantur, & tanquam plumbum fluunt, postea vero, quum refrigerantur, concrefcunt, & cineres globati manent. Vnde si cinerem alkali verum esse, quis experiri voluerit, in ignem illum coniciat decet, quod si eliquabitur, & ebullierit, verum esse dicet: si minus, contra. Sunt enim omnes istæ herbæ sapore salæ, prope mare nascentes, quæ foliorum loco, grana quædam tritici modo confecta habent; quæ quum maturefcunt, ad ruborem quendam tendunt, vt capite de Traho, siue Trago, lib. iij. dicemus. Omnes certæ herbæ istæ, abstergendi vires obtinent, ac stigmata & maculas faciei desunt, & vt tradit Gal. lib. vj. de Facul. simpl. med. Anthyllis vtraque modice desiccet, vt & vlcera glutinat: atque chamæpity assimilis est: subtiliorum est partium, magis que detergit, præterea comitialibus competit.

*Alkali.*  
*Sal alkali.*  
*Alumē catinum.*

*Salicornia*  
*herba.*

## DE ANTHEMIDE.

*Græcè, ἀνθέμης: Latine, Anthemis: Hispanicè, manzamilha: Italicè, camamilla: Gallicè,*



*Chamomilla sativa.* *Chamomilla sylvatica* <sup>Stris.</sup>

*Camomillo* : *Arabice* ; *Babunegi* : *Germanice* ,  
*Camillen.*

**Enarratio. CLI.**

**C**hamomilla vulgaris est herba : At quæ flores luteos  
habet, raro videtur : de cuius viribus Galenus libro  
tertio de facult. simpl. medic. cap. 9. ita tradit. Est & cha-  
mamelum tenuitate quidem rose per simile : calore vero,  
ad olei vires magis accedens, homini tum familiares, tum  
temperatas. Quapropter lassitudini, ut si quid aliud, in  
primis confert, doloresq; sedat, præterea tensa remittit  
& laxat, mediocriter dura emollit, constipataq; rarefacit,  
ad hæc febres quæ citra visceris inflammationem inte-  
stant, concoctas discentit, ac dissolvit, & potissimum quæ  
ex cutis densitate & humoribus biliosis proveniunt, ob  
idq; Soli à sapientissimis Aegyptiorum est consecratum.  
Est autem hypochondriis gratissimum, quibus etiam  
huius semen est gratum, minus tamen quam chamame-  
lum,



lum, quum & minus calidum sit, & essentia crassa: Libro vero sexto eiusdem voluminis, ita quoq; de eo tradit: chamamelum calfacit & desiccatur in primo ordine, estq; tenuium partium, ac proinde digerendi, laxandi, & rarefaciendi vim obtinet.

## DE PARTHENIO.

Græcè, *παρθένιον*: Latine, *parthenium*, *cotula foetida*, *amaracus foetida*: Hispanicè, *manguarca*: Italicè, *brusaculo*: Gallicè, *cotula foetida*: Arabicè, *Achuen*: Germanicè, *Vilde camillen*, *krotten dill*.

## Enarratio CLII.



*Parthenium.*

reponere est: Quia parthenium, cotula ut dixi foetida est, ut capite de Arthemisia quoque meminimus, in ea enim odor virosus, & amaror intensus reperitur, ut gustanti & olfacienti, experiendum committimus. Proinde si Ma-

**R**ecte admodum Dioscorides, quum de chamomilla egit, de parthenio sermonem fecit, quum revera, parthenium, chamomilla erat, nisi foetor in parthenio inuentus indicaret: Vnde cotula foetida herba dicta est, quam Hispani simul & Lusitani, magorcam, ac si dixisses, Heu quod ardet, appellant, Quæ vox non multum abest, ab ea per quam Italicè indicatur, brusaculo, id est, ardet culum. Proinde errant, qui parthenium, matricariam esse credunt, inter quos Mathiolus Senensem,

*Parthenium  
cotula foetida est.*

thiolus, iterum experiri voluerit, non dubitamus, quin in nostram eat sententiam, est enim quoq; parthenium Parietaria dicta herba, de qua suo loco diximus. Fuchsius autem in suo Herbario cotulam fetidam cum matricaria confundit, vt legenti notum erit.

## CONSTANTINVS.

**H**omonimum & , vt Martianus loquitur, pluriuocum est nomen hoc parthenium, sicuti etiam tradidit Galenus in glossematibus Hippocrati: quo auctore parthenion vocatur anthemis, & helxine, & linozostis, & amaracum. Hoc ipsum confirmat Plinius lib. xxij. cap. 17. helxine inquit, etiam dicitur perdicium & parthenion: & lib. 15. cap. 5. linozostis, siue parthenion, siue mercurialis dicitur. Nec de alia intellexit planta quam de parthenio cum dixit lib. xxv. cap. 7. Mulieres quoque hanc gloriam asseclauere. In quibus Artemisia vxor Mausoli, adoptata herba que antea parthenis vocabatur. de hoc autem parthenio de quo agit Dioscorides, mihi videtur intellexisse Plinius lib. xxj. cap. 30. cum ita inquit: Contra parthenium, alij leucanthen, alij tamnacum vocant. Celsus apud nos, perdicium & muralium. Nascitur in hortorum sepibus flore albo, odore mali, sapore amaro: ad insidendum decoctum in duritia vuluarum, & inflammationibus &c. quo loco pro tamnacum legendum ex Dioscoride & Galeno, amaracum: & odore malo, vice odore mali. Apud eundem libro xxj. cap. 15. cum parthenion censeatur inter herbas vulgares in eiboda qua intellexerit merito anquirendum, equidem intelligo de mercurialis locutum. Nunc vero qua planta sit parthenion Dioscoridis, de quo etiam apud Theophrastum lib. 7. de historia plantarum, inter peritissimos rei herbarie non parua oritur contentio: alijs matricariam esse quam vulgo vocamus espergoutte pro certis affirmantibus, ex quorum numero Mathiolus Senensis: alijs vero contendentibus esse cotulam fetidam, vt Amatus Lusitanus, cuius sententia hoc in loco calculum meum adijcio, alibi enim causam ostendam fusius. In presentia satis sit hac ratio, quod cotula fetida Gracum etiam nomen seruet apud aliquas nationes, vt apud Northmanos meos, a quibus cotula fetida vocatur amareuque, on amoureuque, quod nihil aliud est quam amaracum, id est parthenion: quod graueolens est & σμικρόφυλλον apud Hippocratem, qua nota non cadunt in matricariam. Hac autem alibi, vt dixi, magis explicatè & distinctè.

## DE BUPHTHALMO.

Græcè, βούφθαλμος: Latine, *Buphthalmus*, offic. *bonis oculus*, *cappacorania*, *crispula herba*: Hispanicè: *ben mequeres amarilho*: Italicè, *occhio di boue herba*, *chrispula*: Gallicè, *œil de beuf*: Arabicè, *bihar*: Germanicè, *Rindsaug*.

## Enarratio C L I I I.

**I**N demonstranda herba ista errat Fuchsius, veluti plures alij, quum tamen non difficilis inuentu sit. Nascitur enim in prætis & iuxta vias, folio chamomillæ, flore vero toto luteo, vnde nomen accepisse creditur. Hæc verò crispula à multis dicitur, vnguentum exornans, marciaton dictum, & de ea, ita Gal. tradit lib. vj. de Facultat. simpl. medic. *Buphthalmos*, flos eius floribus chamæmeli est, tum maior, tum acrior: vehementiusque digerit, adeo vt & durities sanet, cerato mistus.

*Buphthalmos.*  
*Oculus bonis herba.*  
*Crispula herba.*

## DE PÆONIA.

Græcè, παιονία: Latine, *Glycysida*, *peonia*: Hispanicè, *rosa del monte*, *rosa albardeira*: Italicè, *peonia*: Gallicè, *piuoefne*: Arabicè, *feonia*: Germanicè, *Vene dische rosen*.

## Enarratio C L I I I I.

**P**æonia tam masculus, quàm fœmina, tum semina rubra, tum etiam nigra mittens, vbique vulgaris est, de qua Galenus lib. vj. de Facultatibus simplicium medic. ita tradit: Radicem habet leuiter astringentem cum quadam dulcedine: At si plusculum dentibus mādās, acrimoniam item quampiam subamaram subesse percipies, pròinde menses ciet ex melicrato, amygdali pota quātitate, expurgat porro etiam iecur obstructum & renes, vētrisq; sistit fluxiones, si in aliquo austero vino cocta sumatur. Est præterea omnino resiccatoria, quare ex collo pueris suspensa, meritò comitialem morbum perfanat, idque aut

*Pæonia.*

*Peonia.*

collo obuincias, mirifice profueris: tum paristhmis, tum omnibus iis quæ in collo expullulât, pæonia itaq; & exiccatur: & tenuium est partium, calfacit autem mediocriter.

## DE LITHOSPERMO.

Græcè, λιθόσπερμον: Latine, *Lithospermon*, offic. *lachryma*, *lachryma Mariæ*: vulgo *lachryma si-  
miente*: Arabicè, *Culb*: Germ. *Marien trahen*.

## Enarratio CLV.

*Lithosper-  
mon lachri-  
ma est.*

**L**itho Spermon nō est milium Solis, vt hucusq; omnes omnes seplassarij, & vulgares medici putarunt: Quū milium Solis, phalaris est, vt capite sequēti dicitur: litho- spermon verò, semen album, rotundum, durum, lapido- sum magnitudine ciceris, quo mulieres suos indices qui- bus preces, & patres nostros ad deos fundunt, parant: & ipsum Italicè præcipue, lachrymam Mariæ appellât. Na- scitur enim semen hoc, vt tradit Dioscorides, & viua ipsa herba indicat, prope summitatem iuncea cuiusdam ramu- sculi,

*Lithospermum maius.**Minus.*

sculi, à quo quoq; per medium perforatur iunco ipso, tanquam spica. in summa parte apparente, De qua Plinius libro xxvij. cap. ii. admiratus, sic tradit: Inter omnes herbas lithospermo nihil est mirabilius. Aliqui ægonychon vocant, alij dios pyron, alij heraclion, herba quinquācialis fere foliis duplo maioribus quā rutæ, ramulis surculosis, et assitudine iunci, gerit iuxta folia singulas veluti barbudas, & in earum cacuminibus, lapillos candore, & rotunditate margaritarum magnitudine ciceris, duritia verò lapidea. Ipsi quā pediculis adhaereant cauernulas habent, & intus semen. Nasquitur in Italia, sed laudatissima in Creta, nec quicquam inter herbas maiore quidem miraculo aspexi, tantus est decor, velut aurificum, arte alternis inter folia candicantibus margaritis, tam exquisita difficultas lapidis ex herba nascentis, iacere atq; humi serpere, auctores tradunt. Ego vulsam non hærentem vidi: Iis lapillis drachmæ pondere potis vino albo, calculos frangi, pelliq; constat, & stranguriam discuti, nec in alia herbarum fides

*Plinius.*

est: At de ista herba, quod sciam, Galenus libris Simpli-  
cium, nullam fecit mentionē. Paulus tamen, vt solet, egre-  
gie ita de ea differit: Lithospermon, quod alij diosporon,  
alij heracion, vocant, herbae aetonychi dictae semen est la-  
pideum, album, quod cum vino albo potum calculos fran-  
git, & vrinas eiicit.

## DE PHALARIDE.

Gracè, φάλαρις: Latine, phalaris, milium Solis:  
Hispanicè, mijo del Sol, hierua: Italicè, milium  
solis: Gallicè, gremil, ou herbe aux perles: Ger-  
manicè, Meer hirsch.

## Enarratio CLVI.

Milium  
Solis.  
Phalaris.

**H**Aec officinarum milium Solis est, granum scilicet  
emittens herba, candidum, longum, milio persimile,  
quae in vniuersa Italia frequens admodum est, & vbiq;  
nascitur, pluribus composita ramulis, in quibus folia oli-  
uae, parua sed hirsuta conspiciuntur, & de illius viribus, ita  
tradit Galenus lib. viij. de Facultatibus simplicium medi-  
camentorum. Phalaridis tum succus, tum semen, tum fo-  
lia potari vtiliter creduntur ad vesicae dolores, ceu in se-  
le habeant renue quiddam & calidum.

## DE ERYTHRODANO.

Gracè, ἔρυθρόδανον: Latine, rubia tinctorum: Hi-  
spanicè, larunia, à ruina: Italicè, robbia da tin-  
gere: Gallicè, Garance, Arabicè, Paue: Ger-  
manicè, Roete.

## Enarratio CLVII.

Rubia tin-  
ctorum.

**N**Otissima omnibus rubia tinctorum est, cuius rubra ra-  
dice, panni lanei & sericei inficiuntur, & de illius viri-  
bus, Galenus ita lib. vj. de Facultatibus simplicium medi-  
ca. dixit. Est autem tinctorum rubia radix acerba & ama-  
ra: quare lienem & iecur expurgat, & vrinas crassas mul-  
tas,

*Rubia sativa.**Rubia sylvestris.*

tas, & interdum sanguinolētas promouet, quin & mēses ciet, extergitq; mediocriter, proinde vitiliginēs albas cum aceto illita iuuat.

### DE LONCHITIDE.

Græcè, λογχίτις: Latine, lonchitis, lanceola.

*Lonchitis prior.*

### DE ALTERA LONCHITIDE.

Græcè, λογχίτις ἑτέρα: Latine, altera lonchitis, altera lanceola.

na 5 Enarra

## Enarratio CLVIII. CLIX.

Secundam  
pingit Ma  
thiolus.

**N** Vllum hucusque inuenire medicum potui, qui mihi vnam vel alteram lochitidem indicare potuisset, proinde silentio eas præteribo.

## DE ALTHÆA.

Græcè, ἀλθαία : Latine, *Althæa*, *agrestis malua*, *hibiscus*, Hispanicè, *maluanisco*: Italicè, *maluanisco*: Gallicè, *guimmaues*: Germanicè, *Ybisch*.

## Enarratio CLX.



*Althæa.*

**D** Icitur althæa, id est medica, quia plures facultates medendi habeat, herba omnibus vbiq; familiaris, de qua eclegma id est loch & cum aromatibus, & sine illis, in officinis contra pectoris & pulmonis vitia præstat, & vt tradit Galenus libro vj. citato, facultate digerendi, laxandi, phlegmone liberandi, mitigandi, & concoquendi difficiles coctu affectus est prædita. Cæterum, radix & semen, quàm folia, & tenuiorum sunt partium, magis quàm exsiccatoriam & exterloriam facul-

tatem ostendunt, vt vitiligines detergant, & semen, renum calculos frangat: At radice decoctum, ad dysenteriam, diarrhœam & sanguinis reiectionem est aptum, quum nimirum etiam non nihil astringat, hæc Galenus. Verum scire licet, quòd ebiscus siue hibiscus, ex iis herbis est, quarum radices, foliis potentiores sunt, vt tradit Galenus libro secundo de Facultatibus alimentorum, capite 61.



## DE ALCEA.

Græcè, ἀλκία: Latinè, *Alcea*, Officinis, herba Un-  
garica, herba Simeonis, sylvestris malua: Hispani-  
cè, malua de Vngria, malua montesina: Ita-  
licè, *Malua saluatica*, buon vischio: Gallicè,  
*Guimaue sauvage*, ou rustique: Germanicè,  
*Sigmars vuurtz*

## Enarratio CLXI.

*Alcea.*

Simplicium, nullum præfixit, quòd equidem sciam caput:  
credere tamen est, inter maluas, lib. vii. eam collocasse.

## DE CANNABI SATIVA.

Græcè, κάνναβις ἴμπερος: Latinè, *Cannabis sativa*:  
Hispanicè, canhamo, canauo domestico: Italicè,  
*Canape domestico*: Gallicè, chanure: Arabicè,  
*Canab.* Germanicè, Hauff.

AMATI LVSIT. COMMENT.  
DE CANNABI SYLVESTRIS.

Græcè, κάνναβις ἀγρία.

Enarratio CLXII. CLXIII.

*Cannabis  
sativa.*



*Cannabis.*

*Cannabis  
sylvestris.*

vero libri j. de Facul. aliment. de illo quoq; ita tradit, multum autem calefacit, ideoq; sumptum paulo largius caput ferit, vaporē sursum ad ipsum mittens calidum simul ac medicamentosum. Ex quibus Galeni verbis, satis clarè liquet, quàm perperam agant ij, qui semen hoc cōtra epilepsiam, ac capitis affectiones dent. Cannabis sylvestris, sua spē in aruis nascitur, nec enim est, vt multi rentur, ea herba quam multi pro eupatorio hucusq; arripiebant.

DE ANAGYRI.

Græcè, ἀνάγρις: Latine, Anagyris: Hispanicè,  
Anagyro: Italicè, eghelo.

Enarratio CLXIII.

Nascitur anagyris arbor in syluis, quæ multorum spectaculo in hortis quoq; seritur, procere enim cre-

scit,

scit, folio, quàm viticis, maiori, flore racemoso, aureo, pendente, visui grato, sed omnino tetri odoris, semen in siliquis seruat, subnigrum, renum figura, vomitum maxime prorritans, de qua Galenus libro sexto de Faculta. simpl. medic. sic dixit: anagyris frutex est grauer olens, & digerentis, excalescentisq; facultatis, cuius folia viridia tumores reprimunt: at resiccata, incidentis sunt, exiccantisq; potentia: similem fere vim habet eius radicis cortex: Semen autem subtiliorum est partium, vomitum tamen prouocat.

## DE CEPÆA.

Græcè, κηπάδα: Latine, Cepæa herba: Germanicè, Vuild purtsel. Enarratio CLXV.

HAcad littora arenosa præcipue nascitur, portulacæ *Cepæa herba.* perquam similis, quam Galenus siluit, sed Paulus de ea ita dixit: cepæa portulacæ similis est, folia ipsius contra vesicæ scabies vtiliter bibuntur, radix cum asparago, quem myacanthinum appellant, pota, vrinæ stillicidia, quæ oppleto vrinario meatu fiunt, abigit.

## DE ALISMATE.

Græcè, ἀλισμα: Latine, Alisma, Damasonium: Officinis barba syluana, plantago aquatica, fistula pastoris: Hispanicè, herba fistola: Italicè, piantagine aquatica: Gallicè, plantain aquatiq: Germanicè, Vvasser vuegreich, froschloeffel.

## Enarratio CLXVI.

ALisma siue damasonium, doctorum hominum consensu, aquatica plantago est, quâ barbam syluanam, siue fistulam pastoris, pharmacopola appellat: Nascitur enim aquis in locis, & lacubus, & eam Lusitani nostri, cannam fistolam herbam sua voce appellant: cuius duas species meminit Plinius capite decimo, lib. xxv. sic dicēs: Item alisma quam alij damasonion, alij lyron appellant, folia ei plantaginis, nisi angustiora essent, & magis laciniosa, conuexaq; in terram, aliàs & venosa, similiter caule simplici, & tenui, cubit. alt., capite thyrsi, radicibus densis, tenuibus, vt veratri nigri, acris, odoratis, pinguibus, nascitur

Planta  
incognita  
Mathiolo

scitur in aquosis: Alterum genus eiusdem in syluis nigrius, maioribus foliis, &c. De cuius viribus Galenus ita meminit, libr. vj. citato: Damasonij decoctum radicis, calculos renum cominuit, quare absterforia facultatis est particeps.

## DE ONOBRYCHI.

Græcè, *ὄνοβρυχίς*: Latine, *onobrychis*, *opaia*.

## Enarratio CLXVII.

*Onobrychē ipsi nominamus.*

**N**ullus ex multis, quibuscum versatus sum medicis, pro dignoscendis herbis, hucusque mihi onobrychim monstrare valuit, de qua Plinius, libr. xxiii. cap. 16. dixit, Onobrychis folia habet lentis, longiora paulo, florem rubentem, radicem exiguam & gracilem, nascitur circa fontes, siccata in farinae modum & insparsa vino albo strangurias finit, aluum sistit, succus eius perunctis cum oleo sudores mouet, & ut refert Galenus, lib. viij. Simplicium, rarefaciendi digerendiq; vim obtinet, proinde folia eius virentis illita, phymata digerunt, arefacta verò, & cum vino pota, strangurias sanant, sudoresq; eliciunt, cum oleo inuncta.

## DE HYPERICO.

Græcè, *ἑπὶ ἑκατόν*: Latine, *hypericum*: Officin. *mille perforata*: Arabice, *Keiofaricon*: Hispanice, *co-razon z ilho, mil furado*: Italice, *perforata*: Gallice, *millepertuis*: Germa. *Sant Iohans kraut*.

## Enarratio CLXVIII.

*Hypericō.*

**H**ypericon, officinis familiarissima est herba, quæ ideo mille perforata, quia folia pertusa ac crebristoraminibus perforata habeat, in cuius lectione, male & corruptè Marcellus Virgilius Græcum exemplar suum, habebat, hypericum ornari flore albo, violæ matronali simili, quia in melioribus, & emendatioribus exemplaribus, flore luteo hypericū, albæ violæ simili, ornari legamus. Proinde non est, quod quis in hac re deinceps dubitet, veluti multi hucusque hæsitantes, rutam syluestrem albo flore compositam, pro hypericone accipi contendebant, ut doctissime sane Mathiolum Senensem hic adnotasse legimus, communis autem perforata, hypericon quoque dicta, Dio

*Mathiolum Senensis.*

scoridis

steroidis hypericum est, in quo quoque Plinius, errore comprehenditur, libr. xxvj. cap. 8. quum dicat historiam Dioscoridis describens: hyperici semen in siliqua claudi nigrum, quod cum hordeo maturefcit, quum tamen Dioscorides hoc non asserat: sed potius hypericum siliquam habere non adeo hirsutam, in rotundo oblongam, magnitudine hordei, in qua semen nigrum clauditur, odore resine: Sed ultra quod Plinij error satis patet, ex hoc quoque conuinci potest, quia hordeum in fine Maij exiceatur, hypericonis vero granum, in fine Iulij. Ex hypericone, quasi supra remedio, dicta herba, oleum conficitur saluberrimum, & ad multos vsus accommodatum, cuius confecturam, elegantissime apud Ioanem Agricola Ammonium, sic descriptam comperio: Sume, cacumina hyperici ad quantitatem trium vnciarum, & in vinum odoratum infundantur, trium dierum & noctium curriculo, mox duplici vase optime obturato bulliant, denique exprimantur, & abiciantur cacumina, in eodemque vino eandem quantitatem cacuminum hyperici infundito totidem diebus & noctibus: postea adde terebinthinae vncias tres, olei veteris vncias sex, croci scriptulum vnum, misceantur haec, & in duplici vase coquantur, quo ad vinum euanescent, postea in vitriato vase, vitreoue seruato. Est enim oleum hoc, coxendicis dolori accommodatissimum, vlcera immedicabilia sanans, & vt tradit Galenus de ipsa herba, lib. viij. de Facultatibus simpl. medicamen. calfacit & siccat, essentia tenui, adeo vt menses vrinasque prouocet, illitum viride, ad cicatricem omnia perducit vlcera: siccum contusumque si inspergas, mollia, humida, & putrilaginosa sanabis, sunt qui & ischiadicis bibendum propinent.

## DE ASCYRO.

Graecè, ἀσσυρον: Latine, ascyron: Vulgo herba hircina;

Gallicè, supparu: Germanicè, Hartavu.

## ENARRATIO CLXIX.

Ascyron, planta nobis satis est cognita, quam vulgares herbarij, herbam hircinam appellant, pluribus autem & viticosis protenditur ramis, in quibus folia sunt, matris fyluae foliis similia, inter quae, semina quaedam ciceris magnitudine nascuntur, viridia, resinosa, terti

Herba hircina.

odoris,

odoris, vnde hircina herba fit dicta, creditur. Cuius meminit Galenus, quum de androsæmo libro sexto Simplicium agit, dicens: Planta est fruticosa androsæmum, natura duplex, vnum enim dicitur ascyron, species hyperici: alterum à quibusdam appellatur Dionysias. Est autem semen eorum purgatorium, foliorum vero facultas modice extergens, & desiccans, vt & ambusta curare credantur: cæterum in vino austero decocta, vinum ipsum vulnerum grandium glutinatorium efficiunt.

## DE ANDROSÆMO.



Androsæmon.

Græcè, *ανδροσαμω*:  
Latine, *androsæmum*,  
hyperici species. Germanicè,  
Ruonrad, & rotharthavu.

Enarratio CLXX.

Hanc Euritius Cordus, vulgatum hypericum esse putat, què hodie quoque imitatur Andreas Lacuna Secobrensis, in epitomen à se redacto Galeno, sed reuera falso, quia hypericū Dioscoridis, cū nostro conuenire certū sit. Est igitur androsæmum, hyperici altera species, cuius virtus superiori capite, ex Galeno audiuius.

Errat Andreas Lacuna.

## DE CORI.

Græcè, *κόρις*: Latine, *coris*: Altera species hyperici: Germanicè, Erdkiuer.

Enarratio CLXXI.

Coris pro chamæpity ab aliquibus vsurpatur, tam enim inter se herbæ istę conueniant, similesue sunt, cuius Galenus, libris Simplicium non meminit: Paulus tamen

tamen libro septimo suæ medicinæ, ita de ea tradit: Coris herba, quam alij vocant hypericon, acris est, & odorata: semen eius ad urinam & menses ciendos bibitur. Succurrit & phalangiorum moribus, item ad opisthotonon cum oleo inungitur.

## DE CHAMÆPITY.

Græcè, χαμαίπυτος: Latine, chamapitys, abiga, aiuga:  
 Officin. iua arthetica: Hispanicè, Lusitanicè, pinilho: Italicè, iua, chemepitio: Arabicè, harnesitheos: Gallicè, iue muscate. Germanicè, Yelenger yelieber.

## DE ALTERA CHAMÆPITY.

Græcè, χαμαίπυτος ἑτέρα: Latine, altera chamapitys:  
 Officin. iua moschata: Vulgò, iua moschata.



Chamapitys 1.



Chamapitys 2.

## Enarratio CLXXII. CLXXIII.

**C**hamæpitys, in officinis gignendi casu, Chamæpites appellatur, ab aiuga vero, siue abiga, vel ibiga corruptè iua hodie dicitur: Altera vero minutioribus foliis reperitur chamæpitys, boni odoris, ac ea de causa à seplasiariis iua moschata vocatur, notæ enim hæ sunt herbæ, & à seplasiariis in frequenti vsu habitæ: quarum vires, profecutus est Galenus, libro octauo de Faculta. simpl. medic. ad istum modum dicens: chamæpitys magis amara est quàm acris: quare abstergit, purgatq; viscera, magis quàm calfacit, proinde auriginosis, & quibus facile iecur obstruitur, bonum remedium est, quin & vrinam, & menses ducit, tum pota, tum illita cum melle, viridis vulnèra magna glutinat: vlcera putrescentia sanat: durities vberum discutit, Est enim in siccando tertij ordinis, in calfaciendo, secundi.

*Finis Libri Tertij.*





# IN DIOSCORIDIS ANAZARBEI DE MEDICA

MATERIA, LIBRVM QVARTVM,

Enarrationes Doctoris Amati

Lusitani Medici in Italia  
celebratissimi.

\*

## DE BETONICA.

*Græcè, νέσσορ: Latine, Betonica, Vetonica, ferratula: Hispanicè, bretonica: Italicè, betonica: Gallicè, betoine: Arabicè, chastara: Germanicè, Braun betonick.*

### Enarratio Capitis Primi.



DE O est communis, & vulgaris, herba Betonica, vel Vetonica dicta, vt eam indicare, vel delineare non sit opus. Vocatur vero ferratula à nonnullis, vt testatur Plinius, quia circumcirca in modum ferræ diuisa est: De cuius viribus ac laudibus, libellum Antonius Musa, Cæsaris Augusti medicus, descripsit. Cæterum, errat Otho Brunphelsius, qui betonicam, flores albos habentem, herbam paralyfis esse dixerit, quanquam, vt noto, tomo vltimo erratum fateatur. Non minus quoque Auerrois, in præsentem accusandus venit, qui lib. v. Colliget, betonicam calidam & siccam in quarto gradu constituit, quum tamen eius sapor amarus indicat secundum non excedere, vt rectè admodum elici potest ex Galeno lib. vij. de Facultat. simplic. medic. vbi de ea ita loquitur: Cestrum, id est betonica, vim habet incidendi, vt gustus indicat, est enim subacris & amariu- scula, quare calculos renum frangit, pulmonem, pectus, &

*Otho Brunphelsius errat.  
Auerrois errat.*

*Betonica. 1.**Betonica. 2.*

iecur expurgat, menses promouet, comitialibus prodest, rupta conuulsaque curat, omnibusq; bestiarum moribus illita auxiliatur, postremo acidum ructantibus & ischiadicis bibita prodest. Cæterum, hodie ex herba ista, Syrupus à seplasiarijs paratur, quem Ferrarienses prætermittunt, nec eo vnquam ante me vsi fuerunt, quum tamen in omnibus ægitudinibus frigidis, sed præcipue capitis, inter cæteros Syrupos primatum obtineat, non minus quæque ex ea vnguentum, ac etiam cerotum conficiuntur, quibus nunc chirurgici maxime vtuntur.

#### DE BRITANNICA.

Græcè, Βεττανικὴ, Latine, Britannica: Offic. *bistorta*.

#### SECUNDA BISTORTA.

Græcè, Βεττανικὴ δευτέρα: Latine, *Heptaphylon, septem folium, bistorta secunda, tormentilla*: Hispanicè, *Sette enrama*: Italicè, *settifoglio herba*, la *tormentilla*: Germanice, *Genfs ampffer*.

## Enarratio I I

*Britannica.*

Quum de Britannica doctorū hominum varia inquirerē iudicia, nō aliud extorquere valui, quā quod britannica, bistorta herba sit, acetosæ magne similia folia habens, nigriora tamen, & cuius radices varie cōspiciuntur, nam quandoque subtiles apparēt, aliquando verò crassæ, rubricantes, & tortuosæ, de qua Plin. lib. xxv. cap. 3. ita dixit: In Germania

Hanc opinionem refutat Matthiolsus.

compagesq; in genibus soluerentur, Stomacacen medici vocabant, & sceleriben. Ei malo reperta auxilio est herba, quæ vocatur britannica, non neruis modo, & oris malis salutaris, sed contra anginas quoque & serpentes, folia habet oblonga, nigra, radicem nigram, succus eius exprimitur, & ex radice, florem vibones vocant, qui collectus priusquam tonitrua audiantur, & deuoratus securos in totum reddit. Frisij quæ castra erant, nostris demonstrauere illam. Miror quidem quæ nominis, esset causa, nisi forte confini Oceano Britaniæ veluti propinquæ dicauerit: non enim inde appellatam eam quoniam ibi plurima nasceretur, certum est. Cæterum est & alia bistorta, herba satis vulgaris, & pentaphylli species: quæ nonnunquam quinque, aliquando verò septem emittit folia, & ideo bistorta dicta quoque; quia eius radix tormentilla appellata, cū prædicta similes habeat potestates viresve. Est enim vt obiter dicam radix hæc crassa, breuis, plena granis, ad ruborem

inclinans: quæ veluti prima astringentem vim habet, & ad omnia quæ densari syrupus utilis est, priuatim verò, vino austero pota, tum etiam super aluum, ac renes, aceto mixta, & admota, fœtum solitum per abortum perire, retinet, & seruat: eius quoq; puluis cum succo plantaginis, iis propinatur, qui vrinam retinere non valent, non minus quoque super vulnera, puluis eius resperfus, ad cicatricem facillime ea perducit, demum menses muliebres supprimit, & choleram morbum compescit. Porro tormentillam contra omne genus veneni, præstantissimum antidotum, recentiores affirmant, qua de causa, ab ea aquam per clambicum parant, veluti ex radicibus decoctum, imo multi grassante peste, cõditum ex ista radice parant, quo ieiuno stomacho muniti, luem pestilentem minime formidant. Contra dysenteriam quoque radicem istam multum prodessè fertur, imo internum omne vlcus, ad cicatricem ducere, tum epota ad foris applicita creditur. De Britànica verò, ita meminit Galenus lib. vj. de Facultatibus simplicium medicamentorum. Huius folia astringentia sunt, & vulnerum glutinatoria, similia agrestibus lapathis, at expressus ex illis succus perinde natus est astringere, videturque sanare iam putrescentia.

## DE LYSIMACHIA.

*Græcè, λυσιμάχιον: Latinè, Lysimachia, salicaria: Hispanicè, lismacho, Gallicè, Chasseboffe: Germanicè, Vveiderich.*

## Enarratio III.

**L**ysimachion siue Lysimachia, frequens & multis cognita herba est, quæ aquosis potissimum locis gaudet. Nascitur enim ad ripas Padi, magna in copia, flore quandoq; ruffo, aliquando verò aureo, folio verò salicis, sed viridiori, nam huic cauliculi cubitales sunt, & maiores, fruticosi, tenues, ac nodosi, & vt paucis dicam, persicariæ omnino similis herba ista est. Vnde Leoniceum, ac post eum Ruellium Gallum errasse, clarum est, quum corniolam herbam, qua infectores pro tingendis lanis vruntur, lysimachium esse crediderunt, Nam reuera corniola longe

*Lyfimachia. 1.**Lyfimachia. 2.*

longe à lyfimachio alia est herba, quam luteam quoque nonnulli appellant, & Hispani simul & Lusitani Lirium infectorium sua voce dicunt: Itali verò Cerretam, vel bragliam, in qua nec salicis folia videntur, nec in eis aliqua percipitur stypticitas, imò in ea potius cauliculi & folia lini conspiciuntur, vt liquido constet, corniolam Lyfimachiam non esse. Lyfimachium verò nos verum nouisse, nouit vniuersa Ferraria, ad quam, quicumque de re herbaria, veluti de bona medicina exactam notitiam habere desiderat, accedat consulo: Sunt enim Ferrarienses, cœlesti quodam influxu fauente, medici doctissimi, ac rerum naturalium cognoscendarum diligentissimi, qua de causa, apud eos, per sex annos, nunquam pœnitendos commorati sumus. Dicitur verò lyfimachion quia Lyfimachus rex eam primo inuenerit, vt testatur Plinius li. xxv. cap. 7. dicens: Inuenit & Lyfimachus herbam Lyfimachiam, quæ ab eo nomen retinet, celebrata Erasistrato, folia habet salicis viridia, florem aureum, fruticosa, ramulis erectis,

odore graui, gignitur in aquosis. Vis eius tanta est, vt iumentis discordantibus iugo imposita, asperitatem colibeat, & vt inquit Galenus lib. vii. de Facult. simpli. medic. Superantem astrictionem sortitur, per quam omnes sanguinis fluxus reprimat, tum pota, tum cataplasmatibus modo adnota.

### DE POLIGONO MASCVLO.

Græcè, πολυγωνος ἀρσεν: Latine, Polygonon centinodia, seminalis herba, corrigiola, proserpinaca, sanguinaria, sanguinalis: Hispanicè, cien nudos: Corriola: Italicè, corrigiola, centinodia: Gallicè, Corrigiole, ou herbe aulx innocens: Arabicè, Casialrahagi: Germa. Vveggrafs, denngrafs, vueg dritt.

### DE POLIGONO FOEMINA.

Græcè, πολυγωνος θήλυ: Latine, Polygonon fœmina, sanguinalis fœmina, corrigiola fœmina, centinodia fœmina: Germanicè, Klein schafftheuu.

#### Enarratio IIII. V.

Polygonõ.

Proserpinaca.

**T**Am masculus quam fœminæ, polygonon, siue centinodia dicta herba, officinis familiaris est, quæ ideo sanguinaria vel sanguinalis dicitur, quia sanguinem videnturque fluentem maxime constringit compescitue. Masculum quia serpit, humiue repit, Apuleius proserpinacam appellat, quam aliquis potius fœminam nominaret. Alteram vero in altum crescentem, masculum. Sed reuera, quæ humi serpit, masculi denominationem habens, viribus potentior est, vt ex Galeno didicimus, lib. viij. de Facultatibus simpli. med. ad istum modum dicente. Vti astrictionis est particeps: ita in eo frigidum aqueum vincit, vt secundo excessu refrigeret, aut etiam initio tertij. Itaq; æstuanti ventriculo, erysipelati, atq; calidis phlegmonis, si illinatur frigidum, auxiliatur, silit præterea vniuersas fluxiones, qua ratione videtur exiccatorium: quare ad herpetas, vlceraq; bonum remedium est: quin etiam cruenta vulnera glutinat, auriumq; puri & vlceribus co-

stille

stullicidio & stranguria affectis exhibitum, urinam mouet, vt Dioscorides ait, femina ad omnia mas praestat.

## DE POLYGONATO

Græcè, *πολυγωνάριον*: Latine, *Polygonatum*, *Offic. geniculata*, *fraxinella*, *secacul*, *sigillum Salomonis*, *sigillum Maria*: Hispanicè, *fraxinella*: Italicè, *fraxinella*: Gallicè, *Signet de Salomon ou genouillée*: Germanicè, *Vveits vuurtz*.



*Polygonatum mas.*



*Femina.*

Enaratio VI.

**P**olygonatum, hodiæ fraxinella, siue geniculata appellatur, pratis frequens herba, & Italiæ quoq; hortis satis familiaris, quam Manardus Secacul Arabum esse autumat, reclamante tamen Mathiolo Senense, Reuera tamen, polygonatum, siue fraxinella, à similitudine quam cum foliis fraxini habet, dicta, Secacul est, cuius radices saccharo pro irritanda libidine, à multis paratur,

& vt tradit Galenus lib.viij.de Facul.simpl.medic. Astringentis pariter & acrimoniae habet quippiam, cum fastidiosa quadam amaritudine. Quare non vsq; adeo est vescum, Sunt qui radicem eius illinant vulneribus, alij conauos in facie detergunt.

## DE CLEMATIDE.

Græcè κλημᾶσις : Latine, Clematis, vincaperuinca : Hispanicè : peruinqua : Italicè, prouenca : Gallicè, Essperuenche, ou Lyseron : Germanicè, Ingrien, oder singrien.

## Enarratio VII.

Clematis.



Clematis prima, vt Historia clamat, officinarum peruinca est, herba humi serpens, & qua hortulani, & hortorum mulierculæ, herbarum fasciculos ligat, viciuntue, vnde illi peruinca nomen inditum est. Cæterum, quidam peruinca chamædaphnè esse contendebant, non sine tamen errore, quia chamædaphnes, alia vt dicemus est herba. De hac vero clematide, Galenus in medio capituli de clematide, libro septimo de Facult. simplic. medic. ita dixit: Dicitur etiam clematis illa herba, quam nonnulli

Clematis.

polygono idem appellant, quæ tantum abest vt exulceret, vt profuuiis, & dysenteris cum vino pota auxilietur, mansaq; dentium dolores mitiget, ac deniq; doloribus vteri in pello admota sit vsui.



## DE ALTERA CLEMATIDE.

Græcè, κληματῖς ἑτέρα : Latine, *Altera clematis*, *ambuxum*, *flammula*: Hispanicè, *Italice*, *flammola*: Gallicè, *Viorne*: Germanicè, *Vvald ræben*. *Lynen*.

## Enarratio VIII.

**H**æc vero ab Herbariis, *flammula* dicitur, quia *flamma* modo vrit, exulceratue: An vero alio nomine à *flammula* Hispani herbam istam vocent, mihi non succurrit, nobis vero herba satis nota est, quæ validissime linguam rodit: in secunda tamen editione huius libri, viri doctissimi Hispani, quibus herbarum nomina vulgaria in promptu sunt, lemmati ea addere possunt, vt pharmacopolis, & aliis exteris nationibus, herbarum integram cognitionem præstent: porro huius naturam, & vires, Galenus initio capituli citati, ita prosequitur, dicens: Huius folia acrem & adurentem obtinent Facultatem, adeo vt lepras excoriant, fuerit itaq; in quarti ordinis exsiccantium initio.

## DE POLEMONIO.

Græcè, πολεμώνιον: Latine, *Polemonium*.

## Enarratio IX.

**F**errariensium cōsensu, *polemonium* ruta capraria est, herba ubiq; nota, & quam omnes ob raras eius dotes, plurimi faciunt: quum vero Ferrarienses dico, intelligatis velim, *Leonicenum*, *Manardum*, ac *Musam Brauaolam*, ex quibus vltimus, se frequentissime per huius herbae succi porum, obseruasse tradit, plures pestilentia correptos, in sanitatem restitutos, id quod Dioscorides quoq; fateri videtur, quum contra serpentes, & venena valere tradat. Quibus de causis, ex huius succo, *Aloe*, *Myrrha*, & *Croco*, contra puerorum vermes singulare paratur vnguentum. Nec est, quòd *Mundella Brixienfis*, vir mea sententia doctus, sed in praxi parum instructus, *Brauaolam* in hac re vellicet, quum ex variis simplicibus eandem vim habētibus, vnum medicamentū componere, apud

Contradicit Mathiolus, nullā tamen de pingis.

apud medicos nouum non fit. De polemonio Galenus lib. viij. de Facul. simpl. medi. ita inquit: Polemonium tenuium partium est, & desiccandi vim obtinet, vnde quidam radicem eius cum vino, ad Ischiadas, dysenteriam, lienemq; induratum propinant.

## DE SYMPHYTO PETRAEO.

*Græcè, σμυφύτον πέτραίου, Latine, Symphytum petraeum, consolida: Hispanicè, Sueda: Italicè, Simphyta consolida: Gallicè, Bugle: Germanicè, Stein gunsel.*

### Enarratio x.

*Symphytū  
Petraeum.*



*Symphyton Petraeon.*

EX herbis, quas Ioannes Falconerius Angelus, secum afferēbat, Symphytū petraeum erat quam consolidam nonnulli appellant, quae vt testatur Ruellius, familiaris Gallis admodum est, & eam sua lingua, buglam vocant: in Italia quoq; nasci, cum Paulo Castilione medico affirmamus, quanquam Mathiolus nunquam eam se vidisse tradat: de cuius viribus Galenus lib. viij. de Facul. simpl. medi. ita dixit: Habet quandam vim incidendi, qua collectum in thorace pulmoneq; pus expurgare potest, ac simul contrahendi facultatis est particeps: qua eiectionibus sanguinis auxiliatur, estq; humidum, ac non immodice calidum, vnde & dulce apparet, ac odoratu iucundum: Ad haec, mansum sitim extinguit, & arteriae fanat asperitates, liquet igitur ipsum etiam & digerere & constrin-

constrin

constringere posse: vnde & enterocæliis imponitur, & ad conuulsa & rupta cum oxymelite bibitur.

## DE ALTERO SYMPHYTO.

Græcè, *σμπύσιον ἄλλο*: Latine, *symphytum alterum, consolida maior, alum, solidago*: Hispanicè, *suelda maior*: Italicè, *consolida maggiore*, alo: Gallicè, *consyre, & oreille d'asne*: Germanicè, *Vval vvurtz*.

## Enarratio XI.

**H**Aec, omnibus consentientibus, consolida maior est, *Consolida maior.* quæ flore non solum luteo, sed rubro, & albo ornatur, cuius radicem, tum intus, tum extra, contra rupturas, casus, ac vulnera, hoc tempore medici frequentissimè adhibent. Dicitur verò, consolida maior, alterius minoris respectu, quâ falso multi seplastarij, pro petræo symphyto vsurpare minime verentur, iis Germani, sanniculam addunt, quinquefolio, aut fragariæ persimilem herbam quam diapensam quoq; vocât, quia eius folium in quinque partes diuisum habet, vnde multi inter pentaphylli genera eam reponunt, cuius radix alba mira podorû concatenatione implicita, ad eosdè dictos effectus valet, est quoq; præter dictas, alia consolida, quam margaritam aliqui, alij verò primulam veris, nonnulli verò herbam sancti Petri, herbam paralysis, vel clauium herbam appellant, hortis familiarissimam, vtpote flores iucundos, ex albo rubricantes, ac oculis gratos emittentem. Est quoq; altera consolida, regia vel regalis dicta, herba mira pulchritudine obuia, quæ flore purpureo, violæ magnitudine ornatur, & quam Germani militis calcar appellant, quia calcaris similitudine, corniculum, eius flos in infima sui parte emittat. Huius herbæ flores, oculorû ardori opitulari tradunt, præcipue si pisti, ac aqua rosacea excepti, desuper apponatur, paratur quoq; ex herba ipsa decoctum, quod multum valere scimus, ardoribus tussis, inflammationibus, veneno, ac cholericæ passioni, non minus quoq; vrinæ retentioni, renum calculo, & coxendicis dolori prodest, demum pro aluo purganda à multis vsurpatur. De altero verò Symphyto, quod magnum appellat, loco citato Galenus ita tradit:

*Sannicula**Margarita.**Consolida regalis.*

tradit : Symphytum magnum , similem dicto vim habet  
cæterum neq; videtur dulce , neq; odoratum. Est verò se-  
cundum viscositatem mordacitatemq; scillæ simile.

## DE HOLOSTEO.

Græcè, ὀλέσιον : Latinè, holosteon.

### Enarratio XII.

**H**Allucinantur , qui Holosteum pilosellam esse autu-  
mant , quum inter se maxime , vt conferenti manife-  
stum erit : nam pilosella folia oliuæ emittit , albis onusta  
pilis , vnde nomen traxisse certū est , cuius quoq; ramusculi  
serpunt , lanuginosi , pilosive , in quibus flores lutei nascun-  
tur , nam radices tametsi illi graciles insunt , longæ tamen  
non sunt , sed perbreues admodum , vt inter se differre cer-  
tum sit : Non ab re tamen esset , nec contra rationē actum ,  
si quis vice holostei , pilosellam acciperet , & ea vteretur ,  
quia vtraq; astringendi vires habet : ita enim pilosella po-  
tenter adstringit , vt animalia , præcipuè pecora , quæ illam  
pascuntur , ob restrictos ventres , de vita periclitentur : vnde  
pastores hoc scientes , præcauent suos greges à campis &  
pratis herba ista scatētibus. Caue tu tamen optime lector ,  
ne Auriculam muris , pilosellam quoq; dictam , hanc pi-  
losellam esse autumes , de qua nunc sermonem habemus.  
Cæterum , est holosteon , ea herba quam rura , molle gra-  
men , vel canis denticulum appellant , quæ humi serpit , fo-  
liis , viticulisque coronopo , aut gramini similibus gustu  
astringentibus , radice alba , prætenui vsq; in capillamenti  
speciem protracta , longitudine quatuor digitorū , de qua  
Galenus lib. viij. de Facultatibus simplicium medicamen-  
torum ita tradit : Olosteum desiccandi vim obtinet , cum  
astrictione , ideoq; propinatur ad rupta.

### CONSTANTINVS.

**G**Ræcus codex Dioscoridis ante oclingentos annos conscriptus,  
consecratusq; bibliotheca regia , munere illustrissimi viri do-  
mini d' Aramont regis legati apud Mahumetanos , in pictura ho-  
lostei , mihi notissimam herbam ostendit , quam ab effectu herbarij  
vocant herniam , nosq; vulgò de l'herbe au turc. hac explet omnes  
notas holostei apud Dioscoridem & Plinium , qui ipsam plantam  
ita descripsit lib. xxxvij. cap. 10. Holosteon sine duritia herba , ex-  
aduerso appellata à Græcis , sicuti fel dulce ( nam , vt in supplemento

so lingua Græca omnium primi adnotauimus, ex Cælio, Aureliano, lib. ij. Chronion cap. j. multa contrariæ interpretationis vocabulum sumpserunt, vt fella quæ Græci γλυνία, vocant, cum sint amarissima) tenuis vsque in capillamenti speciem, longitudine quatuor digitorum, seu folijs angustis, astringens gustu. Nascur in collibus terrenis, vsus eius ad conuulsa, rupta in vino pota, vulnera quoq; conglutinat. Nam & carnes coguntur addita. legendum verò ex autoritate Galeni & Plinij holosteon (vti etiam in prædicto manuscripto Dioscoridis exemplari legitur) non autem Olestion, vt in impresso Græcè codice.

## DE STOEBE.

Græcè, στίβη: Latinè, stœbe, colymbas, phleon.

## Enarratio XIII.

Prætermittit Dioscorides stœbes historiam tanquam herbæ vulgaris, & omnibus notæ, quæ Theophrasto phleos est, herba fruticosa, aculeata, tum caule, tum folio, semine molli, rubido, radice tenera, quam oues vtilissimè comedunt, nec alibi quàm in aquaticis nascitur. Galenus verò libro primo, de Antidotis, vbi de vini sermonem facit, inquit: patrem suum, ad cõseruanda vina imbecillia & aquosa, ne quoque acefcerent, stœbe copiosa, calida, apud domum calidissimã vasa plena vino cooperiebat, & allecurus fuit id quod sperabat, & subdit: porro herba quæ apud nos nascitur fruticosa, admodum est calida, acris, & odoratum quippiam respiciens. Vocant ipsam incolæ colymbadem, nonnulli stœben, ad vini cõseruationẽ aptissimam, & cætera, Libro quoque de Fœtum formatione, stœben herbam, iecori alsimilat, quum dicat, ipsa propria hepatis substantia, de qua antea dixi, in orbem circumnascitur, & media fissurarũ spatia ad similitudinem stœbes herbæ explet, atq; ita quidem exortus ex inferiore vena, in simis huius visceris partibus fiunt. Hæc Galenus. In quibus stœben herbam iecori simile facit, at quæ illa hodie sit, ignoratur: In Græcia tamẽ, vulgarem herbam esse, Græcus quidã medicus mihi retulit. Multi verò stœben, scabiosam esse dixerunt, sed falso, quia scabiosa aculeata herba non est, imò folia cruceæ multidiuisa, ac subhirsuta habet, flores verò cæruleos, albicantes: item, scabiosa nascitur in campis, & siccis locis: stœbe verò in aquosis, vt

Stœbe.

Scabiosa  
herba.

liquil

liquido constat scabiosam non esse stœben. Proinde Pandeſtarius, in hac, vt in aliis sæpe solet, hallucinatur, credens vtiq; stœben scabiosam esse. Sed nos Marthæū istum Syluaticum, cum suis erroribus missum facimus, & ad scabiosæ facultates accedamus, quæ ita habent: Scabiem & psoram curat, non decoctum vel solum aqua ebibita sed etiam vnguentis eius succus mixtus, qua de causa purgat, & abscessus rumpit, ac carbunculos curat. De stœben vero viribus, ita tradit Galenus lib. viij. de Facul. simplic. medic. Fructus eius & folia astringunt citra mordacitatem, desiccantq; in tertio fere incipiente ordine, quare decoctum eorum iniicitur dysentericis, auribusq; pure fluentibus, quod etiam magna vulnera glutinat, præcipue cum vino atro & austero. Valenter enim desiccatur omnes præter naturam humiditates: folia viridia illita erumpentem sanguinem supprimunt, suffusionibusq; oculorum ex ictu medentur.

## DE CLYMENO.

Græcè, κλύμνον: Latine, clymenum.

Enarratio XIII.

Clymenos  
herba.

**C**Aule tantum, clymenos à saponaria vulgari; differre videtur, quia clymeno, caulis fabaceus quadrangulus inest: Saponariæ verò rotundus, ac nodosus, vtiq; tamen eadem sunt folia plantaginis: cæterum clymenum muliercula Lusitaniæ, apud quas, præ cæteris nationibus, Romanorū voces seruatas inuenio, sua voce, sexafriguam, vel saxifragā appellant, vnde in mentem venit, quod non ab re esset, herba hac, quadratum caulem habente, quam nos clymenū dicimus, saponariæ veræ loco vti, quia vera saponaria saxifragia dici potest, quia calculos vesicæ frangit, & eos cum vrina pellit: imò Mathiolus Senensis, vti mea sententia, in re herbaria veluti cæteris medicinæ partibus, satis instructus, pro vera saponaria, hanc quadrangulum caulem habentem recipit, & eam clymenum esse dicit, De qua Galenus, nullam libris Simpli. mentionem fecit, veluti nec Paulus: Plinius tamen libro xxv. cap. 7. hanc à rege Clymeno, vnde & nomen traxit, inuentam contendit, cui, quæ periclymeno debebatur, non sine errore tribuit.

Mathiolus  
Senensis.

Plinius er-  
rat.

## CONSTANTINVS.

**C**vm hominis sit oris durissimi, & perfricta frontis, in re aperta mentiri, subit mirari Amati Lusitani (cui sane alioqui, sua etiam laus debetur) ingenium atq; audaciam, quem Mathioli viri insigniter docti, auctoritatem ementiri non pudeat: nec id quidem semel, sed sapius, vti facit hoc in loco de Clymeno, quam plantam sibi incognitam esse ingenuè confitetur ipse Mathioli, contenditq; non esse saponariam: iure quidem, nam pleriq; iam veram clymenon mecum agnoscunt, longe diuersam à saponaria, vt in alio opere graphica ipsius pictura, testabimur. Immeritò tamen Plinius à Mathiolo, ita culpat: Hanc inquit, vt Plinius memorie prodidit lib. xxv, cap. 7. inuenit rex Clymenus, vnde & nomen herbae. Quo in loco idem Plin. Clymeno perperam illa omnia reddidit, quae Dioscorides periclymeno assignat. haec tamen Mathioli, cuius postrema clausula plane falsa est (quod tamen cum tanti viri bona venia dixerim) optime enim Dioscoridis vestigijs insistens Plinius, periclymenon distinxit à Clymeno: sed pro diuersitate authorum quos sequitur, Clymenon duplicem describit, in secunda non dissentit à Dioscoride, in prima tantum specie, non omnes, vt inquit ipse Mathioli, sed quasdam periclymeno attributas notas à Dioscoride, Clymeno ascribit Plinius, pro plantarum, aut scriptorum differentia & varietate. Quae omnia vt plana faciam, Plinij locos super hac re adducere operae pretium est, lib. xxvij, cap. 12. Periclymenos fruticat & ipsa, ex interuallo, duo folia habens, subcandida, mollia. In cacumine autem semen inter folia durum, & quod difficile euellatur. Nascitur in aruis ac sepibus, conuolvens se admiculis quibuscunq; semen eius in vmbra siccatum tunditur, & in pastillos digeritur. Hi resoluti dantur in vini albi cyathis tribus, tricenis diebus, ad lienem: eumq; vrina cruenta, aut per aluum absumit, quod intelligitur à decimo (Dioscorides habet sexto) statim die. vrinam cient & folia decocta, quae & orthopnoicis prosunt. Partum quoque adiuuant, secundasq; pellunt pota simili modo. At verò lib. xxv, cap. 7. sic inquit, Clymenos à rege appellata est, hederà folijs, eramosa, caule mani, articulis praetincta, odore graui, & semine hederà, syluestribus & montosis nascens. Quibus morbis pota medeatur, dicemus (nempe lib. xxvj, cap. 8.) sed hic indicandum est, dum medeatur sterilitatem pota etiam in viris fieri. Graeci plantagini similem esse dixerunt, caule quadrato, folliculis inter se implexis, velut in polyporum cirris. Et succus autem in vsu, vis eius summa in refrigerando. Haec tamen

Plinius, quem etiam, vt debitorem creditor appellat, & obtorto collo pertrahit Lusitanus, ipse qui totus est in ere Mathioli, ex cuius non mutuatitia, vt loquitur Gellius, sed surreptitia pecunia, suas facultates exornat, & amplificat.

## DE PERICLYMENO.

Græcè, *περικλυμνον*: Latinè, *periclymenos*: Officin-  
volucrum maius, mater sylua, vinciboscum: Hispani-  
nicè, *madre sylua*: Italicè, *matri selua*: Gallicè,  
*succetz*, ou cheurefeuille: Germanicè, *Geyß blatt*,  
speck oder vualdgilgen, vnd zeünling.

Enarratio x v.

**P**ericlymenos, omnium doctorum hominum voto, Matrisilua est, quia omni ex parte inter se maxime respondent, quam quoq; nonnulli caprifolium appellant, sed reuera non sine errore: quum caprifolij nomen pyxanthæ Dioscoridis magis conueniat: Sed huius erroris Matthæus Syluaticus author fuit, quem subticere fatius est. Cæterū ex periclymeni siue matris syluæ succo, optimum confici solet cerotum capitale, quod medici & chirurgici iuniores miris extollunt laudibus. At Ioannes de Vigo, non aspernendus chirurgus hanc herbam, crurium vlceribus, multum valere scriptū reliquit, qui remedium hoc, à Galeno lib. viij. accepisse fatetur, sed sua pace bona dixerim, non sine menda, quum apud Galenum hoc non reperiat, vt ex suis verbis percipitur, quæ ita habent: Fructus eius & folia adeo vehementer incidunt & calfaciunt, vt si diutius bibantur vrinam sanguinolentam efficiant, principio tantum vrinam mouentia, foris cum oleo illita etiam excalfaciunt. Iuuant & lienosos, & difficulter spirantes, competens mensura est, drachmæ vnus cum vino, desiccatur etiam semen (& vt quidem tradunt) si liberalius bibatur, sterilitatem inducit.

Ioānes de  
Vigo errat

## DE TRIBULO.

Græcè, *τέβωλος*: Latinè, *tribulus*: Hispanicè, *abroyos*,  
*abrollhos spinas*: Italicè, *tribolo*: Arabicè, *hasäch*:  
Gallicè, *maeres*, *saligots*, & *chaudetrapes*.



## DE TRIBULO AQUATICO.

Græcè, *ῥιβολὸς ἁλιῶν*: Latinè, *Tribulus aquaticus*:  
 Hispanicè, *abroyos delhagoa*: Italicè, *tribolo aqua-*  
*tico*, *castagne del aqua*: Gallicè, *triboli aquatici*:  
 Germanicè, *Vvasser nuss*.

## Enarratio xvi.

**N**Orunt terrestrem tribulum, qui ex calciati in pratis  
 secus flumina, & in domorum areis vagantur. Humi  
 enim serpit herba hæc, cuius folia minuta portulacæ figu-  
 ra sunt, inter quæ spinæ tribuli dictæ, magnitudine ciceris  
 nascuntur. Cuius alteram speciem Theophrastus lib. vj. de  
 Historia Plantarū, cap. 5. facit. Est præter terrestrem tribu-  
 lum, alter aquaticus, ob id quod in aquistâ dulcibus, quàm  
 maritimis nascatur, dictus, qui supernatat & triangularis  
 magnitudine castaneæ apparet: qua de causa, Mantuani  
 & Ferrarienses, imò omnes ferè Longobardi, tribulos istos,  
 castaneas aquaticas appellat, vel potius forsàn ob id quòd  
 castanearum saporem in gustu referant, ex quibus quoq;  
 peregrini suas coronas parant, vt collo suspensis melius  
 hypocrisis suam ostentent. Nam Venetiis apud Riuum  
 altum tribuli ij venduntur, & marini dicuntur. Nascun-  
 tur enim, vt sæpe vidimus in lacubus prope Clodiū por-  
 tum. De quibus Galenus lib. viij. de Facult. simplic. medi.  
 ita inquit. Tribulus ex humida essentia modice frigida, &  
 sicca non mediocriter, cæterum similiter frigida constat:  
 Vnde contra phlegmonarū generationes, & cōtra omnes  
 influxus congruit: porro terrestris ipsius fructus, quum  
 tenuium sit partium, potus renum calculos conterit.

*Tribulus  
terrestris.*

*Tribulus  
aquati-  
cus.*

## DE SAXIFRAGA.

## Enarratio xvii.

**T**Ameti saxifraga verbum Latinum quàm Græcum  
 potius referre videatur, cuius causa, caput hoc multi  
 cum Marcello adiectitium Dioscoridi esse putarunt: ni-  
 hilominus tamen verum & germanū esse attestatur quod  
 in omnibus Dioscoridis exemplaribus reperiatur. Quæ  
 tamen hodie saxifraga Dioscoridis sit, multi non asse-  
 quuntur, quum illius vice, herba quadam inter saxa ple-  
 runq; nascente vtantur, quæ pimpinellæ similis videtur,

*Saxifraga*

Sed in hoc differunt, quia pimpinella habet pilos: Saxifragia verò illos non habet, vnde notum euadit, quòd recentiorum saxifragia, apud Dioscoridem non est saxifraga, quia Dioscoridis saxifraga epithymo potius, quàm pimpinellæ similis est. Reuera tamen, Dioscoridis saxifraga, epithymo omnino respondens in Italia conspicitur, qua in minuendo renum & vesicæ calculo, ac lotio euocando, non infelici successu operamur, cæterum de empetro alibi caput habetur,

### CONSTANTINVS,

**S**upposititium & spurium est illud caput de saxifragia, non enim in antiquis Dioscoridis exemplaribus legitur. Quin hæc quæ à falsario quodam, interposita sunt de saxifragia, ita deprauatè & corruptè Græcè traduntur, vt qui hæc interiecta & non legitima non potest agnoscere, nesciat planè quid distent era Lupinis. Plinius vocat Adiantum saxifragum, quòd calculos comminuat, libro xxxij, capite 21.

### DE LIMONIO.

Græcè, λειμώνιον: Latine, limonium, beta sylvestris:



*Limonium.*

Hispanicè, aselga montesina: Gallicè, bette, ou reparee de pré: Ger.

Vvald mangolt,

Enarratio xviii.

**V**T testatur Plinius, lib. xx. cap. viij. limonium beta est sylvestris, quàmquam Galenus, lib. ij. de Facult. alimen. nullam reperiri betam sylvestrem dicat, Reuera tamen, Limonium hodie variis in locis reperitur, folio paruo betam referente, caule cubitali, & maiori, subtili, simili corneolæ, siue luteæ dictæ herbæ; Sed semine omnino

omnino onusto, cui radix alba raphani similitudine inest. Cæterum, non sunt audiendi medici illi, qui contendunt Limonium apud Paulum Aeginetam, fructum vulgo limonem dictum, esse, inest enim limonij herbæ dictæ semini vel fructui dicto, austeritas quædam, ob quam limonem fructum esse falso opinati sunt: Vnde Galenus libr. vij. de Facul. simpl. medic. ita quoq; dixit: Eius fructum, vt pote acerbum, ex vino exhibent cœliacis, dysentericis, & hæmoptoicis, iuuat & profluuium muliebri: Satis est oxybaphi mensura.

## DE LAGOPŌ.

Græcè, λαγόπυς: Latinè, lagopus.

Enarratio xix.



Lagopus.

Am succinctè ac breuiter de Lagopo loquutus est Dioscorides, vt quæ illa sit herba, difficile sit diuinare, vt tamen coniecturis assequi potuimus, lagopū, herbam illam, quam trinitatis appellant, esse, credendum est. Quæ ideo trinitatis herba dicitur, quia folia sua maculata, in tres partes diuisa, & longis pediculis à radicibus ortis, adalligata habeat, in cuius cubitali cauliculo, ineunte vere, cæruleus quidam flos peruincæ similis nascitur: nam radix huic multiplex est, subtilis & in nigrum rubricans.

Cæterum hæc herba trinitatis, pes leporis dicitur, quia eius folium in tres partes diuisum pedem leporis animalis referat: Quæ aluum reprimat, vulnera consolidat, ac intestinali rupturæ prodest, præcipue si eius pulueris drachma in vino austero & styptico bibatur.

- Brunphel-  
sius errat.* Quæ omnia, lagopo ex directo conuenire, certū est. Cæte-  
rum hanc Trinitatis herbam, Otho Brunphelsius, extra  
omnem animaduersionis modum, inter hepaticas repo-  
suit, qua ratione illi in hac re nulla præstanda est fides.
- Mathæus  
Syluaticus  
errat.* Item non minori errore comprehensus videtur Matthæus  
Syluaticus, quum lagopum, caryophyllatam esse dixerit:  
quia lagopus in hortorum arcis nascitur: caryophyllata  
verò, in montibus longe à sepibus & viis, quā multi quo-  
que, sanam mundam, alij herbam benedictam appellant.
- Caryophyl-  
lata.* Dicitur verò caryophyllata, siue gariophyllata quia eius  
radix odorem caryophylli expiret: Quæ, vt meæ fert opi-  
nio à Plinio, Geū lib. xxvj. cap. 7. appellatur, Datur enim  
iis qui ex alto cadunt: Huius radix in puluerem redacta,  
per se vel consolidæ adiuncta, ac in vino pota, certo iuuu-  
mento, stomachum quoq; roborat, ac fluxum omnem re-  
stringit, & solo odore spiritū recreat, calida enim & sicca  
est, vt eius attestatur sapor & odor. Porro de lagopo, ita  
breuissimè tradidit Galen. lib. vij. de Facult. simpl. medic.  
Facultatis est desiccantis, adeo vt fluxus alui probè exic-  
cet. Verum meminisse decet, esse alteram herbam trinita-  
tis dictam, inter coronarias cōnumeratam, quam trinita-  
tis appellant, quia in eius flore, trinus reperitur color.
- Alterā her-  
ba trinita-  
tis.*

## CONSTANTINVS.

**L**agopus planta ignota est, quia à nemine descripta. Caryo-  
phyllata etiam quo nomine dicta sit ab antiquis, incomper-  
tum est. Mathioli suspensionem de Geo apud Plinium, in affirmatio-  
nem arripuit Lusitanus. Illa verò planta etiam herba trinitatis  
dicta, à doctis hominibus creditur phlox, siue phlogion apud Theo-  
phrastum lib. vj. de historia plantarū & Plinium lib. xxj. cap. 10.  
nos vocamus menue pensee: Alteram herbam trinitatis pied D'a-  
lexandre, ou D'alouecte, quæ Lagopus Lusitano, Mathiolo absque  
nomine cap. de trifolio.

## DE MEDIO.

Græcè, μέδιον: Latine, medion.

## Enarratio x x.

**D**ifficile admodum est, medium herbam hodie digno-  
scere, quum in Media nasci tantum credatur regione,  
ac id magis, quia quibus ornetur foliis non cōstet. In qui-  
busdam enim exemplaribus, legimus, medium folia seri-  
dis

dis habere, in aliis vero iridis : vtcunque tamen , ne ordinem peruertamus, de eo Galenus, lib. 7. de Facultat. simpl. medicamen. ita tradit : Radix quidem eius austera est, omnesque fluxiones cohibet, At semen tantum abest, vt id moliat, vt etiam menses cieat, nimirum tenuium partium quum sit, & facultate incidendi præditum.

## DE EPIMEDIO.

Græcè, ἐπιμήδιον : Latine, epimedium.

## Enarratio XXI.

**Q**uæ hæc sit herba, mihi albo coruo rarior est, iis tamen quæ Dioscorides de ea tradidit, subscripsit Plinius, lib. xxvij. cap. 9. & vt de illius viribus tradit Galenus, lib. vj. refrigerat moderate, cum aquea humiditate, vberibus illitum, surrecta ea seruare potest, aiunt verò, si potu hauriatur, sterilitatem parere.

## DE XIPHIO.



*Xiphion.*

Græcè, ξίφιον : Latine, Xiphium, gladiolus : Hispani. gladiolo de entre los panes : Italicè, monacuccie : Galli. glais ou, glaieul : Arabicè, Kasiflon : Germanicè, Schvuertel.

## Enarratio XXII.

**N**ascitur Gladiolus inter segetes vbiq; folio iridis, sed breuiori, angustiori, venoso, & cultri modo in mucronem desinente, vnde nomé traxisse videtur. Caulem verò ex se cubitalem mittit, in quo purpurei flores, ordine bene dispo-

siti videntur, qui & si iridis figura simulentur, breuiores

Plinij xi-  
phium.

tamen sunt, nam radices huic rotundæ duæ sunt, testiculorum canis, dictis radicibus admodum similes, quarum vna alteri subsidet. Plinius verò libro xxv. cap. ii. per Xiphium, aquaticum gladiolum intelligere videtur, quia Xiphium, aquæ accolam dixit, quum tamen Dioscorides, in aruis nasci tradat, de aquatica verò illa gladiolo, capite de acoro sermonem habuimus: sed multo ampliorem capite suo proprio de Xyride: At de Xiphio ita meminit Galenus lib. viij. de Facultat. simplic. medicamentorum. Xiphij radix maxime altera quæ superior est, attrahit, digerit, desiccaturque.

## DE SPARGANIO,

SIVE XIPHIDIO.

Græcè, *σπαργάνιον*: Latinè, *Sparganium*: Gallicè, *pillette*: Arabicè *sasarhe ramon*.

### Enarratio x x i i i.

Sparganium spatula fetida.

Sparganion, siue Xiphidion, officinarum spatula foetida est, quum inter se maxime cōueniant, vnde Mathiolum Seuensem hic errare certū est, quia sparganium non esse spatulam foetidam contendit, & eo magis, quia in spatula foetida pilulas non comperiri in quibus semen claudatur dicat, quod falsissimū esse, qui spatulae foetidae medicamentum notitiam habent: norunt, proinde sparganium spatulam foetidam esse certum est, cuius succus hodie vnguentis, contra scabiem & psoram miscetur, & merito, quia, vt inquit Galenus lib. viij. de Facult. simplic. medic. Sparganium desiccantis est facultatis.

### CONSTANTINVS.

Sparganion & Xyridem puto Lusitanū ne per somnium quidem vidisse, nihil enim certius his qui vtramq; plantā cognoscunt, quàm spatulā fetidam esse Dioscoridis Xyridem: nō autem sparganion. Ego quidem qui millies vtramq; plantam vidi in Anglia, & multis alijs locis, saepeq; contuli cum Dioscoridis descriptione, doctissimo Mathiolo hoc in loco nō inuitē subscribo, à quo quidem non desiscit Lusitanus, nisi vt aliquis esse videatur.

### DE XYRIDE.

Græcè, *ξυρίς*: Latinè, *Xyris*: Hispanicè, *lirio spada-nal*: Gallicè, *coffine*, ou *glaienl sauvage*: Arabicè,

bicè, Casoras: officinis, spatula foetida: Germanicè,  
Vuandtleufz.

## Enarratio XXIII.



Xyris.

## DE ANCHUSA.

Gracè, ἀρχουσα: Latinè, Anchusa: Hispanicè,  
soagem: Italicè, Anchusa: Gallicè, Orchanette,  
ou Anchuse: Germanicè, Rot ochsen zung.

## DE SECUNDA ANCHUSA.

## DE TERTIA ANCHUSA.

## Enarratio XXV. XXVI. XXVII.

**A**Nchusæ omnes tres species norunt mulieres, quia  
Aearum succo radicum rubro, suas fucant genas.  
Ornantur enim per vniuersum caulem, flore purpureo ad  
albedinem inclinante, buglossæ persimili: De quibus Ga-  
lenus lib. vj. de Facul. simpl. medic. agit, & illis lycosim  
adnumerat, dicens: Anchusæ quatuor sunt species, Ono-

elea, quam vocant, radicem habet admodum refrigerantem, desiccantem, astringentem, & subamaram, corporibus condensandis & modice extenuandis idoneam, tum abstergendis quoq; & abluendis biliosis & falsis succis: quare aurigini & lienosis est utilis. Præterea cum polenta illita, iuuat erysipelata, & abstergit non modo epota, sed etiam admota extrinsecus. Proinde aceto macerata, vitiligines & lepras sanat: At folia ipsius herbae imbecilliora radice sunt, non tamen à resiccatione & astrictione aliena: itaq; profluuium sanant cum vino pota. Lycopos nominata refrigerans etiam & sicca, similiter erysipelatis congruit, verumtamen radicem quàm onoclea magis astringentem sortitur. Onochilo cognominatæ vis & calidior & medicamentosior inest: quare eos qui à viperis morfi sunt, admodum iuuat, tum illita, tum suspensa, tum esca. Reliqua vero quæ quarta est, & parua, cæteris est calidior, amarior & medicatior: ac proinde ad latos lumbricos idonea, oxybaphi mensura cum nasturtio & hyssopo epota.

### DE LYCOPSIDE.

Græcè, λυκοψις: Latinè, *Lycopsis*, & *Anchusa altera*  
*species*: Germanicè, *Scharpflochsen zung.*

#### Enarratio xxviii.

**G**alenus quum de anchusa egit, de lycopside quoque tanquam anchusæ altera specie, sermonem habuit, vt ex præcedente enarratione facile comprehendi potest. Ruellius tamen, aliorum iudicio, lycopsim eam esse herbam contendit, quam vulgares Italiae pharmacopolaæ cynoglossam appellant: Sed reuera falso, quia inter se maxime differunt, vt conferenti notum erit. Iis adde, quod Plinius noscens lycopsim herbam differentem à dicta cynoglossa, lib. xxvij. cap. ii. seorsum de ea agit dicens: *Lycopsis longioribus, quàm lactuca est foliis crassioribusq; caule longo, hirsutis, adnatis multis cubitalibus, flore paruo, purpureo: nascitur in campestribus, illinitur cum farina hordeacea, igni sacro, sudorem in febribus mouet, succo aquæ calidæ admixto.* De prædicta vero cynoglossa, lib. xxv. cap. 8. sermonem habuit, quum dicat: *Inungitur & cynoglossos, caninas imitans linguas, topiaris*

Ruellius  
 errat.



operibus gratissima, aiuntq; , quæ tres thyrsos feminis emittat, eius radicè potam ex aquâ ad tertianas prodesse, quæ quatuor, ad quartanas: Est alia similis ei, & quæ ferat lappas minutas: eius radix pota ex aqua, ranis & serpentibus aduersatur: vt liquido constet, lycosim alteram herbam à prædicta cynoglossâ esse.

## DE ECHIO.

Græcè, ἔχιον: Latinè, Echion, Alcibiadion, Alcibiacum: Hispanicè, Yerna de la biuora: Lusitanicè; Chupamel: Italicè, la buglossa saluatica: Gallicè, Buglose sauuage ou herbe à bouc: Germanicè, Ochsen zung.



Echium domesticum.



Syluestre.

## Enarratio xxxix.

**E**chis Græcis, Vipera Latinis est, quæ ideo Echis herba dicitur, quia semen, capiti viperæ simile habet, multis satis nota, folio oblongo, stricto, aspero, buglossa vulgari

Plinius et-  
rat.

vulgaris simili, qua de causa multi syluestrem buglossum appellant: imò Ortho Brunphelsius, pro syluestri buglossa, graphice eam depingit, quæ purpurascens flores, ad ruborem tendentes, à medio caulis, versus partem superiorem habet, in quibus dulcedinem quandam pueri in Hispania sugentes, percipiunt, vnde nomen herbæ imposuerunt, quale in lemmate fiximus: Nam semen paruum est, nigrum viperino capiti persimile, quod veluti & radix nigricans, digitalis crassitudinis, viperarum moribus, in potu succurrit. Hanc vero Galenus siluit, libro suorum Simplicium, quanquam Paulus ad Dioscoridis intentionem, de ea mentionem fecerit. Verum, Echion eadem est herba cum Alcibiadio, vt ex Dioscoride percipitur, quâquam Plinium hoc ignorasse satis claret, vt eius indicant verba, quæ ita lib. xxvij. cap. 5. habent: Alcibion qualis esset herba apud authores non reperi. Sed radicem eius & folia trita ad serpentis morsus imponi & bibi iubent. Hactenus Plinius. Ex cuius verbis satis percipitur, quòd quia alcibium esset ignorasset, imò quòd Echion non esset alcibion, ex libro vigesimo quinto, cap. ix. euidentissime comprehenditur, quum de Echio ita dicat: Echios vtriusq; generis pulegio similis, foliis coronata, drachmis duabus ex vini cyathis quatuor datur: item altera lanugine distinguitur spinosa, cui & capitula viperæ similia sunt, hæc ex vino & aceto.

#### CONSTANTINVS.

**M**emoria in homine permulta complectitur, non tamen omnia: & finita cum sit, rerum infinitatem non assequitur. quo fit vt minime mirum sit, Plinium quem ex scriptis constat tenacissimæ memoriæ fuisse, hoc in loco obliuiosum videri, nec quidem iniuriæ: siquidē testatum, se Alcibion qualis esset herba, apud authores non comperisse. Et tamen præter Dioscoridē, apud quem legendum Alcibion non Alcibiadion: etiam apud Nicandrum in the-riacis, luculentum hoc extat testimonium de alcibio.

Εὐδαίω δ' ἀλκιβίς ἐχί & περιφράσει βέλαι.

Τὸς ἡγεῖ ἀλκιβίος ἐχί & μὲν ἀεὶ περιφρασεύεται.

Lege apud ipsum authorem reliquos septem versus. herba inquit, ipsius Nicandri interpres Diphilus, vocatur Alcibios & echis: Alcibios quidem à repertore: Echis autem ab efficacia aduersus viperas, historiaq; authorem aduocat Demetrium. Nicander alibi

vocat ἐχέσον cuius duo genera facit. locus etiam in Theriacis, quo loco versus incipit:

Εὐθα δὲ τὸ ἐχέσον πικράνεο.

Plinio autem prior reficuit memoriam, illi aurem velle Senensis Mathiolus. quod silendum non est, vel hac potissimum causa, ut imponam plagiaro pudorem, iuxta Martialem.

## DE OCYMASTRO.

Græcè, ὠκυμοειδές; Latine, ocymoides, philiterium, ocymastrum, ocymum sylvestre, basilicum sylvestre: Hispanicè, albahagua montesina, alfabega sylvestre: Italicè, basilico salvatico: Gallicè, basilic sauvage: Germanicè, Vvild basilig.

Enarratio xxx.

**N**ascitur Ocymastrum, basilicum dictum sylvestre, in segetibus plerunq; , folio ocymi, ramulis quadratis, hirsutis, & illis quidem dodrantalibus, in quibus flores albi (silente Dioscoride) nascuntur, quibus decidentibus, siliquæ dentatæ, hioscyamo persimiles, semine quodam nigro melanthio æquali plenæ conspiciuntur. Quibus labiis admotis, pueri non tam Italiæ quàm totius Hispaniæ sibilum edunt, & de eo Galenus ultimo capite libri octavi, de Facul. simpl. medic. ita dixit: Semen ocymoidis, tenuium est partium, & citra morsum, facultatis desiccatoriar.

## DE ERINO, SIVE ECHINO,

Græcè, ἐρινός: Lat. erimon, echinos, ocymū aquaticum, basilicū aquaticū: Hisp. alfahagua, de lhagoa: Ital. basilico aquatico: Gal. basilic aquatique: Ger. Vuafser basilig. Enarratio xxxi.

**Q**ui ex isto capite expungere contendunt, hæc verba, lacteo liquore abundat caulis & folia erini, omnino nunquam herbam istam se vidisse indicant, quæ proculdubio in aquastrinis nascitur locis, plena non nisi liquoris lactei, & de eâ Plinius lib. xxiiij, cap. 7. ad istum modum dixit: Herba quoq; quam Græci erinon vocant, reddenda in hoc loco propter gentilitatē, palmo alta est, cauliculis quinis fere ocymi similitudine, flos candidus, semen nigrum.

Macomia  
adverbum  
ex Mathio  
lo.

grum, paruum, tritum, cum melle Attico oculorum epi-  
 phoris medetur, vt cū duabus drachmis cum cyathis At-  
 ticis quatuor, manat lacte multo & dulci, herba perquam  
 utilis aurium dolori nitri exiguo addito, folia resistunt  
 venenis. Hęc enim vltima verba Dioscorides siluit, quum  
 tamen Nicander, in sua theriaces cōpositione herbā hanc,  
 vt pote contra venena valentem miscuerit. Verum Gale-  
 nus hanc non erion, sed potius echinon appellat, nec mi-  
 rum, quia in multis Dioscoridis exemplaribus, sic in  
 lemmate, de echino legitur, de qua ille sexto de Facultat.  
 simplic. medic. tradit: echini herbæ fructus, acerbus est,  
 ac proinde repellentis & exiccatoriæ facultatis, vtuntur  
 eo ad oculorum fluxiones, & aurium.

### DE GRAMINE.

Græcè, ἄργωσις: Latine, gramen: Hispanicè, grama  
 gramenha: Italicè, gramigna: Gallicè, dent de  
 chien: Arabicè, negen: Germanicè, Grafs.

### DE CALAMAGROSTI.

Græcè, καλαμάργωσις: Latine, harundinaceū gramen.



Graminis 1. genus.



Graminis 2. genus.

## DE GRAMINE PARNASSI.

Græcè, ἄρρωγίς ἢ παρνασσῶ: Latine, *gramen Parnassi*.

Enarratio xxxii. xxxiii. xxxiiii.



*Graminis aliud genus.*

in veno siccata, tunditur aspersa aqua, Succum quoq; eius in Parnasso excipi tradunt, propter vbertatem, dulcis enim hic est. In vicem eius in reliqua parte terrarum succedit decoctum, ad vulnera conglutinanda, quod & ipsa herba tusa præstat, tueturq;, & ab inflammationibus placat. Decocto adiicitur vinum ac mel, ab aliquibus & thuris & piperis myrrhæq; tertiæ portiones: rursusq; coquitur in aereo vase ad dentium dolores & epiphoras, Radix decocta in vino torminibus medetur: & urinæ difficultatibus, vlceribus vesicæ, calculos frangit, semen vehementius urinam impellit, aluum, vomitionesq; sistit, priuatim autem draconum morsibus auxiliatur, & subdit; Quod à graminum genere septem internodia habet, efficacissime capiti contra dolores adalligatur, Quidam propter

**A**pprimè dubio procul de gramine Plinius differit, cuius præter istas à Dioscoride citatas species, alias tres aculeati lib. xxiii, cap. xix. ad istum modum describit: Gramen ipsum est inter herbas vulgatissimum, geniculatis serpit internodiis, crebroq; ab iis & ex cacumine nouas radices spargit, folia eius in reliquo orbe in exilitate fastigiantur. In Parnasso tantum hederacea specie densius quam vsquam fruticante, flore odorato, candidoq; iumentis herba non aliagrator, siue viridis siue

*Gramen.*

*Aculeatū  
gramē tri-  
um gene-  
rum.*

*Ruellius  
errat.*

*Leonice-  
bus errat.*

*Brunphel-  
sius errat.*

*Panis ex  
focob ligni.*

propter vesicæ cruciatus decoctum ex vino gramen ad dimidias è balneis bibi iubent. Sunt qui & aculeatum gramen vocant trium generum, cum in cacumine aculei sunt plurimum quini, dactylon vocant, hos conuolutos naribus inserunt, extrahuntq; sanguinis ciendi gratia. Altero quod est aizoo simile, ad paronychia & pterygia vnguim, & cum caro vnguibus excreuerit vtuntur cum axungia, ideo dactylon appellantes, quia digitis medeatur. Tertium genus dactyli, sed tenuius nascitur in parietibus aut tegulis: huic caustica vis est, sistit vlcera quæ serpunt. Gramen capiti circūdatum sanguinis è naribus fluxiones sistit. Camelos autem necare traditur in Babylo-nis regione id quod iuxta vias nascitur. Haftenus Plinius. Nos vero graminis primam speciem communissimam, ac vbiq; vulgarem esse nouimus, & qua iumenta optima pabulantur, & ex ea aquam per campanam in officinis paratam pharmacopolæ habēt, quia angustiis vrinæ prodest, & lapillos frangit: frigida enim aqua ista est, veluti alkakengi, in summo pretio habenda, quum perpauca sint medicinæ natura frigida, calculos frangentes, & vrinam elicientes. Cæterum perperam dixerunt, Leonice-nus & Ruellius, quòd gramen aculeatum in quinq; diuisum penulas, & quo pueri è naribus sanguinè prorritant, coronopus est, quum vt diximus, coronopus, herba cornu cerui, vel stella maris, appellatur. Nam de aculeato illo gramine, abunde Plinius citato loco meminit. Non mi-nori quoq; errore, olim à me cõprehensus est Otho Brun-phelsius, quum in suis Tomis, gramen polygonion esse putauerit. Harundinaceum verò granum vulgatissimum quoq; est, nascitur autem ad ripas fluuiorum, præcipue Eridani, Padi dicti, qui Ferrariam præterlabitur. Dulce autem hoc gramen est, & iumentis gratum, ex quo in fa-rinam redacto, panes deficientibus frugibus parari pos-sunt, & multo meliores illis, quibus Brasiliij homines ali-solent, non nisi ex puluere cuiusdam arboris apparatus, ac pistis, ad quam regionem vtpote nobis nouam, quum Lu-sitani nostri, longa nauigatione fracti, appulissent, defi-ciente pane, ac omni genere cibariorum, coacti sunt fa-rinam illius arboris, pro panē, more incolarum in victu gustare, sed non sine eorum magna iactura, quum ex multis

multis perpauca euaserint, & in patriam reuersi sunt. Gramen uero Babylonicum, aut Parnassi, a me hucusq; Gramen  
uisum non est. De uiribus tamen graminis ita meminit Babiloni-  
Galenus lib. vj. de Facult. simplic. medic. Graminis radix, cum.  
modice frigida est & sicca, mordacitatem quandam exi-  
guam, & partium tenuitatem obtinens: At herba ipsa  
primo quidem recessu refrigerat, in humiditate uero &  
siccitate existens quam moderata, & subdit: Graminis  
esculenti radix, modice frigida & sicca est, proindeque  
cruenta ulcera glutinat: ipsa autem herba illita non uehe-  
menter refrigerat, in medio constituta humiditatis & sic-  
ciratis. Radici porro mordacitas & tenuitas quaedam exi-  
gua inest, qua nimirum lapides frangit, si quis eam deco-  
ctam bibat: At semen alterius quidem, imbecillum est,  
eius uero quae in Parnasso nascitur, yrinam ciet, ac fluxus  
uentris & stomachi reficcat, vis enim eius est exiccatoria,  
tenuium partium, & subacerba.

## DE SIDERITIDE.

Græcè, οιδυγίτις: Latine, sideritis: Arabicè, sidrichis:  
Officin. tetrahit: & herba iudaica.

Enarratio x x x v.

CONSPICITUR sideritis hæc in nonnullis vallibus, folio  
aspero, saluæ magnitudine, tanquam marrubij al-  
bicante, & per circuitum tanquam quercus dentato, quod  
fricatum, ex se odorem, qualem ex citoniis optime ma-  
turi oriri uidemus, emittit, quem Dioscorides sub in-  
telligit, quum dicat, gustu non inuicundo cum adtri-  
ctione aliqua. Hæc uero Fuchsius in suo Herbario, nouisse  
uidetur, quanquam Mathiolus oppositum contendat: sed  
reuera Mathiolus eam nunquam uidit, quia si eam cogno-  
uisset, illius odorem suauissimum nunquam prætermi-  
sisset. Porro Ruellius hanc Iudaicam herbam appellari  
contendit, quum tamen Iudaica herba apud Auicennam,  
erui herba sit. Est tamen, altera quoq; herba Iudaica siue  
Pagana dicta, cuius caulis bicubitalis & maior est, colo-  
re lubrufus, lucidus, & tersus, in quo folia oliuæ per  
circuitum minutim ferrata apparent, Nam flores quoq;  
in herba ista, facile euanescentes, sed aurei coloris sunt,  
qq vnde

Fuchsius.  
Mathiol.  
Inconfe-  
quentia.

*Aurea vir  
ga herba.*



*Sideritis.*

vnde Aurea virga dicta quoq; est, qua chirurgici, & empirici cruenta vulnera glutinant, & fluxus compefcunt. At de fiderite ita tradit Galenus libro octauo de Facultatibus simplicium medicamentorum, Sideritis nonnihil abstergit, sed plurima pars eiu est humida & mediocriter frigida, cum exigua astrictione, qua phlegmonem sedat & glutinat. Sideritis autem Achillea, dictam superans astrictione, sanguinis eruptioni, dysenteria, & muliebri profluio est aptissima.

## DE SIDERITIDE SECUNDA.

Enarratio xxxvi. xxxvii.

**S**ideritim secundam hucusq; nunquam vidi, tertiam vero Heracleam dictam, sub predicto obseruavi nomine, & ea mulieres, pro cruentis glutinandis vulneribus utebantur.

## DE ACHILLEA.

*Græcè, ἀχιλλεύς: Latinè, Achillea, Gallicè, herbe au charpentier, ou reucille pasteur, Arabicè, Demalochotten: Germanicè, Vuild garben.*

Enarratio xxxviii.

**H**Acc merito sideritis quarta species appellari meretur, quæ mille folium officinarum non est, quia mille folium stratotes altera est, vt suo loco huius libri dicemus: Nec vero Achillea, vulgaris, & hortis familiarissima



*Achillea.*

rissima est herba : quia hæc Dioscoridis Achillea tenui & minuto ornatur folio, adeo vt Ruellius eam vulgatum millefolium esse dixerit : vulgaris vero Achillea, herba bicubitalis est, hodie pro hortorū ornamento habita, folio rotundo, diuiso, flore verò vario, aliquando albo, aliquando purpureo, nonnunquam vero subnigro, quæ quoque pro agglutinandis vulneribus, ac constringendis membris dissolutis vsurpatur. Est igitur Achillea hæc Dioscoridis, herba pratis vulgarissima, & quæ à vulgari

mille folio parum abest. Hallucinatur certe Serapio, qui ex Constantini autoritate credidit, sanguinem draconis liquorem huius herbæ succum esse, quum revera Sanguis Draconis, proceræ arboris, apud insulas Maderiæ, & Canarias, olim Fortunatas dictas, crescentis liquor sit, quam arborem Hispani nostri Draconariam, vel Draconem appellant, & illius rubrum liquorem, sanguinem, vnde sanguis Draconis liquor iste dictus est. Quod ignorans Plinius, veri draconis animalis sanguinem esse credidit, vt quinto libro, capite de cinabari, diuinis fauentibus gratiis, vberius dicemus. Cæterum, quum de Achillea agebamus, ad nos herba quædã aduecta est, caput Aquilæ dicta, caulis subtilis, quadrati, dodrantalis altitudinis, in quo folia stricta, oblonga, hyslopi modo sunt, quibus à latere alia duo folia à caule orta hæret, in summitate vero caulis flores stechadis modo plures sunt, in quorum infima parte alij flores nascuntur, cum albedine rubricantes, per medium diuisi, vt vnusquisq; illorum flos, serpentis caput referre videatur, vel potius Achillis caput, vnde

*Serapio*  
*Hallucina*  
*tur.*  
*Sanguis*  
*draconis*  
*quid.*

*Caput*  
*aquilæ her*  
*ba.*

nomen traxisse videtur. Hæc autem astrictoria herba est, & vt sapore percipitur, frigida temperatura.

## DE R V B O.

Græcè, Βάρϙ : Latine, rubus, sentis : Arabicè, bu-  
leieh : Italicè, rouo : Hispanicè, carza : Gallicè,  
ronce : Germ. Brombeer, bramen.

## Enarratio xxxix.

Rubus  
mora.



Rubus.

**R**ubus mora ferens, in omnibus fere se-  
pibus videtur, & ex il-  
lius moris diamoron pa-  
rari debet. Curent tamè  
pharmacopolæ ea imma-  
tura, veluti ipsius rubi  
flores, in officinis ser-  
uare: fluxus enim con-  
stringunt, & decoctio-  
nes omnes constringen-  
tes ornant. Vnde Galen.  
hæc noscens, de rubo ita  
lib. vj. de Facul. simplic.  
inquit: Rubi folia, ger-  
mina, flos, fructus, &  
radix, qualitate astrin-  
gente neq; obscura par-  
ticipant. Sed folia ger-  
minaq; recens nata plu-  
rimum in se habent sub-

stantiæ aqueæ, parùm vero astrictiõnis, quare vulnera  
glutinant: At fructus maturus, non parùm habet succi  
calidi temperati, quæ existit dulcis, ob idq; & ob modi-  
cam astrictiõnem non est insuavis gustui: At immaturus  
acerbus est & validè exiccatorius, ac sane vterq; recondi-  
tur, validius quàm recens desiccans, flos eandem vim  
fructui immaturo possidet. Vtraq; ad dysenterias, ventris  
profluuium, robur deperditum, sanguinisq; expuitionem  
sunt idonea remedia. Radix præter astrictiõnem, non  
paucam

paucam habet substantiam in sese tenuem, per quam & lapides renum comminuit.

## DE RVBO IDAEO.

*Græcè, Βάρθ & ἰδαία: Latine, Rubus Ideus.*

Enarratio XL.

**D**icitur Rubus Idæus, quod in Ida mōte multus nascatur; qui à prædicto differt, quia spinis careat, & eius mora rubra plerunq; sunt, quandoq; verò alba & odorata, nonnunquam autem nigra, quæ paucioribus granis constant, gustui perquam grata, vt ea ad ripas Padi viginti-quinq; milliâribus à Ferraria gustauimus, præsertim, cum Ariostum virum doctissimum & grauissimum, ac Herculis illustrissimi ducis Ferrariæ negotiatorè, Milliarij oppido à morbo liberauimus. Sunt præterea fragra fructus, moris simillima, sed rubra, quæ in herba trifoliò magno humi serpente nascuntur, de quibus Virgilius ita cecinit.

*Qui legitis flores, & humi nascentia fragra.*

Quæ Seruius eo loco, ob prædicta, terrestria mora appellat, & ea Hispani iuxta ac Lusitani, murangaos, vel muranganos vocant. Galli autem des frayfes. Gustui autem grata sunt fragra, quæ apud Germanos inferiores, vino & saccharo mixta, in continuo victus vsu sunt, veluti quoq; apud Anglos, & alias nationes, stomachum enim refrigerant, & deiectam appetentiam incitant.

### CONSTANTINVS.

**R**ubus Ideus appellatus est, quoniam in Ida non aliàs nascitur vt testis Plin. lib. xxiiij. cap. 14. non potest igitur esse ea planta, quam vocamus framboesier, & Itali vt inquit Mathiolus Ampomole. Lusitani igitur palato fides abroganda, etiam radibus datis. gustatus saporis discernit: Sed quæstio de plantarum conuenientia, & cui conueniat descriptio.

## DE HELXINE.

*Græcè, ἑλξίνη: Latine, helxine, parthenium, parietaria, urceolaris, perditium: Hispanicè, Italicè, parietaria, vitreola: Gallicè, paritoire: Germanicè, Tag vnd nacht.*

## Enarratio XLI.

Vrceolaris  
herba.



*Helxine.*

ratione: quum omnis dolor attrahit & sua attractione inflammationem plerunq; minatur, quod opus parietaria sua stypticitate, maxime materiã propulsando, ac locum roborando inhibet. Vnde Galenus de ea ita prudenter lib. vj. de Facul. simpl. medic. inquit: Helxine, quam parthenium vocant, abitergit, constringitq; cum humiditate subfrigida, vnde phlegmonas incipientes vsque ad augmentum sanat, maxime si calidæ fuerint, incipientibus etiam phygetlis cataplasmatibus ritu illinitur, ad auriumque dolores phlegmonosos succus eius instillatus, sicuti ad paristhmia Gargarizatus conducit.

DE HELXINE CYS-  
SAMPELO.

Græcè, ἑλξίνη κυσσάμπελος: Latine, *helxine cysampelos*, *conuoluulus*: Arabicè, *acsin*: Hispanicè, *cãpanela*: Italicè, *vilucchio*: Gallicè, *lizet*, ou *campanette*:

Communis herba Helxine est, muralis, siue parietaria dicta, quod muris & parietibus adnascatur, & hæreat, quã Auicenna quoq; herbam vitri appellat, ob viriditatem forsan quandam, qua veluti vitrum splendescere videtur, vel potius, quia ea vitrea vasa lauantur. Qua de causa Scribonius Largus eã vrceolarem, quod tergendis vrceis idonea sit, vocare non dubitauit. Hanc iam medici in initio dolorum, tam frigidorum quàm calidorum, tanquã præstantissimo remedio vtuntur: nec sane absque

*panette*: Germanicè, Mitelvuinden, vueingart  
vuinden.

Enarratio XLII.

**R** Epit herba hæc, & vitibus ac sepibus circumuoluitur, unde cyssampelos, id est hedera vitis appellatur: quæ dubio procul alia non est, quàm conuoluoli species quædam parua, flores albos, campanarū modo in æstate ferens, quàm quoq; paruam volubilem appellamus, & de ea Plinius lib. xxj. cap. v. sermonem fecit, sub conuoluoli nomine dicens: Est flos non dissimilis illi in herba, quam conuoluolum vocant, nascens per frutera, nullo odore, nec crocîs intus, candorem tantum referens, ac veluti rudimentum naturæ lilia facere condiscens. Hanc quoq; Seruius Grammaticus, non sine errore ligustrum appellauit: de qua breuissimè Galenus lib. vj. de de Facultat. simplicium medicamentorum, ita tradit: Helxine altera cyssampelos dicta, digerendi obtinet facultatem.

DE ELATINE.

Græcè, ἐλάτιν: Latinè, elatine: Arabicè, athlin:  
Germanicè, Erd vuinden.

Enarratio XLIII.

**N** Isi elatine altera syssampelos species sit: quæ illa sit herba ignoratur. Ruellius porro in Gallia reperiri, & rapistrum campestre vocari tradit, quam rustici inter oxypora quoq; miscent, & ea vescuntur, de qua Galenus lib. vj. de Facul. simpli. medic. ita succinctè dixit: Elatine modice tum refrigerat, tum astringit. Elatine.

DE EVPATORIO.

Græcè, ὑπατωειορ: Latinè, eupatorium: Officin. agrimonium, agrimonia: Arabicè, Casat: Hispanicè, agramonia: Italicè, agrimonia: Gallicè, aigremoine: Germ. Odermenig, Bruchvurtz.

Enarratio XLIII.

**D** Iximus ab hinc multos annos, Græcorum eupatorium, Officinarum agrimoniū esse: id quod ita esse, hodie quoq; confirmamus, quum reuera, inter se maxime

*Eupatorium* 1.*Eupatorium* 2.

respondeant. Proinde quum medicus Græcorum aliquam compositionem descripserit, in qua eupatorium ingredi necessum fuerit, pharmacopolâ admoneat decet, vt agrimoniam vulgarem, eupatori j loco iniiciat, quum reuera, officinarum agrimonia, Græcorum eupatorium sit. Describit porro Auicenna alterum eupatorium, foliis cannabinis, quo hucusq; omes pharmacopolæ pro vero eupatorio vti sunt. Nascitur autê herba hæc prope riuos aquarum, altitudine trium cubitorum, foliis, vt dixi, cannabis, subalbidis, hirsutis, gustu amaris, cui caulis subruber est, rotundus, solidus, multis alarum cauitatibus plenus, in summitate cuius flos in umbellæ modum ornatus, ex albo rufescens, cernitur, qui facile plumæ modo exhalat. Est proculdubio herba hæc omnino medicinalis, obstructions aperiens, & quæ materias crassas, ac viscidas incidit, & attenuat, quam Ruellius sed falso, apud Dioscoridem, hydropiper esse credidit, vt lib. ij. meminimus. Hanc igitur herbam pharmacopolæ, quum Auicennæ compositione

nes parauerint, in quibus eupatoriū ingreditur, accipere debent, non verò agrimoniam, aut eupatorium alterum. Vocant autem Hispani simul & Lusitani Auicennæ hoc Eupatorium, Guafete. Mesue quoq; alterum describit eupatorium, officinis quoq; familiare, cuius flores, auri modo in umbella lucent, quod, vt mea fert opinio, ageratum Dioscorides appellat, & eo pharmacopolæ Mesues compositiones ornare debent, in quibus eupatorium misceri debet. At de eupatorio præsentis agrimonio dicto, ita loquitur Galenus lib. vj. de Facultatibus simplicium medicamentorum. Eupatorium tenuium est partium, incidendiq; & extergendi vim citra manifestam caliditatem obrinet, quò circa obstructions iecoris aperit, inest ei quædam etiam astrictio, per quam robur visceri addit.

### CONSTANTINVS.

**E**upatoria, vt vocat Plinius lib. xxv. cap. 6. quæ quoq; regiam auctoritatem habet, non solum ἐπατόριον dicta est Græcè, sed etiam ἥπατόριον, καὶ ἥπατις, quasi dicas iecoraria, vel hepatica. quia, vt etiam testis est Alexander Aphro. probl. vlt. lib. j. iecur mirabiliter adiuuat. Eius apud authores triplex est diuersitas: Nam Eupatorium Græcorum, est nostra vulgaris aigre-moine. Eupatorium verò Auicennæ, quò antea utebantur medicina, quòd hydropiper esse Dioscoridis, cum Ruellio affirmavit Tagaultius: Canuaruolamq; in Italia vocari scripsit Bacchanel-lus. Tertium Mesuæ Eupatorium est, quòd Ageratum esse apud Dioscoridè contendit Mathiolus, & vulgò giuliam vocari: Fuch-sius verò gratia Dei, quæ gratiola est Mathiolo, falsò hyssopi mon-tani nomen sortita.

### DE PENTAPHYLLO.

Græcè, πεντάφυλλον: Latine, pentaphyllon, quinque folium: Hispanicè, cinco en rama: Italicè, cinque folio: Gallicè, quintefeuille: Germ. Fünffinger kraut, oder Fünffblatt.

### Enarratio XLV.

**N**ascitur aquosis locis, & secus aquarū canales, pentaphyllon hoc, folio mentæ, sed minori, & per ambitum serrato, in singulis enim pediculis, quinquefolia nascuntur, vnde & nomen illi: Quæ à tormentilla differt,

*Manardus  
ignorat.*



*Quinquefolium.*

eius desiccatur vehementer, nimirum in tertio ordine, citra mordicationem tamen, Minimum siquidem habet cum acrimoniae, tum conspicuae caliditatis. Verum, praeter quinquefolium dictum, in pratis eius duo altera genera videntur, omnibus ubiq; obuia.

## DE PHOENICE HERBA.

*Graecè, φολιξ: Latinè, phœnix, hordeum murinum:  
Hispanicè, alcacer del muro, auea del muro: Italicè,  
gioglio saluatico: Gallicè, yuraie sauuage: Germanicè,  
Taub korn, vnd meüß korn.*

### Enarratio XLVI.

*Phœnix  
herba.*

**T**Am similis lolio, phœnix herba est, vt vnam pro alia nisi quis instructus fuerit, facillime arripere poterit: Differentia tamen est quod phœnix foliola supra spicam non habet: lolium verò habet, vt capite de lolio diximus: item, phœnix supra muros, & domorum tecta nascitur,

quia pētaphyllon quinq; potissimū foliis constat, tormētilla verò septem: item pentaphyllum in aquosis nascitur locis: tormētilla verò in montibus siccis: Pentaphyllum quoq;, radice ornatur ruffa, helleboro nigro persimili. Tormētilla verò, vt capite de Symphyto diximus, multisimplicita nodis, vt eas inter se differre, certissimum sit, quod Manardus Ferrariensis vir alioquin doctissimus ignorauit, porro de pentaphyllo Galenus lib. viij. de Facultatibus simplic. medicamentorum sermonem habet, dicēs, Radix



nascitur, vnde murinū hordeum dictum est: lolium verò inter triticum potissimum crescit: Constringens enim medicamentum est, vt eius indicat sapor, & vt tradit Paulus libro septimo suæ medicinæ, in vino austero pota, omnes fluidos affectus sistit.

## CONSTANTINVS.


**Q**ua Phanix Dioscoridi, Phœnicea herba est, & murinum hordeum Plinio: quæ trita ex vino pota, præclarè ciet menses, libr. xxxij. cap. xxxv. similis penè est alia herba, quæ holcus dicitur, in siccis saxis nascens, hæc aristas habet, in cacumine tenues, culmo quale hordeum restibile, circa caput alligata, vel circa lacertum, educit è corpore aristas: atq; ob id Aristidam vocarunt. De ipsa Plinius libro xxxvij. cap. 10.

## DE IDÆA RADICE.

Græcè, ἰδῆα ῥίζα: Latinè, Idæa radix, Radix è monte Ida.

## Enarratio XLVII.

**N**ascitur Idæa radix Radix  
Idæa. in Ida monte, apud Cretenses, quam nullus mihi hæcenus mōstrare valuit, & de illius viribus ita vt solet tradit Galenus: Admodū gustu est acerba Idæa radix, quare sanguinis effusiones, lienterias & dysenterias, mensesq; fluentes suppressit, tū pota, tum etiam extrinsecus.



Radix Idæa.

## CONSTANTINVS.

**Q**ua Dioscoridi idæa radix, Plinio Idæa herba: cui folia quæ oxymyr sine: adherent his velut pampini, in quibus flos. Aluum mensesq; , & omnem abundantiam sanguinis sistit. spissandi cohibendiq; naturam habet. lib. xxxvij. cap. xj. At idæa, lau-

rus scilicet, Alexandrina est, eidem Plinio lib. xv. cap. 30. Et Dioscorid. libro iij. capite 147. radix verò siue rhiza apud Hippo-  
qua Dioscoridi Onosma.

## DE RHODIA RADICE.

Græcè, ῥοδία ῥίζα : Latine, radix Rhodia: Germanicè,  
Rosen vurtz.

## Enarratio XLVIII.

Rhodia rad-  
ix.



Rhodia radix.

**A**Dfertur hodie Rhodia radix è Germania, sic Rhodia dicta, quòd rosarum odorem præ se ferat. Porro in Macedonia eam nobiliorem nasci Græci testantur auctores: Sed in Italia eam quoq; non infeliciter nasci tradit Matthiolus Senensis, cui placuit subscribere, eo quòd huius radice ac plantæ exactè prosequitur historiã deliniationemve, quã hactenus à nemine descriptam comperio: & eo magis quia illam in horto suo, Goritiæ, satam habere testatur: cui fides ampla habenda est, quum doctus, & harum rerù diligentissimus scrutator sit, inquit igitur: Radix Rhodia ex se caules emittit rotundos, nonnihil concauos, ad summum cubitales, in quibus folia cernuntur oblonga: acuminata, tanquã portulacæ crassa, sed per ambitum minutim dentatata, in quarum caulium summitatibus, umbella quædam viridis est, similis illi quam in tithymallo nasci videmus: quæ quum ad supremũ maturitatis deuenit, & iam iam collapsura, rubra euadit. Cæterum radix ista inæqualis est, crassa, costo similis, quæ interdum viridis est, lenis & lucida in superficie apparet, intus verò alba: Sicca verò, leuis redditur, ac ex alba

rubra

rubra in interiori parte effecta est, exterius verò squam-  
mola, quæ masticata, vel pista, ex se rosarum odorè spirat,  
vnde Rhodiæ, vt dixi, nomè traxit. Viuax enim radix hæc  
est, adeo vt etiam longo tempore è terra eradicata perman-  
neat, modo locis non admodum siccis seruetur. Si postea  
terra obruatur ac plantetur, illico repullulare, & ex se  
germen mittere nõ dedignetur, tanta vtpote illi inhærens  
viuacitas. Nascitur autem montibus altissimis, siccis, la-  
pidosis, & locis quibus vix terra illam cooperire valet.  
Hæc enim Mathiolus lingua sua Ethrusca dixit, quæ nos  
in hanc vtcunq; reddimus, qui proculdubio in maximo  
deprehenditur errore, quum Rhodiæ radici temperatam  
tribuat naturã, ex Gal. authoritate, atq; ea de causa omni  
capitis dolori siue calido, siue frigido valere cõtendit, ob-  
litus forsan, vir alioqui doctus, verborum Galeni quæ pau-  
cis interpositis versibus descripsit, in quibus Galenus Rho-  
diam radicem, non temperatam describit, sed calidam in  
fine secūdi ordinis: aut initio tertij. Ita enim Galeni verba  
vt studiosi videant, habent, lib. viij. de Faculta. simpl. me-  
dicamen. Rhodia radix, ea videlicet quæ in Macedonia  
nascitur, tenuium partium, & digerentis est facultatis:  
In calfaciendo verò secundi ordinis censenda est, aut certe  
tertij incipientis. Hæc Galenus, Proinde Rhodiã radicem  
frigidis tantum doloribus capitis mederi, credendum est,

## CONSTANTINVS.

**I**Talicam linguam non satis caluisse mihi videtur Amatus Lus-  
itanus: Quod testatur hæc clausula, de radice apud Mathiolum:  
liscia & lucida di suori, quam ita conuertit: quæ interdum viridis  
est, & lenis & lucida apparet. quàm verò hoc non significant illius  
linguæ citata verba, vide ipsius Mathioli latinam versionem. In  
eo autem in quo Mathiolum carpit, ipsum ne putat Lusitanus  
adeo stupidum, aut obliuiosum in legendo, aut scribendo, vt cum  
continentem periodũ relegeret, aut scriberet, quid antecedens con-  
tineret continuò obliuisceretur? Sed profecto Lusitanus vel homo  
minimè acutus, vel ipsi Mathiolo insensus & iniquus, non ani-  
maduertit illius viri modestiam: qui in re comperta, nolit tamen  
apertè Galeno contradicere. Nec enim credo Mathiolo minus ex-  
quisitum palatum esse, quàm Galeno fuerit, vt ex gustatu, de sim-  
plicium facultatibus iudicet: præsertim cum vel ipsius amuli testi-  
monio, in ea re sit exercitatusissimus.

*Mathiolus  
errat.*

## DE HIP PURI.

Græcè, ἵππυρις: Latine, hippuris: Arabicè, dhenben alchail: Gallicè, queue de cheual, asprele, ou prele, Hispanicè, coda de mula, rabo de mula: Italicè, coda di canvalho, asprella: Germa. Schafft hevu, kanten kraut.

## Enarratio XLIX. I.

**V**Ttraque Hippuris cauda equi dicta, in aquis nascitur, & ubiq; familiaris est, Dicitur verò earum vna species asprella, quia ea plerunque mulieres stannea vasa expurgant, fricantue. Vnde Germani eam kanten kraut appellarunt, cōstringit enim hippuris bilosum vomitum, & maxime exsiccat, ac scabiæ, vesicæ malo intolerabili eam mederi, experientia diutina compertum est. De qua Galenus lib. vj. de Facultat. simplic. medicam. ita inquit: Astringentem cum amaritudine facultatem possidet, ac proinde valenter exiccantem, sed citra morsum, itaque vulnera etiam maxima glutinat, vel si perfectos esse nervos contigerit: præterea vocatas enterocelas glutinat, nec non sanguinis reiectiones, fluentes menses, dysenterias, cæterosque alui fluxus coërcet: Succus verò eius prodest sanguinis eruptioni per nares, & fluxui obnoxiiis in ventre passionibus, ex austerorum vinorum quopiam epotus: ac si febre teneantur, ex aqua.

## CONSTANTINVS.

**E**quisetum hippuris a Græcis dicta (inquit Plinius lib. xxvj. capite 13.) & pratis vituperata vobis. Est autem pilus terræ equinæ setæ similis. lienem cursorum extinguit &c. Eadem planta est quæ ab eodem vocatur equiselis lib. xvij. cap. 28. siliqua ait, etiam dira senisfecis. inuisa et equiselis a similitudine equinæ setæ. Idem alibi equisetum ephedron & anabasin vocat.

## DE GRANO TINCTORIO.

Græcè, κόκκιος βαφικὸς: Latine, coccus baphica, granum infectorium: Arabicè, charmen, et kermes: Gallicè, graine, vermillon, ou escarlatte: Hispanicè, grana para tennir: Italicè, grana da tingere: Germanicè, Scharlachbeer.

## Enarratio I I.

**N**ascitur hodie granum tinctorium primæ notæ, apud Lusitanos, vt quoque Plinius retulit, libro ix. cap. 41. quod lentis magnitudine ex ilice quadam parua colligitur, & facillime in aceto irroretur, in vermiculum vertitur, vt sæpe experientia compertum habeo. Huius grani duæ sunt partes, altera medullaris siue interior, nobilior, quam grani puluerẽ appellant, duplo & triplo, quàm dicenda valens: Altera verò exterior corticosa, quã cascolham Lusitani, vel vt Plinius lib. xvj. cap. 8. meminit, quifquiliũ vocant. Est certe granum hoc infectorium apud Arabas khermes dictum, vt ex Serapione elici potest, nam karbisinium quo floridus ille ruber color efficitur, longe alia res est. Nascitur autem ad radices saxifragiæ, pimpinellæ similis, non solum in Italia, sed Polonia, & aliis variis regionibus: nec tantum ad radices prædictæ nascitur herbæ, sed ad radices farraginis, parietariæ & aliarũ herbarum, magnitudine, qua grana nostra, quod ocysime quoq; in vermiculum vertitur, ni vt decet tractetur, vnde quidam coccum scolecion dici apud Plinium arbitrati sunt, Sed hic scire decet, quod ab hinc sex tantum annos, ex insulis nouiter repertis carbisinium in Hispaniam aduectum fuit, & inde in Italiam, tanti magisterij, & coloris supremi, vt illius vncia vna superauerit opus confectum libræ vnus vulgati carbisini: qua de causa, Venetiis sericum carbisino infectũ, vilissimo pretio habetur: imò nigrũ, carbisino, carius venditur. De Cocco verò, siue grana nostra ita tradit Galen. lib. vij. de Facult. simpl. medic. Coccus baphicus, astringentem simulque amaram possidet qualitatem, Vtraque sine morsu exiccat, proinde ad ingentia vulnera congruit, & ad neruorũ vulnerationes. Hæc Galenus, Nos verò, medicorum omnium consensu, granam, mulieribus solitis abortire, vel in abortum paratis, magno iuuamento, cum pari thuris pondere, in ouo recenti, bibendam propinamus.

## CONSTANTINVS.

**C**occi nomine, apud Græcos res duæ admodum diuersæ significantur. Nam vt author Galenus in Hippocratem, κόκκος sine adiectione vocant granum znidium, siue Cnidium, et granum infectorum. Tamẽ & separatis distinctisq; nominibus esse videntur.

figura

*Carbisiniũ  
Hispanũ.*

*Mulierum  
abortien-  
tium reme-  
dium.*

siquidem Galenus apud ipsum Hippocratem, *νόκκαλον* ex Diosco-  
 ride (apud quem tamen hanc vocem nondum legi) exponit Coc-  
 cum gnidium: Et per *νόκκαρον* apud hunc ipsum scriptorem, idem  
 Galenus intelligit commune granum, hoc est tinctorium. Ne no-  
 minum igitur affinitas imponat, paucis quid utrumq; sit, distin-  
 guendum. granum Gnidium, quod et limon dicitur, fructus est fru-  
 ticis Thymeleæ: de quo Dioscorides lib. iiij. cap. 173. Et Plinius lib.  
 xiiij. cap. 21. à quo etiam, lib. xxvij. cap. 9. Cocco Gnidio color Cocci  
 tribuitur, magnitudo grani piperis maior, vis ardens, itaque in  
 pane deuorari, ne adurat cū gulam transit. Huic inquit, vis pre-  
 sentanea contra cicutam, sistit aluum. At verò fruticem granum  
 ferentem, granumq; ipsum, quo lana coccinea colore inficiuntur,  
 vocat Dioscorides *νόκκον βαφικόν* coccon baphicam. granum tan-  
 tum vocat Plinius coccum, vt cum dixit lib. ix. cap. 41. coccum Ga-  
 laticæ rubens granum, aut circa Emeritam Lusitanicæ in maxima  
 laude est. Et lib. xxij. cap. 2. Iam verò infici vestes scimus admi-  
 rabili succo, &c. fruticem vero, Cocci ilicem nominat & quisqui-  
 lium, quod Amatus Lusitanus non videtur intellexisse, sunt hæc  
 verba Plinij lib. xvj. cap. 8. Omnes tamen has eius dotes ilicis solo  
 prouocat cocco: granū hoc primoq; ceu spectes frutices paruos aquif-  
 oliæ ilicis: quisquiliū vocant, pensionem alteram tribuit pau-  
 peribus Hispania donat. Non tamen nego quin ex his verbis, iure  
 quis possit contendere granum quisquiliū appellari, non tamen,  
 vt hoc demus, eo modo quo vult Lusitanus, vt grani exteriorem  
 partem corticosam quisquiliū significet: sed totum granū ipsum  
 indifferenter, quod etiam coccum ilicis, alibi vocat idem Plinius: vt  
 lib. xxiiij. cap. 4. dixit: Coccum ilicis, vulneribus ex aceto imponi-  
 tur. Est autem genus ex eo in Attica ferè, & Asia nascens, celer-  
 rime in vermiculum se mutans, quod ideo scolecion vocant, impro-  
 bantq;. Quæ Plinij verba integrè recitavi, vt pateat quàm negli-  
 genter ipsum legant authorem, qui credunt, vt assert Amatus, ru-  
 bens granum illud cuius insectu vsus est parando carmesino co-  
 lori, scolecion esse Plinij: cum hoc coccum sit ilicis, illud verò tuber-  
 culum quoddam rubrum & excrementum, non fructus, in qui-  
 busdam plantis concretum. Ad coccum scolecion respexit Beatus  
 Hieronymus, cum *νόκκον* reddidit vermiculum, quia illud vt  
 testatur, & alibi loquitur Plinius, vermiculatur: Græcis est *σκω-  
 ληνοδία*, id est verminare, vt cum Corn. Celso dixit Seneca natu-  
 raliū Quæst. lib. ij. Sed hæc satis de differentia aut indifferentia  
 eorum, sine quibus tamen res ipsa percipi nō potest. Coccina au-

sem, vt habet Martialis, aut vt Lampridius indumenta coccea, quæ scilicet cocci colorem imbibent, qualis in rosis emicat, olim plurimi fecit antiquitas: vel hoc vno argumento, quod coccum Imperatorij's dicatum paludamentis, etiam prodiderit naturalis historia scriptor lib. xxij. cap. 2. Nunc ex Cœci & berslij sese, pigmentariorum lacha paratur ad rubrum saturum: non autem illam lacham intelligo Arabum, quod cancamum est Græcorum, hodie ignoratum: sed illam pictorum, De qua etiam egit doctissimus Fuchsius lib. de comp. Medicament. qui aliam lacham tradit ex Arabum secla, gummi scilicet Kermes, siue Alkermes, ex quo Carmesinus color paratur. Narbonenses, vt in Lemmate reposuimus, Coccum vocant vermillon, nosque graine, ou escarlate.

## DE TRAGIO FRVTICE.

Græcè, τραγίον: Latine, Tragium.

## Enarratio LII.

**N**ascitur Tragium hoc non solum in Cræta, sed Hispania etiam, tam lentisco simile, vt eum quoq; Hispani lentiscum appellare non dubitent, in cuius descriptione Plinium non satis constare, vel ex hoc percipitur, quia libro decimotertio cap. 9. Tragium terebintho simile facit: libro vero vigesimo septimo, capite vltimo, potius iunipero in vniuersum æquale esse dicit: De cuius viribus, Galenus lib. viij. de Facul. simpl. medic. ita tradit: Tragij folia, fructus, lachrymaq; , trahentis digerentisque sunt facultatis. Est vero & tenuium partium, & facultate in principio tertij ordinis calida: Stipites & infixæ corporibus extrahit, lapides frangit, menses mouet, drachmæ pondere potum: Porro in Cræta sola nascitur, lentisco simile: Alterum minus, cuius folia scolopendrijo similia sunt, visitur quidem multis in locis, sed non parum habet facultatis astringentis, vt & ad fluxionum affectus conueniat.

Tragium.

Plinius inconstans.

## DE ALIO TRAGIO.

Græcè, τραγίον ἄλλο: Latine, aliud tragium.

## Enarratio LIII.

**H**oc mihi ignotum est, de quo Galenus capite superiori verbum habuit.

AMATI LVSIT. COMMENT.  
DE TRAGO, SIVE TRAHO.

Græcè, *ჭარჭ* : Latinè, *Tragus*, *Kali herba*: Hispanicè, *Soda barilha*: Italicè, *Soda*: Gallicè, *Sode*: Germanicè, *Huenerbeer*.

Enarratio LIIII.

*Vitrum  
ex qua her  
ba conficia  
tur.*

**V**T capite de Anthyllide meminimus, *Tragus* altera species illius herbae est, ex qua vitrum & sapo conficiuntur, quam Hispani Valentini, Soriani barrillam, vel Italica quoque voce Sodam appellant, & eam Galli maximo questu quotannis ferunt. Sponte enim in litoribus maris nascitur, herba fruticosa, foliis carens, sed multis abundans ramulis, ex quibus grana quaedam tritico similia pendent, primo viridia, postea vero quum ad maturitatem perueniunt, subrubra euadunt. Est enim tota hæc herba sapore salsa, cum quadam attritione mixta, quam exiccant, ac postea comburunt, & illius conflatum cinerem, cali, siue cinerem cali vocant: ex lixiuio vero huius cineris, sal alkali resultat: At cinis induratus ille, alumen catinū dicitur. Quum enim anno à Christo nato millesimo quingentesimo, quadagesimo septimo, mense Maio, è Ferrara Anconam venissem, littora maris, prope Mangeuacam, hæc herba cum crethamo scaterere deprehendi, quam falso Leoniceus libello suo de morbo Gallico apud Dioscoridē telephium esse putauit. Quid vero Serapio per kali intellexerit, vsnem vocando, ignorare fatemur. Si modo hanc de qua agimus herbam non intelligit. Differt enim vsnen, ab vsnea, tametsi barbaræ sunt vocabula, nā vsnen kali est, vsnea vero muscus. Non prætermittendus quoque est Ruellius, qui proculdubio, in dignoscenda herba ista, multum hallucinatus est, quum tragum iunci speciem esse crediderit, cui quoque Mathiolus Senensis subscripsit, nulla fultus ratione, quum è directo *Tragus herba* à nobis dicta sit, & ex ea vitrum, conficiatur, vt latius in ea diximus epistola, quam de hac re, ad illustrem simul ac Philosophum insignem, Alexandrum Manzolum Bononiensem scripsimus. Cæterum, Galenus hanc subricuit herbam, credens utique easdem cum Anthyllide vires habere: sunt enim eadem fere herba, vt dixi,

*Leonice-  
nus taxat-  
tur.*

*Ruellius  
errat.*

*Mathiolus  
errat.*

*Tragus*



Tragus & Anthyllis. Proinde ad Anthyllidis recurrite descriptionem, quum de Tragij viribus scire desideratis.

## CONSTANTINVS.

**T**Ragos siue scorpio in totum spina est, nullum enim folium habet. vide Plinium libro xxij. capite 20. & libro xxj. capite 15. & libro xxvij. capite 13.

## DE IUNCO.

Græcè, *oxlv*⊕: Latinè, *Iuncus*: Hispanicè, *Junco*:  
Italice, *giunco*: Gallicè, *Jonc*: Arabicè, *Dis*:  
Germanicè, *Bintzen*.

## Enarratio LV.

**S**unt Iunci omnia genera notissima, quæ prope aquas nascuntur, sed acuminatus tanquam acus extrema habens, potissimum in maritimis conspicitur, de quibus Galenus lib. viij. de Facul. simpl. medi. ita prodit: Quidam oxyſchœnos, alius oligoschœnus, crassior, laxiorq; oligoschœnos, fructus huius somnum conciliat, Oxyſchœni autem duæ sunt species, altera sterilis, cuius nullus vsus in medicina: Altera quæ fert semen somni conciliatiuum, sed minus quàm oligoschœni, vtrunq; si cum vino bibatur, ventris fluxus desiccatur, & muliebri profluuium rubrum sistit, Est itaq; eorum temperies composita ex terrena essentia leuiter frigida, & aquea leuiter calida.

## DE LICHENE.

Græcè, *λειχηρ*: Latinè, *Lichen*, *Officinis*, *hepatica*:  
Hispanicè, *Hepatica*, *figadella*: Italicè, *Epatica*,  
*figatella*: Gallicè, *Donnes*, *ou pourcoran*, *hepatique*:  
Arabicè, *Azes*: Germanicè, *Stein*, *oder*  
*brunnen leber kraut*.

## Enarratio LVI.

**N**ascitur Lichen, prope puteos, & humentes lapides, ac asperginosas petras, quibus hæret, folio lato, in quo foramina, veluti oculi emissitij essent, cōspiciuntur, Dicitur vero lichen, quia potissimum licheni, id est impetigini succurrit, porro iccoraria, siue hepatica vocatur,

*Lichen .**Pulmonaria .*

quia calidis eius morbis præ cæteris remedijs, antesignanum remedium est, Cuius Plinius duo genera facit, libro vigesimo sexto, cap. 4. vbi Lichenis, id est impetiginis remedia prosequitur, dicens. Lichen verò herba his omnibus præfertur, inde nomine inuento: Nascitur in saxosis, folio vno ad radicem lato, caule vno, paruo, longis folijs dependentibus, hæc delet stigmata, teritur cum melle. Est aliud genus lichenis petris tantum adhærens, vt muscus, qui & ipse illinitur: hic & sanguinem sistit vulneribus instillatus, & collectiones illitus, morbum quoque regium cum melle sanat ore illito & lingua: qui ita curantur, aqua salsa lauari iubentur, vngi oleo amygdalino, hortensibus abstinere, Lichenis vires sic prosequitur Galenus lib. vij. de Facult. simplic. medic. *Læchen*, *Læchenas* curat, extergentem, modiceq; refrigerantem, ac siccantem obtinens facultatem, nascitur enim in humidis roreque perfusis saxis.

## DE PARONYCHIA.

Græcè, παραonychia : Latine, *paronychia*, vulgò *boni-*  
*nalis panaricius* : Germanicè, Nagel kraut.

## Enarratio LVII.

**N**ascitur super lapides, & truncos veterum arborum, *paronychia* herba, folio rotundo, & prope radicem maiori quàm in peplo conspicitur, in summitate verò caulis paruus est, nec ex se lac aliquod emittit, Dicitur herba ista *paronychia*, quia digitorum durities & reduuias, emplâstri modo imposita sanat, & vt tradit Galenus lib. viij. de Facult. simplic. medic. *paronychias* & fauos sanat, digeritq; ea quæ discuti postulât, calfacit enim & desiccât in tertio ordine, estq; tenuium partium, & sine mordacitate.

## DE CHRYSOCOME HERBA.

Græcè, χρυσοκόμη: Latine, *chrysocome*.

## Enarratio LVIII.



*Chrysocome.*

**C**hrysocome, vt meâ *Amaranthus.*  
fert opinio, ea est herba quam *amaranthū* vulgarè appellamus, & eam quoq; Dioscorides, olim *amaranthū* appellari meminit, quâ hodie in hortis, & ad fenestras, magna cura puellæ pro fucandis genis nutriūt, folia ocy-mi, flore spicato, ardentissimi cuiusdam coloris purpurei, à quo herba ista barba Iouis dicta est, quanquâ & *aizoon* herba semperuiua dicta, à nonnullis barba Iouis dicitur, veluti quoque *stechas citrina*, est enim flos iste, vt dixi purpureus,

inodorus, & insipidus, quo mulieres genas suas ornant, & rubras efficiunt, quem quoque multi florem amoris vo-

Ruellius  
errat.  
Fuchsius er-  
rat.

cant, cuius radix vt tradit Galenus lib. viij. de Facultatib; simplic. medic. vincentes habet acrem & astringentem, qualitates: quare non admodum multi vsus est, quanquam cocta in melicrato per pneumoniis & morbis hepaticis auxiliatur. Sed & mensuris purgandis est utilis. Hæc Galenus. Proinde Ruellium ac Fuchsium errasse, manifestum est, quum herbam istam vino ebibitam, omnem fluxum constringere, scriptum reliquerint.

### CONSTANTINVS.

**C**Hrysocome siue Chrysis, nõ habet Latinam appellationem. palmi altitudine est, comantibus fulgore auri corymbis, radice nigra, ex austero dulci, in petrosis opacisq; nascens. vide Plinij lib. xxxj. cap. 8. & 20. Cordus Mentham putat sarracenicam, siue costum vulgare, meliore ratione, quàm Amatus Amaranthum vulgare: quia illud non aureo floret colore, sed purpureo. Ruellio species est pulegij montani. Mathiolo Senensi & mihi est incognita.

### DE CHRYSOGONO.

Græcè, χρυσόγονον: Latinè, chrysogonon.

#### Enarratio LIX.

**H**Anc, natura sibi reseruatam habet, nec est aliquis qui eam demonstrare valeat.

### DE HELIOCHRYSO.

Græcè, ἑλίχρυσον, ἑλίοςχρυσον: Latinè, heliochryso, Galeni amaranthus luteus.

#### Enarratio LX.

**H**eliochrysim vocat Galenus amaranthum, quæ proculdubio officinarum stæchas citrina est, alioqui Genitiuo casu, stichados citrina dicta herba, de qua Galenus lib. vj. de Faculta. simplic. medic. ita inquit: Amaranthum, facultatis est incidentis & extenuantis, quare coma eius cum vino pota fluxiones desiccet, stomacho infesta: gramus



Elichrysum 1.



Elichrysum 2.

grumos etiam sanguinis dissoluere creditur, Haëtenus Galenus: Vnde clare percipitur, Mathiolum Senensem male Galeni hæc verba, ex Aëtio adducta, amarantho vulgari tribuisse, quum potius huic de quo agimus conueniat, nam amaranthus vulgaris flos amoris dictus, vt dixi, chryfocome est.

## CONSTANTINVS.

**M**athiolus verum pingit heliochryson, Erratq; Lufitanus. stachas enim citrina non potest esse heliocryson, quia folia non habet abrotoni. Amaranthus autem vulgaris, est Plinij Amaranthus lib. xxj. cap. 8. nos vocamus passevelours cuius immortalis coma non marcescit.

## DE CHRYSANTHEMO.

Græcè, χρυσάνθεμον: Latine, chrysanthemum.

## Enarratio LXI.

*Chrysanthemum.*

quòd non ideo calendula, iudicanda est Heliotropium, quia heliotropium vt diximus, cicorea herba est. Verum & alia conspicitur calendula, quæ folia diuisa habet, & magis ad Dioscoridis descriptionem accedere viderur, vtraq; autem, esui apta est herba, ac vt experientia videmus, aluum mouet. De qua Galenus libris de Facultatibus simplicium medicamentorum nullam prorsus fecit mentionem.

## CONSTANTINVS.

**F**Allitur Lusitanus, quia Chrysanthemon Dioscoridi, folia habet multis incisuris diuisa: Calendula verò minime, quæ caltha est grauis viola apud Plinium libro xxx. capite 6. qui solum Chrysanthemi obiter meminit lib. xxvj. capite 8.

## DE AGERATO.

Græcè, ἀγρίστρον: Latinè, ageratum, eupatorium Mesues: Vulgò, eupatorio di Mesue: Italicè, herba guilia:

*giulia*: Germanicè, Künigund kraut, vnd Vvasser doft.

## Enarratio LXII.

**A** Geratum, vt historia indicat, Eupatorium Mesues est, herba officinis satis familiaris, & quam seplasiarij, cordatè admodum, vice eupatorij, in Mesues compositionibus iniiciunt. De qua Galenus libro sexto de Facultatibus simplicium medicamentorum, ita breuiter dixit: Ageraton, facultatem digerendi habet, & leuiter quadanteus à phlegmone liberandi.

## DE VERBENACA

## RECTA.

Græcè, *περιστεριον ὄσθῆς*: Latinè, *peristereon*, *verbenaca*: Hispanicè, *verbena*: Italicè, *verminacola*, *berbena*: Gallicè: *veruaine*: Germanicè, Hanenkamm.

## DE VERBENACA

## SUPINA.

Græcè, *περιστεριον ὑπὸ καὶ ἰσθῆ βοτάνη*: Latinè, *peristereon supina*, *verbenaca supina*, *hierobotane*: Hispanicè, *verbena*, *urgibaon femina*: Italicè, *verminacola femina*: Germanicè, Eysen kraut, oder eysen hart.

## Enarratio LXIII.

## LXIII.

**P**Assim conspicitur verbenaca, præcipuè aquaticis in locis, cuius recta siue mas: & supina siue fœmina, parum inter se differunt, nec enim in alio inter se differre, qui vtranque exacte nouit, percipiet, quam quòd recta, paucioribus foliis ornatur: supina verò multis, quæ omnino frondosa est, ac cespitosa: vtrique verò flos glaucus est, id est cœlestis, cū quadam albedine, coloris. Pro-

*Verbena  
vtraque.*

Fuchsius  
in verbe-  
na errat.



Sacra herba.

inde Fuchsiū in suo her-  
bario, errasse certum est,  
vt qui verbenacæ rectæ  
florē lutei coloris tri-  
buat. Non minori quoq;  
errore Othonem Brun-  
phelsiū, lapsum iam diu  
manifestauimus, qui an-  
te Fuchsiū, senetionem  
herbam vulgarem, pro  
verbenaca supina depin-  
xit. Galenus noscens  
vtranque easdem ferè vi-  
res habere, ita de verbe-  
naca, libro octauo, de Fa-  
cultatibus simplicium  
medicamentorum tradit:  
Peristereon, dicens, vim  
habet hactenus desiccantem,  
vt & vulnera glu-  
tinet.

### CONSTANTINVS.

**S**Agmina vocantur verbenæ inquit Festus, id est herba pura,  
quia ex loco sancto secabatur à consule, pratorē ve, legatis ad  
indicendum bellum aut fœdus faciendū proficiscentibus, vide Pli-  
nium lib. xxij. cap. 2. & libro xxv. cap. 9. vbi etiam verbenacam  
vocat. Lege præterea Titum Liuium libro j. ab vrbe condita &  
lib. x. belli punici. Donatumq; in Andriam Terentiij.

### DE ASTRAGALO.

Græcè, ἀστράγαλος: Latine, astragalus: Germanicè,  
Erdmoren, Christian vurtz.

### Enarratio LXV.

**A**stragali radices, familiares admodū apud Germa-  
nos inferiores sunt, quibus teuthones castanearū vi-  
cè, sub cineribus coctis, vescuntur, & nos ipsi apud quos  
per



per septennium egimus, aliquādo gustauimus, Sunt enim radices nigrae hae, intus albae rotundae, nucum magnarum magnitudine, ex quibus aliae radicae subtiles, oblongae: murium caudis similes prodeunt, ob quas Germani radices istas, caudam muris appellant, eas quoque prope Venetias nasci audio, quarum folia, hucusque à me visa non sunt, sed ut referunt, in vniuersum Dioscoridis historiae respondent, & de illis Galen. lib. vj. de Facul. simpl. medica ita tradit: Astragalos radices astrictorias sortitur, quare non instrenue siccat, nam & vlcera glutinat, & aluum fluentem sistit, si quis in vino decoctam radicem bibat.

## DE HYACINTHO.

Graecè, ὑάκινθος: Latinè, hyacinthus: Hispanicè, Lusitanicè: los mayos flores: Italicè, cipola canina: Gallicè, vaciet, ou oignon de chien: Germanicè, Breünling.



Hyacinthus 1.



Hyacinthus 2.

*Hyacinthus 3.**Hyacinthus 4.*

## Enarratio LXVI.

**V**idetur hyacinthus in omnibus fere pratis, folio & radice, similis cepæ, caule cubitali, subtili, innodo, colore herbaceo, à cuius medio flores cærulei purpurascetes iucundissimi odoris, in fine Martij, & Aprilis initio pulcherrimi cernuntur: qui quum ad maturitatē perueniunt, terram respiciunt, & diu vigent. Est quoque alter hyacinthus florem habens rubentem, similem lilio, sed notis quibusdam emaculatū, quē poëtæ ex sanguine Aiæcis ortum fabulantur, imò in illis notis siue literis, nomen Aiæcis inscriptum esse ita canit Ouidius libro x. Metamorph.

*Hyacinthus alter.*

*Talia dum verò memorantur Apollinis ore,  
Ecce cruor qui fusus humi signauerat herbas  
Desinit esse cruor, tyrioq; intensior oëtro  
Flos oritur, formamq; capit, quam lilia, si non  
Purpureus color his, argenteus esset in illis.  
Non satis hoc Phæbo est. (is enim fuit auctor honoris)*

*Ipse suos gemitus folijs inscribit, & cu cu  
Flos habet inscriptum, funestaq; litera ducta est,*

Sunt autem notæ istæ in floribus Hyacinthi repertæ non quidem literæ veræ, sed maculæ quædam nigræ, vt in flore fabarû quoque conspiciuntur. Quum hæc scriberemus, vtriusque hyacinthi radices, è Constantinopoli aduectæ sunt, ad magnificum & generosum virum Ioannem Gondulanum, Patritium Ragusinum, quas præfectus naui, ex horto Turcarum Imperatoris eradicasse testabatur: sunt enim radices hæc cepis similes, sed parvæ, non gratum quendam odorem ex se inspirantes, quarû magnam partem, per vniuersam fere Italiam, amicis impartiuit, vt secundam speciem, ac primam familiarem haberent: De quarum viribus, ita vt solet, tradit Galenus, libro octauo de Facultatib, simplicium medicamentorum dicens: Radix eius bulbosâ est, desiccans primo ordine: secundo autem aut initio tertij refrigerans, fructus leuiter extergit, astringitque; vnde & regio morbo laborantibus exhibetur in vino, ordine quidem tertio desiccans, At in medio caloris frigorisque consistens.

### DE PAPAVERE ERRATICO.

*Græcè, μῆκων ῥόζας: Latinè, papauer erraticum, papauer rubrum: Arabicè, Thaxthax: Hispânicè, amapollas, papoullas: Italicè, papauero saluatico rosso: Gallicè, coquelicoq: Germanicè, Klapper rosen, oder korn rosen.*

#### Enarratio LXVII.

**C**ernitur papauer rubrum, mense Maio, & Iunio, prope segetes, in prætis, ita copiose vt aliquando è longinquo, quis rubros pannos super campos, stratos esse arbitretur, ex quibus rubris floribus, nonnulli syrupum contra pleuritim certo iuuamento parant, quorum quoque stillatitiam aquam, rustici in Hispania contra febres ardentes non infelici successu bibunt: imò eosdem flores tanquam saluti conuenientes, in victus vsu continuo habent, quod olim quoque à priscis factitatum iri apud Theophrastum lib. nono. de Plantarum historia. cap. 13.

scriptum inuenio, præcipue, pro morbo comitiali præcauendo. Refrigerat papauer erraticum hoc, vt inferius ex Galeno dicemus,

### DE SATIVO PAPAVERE.

Græcè, *μικρὸν ἄμυρ* ⊕ : Latine, *satium papauer*: Arabicè, *Chaschas*: Hispanicè, *dormidera*: Italicè, *papauere bianco*, *papauere negro*: Gallicè, *pa-uot*: Germanicè, *Mag somen*, oder *mœn*.



*Papauer erraticum.*



*Papauer satium.*

### Enarratio LXVIII.

*Papauer.*

**A** Nimaduertat hic candidus lector quòd Dioscorides album papauer tantum domesticum, siue satium aut hortense appellat: nigrum verò syluestre, hac tantum de causa, quia album papauer, sic album à flore & semine albis, dictum, plerunq; in hortis serebatur, nigrum verò, sua sponte inter segetes, & legumina nascebatur: At Plinius, lib. xix. cap. 8. non solum album & nigrum papauer

*satium*

farium facit. Sed etiam tertium, de quo supra sermonem habuimus, & erraticum siue rubrum nominamus, sub iis verbis: papaueris satiui tria genera, candidum, cuius semen tostum in secundis mentis cum melle apud antiquos edebatur, hoc & panis rustici crustæ inspergitur, adfuso ouo inherens. Haecenus de albo Plinius, quod hodie quoque multi in victus vsu habent, & edulis suis miscent, de quo dixit Auicenna: Caue ne transcendas tale quale est papauer album, Somniferum enim mediocre album hoc semen est. Et subdit Plinius. Alterum genus papaueris nigrum, cuius scapo inciso, lacteus succus exprimitur. Tertium genus rhœam vocant Græci, id nostri erraticum, sponte quidem, sed in aruis cum hordeo maxime nascitur, ericæ simile cubitali altitudine, flore ruffo, & protinus deciduo, vnde & nomen à Græcis accepit. Ex iis enim clare percipitur, quod Plinius omnia hæc papaueris tria genera, domestica constituat. Cæterum, ex papauere, opium & meconium parantur, nam meconium differt ab opio, in hoc, quod meconiū ex foliis & calicibus ac herba ipsa, tritis, & expressis, succus collectus, ac in pastillos redactus est, quod opio ignauius est: opium vero, lachryma siue lac ex papauere nigro cultro inciso, destillans, ac concretum est, quod ex Apulia hodie Venetias afferunt, quod reuera meconium potius, quam opium appellari meretur. Verum, ne sic illotis quod aiunt manibus, ab opio discedamus, scire decet, quod amaritudo in opio reperta, non aliunde illi euenit, quam à glaucio, vel succo agrestis lactucæ, quibus plerunq; adulteratur, & illi miscentur, vt quoq; Dioscorides fatetur: si enim opio naturalis illa esset amaritudo, dubio procul calidum dicendū esset, non verò frigidum, vt qui medicamentorum simplicium naturas, per regiam Galeni methodum sciunt, exactè norunt. De papauere verò ita tradit Galenus, lib. vij. de Facul. simplicium medic. Quum quatuor eius insignes species sint, facultas omnium existit refrigeratoria: cæterum, satiui semen mediocriter somnum conciliat, visu candidum: proinde panis ipsum inspergunt, ac melle maceratum esunt: At ex syluestribus, eius quod rhœas dicitur, quia flos ipsius celeriter defluit, semen validius refrigerat, itaque nequaquam eo quis innoxie solo vti possit. Illius verò quod calicem

*Opium meconium.*

*Opium amaritudo.*

licem incidentem sustinet, atrum existit semen, medicamento sumq̄ue, atq; impense refrigerans: Quod autem longiorem emittit calicem, medicatissimum omnium est, admodumq; refrigerans, idq; omnibus partibus suis: adeo quippe refrigerat, vt stuporem ac mortem etiam inducat: est enim ex quarto & vltimo refrigerantium ordine.

## DE CORNICVLATO

PAPAVERE.

Græcè, *μικρον κεραιτης*: Latine, *papauer corniculatum*: Hispanicè, *dormidera marina*: Italicè, *papauere cornuto*: Gallicè, *pauot cornu*: Germanicè, *Geel œlmagen*, oder *geel Magfamen*.

Enarratio LXIX.



*Corniculatum papauer.*

*Ascitur papauer cornutum ad littora maris, præsertim inter saxa, vt Pisauri & Ancona aliisue maritimis locis deprehēdimus, folio verbasci incisuris diuiso, sed flore luteo, quo decidēte filicula oblonge phaeolorum modo, tanquam cornicula nascuntur, à quibus cognomentū traxit: nā radix huius adeo parua est, vt facillime è terra eradicetur. Cæterum hallucinati sunt multi, credentes glaucium quod Arabes memithe appellat, huius cornicularis papaueris succum esse, vt candide Dioscorides indicat. Nam de cornicularis papaueris viribus, ita tradit Galenus lib. vij. de Facul. simpl. medic. Mecon certitis, id est papauer cornutum, vim habet incidendi, ex-*

*tergendi*

tergendiq; Itaq; radix eius in aqua ad dimidium decocta, hepaticos affectus adiuuat, folia & flores sordidis & cōtumacibus vlceribus profunt, sed ea reiicere oportet vlceribus iam repurgatis, alioqui sanam carnem exedent.

## DE SPUMEO PAPAVERE.

Græcè, *μύκωρ ἀφρώδης*: Latine, *Spumeum papauer*, *Heracium papauer*, *Herculeum papauer*.

## Enarratio LXX.

**P**apauer spumeum, nisi species quædam rhœadis papaueris, in aruis nascentis, florem tanquam spuinam album emittens sit, quid sit ignoratur, de quo Galenus quoq; breuiter dixit libro septimo: Semen habet pituitam expurgans.

## DE HYPECOO.

Græcè, *ὑπύκοορ*: Latine, *Hypecoum*.

## Enarratio LXXI.

**Q**ui inter segetes diligenter quæsiuerit, Hypecoum certe inueniet: nascitur enim folio rutæ, flore vero luteo, & paruo, sed caule cubitali & ampliori, tenero, ac innodi, de quo Galenus libro octauo de Facultatibus simplicium medicamentorum ita breuiter dixit: Refrigerat tertio ordine, parumq; à papauere distat.

*Ηυπεκοῦ.*

## DE HYOSCYAMO.

Græcè, *ὑοσκύαμῶ*: Latine, *Hyoscyamus*, *Iusquiamus*, *Appollinaris herba*, *altercum*: Hispanicè, *velenho*: Italicè, *dente caualino*, *disturbio*: Gallicè, *Iusquiamè*, & *hanebane*: Arabicè, *Bengi*: Germanicè, *Bilsen*, *Bilsonian*.

## Enarratio LXXII.

**I**n Italia ex tribus Hyoscyami speciebus, quas Dioscorides citat, vnam tantum mihi videre contigit, & illam quidem flores luteos habentem, reliquas vero duas, olim in Hispania conspectas habebam, quas pharmacopolæ, corrupta voce, iusquiamum appellant: soporiferæ enim omnes sunt, sed purpureos flores & nigrū semen habens, cæteris periculiosior est, postquam luteos flores emittentem,

*Ηυοσκυαμῶ.*



*Hyoscyamus.*

tertio quodammodo refrigerantium ordine.

## DE PSYLLIO.

Græcè, *Ψύλλιον*: Latine, *Psyllium*, *pulicæris herba*;  
 Hispanicè, *Zargatona*: Italicè, *Psillio*: Gallicè,  
*herbe aux puces*: Arabicè, *Bez er cothame*: Ger-  
 manicè, *Psilien Kraut*.

### Enarratio LXXIII,

*Psyllium*  
*Pulicæris*  
*herba.*

*Mesue er-*  
*rat.*

**F**Requens & officinis vulgaris, pulicæris herba est, sic dicta, quia semen pulicibus æquale habeat, quod omnes Psyllium vocant, & ex eo mucilagines in frigidantes parant: de quo Galenus lib. viij. de Facul. simpl. medi. ita dixit, psyllium semen habet admodum utile, ex secundo refrigerantium ordine: in desiccando vero & humectando, medium quodam modo est & symmetrum. Hæc Galenus, ex quibus satis patet, quam perperam Mesue, de

viribus





Psyllium.

viribus psyllij sentiat, quum dixerit, psyllium quoad partes exteriores frigidum esse, quoad internas verò calidas & comburentes, in quarto gradu, quum revera psyllium secundum se totum frigidum sit, & ita frigidum, ut illud inter medicamenta sua frigiditate internecantia medici collocare non dubitent, ut apud Dioscoridem, ut ceteros fileam medicos hoc affirmantes, legere quis poterit, libro sexto, capite decimo.

## DE SOLANO.

Græcè, σφύλλιον κηπῶν : Latine, Strychnon, solanum esculentum, solatrum hortense : Hispanicè, Yerua mora : Italicè, solatro : Gallicè, morelle : Arabicè, hanab althaleb : Germ. Nacht schatd.

## ENARRATIO LXXIII.

Solanum officinis solatrum dicitur, quod olim in cibum veniebat, & in hortis inter herbas esui aptas ferebatur, unde solanum hortense, siue solanum esculentum appellabatur: hodie vero ubiq; sub nulla olitoris lege nascitur, & vagatur, quod semen emittit paruum rotundum, primo viride, postea vero indifferenter rubrum vel nigrum fit. Huius vero herbarum succo, ubi opus est simul & constringere & refrigerare, frequentissime utimur, & merito, quia Galenus libro octavo de Facultatibus simplic. medicamentorum de eo ita tradit: Solanum esculentum quidem astringit, refrigeratq; in secundo ordine. Recen-

Solanum  
Solatrum,

*Solatum  
strumas re  
soluit.*

tiores vero, quia strumas solanum hoc resoluerè animaduertunt, illi partes heterogeneas, ac quoque subtiles tribuunt.

### DE SOLANO VESICARIO.

*Græcè, ἡβήχυνος ἀλιανάβος: Latine, Halicacabon, solanum vesicarium, alkakengi: vulgò Arabica & Bexiga di perro: Gallicè, Bagnenauldes: Germanicè, Iuden kirrsen, oder schlutten.*

Enarratio LXXV.



*Solanum vesicarium.*

Secunda species solani, Halicacabum hoc est, quod Arabes corrupta voce, Alkakengi vocant. Dicitur quoque planta hæc vesicaria, quia eius rubrum fructum, in vesicis, siue folliculis contentum habet, magnitudine cerasi, de quo ita tradit Galenus lib. viij. de Facult. simpli. medic. At eorum quæ esui non sunt, vnum quidem dicitur Alicacabum, fructum habens rubrum, acino vuae persimilem; & subdit: Alicacabum igitur, fructum fert ciendæ vrinæ idoneum, compluribusque facultatibus quæ ad

iecur, vesicam, & renes accommodantur, miscetur.

### DE SOLANO SOMNIFICO.

*Græcè, ἡβήχυνος ὑπνωτικόν: Latine, Solanum somniferum.*

Enarratio LXXVI.

Raro verum solanum somniferum reperitur, & vt ipse verum fatear id semel hucusque tantum vidi, ad ripas

ripas Belgici maris, folio cotonei arboris, flore rubente, cuius semen crocei coloris in siliculis paruis occludebatur, quod vero Officinæ solatrum somniferum vocant, differens ab hoc, de quo agimus, est: nam neq; croceum semen producit, neq; in siliquis occlusum, imò potius nigrum auelanarum magnitudine, merito tamen seplafiarij & vulgares medici, hoc quoq; somniferum appellant solatrum, quia eadem fere cum Dioscoridis somnifero solano vires habet, & eius semina egregie vrinam prouocant, & potentissime renes expurgant, ac somnum conciliant, & vt tradit Galenus citato loco, solani vero hypnotici, somni conciliatiui dicti, radicis cortex, si cum vino bibatur, somnum accersit, drachmæ pondere sumptus, existens succo papaueris similis, nisi quòd imbecillior, vtpote tertij refrigerantium ordinis, quum ille sit quarti: huius solani semen vrinam cièdi vim habet: si plus tamen duodecim corymbis hauseris, dementiam asciscet.

## DE SOLANO FVRIOSO.

*Græcè, τρεβχνον μανικόν: Latine, Furiosum solanum.*

Enarratio LXXVII.

**D**ifficulus hæc reperitur herba, proinde de ea nihil quicquam dicam: nonnulli tamen agyrtarum, & herbariorum affirmant, apud montem sancti Angeli prope Apuliam, qui latinè Garganus vocatur, reperiri. Ita enim ob oculos, eam Dioscorides ponit, & suis coloribus depingit, vt non difficile esset, eam inter plures alias herbas dignoscere, & de illa ita tradit Galenus libro Simplicium, inquiens: At tertium solanum quod ad insaniam adigat, omnes manicum nominant, & ad medicationes intra corpus inutile est: nam si quatuor eius drachmæ offerantur, mortem inferent: si pauciores, insaniam: vna certe innoxie sumitur, nihil tamen vtile præstat. At foris corpori illitum vlcera maligna persanat: verum ad talia, radicis cortex præfertur, desiccans secundo ordine iam completo, aut tertio incipiente: secundo autem incipiente refrigerans.

## DE DORYCNIO.

*Græcè, δορυκνιον: Latine, Dorycnium.*

## Enarratio LXXVIII.

**C**himici & ij qui profitentur ex Mercurio argentum consistare, hanc quotidie inquirunt herbam, & eam lunarem siue lunariam appellant, quia eius folliculus rotundus in quo semina conduntur, nocturno tempore ad radios Lunæ aperitur, & ita splendescere videtur, vt eam lucentem stellam è longinquo dixerit, quam incolæ sic videntes, & diabolum putantes aufugiunt. Ea enim chimici argentum viuum Mercurium dictum, fixum stabileque reddunt, & striges veneficia parant, ac dæmones irritant. Falso certè Iacobus Manilius fabam inuersam, quam Lunariam herbam appellat, apud Dioscoridem, solanum somnificum esse dixit: Nam vt Euritius Cordus notat, historia omnino repugnat. Cæterum, Galenus lib. vj. de Facul. simpli. medic. sub Dorycnidio, ita de ista herba inquit: Dorycnidion aquea excellit frigiditate, quamobrem, pauculum quidem, soporem conciliat, plusculum vero sumptum, perimit.

## CONSTANTINVS.

**Q**uemadmodum è republica Plato esse dicebat, monstrosos partus non tollere: sic portentosas & absurdas opiniones minime admittere. rei literariæ & studiosorum communi imprimis conducibile esse arbitror, & ni fallor. multò iustius. Itaque merito hæc Amati Lusitani (quem utique sua laude in alijs benedictis, frustrari minimò deceat) vana opinio & monstrose prolata expiendatur. Nam Dioscoridis Dorycnion magno mortalium bono hæc ætate ignoratum, Lunariam non esse herbariorum statim deprehendet, qui vel pictam aut descriptam viderit à Lonicerò, Fuchsio, & Mathiolo, cui duplex capite de hemionitide. Nam ea lunaria quam Iosephus libro de Captiuitate describit βαχρατ nomine, à quo etiam desumpsit Lonicensus de varia historia, omnem vixit admirationem naturæ, si non etiam hominum fidem. Vt autem tibi magis probem, quam inutilis sit hac in parte, Amati auctoritas & sententia de Dorycnio: lege quæ scripsit Plinius lib. xxi. cap. 31. & Nicander in Alexiphar. apud quem Dorycnion etiam melissophyllon vocat explanator Diphilus, hoc Auicenna ruam lupinam nominat, quo nomine strychnon apud Græcos, explicat. Calius Aurelianus libro Chronion.

## DE MANDRAGORA.

Græcè, *μανδραγόρας*: Latine, *mandragora*, pomum terreſtre, pomum caninum, Circe: Hiſpanicè, *mandracola*: Italicè, *mandragora*: Arabicè, *tabora*: Gallicè, *mandragore*, & *mandegloire*: Germanicè, *Alraun*.

## Enarratio LXXIX.

*Mandragora.*

magnitudine parvæ pilæ, coloris interdum virescunt herbacei: quum verò ad maturitatem perueniunt; lutei saturi efficiuntur: nascuntur autem; vt obiter hoc attingamus, poma hæc pediculis semi dodrantalis altitudinis, ita appositè, vt vnumquodq; pomorù, homuncionem quendam, absq; brachiis repræsentare videatur: qua de causa; Pythagoras mandragoram anthropomorphon, id est figuram hominis, appellavit. Quem secutus Columella; mandragoram in suo horto, semihominem dixit; cui signatæ causæ, alteram addimus vulgarem: Quia mandra-

**N**Vnquam quod equidem meminerim, in Hispania mandragoram vidi: in Italia vero frequens est herba, præcipue Ferrariæ, vbi nullus ferè extat hortulus, in quo mandragora nõ reperiatur: In cœnobio enim Charthusianorum, apud quod, vnusquisq; monachus suum proprium & particularem hortulum habet; ita felicissime crescit, vt nullus extet qui non hac decoretur herba: crescit autem folio lapathi, lato, oblongo, per terram strato, ad cuius radices poma quinq; vel sex numero nascuntur,

*Anthropomorphos:*

gora, radicem in duas fibras, veluti duo crura, diuisam  
 habet, vnde quoq; semihomo appellatur. Hæc etiã Circe  
 dicebatur, quia ea ad amatoria & veneficia, Circe famo-  
 fiffima incantatrix paffim vtebatur, & de eã, in Pentateu-  
 cho legitur, quam Hebræi, dudaim, fua lingua vocant.  
 Ex huius verò radice, vinum mandragorite parandum  
 Dioscorides, & medici fuadent, quod plerunq; propinant  
 iis quibus fecare, aut membrum aliquod vrere volunt, mi-  
 rifice enim ftupefacit. Iuftum erit hic enarrare tyranni-  
 dem ac impofturam nugiendulorum ac impoftorum ho-  
 minum, qui homunculos quofdam ex radicibus canna-  
 rum fculptos, mulieribus ftertilibus, & nõ parturientibus,  
 loco mandragoræ, non paruo vendunt pretio, Sculpunt  
 enim hominis effigiem in cannarum, vt dixi, radice ita  
 appofitè & folerter, vt vbi opus eft appareant capilli, vt  
 in barba, capite, & peftine, Grana tritici quædam affin-  
 gant, quæ cum radice fimul terra obruta, plures, tenues,  
 ac capillis fimiles radices emittunt, ac inde tota ipfa ra-  
 dix, figura humuncionem repræfentat, quam è terra non  
 nifi obturatis auribus eradicari poffe, vel canis caudæ ad-  
 alligatam, alta mente nugantur. Vendunt autem vnam  
 vel alteram harum radicem, triginta, nonnunquam verò  
 quadraginta aureis ducatis. Pereant igitur balatrones ij  
 falſarij, quos vt Italia vniuerſa fert, ita tota Hispania eos  
 fugat, & non permittit imperitum vulgus impofturis cir-  
 cumueniri. Tercia verò ſpecies mandragoræ, Morion di-  
 citur, quæ proculdubio melongena non eſt, vt nonnulli  
 opinati ſunt. Eſt enim melongena vel melezana, fructus  
 vbiq; familiaris, quem aliqui berengenam vel belonge-  
 nam, alij verò Cupidinis pomum, vel infanum pomum  
 appellant, quod inter cucurbitas, & melones feritur, & vi-  
 ctui non aſpernendum obſonium eſſet, niſi triftes ac atra-  
 biliarios gigneret humores, vt Auicennam adnotaffe le-  
 gimus. Huius porro altera ſpecies in Italia cernitur, po-  
 mum gignens luteum, quam ego morion eſſe dixiſſem,  
 quia cum mandragora, magnam cum figura, tum vi-  
 ribus habet ſimilitudinem: de quibus Galenus libro ſe-  
 ptimo de Facultatibus ſimplicium medicamentorum ita  
 tradit: Refrigerat tertio exceſſu mandragora, nonnihil  
 tamen pomis caloris atq; humiditatis ineſt, vnde ſopo-  
 ren

rem conciliant. Radicis cortex non tantum refrigerat, sed etiam siccat, quod eo includitur imbecillimum est.

DE ACONITO PARDALIANCHE.

Græcè, ἀκόνιτον παρδαλιανχὲς: Latine, aconitum interficiens leones, pardos, aconitum interficiens pantheras: Hispanicè, centelha: Italicè, aconito: Gallicè, tore: Ger. Vvolffs beer, oder dollvurtz.

Enarratio LXX.



*Aconitum.*

PRIMA hæc aconiti species pardalianches dicta, in multis reperitur locis, cuius radices nigras ad rubedinem declinantes, luporum venatores publice vèdunt, & illis lupos interficiunt: Sed non ea de causa luparia dicenda herba hæc est, quum sequens verè luparia denominetur, & radices non quidem ad ruborem inclinatas, sed potius nigerrimas habet, quæ minus potenter lupos interficiunt, quàm huius de quo agimus aconito. Carnibus enim radices utriusque aconiti mixtæ, lupos in-

*Aconitis species duas.*

terficiunt: Sed ut dixi, primi huius aconiti radices potentius eos interimunt. Ex utrisq; quoq; & taxo, venatores conditum parant, quo sagittas suas inficiunt, & toxicum appellant, quia Græci sagittas telaque sua, toxemata vocant, Aconitum hoc pardalianches, quia pardos, leones interimat, dicitur: cui folia aspera cucumeris asinini foliis simillima insunt, de quo Plinius cum Dioscoride, ita

*Toxicum unde dictum*

*Fuchsius  
errat.  
Herbaris.  
Licoctonō.*

lib. xxvij. cap. 3. dixit: Aconitum folia habet cyclaminij aut cucumeris nō plura quatuor ab radice leniter hirsuta: radicem modicam cammaro similem marino, quare quidam cammaron appellauere: alij lycoctonon ex ea qua diximus causa: arida radix ineuruatur paululum scorpionum modo, quare & scorpion alij appellauere: Nec defuere qui myoctonon appellare malint, quoniam procul & è longinquo odore mures necat. Nascitur in nudis cauitibus, quas aconas vocant, & ideo aconitum alij dixere, nullo iuxta, ne puluerem quidem nutriente, & c. Ex quibus satis clarè patet, quàm perperam Leonardus Fuchsius in suo Herbario, pro primo hoc aconito herbam Paris depinxit, nam primum hoc aconitum, præstantissimum vt dixi venenum est, vt eo inunctis muliebribus genitalibus, eadem die mortem inferat: Herba vero Paris, tantum abest vt venenum dicatur, vt potius contra quoduis venenum singulare sit antidotū, vt author ille qui additiones quasdam pandectis adiecit, inquit, qui quoq; contra fatuitates & insanias valere, commendat. Quibus nos addimus, quod herba Paris, vnicum tantum emittit caulem, & illum quidem rotundum, duorum cubitorum altitudinis, in cuius medio folia quatuor, sanguineo frutici similia, & in crucem disposita sunt, in summo verò, alia quatuor quoque videntur parua, oblonga, in quorum medio fructus purpureus, rotundus, acino vuarum paruo similis, vinosus, albo quodā paruo semine plenus, cernitur. Nam radix capillosa inter album & luteum colorem est, in qua scorpionis caudæ figura non cernitur, nec alabastris splendor aliquis, quæ duo in aconito reperiri Dioscorides tradit. Cæterum Theophrastus libro nono, de Causis plantarum, capite decimosexto, inquit: olim aconitum ita componi, vt certis occidere temporibus possit, videlicet bimestri, trimestri, semestri, anno completo, nonnullum etiam biennio, quod nos hodie quoque fieri à nonnullis percipimus.

#### CONSTANTINVS.

**M**Anardus & Leonicens putarunt toxicum esse Auicenna Napellum, quod refutat Mathiolus capite De toxico apud Dioscoridem: sed capite de Aconito videtur sibi contradicere librarij culpa, qui negationem detraxit in verbis Mathioli. hic putat  
Diosc



Dioscoridem ignorasse quid esset toxicon, nec, quidnam sit asserit. Equidem Plinium sequor qui libro xvj. cap. 10. de taxo loquens, inquit, hanc Sestius Smilacem vocari dixit, & esse in Arcadia tam presentis veneni, ut siquis sub ea dormiat cibumve capiat, moriatur. Sunt qui & taxica hinc appellata dicunt venena, que nunc toxica dicimus, quibus sagitta tingantur. Aliam tamen Dioscorides lib. vj. affert Etymologiam: toxicon enim deducit a sagittis qua τόξα Græce dicuntur vel τοξομαχία ut habet Aegineta, distin. usq; capitibus ipse Dioscorides ibidem egit de taxo & toxico, cuius præterea meminerunt Plautus in Mercat. Et Ovidius 4. de Ponto Eleg. 7.

## DE ALTERO ACONITO.

Græcè, ἀκόνιτον ἔρδρον: Latine, *Lycotlonon*, Hispanicè, *mata lobo*: Italicè, *herba luparia*, *herba de la volpe*: Gallicè, *morteloup*, ou *patelouine*, Germanicè, *Vvolffs vurtz*.

## Enarratio LXXXI.

**T**Ria huius aconiti genera facit Dioscorides, quorum duorum historias non legimus, vnde credere est, ut pleriq; doctissimi viri credunt, textum istum corruptum & diminutum esse, quum in eo, tertij tantum Pontici aconiti historia legatur, quod passim folio platanii multis diuiso incisuris cernitur: Caule vero silicis, flore luteo, & illo ampliore, quem ranunculus siue batrachion producit. Hanc vero herbam, lupariam communes appellant, ob id quod eius radices ut capite superiori diximus, lupos potissimum interficiant. Alterum vero genus vulgare quoq; cernitur, folia stricta digitalis longitudinis habens, ad summum pro parte septem. Tertium vero in monte Anconitano vidimus, folium rutæ simile habens, cæteris venenosius, ac pestilentius. Cæterum, adeo segniter, & frigide in examinandis simplicium medicamentis Auicenna se gessit, ut illum in hac materia præterire consultius esset, quod non aliunde evidentius percipi potest, quam in aconito herba, quam multoties cum cicuta confundit, aliquando vero cum toxico, nonnunquam autem cum napello, ut abunde Ferrarienses indicarunt, ac post eos Leonardus Fuchsius Germanus,

*Lycotlonon.*

*Luparia herba.*

*Taxatur Auicenna.*

*Taxatur Fuchsius.*

nus,

*Adip ani-  
mal in A-  
phrica re-  
pertum.*

*Napellus  
ab aconito  
differt.*

*Napellus  
herba.*

*Napellus  
Moyfis.*

nus, qui quoq; mea sententia reprehensione digni sunt  
credentes utiq; aconitum Græcorum, apud Auicennam  
napellum esse, quum revera multum inter se differant:  
quod noscens Auicenna, de utroq; aconito verbum fecit,  
vocans utiq; vnum strangulatorem Adip, id est animalis,  
ita apud Hispanos dicti, ac medij inter vulpem, & lupum,  
quod gregatim incedit, & leones comitatur, ob id quod  
ex præda à leonibus derelicta comedit. Reperitur enim  
in Aphrica animal hoc Hispaniæ contermina, de quo  
alibi, Deo optimo maximo fauente, plura dicemus. Al-  
terum vero aconitum strangulatorem leonis pardi si-  
gnat. At alibi de napello, tanquam ab aconito herba di-  
uersa, caput præfixit, ut iure dicendum sit, napellum lon-  
ge ab aconito differentem esse. Accedunt ad hæc, quod  
Theophrastus, libro nono de Plantarum historia, aco-  
niti folium, & fructum nihil penitus nocere, sed in radice  
tantum vim mortiferam habere tradat: Cui subscribunt  
omnes recentiores, qui de Antidotis contra venena scri-  
pserunt, ut Rasius, Alfaranius, Conciliator, Guaine-  
rius & plures alij. Sed quia quæ non sit herba napellus,  
diximus: nunc quæ sit, dicamus, ut liquido constet, na-  
pellum ab aconito differentem esse. Est igitur napellus  
apud Auicennam descriptus, herba folia habens artemisiæ  
maiori similia, flores vero purpurascens, qui interdum  
aperti non sunt, cucullati apparent, & mortuorum ca-  
pitibus similes: quasi volens natura per eos, herbæ mor-  
tiferam vim hominibus indicare, ut ab ea astinerent, ut in  
aliis pluribus quoque herbis cernimus. Nam postquam  
aperti flores isti sunt, galiopsis floribus similes euadunt  
sed maiores, qui cauli bicubitali hærent, in quo paræ  
quædam siliculæ quoq; videntur, in quibus semen nigrum  
admodum minutum occluditur, Huius radix, reti similis  
est, non vero scorpioni, aut cirris marinarum squillarum:  
ut liquido constet, inter napellum & aconitum differen-  
tiam non mediocrem esse. Est item apud Auicennam, na-  
pellus Moyfis dictus, quem murem quendam esse ad radi-  
ces napelli nascentem dicit, & qui in vniuersum, Anti-  
dotum contra omne genus veneni, & potissimum napelli  
sit, quem multi celebres viri viderunt, & tanquam rem  
præciosissimam, ac vnicum contra quoduis genus veneni  
remedium

remedium seruant, quo factum est, vt mulieres Hispaniæ, huius animalculi pedes, pro amuleto, contra fascinationes, & epilepsiam, puerulis suis, collo suspendant. Aduertat tamen bonus lector, quòd apud Plin. lib. xxvij. cap. 3. aconitum alterum, myocctonon id est mures interficiens appellari meminit, vt hac significatione ductus, ne forsan in errorem labatur, credens vtiq; napellum Moysis, aconitum quod mures interimit, sit. Ex napello autem, compositio quædam alberzachali ab Arabibus dicta paratur, quæ (vt tradit Auicenna) capite de napello: ebibita, vitiliginem albam curat. Proinde qui Auicennam hac in parte vellicant, digni sunt reprehensione, non enim Auicenna, ebibitum napellum vitiliginem albam, aut vt ille inquit, albaras curare tradit, Sed potius inquit, quòd ex napello compositio alberzachali dicta, in certa ebibita dosi, albaras delet & curat, vt nouam Bellunenensis correctionem consulere est. Demum de aconito ac illius viribus, ita tradit Galenus lib. vj. de Faculta. simplic. medica. Aconitum pardalianches, putrefacientis & deletoxiæ facultatis existit, quare in cibo potuq; fugiendum, & subdit: Aconitum lycoctonum, similis prædicto est facultatis, sed peculiariter lupos interficit, vt illud pardos.

*Alberzacha -  
chali com-  
positio.*

## DE CICUTA.

*Græcè, κόκκυρος: Latinè, cicuta: Hispanicè, Ceguda, caneuoria, ciguns: Italicè, cicuta: Gallicè, Cigüe ou Següe: Arabicè, Sucaram: Germanicè, Vvuetterich, oder vüützerling.*

### Enarratio LXXXII.

**V**Bique vulgaris cicuta est, sed alibi frigidior, & veneniosior, quàm in Hispania aut Italia reperitur: cuius succo olim Socrates summus philosophus iniuste mortuus fuit: homini enim cicuta venenum est, pecudi vero & sturno pabulum, de qua Galenus libro septimo, de Facultatibus simplicium medicamentorum ita breuiter



Cicuta.

uiter dixit: Conson, id est, cicuta, quod extremè sane refrigeret, omnes norunt. Hęc Gal. Ego vero quandoq; cicutę radicem gustans, eam valenter linguam rodere, ac vrere deprehendi, qua de causa illam calidam esse, in dubium trahebam, & nisi proculdubio vniuersę antiquitati contradixissem, illam calidam omnino assēuerarem: De qua quoq; Dioscorides libro sexto, capi. ii. sermonem habet, & eam inter venena connumerat, cuius efficacissimum remedium, meraci, ac generosi vini potio est.

## DE TAXO.

Gręcè, σμίλαξ: Latine, Smilax arbor, taxus: Hispanicè: Taxo: Ital. nasso, tasso: Gal. Yf: German. Eyben baum. ENARRATIO LXXXIII.

Smilax, taxus arbor dicta, non solū in vniuersa Hispania sed etiā maxima Italiae parte crescit, abieti cum figura, tum foliis simillima: humilior tamē aliquātulo abiete est, rubras ferens baccas, illis similes, quas agrifolium gerit. Venefica enim arbor hęc est, cui folia perpetuo hærent, de qua Virgil. cecinit, dicēs: Sic tua Cyrneas fugiant examina taxos. A taxo enim toxicum deductū est, vt in aconito diximus. Cæterū adeo pestilēs & mortifera arbor hęc est, vt eius umbra subter dormientes enecet: hodie vero ex huius arboris ligno, ad antiquitatis imitationē arcus Puniceii fere coloris parantur, quod quoq; ad scrinia, mensas, tabulas, & subsellia vsurpatur, de qua vt ab ea fugiamus tantum scribitur: referunt tamen nonnulli, innoxiam fieri, si in ipsam arborem, clauus arcus adigatur.

## DE APOCYN O.

Græcè, ἀπόκυνον: Lat. apocynon, brassica canina: Hisp. hanaas de perros: Lusita. antrannocos de quan: Ital. lupini canini. Enarratio LXXXIII.

**R**eperitur herba hæc apud Hispanos frequenter, quæ siliquas quasdam fabis, vel potius lupinis magnis similes emittit, quo fit, sua voce, lupinos caninos vel fabas caninas herbam istam appellent, quæ omnino venenosa est, & eam populus maxime fugit, & timet. De qua Galeus, libro vj. de Faculta. simplic. medicament. ita tradit: Canibus iuxta & hominibus est venenū, herba grauiter olens, ob idq; vehementer calida, non tamen proportione desiccatur, itaq; illita admodum digerentis est facultatis.

## DE NERIO.

Græcè, νέρειον: Latine, nerion, rhododaphne, rododendrum: Hispanicè, adelfa, eloendro: Italicè, oleandro: Gallicè, rosage, ou rosagine: Germanicè, Olander.



Nerion.

## Enarratio LXXXV.

**N**ascitur ad ripas fluminum nerion, perpulchras ferens rosas, quas Apuleius in asinum versus, veras rosas putauit, sed vltimo diuersas dignouit: planta enim fruticosa hæc est, lauri folia habens, & illa quidem amarissima, ex cuius virgis pueri in Hispania acclides, id est tela quædam, acutis ferris ornata parant, quæ in tauros eiaculantur. Caterum, huius plantæ ligno, tactis aquis amaris, Moyse dulces reddidit, vt credunt Hebraei: & de illius viribus,

bus, ita tradit Galenus lib. viij. de Facult. simplic. medic. Neron rhododaphne, foris quidem illitus is frutex, digerendi vim obtinet: at si intra corpus sumatur, virulentus homini & plerisque pecudibus est.

## DE FUNGIS.

*Gracè, μύκητες: Latinè, fungi: Hispanicè, hongos, cogomelos, turtulhos, cyllherquas: Arabicè, hatar: Italicè, fonghi: Gallicè, champignons: Germanicè, Schvuem.*

## Enarratio LXXXVI.


*Fungi.*

**F**ungorum plures sunt species, ex quibus, boleti in pratis plerumque principio Aprilis nascentes, primas obtinent, quos ego cum cæteris, tanquam noxios, ac pessimi & frigidi nutrimenti reiiciendos consulerè, vt curatione quadam Centuriæ primæ Curationum mearum abunde dixi. Cæterum, tantus est hominum hodie luxus gulositatisve, vt pro habendis quotidie fungis, lapides quosdam excogitarint, quos in cellis vinariis, summa cura seruant, & eos terra cooperiunt, super quos, singulis octo vel decem diebus, fungi nascuntur, de quorum natura, ac malignitate tradit Galenus libro ij. de Facult. alimentorum, cap. 69. & libro de attenuante dieta, cap. 9. vbi omnium olerum, pessimos esse fungos tradit. Libro verò septimo de Facult. simplic. medicament. ita quoque de illis disserit: Fungus, inquit, frigida humidaque admodum planta est, quare proxime ad enecantem facultatem accedit. Et sanè inter eos sunt, qui interficiant, maxime qui ex natura mixtam habent qualitatem putrilaginosam, quibus Galeni verbis, tu addas, quales suilli fungi dicti sunt, qui maxime venenosi sunt.

## DE COLCHICO EPHEMERO.

*Gracè, κολχικόν: Latinè, colchicon, hermodactylus: Vulgò hermodactylus: Germanicè, Zeytlofs, oder Herbstblum.* Enarratio LXXXVII.

**D**icitur ephemerum, quòd vno interficiat die, præsertim Colchicon hoc, in Colchide prouincia nascens, quo serui, tanquam refugium in desperatione quærentes, vreb

*Colchicum 1.**Colchicum 2.*

utebantur. Est autem presentaneum venenum, ad sanguinem vsq; solvens, præcipue vt dixi, in Colchide: in aliis verò regionibus, non ita venenosum percipitur, quod vt Serapioni placet, Hermodactylus recentiorum est, quò plerunq; contra rebelles ac diuturnos articulorum dolores vtimur. Nec enim mirari est, si Paulus seorsum de hermodactylo, tanquam re à Colchico ephemero differente, sermonem habeat, alibi verò de Colchico ephemero caput præfigat, quum id consultò fecerit. Videns utique ephemereum non adeo venenosum esse, præcipue vbi hermodactylus dicebatur, sed rei medicæ potius conducibile: qua de causa, de eo vt venenoso, cum cæteris Græcis caput constituit: alibi verò tanquam de re sibi nouiter comperta, & non admodum venenosa, sub hermodactyli nomine, verbum fecit, dicens: Hermodactyli radix & per se, & ipsius decoctum vim habet purgandi, priuatim & arthriticis, tunc quum humores defluunt exhibetur: verum stomacho nimis quàm aduersatur. De ephemero verò

Colchico, ac venenosissimo, & exitiali lib. v. cap. 48. legere quis poterit apud ipsum. Est cæterum, hermodactylus vt Serapioni placet, calidus & ficcus, in secundo ordine, cuius frequens vsus hodie contra morbum Gallicum antiquum habetur.

## CONSTANTINVS,

**P**Aulus Aegineta distinctis capitibus, tractauit de hermodactylo & de Ephemeris, veluti plantis differentibus. Arabum familia & medicamentarij nostri, his vocibus, vt in rerum indifferentia promiscuè abutuntur. Actuarius autem & Nicolaus Myrepsus Arabum behen rubrum & album, cum ijsdem epithetis, hermodactylon vocant: non est tamen officinarum legitimum behen, sed credit Fuchsus in medicamentaria atq; herbaria, preter alias ingenij dotes vir maximus, radicem esse polemonis. Mesue Hermodactylos in duo partitur genera: vnum quod radice constat ad digitalem longitudinem, illudq; behen est, non autem ephemeron non venenatum. Alterum radice rotunda, quod rursus duum est generum: vnum radice alba, crassa, ac modicè dura, illudq; est officinarum hermodactylus, qui purgatoriam vim habet, crassam pituitam vacuans: podagricis articularumq; doloribus accommodatus. Alterum radice forinsecus nigricat, aut rubescit, in pratis per Autumnum se croceo flore vestiens: hoc ipsum colchicon est siue ephemeron infectum & lethale: De quo in transitu attigit etiam Plinius, lib. xxvij. cap. 2. & sub Ephemeris nomine, lib. xxv. capite vltimo: meminit item Plutarchus ephemeris pharmaci in vita Themistoclis, quod tamen de quouis subitario atque presentaneo veneno intelligi potest. Nam colchicon & ephemeron de quo loquitur Nicander, ab hoc Dioscoridis, longe aliud est: naphtha nimirum, & oleum Medæ, à quibusdam etiam petroleum appellatū. Sunt hæc verba Nicandri, in Alexipharmacis:

Ἡν ἢ τὸ Μυδικὸν κολλήκιδον ἢ ἑβόμενον πῦρ  
 κένο πῶτον λέξεται ἐφήμερον, οὗ παρὰ χεῖρα  
 Δουροβίος Δουραλόνος ἢ ἰατρῆσαι ἐνδοξοὶ νοσοδός. &c.

Est inquit, interpres Diphilus, pharmacum quod barbari naphtham vocant, quo quis oblitus, aut eius indumentū, si in sole stet, ignem concipit, nec secus quàm ab ardenti ignium vi absumitur, causticam enim facultatem habet. Huius inuentrix fuisse videtur Medea: ob hoc & colchicon appellatur, quod & irin quidam dicunt, alij pharicon, alij ephemeron.



## DE EPHEMERO.

Græcè, ἐφήμερος: Latine, *Ephemerum*, *ephemerum*  
non lethale, *Iris sylvatica*, Vulgò *lilium conual-*  
*lium*: Germanicè, Meyen bluemlin.

## Enarratio LXXXVIII.

*Ephemerum.*

tium dolore colluitur: At folia cocta in vino, phymatum  
augmento & statui congruunt.

**H**Oc ut Fuchſio Ger-  
mano placet, lilium  
conuallis eſt; quo omnes  
horti hodie ornantur, &  
merito, quia eius flores,  
tanquam arbuti figura,  
eximiam referant redo-  
lentiam, odorè enim ex  
ſe emittunt, ſimilem illi  
quem narantij flores ſpi-  
rare ſolent, de quo Gale-  
nus lib.vj.de Facul.ſim-  
plic. medicam.ita dixit:  
Ephemerum non venenũ  
illud, ſed quod iris ſylua-  
tica nominatur, aſtrin-  
git quidem, eſtque ſua-  
uis odoris, Quare & re-  
pellit, & per halitum di-  
gerit, Non ineffaciter  
autem radix eius in den-  
tium dolore colluitur.

*Diuerſum  
pingit Ma-  
thiolus &  
vt puto,  
verum.*

## DELENTEPAVLVSTRI.

Græcè, φακὸς ὁ ἐπὶ τῶν τελεμάτων: Latine, *Lenticu-*  
*la palustris*, *lens aquatica*: Hispanicè, *lente yuela*  
*de stanque*, *lenteya dellagoa*: Italicè, *lente de i pa-*  
*ludi*: Gallicè, *Lentille aquatique*: Arabicè,  
*Thaleb*: Germanicè, *Vvaſſer linſen*, oder  
*meer linſen*.

## Enarratio LXXXIX.

Lenticula  
aquatica.

Upernatat in aquis præcipue stagnosis, lenticula hæc colore viridis, quæ de causa, lenticula palustris vel aquatica lenticula nominatur, de cuius viribus Galenus libro octauo de Facult. simpl. medicam. ita dixit: Humidæ frigideque temperaturæ existit, vtrinque ex secundo ordine,

## DE SEDO MAIORI.

Græcè, ἀϊζωον μέγα: Latinè, *Aizoum maius, sedum maius*: Officinis *semperuiuum maius, barba Iouis*: Hispanicè, *yerua puntera, sempre viua*: Italicè, *sempre viua*: Gallicè, *Iombarde, Arabicè, Beihalalen*: Germanicè, *Haus vurtz*.

## DE SEDO MINORI.

Græcè, ἀϊζωον μικρόν: Latinè, *Aizoum minus, sedum minus, semperuiuum minus*: Gallicè, *Triquemadame*: Germanicè, *Maur treüblin, oder klein hausvurtz*.

## Enarratio XC. XCI.

Mathiolus  
errat.

Dicitur aizoon, id est semperuiuum, quod nec ingenti æstu, nec atroce frigore vnquam moriatur, sed semper in omni tempore viride, præcipue supra testa antiqua & veteres muros vigeat. Frigida enim ac constringens herba hæc est, medico vsui cotidiano veniens: At minus sedum, vt ego opinor, faba crassa, siue faba inuersa, herba dicta est, natura frigida: nõ vero vermicularis, vt Mathiolus, & alij putant: quia vermicularis herba, sapore acris est, natura vero calida, quæ duo minime sedo minori conueniunt, quum vt dixi sedum minus, natura frigidum, vt maius est. Cæterum, & planta ipsa descriptioni ex toto responderet, vt iure concludendum sit, quod faba inuersa, siue crassa dicta, minus hoc semperuiuum sit, de quibus Galenus, libr. vj. de Facul. simplicium medicamentorum ita inquit: Aizoon vtrinque tum maius, tum minus desiccat

*Semperuiuum.**Paruum.*

cat quidem leuiter, vtpote astringens modice: est tamen ex tertio ordine refrigerantium, in eoque aquea essentia præpollet: quare ad erysipelata, herpes, & phlegmonas à fluxione ortas accommodatur.

## DE TERTIO SEDO.

Græcè, ἀείσωον ἢ ἑρδρον: Latinè, aizoon alterum, telephium, portulaca syuestris, vermicularis herba: Hispanicè, vuas de perro yerua, la vermicular yerua: Italicè, herba granelosa, la vermicolare: Gallicè, tette de souris, ou pain doyseau: Ger. Maur pfeffer.

## Enarratio XCII.

Tertium hoc sedum, vermicularis est herba, natura ca- *Vermicula*  
lida, sapore acris, cuius duæ species habentur, altera *ris*,  
lucos habens flores, altera verò albos: hanc fæminam, il-  
lam vero masculum, nonnulli appellant. Cæterum hæc  
ipsa telephium quoq; dicitur, herba de qua capite vltimo,

*Aizoon maius.**Minus.*

libri secundi sermo quoque habitus est. Proinde caput hoc idem cum illo esse, certum est, quod Galenus tacite confirmare videtur, quum de hoc tertio sedo, non alibi quam sub telephio, mentionem fecerit, dicens: Telephium, exiccandi & detergendi facultate est præditum, non tamè insigniter calida, sed forsan secundi ordinis. Desiccet etiã secundo, intenso tamen, aut tertij principio, proinde ad putrida vlcera congruit, & cum aceto vtramque vitiliginem sanat, Hæc Galenus. Cæterum, huic nostræ assertioni fauet historia in Aldino exemplari scripta, quæ multa refecata habet, & ita incipit: Tertium sedi genus, folia habet oliuæ, multo tamè minora, numerosiora, & tenera, coliculos rubentes ab vna radice multos, in terram procliues, qui commanducati succo abundant, glutinosique & falso sapore sunt, calefaciendi vis & natura illi est, acrimoniam habet, exulcerat, & strumas cum axungia emplastri modo imposita, discutit.

## DE VMBILICO VENERIS.

Græcè, κὼυλινοῦ ὄρι: Latinè, Cotyledon, acetabulum, umbilicus Veneris, cymbalaria: Hispanicè, Lusitanicè, Scudetes, concilhos: Italicè, cupertoiale, Gallicè, rondelette, ou escudes: Germanicè, Nabel kraut.

## DE ALTERO VMBILICO

## VENERIS.

Græcè, ἑτέρα κὼυλινοῦ ὄρι: Latinè, Alterum genus umbilici Veneris, cymbalion, alterum acetabulum: Germanicè, Donnar bonen.

## Enarratio XCIII. XCIIII.

**H**Aerent parietibus & humectis locis, vtrunq; acetabulum, folio crasso, rotundo, concauo, coxendicis figura, quæ frigida sunt & combustionibus deseruietia: de quibus Galenus libro vij. de Facult. simplicium medic. ita inquit: Cotyledon, humidam, subfrigidam, obscure astringentem, ac leuiter amaram obtinet facultatē, vnde refrigerat, repercutit, abstergit, & discutit, itaque phlegmones erysipelatodes, & erælipelata phlegmonodæ perfanat, æstuantiq; ventriculo commodissimum cataplasma existit.

Acetabulum  
umbilicus  
Veneris.

## DE VRTICA.

Græcè, ἀκαθάρτι: Latinè, Urtica: Hispanicè, Ortiga: Gallicè, Ortie: Arabicè, Huniure, angiara: Germanicè, Nessel.

## Enarratio xc v.

**O**Mnibus Vrtica nota est, & illius omnia genera, de quorum viribus ita tradit Galenus libr. vj. de Facult. simpli. medica. Huius herbæ, tum fructus, tum folia, admodum digerentis sunt facultatis, adeo vt phymata & parotidas sanent, sed & quiddā flatuosum exhibent dum coquuntur quo extimulant venerē, & maxime vbi semen cum musto bibitur. Quod non calfaciat vehementer, sed

Vrtica.



Urtica 1.



Urtica 2.

nimis tenuium sit partium, testimonio est crassorum ex pectore eductio, tum pruritus quem in partibus excitat, porro subducit ventrem titillatione magis quàm purgatione, in vniuersum, quæ exiccari citra mordicationem postulant, ea conuenienter persanat.

## DE GALIOPSI.

Græcè, γαλιόψις : Latinè, *Galiopsis*, *urtica labeo*, *urtica fœtida* : Hispanicè, *urtiga muerta* : Italicè, *Ortica fetida* : Gallicè, *Ortie morte*, ou *puante* : Germanicè, *Vins augen*, *Taub nessel*.

## Enarratio x c v i.

**F**amiliaris vbiq̃ue galiopsis herba est, quæ prope vias, sepes, & domorum areas, folio & caule urticæ, nascitur, non tamen pungit, sed multum fœtet, qua de causâ, urtica fœtida à multis dicitur. Cæterum, ita galiopsis baloto similis est, vt primo aspectu, herbarius vnam pro alterâ eradicabit: differunt tamen, quia galiopsis, flores habet

*Galiopsis  
balote.*



Galiopsis.

bet purpurascens, balotus verò albos: item, qui scrophulariam herbam officinis vulgarem, quam ferrariã, sicariam, castrangulam, & mille morbiã vocant, Dioscoridis galiopsim esse autumant, omnino falluntur: quia si per galiopsim Dioscorides scrophulariam intelligeret, illius proculdubio radices non subtriceret, quas nodosas & turbinatas habet. Quibus adde, quòd galiopsis nascitur in sepibus, secus itinera, & in domorũ areis: Scrophularia verò, potius prope aquarum riuulos. Argu-

Scrophularia.

mentum tamen cui innituntur, ij qui galiopsim scrophulariam esse dixerunt, hinc desumunt: vident enim scrophulariam florem galeæ quodam modo similem producere, vnde galiopsis nomen illi conuenire arbitrati sunt: sed reuera decipiuntur, quia, Galea Latinum nomen est, Galiopsis verò Græcum, vnde non credendum est, quòd nomen Græcum à Latino deductum sit, vt olim Euritius Cordus patefecit, quem quòq; Mathiolus Senensis sequitur, & Fuchsius in hac re reprehendit, qui prædicta ductus ratione in suo Herbario, scrophulariam pro galiopsi depingit. Est igitur, vt in pauca rem totam conferamus, galiopsis prædicta fatua vrtica non vero scrophularia, vel vt Euritius augurat, & Mathiolus credidit, herba quædam vrticæ similis, in cuius foliis lactex quædam maculæ conspicitur, ob quas, Galiopsim herbam hanc dici, à Gala id est lacte, creditur. De qua Plinius lib. xxvij. cap. 9. eadem cum Dioscoride dixit, & illius Galen. libris Simplicium nullam fecit mentionem, quanquam Paulus Aegineta vt solet, ita de galiopsi tradat: Galopsis vel Galiopsis, vrticæ

Fuchsius  
conuelli-  
tur.

similis herba est, verum maiorem habet leuorem & odorem grauem, scirrhusos tumores dissipat & emollit, item ad vlcera serpentina facit, emplastri modo imposita.

## DE GALLIO.

Græcè, γάλλιον: Latine, Gallium: Hispanicè, Còai-  
leche: Gallicè, florastre, vel petit muguet: Ger-  
manicè, Vnser lieben frauuen vueg, vual,  
oder betstro.

## Enarratio XC VII.



Gallion.

cubitalis altitudinis, cuius caulis gracilis, foliolis stelle modo dispositis, ad aparine herbæ figuram, ornatur, in cuius summitate flos luteus, densus, exilis, numerosus, ac grati odoris est: lac enim herba hæc coagulat, & ea de causa Gallion dicta, veluti illa altera herba quam Ethrusci & Longobardi, presturam vocant, quæ lac contrahit, & inde caseus dulcis dictus, conficitur. De gallio verò, ita vt solet Galenus lib. vj. de Facult. simplic. medic. tradit: Gallium

**C**Rucior quum herbam vulgarem, & mihi notissimam, & qua omnia fere prata ornantur, innominatam reliquerim, possunt autem huic veluti cõpluribus aliis nomina Hispanica indere viri doctissimi Hispani, veluti Christophorus Oroscius, qui apud Salmanticenses non infelici successu agit, Antonius Ludouicus Olyssipponensis, vtriusq; linguæ doctissimus, ac alij complures, quorum nomina Centuriis curationum nostrarû recensemus. Cæterû gallium herba est ad summum



vnde nomen sumpsit, quod lac coagulet, facultatem autem obtinet exicatoriam, & subacrem, flos eius compe-  
tere sanguinis profluuiis videtur, & combustis mederi: est  
autem boni odoris, & coloris lutei.

## DE SENECEIONE HERBA.

Græcè, ἔριγγον: Latine, Erigeron, senecio: Hispani-  
cè, bon varon: Lusitanicè, attastinha: Italicè,  
Cardoncello, Speliciofa: Gallicè, seneçon: German.  
Grind kraut, creütz vvurtz.

## Enarratio xcviij.



Senecio.

**E**Rigeron longè alia  
res est ab eryngio, cu-  
ius inaduertentia multi  
decepti sunt, credentes,  
erigeronen carduum esse  
benedictū, quum tamen  
eryngium vt lib. iij. dixi-  
mus, carduus centum ca-  
pitum dictus sit. Est igitur  
erigeron herba vbiq;  
obuia senecio dicta: quæ  
plerunq; suprà muros, &  
parietes veteres nascitur,  
altitudine cubitali, mul-  
tos à se cauliculos emit-  
tente, quibus folia mul-  
tidiuisa sunt, quæ diuifio-  
nes crucē referre viden-  
tur, vnde cruciata herba  
appellata est. Floret verò  
herba hæc initio veris flo

Cruciata  
herba.

ribus luteis, cito dehiscentibus & in pappos euanescenti-  
bus: vnde erigeron dicta est, quia vere flores ij humani ca-  
pilli modo in ea canescant, vocant autem Græci ἔαρ ver:  
quibus γέρον senex dicitur vnde veris senex, vel senecio  
herba appellatur. Cæterū, hanc falso Otho Brunphelsius,  
pro altera specie verbenæ in suo depinxit Herbario, vt  
iam diu patefecimus. Sed est quoq; altera herba, huic pro-  
xima,

Brunphel-  
sius errat.

xima, sed procerior, utpote caules tricubitales emittens, cuius succo medici Hispaniæ contra morbum Gallicum utuntur, & eam Lusitani sua voce, tafneriam, vel talafneriam vocant, quam nonnulli vocum affinitate instructi, credunt, tanacetum apud authores descriptum esse, non sine tamen ingenti errore, quum inter se maxime varient, ut conferenti manifestum erit. De erigero verò ita brevissimè tradit Galenus lib. vj. de Facultat. simplic. medic. Erigeron refrigerat, & modice digerit.

## DE TALICTRO.

Græcè, *Θάλιτρον*: Latine, *Thalictrum*, *thaliolum*: Germanicè, *Heylbat*.

## Enarratio XCIX.

**F**also Ruellius, argentinam herbam, thalictrum esse dixit, quum argentina herba longe alia est ut suo diximus loco: at thalictrum hucusq; quod sciam non vidi, de quo Galenus lib. vj. de Facult. simpli. medica. ita dixit: Thaliolum folia habet coriandro similia, caulem crassitudine rutæ, vis eis inest citra morsum exicatoria, itaq; ulcera inueterata ad cicatricem perducit.

## DE MUSCO MARINO.

Græcè, *Βρύον θαλάσσιον*: Latine, *Brion thalassion*, *muscus marinus*, Gallicè, *mousse de mer*: Arabicè, *Thabel*: Germanicè, *Meer mos*.

## Enarratio c.

*Corallina.*

**O**mniū doctorum hominū consensu, muscus marinus officinarum corallina est, qua hodie pro depel-  
lendis puerorum vermibus, medici frequenter utuntur: Merito enim corallina dicitur, quia cum corallo, similitudinem quandam gerere videtur, vel quia cum eo plerunq; quoq; nascitur: hic vero Anconæ in magna reperitur copia, cuius vires vermes interficiendi, antiqui ignorarunt, ut ex Galeno quoq; percipi potest, qui de eo libro sexto de Facul. simpl. medic. sermonem habet, & illi nullam similem tribuit vim, dicens: *Brion thalassion* compositum est ex terrena & aquea essentia, utraque frigida, siquidem & gustum astringit, & calidis quibusvis illitum,

ea refri

ea refrigerat, adiuuatq;. Cæterum Hispani herbam istam malhorquinam appellant, quia primo ad illos, ex Maiorica, altera insularum Balearium, aduecta fuit.

## DE MARINA ALGA.

Græcè, φυκος & θάλασσιος; Latinè, Phycos thalattion, alga, fucus marinus: Hispanicè, las ouas del mar: Italicè, Alga marina: Gallicè, vray; ou vrac, fucillet de mer, Coralline.

## Enarratio CI.

Phycos thalattios alga marina est, non ea tamen qua apud Muranum Venetiis vitrea vasa parantur: nam & illa alga marina dici meretur, de qua Galenus lib. viij. de Facul. simpl. medic. ita tradit: Phycos ex mari exemptus & virens, siccat refrigeratq; in secundo ordine, habet enim quiddam modice acerbum.

## CONSTANTINVS.

Cum nihil ferè notius sit musco marino, atque etiam marino fucis, his maxime qui in locis maritimis versantur, nullum tamen interpretum adhuc comperi, tametsi multi multa super hac re scriptitent, qui tam parabilia quam salutaria hac, vel per somnium nouerit: nisi tantum ex lectione authorum, quos etiam credere præstabilius, ac magis operæ pratium sit, permulta probabiliter potius, quam verè prodidisse, non ut quidem eorum eleuetur fides, verum ut hac tuta diffidentia, nostra in anquirendis tanti momenti rebus, desidia castigetur. Eam obrem, apponam non solum quæ ex historia aliorum, de hisce rebus didici: sed etiam quæ frequenti inspectione, & talium tractatione certò cognoui, quantum possum ex memoria repetere. Primo autem loco ponendum, bryon thalassion, siue marinum muscum, Corallinam non esse quam depingit doctissimus Mathiolus, fruticosa enim planta & surcullosa est Corallina, muscus vero marinus herbula capillacea, & veluti villosa, instar musci arborum: congener siquidem huic est & forma, non tantum nomine similis. albicante autem colore est aut rufescente, non autem herbaceo: tametsi etiam glauco conspexerim: scopulis qui mari alluuntur concrescit, radice nulla notabili: & sæpe ostreorum, gammarorum, ac mytilorum testis atq; operculis cum inueterauerint, adhærescere firmiter obduclius cõspicitur, cum exaruit facile confringitur, & friabilis existit, quod è diuerso in  
fucis

fuco marino accidit. Corallina autem frutex est & genus alterum phyci, siue fuci marini apud Plinium libro xiiij. cap. 25. capillaceo etiam folio, simile sceniculo, quod in saxis nascitur, & verno interit & Autumno. Phycos vero siue fucus marinus, qui etiam latinorum est alga, vocatur in Oceano Northmanico *vray ou vrac* à voce Græca *βρύον*. Nam bryon & algam, alterum pro altero etiam, ut infra dicitur, usurpat Plinius. Tria autem phyci genera existunt, vnum folio est caricis, id est graminis, sed æquabiliter lato, ac molliore, nec mucronato, vel acuto quale est agrostis, quæ carex est Virgilio, nihilq; penè differt ab vlna palustris, de qua etiam paulò post, nisi colore, quem vlna habet præsium, alga verò subviridem tendentem ad ruffum, quem planè induit in mari, cum vel diu eunsum atque inueteratum, vel cum in aëre exaruit. Pollicari mensura latiore non vidi, aut vlna vna longiorem. Stirps in nostro mari nondum visa est. Folia tantum vndis innatant figura ligule longioris, aut tenie vittata in corollis lemniscatis. Hæc algula est cui Dioscorides in odore corallia comparat, cum inquit, lib. v. cap. 139. *ἔστι ἡ ὄσμη βρυόου ἡγεῖ φυκίους ἐμπεγῆ ἔχει*. De qua etiam intellexit Nicander cum ait: *βρύα κενὴ καὶ πολυδαίοιοιο θαλάσσης*. Qui etiam scitè admodum in Alexipharmacis protulit, *φυκίους ἀγρῶν*: algosas vias exponeret Plinius, id est litora. Nam ut etiam rei nauticæ peritissimus Virgilius expressit, scopulis illisa refunditur alga: quod fit præsertim cum tempestuosum est, & scuit mare. Tunc abundanter litoribus eiectam & dispersam rustici Aestate, ut fenifetes (scæpum nam hoc marinum est) rastellis accumulunt, & in campo expositam furcillis versant quoad perarescat: deinde probe siccatam fœni instar in metas construunt, aut comportant in fanilia vel palaria. Eaque sunt, quæ tum præparant pecorum & boum hyberne stabulationi stramenta. Ex eoq; qui hinc conficitur fimo, agros nimia defrugatione emaciatos & exinanitos stercorant leto segetum prouentu: tamen si alga ipsa per se, ut est è mari aduecta cum infinitate minutarum cochlearum (nos vocamus Virelys sermone patrio) pro pinguisimo letamine sit, non secus atq; marga, quæ etiam nostris hominibus Neustria, maximo in vsu est. Alium etiam vsum præstat hæc algula tenuioris fortunæ hominibus: est enim siccata, tomenti loco suas culcitræ insarciunt. Quæ olim consimiliter ipsius cognita commoditas in faciendis centonibus, viridisq; in castris locum habuit. Quod intelligitur ex Vitruvio, cuius hæc verba sunt quæ subiiciam, lib. x. de Architectura cap. 2. ubi de testudinis constructione loquitur: Circum tabulata collocentur crates

erates ex tenuibus virgis creberrime textis, maximeq; recentibus, percrudis corijs duplicibus confutis, farctis alga, aut paleis in aceto maceratis, circa tegatur machina tota. Sed quoniam Alga (de hoc enim genere precipuè intelligendum) comparatur vluæ palustri, cuius mentio apud Virgilium Aeneidos 2. cum ait Simon;

Limosq; lacu per noctem obscurus in vluæ

Delitur: Et lib. vj, eiusdem operis, ipse inquit poeta:

Tandem transfluuium incolumes vatemq; virumq;

Informi limo, glaucaque exponit in vluæ: Quid vluæ dicendum item est. in quo fiet satis iam alga descripta, si tantum adiungam; Quod alga est mari, id paludis esse vluam, visum Sernio Mauro Virgilij explanatori. Ipsa herba in vlginosis & palustribus locis prouenit, sine caule, folijs graminis ab imò cespite prodeuntibus, longioribus quidem, nec acutis in summo, in stagnis sub aqua, relecta, demersa conspicitur: cuius leuissimo aquæ motu vibrantur frondes, viridissimæ sunt: figura ligulæ, euulsæ ab radice aquis fluitant. De vluæ loquitur etiam Vitruuius lib. ij. cap. 1. cum nonnullos scribit, ex vluæ palustri componere tuguria tecta. sed reuertamur ad phycos, siue algam, cuius alterum genus est latifolium, folio quidem oriæ sed minime acuminato, verù latitudine aquabili, & vndiq; sui simili, quales phyluræ. splenium enim longiusculum, aut fasciolam explicatam diceres cum vndis supernatat. Hoc genus est, quod describit Plin. lib. xij. cap. vltimo, folio lato, colore viridi: congruitque optimè quod quosdam ait, prason & Zostrera vocasse: talis siquidem huius color & forma. sed mihi videntur herbæ folia, quæ fruticis esse ait. Rufescunt arida & complicantur, reuiescunt tamen aquæ imposita & subito se explicant ac diffundunt, vt accitus viuiscere imaginetur qui nunquam ipsa viderit. Aliud est Alga siue fuci marini genus quod mihi suffrutex videtur potius, quam herba. hoc viscum marinum voco, tale per omnia nisi folio quod habet crispæ lactucæ, & colore differat: nam surculis rubris germinat, substantia vero & toto aspectu glutinum taurinum ementitur, De eo locutus est etiam Plin. lib. xxvj. capite 10. his verbis quo loco tractat de podagra: liberat eo malo phycos thalassion, id est fucus marinus lactucæ similis, qui conchylijs substeruitur, non podagræ modo, sed omnibus articularum doloribus impositus, priusquam exaresiat. Tria genera eius latum & alterum longius, quadamtenus rubens: tertium crispis folijs, quo in Creta vestes tinguntur, omnia eiusdem vsus, Nicander eam aduersus serpentes dedit. Hæc Plinius, in quo bona ex parte Dioscoridis

scoridis vestigijs incedit. Item libro xxxij. cap. 6. cum inquit: Et Algam maris Theriacen esse Nicander tradit. Plura eius genera vt diximus, longo folio & latiore, rubente, altove crisso, laudatissimaque in Creta iuxta terram in petris nascitur: tingendis etiam lanis ita colorem alligans, vt elui postea non possit, Et vino iubet eam dari. His compone quæ idem author scripsit lib. xxvij. cap. 8. Bryon marina herba sine dubitatione est lactuca folijs, rugosa veluti contracta, sine caule, ab ima radice exeuntibus folijs. Nascitur in scopulis maxime, testisq; terra comprehensis. Præcipua & siccandi ei spissandiq; vis, & collectiones omnes inflammationesque cohibendi, præcipuè podagra & qui quid refrigerare opus sit. Adicienda sunt etiam, vt nihil desideretur, quæ tradidit idem scriptor lib. xij. cap. 25. hunc in modum: Nascuntur & in mari frutices arboresq; minores in nostro. Rubrum enim & totus orientis Oceanus refertus est syluis. Non habet lingua alia nomen, quod Græci vocant phycos: quoniam alga herbarum magis vocabulum intelligitur: hic autem est frutex: folia lata colore viridigignit, quod quidam prason vocant, alij Zostera, Alterum genus eiusdem, capillaceo folio simile sceniculo, in saxis nascitur, superius in vadis haud procul litore, verno vtrumq; & interit Autumnno. Circa Cretam insulam nato in petris purpuras quoque inficiunt. Laudatissimū à parte aquilonis, aut cum spongij. Tertium est gramini simile, radice geniculata & caule qualiter calami. Aliud genus fruticum bryon vocatur, folio lactuca, rugosiore tantum, iam hoc interius nascens. Haec lenis Plinius: in quo lector obseruaquam varietatem et quam indistinctè quasi se reuocans ista omnia tradiderit. Phycos algam vertit & fucum marimum: alibi in alia lingua nomen habere negat. modoque herbam vocat & subinde fruticem: adde quòd Bryon & phycos alicubi confundit. Sed profecto (si verum fateri liceat) hac omnia errata leuis sunt momenti, modo quid res ipsa sit aperte intelligatur, congeneres plantæ sunt & propemodum viribus similes. Sicequidem quantum ad me attinget, tamen viri leues errores aliquot, non vt quidam faciunt capitales, accusare nequeo: cum tot eius benedicta vehementer subeat admirari. Porro vt hac concludamus, adhuc dicendum de alga meminisse Theophrastum in historia plantar. libro iij. Aristotelem lib. vij. & vij. de historia animalium. Et præter citata superius, Plinium lib. xxvj. cap. 12. lib. etiam xxvij. cap. 7. Item libro ix. cap. 26. quando dixit: phycis sola piscium nidificat ex alga, atq; in nido parit. Quod desumpsit ex Aristotelis de histor. Animal. lib.

li. ix. quo loco etiam phycos vertit Plin. algæ: & Gaza a sucam ubi phycis legitur. Verum hac omnia in alio iusto opere, & picta & descripta melius, quàm hic sunt tumultuariè & vellicatim quidem ac saltuatim vt inquit Gellius, quasi per satyram congesta, leclorum oculis subijciemus. Quod virgula diuina fiet & representabitur tum otiosè, tum consideratè. Id nunc in hac lucubratione breuissîma, mihi præripit librarij importuna festinatio. Quare hoc in hac aliena mæsis recognitione, quod scilire interpretor, excusabit benignus leclor, & hostimenti loco à nobis accipiet in iam recepto opere, hoc superpondium & aucluarium, quod scripturi sumus etiam de sphaera siue pila marina propositaq; pariter figura, vt Galenus intelligatur cum de ea meminit lib. j. de composit. Medicamentorum: Et Aristoteles libro 9. de historia animalium.

## DE POTAMOGETONE.

Græcè, πῶταμορέτωρ: Latinè, Potamogeton: Officinis fontinalis herba, Germa. Lungen kraut, sam kraut.



Potamogeton.

## Enarratio cii.

**P**otamogeto, vt ego opinor, ea est herba, quam officinæ hodiernæ pulmonariam appellant, eo forsan quia pulmonis vitiis opituletur: quæ folio constat heræ hirsuto, notis albis emaculato, & prope fontes & aquosos locos nascitur, vnde fontinalis nomen traxit, de qua Galenus libro octauo: ita dixit: Potamogeton astringit & refrigerat similiter polygono, sed essentia eius crassior quàm polygones est.

## CONSTANTINVS.

**H**erbariorum duplex est pulmonaria dicta: una folijs lacinia-  
tis, & tota similitudine pulmonem referentibus. in quercu  
& saxosis locis nascitur. Altera folio est Cirsy, siue borraginis, ma-  
culato albicantibus notulis, qua locis opacis prouenit: non autem  
in aquis vt potamogeton, quod folium habet betæ, non admitten-  
da igitur Amati opinio. Nemoque est herbariorum qui non re-  
rum potamogeton iam cognoscat: præter notas quas illi Dioscori-  
des tribuit etiam spicatum. ob id vocatur à nostris espyc D'eau. Est  
etiam aliud genus quod lagunculas profert, galli mei vocant Bu-  
rettes ou courges d'eau: folio est plantaginis aquatica.

## DE STRATIOTE AQUATICO.

Græcè, στράτιωτης: Latine, Stratiotes fluuiatilis, stra-  
tiotes aquaticus.

## Enarratio CIII.

**S**tratiotes in aquis supernatans, sedo simile folium  
habet, quod vt creditur, non alibi quam in Aegypto  
nascitur, de quo Plinius lib. xxiiij. cap. 18. ita inquit: Cele-  
bratur autem & à Græcis stratiotes. Est ea in Aegypto  
tantum, & inundatione Nili nascitur aizoo similis, ni ma-  
iora haberet folia: refrigerat mire, & vulnera sanat ex  
aceto illita: item ignes sacros ac suppurationes, sangui-  
nem quoq; qui defluit à renibus pota cum thure masculo  
mirifice sistit.

DE STRATIOTE, MILLEFO-  
LIA DICTA HERBA.

Græcè, στράτιωτης χιλιάφυλλοι: Latine, Stratiotes,  
mille folium: Hispanicè, milhojas yerua: Italicè,  
mille foglio: Gallicè, mille feuille: Germanicè,  
Garben, schaff garben, oder schaffripp.

## Enarratio CIIII.

*Millefoliū.* **H**æc enim herba est, quã hodie pharmacopolæ mil-  
lefolium appellant, quũ ex directo descriptio illi con-  
ueniat. nec enim myriophyllon millefolium herba est, vt  
multi crediderunt. Nascitur autem millefolium vulgare  
in pratis, locis siccis, & prope vias, non verò aquaticis lo-  
cis,



eis, vt myriophyllon, à cuius millefolij radice caules semicubitalis altitudinis nascuntur, numero tres, quatuorve aut quinque, in quibus folia sunt auicularum pennis similima, & ad ea multum accedentia, quæ sylvestre cuminum emittere solet. Cæterum in summitate caulium, umbellæ albæ sunt, quæ aliquando rufescunt, vt iure dicendum sit, terrestre hoc millefolium officinarum millefolium esse, non verò myriophyllon. De quo Galenus lib. viij. de Facultatibus simplic. medic. ita tradit: Aquaticus stratiotes humida & frigida facultate est: terrestris verò, non nihil habet astrictionis, proinde & vlcera glutinat.

## DE VERBASCO.

Græcè, φλόμω : Latine, phlomos, verbascum : Offic. thapsus barbatus : Hispanicè, verbasco : Italicè, tasso barbasso : Gallicè, mollaine, ou bouillon blanc : Germanicè, v vullkraut.



Verbascum 1.



Verbascum 2.

*Verbascum 3.**Verbascum 4.*

## Enarratio C V.

*Verbascū.* **V**erbasci, vulgò talsibarbasci dicti, duæ seplasiariis notissimæ sunt species, quarum altera flores albos habet, altera verò luteos, quibus pro sedandis doloribus, tanquam medicamento anodino, & temperato sæpe utimur. Cæterum duas alias species huius verbasci, Ruell. credidit, eas esse herbas, quas quidam herbas paralyfis, alij verò herbas primi floris appellāt, alteri quarum flos albus inest, alteri verò luteus, nā folia vtriq; crispā admodū sunt virgæ pastoris dipsaci dicti, simillima, quas quoq; herbas Fuchsius, tanquam veras verbasci species in suo depinxit Herbario; quæ dubio procul constringendi vires obtinēt. Porro ex verbascō lychniā fieri possunt, vnde à Dioscoride lychnitis, & thryallis appellatur. Cuius flores rustici in Italia, & nonnulli in Hispania, pro coagulando lacte usurpant, & illius semine contuso & pani vel caseo mixto, Hispani

*Herba pri  
mi floris.*

spani pro interficiendis lacustribus piscibus vtuntur : de quo Galenus lib. viij. de de Facult. simpl. medi. ita inquit: phlomis, id est verbascum eius duæ sunt species: quædam enim foliis est candida, quædam verò nigra : Rursus, albæ quidem mas est, cuius folia angustiora, fœmina cuius maiora visuntur : Est & alia phlomis agrestis, flores habens aureos & luteos, nec non alia quam phlomidæ appellant: Priorum duarum radix acerbæ gustu est, & fluxionum affectibus prædest, atq; adeo dentiû doloribus: quâquam folia digerendi vim habent, similiter & aliarum folia, omnium quippe folia desiccandi & detergendi vim possident.

## DE AETHIOPIDE HERBA.

Græcè, *αἰθιοπῖς* : Latine, *Aethiopsis*.

Enarratio C V I.

Hæc in Aethiopia tantum nascitur.

CONSTANTINVS.

**M** Athiolus antea scripsit incognitâ, nunc verò postrema editione, eius inuenta veram ostendit essentiam.

DE ARCTIO.

Græcè, *ἀρκῖον* : Latine, *Arctium*.

Enarratio C V I I.

**A** RCTIUM nō est lappa minor, vt multi falso credebant, quum lappa minor xanthion sit Dioscoridis, est verò arction herba vbiq; nascens.

*Arctium.*



*Arctium.*

scens, cuius tenelli cauliculi in cibo cardorum vice vsurpantur. Folia etenim crassa verbasco similia herba hæc habet, de cuius viribus ita tradit Galenus sexto de Facultatibus simplicium medicamentorum libro, dicens: Arctium quod thapso verbasco est simile, radice tenera, candida, dulci, caule oblongo & molli, semine cymino simili; tenuium est partium, ob idq; facultatis modice exiccatis & extergentis, quamobrem radix ac semen eius in vino cocta, quadantenus dentium dolores mitigant. Porro ambusta & chimethla non horum modo decoctum, sed & caules teneriores sanare possunt.

## DE PERSONACIA.

*Græcè, ἀρξείος: Latine, arcium, personacia, philanthropos, lappa maior: Officin. bardana: Hisp. bardana, pagamacera maior: Italicè, lappola maggiore: Galglouteron: Germanicè, Gros kletten.*

### Enarratio CVIII.

*Lappa maior duplex.* **N**ascitur Lappa maior vbiq; cum caule, & sine illo: Quæ autem cum caule nascitur folia cucurbitæ, similia habet, fructum verò rotundum, hirsutum, tenaci nexu vestibis hærentem, vnde philanthropos herba dicta est. Cæterum, differt planta hæc à minori lappa, tum folio tum etiam fructu, vt capite de Xanthio dicemus. Quæ autem sine caule nascitur lappa, folia tantum habet lata, ampla, quibus multi vice branchæ vsinæ, non sine ingenti errore vtantur, hanc verò de qua agimus, lappam maiorem appellamus, At qui aparinem lappam esse dixerunt omnino errarunt, vt suo diximus loco, de hac verò lappa maiori ita tradit Galenus libro sexto, de Facultatibus simplicium medicamentorum. Lappa maior digerit simul & desiccatur: astringit tamen non nihil, vnde folia eius antiquis vlceribus prosunt.

*Error multorum.*

## DE PETASITE.

*Græcè, πῆσαςίτης: Latine, petasites: Germanicè, Pestilentz vurtz.*



Petasites.

## Enarratio cix.

**N**isi Fungorum genus aliquod Petasites sit, quidnam sit ignoramus, in Gallia porro eam nasci Ruellius tradit, pro qua Fuchsius lapam maiorem à nobis descriptam capite superiori, in suo depinxit Herbario:

DE EPIPACTIDE SIVE  
elleborine.

Græcè, *ἐπιπυκτῖς*: Latine, *epipactis*, *elleborine*.



Epipactis.

## Enarratio cx.

**S**imilis nigro helleboro, elleborines herba est, minutiori tamen folio vestita, quam Ferrariæ in hortu Magnifici Azaoli nobilis Ferrariensis vidimus. Quum igitur Dioscorides dicat, elleborines folia habet minima, intellige comparatione ad folia nigri veratri, ellebori dicti.

## DE FVMARIA HERBA.

Græcè, καπνός: Latine, capnos, fumaria: Hispanicè, palomilha: Arabicè, sabeteregi: Italicè, fumus terræ: Gallicè, fume terre: Germ. Erdtrauch, oder tauben kropff. Enarratio cxi.



*Capnos, seu fumaria.*

Gallico, pruritu, scabiei, serpigini, lepræ, psoræ, elephantiasi, quartanæ, & alijs varijs, pro quibus, ex ea syrupus, ac per campanam destillata aqua, in officinis parantur. Cæterum ventriculum, iecur, & intestina, herba hæc roborat, & vnice obstructions aperit, vt ex Galeno percipitur, qui lib. vij. de Facult. simpl. med. ita tradit: Capnios, id est fumaria, acris, amare, & acerbæ qualitatis est particeps, quamobrè vrinam biliosam multamq; prouocat: sanatq; tū obstructions, tum imbecillitates iecinoris: Succus eius oculorū acie acuit, non parū trahens lachrymarū, veluti ipse fumus, hætenus Gal. recentiores verò, vt Mesue, Serapio, & alij, nonnihil malignitatis huic herbæ tribuunt, quam facile corrigi, aut cocco, aut passulis enucleatis, vel earū melle contendunt,

vt verò illius vires debiles efficaciores fiant, illi myrobalani, sene, & aqua casei, adiungēda sunt. Porro, ex floribus fumi terræ conditū saccharo paratur, prædictis cōueniens affectionibus, quod curiosi pharmacopolæ paratū in officinis habeant semper, velim. At huius succi dosis, in potu vt testatur Mesue ab vncia media ad duas vsq; propinari debet, decocti verò ab vnciis decem ad quindecim, pulueris verò à drachmis tribus ad quinq; : parum enim calida herba hæc est, sicca verò in secundò gradu.

## DE SATIVA LOTO

Græcè, λωϊός ἡμερος : Latine, *Lotos domestica.*

## Enarratio CXII.

**L**otus sativa, vt ego opinor, acetosum trifolium est, cuius folia cordis figuram imitantur, & eum Plinius oxyn, lib. xxvij. cap. 12. appellat : recentiores vero panem cuculi, vel panem cuniculi, aut alleluyam vocant, quod ad restinguendā sitim, & stomachum dissolutū à caliditate, recreandum multū valere creditur : in hortis autē satum plerūq; reperitur, & vt tradit Gal. vt mediocriter con-

coquendi, ita etiam exiccandi vim possidet : demum in caliditatis frigiditatisq; cōiugio, media quodammodo lotus sativa hæc existit.

## DE SYLVESTRİ LOTO.

Græcè, λωϊός ἄγριος : Latine, *Lotus sylvestris, trifoliū sylvestre* : Offi. *melilotū* : Hisp. *Lusit. melgas* : Ital. *Gall. melilot* : Ger. *Guldē klee oder steinklee.*

## Enarratio CXIII.

**S**ylvestris Lotos, siue trifolium sylvestre, ea



*Sylvestris lotus.*





tur, & qua equi & iumenta multum in esu oblectantur. Cuius causa Itali eam trifolium caballinum nominant, imo ita ea beluæ delectantur, vt hordeum illius loco respuant, quod doctissime à Mathiolo Senensi primo animaduersum fuit, & non immerito Hispani, herbam, & Itali fœnum maxime laudant, in quibus cytilum maxime abundare vident: de qua Plinius merito libr. xij. cap. 22. ita tradit: Frutex est & cytius ab Aristomacho Atheniensis miris laudibus prædicatus, pabulo ouium: aridus vero etiam suum: Spondetq; iugero eius annuos per pluris vel mediocri solo redditus. Vtilitas herbosa, ergo & eo lætior satietas quod perquam modico pinguescunt, & quadrupedia, ita vt iumenta hordeum spernant. Non ex alio pabulo lactis maior copia, aut melior, super omnia pecorum medicina à morbis omni vsu præstante. Quin & nutricibus in defectu lactis aridum, atq; in aqua decoctum potui cum vino dari iubet, & firmiores celsioresq; infantes fore, & cætera: De quo Galenus lib. vij. de Facul. simpl. medic. ita tradit: Cytilli folia digerendi facultatem obtinent, aquæ & temperatæ mistam, vt malua.

Mathiolus  
Senensis.

Cytisus  
læuocast.

#### CONSTANTINVS.

**E**rrantem Mathiolum hoc in loco, vt ipse se retractans sapienter confessus est, Amatus Lusitanus pace sua dixerim, incautè & inconsideratè sequitur, laudatq; intempestiuè in errorem incidens, in quem ille prius impegerat. Cytisus enim trifolium odoratum esse non potest, quia trifolium odoratum herbarijs, vt Lonnicero, nihil aliud est quam Asphaltion Plinij, & trifolium Dioscoridis, quod singulis annis emoritur. Cytisus verò Dioscoridi frutex est, quem Plinius lib. xvj. cap. 40. Et lib. xvj. cap. 38. nec non Columella lib. v. cap. 8. inter arbores adnumerant. Equidè ipsum vidi in hortis Abbatie sancti Germani Lutetie Parisiorum, omnibus Dioscoridis notis congruentem. Luculentus etiam accedit testis veram Cytisum iam inuentam esse, Iacobus Dalechampius omnium quos vnquam mihi videre contigit doctissimus, atque amantissimus, ob hocq; anima dimidium meæ. Is ita hanc plantam depingit: Cytisus in hortis Franciscanorum Lugduni visitur, frutex vltimam altus, ramis multis, canis, folio perpetuo fœnigraci, flore pisi, luteo, nigris maculis compuncto, semine genista in corniculatis siliquis: floret hyeme tota vsq; ad Aequinoctium: Aestate siliquatur, fructum Autumno perficit: folia Erucam olent, & gustata Cicer

recens sapiūt. hac ille omnia curiosissima obseruatione, vt est homō admirabilis industria, atq; diligentia. Sed etiam præter hæc quæ verissimè descripsit, radicis, quam erutam item aspexi, notas appingam, vt completa sit descriptio. ipsam pro fruticis proceritate, crassissimam habet, albam in profundū aētam obliquando, omniumq; huiuscemodi generis tenerrimam: quæ pro comperto euidentis est ratio, cur tota hyeme floreat: tunc temporis videlicet, vegetali calore aduucto, & vberiore alimento, fructuosam alioqui plantam, maximeq; obedientem præ teneritate radicis, proliciente ad fruticandum cum minime sit aliofa. Namq; vt i testatur Plinius lib. xvj. cap. 38. tota ossæ Cytisus, sicuti item Ilex, Cornus, Robur, Ebenus, Morus, Lotos & quæ sine medulla esse dixit. At è contrario, totum è carne corpus fico. Adem author fruticosam esse testatur, vt alterum genus Eberi quod tota India dispersum est: Atq; hoc lib. xij. cap. 3. sed lib. xvj. cap. 40. post loton, & robur exalburnatum, sicissimam ab ipso statuitur Cytisus, cui nigricans color, & quæ proximè ad Ebenum accedere videatur. Cytiso item non secus ac vlna ramulosa esse folia, ex eodē authore ostendi potest lib. xvj. cap. 24. Quam proceram autem sit probari quoque potest ex Galeno libro j. de Antidotis, ipso siquidem authore, Cytisus non plus se subicit, vel altius assurgit quàm est myrti magnitudo. A rei Rustica scriptoribus, Cytiso & ipsi principatus datur in pabulis, non minus quàm Ocimum bonæ causæ feri consueto, vt mihi quoque testis est Plin. lib. xvij. cap. 16. Qui similiter de hac planta affatim dixit inter frutices lib. xij. cap. 24. Sed omnium audissimè Cytisum consecantur capræ, quod & Theocrum non latuit: inquit enim is scienter & appositè:

Αἰεὶ τὸν κῦτισον, ὃ λῦκῃ τὸν αἶρα διώκῃ.

Quem imitatus non minus conuenienter, scientius etiam paulo, duabus notis appositis, Virgilius expressit: Florentem Cytisum sequitur lasciuia capella. Expetitur item ab apibus, nō aliter quàm melissophyllon, aut cassia, aut cerynthæ ignobile gramen. Quæ causa est, cur propter apum aluearia Cytisum feri iubeat Plinius lib. xxj. cap. 12. Columella lib. ix. cap. 4. satiuum ponit & qui sua sponte hæc quæ sponte prouenit species, est ea quam describit Marcellus empiricus. Eius hæc est dictio: herba est vel frutetum, quod maxime circa sepes vinearum nascitur, Latine Cytisus dicitur, virgultus est subtorius vel curuis: folijs oblongis bene virentibus, floribus conclusis, oblongis, albis, vel galbimeis, bene olētibus, id est melito adore, frutetum ipsum semper virens æstate atque hyeme. Pi-

*Flura quam profert Tragus pro Cytiso Dioscoridis, nisi quid me fallit, hoc Cytisi genus exprimit. In summa locis adductis concludi potest Cytisum & inter arbores, & inter frutices siue herbas censi: generisq; differentia à Plinio distingui, vt in arbore fœmineo vtatur in frutice masculino; quod mihi obseruatione indignum visum non est.*

## DE LOTO AEGYPTIA.

*Græcè, λωλός δ' ἐπ' αἰγυπτίῳ; Lat. Lotus Aegyptia.*

Enarratio CXV.

**H**anc hucusq; non vidimus, eam tamen speciem fabæ *Lotus Aegyptia.*  
 Aegyptiæ ignami dicti, esse, pro re certa teneo, cuius quoq; radices, in victus vlu, hominibus sunt, & de ea Theophrastus lib. iiii. de Historia plantarum, cap. 10. sermonem habet: Galenus quoq; vbi de loto agit, ita tradit: Porro Aegyptiæ loti semen etiam in panes fingitur: ceterum lotus hæc Aegyptia, proprie Andacocha est, non *Andacocha lotus Aegyptia est.*  
 vero quæuis altera loti species, vt multi putant.

## DE MYRIOPHYLLO.

*Græcè, μυριόφυλλον: Latine, Myriophyllon, mille folium aquaticum; Germanicè, Vvasserfenchel, oder vvaßergarb,*

Enarratio CXVI.

**M**Yriophyllon nõ est millefolium vulgare, vt abunde *Myriophyllon.*  
 capite de Stratiote terrestri, mille folio dicto diximus. Hæc herba in palustribus nascitur locis, nõ multum vulgari millefolio absimilis.

## DE MYRRHIDE HERBA.

*Græcè, μύρρις, Latine, Myrrhis: Vulgo cicutaria: Gallicè, persil d' Asne: Germanicè, Vvildkoerblin kraut.*

Enarratio CXVII.

**N**on est cerefolium myrrhis, vt iam diximus. Est vero Myrrhis herba cicutaria dicta, cerefolio admodum similis, & vbiq; obuia, qua Salmanticenses abundant, & de illius viribus, ita meminit Galenus lib. vij. de Facul. simpl. medic. Radix eius est odorata & dulcis, mensisque

ſeſque mouet, necnon thoracem atq; pulmones purgat,  
calfacit itaq; ſecundo ordine, cum partium tenuitate.

## DE MYAGRO.

*Græcè, μῦαργος, Latinè, Myagros, melampyron,  
triticum nigrum: Gallicè, Cameline, camamine.*

## Enarratio CXVIII.

*Myagros,*

**R**efert Ruellius libr. iij. de Natura ſtirpium, cap. 126.  
myagrum in Gallia naſci, & in cāpis ſeri, à Gallisq;  
camelinam, vel cameminam appellari. Cæterum dicitur  
quoq; melampyron, id eſt nigrum triticum, herba hæc,  
ex cuius ſemine oleum exprimitur non ſolū lucernarum  
luminibus, ſed pauperū condimentis conueniens. In Bel-  
gica quoq; regione nouimus nos plantam ſeri ramaſam  
folio hederaceo, gallinis, & alitibus dicatam, quia eius  
ſemine maxime gallinæ oblectantur, & ex eo quoque  
promiſcue cum aliis ſeminibus, oleum exprimunt, de quo  
Galenus lib. vij. de Facult. ſimpli. medic. ita tradit: Oleum  
quod ex ſemine ipſius funditur, emplaſticam facultatem  
obtinēt.

## DE OENAGRA.

*Græcè, οἰνάρα: Latinè, Onagra.*

## Enarratio CXIX.

*Onagra,  
Onagra.*

**N**ec in Hiſpania aut Germania, Italiæue, vnquam  
herbam hanc videre potui, quæ ad domandos equos  
& alia cicuranda animalia optima procul dubio eſſet.  
De qua Galenus lib. viij. de Facul. ſimpl. medic. ita tradit:  
Onagri radix arefacta vinoſum quiddam redolet, maxi-  
meque ad vini facultatem accedit.

## DE CIRSIO.

*Græcè, κίρσιος: Latinè, Cirſion.*

## Enarratio CXX.

*Bugloſſa,*

**A**deo Cirſion noſtræ vulgatæ bugloſſæ reſpondet, vt  
omnino fatendum ſit, eandem eſſe herbam, cui ſen-  
tentia Ruellius quoque patrociniatur, & merito: quia vi-  
demus bugloſſam aliquando triquetrum habere caulem,  
ſpinofum, ex cuius floribus neſcio quid euaneſcit, vt ani-  
maduertenti notum euadet: nam in cæteris ita inter ſe  
reſpon



Cirsum.

bus, conditum ex saccharo paratur, conferua cordialis dicta.

respondent, vt spectanti nulla dubitandi maneat occasio. Præinde Mathiolus in hac re, minus bene dixisse crediderim, quum cirsum alteram herbam à buglossa esse contendat. Dicitur vero cirson, quia varicibus conueniat: Nam vt tradit Andreas Herbarius, eius radix vbicunq; varices infestant, reliq;ta, dolores finit. Hodie vero ex ea cum syrupus, tum stillatitia aqua, in officinis habentur, febribus, & in aduersione inclinatis humoribus cõducentes: nõ minus quoque ex huius herbæ floribus cordiali-

Mathioli  
errat.

### CONSTANTINVS.

**O**fficinarum buglossum species est Echj, etiam Fuchsto taste, cui caulis rotundus, cum in Cirso triangularis sit, habetq; Cirson ab uno folia rosea, & in summo capitula in pappos abeuntia: quæ etiam duo in buglossa vulgari desiderantur. Nihil pertinaciter igitur, Lusitanus Mathiolo et rationi resfragatur: dum sequitur Ruellium. De Cirso egit Plinius lib. xxvij. cap. 8. à quo lib. xxv. cap. 8. Buglossos boum lingua similis: cui præcipuum quod in vinum deiecta animi voluptates auget, vocatur Euphrosyon quod officinarum est borrago. hanc adhuc Angli in conuiuio s; vino semper admiscunt conciliandi saporis gratia, & animi exhilarandi causa: quod vtrumq; sæpè præstare compertum sit.

### DE ASTERE ATTICO.

Græcæ, ἀστὴρ ἄττικὸς: Lat. Aster Atticus, inguinalis herba, inguinaria, buboniū. Vulgò stellaria herba, alibio herba: Ara. astaraticon Ger. Sternkarut.

Enarra

## Enarratio CXXI.



*Aster Atticus Inguinalis.* nascitur ubiq; herba ista, quam nonnulli pharmacopolarū, filium ante patrem vocant, & eam alibiū vulgares appellant, vt Leonicens doctissimus vir, in eo libello, quē de morbo Gallico edidit, indicauit. Aduertendum tamen, quod Serapio, herbam istam inguinariam, cum eryngio confundit, quanquam tamen non sine errore ingenti. Dicitur vero aster Atticus stellaria herba, quod foliola stellarum modo disposita habeat, de qua Galenus lib. vj. de Facultat. simpli. medicamento. ita tradit: Aster Atticus, partim quidem digerens est, partim autem refrigerans, verum id non adstringit. Est & alia herba stellaria quoq; dicta, quam multi Alchimillam, alij vero pedem leonis appellant, quæ maluæ folia habet, sed duriora, neruosiora, ac magis crispa, in quibus per circumferentiam extremitates octo dentatæ sunt, & ita dispositæ, vt cum folia ex toto aperta sunt, stellæ modo eradiare videantur: nam huic caulis in altum crescit, ex quo ramuli plures nascuntur, in quorum summitatibus, flores quidam stellæ modo dispositi sunt, qui ex luteo virescunt: Porro illius radix digitalis crassitudinis est, longitudinis vero dodrantalis & amplioris. Nascitur autem herba hæc Maio mense, floret vero Iunio. Multis dotata viribus herba hæc est, de qua Author ille qui ad Pandectas additiones adiecit, ita inquit: Stellaria herba nascitur in montibus Appennini, quæ folia maluæ gerit, & mirabilem habet proprietatem, scilicet ad reddendas steriles mulieres, fecundas: illis quolibet mane coclear vnum prædictæ herbæ,

herbæ, in puluerem redacta, cum brodio capi, vel vino generoso, per viginti dies, in potu propinando, Quibus nos addimus, modo mulieres steriles fiant & non concipiant, quia ob lubricitatem humorum, semen genitale non retinent. Est enim herba hæc constrictoria, & ea de causa, eius siccæ herbæ puluis, iis qui ex alto cadunt, securissimo iuamento conceditur, modo in decocto eiusdem herbæ, vel aqua stillaticia detur, non minus quoque contra enterocelas valet, & muliebres menses cōstringit, imò ita mulierum genitalia cōstringit huius herbæ decoctum, aut stillaticia aqua, vt corruptas æque ac virgines reddat, modo super decocto ad aliquot infideant dies, non minus quoq; pendentes mamillas, rotundas, ac duras, contractasue reddit.

## DE ISOPYRO.

Græcè, ἰσόπυρον : Latine, Isopyron.

Enarratio CXXII.

Ignoratur hodie, quæ Isopyron herba sit.

## DE VIOLA PURPUREA.

Græcè, ἰὸν πορφυρῆν :

Lati. Viola purpurea:

Hispanicè, Violetas:

Italicè, viole mamole:

Gal. violette de Mars:

Arab. sonofrig: Ger-

manicè, Blauu viol,

oder Mertzenviolè.

Enar. CXXIII.

Non minus ornamentum violæ, quam rosæ Officinis hodie præbent, quæ non solû purpureæ, sed etiam albæ, & in aëre frigidioribus quibusdam locis nascuntur: Ex violis multoties

Viola purpurea.  
Syrupus violæ solutivus.



Viola purpurea.

in infusione repetitis, syrupus violaceus solutius, non minoris vis, ac syrupus rosaceus solutius, siue multarum infusionum dictus, conficitur, quo in pleuritide, ac pectoris vitis, pro expurganda aluo, ad quatuorvsq; vncias, vti- mur. De viola ita meminit Gal. li. vj. de Facul. simpl. med. Ios, id est, viola, eius folia aqueam & subfrigidam substan- tiam superantem possident, proinde tum per se, tum cum polenta illita, calidas phlegmonas mitigant, imponitur, & ori ventriculi aestuanti, & oculis. Plura vero de violis apud Mesuen legito.

### DE CACALIA HERBA.

Græcè, κακαλία: Latine, *Cacalia*.

Enarratio CXXIII.

*Cacalia*  
herba.



*Cacalia.*

*Cancanus*  
*Galenus*, ca-  
calia est.

ungitur: porro Galenus de cacalia ita sub cancano tradit, libro septimo, de Facultatibus simplicium medicamen- torum. Radix cancani, crassam emplasticamque & exic- cantem habet essentiam, sed mordacitatis expertem, quare macerata vino sicuti tragacantha, & lincta, aut com- mansa, arteriarum asperitates sanat.



## DE BUNIO.

Græcè, βένιον: Latinè, *bunium*, *napum*, *scopa regia*.

Enarratio cxxv.

**N**on ubique ut multi autumant *bunium* nascitur, quod *Bunium.*  
 ex Argenta, quum apud Ferrarienses agebamus, ad  
 nos delatū est, caule quadrangulo subtili, folio verò apij,  
 nam radicem omnes prætermiserunt, quam ipse hucusq;  
 non vidi, ob cuius forsā cum rapis & napsi similitudi-  
 nem, multi raporum simul genus esse dixerunt, cæterum  
 huius de octum purgationibus sceminarū, vesicæ & vri-  
 næ, vtile esse, certum est, & ut tradit Galenus libro vj. de  
 Facultat. simplic. medicam. adeo excalfacit, & ut urinas  
 moueat, & menses prouocet.

## DE PSEUDOBNIO.

Græcè, ψευδοβένιον: Latinè, *pseudobunium*, *falsum  
 bunium.*

Enarratio cxxvi.

**H**æc herba, ab Italiæ herbariis visa non est, nascitur *Falsum  
 Bunium.*  
 autem in Creta tantum, cuius semen contra vene-  
 na efficacissimum medicamen est, & ea de causa Anti-  
 dotis miscetur.

## DE CHAMAECYSSO.

Græcè, χαμάκισσος: Latinè, *chamaecyffos*, *terrestris  
 hederæ*, *Vulgo hederæ terrestris*: German. Grund-  
 reb, oder Gundelreb.

Enarratio cxxvii.

**H**æc nisi illa sit herba, quam terrestrē herbam, & ter- *Chamaecy-  
 restrem hederam appellant, quæ illa sit ignoratur, de sos.  
 qua Galenus lib. viij. de Facult. simplic. medic. ita tradit: Hederæ  
 Chamaecyffos, flos eius admodum amarus quum sit, iecur terrestris.  
 obstructum aperit, daturque & coxendice laborantibus:  
 Cæterum Ruellius, hanc à se in Gallia visam, longe à ter-  
 restri & viticosa illa dicta herba differente testatur.*

## DE CHAMAELVCE.

Græcè, χαμαίλευκη: Latinè, *chamaleuce*, *chamapen-  
 ce*: Germanicè, *Sevvdannen*.

## Enarratio CXXVIII.

Chamaeleu  
se.

**T**ametſi indifferenter caput hoc, de chamaeleuce vel chamaepeuce legatur, Plinius tamē tanquam de rebus diuerſis ſermonem habet, libro xxiiij, cap. 15, de Chamaeleuce ſic dicens: Chamaeleucen apud nos farranū, ſiue farfugium vocant, naſcitur ſecus fluuios, folio populi, ſed amphiore. Radix eius imponitur carbonibus cupreſſi, atq; iſe nidor per infundibulum imbibitur, in vetere tuſſi. De Chamaepeuce verò, ita inquit: Chamaepeuce lariſis foliis ſimilis, lumborum, & ſpinæ doloribus propitia eſt. Quæ herba, cum iis quæ à Dioſcoride dicuntur, multum conueniunt, vt iure dicendum ſit, chamaepeucen Plinij, herbam eſſe de qua Dioſcorides in præſenti agit. Galenus tamen ſub Chamaeleuce, lib. viij, de Facultatibus ſimplic. medicamentorum ita tradit: Chamaeleuce, calfacit quodammodo tertio ordine, ſiccatur primo.

Chama-  
peuce Pli-  
nij chama-  
leuce Dio-  
ſcoridis eſt.

## DE BVGLOSSO.

Græcè, Βέγλωσσου: Latine, bugloſſus, borrago:



Hiſpanicè, borraienes,  
borraies: Italicè, bor-  
ragine: Gallicè, bour-  
rache, ou bourroche:  
Germ. Borretſch.

Borrago.

## Enarratio CXXIX.

**D**ioſcoridis & Græcorum bugloſſus, noſtratum eſt borrago, De qua carmina ita ſeruntur:

Ego ſum borrago quæ  
tria dona ago,

Gaudium ſemper ago, ſem-  
per viueſco, & in omni tem-  
pore creſco.

Bugloſſum.

Ex 22

**E**X ea syrupus paratus habetur, non minus aqua per  
 campanam elicita, ac ex floribus conditum cum suc-  
 charo, inter cordiales dictas conseruas primatū obtinens.  
 Cæterum, ob id quòd lætitiā buglossus inferat, multi  
 Græcorū nepenthen buglossum esse dixerunt, inter quos  
 Erasmius Roterodamus in sua Moria, nominandus venit.  
 Galenus verò de buglossò, lib. vj. de Facult. simplic. medic.  
 ita tradit: Humidæ calidæq; temperiei est, vinisq; inie-  
 ctum hilaritatis causa esse creditur, sed gutturis etiam le-  
 nitas predinem, si melicrato coctum sumatur.

Buglossus  
 nepenthes

## DE CYNOGLOSSA.

Græcè, κυνόγλωσσος: Latine, cynoglossa, canis lingua,  
 Hispanicè, viniebla, lengua de perro: Italicè, lin-  
 gua di cane: Gallicè, langue de chien: Germanicè,  
 Hundszüng.

## Enarratio cxxx.

**V**Era cynoglossa, omnes Hispaniarū seplasiarij vtun-  
 tur, quam sua voce, vinieblam vocant: secus autem  
 Italiæ mangones, qui cynoglossam alteram lata folia ha-  
 bentem pro vera vsurpant. Est autem vera cynoglossa  
 herba folia oblonga, crassa, & hirsuta habens, quæ rotæ  
 modo, instar Solis depicti, absque caule, flore, & semine  
 apparet, ex qua pillulæ de cynoglossa dictæ, pro euocan-  
 do somno parari debent: frigida autem natura herba hæc  
 est: de qua Galenus nullam quod sciam mentionem fecit,  
 libris suorum Simplicium.

Cynoglossa

Vera Cynoglossa

## DE PHYTEUMATE.

Græcè, φύτευμα: Latine, Phyteuma.

## Enarratio cxxxii.

**H**odie hæc ignoratur, quæ apud Venerem deam for-  
 san reperiri posset, quum amoris tantum conueniat.

## DE LEONTOPODIO.

Græcè, λεοντοπόδιον: Latine, leontopodium.

## Enarratio cxxxiii.

**E**T hanc quoque Venus sibi seruata occultatamq; ha-  
 bet, quia amorum beneficis valere tantum dicitur.

AMATI LVSI. COMMENT.  
DE HIPPOGLOSSO.

Græcè, ἵππογλωσσός: Lat. *hippoglossum*, Ital. *bonifacia*, *bislingua*: Hispani. *lengoa de cau alho*: Gallicè, *langue de cheual*, ou *boniface*: Germanicè: *Zepflin kraut*. Enarratio CXXXIII.

*Hippoglossus.*

*Laurus Alexandrina.*



*Hippoglosson.*

*Epiphyllocarpos.*

*Alexandrina* oriri percipimus: & ea de causa, *laurus Alexandrina* à Theophrasto *epiphyllocarpos* nominatur, quia intra duo folia fructum rubrum eicere magnitudine fert, quàm nonnulli masculum, hanc verò *Hippoglossum* de qua agimus *foeminam* appellitant, cuius foliorum vel radicis puluis, drachmæ pondere in potu, contra matricis præfociones valet, veluti contra intestinalem ramicem, quanquam in initio potius obesse quàm prodesse appareat: & ea de causa, primis diebus brachiali ligatura optime fasciandus est, ager, vt suæ renitatur potentia, sed postea paucis interpositis diebus, mirum in modum agglutinat, consolidatve.

**H**ippoglossum differente esse herbam, à lauro Alexandrina, satis ex Dioscoride percipi potest, qui vtriusque historias differentes facit, tum etiam quia viribus, dispares eas quoque constituit. Est enim *hippoglossus* siue *hippoglossidion*, eadem cum lauro Alexandrina, nisi quòd plerunq; in *hippoglosso* ex maiori & vero folio, minus folium ex medio nò oriatur: quod si illi inesse aut nasci contigerit, nunquam inter illa duo folia, fructum rubrum illum gigni videbitur, qualem in lauro

## DE ANTIRRHINO.

Græcè, ἀντιρρινος: Latine, antirrhinon, anarrhinon, bucranion: Hispanicè, cabeza de ternera: Italicè, antirrhino: Gallicè, moron violet, ou oeil de chat: Germanicè, orant.

## Enarratio CXXXIII.

**N**ascitur variis in locis antirrhinon, herba folio maiori anagallidis, fructu verò paruo, sed vituli capiti perquam simile, vnde nomen traxit, quàm apud Belgas primo mihi monstrauit Simon Sossensis pharmacopola diligentissimus. Qui antirrhinon, apparine similem faciunt, omnino errant, in qua re non minus Plinius taxandus venit, quàm antirrhinon lino assimilat, eamq; lychnin agriam appellat. Nam etsi antirrhinon flore purpureo lychnidi simillimo insigniatur, non ea tamen de causa, antirrhinon lychnis syluestris dicenda est herba: quum tantum inter se differant, quantum penicillum ab arca. De qua Galenus lib. vj. de Facultatibus simplicium medicamentorum ita inquit: Semen habet inutile, estque cum bubonio similis facultatis herba.

## DE CATANANCE.

Græcè, κατάναννα: Latine, catanance: Hispanicè, unhas de gato: Italicè, unge de gatto herba.

## Enarratio CXXXV.

**N**ascitur catanance in maceris, & prope vineas, siliculis aduncis, paruis, quæ quum exiccantur, tanquam milui aut cati ungues apparent, qua de causa, Hispani, herbam hanc cati ungues appellant: secundam vero, hæctenus non vidi, non est tamen bistorta vt Ruellius falso credit, vtramque verò ad amorum veneficia valere, illisque ad eundem effectum, Thessalas mulieres vt Dioscor. testatur.

## CONSTANTINVS.

**C**atanancen thessalam herbam quam Plinius libro xxvj. cap. 8. describere supernacuum putat, cum sit vsus eius ad amatoria tantum, in pratibus de Gentily Lutetia Parisiorum agri atque territorij sæpe vidi: cantabricam ipsam vocant herbarij, cuius alibi picturam & descriptionem proferemus ex diligentia do-

*Elisimi & nihil amicissimi viri Iacobi Dalechampij. Nam quare  
Lonicerus pro Catanianca ostendit, est species Isatidis.*

## DE TRIPOLIO.

*Græcè, Τριπόλιον: Latine, tripolium, Serapionis turbit.*

Enarratio cxxxvi.

**V**ocat Serapio tripolium turbit, quod hodiernum non esse turbit tam album quam nigrum, officinis commune, vel ex hoc satis probari potest, quia radix à Barbaris & Mauritanis hominibus turbit dicta, & hodie seplarianis vulgaris, absq; odore est. nec in ea feruidus aliquis sapor percipitur: imò si Actuarius viro Græco, & doctissimo fides habenda sit, à quo Mesue multa mutuatus est, & suo inseruit operi: fatendum proculdubio est, turbit album radicem esse alypi herbæ, nigrum verò turbit, pityusæ, vt propriis capitibus abunde diximus. Caterum Plinium confudisse tripolium cum polio, ac quæ tripolio debebantur, polio non sine ingenti errore tribuisse, certum est. De tripolij verò viribus ita tradit Galenus libro viii. de Facultat. simplic. medica. Tripolij radix gustanti acris est, & facultate calida in tertio excessu.

## DE ADIANTO.

*Græcè, ἀδίατον: Latine, adianton, capillus Veneris:*

*Hispanicè, culantrilho de pozó: Lusitanicè, auen-  
qua: Italicè, capel Venere: Gallicè, capilli Veneris:*

*Germanicè, vuidertod, fravuenhar.*

Enarratio cxxxvii.

**A**diantum officinis hodie capillus Veneris dicitur: cuius duæ species habentur, & de illis Plinius lib. xxij. cap. 21. sermone habet, dicens: Aliud adianto miraculum, æstate virescit, bruma non marcescit, aquas respuit, perfusum mersumque sicco simile est, tanta dissociatio deprehenditur. Vnde & nomen à Græcis, alioqui frutici topiario. Quidam callitrichon vocant, alij polytrichon, vtrunq; est ab effectu. Tingit enim capillum, & ad hoc decoquitur in vino cum semine apij adiecto oleo copiose, vt crispum densumq; faciat: defluere autem prohibet. Duo eius genera, candidius & nigrum breuiusque. Id quod minus est  
polyte

*Adiantum.**Polytichon.*

polytrichon, aliud trichomanes vocant. Vtriq; ramuli nigro colore nitent, foliis filicis, ex quibus inferiora aspera ac fusca sunt. Omnia autem e contrariis pediculis densa inter se ex aduerso: radix nulla, umbrosas petras, parietuq; aspergines, ac fontium maxime specus sequitur, & saxa manantia, quod miremur, cum aquas non sentiat, calculos e corpore mire pellit, frangitque, vtiq; nigrum. Qua de causa potius quam quod in saxis nasceretur, & a nostris saxifragum appellatum crediderim, &c. Ex quibus videtis, Plinium dixisse, adiantum ideo appellari, quoniam etiam aqua aspersum non madescat, quem tamen effectum, harum rerum maximus experimentator Antonius Musa Brasavola, falsum esse depræhedit, cui & nos quoq; assentimus, qua de re, adiantum potius dici ex puteis quos coronat, & propter id madida non est, vel quia nunquam attingat aquas, credendum est: pectoralis enim herba hæc est, & ut refert Galenus in calore & frigore adiantum symmetricum est, siccatur tamen & extenuatur, & digerit, caput ex alopecia glabrum

*Adianton  
cur dica-  
tur.*

*Adianti te-  
peratura-*

brum capillis vestit, strumas & abscessus digerit, porum lapides frangit, viscidorum crassorumque è pectore pulmoneque excretionibus non mediocriter confert, ac denique ventris profluvium sistit.

## DE TRICHOMANE.

Græcè, Τριχομαρὲς: Latine, trichomanes, polytrichum, callitrichum: Hispanicè, politrigo: Italicè, politrigo: Gallicè, polytricon: Germanicè, Vvidertodt, abthon, oder steinfeder.

## Enarratio CXXXVIII.

**H**Aec altera adianti species est, trichomanes dicta, quam quoque polytrichum, quia multas trichas, hoc est capillos faciat, appellant: vel potius, callitrichum, quia pulchras trichas emittat. Falluntur quidam, qui callitrichum, polytrichum, ac trichomanem tanquam tres differentes herbas faciant, inter quas saluiam quandam transmarinam, herbam folia lata habentem ostendunt: quum tamen, callitrichum, polytrichum ac trichomanes una tantum sit herba, hodie officinis, polytrichum dicta. Porro si quis trichomanem capillum Veneris esse contenderit, adiantum vero officinarum polytrichum, non multum resistemus, quum ut dixi utraque easdem habeat vires: ut testatur Galenus lib. viij. de Faculta. simpl. med. dicens: Trichomanes eadem præstat quæ adiantum.

## DE XANTHIO.

Græcè, Ξάνθιον: Latine, xanthium, lappa minor: Hispanicè, lappa menor: Italicè, grapellas, lappola menor: Gallicè, gloutteron, ou grapelee: Germanicè, bettlers leufs, oder klein kletten.

## Enarratio CXXXIX.

**N**ascitur lappa hæc minor passim, prope vias, & exiccatos lacus, folio atriplicis, fructu vero hirsuto, oliuz



*Xanthium.*

oliuæ magnitudinis, qui  
 quum exiccatur tenaci-  
 ter hæret, non adeo ta-  
 men potenter, vt fructus  
 personaciæ: nam fru-  
 ctus personaciæ rotun-  
 dus vmbilici figura est:  
 Xanthij vero oblongus,  
 oliuæ æqualis: item,  
 personacia folia habet  
 ampla: Xanthion vero  
 circinata tanquam atrip-  
 lici, nasturtium odore  
 referentia, de quo Ga-  
 lenus libro octauo de  
 Facultatibus simplicium  
 medicamentorum: ita  
 breuiter tradit: Xan-  
 thij semen digerendivim  
 obtinet.

## DE AEGILOPE.

Græcè, ἀγίλοψ: Latine, ægilops, festuca: Italicè, squa-  
 là: Hispanicè, vna suerte d' auena montesina: Gal-  
 licè, coquiole: Arabicè, dansir: Germanicè, Dau-  
 ber habern.

## Enarratio CXL.

QVI ægilopem auenam esse credunt, omnino fallun-  
 tur. Est enim ægilops herba frequenter inter hor-  
 deum & auenam conspecta, folia hordei habens, caulem  
 auenæ, in cuius summo grana multa gerit, colore rubra,  
 inter quæ aristæ veluti capilli exeunt, & de ea Galen. lib.  
 sexto, de Facultat. simplic. medicam. ita tradit: Digerendi  
 vim obtinet, existens leuiter acris, vnde phlegmonas in-  
 duratâs, & ægilopas sanat.

## DE BROMO.

Græcè, βρόμος: Latine, bromos, auena syluestris:  
 Hispanicè,

*Ægilops.*

*Hispanicè, auena montesinha: Italicè, auena saluatica: Gallicè, balle, & haueron: Germanicè, Vvild habern.*

## ENARRATIO CXL I.

**P**Ræfixit Dioscorides lib. ij. caput de auena domestica, siue satiuæ: nunc verò de eâ quæ sua sponte in aruis nascitur agit. Est enim bromos aliud nihil quàm auena, de qua quoq; hic egit, vt cãutos nos redderet, quòd Aegilops alia sit herba, à bromo auena dicta. Nascitur igitur auena sterilis, in campis similis satiuæ, sed grano maiori, nigriori, ac hirsuto, de qua quoque Plinius libro xxij. cap. 27. memoriam fecit.

## DE GLAUXE.

*Græcè, γλάξ: Latinè, glaux.*

## ENARRATIO CXL II.

*Glaux.*

*Polemoni-  
um giarca  
est.*

**C**ontendit Ruellius Gallus, in eo libro quem de herbarum & stirpium natura edidit, quòd glaux ea sit herba quam rutam caprariam, galeguam, siue giarcam multi appellant: sed re vera falso, quum giarca polemoniũ sit, vt suo diximus capite. Quæ verò glaux herba sit, non satis constat, de qua Galenus lib. vj. de Facultatibus simplic. medicam. ita tradit: Glaux herba ex lacticiiniis quum sit, calida quòdammodo humidaque fuerit.

## DE POLYGALO.

*Græcè, πολύγαλον: Latinè, polygalum: Hispanicè,  
Lusitanicè, piorno.*

## ENARRATIO CXL III.

*Polygalũ.*

**P**olygali tametsi Dioscorides perbreuè fecerit historiam vt coniecturis tamen assequi possum: frutex ille est, plures à se virgas genitæ persimiles emittens, in quarum summitate flos aurei coloris cerbitur: optimi sane odoris. Vocant autem fruticem istum Hispani piornaum, sapõte amarissimum, ex quo magna pars Italiæ scopas parat: nec enim dubitandum est huius florem lactis abundantiam facere, tam enim suavis odoris est, & gratus.

## DE OSYRIDE.

*Græcè, ὄσυρις : Latine, linaria.*

## ENARRATIO CXLIII.

**O**Syris multorum consensu linaria herba est, de qua officinarum seplasiarij cantant, Esula lactescit, sine lacte linaria crescit. Hæc verò, vernalis alio dicitur nomine, de qua Plinius lib. xxvij. cap. 12. ita inquit: *Osyris ramulos fert nigros, tenues, lentos, & in iis folia nigra ceu lini, semenq; in ramusculis nigrū initio, dein colore mutato rubescens, & c.* In quibus verbis, Plinium aberrasse satis constat: quum quæ foliis Dioscorides tribuit, ille potius ad semen referat, vt consideranti notum erit. De *Osyride* verò ita meminit Galenus lib. viij. de *Facultatib. simplicium medicamentorum*. Amara est, & aperiendi vim obtinet, quare iecur obstructum adiuuat.

*Osyris linaria.**Vernalis.**Plinius errat.*

## DE SMILACE ASPERA.

*Græcè, σμίλαξ ἄσπερα : Latine, smilax aspera, hederæ Cilissæ : Hispanicè, Lusitanicè, biguorda: Italicè, hederæ spinosa, rouo ceruino : Germanicè, Scharpfte vuind.*

## ENARRATIO CXLIV.

**S**milax aspera, proprie hederæ est, horrida tamen spinis, & ea de causa eam Theophrastus lib. iij. de *Plantarum historia*, capite vltimo hederam Cilissam, vel Ciliciam appellat, dicens: *Hederæ ita se habet, Smilax, id est hederæ Ciliciæ amplexi caulis, ipsa quoque assurgit, fructus aculeatus, & velut præhorridus, folium hederæ paruum sine angulo, iuxta pediculi retinaculum, humectum, peculiare, quod medium illum callum qui instar spinæ animalium secat, prætenuem habet & interualla staminea, non ex eo porrecta, vt cætera, sed circa eum in orbem circumacta, ab annexu pediculi ducit, ad caulem vero foliorum internodia consumantem. Villus ab eisdem pediculis, atq; folia tenuis, seq; conuoluens dependet: flos candidus, suauiter olens, verno proueniens tempore: fructus proximus herbæ solano, atque melothro, & maxime vix labruscæ vocitatæ: racemi pensiles vt hederæ sunt, verum*



*Smilax aspera.*

*aspera*, quæ proculdubio, ubiq; folio volubilis sed aspero, & spinis horrido, arboribus circumvoluitur, vnde ab Italis stracia brague appellatur, ex cuius floribus albis odoriferis mulieres Hispaniarum aquam per campanam eliciunt, inter odoriferas aquas non postremas laudes habentem, & eius asparagos Itali in continuo victu habent. De cuius viribus Galenus lib, vij. de Facultat. simplicium medic. sub Smilace trachæa, id est *aspera*, ita inquit: Variis clauiculis suis, arboribus circumvoluitur, folia eius & acria gustanti, & vtenti calida existunt.

### DE SMILACE LENI.

Græcè, *σμύλαξ λεία*: Latine, *smilax lenis*, *conuoluulus*, *volubilis*: Hispanicè, *la campanella corriola maior*, *correguela maior*: Italicè, *voluchio maggiore*: Gallicè, *liset*: Germanicè, *Vvind*.

### Enarratio CXLVI.

**L**enis *Smilax*, ea est herba quam officinæ hodie volubilem maiorem appellant: cuius quoq; recentiores plures

ad labruscam potius accedunt: nam de eodem puncto pediculi acinorum exeunt, colore fructus rutilus est, nucleos in vniuersum quidem binos continet, quanquam grandior ternos, & paruulus vnum. Nucleus durus admodum est, & colore forinsecus niger, peculiare racemis, quod per latera caulium sepiunt, postremoq; caulis, racemus omnium maximus propendet, sicut in rhamno, & rubo, vnde fit, vt extremo fructifera, & latere large fructifera ista spectetur. Hæc Theophrastus de *smilace*

plures alias faciunt species, præter illam alteram cuius capite de cissampelo meminimus, inter quas lupulus nominandus venit, quæ Plin. salitarium lupulū vel repticum lupum, ob id quod salices, & alias scādāt arbores appellat, de quo nos plura aliàs diximus, & ex eo syrupus in officinis concinnatus habetur. Cæterū smilax lenis, eisdem fere cum aspera vires obtinet, vt testatur Galenus citato loco.

## DE RVSCO.

Græcè, ὄξυμυρσῖν, μυρσῖν ἀγρία: Latine, oxymyr sine, ruscus, syluestris myrtus: Hispanicè, ius barba, gil barbera: Lusitanicè, sfolinhadeiro: Italicè, pongi topi: Gallicè, fresionc, & housson.

## Enarratio CXLVII.

**R**uscus à seplasiariis & pharmacopolis hoc tempore, bruscus dicitur, frutex folia myrti habens, sed acuta, spinosave, fructum verò rubrum: cuius radices in vsu medico quotidie veniunt, & illis pro obstructionibus aperiendis merito vtuntur. Cæterum, fruticem istum Græci syluestrem myrtum appellant, à quo cubeba carpesium vocatum, longe vt dixi abest, cuius inaduertentia Arabes hallucinati sunt, vt Ferrarienses primo indicarunt.

## DE LAVRO ALEXANDRINA.

Græcè, δάφνη ἀλεξάνδρεια: Latine, laurus Idea, laurus Alexandrina: Ara. gar Alexandria: Hispanicè, lauro Alexandrino: Italicè, lauro Alessandrino: Gallicè, laurier Alexandrin: Germanicè, Hals kaut, haucklatt.

## Enarratio CXLVIII.

**D**iffert Laurus Alexandrina, siue Idea laurus, ab hippoglossò, quia laurus Alexandrina, fructum in medio folij, altero foliculo coopertum, rubrum ciceris magnitudine fert: hippoglossus verò sterilis est, nec fructum emittit, vt suo diximus loco. De daphne verò Alexandrina, siue lauro Alexandrina, ita Galenus prodit, libro vj. de Facultat. simplic. medic. Daphne herba quam Alexandrinam appellant, euidenter est calida, acris, & subamara,

Laurus  
Alexan-  
drina.

Hippoglossus

Emēdatur  
Marcellus.

potaq; tum vrinas, tum menses prolicit, Haftenus Gale-  
nus. Caterum herbæ huius folia, longe quàm rufci sunt  
maiora, quod propter hoc dictū velim, quia in nonnullis  
exemplaribus per Marcellum verfis, minora folia quam  
rufci, herbā istam habere legitur, non sine menda tamen.

## DE DAPHNOIDE.

Græcè, *Δαφνοειδής*: Latine, *Daphnoides*, *laureola*:  
Hispanicè, *laureola*: Italicè, *laureola*: Gallicè,  
*Laureolle*: Arabicè, *daphnides*: Germanicè,  
*Zeilant*, vnd *seidelpast*.

## DE CHAMAEDAPHNE

Græcè, *Χαμαιδάφνη*: Latine, *chamedaphne*: Italicè,  
*chamedaphne*. Hispanicè, *laurel baxo*, *laureoleta*,  
Arabicè, *Chamedaphnes*.

### Enarratio cXLIX. CL.

Mezereon  
chamalea  
est.

**S**vb eodem capite de daphnoide, & chamedaphne, quasi  
herbis similibus, & eadem fere vires habentibus, Ga-  
lenus sermonem fecit, vt apud ipsum est legere lib. vj. de  
Facult. simplic. medic. sub sequenti ordine: Chamædaph-  
ne, persimilis quidem est viribus daphne Alexandrinæ: Si-  
cuti & quod daphnoides vocant: verum qui daphnoideam  
laureolam dictam, mezereon esse credūt, omnino fallun-  
tur, quū mezereon longe alia sit res, vt capite de chama-  
læa dicemus. Est enim laureola, herba siue frutex cubita-  
lis altitudinis folia laurina habens, quæ linguam & fauces  
feruido quodam sapore erodunt vruntve, cui flores albi  
purpurascens infunt, & eam pharmacopolæ fere omnes  
satis cognitam habent. Huic affinis chamædaphne est,  
quæ vinca peruinca nō est, vt multi falsò sentur, quia vin-  
ca peruinca, vt diximus clematis est: Vocat tamen Plinius  
libro xxj. cap. ii. vincam, chamædaphnem, hac tantum de  
causa, quia folia laurina habet, Sed re vera, Chamædaph-  
ne alia est herba, scilicet cubitalis altitudinis, ramulo sin-  
gulari crescens, folio tenui, lauri similitudine, vt ipsemet  
Plinius describit lib. xxiii. cap. 15. Quæ omnia vt nostis,  
à peruinca absunt, vt liquido constet, chamædaphné non  
est peruinca, quum potius clematis peruinca sit.

Græcè, ἑλέβορος λευκός: Latinè, *Helleborus albus*,  
*veratrum album*: Hispanicè, *verdegambre blan-*  
*quo*: Italicè, *elleboro bianco*: Gallicè, *ellebore*  
*blanc, & veraire*: Arabicè, *Cherbachem*: Ger-  
*manicè, Vveifs niefs vvurtz*.

DE HELLEBORO NIGRO.

Græcè, ἑλέβορος μέλας: Latinè, *Helleborus niger*,  
*veratrum nigrum, melampodium*: Hispanicè,  
*verdegambre negro, elleboro negro*: Italicè, *elleboro*  
*negro*: Gallicè, *ellebore noir*: Germ. *Christvurts*.

Enarratio CLI, CLII.



*Helleborum album* 1.

gri, habentia flores albicantes, vel subluteos, viribus  
impotentiora sunt, & minus obnoxia, quàm illius flores  
purpurascens possidentis: vtcunq; tamen, albi & nigri

Scribitur *Helleborus*  
& *Eleborus*, sed *Hora-*  
*tius* cū duplici l. scribe-  
re videtur, cū dicat,  
*Expulit helleboro mor-*  
*bum, bilemque mera-*  
*co*. Cuius duo genera  
sunt, *album* & *nigrum*,  
vtrunque satis notum.  
*Album* folia plātaginis,  
lata ad albedinem incli-  
nata habet: *nigrum* vero  
folia nigra herbacei co-  
loris, stricta, quibusdam  
partita diuisionibus, qđ  
non solum floribus pur-  
purascens reperitur,  
sed etiam albicantibus,  
& subluteis, Sed ani-  
maduertēdum est, quod  
genera hæc hellebori ni-

*Helleborum album* 2.*Helleborum nigrum.*

Hellebori radices, in vsu medico frequenter veniunt, quibus prisca indiscriminatim utebantur, non plus albi radices quam nigri ægrotis dando, Sed albi potius pro euocando vomitu: nigri vero pro aluo subducenda. At recentiores & medici ab hinc trecentis annis, nigrum exhibent helleborum, album tanquam venenum formidantes, quo factum est, vt Mesue in suis Simplicibus dicat, Albus corporibus nostri temporis est molestus, imo est eis sicut venenum proprie præfoecans: nigri autem vsq; ad tempora nostra virtus tolerabilis est, licet adhuc difficilis. Ex lunioribus quoq; Mathiolus Senensis, nigrum albo periculosiorem facit, quia ita experientia deprehenditur, quum tamen hodie boni practici nigro correcto tanquam diagridio continuo vtantur: Cuius correctio hæc est, ex pulueris elebori nigri, drach. i. cinnamomi, fœniculi, anisi, mastichis ana  $\beta$ . puluerizentur omnia subtiliter, & fiat puluis. Alij vero Mesue patrocinantur: quia ita quoque experientia venarunt, quæ sane diuersitas nõ aliunde orta est,



est, quàm ex regionum diuersitate, vna enim in regione albus potentior nigro est, altera vero niger, albo. Plures autem nouimus herbas, quæ vno in loco suas exacte feruant naturas, alibi vero ab illis degenerarunt, vt in cicuta videre est: quinimo in animalibus quoq; id euenire certi sumus, vt de serpentibus, araneis, & alijs varijs animalculis, quæ regionibus frigidis venenosa non sunt, alibi vero veneno non carent, vtcunq; tamen, ab eorum substantiis, tanquam ab exitiali veneno fugiendum suaderem, quum vterque periculosus sit, & natura infestissimus. Solet tamen multis parari modis helleborus, quos ego nunc prætermitto, modo recitem id quod à nonnullis factitatum mihi animaduerti: pomum enim accipiunt, quod multis hellebori nigri radicibus trasfigunt, ac sub cineribus coquunt, à quo postea radicibus detractis, in hieme post longam syruporum propinationem, quartana rebellis affectis, comedendum tribuunt, quod valentissime purgat: & breui omnes fere quartana, & morbis eradicatu difficillimis, vexati liberantur. Compleri autem hoc opus posset, non tantum in pomo, quantum raphano, aut citonio, vt de scamonea Galenus lib. j. de Alimentorum facultatibus suadet agendum, vbi iubet excauata interiori cotonei parte, scammoniam imponi, & affari: postea vero concedit ipsum pomum mandi & non scammonium: nam & in pane in furno excocto, hoc quoq; fieri potest, vt cæteros plures alios præteream parandi modos. Cæterum dicitur helleborus, vel helleborum, ab Helleboro fluuio prope Anticyram vbi optimus reperitur: niger tamen helleborus vt testatur in præsentem Dioscorides, melampodium à Græcis appellatur, ob id quod credatur, Melampum pastorem illum inuenisse, ac furente. Præterit filias curasse, cui subscribit Plin. lib. xxv. cap. 5. vbi adamussini de vtroq; helleboro sermonem habet, Coturnices ali helleboro, veluti sturnos cicuta, Galenus memoriæ commendauit, quod prius ab Aristotele dictum fuisse legimus, & à Theophrasto eius discipulo receptum, & ea de causa, coturnices in cœnis suis antiqui prætermiserunt: Cætera vero de helleboro prætermittimus, de quo Hippoc. libellum scripsit, & multa libris Aphorif. & de Morbis populariter vagantibus, dixit: & de eorum viribus ita dixit

Galenus, libro sexto de Facultat. simpli. medicamen. tam albus quam niger helleborus, extergentis calfacientisq; est potentia, quamobrem ad alphas, lichenas, psoras, leprasq; accommodati sunt, Quin etiam niger si in fistulam callo induratum infundatur duobus tribusue diebus, calum detrahit, dentibus prodest cum aceto colluentibus: Sunt autem in tertio ordine excalfacientium & desiccantium: porro niger gustu calidior est, Candidus amarior. Ex helleboro, syrupus hodie in nonnullis paratur officinis, qui contra morbum Gallicum difficilem & rebellem multum valet.

### DE SESAMOIDE MAGNO.

Græcè, σισαμοειδὲς μέγα: Latine, *sesamoides magnum*: Germanicè, leüß kraut.

### DE SESAMOIDE MINORI.

Græcè, σισαμοειδὲς μικρόν: Latine, *sesamoides minus*.

#### ENARRATIO CLIII. CLIIII.

**V**T verum fateamur, hucusq; à nobis herbae istae visae non sunt, Patauij tamen reperiri olim mihi dixit Gaspar de Gabrielis, nobilis Patauinus, vir singulari doctrina praeditus, & herbarum ac simplicium maximus indagator, cui fides ampla tribuenda est: hodie verò ibidem quoque reperiri certus sum, praesertim in eo horto quem Illustrissima Respublica Venetorum, Herbis & fruticibus dicauit, vt in eo tanquam in promptuario quodam, omnes quoad fieri possit, plantae satè, ab omnibus videantur, & temporis necessitate, contra quemuis morbum, eas carpere possint.

### DE SYLVESTRI

#### CUCUMERE.

Græcè, σίκυος ἀγροῦ: Latine, *cucumis agrestis*, *cucumis anguinus*: Arabicè, *Chefe allimar*: Hispanicè, *cogonbrilhos amargos*: Lusitanicè, *pipinos de sancto Grigorio*: Italice, *cocomeri saluatici*: Gallicè, *coucombre sauuage*, *courge d'Asne*: Germanicè, *vuild cucumer*.

DE SVCCO CVCVME-  
RIS SYLVESTRIS.

Græcè, ἐλατήριον; Latine, elaterium; Vulgò, elaterio.

## Enarratio C L V.



*Cucumer sylvestris.*

Nascuntur Cucumeres agrestes, vbiq̃ue simili in planta, quã nasci solent cucumeres magnitudine glandis, qui facillime quum tanguntur, exiliunt, saltantq̃ue; ex quorum succo elaterium paratur medicamentum massa modo concretum, officinis familiare, præcipue pro exoneranda aluo, cui ætatem Dioscorides à biennio ad decennium vsque purgationibus accommodatam tribuit: quum enim decem annos supergreditur ineptum effici & purgationibus inutile tradit, quod adnotasse credendum est, propter Theophrastum, qui libr. ix. de Plantarum historia capite decimoquarto, inquit: elaterium eo melius fieri quo vetustius, imò ex medicamentis nullum stare, quod longiore æuo duret quàm elaterium, ita vt eius vires ad ducentos vsq; annos vigeant, contendit, quinquaginta vero annorum elaterium lucernas ardentes extinguere ibidem Theophrastus tradit, quo experimento verum à falso deprehenditur. Interdum enim in eo humiditas aquea viget, optimum est elaterium, qua lucernas extinguit, quod nos quoq; verum esse experti sumus. Proinde textum istum Dioscoridis corruptum esse pro re certa tenemus, quia loco illorum verborum, quum eius prosequitur probitatis signa: quod-

Dioscori-  
des emacu-  
latur.

que lucernis admotum, facile eas extinguit: dicit facile accenditur: ut iure quis errorem istum in Dioscoride esse dicat. De qua Galenus lib. viij. de Facul. simpl. medicamē. ita tradit: Tum ipse, tum eius succus quem elaterium vocant, aut ex foliis & radicibus pressus, perutilis ad medicationes existit. Elaterium itaq; menses ciet, fortumq; perimit applicatum, ceu alia omnia amara & tenuium partiū: Summe siquidem est amarum, calfacitq; in secundo ordine, ac proinde etiam digerit, Sic enim eo angina laborantes inungunt quidam cum melle aut oleo veteri: bonum item est regio morbo affectis infusum cū lacte in nares: similiter dolores capitis sanat. Radicis atq; foliorū succus similem, sed imbecillio rem facultatē sortitur. Radix etiā abstergit, digerit, emollitq;. Cortex potentius desiccatur: cetera vero de elaterio apud Mesuen legito.

### DE STAPHIDE AGRIA.

Græcè, σταφίς ἀγρία: Latine, *staphis agria*, herba pedicularis, pituitaria, vna sylvestris: Hispanicè, *fabaz*, *paparraz*: Italicè, *staphisaria*, semence de frati: Arabicè, *Alberas*: Gallicè, *staphisagrie*, ou l'herbe aux poulx: German. *Bismüntz*, oder leüs somen.

Enarratio CLVI.

**D**icitur *Staphisagria* pedicularis herba, quoniam eius commune semen & officinis familiare pediculos enecet. Hanc Cornelius Celsus lib. iij. capite xxj. & alij nonnulli medici, *vuam taminiam* vocant, sed falsò, quia *vuam taminiam*, vitis est nigra, de qua sermo in hoc libro habentur.

*Staphisagria.*  
*Pedicularis herba.*  
*Vna taminia.*



*Staphis agria.*

us est, de hac vero staphidagria, sub agresti vua, Galen. lib. vj. sermonem fecit; quum dicat: At agrestis, vehementer acris existit, adeo vt ex capite purget, abstergatque valenter. Itaq; ad p̄foram accommoda est, sed & vrendi vim habet.

## DE THAPSIÀ.

Græcè, θάψια: Latine, thapsia: Hispanicè, Lusitanicè, otom: Italicè, Gallicè, thapsie.

## ENARRATIO CLVII.


**D**icitur Thapsia quia in Thapsio insula prope Sicilia<sup>Thapsia</sup> abunde proueniat, & in ea primo inuenta fuerit, quæ variis aliis in locis crescit, vtpote apud montem Garganum, Sancti Angeli dictum, prope Apuliam, non minus in Hispania, Lusitaniaque felicissime nascitur, præcipue apud Conimbricenses, prope fanum diui Antonij, vt alios fileam locos, Dioscoridis historiæ in vniuersum respondens, quam ibidem à thapsia, corrupta voce, Tom appellant mulieres, & eam ad fugandos dæmones vsurpant, & ea de causa de ea quoq; prouerbiū circumferunt; quod sic nostra lingua sonat, Eu som otom, quæ odiabo fuge, donde eusom, & Latine ita dici potest, Ego sum thapsia, ex qua præsentè, dæmones aufugiunt: Cæterum, hanc omnes scholasticos Conimbricenis academie, veluti cæteras cognouisse herbas, non dubitarim, quum præceptore Reinosio viro grauisimo, ac doctissimo vtantur, quem, quum primū ex Italia in Hispaniam reuocatus esset, apud Almediam oppidū, interueniente fratre meo Petro Brandano, inuisi, vt tanti hominis amicitia mihi conciliarem, Sed vt ad thapsiam reuertar, Theophrastus lib. ix. de Plantarum historia, cap. 22. de ea sermonem habet: non minus Plinius lib. xij. cap. 20. ita quoq; de ea tradit: Nero Cæsar, inquiring, claritatem thapsiæ dedit, initio sui Imperij, quia nocturnis grassationibus, emaculatam faciem trahens, illam thapsia, thure & cera illinebat, & contra famam sequenti die eutem synceram circumferebat. Porro ex thapsia Galenus libris Methodi medendi, initio destillationum, à capite in pectus, & subiectas partes cadentiū, emplastrum ad cutem materias reuocans describit. Est enim

thapsiæ pars præcipua radix, de qua Galenus libro vj. de Facultat. simplic. medic. ita tradit: Thapsia acrem habet ac valenter excalfacientem facultatem cum humiditate coniunctam: quare ex alto violenter extrahit, & quod extrahit, digerit, celeriter tamen corrumpitur.

## DE SPARTO.

Græcè, *σπάρτιον*: Latine, *spartum*, *genista*: Hispanicè, *genestra*, *giesta*, *giesteira*: Italicè, *genestra*: Gallicè, *genest*, & *genest d'Espagne*: Germanicè, *Pfrimmen*.

## Enarratio CLVIII.



Spartum.

Genistam hic describit Dioscorides, aureos flores producentem quam prisca spartū sive spartiū appellabant: Cuius virgæ natio lentore in fragiles sunt, & illis rusticæ vites, & fasciculos ligant, imò Itali ex illis aqua maceratis, fila pro faccis & chordis conficiendis parant. Insunt enim genistæ phaselorum modo siliquæ, in quibus semen lentis modo clauditur: gallinis admodum infestum: Nam flos ut dixi, aureo quodam fulgore à longinquis apparet, tamen albus quoque videatur, qui mirum in modum aluum exoluit, & de illius natura, ita tradit Galenus lib. viij. de Facul. simpl. medic. Sparti (quo & vites alligant) tum fructus, tum succus virgarum valentem trahendi vim possidet, reliquæ vero de genista apud Mesuen legito.

*Spartum.* Est spartum sive spartium, hodie longe aliud à genista, quod

quod in Betica regione Hispaniæ parte, præcipuè regno Morſienſi naſcitur: veluti in Algarbia apud Luſitanos, Aphricæ contermina, frutex iunci aculeati modo, in acer uis ſpontè ſua naſcens, abſq; folio, ſemine, & flore: nam virgæ huic ad ſummum cubitales ſunt, ſolidæ, ad frangendum difficiles, vinculorum vſui præcipuè, ex quibus cordæ, funes, cameli, & nauium ornamenta parantur: nec minus in ipſa Algarbia & Bætica regione, ex iſto ſparto, infinitus ſportularum, & corbium, calaſthicorumue numerus, pro deferendis ficibus, & paſſis, aliisue mercibus, ad vniuerſam Germaniam, Prufſiam, & Boëmiam, Galliam & Scythiam fiunt, hodie verò ſpartū hamato ligno conuolutū, eradicatus, veluti quoq; Plinij tempore, oliſis ſiue ligneis conamentis, euellebatur, vt cap. 2. lib. xix. vbi exacte ſparti huius hiftoriam proſequitur, meminit: fuit enim ſpartum hoc poſt Theophratum, Græcis notum, vt ibidem Plin. teſtatur, & lib. xxiiij. cap. 9. in quo quaſitum proponit, num geniſta Græcorum ſpartum ſit, de quo Homèrus dixit, nauium ſparta diſſoluta, Cui breuiter reſpondet, certum eſſe, nondum eo tempore Africanum vel Hiſpanum ſpartū in vſu fuiſſe, vt credendū ſit, geniſtam, Græcorum ſpartum eſſe, noſtrū verò ſpartum, illis ignotum eſſe, nec de eo vllā poſteritati reliquiſſe memoriã.

## DE SILYBO.

Græcè, σιλύβορ: Latinè, ſilybum.

Enarratio CLIX.

Silybon quæ ſit ſpina ignoratur hodie.

## DE GLANDE VN-

GVENTARIA.

Græcè, Βάλανος & μυρεψική: Latinè, balanos myreſſica, myrobalanus, glans vnguentaria, Ben Arabum: Hiſpanicè, auellana de la India: Vulgò, ben.

Enarratio CLX.

**N** aſcitur glans vnguentaria quam Græci balanon myreſſicam, ſiue myrobalanon appellant, frequentiffime, non quòd equidem nouerim in Hiſpania, ſed potius in India, vnde ad nos adfertur, fructus perſimilis auella-

nis agrestibus triangulatis, vel potius pistaciis; aut integro cappari triangulati, ex cuius nucleo, oleum de Beni dictum, vnguentarij hodie ad priscorum imitationem parant, vt libro secundo diximus: vocant enim oleum de ben, quia Arabes & Mauritani, vt Serapio & Mesue glandem istam vnguentariam ben appellat. Fieri enim oleum hoc debet, ex nucleis, vt diximus, minime vero ex corticibus aut putaminibus, vt Theophrastus contendit. Cæterum, medici qui in India degunt glandem istam vnguentariam, in potu, ad subducendam aluum, & prouocandum vomitum, ægrotantibus propinant, simul enim glans hæc opus istud complet, & vt tradit Galenus lib. vi. de Faculta. simpli. medicamen. succo eius qui calidus est, vnguentarij vtuntur. Reliquiæ autem vnde expressus est succus, vincentem habent qualitatem amaram, cui admista est quædam astrictio, proinde extergentem, incidentem, contrahentem & stipantem effectum possident. Quod si quis carnem eius drachmæ pondere, cum melicrato bibat, medicamen experietur vomitorium. Sape etiam per infernam aluum subducit largiter, sed lienes liquat, iecurque indurescentia: ad quorum viscerum expurgationem, ex oxycrato ipsam exhibere consueuimus. Ex aceto etiam lepras, psoras, lentes, vitiligines, ionthos, ephelim, exanthemata, achoras, aliosque id genus cutis affectus exterit. Abstergentem itaque & incidentem cum astrictione obrinet facultatem. Cortex autem eius, admodum astrictorius existit.

## DE NARCISSEO.


Græcè, *ναρκισσος* ☉: Latine, *narcissus*, *lirion*: Vulgò, *narciso*: Arabice, *narces*: Gallicè, *porrion*: Germanicè, *narcissen* rœlslin.

### ENARRATIO CLXI.

*Narcissus.*

Plinius lib. xxj. cap. 9. Narcissi inquit duo genera in vsu medici recipiunt, vnum purpureo flore, & alterum herbacæum, hunc stomacho inutilem, & ideo vomitorium, aluos quoque soluentem, neruis inimicum, caput grauantem, & à narce narcissum dictum, non à fabuloso puero. Hæc Plinius. In quibus animaduertitis, narcisso flores purpur



*Narcissi 2. genera.**Narcissus luteus.*

purpureos, vel herbaceos tribuisse, quum tamen Dioscorides in præsentī, candido flore suum narcissum cum aliquantulo medio croceo ornari tradat, ex quo satis constat, narcissi plures & varias species esse, ut nos quoque re ipsa experti sumus, videntes Ferratiæ, ac Venetiis narcissos variis insignitos coloribus. Theophrastus porro libro vj. eiusdem numeri capite, tradit, narcissum solum in autumnali æquinoctio florere: quod falsum esse experientia indicat, quum in æquinoctio vernali florere quoq; deprehendamus, imò ter aliquando in anno flores emittere narcissum, compertum est, de quo Galenus lib. viij. de Facult. simplic. medic. ita tradit: Eius radix desiccatur adeo ut vel maxima tendonum vulnera glutinet, habet verò quiddam absterforium, & attractorium: plura verò alia, & illa quiddam fabulosa apud Ovidiū legito, qui narcissum croceo flore nitere, candido verò ambiri iis carminibus cecinit.

*Nusquam corpus erat croceum pro corpore florem*

*Inueniunt, solys medium cingentibus albis.*

Quæ proculdubio ad Dioscoridis mentem scripta sunt.

DE

## DE HIPPOPHAE.

Græcè, ἵπποφαές: Latinè, hippophaes.

Enarratio CLXII.

**T**Ametsi hippophaës exacte à Dioscoride delineetur, hætenus tamen quæ illa sit herba, ab omnibus ignoratur.

## DE HIPPOPHÆSTO.

Græcè, ἵπποφαιστον: Latinè, hippophaeston.

Enarratio CLXIII.

Et hæc quoque quæ sit herba ignoratur.

## CONSTANTINVS.

**H**ippophaes & Hippophaeston plantæ non sunt incognita, vt credit Amatus Lusitanus: nam vtraq; omnibus Dioscoridu notis congruens in Angliæ & Scotiæ litoribus inuenitur: multisq; alijs in locis maritimis, vt existimo, si quis perquirat diligenter. Nam & in Italia inuentum hippophaes testatur Mathiolus vir grauissimus: scuti & hippophaeston in littore Monpessulano frequentissimum esse, obseruauit Iacobus Dalechampijs Cadomensis medicus. Lugduni medicinam faciens maxima cum celebritate nominis et gloria: quique, propter eruditioem in eo viro commemorabilem, mihi pernecessarius atque coniunctissimus existit. his testimonijs vtor, ne quis maliciosior rem commentitiam esse suspicetur. Rufus medicus etiam de hippophae & hippophaesto meminit libello de purgantibus medicamentis, quem de Græco conuertimus. Sed aduertendum quod hippophaesto in purgando valentiores vires tribuat: Ediuerso Dioscorides hippophaes fortius existimet. Plinius lib. xxvj. cap. 8. hippopheon etiam epithymon vocat. Ad eodem lib. xxvj. cap. 15. hippophaes dicitur hippophyes, spinis geniculatum, cui tributa proprietates, quod & fructum spinosum habet. Galenus in vocibus Hippocratis hippophaes ἡγεῖ ὑπὸ φαιστον ἵπποφαιστον dici adnotat. sed hippopheon & styphon legit Phavorinus. Plin. lib. xxvj. cap. 44. hippophaes etiam hippophaestum vocat, spinam fulloniam, calyculis inanibus, folijs paruis, radice alba, cuius succus ad detractiones in comitiali morbo sit utilissimus. Libro tamen xxvj. capite 10. ita scripsit: Hypophaeston (legendum Hippophaeston) nascitur in spinis ex quibus fiunt anea (locus corruptus. Cornarius legit pila) fulloniae sine cauliculo, sine flore, capitulis tantum inanibus, & folijs paruis, multis, herbacei coloris, radiculat

diculas habens albas, molles. Succus earum exprimitur Aestate ad solvendam aluum, tribus obolis, maxime in comitialibus morbis, & tremulis hydropticis. contra vertigines, orthopneas, paralyseis incipientes. Idem author libro xxij. cap. 12, hippophaes & hippophaeston, sub his nominibus Hippophyes & Hippope, mihi videtur descripsisse addita etiam vocabulorum notatione. Eius hæc verba: hippophyes in sabulosis maritimisq; nascitur, spinis albis. Hædera modo racemosa est, candidis & ex parte rubentibus acinis. Radix succo madet, qui aut per se conditur, aut pastillis farina; hæc bilem detrahit obolo ponderis, saluberrimè cum mulso. Et altera hippope, sine caule, sine flore, folijs tantum minutis, huius quoq; succus hydropticis mire prodest. Debent accommodata esse equorum natura, neque ex alia causa nomen accepisse &c. Apud Theophrastum libro sexto, de historia plantarum legitur hippophyon quod interpretes vertunt lappagmem, lib. autem nono, hippophaos vocatur ab ipso spissatus succus tithymali: sed legitur in exemplari Græco hippomanes, quod etiam plantam esse cecinit Theocritus in Pharmaceutria, cui se opponunt interpretes ex Aristotelis decreto libro vj, de histor. animal, Plinius lib. xxvij. cap. 11. & lib. viij, cap. 42. Virgiliusq; Aeneidos 4. & 3. Georgicon.

## DE RICINO.

Græcè, ρικιν: Latine, cici, ricinus, croton: Officin. cataputia maior, cherua maior, granum regum, palma Christi: Arabicè, cherua: Hispanicè, figueira de l'inferno: Italicè, girasole, fagiuolo Romano, fagiuolo Turchesco, mirasole: Gallicè, palma Christi: Germanicè, Vvunderbaum.

## Enarratio CLXIII.

**D**icitur ricinus planta hæc, ob similitudinem quam eius fructus cum ricino animali sordido habet, quod canes, asinos, equos, boues, ac potissimum capras & hircos infestat, & sua voce Hispani carrapatum, Itali verò zeccam, appellant. Est enim planta hæc in altum crescens, vt sæpe arborescat, caule arundineo, folio ficus,



*Ricinus.*

mune oleum, ac proinde potentius digerit.

### CONSTANTINVS.

**C**omplures sunt cause quas alibi exponam, cur vix persuaderi possim Cici Dioscoridis plantam esse, quam vulgò vocamus palmam christi. Cici vt refert Herodotus libro 4. vocant Aegypti, & Græci Ζυλλικύπρια. arbor ipsa ricinus, & Græcis croton dicitur, à similitudine animalis canibus infesti, nos vocamus Tiques. sorte à Græco vocabulo (nam & crotonem & tixin siue trixin vocant græci) Homerus κροτωνίς appellat, & interpres κρότωνος & τρηβίνα. De Ricino vide Plinium libro 15. cap. 7. & lib. xxij. cap. 4. Theophrastum lib. j. de historia & lib. xx. de causis plantarum. Galenum in glossis Hippocratis. & adhuc Plinium libro. xvj. capite 22.

### DE SEPTEM TITHY-

#### MALI GENERIBVS.

Græcè, τιθύμαλα: Latine, tithymalus, esula: Hispanice, leche tresna: Lusitanicè, aleitaria hierua: Arabicè,

Arabice, *xaufer*: Italice, *lactaria herba*: Gallice,  
*reueille matin*: Germanice, *Vvolffsmilch*.



*Tithymalus* 1.



*Tithymalus* 2.

Enarratio CLXV.

Septem connumerantur tithymalorum genera, ultra  
 plura alia à nobis cognita quæ ordine recensēbimus.  
 Est igitur primum eorum genus sequens, Charatis, siue  
 Cometes, aut Amygdaloides, à foliis amygdalarum di-  
 ctus, quod alij cobion appellant, & eum nos multoties  
 vidimus, & ubiq; reperitur, folio lathyris, minoris ca-  
 taputiæ dictæ.

Secundus tithymalus, myrtites, quasi myrtaceus vo-  
 catur, quia foliis myrti pungentibus tamen ornetur, vnde  
 melius myrsinites vel caryites quoque appellari solet, &  
 quem Manardus, Leonardus Fuchsius, & alij non pauci,  
 vulgare officinarum turbit esse putant, quia vt referunt  
 herbarij, & circulatores, ac radiciseæ, turbit hoc, ex plan-  
 ta folia myrto simillima habente excauant, potissimum  
 apud



*Tithymalus* 3.

cinis satis familiaris herba, quam Mesue alsebram minus vocat, porro alsebram maius, pityusa Dioscoridis est, vt sequenti dicemus capite,

Sextus, dendrodes, quasi arborefcens tithymalus est.

Septimus, platyphyllos, id est latifolia habens, dicitur, verbasco similis herba & qua Hispani hodie quoque pro interficiendis piscibus vtuntur: & eam Itali torum taglium sua voce appellant. Caterum de horum tithymalorum viribus, ac natura, legito Mesuem capite de Alsebram, & Galenũ lib. viij. de Facultat. simplic. medic. qui sequenti modo tradit: Tithymali omnes, vincẽtem habent acrem, calidamque potentiam, cum amaritudine quadam, validissimus eorum est liquor, dein fructus, & folia, postremo radix: Hæc aceto incocta, sanat erosorum dentium dolores: liquor in ipsa foramina inditur, Caterũ si aliam partam contingat, continuo adurit vlceraque illam, ex quarta existens calfacientium ordine, qui ad exurentia pertinet. Sic pilos quoque & verrucas, & myrmecias, & pterygia, & thymos, cum oleo inunctus succus euellit,

deter

apud mõtem Garganum  
prope Apuliam,

Tertius, Paralius maritimus, siue tithymalus, vel lactariolus dicitur, quem Hetrusci piscatores, Maurain herbam appellant, & illius radice pisces interficiunt, ex ea escam parantes, veluti ex platyphyllo, septimo nominando tithymalo.

Quartus Helioscopos id est, solisequus, quia capitula cũ Sole circum agit dicitur, variis in locis repertus.

Quintus, Cyparissias nominatur, qui, vt mihi videtur, & res ipsa testatur, esula minor est, offi-

detergitque lichenas & pforas, propter amaritudinē, nec non vicerum phagedænica, anthracodē, & gangrænodē, quia valenter calfacit, & desiccet, aliquando iuuare poterit. Ad hæc, fistularum callos eximit, prædicta omnia folia & fructus præstare possunt, sed imbecillius, quibus sane & ad pisces in aqua stagnali capiendos, vti assolent, celerime enim ab illis ad vertiginem acti, ac semimortui redditi, ad aquæ superficiem feruntur. Porrò quū septem sint tithymalorum genera valentissimus est quem characiam maremq; nominant, & fœmina nuncupata myrsinites: & qui in petris nascitur arborescens: deinceps qui phlomo asimilis est, & cyparissias, dein marinus, ac denique helioscopius proportionē autem facultatis ipsorum, & cinis & lixiuium existet.

## DE PITYVSA.

Græcè, πῖτυσα: Latine, pityusa: Officin. turbit nigrum: Arabicè, scebran: Vulgò esula maior, turbit negro: Germanicè, düffelsmilch.

## Enarratio CLXVI.

Nascitur pluribus & variis locis pityusa, similis omnino cyparissia, sed longe maior & procerior, & ea de causa, cyparissim minorem esulam, hanc verò maiorem appellamus, quam Mesue & Auicenna, alsebram & scebram maius appellant, vt ex Serapione facile percipi potest, qui ad verbum ea quæ Dioscorides pityusæ tribuit, ille suo scebram condonat. Huius verò radix vt placet Actuario, turbit nigrum est, quod hodie ex monte Gargano apud Apuliam, multis & variis abundante herbis aduehitur, intus aliquantulū album: exterius verò ex subruffo nigrum, natura pessimum, & omnino aspernendū. Album verò turbit, vt idem Actuarius in eodem libro de Compositis medicamentis testatur, radix alypi est, quod ex orientali regione Turcæ & Hebræi, hodie ad nos portant, natura optimum, & quod seplasiarii vt habeant solliciti esse debent, pityusæ radice, vt infestissima relicta: de qua Galenus lib. viij. de Facultat. simplic. medic. inquit: Viribus est similis tithymalo, succumque sortitur similem, & similiter purgat.

## DE LATHYRI.

Græcè, λαθύρις: Latinè, lathyrus, cataputia minor:  
 Arabicè, mendana: Hispanicè, tartago: Italicè,  
 cacapuzza: Gallicè, espurge: Germanicè, Spring  
 kraut, spring kœrner.



Lathyrus.

## Enarratio

CLXVII.

**N**Ota lathyrus est her-  
 ba, officinis catapu-  
 tia minor dicta, cuius  
 grana viginti potentis-  
 sime pituitam purgant,  
 & illis rustici pro subdu-  
 cenda aluo frequentis-  
 sime in Hispania & Ita-  
 lia vtuntur: & de illius  
 natura, Galenus libro  
 septimo, de Facultati-  
 bus simplicium medica-  
 mentorum, ita dixit:  
 Et succo & purgatoria  
 vi tithymalum refert,  
 nisi quod semen appa-  
 reat dulce, licet maxime  
 sit purgatorium.

## DE PEPLIO.

Græcè, πῆπλος: Latinè, peplus, esula rotunda: Hi-  
 spanicè, mala leche yerua: Lusitanicè, maleitas  
 herua: Italicè, esola ritonda: Gallicè, reucille ma-  
 tin des vignes: Germanicè, Klein hundsmilch,

## Enarratio CLXVIII.

**N**Ascitur peplos siue peplum, in vineis, prope vias, & in  
 hortis folio paruo, simili rutæ, ex quo lac emanat ap-  
 prime purgans, & ea de causa, Lusitani & alij Hispani, her-  
 bam istam malum lac appellant, quam pharmacopolæ ro-  
 tundam



tundam esulam vocant, & de ea Galenus lib. viij. de Facultatibus simplic. medicam. ita tradit: Succum habet similem tithymalis, quum in aliis, tum quia purgat ceu illi.

## DE PEPLIO.

Græcè, *πεπλῖς*: Latine, *peplion*, *peplis*.

## Enarratio CLXIX.

**N**ascitur peplion non multum ab simile à peplo, prope mare, & alia varia loca, folio rotundo aliquantulum circinnato: caule verò subruffo, lactis liquore pleno, de cuius viribus, Galenus citato loco, ita inquit: Etiam fructulus hic succū habet vt tithymali, validumq; non tamen admodum vtilem, radix eius videtur superuacanea, semen vtile est, & flatulentum pepli semini similiter purgans.

## DE CHAMAESYCE.

Græcè, *χάμαισβκη*: Latine, *chamaesyce*, *peplum minus*: *ficus terrestris*.

## Enarratio CLXX.



*Chamaesyce.*

sicuti & suffusionū principia. Hæc Galenus. Verum caue

**N**ascitur Chamaesyce vbiq; herba parum à peplo, præterquam paruitate differens, qua de causa, minus peplum appellari meretur, de qua Galen. libro octauo, de Facultatibus simplicium medicament. ita inquit: Chamaesyce abstergendi simul & acrem vim possidet, itaq; acrochordonas & myrmecias caules eius teneriores intriti, quique ex eis profluit liquor, auferunt, cum melle crassas oculorum cicatrices detergunt: hebetudinē visus à crassitie ortam; adiuuant:

tu lector candide ne decipiaris, quia chamaciflos longe alia est herba, quàm chamæsyce, vt ex capite 127. deprehendere potes.

### DE SCAMMONIA.

*Græcè, σαμμωνία: Latine, scammonion, scammonia:*

*Arabice, sachmunia: Vulgò scammonee.*

#### ENARRATIO CLXXI.

*Scammonia.* **S**atis nota scammonia est, basis & calcar omnium soluentium medicamentorum, quæ cotoneo cocta, diagridium dicitur. Est enim scammonia, siue scammoniū, succus siue liquor radice volubilis cuiusdam, quæ in Asia, Mysia, & Syria, ac Iudæa nascitur, quanquam in Apulia, non postremæ notæ proueniat: quæ verò ex Asia affertur scammonia primatum obtinet: Syriaca verò non ita bona est. Cæterum, bona scammonia vt dicatur, has notas habeat necesse est. Leuis sit scammonia oportet, pellucida, fungosa, taurino glutini colore similis: vt tenues habeat discurrentes lineas linguæ admota lactescat: vltimo loco signum hoc collocandum est, scilicet vt admota linguæ albescat, lactescatve, quia & adulterinæ permixtæ liquori lactariæ herba. Illud quoq; eueniat, vt testatur Dioscorides, quod in præsentem animaduertant pharmacopola velim, ne sic hoc tantum contenti signo, in bona eligenda scammonia decipiantur: nam quum eam sputo madefaciunt, & in lac verti vident, illico optimam esse asserant, quum tamen per se signum hoc solum fallax sit: cæteris verò notis adiunctum, verissimū. Proinde hoc ante oculos habeant decet, quum nullum hodie sit medicamentum quo frequentius vtantur, quàm scammonia, cuius optimæ & Asiaticæ Dioscorides, ad scriptulos quatuor concedit, imò ipsius drachmam vnā simul cum duobus scriptulis nigri veratri, & integra aloës drachma, ad optimam obtinendam purgationem tribuit. Hodiernæ verò & communioris scammonia, decem vel ad summum quindecim grana, efficacissimè purgant: vnde satis percipitur hanc adulterinam, & lacte liquoreve tithymali permixta esse: sed scammoniam & alia similia medicamenta per se absq; correctione vlla ægrotantibus dare peritus medicus caueri debet, qualia sunt helleborus, colocynthis, euphorbium

bium, esula laureola, rithy malorum septem genera, & alia plura, quæ non solum homines, sed etiam bruta enecant, de quibus Galenus semper quum loquitur, inquit: Purgantium omnium medicamentorum naturam corporum quæ purgantur naturis contrariam esse, quod minime benedictis medicaminibus euenire certum est, vt calsiæ fistulari, manna, thamarindis, passulis Corinthiacis, myrobalanis, rhabarbato, syrupo rosarum solutiuo, syrupo violaceo solutiuo, sene, & aliis similibus, quæ impropriae medicinæ dicuntur. Cæterum, vnū in præsentī non præteribo, quod Actuarius memoriæ cōmendauit, dignum sane vt omnes medici præ oculis habeant, scilicet quod scammonia iuribus & brōdiis miscenda non sit: ita enim inquit ille: Scammonium non censeo iuribus inferendum, quod experientia cōpertum est, id cum ipsis conciliari non posse, quod hodierni medici animaduertant suadeo, vt non scammonium aut pilulas iuribus eliquatas in potu tradant, quum inde multis mors subsequatur: vt Venetiis vidimus & Ferrariæ in Samuele Abarbanelio, qui ob epotas sic pilulas vitam cum morte commutauit.

Scammonia  
in iure le-  
thalis.



Chamælea.

DE CHAMAE-  
LAEA.

Græcè, χαμαλιά: Latine, oleastellum, chamælea: Arabicè, mezerion: Vulgò, mezerion: Gal. boys gentil.

Enarratio CLXXII.

Chamælea officinarum mezereon est, planta circulatoribus, & pseudomedicis familiaris, qua corpora exsoluendo excarnificant, ex ea verò pharmacopola pilulas parant, quibus

medici aſcite morbum propulſant. Caueat tamen lector, ne pro chamæla chamæleontam intelligat: de chamæla vero ita tradit Galenus lib viij. de Facultatibus ſimplic. medic. Chamæla vincentem habet qualitatē amarā, quare admodum ſordida vlcera, & quæ maximis inducſta ſunt cruſtis, purgare cum melle eſt potens.

## DE THYMELEA.

Græcè, θυμολαία: Latine, thymelæa: Hiſpanicè, thoro- uiſco: Italicè, pepe montano: Gallicè, lin ſauuage: Germanicè, Rellers halſs.

## Enarratio CLXXIII.



Thymelæa.

St thymelæa plantæ nobis ſatis cognita, virgas ſingulares, & plures, cubitales, à radice mittens, quarum cortices pro ligandis ſcopis & faſciculis deſeruiunt, in quibus folia chamælaæ ſunt, ſed minora, lentis ſci figurā imitantia: nam huic fructus piperis magnitudine ineſt primo viridis, poſtea, verò quum ad maturitatem peruenit, ruber euadit, & quo perdiceſ & auiculæ auidiſſimè veſcuntur: & ea de cauſa, ruſtici Hiſpaniarum, ſingulis annis, prope infinitas dixerim auiculas hoc ſemine, curuatis virgis & quibuſdam lineis diſpoſitis venantur: Ob magnam enim quam thymelæa cum chamælaæ ſiue mezeone habet ſimilitudinem, multi chamælaæam mezeone minus appellant. Eſt enim huius ſemen apprimè ſoluens, vt teſtatur Dioſcorides, quod granū cnidion dici, latus lib. ij. adnotauimus.

## DE SAMBUCO.

Græcè, ἀϊϛ: Latinè, sambucus: Arabicè, Tafacti:  
Hispanicè, sabugo, sabugueiro, caninero: Italicè,  
sambuco: Gallicè, suc, & suscau: Germanicè,  
Holder.

## DE EBULO.

Græcè, χαμαϊδύλη: Latinè, ebulus, humilis sambucus:  
Hispanicè, hiez guos, indios: Italicè, ebulo: Gallicè,  
byeble: Germ. Attich, oder nilderer, holder.



Sambucus.

## Enarratio

CLXXIIII.

**A**Rborefcit sambucus vbiq̄ue ex umbella flore albo & odorato, ex quo aqua per campanam extracta, ac fronti applicita, capitis dolores mitigat, non minus quoque succus ex cortice radicis expressus potentissime vomitum prorritat, ab hydro picis aquam depellit. Ebulus vero chamaestæ id est humilis sambucus herbæ modo, bicubitalis altitudinis, ad summum crescit, folio amygdalino, planta in vni-

uersum vsui medico conuenientissima, cuius radicis succus eadem præstat quæ sambuci, vltra quæ pituitam quæque iuncturis adhærentem crassam & viscidam purgat, decoctum quoq; totius herbæ pedum œdemata à longinquis morbis contracta resoluit. Cæterum, in dubium

vertitur cuius temperaturæ sambucus & ebulus sint: cui quæsito Dioscorides ita primo respondet, eadem sambuco & ebulo vis est, siccant, adstringunt, refrigerantque & aquas è corpore pellunt. Actuarius quoque libro de Compositis medicamentis, ita cum Dioscoride tradit: Sambucus & ebulus refrigerant, aquas trahunt, stomacho aduersantur: horum folia olerum more igni decocta eduntur: ad pituitam bilemque detrahendam, radicis in vino decoctæ vsus, hydropicis cõfert. Ex quibus satis percipitur, quòd sambucus & ebulus, frigidâ sortiantur temperaturâ, Quibus Auicenna in oppositum est, qui lib. ij. sui Canonis, cap. 619. sambucum calidum & siccum in tertio gradu potius constituit. Nos vero ne in hac re à testibus contra testes discurramus, Galeni regiam viam sequentes, quantum ab harum plantarum odore, sapore, & ipsis operationibus venire possumus, inuenimus eas potius ad caliditatem declinare, quàm frigiditatem. At quia caliditas, primum ordinem non superat, pro quo inueniendo opus est ratiocinatione, nonnulli frigidas esse dixerunt, sed quòd ita se res habeat, attestatur Galenus lib. 6. de Facult. simpl. medic. dicens: Vtraque potentiam habet & deficcandi & conglutinandi, nec non digerendi modicum: in iis enim vltimis verbis, Galenum illis modicam tribuisse caliditatem, quum dicat digerendi modicum potentiam habet, satis claret. Nec enim Auicenna nobis in hac re contrariatur: quum citato loco (vt mea fert sententia) nõ de sambuco hoc agit, sed potius de sambac: hoc est hialmino, vel vt verius dicã, de violis, quas Keiri Arabes appellant, vt ex suis verbis, facile percipere quis poterit. In passiuis vero qualitatibus, potenter plantas istas exiccandi facultatem habere omnes concedunt.

## DE PYCNOCOMO.

*Græcè, πυκνόκομος: Latine, pycnocomum.*

Enarratio CLXXV.

**P**ycnocomon & si suis lineamentis & coloribus exacte Dioscorides depingat, quæ tñ illa sit herba ignoratur.

DE

## DE APIO

HERBA.

Græcè, ἀπιον: Latine, raphanus sylvestris, apios: Hispanicè, una suerte de rauano syluestre: Gall. rauue sauvage: Germa. Erdnuß.

Enarratio CLXXVI.

**A** Pios herba sic dicitur, quia simile pyro radicem habet, nascitur autem inter hordeum exacte Dioscoridis historiæ respondens, qua in Gallia rustici famis tempore, vt testatur Ruellius, vescuntur.

DE COLOCYNTHIDE.

Græcè, κολοκυνθίς: Latine, colocynthis, cucurbita sylvestris: Arabicè, chandel: Hispanicè, Italicè, coloquintida: Gallicè, colloquinte, & courge sauvage: Ger. Vvilder kûrbis, coloquint.

Enarratio CLXXVII.

**C**olocynthis, corrupte coloquintida hodie appellatur, officinis satis familiaris, cuius vires ac earum correctio-

22 5 nem



Apios.



Colocynthis.

nem legito apud Mesuem in suis Simplicibus, Ex illa tamen trochisci parati in officinis habentur, quos Alandach appellamus, quibus in clysteribus, contra colicos affectus, & rebelles dolores passim utimur, magno profecto iuamento. De colocynthide ita refert Galenus libro septimo de Facultatibus simplicium medicament. Gustu amara est, vehementerque purgatoria facultate prædita: Ipsius virentis succus intritus ischiadicis prodest.

## DE EPITHYMO.

Græcè, ἐπιθυμιον: Latinè, *epithymum*, *flos thymi*: Hispanicè, *cabelhos*, *flores del thomilho*: Italicè, *epithymo*: Gallicè, *teigne de thyn*.

## DE ALTERO EPITHYMO.

Græcè, ἐπιθυμιον ἢ τὸ σπον: Latinè, *cuscuta*, *cassuta*, *padagra lini*: Hispanicè, *virgo de raposa*, *rabo de raposa*: Italicè, *cuscuta*: Gallicè, *barbuette*. Germanicè, *Filtzkraut* oder *flachs feiden*.

## Enarratio C LXXVIII.

Solent hic herbarum inquisitores, longas componere disceptationes: quas nos prætermittimus, rem paucis, ut solemus, absoluentes. Est igitur epithymon, siue epithymus, crinis tanquam palliolum, thymum ambiens, vel potius flores thymi. Nascuntur autem potissimum capilli isti, tanquam inuolucrum super thymo qui eadem cum floribus thymi vires habent, & ea de causa, authores nonnunquam per epithymum flores thymi intelligunt, nonnunquam verò crines supercrescentes in thymo cum suis floribus. Nascitur epithymus iste Salmanticæ (ut cæteros silicæ locos) ad ripas fluminis Thormidis, & si recte memini, prope sacellum Sanctæ Mariæ dicatum: Verum, & si potissimum epithymus super thymo nascatur, & ea de causa epithymus quasi in thymo dicatur: super aliis tamē herbis nascitur, ut tradit Actuarius vir Græcus doctissimus: nascitur autē in satarcia, & stœba herbis, epithymbrū inde dictum, cum reliquo eadem facultates habens, infirmiores tamen, de quo Galenus, lib. vj. de Facult. simp. med. inquit



quit: Epithymum thymi facultatem habet ad omnia efficacius: exiccat & calcificat in tertio gradu. Mesue verò tractatu suo de Simplicibus, postquam de eò multa secùdum Galeni doctrinam dixit, ita quoq; de illius viribus tradidit, inquit: Prærogatiuam habet educere super omnibus solutione educentibus melancholiam, educit enim sine molestia & facile, curat melacholiam morbum, epilepsiam, & timorem, imo omnes morbos à melancholia ortum trahentes depellit, vt cancrù, lepras, scabies, quartanas, splenis oppilationes, & huius generis alios. Dosis eius in decoctione, est in potu à drachmis quinq; vsq; ad xx. & pulueris eius à drachmis tribus, vsq; ad vij. eius tamè vsus in æstate, non adeo securus, vt in hieme est. Est & alius epithymus rubens, qui capillorum modo absq; radicibus crescit, & aliis obuoluitur circumligatur ve plantis, præcipue lino, & ea de causa, podagra lini appellatur, quam Plinius cussutam aliquando nominare non dubitauit, quanquam lib. xxvj. cap. 8. illum quoq; inter epithymi genera commemorat, Cæterum falluntur Eurit. Cordus, Otho Brunphel sius, ac Manardus, credentes cuscutam androsacem esse. Est enim androsaces herbula super saxis & lapidibus nascens, quam semel apud Antonium Musam Brasauolam, anno millesimo quingentesimo, quadragesimo quinto, die verò xx. Octobris vidi, quæ à cuscuta multum abest, & albissima ac tenuissima fila, veluti capillos, super saxo habebat, vt suo diximus loco: Habet autem cuscuta eadè cum primo epithymo vires, quæ quoq; iccoris obstructiones aperit, & sanguinem mundificat.

## DE ALYPO.

Græcè, ἄλυπον: Latine, *alypon, alypia, turbit album, turbit Orientale: Vulgo, turbit di Leuante.*

## ENARRATIO CLXXIX.

**A**ctuarius libro de Compositis medicamentis vbi de triphera minori agit, inquit Alypum turbit album esse, quod ex Oriëntali plaga ad nos aduehitur, habet enim huius semen vim bilem atram purgandi, radix verò pituitam, de qua Paulus Aegineta, lib. vij. suæ medicinæ, ita dixit: Alypi semen bilem atram per inferiora purgat, pari  
epithy

epithymo mensura sumptum cum sale & aceto, verum tamen intestina leniter exulcerat. Item capite eo quo medicamenta atram bilem purgantia describit, inquit: Alipi semen inferius atram purgare bilem, pari epithymo mensura cum sale & aceto, dictum est, intestina vero, si fide Dioscoridi accommodamus, leuiter exulcerat. Est verò meo iudicio, quæ nunc alypias vocatur: exhiberi debet in mulla.

## DE EMPETRO.

Græcè, ἐμπέτρον: Latine, empetron, calcisfraga: Gallicè, percepierre: Germanicè, Stein raut.

Enarratio CLXXX.

**E**Mpetri historiam tam succincte narrauit Dioscorides, vt quæ illa sit herba, difficile sit ad diuinare: olim verò quum apud Anthuerpienses agebam, apud quos, magna diligentia, simplicia medicamèta inuestigabam, Cornelius medicus Anthuerpiensis mihi herbam cespitosam, sapore falsam, prope mare nascentem, obtulit, quam empetrum esse contendebat: Nam & pastor qui illam ad eum attulerat, iureiurando affirmabat, oues quum male haberent, ad illam tanquam ad certum salutis asylum confugere: cuius esu munitæ, morbum propulsabant, & immunes manebant: Interpositis verò postea nonnullis annis, eundem Cornelium huius herbæ memoriam fecisse comperi, præcipue, in quadam epistola quam commentariis Hieremiz Triuerij, Louaniensis medici, viri doctissimi super Aphor. affixit, & de ea ita dixit Galenus, Ad solas purgationes esse videtur commodum, bilem ac pituitam educens, iuuat tamen ad alia gustu falsum existens.

## DE SYLVESTRIVITE.

Græcè, ἀμπελὸς ἀγρία: Latine, vitis sylvestris, Officinis viburnum: Italicè, dafne, Lienen: Gallicè viorne, ou hardie. Germanicè, Speckreben lienen.

Enarratio CLXXXI.

**D**icitur Vitis agrestis planta hæc, ob id tantum quia racemosum fructum rubrum, vitis instar gerit, quum tamen figura & viribus multum ab agresti vite differat: folia



*Vitis sylvestris.*

ac proinde cutis extimæ vlcera purgare possunt, sed astringentem quandam sortiuntur extrema germina, quæ & sale condiri assolent, Hæc Galenus. Hodie verò Itali, præsertim Anconitani, eius asparagis turionibus dictis, maxime vtuntur.

folia enim huic non vitis sed solani potius sunt, vires verò calidissimæ causticæ ac depilatoriæ, quibus de caulibus mulieres Italiæ, & Hispaniarum huius plantæ fructu, pro rubricandis genis maxime vtuntur. At vera vitis sylvestris, tantum abest, vt solani folia habeat, vt ea potius vitis sint, quibus non caustica aut adurens, depilatoriæve vis inest: sed frigida potius & constringens: de hac vero de qua agimus, ita refert Galenus lib. vj. de Facultat. simplicium medicamentorum; Racemi eius extergendi vim possident,

## DE VITE ALBA.

Græcè, ἀμπέλῳ λευκῆ: Latinè, ampelos leuce, vitis alba, bryonia: Hispanicè, Nueza, anorca: Italicè, zucca saluatica: Gallicè, feu ardant, couleuuree: Arabicè, festre: Germanicè, Schmervvürtz.

### Enarratio CLXXXII.

**D**icitur Vitis alba, à seplasiariis hodiernis, bryonia, cuius radix crassa alba in vsu medico est, de qua Mesue tractatu de Simplicibus, sub alfescera mentionem fecit,

*Vitis alba.*

cit, Galenus verò lib.vj. de Facul. simplic. medic. ita de ea tradit: Prima huius germiua vere edi solent, edulium propter astringionem ventriculo acceptum: Cæterù subamarum & modice acrem astringionem possident: quare & vrinam modice cient: At radix & abstergentem & desiccantem vim habet, & moderate calidam, quamobrem & lienes induratos liquat epota, cum ficibusque posita foris, psoram & lepram sanat. Porro fructus eius, racemi-speciem præferens, iis qui coria desfant est utilis.

## DE VITE NIGRA.

Græcè, ἀμῆλον & μέλαινα: Latinè, *Vitis nigra*, Hispanicè, Lusitanicè, *congorca*: Italicè, *tamaro*: Gallicè, *espece de coleuuree*, Arabicè, *Fasersim*: Germanicè. Vvald reben, lyncn, oder lenen.

## Enarratio CLXXXIII.

**H**Aec illa planta est, cuius fructum, vuã tamminiam appellamus, & ex qua quoq; cauliculi asparagorum modo, pro victusvsu colliguntur, quam Lusitani reliquiq; Hispani sua voce, *congorcam*, id est quasi vitem albam appellant, vocant enim vt dixi, vitem albam, *norcã*, hanc vero *conorcã*, & corrupte *congorcam*, quæ omnia ad Galeni mentem nominata sunt, vt mirer Lusitanos hucusq; rerum nomina tam incorrupta & ad Græcorum &

Romanorum mentem, reseruatam habeant, ita enim Galenus citato loco tradit: Vocatur autem hæc vitis nigra, proprie bryonia, prædictæ ad omnia similis, nisi quod imbecillior.

## CONSTANTINVS,

ERat Mathiulus Senensis vir aliqui meo iudicio maximus, quem sequitur Amatus Lustranus, & ipse de literis optime meritus, Non enim, vt eorum vterq; falso censet, vitis nigra quæ bryonia proprie dicta Galeno, est latiorum vna taminia. Sed aut labruscæ genus Plinio, aut staphis agria (id est pedicularis Scribonio largo, & Plinio etiam pituitaria dicta) Cornelio Celso est vna taminia, hic siquidem lib. iij. cap. 21. *ἡ ἀγρία ἐρεΐα* exponit vnam taminiam. Sic namq; legendum, non tyminiam. Plinius vero lib. xxiij. cap. 1. astaphidem siue staphidem agriam, vnam taminiam falso vocari asserit; cum tamen vna taminia lib. xxvj. cap. 13. tribuat, quæ Galenus agriæ staphidi libro de Compos. Medic. secundum locos. Idem Plinius lib. xxiiij. cap. 1. labruscam ampelon videlicet agriam, vnam taminiam nominat: quo loco etiam lapsus deprehenditur, nam ampelon agriam de qua agit hoc capite Dioscorides, confudit cum ampelo agria quæ proprie est labruscæ, ananthem ferens: de qua peculiariter egit ipse Dioscorides, lib. 7. cap. 2.

## DE FILICE,

Græcè, *ῥιζή*: Latinè, Filix, Hispanicè, *fechos*: Lusitanicè, *feitos*: Italicè, *felce*, Gallicè, *feugerc*: Arabice, *Sarax*: Germanicè, *Vvaldtfarn mennlin*.

## DE FILICE FOEMINA.

Græcè, *θηλυπῆρις*: Latinè, *fœmina filix*: Hispanicè, *fechos hiembra*: Italicè, *felce fœmina*: Gallicè, *Osmonde*: Germanicè, *Vvaldfarn vuciblin*.



Filix Mas.



Fœmina.

## Enarratio CLXXXIIII. CLXXXV.

**F**ilix tam masculus, quàm fœmina, ubiq; crescunt, De quibus Galenus lib. viij. de Facultatib. simplic. medic. ita tradit: Radix eius latum lumbricum perimit, si in melicrato pondere drachmarum quatuor bibatur. Quare ipsam partum viuum necare, mortuum autem expellere, non est mirum, siquidem amara existit, paulumque astringentis obtinet, ynde validè vlcera desiccant, citra morsum tamen, cui similem vim habet Thelypteris.

## DE POLYPODIO.

Græcè, πολυπόδιον : Latinè, Polypodium, filicula:  
 Hispanicè, filipodio, polypodio : Italicè, polipodio:  
 Gallicè, polypode : Arabicè, Bisberg : Germanicè,  
 Engelluesfs.

## Enarratio CLXXXVI.

**N**Ota Polypodij radix officinis est, cuius folia pennata filicis modo sunt, & ea de causa, à Romanis Filicula dicitur: nascitur autem optimum polypodium in quercubus, qua de causa, à medicis continuo quercinum in suis compositionibus describitur: quod vero super lapides nascitur, non ita bonum est, humiditatem enim superfluam indigestam (vt Mesue tradit) gignentem in corpore ventositatem, & subuersionem, ac nauseam possidet: Imò de omni polypodio tradit idem Mesuæ, corpora maxime extenuare, desiccare, ac ea ad nauseam & subuersionem trahere: quæ Manardus Ferrariensis non ferens, contra Mesuem insurgit, dicens magis credendum esse Auerrhoi dicenti polypodium esse securam medicinam, & epithymo meliorem, quàm Mesue vel Plinio, qui ab eo stomachum offendi affirmant. Est enim Polypodium calidum in primo gradu, vt eius indicat sapor. Cuius dosis ad integram vnciam est, de quo Galenus lib. viij. de facultatib. simplic. medicamen, ita inquit: Dulcem simul & austeram vincentem obtinet qualitatem, vt facultatis sit citra morsum admodum exiccantis, & vt tradit Mesue, solutione educit choleram nigram, cum facilitate, & phlegma grossum, & mucilaginosum, & materias iuncturarum, & confert colicæ secundum omnem modum administrationis eius, & duricie splenis, & proprie cum epithymo, & sale Indico, & cōfert ad melancholicas febres, & proprie cum aqua mellis, & sanat scissuras quæ fiunt in manibus.

Mesue.

Manardus

## DE DRYOPTERI.

*Gracè, δρυοντέρις: Latinè, Dryopteris, filix quercina: Hispanicè, fechos de sobre, el robre: Italicè, felce di quercia: Gallicè: Feugere de chesne: Germanicè, Eich farn.*

## Enarratio CLXXXVII.

**D**Ryopteris, filix in quercubus nascens est, folio parum inciso, radicibus implexis, hirsutis, dulcibus cum quadam acerbitate, vel vt tradit Galenus, dulcis, acris, amara, & in radice etiam acerba existit: habet autem facultatem putrefaciendi, proinde pilis glabrâ cutim efficit.

A

DE

Græcè, *κνικόν* : Latine, *cnicus*, *cartamus*, *crocus syl-  
uestris* ; Hispanicè, *alacor*, *semente de papagaios* ;  
Italicè, *cartamo*, *saffarano* *Saracinesco* ; Gallicè,  
*saffran bastard*, ou *sauuage* ; Arabicè, *Chartom*,  
Germanicè, *Vvilder garten saffran*.

## Enarratio CLXXXVIII.

*Cnicus.*

**C**Artami semen, in  
vsu medico habe-  
tur, & ex eo conditum  
quoddam in rotulis ad  
mentē Guidonis, phar-  
macopoliorum seplasia-  
rij componunt, de quo  
Galenus libro vij. de Fa-  
cultat. simplic. medic. ita  
inquit: Cnici semine dun-  
taxat ad purgationes vti-  
mur, estque tertij ordi-  
nis excalfacientium, si  
quis foris eo vti volet.  
Mesue verò illum potius  
calidum in primo ordi-  
ne cōstituit, siccum verò  
in secūdo, & vt tradit so-  
lutione educit phlegma  
per ventrē & vomitum,  
& similiter aquositates,

& valet ad ægritudines ex eis, sicut est colica, & clysteri-  
zatus valet similiter, & mundificat pectus & pulmonem,  
& proprie lohoc prædictum, & alij modi administratio-  
nis eius, & clarificat vocem, & similiter oleum ipsius, &  
vsus ipsius in spermate augmentum efficit: flos vero eius  
cum aqua mellis remouet icteritiam, dosis eius à drach-  
mis quatuor, vsque ad aureos quinque; & floris eius, à  
drachma vna, vsque ad aureos duos.



## DE MERCVRIALI.

Græcè, λινόβοϋς : Latine, *Linozostis*, *Mercurialis*.  
 Hispanicè, *mercuriales*, *urtigua muerta* : Italicè,  
*mercorella* : Gallicè, *Mercuriale* : Germanicè,  
 Bengel kraut.



Mas.



Fœmina.

## Enarratio CLXXXIX.

**F**Requenti in usu clysteriorum, Mercurialis tam mascula quam fœmina hodie venit, de qua Plinius abunde lib. xxv. cap. 5. dixit. Cæterum à nobis syrupus de succo mercurialis excogitatus est, quo bilem & aquosos humores absq; noxa vlla, quatuor vnciarum pondere, euacuamus. Fit quoq; ex tenellis mercurialis cauliculis, pessulus, qui oris matrici admotus menses & secundas prouocat: familiare enim apud Hippocratem remedium est, vt libro de Natura muliebri, & de morbis muliebribus comprehenditur. Galenus porro libro septimo, de Facultat.

*Mercurialis.*

*Syrupus de succo.*

*Mercurialis.*

simplic. medicamen. ita inquit de linozostide: Ea vtuntur omnes ad subductions alui duntaxat, quanquam etiam admota, valenter digerit.

## DE CYNOCRAMBE.

*Græcè, κυνοράμβη: Latinè, cynocrambe, canina brassica, mercurialis canina: Hispanicè, verca perruna: Italicè, mercorella canina: Gallicè, mercuriale noire: Germanicè, Vvildbengelkraut.*

### Enarratio c x c.

*Ruellius  
errat.*



*Cynocrambe.*

**C**ynocrambe, id est canina brassica, ea est herba, quæ mercurialis folia habet, & prope fossas, muros, & vias nascitur, altitudine duorû & trium cubitorû. Quapropter errat Ruellius, quum cynocrambè atriplicem sylvestrè esse credidit, quum Dioscorides capite de Atriplice, de domestica & sylvestri sermonem habuit. Est præterea aliâ herba atriplici sylvestri æqualis quæ fricata semen genitale redolet, & ea de causa, spermaria herba appellatur. Huic quoq; altera similis est herba, Vuluaria dicta, quæ fricata ac manibus tractata, foetidum & putidum ex se expirat odorem, qualem ex putidis piscibus salitis & inueteratis attolli nouimus. Soluunt autem omnes istæ herbæ, & matrici auxiliantur male affectæ.

## DE HELIOTROPIO MAIORE.

Græcè, ἡλιοτρόπιον μέγα: Latine, *Scorpiurus*, *heliotropium maius*, *Officinis Herba cancri*, *solaris herba*, *verrucaria maior*: Hispanicè, *tornasol*, *yerna de las verrugas*: Italicè, *herba de i porri*: Gallicè, *Tournefol*, *herbe au chancre*.

## DE HELIOTROPIO MINORE.

Græcè, ἡλιοτρόπιον μικρόν: Latine, *Heliotropium minus*: *Officinis solaris minor*, *verrucaria minor*: Gallicè, *vernette*, *ou herbe aux porreaux*.

## Enarratio cxcī. cxcii.

Quæ Chalendulam heliotropium hoc esse credunt, miro comprehenduntur errore, quum chalendula (vt dixi) chrysanthemum est, cuius flores caudæ scorpionis minime respondent. Dicitur vero heliotropium, herba cancri, ob duo: Primo, quia florem similem caudæ cancri possidet: Secundo quia mirum in modum cancris, & vlceribus malignis, cancrisive auxilium præstat: minor vero verrucaria, ita dicta, quia semen verrucarum similitudine habet. Prope lacus, & stagnantes aquas nascitur: quam simul cum prima, Antuerpiæ mihi monstravit Christiernus Morciensis, singularis doctrinæ vir, & qui Parisiis publice Mathesin profitebatur: quem nos, quum Antuerpiam veniret, vt inde in Daniam nauigaret, per quatuor menses remorati sumus, à quò multa & præclara didicimus, vna cum Iodoco Valareo viro Antuerpiensi, trium linguarum peritissimo, & cuius industria hodie Quintus Calaber Latinus legitur, vt plura alia taceam opera, per hunc doctissimum virum composita: aderat quoque eo tempore nobiscum Hieronymus Lusitanus medicus, qui hodie apud Indos, regis Lusitanix mandato, magna cum gloria artem medicam exercet,

simul enim præclaro viro illi Christierno, disci pulifac-  
 Æti sumus.

## DE SCORPIOIDE.

*Gracè, σκορπιοειδής: Latine, Scorpioides:*

*Gallicè, Souvenez vous de moy.*

### Enarratio cxciii.

**S**corpioidem quoq; apud Belgas vidimus, folio mi-  
 noris heliotropij, semine scorpionū caudæ persimili,  
 vnde nomen traxit. Non est scorpioides chalen-  
 dula, vt multi putarunt, sed de Scorpioide  
 ita tradit Galenus, libro octauo de  
 Facult. simplic. medic. excalfacit  
 ordine tertio, desiccatur  
 secundo.

*Finis Libri Quarti.*



# IN DIOSCORIDIS ANAZARBEI DE MEDICA

MATERIA, LIBRVM QVINTVM,

Enarrationes Doctoris Amati Lusitani

Medici in Italia præ-  
stantissimi.

\*

*De Vite vinifera: Germanicè, Vveinreben.*

Enarratio Primi Capitis.



*Vitis vinifera.*



**V**ITIS plan- *Vitis*  
ta Baccho,  
siue Libe-  
ro, Noepa-  
tri dicto,  
dicata, vbiq; vulgatis-  
sima est, ex qua vuz pen-  
dent, & ex illis diuinus  
ille liquor, vinu dictum  
paratur: frigida enim o-  
mni ex parte vitis est,  
cuius capreoli comesti  
stomacho calido magnu  
præbent oblectamentu,  
& ex illis, nos ante agre-  
stæ ortum, succum cum  
aqua rosacea extrahere  
facimus, quo pullos gal-  
linaceos, vice agrestæ,  
principibus & dominis,  
comedant consulimus.

Porro, aqua ex vite amputata, destillans, veluti quoq; con-  
cretum gummi, vrinam cit, & faciem pulchram reddit.  
Vitem quoq; siccam, sarmentum practici appellant, quod  
ignito, cauterij vice, verrucas extirpare solemus, & illius

cinis, vnguentis præcipuè ad morbum Gallicum facie-  
tibus, non minus ac thamarisci miscetur.

*De Labrusca.*

Enarratio I I.

*Oenanthe* Capite quinto sequenti lege de *Oenanthe*.

*De Vuis: Germanicè, Vveintraub, vucinbeer.*

Enarratio I I I.

*Vua.*

**R**ecens vua collecta, ac roscido humore madefacta,  
& comesta, stomachum turbat, & aluum subducit,  
pensilis verò, in qua maior humoris sui pars exaruit, opti-  
ma est, & in optimum vertitur nutrimentum: ab vua ta-  
men nutrimentum acquisitum, facile euanescit, vt recte  
admodum meminit Galenus, exemplum à pinguibus vi-  
nearum custodibus desumens. Cæterum inter heros fru-  
ctus, vua primatū obtinet, secundum locum, ficus habet.

*De Vua passa: Germanicè, meertreüblin.*

Enarratio I I I I.

*Vua passa:*

**V**Va passa, siue sole exiccata, magnopere à Galeno  
laudatur, præcipuè pro pectoris ac iecoris affectio-  
nibus, modo absque seminibus in cibo detur: nam semina  
siue interna grana sua pectus constringunt, & obstructio-  
nes parant, qua de causa Galen. libro septimo, de Com-  
positione medicament. secundum locos, cap. 2. in suis ar-  
teriis, ad thoracis morbos, compositis, passas exacinarum  
iubet, suadetque earum carnem tantum comedendam, id  
quod libro octauo sequenti prædicti voluminis, corrobo-  
rat dicens: vuas passas ad thoracis & iecinoris affectus,  
specifica virtute quadam, vel vt aiunt à tota substantia,  
valere modo à granis & seminibus suis exacinata patiens  
comedat. Quibus Gale. verbis Alexander Trallianus sub-  
scribit, veluti Aëtius, qui passas vuas seminibus repurga-  
tas, peculiare iecinoris alimentum esse tradunt, à quibus  
Aucenna sumens Fen decima libri tertij, inquit: Vua  
passa à tota substantia iecori conuenit, suple tu, seminibus  
munda, exacinata dicta. Quo factum est, vt medici hoc  
tempore, summo consilio, vuam passam Corinthiacam,  
absque

absque semine natam ægrotis concedant, quæ ieiuno stomacho sumptâ, prius aqua vel vino mersâ, trium vnciarum pondere, alium mouet, & purgat: quæ verò seminibus ornatur vva passâ, stomachum roborat, vt testatur Galenus libro de Facile parabilibus, eo præcipue capite, quo de capitis dolore ob vini potum orto, agit, vbi animaduertendum est, quòd vva passâ ante cibum, vt corpus moueat, absque seminibus comedi debet, vt verò stomachum roboret, cum illis: à cibo verò, cum granis & semine integra edi debet, nam & stomachum roborat, & alium subducit: vt de cotoneis & pyris, austerisque fructibus Galenus historiam enarrat.

*De Oenanthæ: Germanicè: Vvildreben.*

Enarratio v.

**E**st œnanthe, vt alibi diximus, & Secretarius Florentinus ignorauit, ea herba, quam filipendulam pharmacopolæ appellant, nunc verò, œnãthe fructus est vitis syluestris florecentis, quem officinæ labruscam vocant, sua natura, constringentem, stomacho conducibilem: qua de causâ inter medicamenta stomachica per sæpe miscemus.

*De Omphacio, id est agrestæ: Germanicè, Agrest.*

Enarratio vi.

**O**mphacium, id est succus vvx acerbæ, vbiq; paratur: in æreo porro vase ad Solem concretus, magno iuamento contra oculorum nebulas, ac scabrics paratur, quo sæpe ipse vsus sum. Videant tamen iuniores medici, quum agrestæ succum febricitantibus concedunt, ne plus iusto salitus sit, nam sic salitus, vt plerunque paratur, febres acuit, & corpora plus iusto sicca reddit.

*De Vvino.*

Enarratio vii.

**V**inum vbiq; suas habet laudes, quod odore, sapore, colore, dignoscitur, & vt Erasmus Roterodamus, olim viua voce superaddebat, fama: bonum enim & generosum vinum suspensa hedera non habet opus, quòd contra cicutam & alia frigida venena, meracum ac po-

tens præstantissimum antidotum est, vt olim Angelus Politianus ad medicorum mentem exacte expoluit. Non minus quoque vinum vinosum œnodes siue polyphorum dictum, id est multam ferens aquam, & multiferum dictum, post elum melonum, & fructuum frigidorum bibi debet, vt ex Hippocrate clare percipitur, libro de Affectionibus quum dicat: Quicumque cibi aut flatum, aut æstum, aut morsum, aut repletionem, aut tormen faciunt, à talibus liberat vinum meracum insuper potatum, proinde videant iuniores medici, Auicennæ & Arabum sectatores, qui contendunt, super similes fructus aquam potius bibi, quàm vinum debere. Cæterum hic Dioscorus de Vetusis vinis primo sermonem facit, pro quo scire licet, quod vetusta vina ea dicuntur ad Dioscoridis & Græcorum mentem, quæ quindecim vel viginti excedunt ætatis annos. Medix autem ætatis vinum apud illos dicitur, quod septem ad decem vsque annos continet, vt hic ex Dioscoride percipitur, quum dicat: quæ media ætate sunt tutissime bibuntur, qualia ferè septimo anno sunt. Quibus verbis Galenus subscribit libro vij. Methodi medendi, vbi vinum sex annorum tanquam medium inter nouum & vetus laudat, quod idem fecit libro quarto, de Compositione medicamentorum, per genera: vbi de epulotico medicamento ex collectaneis Primionis agit, quum dicat: Etenim recens vinum penitiora corporis non permeat, vetus acre & mordax est, ergo ætate medium potius est, quod plurimum intra quinque & decem annos consistit. Hæc Galen. In quibus clarissime inquit, vinum mediæ ætatis ad decennium vsque protendi. Cuius axioma, non sic superficialitè ab omnibus intelligatur, velim, quum illud veritatem teneat in vinis potentissimis, & diu perdurantibus, qualia Hispaniarum sunt, quæ ad triginta & quadraginta annos, perdurant, & vires suas potentissimas, ac valentissimas, seruant, veluti duo illa vina, quæ nobis Magnificus Ant. Musa Brasauola gustanda dedit, è cellario siue cella vinaria, illustriss. ducis Herculis Estensis, quorum alterum 150. annorum erat, alterum verò ducentorum. Nam de vinis debilibus & oligophoris, id est pauciferis, nullam in dilutione aquam ferentibus, falsum esse dictum putarem, qualia sunt Gallie vina, aut Ferrariensia aliave,



aliâve Hispaniæ suspensa, sic dicta, quia in alto enascitur, quæ per duos ad summum perdurant annos, hanc nostram sententiam veram esse confirmat Galenus comment. tertio in librum Hippocratis, de Ratione victus acutorum morborum, enarratione prima, vbi inquit, quod ætas & tempus in vinis non sunt attendenda, sub iis sequentibus verbis: Non enim ob tempus, inquit: vina vel iuuât, vel lædunt, sed ex propriarum differentiarum mutatione id habent, ergo quum de vinorû agimus differentiis, temporis mentionem facimus per accidens, & non proprie nec primum. Vina igitur vetusta sanitati aduersantur, modo diluta non sumantur: noua verò & recentia, corpus inflant, ægrè concoquuntur, ac grauia, & tumultuosa faciunt insomnia. Nec est quod aliquis mihi obiiciat, Teuthonas, & inferiores omnes Germanos, assuetos potu vini noui, & recentis, musti dicti, esse, quum illi non sine noxa, & corporum suorum iactura, vinum illud Rhenense recens ebibant, facillimè enim à quouis morbo moriuntur, nec ad senectutem, eorum vllus immunis aut sanus peruenit, quod millies illis obieci, Hispanos nostros, & Italos aliosque exteros mercatores, cum quibus Anthuerpiæ magnam contrahunt familiaritatem, à tali vsu præcauendo. Porro vinum Cretense, quod ex vuis sole siccatis conficitur, hodie Maluaticum ab insula vnde primo fortassis afferebatur, dicitur, potens, & generosum, quod stomachum dissolutum reficit, & vires amissas facile recuperat. At Albanum, non quod equidem putem Antiquorum, sed sic apud Ferrarienses nominatum vinum, colore album, natura frigidum, quod (mea sententia) potentius quàm aqua infrigidat: Nam aqua suis qualitatibus tantum infrigidat. Albanum verò vinum sua substantia, & præter hoc, austeritate quadam, quod vinum Galenus intelligit, quum vinum continuo febricitantibus cõcedat, vt Centuriis curationum nostrarum abunde diximus, ad quem locum lectorem relegamus, vt cætera quæ de vino desiderantur, ibi legat.

*Nouum  
vinum.*

*Vinum  
Cretense.*

*Albanum.*

*De Vino melitite.*

Enarratio VIII.

Hodie vinum hoc non paratur, facile tamè parari posset.

*Vinum me  
litites.*

De Mul

*De Mulſo.*

## Enarratio I X.

*Mulſum.* **N**Ec hoc quoq; paratur hodie, quod à melitite parum differt, vt meminit Dioſcorides capite ſuperiori.

*De mulſa ſiue melicrato: Germanicè, honigvuaſſer.*

## Enarratio X.

**M**ulſam aquam, melicratum, ſiue hydromel, hodie aquam mellis vocamus, quæ ex octo aquæ partibus, vnâ verò mellis paratur: quanquam & fortior & leuior parari poteſt, vt libro de Ratione victus in morbis acutis legitur.

*De Aqua.*

## Enarratio XI.

*Aqua non  
debet pon-  
derari.*

*Aqua fon-  
tana an  
pluuiatili  
ſit melior.*

**A**qua fontana, vel fluuiatilis, pondere, vt bona ſit, conſiderari non debet, vt recte admodum Plinius adnotat, quæ vt corpus noſtrum ingreditur, inter cæteras aquas primatum obtinet. Si vero vt elementum, ac frigida, & tenuis conſideretur, pluuiialis præcipua eſt: proinde multi quum aquam tanquam potum conſiderant eam fontanam vel fluuiatilem, ſummis laudibus extollunt, pluuiatilem vituperantes, vt Plinius, & alij celebres viri, quum vero aquam tanquam elementum conſiderant, pluuialem maxime laudant, vt Hippocrates & Paulus. Cæterum, de aqua & eius facultatibus, legito Galenum, li. j. Simpl. cap. quarto, quinto, ſexto & ſeptimo.

*De Aqua maris.*

## Enarratio XII.

*Aquamari-  
na.*

**A**qua marina, dulci grauior eſt, & ea de cauſa, naues in mari ſecurius nauigant, quam in fluuiis, vt Galenum quoque adnotaſſe legimus libris de Facultatibus ſimplicium medicamentorum. Verum, aqua marina clyſteri iniecta, aluum expurgat, & dolores coxendicos curat, ac ſerpentia vlcera remoratur. Sed in præſenti, vnum non prætereundum eſt, quod Dioſcorides in fine huius capitis

capitis attingit, videlicet, quum dicat: Verum tamen post purgationem, gallinaceorum, pisciumue esculentum ius dandum est, ad infringendam erosionis eius acrimoniam; quæ verba intelligatis velim, ad Hippocratis & Galeni mentem lib. ij. de Ratione victus in morbis acutis; & libro, Quos purgare, qualibus medicamentis, & quando oporteat, vt illico post epotum pharmacum, ius gallinaceorum, vel piscium, ptisanamue, æger absorbeat, vt eius pharmaci vis acrimoniaue infringatur debilitaturue, & consequens oris ventriculi læsio ab eodem pharmaco euitetur, vel vt tradit Galenus citato libello: Assumpto pharmaco conducit mox super sorbere cremorem ptisanæ, vt qui id quod in transitu affixum, applicitumq; est, abstergere, & deorsum trahere, qualitatem vero medicamenti, particulis infidentem, contemperare & inalterare possit. Est hæc ratio O viri prudentissimi, propter quam prisçi illi medici, tam fortia medicamenta dare ægrotantibus audebant, quia pharmaco ab ægrotante ebibito, illico cremorem ptisanæ sorbendum illi dabant, ob quem medicamentorum acredo, venenositasue obtundebantur, & à membris superioribus & nobilibus, ad inferiora descendebant, non vero vt hodie inscij putant, & conciliator monet, quia antiquitus aureo illo seculo, homines robustiores & maioribus viribus præditi quam nunc sunt, erant: quum idem nunc sit mundus qui antea erat, nec vllus immutatus stellarum ordo, vt meminit Galenus libello illo, Quòd optimus medicus sit & philosophus. Sed hoc nostro tempore medici, nacti meliora & securiora medicamenta, tantum abest, vt illico post epota illa, ptisanam aut ius aliquod ebibendum propinent, vt potius absoluta purgatione, ius simplex pulli gallinacci, aut ptisanam concedant, quod opus summopere laudamus, quia quum licebit comedere, licebit prius abluere, interim dum tamen pharmacum operatur, ptisanam vel alium potum amplius non dabimus, ne actio medicamenti exoluatur: vt quoq; Auicenna subscribit dicens: Oportet vt potionatus nō comedat vel bibat, donec medicamentum suam conficiat operationem.

*Exponitur Hippocrati & Galeni.*

*Cur medici prisçi tam fortibus medicamentis utebantur.*

*De Thalassomelle.*

Enarra

## Enarratio XIII.

Thalassomel.

**T**halassomel hodie non conficitur: facile tamen & paucis nummis parari posset.

## De Aceto.

## Enarratio XIII.

Acetum.

Aceti constringit.

**A**cetum natura sua tenue, refrigeratorium, exiccatoriumque est, ac constringens, vt Galenus tradit libro primo Simplic. cap. 18. 19. 20. 22. 23. 24. tenues enim & subtiles partes obtinet, quas aliquando calidas esse inquit, quum tamen cap. xxij. prædicti libri, non calidas, sed potius subtiles, acutas & frigidas esse, innuere videatur, quum dicat: Acetum non proinde quòd mordax est, calidum iudicandum est, sed tenue vt aër borealis. In quibus verbis, dicere videtur, quòd subtiliores aceti partes, quibus fit penetratio, calidæ non sunt, sed potius illis similes, quas boreas ventus possidet ficcas & acutas, ac penetrantes, minime verò calidas, ob id verò sequenti cap. 24. dicit: Sed igitur fuerit, tenue, refrigeratorium, exiccatoriumque acetum dixisse, omisis super illis rationibus nimis physicis, quæque magis ad naturam rerum scrutantes attinent. Quòd verò maxime constringat cap. 18. prædixerat, in quo eorum redarguit insitiã, qui credebant acetum instar cauterij calidum esse, quia sanguinis fluxus sistere videbant, non aduertentes, illud non vi caustica agere, sed astrictione potius & refrigeratione, vt eius indicant verba.

## De Oxymelite. Oximel.

## Enarratio xv.

**E**T simplex & compositum Oxymel hodie in officinis paratur: non tamen ad Dioscoridis citatum modum.

Oxymel.  
Oxalme.

## De Oxalme. Germanicè, Lack.

## Enarratio xvi.

Oxalme, salmuria acetosa hodie dicitur.

## De Thymoxalme.

Thymoxalme.

## Enarratio xvii.

Ex thymo herba & aceto, thymoxalme conficitur.

De Ace

*De Aceto scillitico.*

Enarratio XVIII.

Acet<sup>o</sup> scilli-  
num.

**A**Cetum scillinum, siue scilliticum dictum, in officinis hodie paratur non minus ac oxymel scilliticum quoque nominatum.

*De Vino scillitico.*

Enarratio XIX.

Vinum scil-  
liticum.

Hodie non paratur: parari tamen posset facillime,

*De Vinis aqua marina concinnatis.*

Enarratio XX.

**N**ullibi vina hæc nostro hoc æuo parantur, ne à quocquam concinnari, nec audiui.

*De Vino cotoneorum. Rütten vvein.*

Enarratio XXI.

**E**X cotoneis, cytoniis, siue cydoniis dictis, hodie conditum saccharo vel melle concinnatur: & sine illis, quod caro cydoniorum vocatur: Vinum vero facile ex illis parari posset, non minus ac miua dicta ex illis ubiq; parata.

*De Hydromalo.*

Enarratio XXII.

Non paratur, sed paucis expensis parari possit.

*De Omphacomele.*

Enarratio XXIII.

Omphaco-  
mel.

**L**Oco huius, syrupus de agresta cum saccharo paratus, in officinis habetur, quo frequentissimè contra febres tertianas vtimur.

*De Vino ex pyris.*

Enarratio XXIII.

Vinum ex  
pyris.  
Conditum  
ex pyris.

**V**inū ex pyris & pomis, hodie in Gallia apud Hispanos conficitur: veluti pluribus aliis locis, ex pyris porro conditum cum saccharo, cordialissimum, adiecto paucō moscho & ambaro, nobiles Hispaniarum parant.

*De Vino ænanthino.*

Enarratio XXV.

Non paratur.

*De Vino malorum granatorum. granaten vucin.*

Enarratio xxvi.

*Vinū granatorū aci-  
dorum. Oxyfacchara.* **H**odie succus ex acidis pomis granatis, vinum dicitur granatorum, quod ad arcendam sitim febricitantium in continuo vsu est: Nam & succharo succus iste ad ignem inspissatus, Oxyfacchara appellatur, quæ simplex & composita quoq; ornatur.

*De Vino rosaceo. rosen vucin.*

Enarratio xxvii.

*Vinum rosaceum.* **E**X vino & rosis, balaustis, & pomis cupressi, ac rosamarino, adiectis aliis constringentibus, vt myrto, galla, summitatibus rubi, lentisco, absinthio, & aliis similibus, vinum roborans membra debilia & vlceribus affecta, quotidie paratur.

*De Vino ex baccis myrti.*

Enarratio xxviii.

*Vinum ex baccis myrti.* **H**odie non paratur, parari tamen consonum esset, quum magnum pluribus ægitudinibus afferat commodum.

*De Vino myrteo.*

Enarratio xxix.

Nec hoc quoq; paratur.

*De Lentiscino, & terebinthino vino.*

Enarratio xxx.

Non parantur, imò multi terebinthum non norunt.

*De Palmeo vino.*

Enarratio xxxi.

*Palmeum vinum.* **P**almeo quodam vino Indici homines, in potu vtuntur. At turcæ quoq; ex dactylis, & passis vuis aliisque rebus, potum parant, quod vini vice accipiunt, & eo non raro inebriantur.

*Do vino ex caricis confecto.*

*De vino resinato.*

Enarratio xxxii. xxxiii.

**R**egionibus frigidis, & vbi vina debilia sunt, & facile accescunt, vinum hoc paratur.

*De vino ex pineis nucibus condito.**De vino ex cedro, ac aliis fructibus confecto.**De vino picato.*

Enarratio xxxiiii. xxxv. xxxvi.

**V**Asis picatis, id est pice illitis, vinum in Hispania reconditur, quod eandem vires ac à Dioscoride citatum, habere, certo crediderim.

*De vino absinthite: Germanicè, Vvermuot vveyn.*

Enarratio xxxvii.

**I**N vniuersa Germania vinum ex absinthio nunc paratur, præcipue Mechliniæ prope Louanium, vbi sapius illud pitissauimus.

*De vino hyssopite; Germanicè, Ysop vveyn.*

Enarratio xxxviii.

Non paratur.

*De pluribus & ex diuersis plantis conditis vinis.*

Enarratio xxxix.

**E**X pluribus quoque, & aliis variis nobis cognitis herbis, quarum præsci nullam habuerunt cognitionem, Vina similiter parari possunt, vt ex eupragia contra oculorum vitia: ex sena, contra atrabiliarios affectus: ex ligno Indico Guaiaco dicto, contra morbum Gallicum: ex radice cinarum contra destillationes, veluti ex altera radice, nunc demum in lucem aduecta, salsa pirrilha dicta, ad prædictas affectiones.

*De vino aromatite: Germanicè, Hippocras.*

Enarratio xl.

**A**D huius imitationem, Hippocraticum dictum vinum, vel claream, Officinæ parant.

*De vinis, pluribus diuersisque odoramentis conditis.*

Enarratio xli.

**M**ulta huiusmodi vina parturientes mulieres præparant.

*De varijs vinis ex varijs herbis confectis.*

## Enarratio XLII.

**F**acillime omnia hæc vini genera parari possent, quæ dubio procul rei medicæ magnum afferrent ornamentum: Multa tamen hodie, vt audio parari incipiunt, de quibus omnibus Arnaldum Villanouanum consulito, in eo præcipue tractatu, quem vinis dicauit.

*De varijs lapidibus metallicis, & primo de Cadmia: Germanicè, Gravver hutten rauch.*

## Enarratio XLIII.

*Cadmia  
Tutia vul  
garis est.*

**C**admia, genus illud metallicum est, quod hodie Tutiam siue pompholygem omnes medici appellant: nec est quod quis miretur, quoniam res ita se habeat, vt ab hinc quindecim annis monstrauius, quanquam hodie quidam maxime sibi aroget, quod primo ita se rem habere inuenerit. Est igitur cadmia botryitis, id est acinosa, granulosa ve, ac cerulei coloris, communis tutia, quæ in æris fornacibus fit, quum enim æris fauilla sursum fertur, & ferreis trabibus, quas acestides vocari Dioscorides tradit, insideat, fit inde vt in dies magis & magis augetur, & in corpus euadat, cuius infima pars, ob infessum super illis ferreis virgis, concaua efficitur & fistulosa: nam pars superior illius, cerulei est coloris, granulosa, siue acinosa, vnde Græci botryitim appellarunt, nam tota ipsa ponderosa, grauis, ac metallica percipitur: Caterum hucusque cadmia ista in officinis pro tutia, & pompholyge, habita & recepta est, hac forsitan de causa, quia facilius eius habebatur copia, quàm veræ tutiæ: aut pompholygis, Sed quod pompholyx aut officinarum vulgata tutia, Græcorum pompholyx aut spodium non sit, vel ex hoc tantum satis percipitur, quia Græcorum pompholyx & spodium puluisculi sunt, qui facillime volant, non verò corpus æneū, graue, quale cadmia est, & officinarum tutia. Est igitur vt receptui canamus, Tutia aromatariorum, apud Græcos cadmia dicta. De qua Galenus lib. ix. de Facultat. simplic. medic. ita tradit: Cadmia fit, vbi in fornacibus æs paratur, nempe tota terra, aut lapide ex quo æs gignitur, in sublimem partem fornacis egerente veluti fuliginem aut fauillam quandam, In argenteis etiam metallis simili secretionem efficitur. Quin & ex pyrite lapide in fornacibus

*Tutia vul  
garis nō est  
pōpholix.*



vsto fit cadmia. Cæterū absque fornace in Cypro cadmia inuenitur, quam iure quispiam lapidem vocet, At eius que combusta est, aliam botryitin, aliam placitin medici nuncupant, Botryitin quidem, quæ in æditioribus ipsius fornacis muris colligitur: placitin verò, quæ in humilioribus: Ac liquet sane botryitin partium esse tenuiorum, crassiorum verò placitin, vtranq; autem vi desiccandi, ac mediocriter digerendi præditam, Quæ autem colligitur in fornacibus, igneæ qualitatis necessario etiam aliquid habet: Merito itaque eam abluentes, medicamen efficiunt mediocriter tum desiccans, tum extergens absque mordicatione, vtile ad caua vlcera præhumida, & putrescentia, quæ in oculis & in toto corpore habetur. Igitur respicientes ad temperatam & mediam inter omnes excessus naturam, leuiter desiccatoriam abstersoriamque cadmiæ ineffe facultatem dicimus: In caliditatis autem & frigiditatis differentia cadmia quodammodo temperata existit. Galenus libro quarto de compositione medicamentorum secundum genus, ita quoque tradit: Reuocanda (inquiēs) ad memoriam sunt ea quæ citra morsum exiceant: cuiusmodi complura metallica existunt. Meminisse etiam oportet, combusta, & lota, acrimoniam, quam prius habebant, amittere, ac proinde ipsis vt edum esse, in ijs qui molli carne sunt præditi, admodumque ad sentiendum prompti, nec nō cacochyini. Nā in alijs corporibus illita etiam vsurpare licebit, siccam igitur modice, Lemnia sphragis, Cadmiaque præsertim quæ sponte nascitur, quam sub æstiuo Sole pluribus diebus ex aceto, aut vino giluo pellucidoque interea exiccantiorem reddo.

*Combusta  
lota acri-  
moniam  
amittunt.*

*De Pompholyde, & Spodio: Germanicè.*

V Veysser hüttenrauch.

Enarratio x x x x.

**P**ompholyx, vt diximus nō est tutia, nam tutia cadmia est, vt capite superiori adnotauimus. Est igitur pōpholyx puluisculus duorū modorū, alter albissimus, qui pompholyx id est bulla dicitur: Alter vero subalbidus, Spodiū vero puluisculus quoque est in prædictis æris fornacibus inuentus, ponderosior tamen ac cineritij coloris, qua de causa cinerula vocatur, de quibus dicere solebat Galenus,

*Pōpholyx  
bulla est.  
Spodium  
cinerula  
dicitur.*

*Spodium  
Auicenna.*

*Vandalorum  
regio.*

se nūquam vsum fuisse spodio, quū large illi semper pompholyx suppeteret. Vidimus enim nos, tres istos pulveres Ferrariæ, quos, vnusquisque hodie quoque apud Antoniū Musam Braſauolam videre poterit, quum omnia simplicia varijs scriniolis disposita apud se reſeruata habeat, & ea omnibus magna animi liberalitate videnda promat. Cæterum, ſcire licet, quòd spodium Græcorum, ab Auicennæ & Arabum spodio differt: nam spodium Græcorū, vt dixi in aris fodinis repertus puluisculus cineritij coloris est, qui veneni naturam habet, & per exteriora tantum admoueri debet: spodium verò Auicennæ, ex radicibus quarundam cannarum combustis tantum fit, quod per os tuto exhiberi potest. Ex quibus prædictis radicibus Turcæ, & homines qui è Græcia ad nos veniunt, vasa quædam confecta pro deferendo vino & aqua portant. Nascitur autem canna ista potissimum apud Vuandalos, à quibus hodie verum Auicennæ spodium ad nos adducitur. Proinde non putent pharmacopolæ quòd spodium Arabum ex omni harundinis radice parari possit, quum ex amplissima quadam harundinis radice, quæ apud Vuandalos potissimum vt dixi nascitur, conficiatur. Est enim Vuandalorum regio, olim Romania dicta, in Thracia contenta, quæ hodie Turcarū Imperatori Solymano paret, & Regem proprium Christianum habet. Qui quum hæc scriberemus, nos per literas hortatur, vt ad eum accedere dignemur, vt apud eū medici officio fungeremur: cui obedire difficillimum est, quia regio illa, dispar complexionis meæ est, vt pote frigidissima, nam trigefimum octauum ætatis meæ annum perago, pro qua tuenda, vt pote declinante, calidam regionem incolere necessum mihi est. Item quia rex ille vitæ discrimini quotidie expositus sit: quibus adde populi ruditatem, ac barbariem fœdissimam quæ omnia homini politico, difficillima, & quasi mors altera, reputanda sunt, & tanto magis quum ibidem homo ex libero seruus efficitur. Ob horum enim plurima, quum à Rege Poloniae, interueniente probo viro Iacobo Thebaldo, Illustrissimi Ducis Ferrariæ, apud Venetos vigilantissimo Oratore, vocatus etiam essem, à professione tali me retraxi, tenui mea fortuna contentus. Cæterum de pompholyge, & spodio, ita tradit Gale. libr. ix. de

de Facul. simp. med. Pompholyx fit & in æris fornace, veluti & cadmia, fitq; & dum in fornacibus cadmia vritur, nimirum ab ipsa cadmia in tectum fornacis quadam fauilla ascendente, quæ dum colligitur est pompholyx, Nam quod reflectens in pavementum recidit, nominatur spodium, cui videtur similem habere facultatem, quod antispodium appellant. At ego illo vsus sum nunquam, quum largè mihi semper pōpholyx suppeteret. Nec enim quisquam vbi hæc adsit, spodio vti velit, nedum antispodio: Est autè pompholyx medicamentum prope omnium quæ citra morsum desiccant, si elota fuerit, præstantissimum, Quamobrem ad vlcera cancrofa idonea est, & ad omnia maligna. Itaq; inditur collyriis quæ ad oculorum imponuntur fluxiones, quæque bullas in eis natas curant, præterea ad pudendorum & sedis vlcera, optimum est remedium.

*Spodium  
Galenus*

*De Antispodio.*

Enarratio XLV.

**A**Ntispodium, ac dixeris pro spodio, vel vice spodij: Quia igitur antiquitus, spodium nõ sic facile habebatur, illius loco multa antiqui excogitarunt, quæ cum spodio vires pares haberent, qualia sunt à Dioscoride hic citata, quæ tu per ocium cognosces, quibus tu addas, ex harundinis cuiusdam radice, ad Auicennæ mentem confectum, vt præcedente capite dixi, non minusque ex elephanti ossè combusto concinnatum, vt alia præteream.

*Antispodium.*

*De Aere cremato: Germanicè, Gebrant ertz, oder kupffer stein.*

Enarratio XLXVI.

**A**Es vstum vbique paratum habetur, de quo Galenus libro nono de Facultat. simpl. medicamen. ita tradit: Chalcos cecaumenos, id est, æs vstum, habet & acrimoniã quandam, sed & astringentiõis est particeps, proinde si lauetur, pulcherrimum est medicamen cicatrici inducendæ, quæ quoq; idem Galenus libro quinto eiusdem voluminis prædixerat, capite 14. prope finem.

*Aes vstum*

*De Flore æris: Germanicè, kupfferbraun.*

## Enarratio. XLVII.

*Flos æris  
non est vi-  
ride æris.*

**F**LOS AERIS, non est vt multi putant, viride æris: est igitur flos æris, pars quædam subtilis granulosa, quæ ex ære ignito, & aqua resperfo, in ferreo coopertorio ascendit, quum enim æs feruentissimo illo ardore ebullit, aqua frigida extinguitur: Cuius vapor in ferreo coopertorio ascendit, & ibi frigiditate condensatur, ac granulofus & subrutilus euadit, qui flos æris nuncupatur: & de eo Galenus libro nono de Faculta. simpli. medicamen. ita dicit: Chalcuanthos, id est flos æris, tenuioris essentiæ est quam aut æs vstum, aut squama: quare ex eo factis collyriis extergunt, auferuntque superciliorum magnas asperitates.

*De Squama æris: Germanicè, Rupfferschlag.*

## Enarratio XLVIII.

*Squama  
æris.*

**S**QUAMA AERIS, pars illa æris est, quæ cum percutitur exilit, & illius lauaturam exacte Dioscorides docet.

*De Squama chalybis, dicta Stomoma: Germanicè,  
Stahel hamerschlag.*

## Enarratio XLIX.

*Stomoma.*

**S**TOMOMA GRÆCIS, idem est Latinis, quod ensis vel cultri acies quo scinditur, vnde credendum est, quod Squama Stomomatis, squama chalybis sit, hodie Azzali dicti: Nec est quod quis obiiciat Dioscoridem: quum Dioscoridis historia per Marcellum descripta corrupte legatur, vbi inquit: Habet & squama æris, quam stomoma dicunt, easdem vires, nam reuera squama stomomatis, chalybis squama est, vt ex Galeno quoq; percipi potest libro nono de Facultatib. simplic. medicamentorum, quum dicat: Squama, alia est æris, medicamen multo vtilissimum: Alia ferri, & stomomatis, alia deniq; quam nonnulli vocant Helitin: Atque omnes sane vehementer siccant: cæterum, helites principem in desiccando locum obtinet, nam subtilissimæ omnium substantiæ est, nimirum quæ æruginis nonnihil assumpserit: maiorem obtinet astrictionem squama ferri, & hac etiam maiorem stomomatis, quam obrem ad contumacia vlcera meliores sunt, quam squama æris, & hac etiam valentius helitis. Omnes autem

autem squamæ non instrenue mordaces sunt, quare essentia ipsarum non est admodum tenuis, siquidem inter ea quæ parem vim possident, minus est mordax quod est tenuius, hæc Galenus. Ex quibus satis clare percipitur, quòd squama stomomatis squama æris non sit: sed potius vt diximus chalybis, quæ ex chalybe in incude percussa, vel in mola quum acuitur, cadit.

## CONSTANTINVS.

**S**tomoma Aristoteli libro iij. Meteor. nihil aliud est quàm purissimum ferrum, defecatum & recoctum, Idemq; quod acies Plinio libro xxxvij. cap. 15. & 16. hoc vulgò vocamus acier. sed multi falso putant (inter quos etiam doctissimus Mathiolus & eius interpres Amatus Lusitanus) id per chalybem significari: vt Stomoma & chalybs idem significant, in quo vulgarem opinionem sequi, mihi potius videntur, quàm doctorum. Nam inter ferrum & chalybem authores nullam ponunt differentiam: vt ex Virgilio liquet. 8. Aeneid. vulnificusq; chalybs vasta fornace liquefit: Et Ouid. 4. Fast. Aes erat in prætio, chalybis iam forma placebat. Chalybes enim populi erant quos Alizonas vocat Homerus, quique postea Chaldaei dicti sunt teste Strabone Geographia lib. xij. à quibus ferrum etiam chalybs vocatum est, quia apud eos magnæ erant ferrariæ: proptereaq; dixit Virgil. et Chalybes nudi ferrum: &c. Et Cratinus apud Pollucem à loco χαλύβιδον στόμωμα dixit: & ἐν ἑσσοὶ χαλύβιδον στόμωμα. Daimachus etiam in Obfisionalibus, stomomatis genera statuit Sinopicon, Chalybdicon ad fabrilia opera idoneum, Laconicon ad limas, terebras, stylos, & ad latomorum instrumenta: Lydion vero & ipsum ad limas vtile, & cultros, & nouaculas, & scalpella. Plinius stomoma esse voluit lib. xxxiiij. cap. 11. squama alterum genus subtilius, ex summa scilicet lanugine decussum: sed melius dixisse videtur, cum ait lib. xxxiiij. capite 15. squama ferri in vsu est ex acie aut mucronibus maxime simili. Nam hæc squama decussa ex acie, propriè est stomomatis squama de qua loquitur Dioscorides, Galenus libro ix. Simplicium, atque Aetius lib. ix. cap. 48. & lib. x. cap. 11. & libro xiiij. cap. 24. Pollux præterea lib. x. vocat στόμωμα σιδῆρας ipsum stomoma. sed Plinium in errorem pertraxit Cornelij Celsi auctoritas, qui lib. vj. cap. 6. in Cleonis collyrio ita posuit: squama æris quod στόμωμα appellant. &c. φοιδῆρα & χαλῆς cum Hippocrate, aut ἀειδῆρα & χαλῆς cum Dioscoride dixisse oportuit. Castigandus etiam obiter error summi philosophi Hieronymi Cardani, qui

libro quinto de subtilitate, squamam ferri cum stomomate confundit. tradit enim squamam ferri stomoma appellari.

*De Rasili æruginè, quam Viride aris vocant:  
Germanicè, Spongruen.*

*De Aeruginè scoletia, id est vermiculari æruginè.*

Enarratio L. LI.

*Viride  
aris.*

*Epulotica  
medicamē-  
taque sint*

**R**asa, siue rasilis ærugo, hodie officinis Viride aris appellatur, quod Hispani Verdete, quasi dixeris viride, vel cardanilium, aut aris orin vocant. Tali vero sua voce, Verde rame vocitant, ex quo Lanphrancus insignis Chirurgus aquam parare docet, pro virgæ curandis vlceribus. Scoletia vero ærugo siue vermicularis dicta, hæcenus à me non est visa, de cuius viribus Galenus libr. ix. de Facultat. simpli. medic. ita tradit: Gustantibus acrem exhibet qualitatem digerens, detrahens, & liquans non teneram modo, sed & duram carnem. Hallucinantur igitur qui talia medicamenta Epulotica appellant: hoc est, quæ cicatricem inducant, quum nimirum epulotica pharmaca contrahant, constipent, & in calli morem ipsam carnem indurent, Quin & gustam mordicat ærugo, non tantum vlcera, quod si pauculum eius cerato non pauco admisceas, id quod ex ambobus mistum est, citra morsum exterget.

CONSTANTINVS.

**Q**uod Dioscorides idem vocat & æruginem Plinius, Vitruuius ærucam nominat, atque etiam æruginem: nos Galli verd de gris, quæ vox est seplasia, nam viride aris dicunt medicamentarij, parandi modum docet Plinius libro xxiiij. cap. xj. Vitruuius 7. cap. libri xij. Et Cardanus libro v. de subtilitate. Paratur item æruca lamellis æren desossis intra vinacea, super affuso vino aliquo fugiente & rapido.

*De Ferri rubiginè: Germanicè, Eisen rost.*

*De Scoria ferri, Germanicè, Sinckelstein.*

Enarratio LII. LIII.

*Ferri rubi-  
go.*

**I**n est ferro veteri rubigo, de qua hic agit Dioscorides: cæterum ferrum igne candens, in aqua vel vino extinguitur, & contra ventris profluuium, ac choleram morbum,

bum, & lienis affectiones, vtiliter aqua vel vinum ipsum conceditur: Verum scoria ferri nota est, quæ sic ab Hispanis Scoria quoque appellatur, ab Italis verò Ioppa, vel ferri spuma, aut Itercus ferri, Latiniore verò ferri recrementum eam dicunt: manet enim scoria ferri hæc, in fabrorum ferrariorum fornacibus tanquã spongia, quæ postea nullatenus ferruminari aut in ferrum verti potest: De qua Galenus libro ix. de Facultatibus simplicium medicamentum ita dixit: Scoria omnis resiccatorium est medicamentum, potissimum autem ferri: Siquidem ad leuorem redigens ipsam in aceto quàm acerrimo, posteaquæ decoquens, ad aures iam pridem fluentes pure, ea vtor pro medicamento maxime exiccatorio. Cæterum hodie ex scoria ferri, electuarium quoddam in officinis paratur, apprime constringens & desiccans.

Scoria ferri.

Electuarium de scoria ferri.

*De Lotura plumbi, & eloto plumbo: Ger. Blei.  
De Coctura plumbi, & cremato plumbo.*

## Enarratio LIII. LV.

**V**Ritur & lauatur plumbum hodie frequentissime in officinis, quod & in laminas subtilissimas redactum, pharmacopolæ quoque habent, quas medici, pluribus foraminibus perforatas, supra calidos renes apponi iubent, non minus quoque erysipelatis, ac membris nimio feruore accensis, eas superponunt, pro quibus complendis rebus, ac vlceribus curandis, vnguentum quoque ex plumbo dictum myropolæ paratum habent. Vocant autem Hispani plumbum vstum, Barbarorum Maurorum voce, azarcon.

Plumbum.

*De Scoria, siue recremento plumbi:  
Germanicè, Bleischack.*

## Enarratio LVI.

**T**Ametfi pars hæc plumbi, scoria siue plumbi recrementum vocetur: non est tamen pars subsidens, vt in ferro, sed potius tanquàm spuma, quum percolatur manens, densa, dura, & tanquàm vitrum translucens, ad

Plumbi recrementum.

ruborem inclinans. De natura plumbi ita refert Galenus lib. ix. de Facultat. simplic. medicamen. Molibdos, id est plumbum, facultatis est refrigeratoriæ: Siquidem non modo multam habet substantiam humidam, à frigore congelatam, sed & aëriam, paucam autem terream. Igitur quod plurimū habeat essentiæ humidæ coactæ à frigore, indicium tibi esto, quod vbi admotum est igni celeriter funditur, fluitque. Quod verò & aëriæ sit particeps, hoc habeto signum, Omnium quæ nouimus vnicum plumbum tum mole ipsa, tum pondere augetur, si condatur in adibus subterraneis, aërem habentibus turbidum, ita vt quæcunq; illic ponantur, celeriter situm contrahant. Tam verò si in mortario plumbeo liquorem quemlibet plumbeo pistillo contriueris, ita vt ex pistillo ipso, atque etiam mortario exprimatur etiam aliquis succus, id quod ex vtroque constabitur, multo erit frigidius, quàm liquor infusus fuerat: cæterū, si vis magis refrigeratorium medicamen efficere, oleum omphacinum, aut rosaceum, aut mellinum, aut myrtinum, sit liquor is quem infundes, eritque remedium optimum ad sedis phlegmonas cum vlcere aut rugis, & ad eas quæ in pudendis, testibus, vberibusque consistunt, similiter aduersus cæteras alias fluxiones quæ articulis accidunt, sed & vlcerebus rebellibus etiam vtile est: Nam ad caneros eo vtens, virtutem medicamēti miraberis. Quòd si celeriter multum succi plumbei velis colligere, conare in Sole terere, aut quocunq; certe modo aëre excalfacto, Multo autem vtilissimum habebis medicamentum, si affuso refrigerantium succorum aliquo teras, vt semperuiui, cotyledonis, intybi, lactuæ, cōdrilles, pillij, omphacis, portulacæ. In laminam etiam diductum plumbum, lumbisque admotum, pollutionem per insomnia coërcet, nimirum haud obscure refrigerans, sed & bractea tenuis probe ganglio illigata, ipsum dissipat. Illigabit autem probe quisquis ab Hippocrate didicerit in ipsam noxam potius firmandum, quam hinc vel inde, porro plumbum vstum, ac dein ablutum, refrigerat, confertq; ad implenda vlcera, eademque cicatrice obducenda, Conuenit & chironiis dictis, & omnibus canerosis vlcerebus, Ante lotionem autem, vlcerebus pertinacibus etiam auxilio est.



*De Lapide plumbario: Germanicè, Glantz:*

Enarratio LVII.

**M**olibdoides, id est, lapis plumbarius, in fodinis plumbi reperitur, quem aliqui plumbi matrem, aliqui verò venam plumbi, vel lapidem plumbi appellant, nonnulli verò marchasite genus plumbarium lapidem esse dicunt, qui à prioribus in nihilo differunt.

Lapis plumbarius.

*De Stimmio: Germanicè, Spiels glafs.*

Enarratio LVIII.

**S**timmi, vel stibium, à seplastariis hoc tempore, antimonium dicitur, ab Arabibus verò & Hispanis alcohol, quod mulieribus & chymicis satis notum est, Ex eo enim chymistæ oleum parant, quo argentum ad auri colorem redigere conantur, & ex illo quoque multi oleum pro malignis curâdis vlceribus præstantissimum parant. Verum, qui antimonium non fundi contendunt, omnino errant, quum revera, nõ minus antimonium quàm plumbum fundi nouerimus, vt quisque conscius euadet, si quarat ab iis qui stannũ tractant, & æs pro cymbalis & bombardis fundunt eliquantve, de quo Plinius libr. xxxij. capite sexto sermonem habet, dicens: Vis eius astringere ac refrigerare, principalis autem citra oculos, nanq; ideo etiam platyophthalmum id appellauere, quoniam in collyriis mulierumq; epiphoris dilatet oculos, & fluxiones inhibeat oculorum, exulcerationesq; & c. & vt tradit Galenus libro nono de Facultatibus simplicium medic. cum facultate desiccatoria habet astrictione adiunctam, quamobrem & ocularibus modicamentis miscetur.

Stibium Antimonium est, vel alcohol.

*De Molybdæna artificiali, Galena dicta:*

Germanicè, Tetz.

*De Molybdæna fossili. siue naturali dicta: Germanicè,*

Bley ertz, odertzvutter.

Enarratio LIX. LX.

**F**actitiam & fossilem molybdænam in præsentis Dioscorides describit, factitiam Plinius galenam vocat, quæ aliud nihil est, quàm plumbum nigrum in fundo for-

molybdæna factitia Galena est nacia

nacis vbi excoctum fuit aurum, vel argentum, subsidens, vt facile quis molybdænam hanc lythargyrium appellare possit. Solent enim metallarij artifices, quum glebas auri, aut argenti fundere volunt, in quibus non tantum plumbi, vt fundi possint, reperitur, illis plumbum, vel venam plumbi adiungere, ex qua mixtione plumbum post aurum vel argentum excolatum, in ima fornacis parte manens molybdæna hæc factitia dicitur, Quæ eisdem cum lythargyrio vires obrinet, vt quoque meminit Galenus. De hac verò Plinius libro xxxliij. capite 16. ita dixit: Plumbi nigri origo duplex est, aut enim sua prouenit vena, nec quicquam aliud ex se parit, aut cum argento nascitur, mixtisque venis conflat. Eius qui primus fluit in fornacibus liquor, stannum appellatur: qui secundus, argentum: qui remansit in fornacibus, galena, quæ portio est tertia addita venæ: hæc rursus conflata dat nigrum plumbum deductis partibus duabus. Naturalis vero siue fossilis molybdæna, plumbi est vena, siue plumbarius lapis, quanquam tamen proprie, colore, à lapide plumbario differat, quum molybdæna flauescit & splendet, molybdoides verò, id est lapis plumbarius, plumbeum insequitur colorem: nec enim de hoc mirari est, quia vt recte adnotat Georgius Agricola, in suo dialogo de Metallicis, cui titulus est Bermanus, Vena ista & si frequenter plumbei quasi, & splendidi sit coloris, reperitur interdum quoque nigra, interdum cærulea, interdum etiam iocinoris colore infecta, quam ad Plinij mentem idem Agricola, in vniuersum, galenam vocat, ita enim de ea Plinius memoriam facit, lib. xxiiiij. capite 18. dicens: Est & molibdæna, quam alibi galenam vocauimus, plumbi & argenti vena communis: & vt tradit, capite 6. eiusdem libri, Vena siue terra argenti excoqui non potest, nisi cum plumbo nigro, aut cum vena plumbi, quam Galenam vocant. Cæterum, hic non est immorari, cur Galena dicatur. Nam Marcellus Virgilius, galenam à Galitia, Hispaniarum prouincia denominationem traxisse, vbi multa reperitur, contendit: quem merito Georgius Agricola, vir doctissimus, & eloquentissimus, redarguit. Dicitur igitur, vt ipse puto, terra siue vena ista, Galena, corrupte à voce Hispanica Galana quæ vox pulchritudinem refert. Quia igitur vena ista

aspectu

*Galena  
quid.  
Molybdæna  
natura  
lis.  
Georgius  
Agricola.*

*Galena  
cur  
dicatur.*

aspectu pulchra est, ea de causa Hispani apud quos in copia reperitur, Galenam siue Galanam appellarunt. Porro utcumq; se res habet, ita de molybdæna tradit Galenus libro nono de Facultatib. simpl. medicamen. Molybdæna id est plumbago, similem lithargyro vim possidet, tantum à media temperie ad frigidius paulum quid recedens, sed neq; abstergentis facultatis est particeps: utrunque autem medicamentum liquari potest, celerrimeque, ubi oleo non nihil aceti est additum, liquantur tamen etiam admista aqua, sed coctione longissima. Vidi equidem molybdænam proiectam plurimum cum multis aliis lapidibus in ea via que ad ergasteria ducit à Pergamo.

*Molybdæna Galeni.*

*De Argenti scoria: Germanicè, Silberschlacken.*

Enarratio LXI.

**H**elcysma Græcis, Romanis argenti retrimentum dicitur: quod ubi argentum funditur in magna cernitur copia, & Itali argenti loppam, Hispani vero argenti scoriam vocant, quam varij coloris cernunt, præcipue nigri ad cyaneum inclinantis: de qua Galenus libro nono prædicto, capite de Scoria ita inquit: Porro argenti scoriam proprie helcysma appellant, verum emplastris quibusdam resicatoriæ facultatis commiscetur.

*Argenti scoria.*

*De Lithargyro, id est spuma argenti: Germanicè, Glet, oder silber glett.*

Enarratio LXII.

**L**ithargyrum auri & argenti hodie pharmacopole indicant, quum tamen ex argento solum colligatur. Est enim lithargyros, spuma quædam, ex plumbo ære & argento conflata, quæ in argento quum purificatur supernat: Si enim spuma hæc, plumbi magis habeat, ut inde argenti colorem ducat, argenti lithargyrum dicitur: Si vero plus æris dominetur, lithargyrum auri, vel chrystitis appellabitur, de cuius viribus ita tradit Galenus lib. ix. de Facult. simpli. medica. Lithargyros desiccatur quidem, sed omnium moderatissime: & secundum alias tum qualitates, tum facultates, quodammodo in medio consistit, modica tamen astringendi, abstergenti que facultas ei inest.

*Lithargyrum auri & argenti cur dicitur.*

*Chrystitis.*

Cæterum

Cæterum ad intertrigines femorū utilis medela est, iure itaq; medijs ordinis in metallicis habebitur, proinde frequenter vtitur lithargyro ceu aliorum materia: sicut in liquefcentibus ad pleraq; medicamenta adhibemus ceram tanquam materiam mediam eorum quæ valentem possident facultatem.

## DE CERUSSA.

Græcè, *Κιμυλθιορ*: Latine, *psimithium*, *cerussa*: Hispanicè, *aluayalde*: Italicè, *biacca*: Gallicè, *ceruse*, Arabicè, *Affidegi*: Germanicè, *Pleiv veifs*.

## Enarratio LXIII.

*Cerussa.*  
*sandyx ce-*  
*russa vsta*  
*ast.*

**C**erussa vbique paratur, præcipue ex aceto & plumbo. At Sandyx cerussa vsta est, quam sandaracham, nonnulli verò minium appellant, de quibus Galen. lib. ix. de Facult. simplic. medic. ita inquit: Cerussa si ex acri aceto solvatur, gustu tamen neq; acre erit neq; mordax, sed emplasticum, & refrigeratorium. Cerussa adusta in sandyca transit, medicamentum se ipso tenuius, non tamen excalfaciens, phycos autem seruata cerussæ frigiditate, tenuitatem assumpsit.

## CONSTANTINVS.

**C**onficiende cerussa modum etiam docet Plinius lib. xxxiiij. cap. vltimo. Item Vitruuius libro viij. cap. 12. Cerussa verò cum in fornace coquitur vt ibidem hic author inquit, mutato colore ad ignis incendium, efficitur sandaracha. Id autem incendio didicerunt homines, & ea multo meliorem vsum præstat, quam quæ de metallis per se nata foditur. cui sententiæ astipulatur Plinius libro xxxv. cap. vj. vbi inquit: Cerussa vsta, sandaracha, sandix, syricum. vsta casu reperta incendio Piræi, cerussa in orcis cremata. Et ibidem Sandaracha fit adulterina ex cerussa in fornace cocta (male legitur, non in fornace) Colos debet esse flammeus. &c. Quæ non legisse mihi videtur Mathiolus Senensis cum reprehenderet Fuchsiū immeritò, quòd libro de Compositione medicamentorum dixerit cerussam vstam etiam sandaracham appellari. Est enim sandaracha duplex fœsitia & adulterina siue factitia. Natiuam vocant officina arsenicum rubrum: Adulterinam verò ex cerussa vstulata, pro verò minio vendunt. Et pigmentarij nostri veram sandaracham vocant *masicot*, adulterinam verò *mine*.

Tametsi

Tametsi hac parata industria sandaracha, verum minium minimè sit, quo quidem destituumur, nec vt errans voluit Fuchsius latinorum minium secundarium: quod aperte ostendunt hæc verba Plinij lib. xxxxiij. cap. 7. Steriles etiam plumbi deprehendantur suo colore, nec nisi in fornacibus rubescentes, exustiq; tunduntur in farinam. Et hoc secundarium minium per quã pauca notum. &c. Nec solum cerussa vsta sandaracha dicitur, sed etiam sandyx vt Dioscoridi & Galeno. 9. libro simplicium. Aetius lib. ij. Sericum vt legit Hermolaus, vel Syricum vocat. Plinius tamen sic distinguit libro xxxv. cap. 6. vt sandaracha adulterina siue cerussa vsta, si torreatur, æqua parte rubrica admixta, sandycem faciat. Quamquam animaduerto inquit, Virgilium existimasse herbam id esse, illo versu: Sponte sua sandyx pascentes vestiet agnos. De syrico verò ita subiicit: Inter facilius vero est & syricum quo minium sublini diximus. fit autem sinopide & sandyce mixtis. Quo loco corrigitur Erratum in Pliniano codice, libro precedenti xxxxiij. cap. 7. vbi loquitur de secundario minio. Hoc ergo ait, adulteratur in officinis sociorum. Item scyrico. Quoniam modo autem fiat scyricum suo loco dicemus, Sublini autem scyrico minium compendij ratio demonstrat. Quibus locis syricum et syrico legendũ sine c. At scyricum aliud est, Silis nempe genus de quo idem Plinius libro xxxxiij. capite 12. Dicendum item est syricum, aut sandycem per phycos apud Græcos non significari, vt falso censuit Fuchsius loco superius adducto. Nam phycos à sandyce aperte videtur distinctis Galenus lib. ix. simplicium. Sed phycos meo iudicio, nihil aliud est quam cerussa elota compositio quadam ad fucum mulierum, siue vt Plautus vocat offuciam. Plinio enim teste, Leuissima omnium cerussa ad candorem mulierum adhibetur. Atque hinc fucata mulieres dicuntur, & Martialis Sabellam vocat cerussatam. Nec tamen ignoro Dioscoridem lib. iij. cap. 100. longè aliter iudicasse, qui phycos quo pro fucum mulieres vtuntur, radiculam esse prodidit. Sed contra tanti viri auctoritatem à me est Galenus, qui phycos ad cerussam retulit libro nono Simplicium.

## DE CHRYSOCOLLA.

Græcè, χρυσόκολλα: Latine, chrysocola, Offic. borax:  
Hispanicè, atincar: Italicè, borace: Arabicè,  
tincar. Gallicè, Bourrache: Germanicè, Borras.

## Enarratio LXIII.

*Chryso-*  
*colla.*  
*Borax.*  
*Attincar.*

**C**hryfocolla, id est auricolla, hodie officinis borax dicitur, Hispanis verò, Arabica, vt plerunq; fieri solet, voce, attincar, quæ & naturalis & artificialis comperitur: vtraque vero mulieribus pro decoranda facie, & auri fabris, ac pannorum infectoribus, nota est. ex India autem fossilis hodie in Lusitaniam optima vt pote viridis coloris aduehitur, de cuius viribus ita tradit Gal. lib. ix. de Facultat. simplic. medic. Chryfocolla carnem liquat, non tamen valenter mordicat, quanquam sit facultate admodum digerente, exiccanteque: præparare autè hanc chryfocollam debes tempore æstiuo, aut aère prorsus calido: vrinam pueri, mortario & pistillo, vtroque ex rubro aere, contundens: hoc medicamentum aptissimū est vlceribus contumacibus, tum per se, tum aliis mistum. Nam quanto plus quam chryfocolla metallica desiccet citra morsum, tanto etiam ipsam excellit tenuitate. Hæc Gal. Hanc verò fictitiam chryfocollam quidam mercatores Olyssipponenses, Olyssipponæ pararunt, longe alio ordine ab hoc Dioscor. citato, ex qua, incomparabilè quæstū sibi compararunt, vt perfecte nouit Manuel Reinelius, vir medicus doctus, qui hodie apud Anthuerpienses agit.

*Manuel*  
*Reinelius*  
*medicus.*

*De Armenio lapide.*

## Enarratio LXV.

*Lapis Ar-*  
*menius.*

**Q**uia ex Armenia lapis iste aduehi solebat, Armenius dicitur: hodie tamen ex Germania non minoris notæ quàm Armeniacus, & eiusdem fere coloris cum chryfocolla ad nos affertur, ex quo color viridis, ad cæruleum tendens paratur. Lapis hic atram bilem vnice purgat, vt Alexander Trallianus vir Græcus doctissimus, primo dixit, & Arabes omnes affirmarūt, quibus nunc practici ferè omnes fidem habent, imò Manardus Ferrariensis hoc lapide Armenio, morbos ab atra bile ortos, magna cū gloria curasse testatur: Lauatur autem lapis iste vt cæteri lapides, de quo Gal. lib. ix. de Facult. simplic. medic. ita tradit: Armeniacum vim habet extergentem cum leuicula tum acrimonia, tum astrictione, vnde merito miscetur ocularibus facultatibus: præterea ipso per se redactō in pollinem, atque sicco, vtuntur ad pilorum in superciliis incrementum

*Alexāder*  
*Trallia-*  
*nus.*

incrementum, ubi præ humorum acrimonia partim excidunt, partim nec crescunt, nec nutricantur. Cæterum huius purgatoriam vim Galen. non nouit, nec Dioscorides, quia ut dixi, ex Græcis Alexander Trallianus, primo lapidem istum purgatorium esse, expertus fuit.

## DE LAPIDE CYANEO.

Græcè, κυανὸς λίθος : Latine, lapis cyaneus, lapis cæruleus : Officinis, lapis lazuli : Vulgo lapis lazuli : Arabicè, azul & lazuard. Germ. Lasurstein.

## Enaratio LXVI.

**L**apis cyaneus, Romanis cæruleus dicitur, quem hodie septasiarij lapidè lazuli appellant, & illum optimum dicunt, quem multis auri scintillis ornari vident, ex quo hodiernæ officinæ, pilulas pro depellenda atra bile componunt. Abluitur verò lapis iste veluti Armeniacus, cui Galen. vires detrahendi siue deponendi concedit, & ut Arabes addunt, atram bilem, quod verum esse, experientia indicat : nec Fuchsius in suis Paradoxis audiendus est, qui contra Arabas insulse admodum contendit quòd lapis cyaneus atram bilem non deponat, argumentum desumens mere ficulneum, quod nec Dioscorides, nec Galenus, aut Paulus, viri Græci, vnquam illi facultatem deponendi atram bilem dederunt, ignorans ille, vir alioqui doctus, multa Arabas post Galenum & Græcos, inuenisse, quorum Græci nullam prorsus notitiam habuerunt, & eo magis, quia Galenus huic lapidi facultatem detrahendi tribuit, & ut experientia indicat, atram bilem. Cæterum, ex lapide isto cyaneo siue lazulo dicto, color paratur cæruleus, quem ultra marinum pictores appellant, quia forsàn, maris aquæ colorem superat, illum verò hodie tam purissimum, ac saturum, Nicolaus Nicolotius pharmacopola Ferrariensis, parat, ut aliquando vnciam, centum aureis scutatis vendat. De hoc verò lapide ita tradit Galenus lib. nono de Facultat. simplic. medic. Cyanos, id est cæruleus lapis, acrem possidet facultatem, ac tum detrahendi, tum digerendi quàm cinnabari potentiolem : inest quoque ei nonnulla astrictio.

Lapis cyaneus.

Cæruleus lapis lazuli.

Fuchsius errat.

Ultra marinum.

AMATI LV SIT. COMMENT.  
DE INDICO LAPIDE.

Græcè, ἰνδικόν: Latine, Indicum.

Enarratio LXVII.

Indicum.

Improprie lapis dicitur: propterea Indicum appellari, melius est, quo infectores lanarum potissimum vtuntur, & cum in lotio dissoluunt. Est enim indicum hoc, succus defecatissimus istatidis herbæ, concretus, ac inspissatus, nam naturale indicum tanquam spuma ex haurundinibus erumpens hucusq; à nostris compertum non est: Plinius vero vtriusq; nullam fecit notitiam, vt ex illo facile comprehendi potest lib. xxxv. cap. 6.

DE OCHRA.

Græcè, ὄχρα: Latine, Ochra: Hispanicè, *terra roya*, Italicè, *terra gialla*: Gallicè, *Ochre*: Germanicè, *Ochergel*, oder *berggel*.

Enarratio LXVIII.

Ochræ  
r rubra.

Ochra, terra rubra & lapidis modo concreta est, quia pigmentariæ officinæ fere omnes abudant, & ea pictores pro colore vtuntur, veluti sarcinatores pro signandis pannorum incisionibus.

DE CINNABARI.

Græcè, κιννάβαρι: Latine, cinnabaris, Officinis sanguis draconis, Hispanicè, *sangue de drago*: Italicè, *Sangue di dracone*: Gallicè, *Sang de dragon*: Germanicè, *Bluot farb*.

DE CINNABRIO FOSSILI, ET  
ARTIFICIALI.

Cinnabrium fossile, minium naturale: Hispanicè, *bermelhon de minera*: Italicè, *cinnabrio naturale*: Germanicè, *Berg cinober*.

Cinnabrium artificiale, minium artificiale: Hispanicè, *bremelhon artificial*: Italicè, *minio*: Gallicè, *Cinnabre & vermeillon*: Germanicè, *Cinober*, oder *minien*.

Enarra



## Enarratio LXIX.

*Cinnabaris sanguis draconis.**Sanguis draconis.**Cinnabrium.*

**L**ongas hic moliuntur authores digressiones, quas nos subtrahimus, rem paucis concludentes, & eo magis quum de re clara & nobis obuia, sermonem habeamus. Ait igitur in presentia Dioscorides de Cinnabari, id est sanguine draconis, pro quo scire licet, quod arbor quaedam procerâ apud Hispanos, precipue in insulis Maderiæ & Cannariæ nascitur, quam illi precipue Lusitani draconem, siue draconarium vocant, ex qua lachryma quaedam lucida & rubricans defluit, quam si fricueris & ea lineas duxeris, colorem profundissimū ac sanguinis oriri conspicias. Qua de causa, nomen huic lachrymæ sanguis draconis inditum est. Ridiculosum profecto est asserere: vt testatur Dioscorides, cinnabarim draconis animalis sanguinem esse, in quem errorem Plinium labi animaduertimus, vt apud ipsum videre est, libro trigesimotertio, capite septimo. Cæterum, explosæ sunt iam hodie rotulæ quædam, in officinis pendentes, quas sanguinem draconis appellabant, & eas pro eo vendebant: componebant vero eas fallaces pharmacopolæ, qui nihil præter nigrum pro albo vendere semper solent, ex sanguine hircino, sorbis, ac laterum puluere, in vnum redactis, vel potius ex rubia tinctorum, bolo armeno, resino, ac dragacantho simul mixtis.

Est porro in officinis cinnabrium, minium dictum, quod naturale & artificiale comperitur: naturale Hispanis & Germanis frequens, apud quos vomica argenti viuisatur, quum in argenti viui fodinis potissimum nascatur: lapis rubricans, grauissimus, non admodum durus, qui plerunque argento viuo plenus conspicitur, corrosiuus, putrefactiuus, ac lethalis. Artificiale vero, ex argento viuo & sulphure in igne conflat: magni valoris & pretij apud Indos, & ea de causa, ex Lusitania in Indiam non nisi regis consensu portari potest, paratur vero apud Antuerpienses magna copia, ex quo ceram rubram inficiunt, qua literas sigillamus, & de illis Plinius citato loco loquutus est, quem legere ne pigeat.

## DE ARGENTO VIVO.

Græcè, υδργάργυρος: Latine, Hydrargyros, argentum

tum viuum : Hispanicè , azogne : Italicè , argenta viuo , mercurio : Gallicè , vis argent : Arabicè , Zeibar : Germanicè , Queckfilber.

## Enarratio LXX.

**M**issum facimus, quod à Philosophis & chymicis de argento viuo, Mercurio dicto, circumfertur. Est igitur hydrargyrum Græcis : Romanis aqueum argentum, vel ex suo cōtinuo motu, viuum argentum dictum, quod naturale & artificiale inuenitur, ex quo vnctiones pro Gallica scabie incredibili iuuamento parantur : quas inficij veram praxim ignorantes, vituperant, ignorantes argentum viuum suo pondere tantum lethale esse non verò qualitatibus, vt testatur in præsentī Dioscorides, quum dicat: lethale potum argentum viuum est : pondere suo interanea disrumpēs, à quo Plinius si quis interius animaduertat verba, libro xxxij. cap. 6. non disidet, quin potius illius verbis vt plerunque solet subscribit. Ita verò se rem habere, & argentum viuum venenum non esse quotidiana indicat experientia, quum tantum abest, vt venenum sit, vt potius pro præstantissimo antidoto, puerulis fascinatīs, & vermibus infectis, omnes medici Hispaniarū pondere semiuncia, optimo successu, in potu concedant, nec ex eo symptoma aliquod, per tam longum tempus oriri hucusq; perceperunt. Vidimus enim nos, si mihi visa referre liceat, puerum quendam decem annorum, plus libra vna argenti viui ebibisse, ex quo præter pondus nullum inde symptoma contraxit, clysteribus tandē adiutus, totum cacauit, & liber absque noxa vlla permansit : occludebatur enim argentum viuum in quodam stricti orificij vase, in quo vinū antea recondi solebat, & ex eo puer sæpe ebiberat, vnde semel vini vice integram librā, & plus argenti viui vt dixi deglutiuit. Hoc verò sciens doctissimus Brasauolus, examine suorum Simpl. dixit, nos argentum viuum infantibus in vermiū semimortuis exhibuimus, & illico sanati sunt: nec Mundellę Brixienſi, qui contra illum inuehitur fides vlla habenda est, quum absq; ratione & experimento loquatur: crederem tamen ipse, argentum viuum arte paratum, quod Hermolaus proprie

*Historia  
de argento  
vino.*

*Mundella  
fallitur.*

hydrar

hydrargyrum vocari contendit, corrodens, ac exulcerans esse, quod Galenus tantum nouit, & illius nullum habuit experimentum, vt lib. ix. de Facultat. simplic. medic. fateatur, ad istum modum dicens: Hydrargyros, non est ex sponte nascentibus medicamentis, sed ex iis quæ parantur, veluti psimithium, ærugo, pforicum, lithargyros. Cæterum, interimatne deuoratum aur admotum extrinsecus, nondum feci periculū: lib. tamen iij. eiusdem dicti voluminis, cap. 18. illud inter medicamenta erosione interimentia adnumerauit: facile enim credere est, arte factum viuum argentum, non eam nancisci benignitatem, quam sua sponte in fodinis fluens possidet, imò naturale hoc argentū viuum, quum ignem perferat, ex benigno, corrodens efficitur, quod in sublimato, ex eo parato, vel argento sublimato dicto, abundans argumentum habemus, quod ad hominum perniciē excogitatum fuit, Cæterum, cuius temperaturæ argentum viuum sit, sub iudice lis est, à testibus enim cōtra testes res agitur, & à rationibus contra rationes. Ego vero frigidū & siccum esse, pro firmo crediderim: At Dioscorides hic tradit, minutissima autem ramenta epota, auxiliari nocuentis ab argento viuo derelictis: tamen in nonnullis exemplaribus verba hæc non legantur, quæ annotata velim, vt animaduertant nonnulli recentiorum, qui cum nihil præter calumnias norint, vt multa, ita auri vsum detestantur, quum tamen ipsi magis vituperio digni sint, quod eo careant, ignorantes aurum rem nobilissimam ac cordialissimam esse, præcipue si candens igne, iuribus aut destillatis, vinoue demergatur: Opitulatur enim vt Serapio & Auicenna credunt, morbis melancholicis, cordis palpitationi, non solum sic paratum, sed etiam in puluerem redactum. Sunt enim variis, in locis aurifodinæ ex quibus aurum foditur, sed purissimum obrizum dictum, raro inuenitur, quod nostri Hispani à tibar, aurum defecatissimum ac purissimum è regione sic Tibar dicta, appellant. Non eo inficias tamen, nos Hispanos plurimo abundare auro, præsertim eo inter Tagi fluminis arenas reperto, merito enim aurifer Tagus appellatur fluuius hic, quia inter suas arenas multum & prope infinitum dixerim aurum, trahat, vt abunde expertus sum, apud Ferrariam oppidum, quod

Temperatū  
tura.

Aurum  
optimū me-  
dicamentū.

Tagus au-  
rifer.

Tagus præterlabitur quatuor leucis à Castello albo, propria mea patria distans, imò vt verum fatear, pauca extant flumina apud Lusitanos, quorum arenis aurum mixtum non sit, non adeo tamen purum, vt à Tibar dictum, nec ita infimum, vt quod ex Peru, terra paucis ante annis inuenta, aduehitur, ex quo cauterium paratum candens, minus mordicat, & fistulas facilius sanat, vt ex Plinio prius didicimus, libro trigesimo tertio, capite quarto.

*De Rubrica sinopide : Germanicè,  
Bergroetel.*

Enarratio LXXI.

Rubrica si  
nopis.  
Georgius  
Agricola.

**R**ubrica sinopis, quam milton Græci vocant, ea est terra quam hodie multi vice boli Armenici vsurpant, & eam Ioannes Manardus epistola prima, libri quarti suarum epistolarum à se Venetiis visam pastillorum forma testatur, veluti Georgius Agricola, quam sibi Baptista Opizo ibidem Byzantio aduectā ostenderat: Terra enim est rubrica sinopis, densa, grauis, Iocinoris colore, non calculosa, sibi concolor, & copiose cùm diluitur se diffundit, quam Lusitani nostri in maxima habent copia, præcipue apud Stremozium oppidum, ex qua vasa pulcherrima fiunt, quæ quum labiis admouentur, ita hærent, vt difficulter nisi aqua madescant auelli possint, desiccandi enim ac astringendi vires terra ista habet, vt vice boli Armenici merito vsurpari possit. Cæterum, Mathiolus Senensis immerito Manardum vellicat, quòd rubricam albam, id est exiguo rubore ornatam describat, quū tamen Theophrastus ex albidam quandam rubricam describat, quam Plinius quoq; minus rubentem vocat.

*De Rubrica fabrilis, quam Hispani almagri dicunt:  
Germanicè, Rœtel.*

Enarratio LXXII.

Rubrica  
fabrilis.

**H**æc in Hispania abunde reperitur, quæ tanquam sanguis inficit, & sua voce Hispani almagre appellant, picturis admodum terra hæc deseruit, parum ab ochra differens, imo vt inquit Dioscorides, ex vsta ochra, rubrica fabrilis fit, ex qua mimi & personati, rubricati sæpe

sæpe incedunt, & pictores multa leuiter minimo sumptu depingunt.

*De terra Lemnia.*

Enarratio LXXIII.

**D**E terra Lemnia, sphragide, id est sigillo insignita, pauca dicturi sumus, quia Galenus abundantissime libro nono Simplic. de ea dixit: Quam rubricam Lemniam quoque appellat, ob quod Plinius à Leoniceno facile defendi potest, quum terra Lemnia rubrica quoque dicatur: tametsi rubrica proprie alia sit terra, ut capite superiori dictum est. Est igitur terra Lemnia vera: quæ à Lemno insula, Stalimene hodie dicta aduehitur, non quidem in orbiculos ex albo rubentes, & characteribus Turcicis insignitos, sed illa potius quam sub nomine boli armenici in quædam frusta aut glebas, inde ad nos portant. Nam orbiculi illi effigiati ex eadem terra formantur: adiecta tamen arenosa quadam argilla, ob quam orbiculi siue pastilli illi albescunt, quos sub terræ Lemniæ, vel terræ sigillatæ nomine, hodierni mercatores vendunt: At ne bolo Armeno nos carere dicamur: imo quod eo abundemus terram illam sic glebosam quam veram Lemniam esse diximus non sub terra Lemnia, sed potius sub bolo armeniaco, ut inde quæstum alterum faciant, sed quod terra ista rubricans, bolus armenus hodie dictus butyrosus, vera terra Lemnia sit, ipsa attestatur signa, ob quæ omnes nunc doctissimi viri in hanc condescendunt opinionem: Quum igitur viri prudentissimi, ac vos boni pharmacopœ terra Lemnia uti volueritis non quidem pastillos literis Turcicis sigillatos, accipere debetis, sed potius glebas illas, quas sub bolo Armeniaco Orientali, ementibus indicant venditores. Nam bolo Armeno vero nos carere certum est, quem easdem cum terra Lemnia vires habere, Gal. testatur, quum dicat, in illa magna peste, quæ similis fuit ei quæ Thucydidis tempore grassata est, omnes qui hoc medicamē biberunt, breui curati sunt, quibus autem nihil profuit, omnes mortui sunt, nec aliquo alio medicamē curari potuerunt: ex quo perspicuum est, quod solum his qui incurabiles erāt, nihil profuit. Bibitur verò cum vino tenui modice mixto si sine febre æger fuerit,

*Terra Lemnia.*

*Bolus Armenus.*

vel saltem parum febricit, cum aquoso autem si multum febricit, nec tamen pestilentes ipsæ febres vehementer valent, Hæc Galenus. Qui in eo loco Armeniam terram colore pallidam esse tradit. Cæterum de terræ Lemniæ viribus, Galenum consulit citato à nobis loco, vbi ob eam nauigasse, & falsum deprehendisse, quòd sanguis hircinus illi miscebatur legimus. Cæterum, vt vera terra Lemnia abundamus, ita breui speramus, veram armeniacam habere, ab iis præsertim mercatoribus qui ex Ancona in Armeniam petunt, vt inde ex oppido Angoræ, vndulatas vestes siue symballicas aduehant.

### DE CHALCANTHO.

Græcè, χάλκανθος: Latinè, chalcantihū, atramentum sutorium: Officin. vitriolum: Arabicè, alcalcadis: Hispanicè, capa rosa: Italicè, copa rosa: Gallicè, vitriol, & couperose: Germanicè, kupfferuasler, oder vitriol.

#### ENARRATIO LXXIII.

**Q**ui Galeni libros de Compositione medicamentorum, secundum genera scire exacte desiderat, atq; in illis emplastra, cerota, vnguenta, & quæ sunt alia, ibidem descripta, vt decet componere exoptat, in iis primo exercitatum iri, necesse est, ex quibus chalcantum, id est atramentum sutorium se offert, vulgò vitriolum dictum, quod naturale, & artificiale est: naturale vbiq; cupa rosam, vel caparossam, tam Hispani, quàm Itali & Galli appellant, & variis conspicitur coloribus. Nam alterum ex Germania aduehitur oculis gratum, coloris cærulei: Alterum verò Romanum est, non adeo tamen intensi, & grati coloris: Tertium verò ex Cypro adfertur, quod quū friatur aureas scintillas emittit. Ex omnibus verò, Romanū Vitriolum, primas obtinet, secundas Cyprium, minus verò validum Germanicum, tam pro conficienda aqua forti argentariorum, quàm pro tingendis lanis, artifices experiuntur. Cæterum, monet Galenus, quòd post longum tempus chalcantum chalcitis efficitur, quod experiētia deprehendimus, chalcantum in chalcitem mutatum aliqua ex parte esse. Videmus enim partē exteriorē chalcanti

Vitriolum

canthi id est Vitrioli dealbescere, & cum albedine ad aliquam crassitiē peruenire, interiori eius parte in suo proprio perseverante colore. De quo Galenus in epitomen redactus, per doctissimum Andream Lacunam Secobiensem, olim apud Salmanticenses condiscipulum nostrum, ita tradit Chalcantios (qui in Cypro ex viridi quadam aqua concrevit) extrema sui parte in chalcitum temporis processu degenerat, habet autē cum astrictione maxima, caliditatem non vulgarem coniunctam: Vnde omnium maxime condire seruareque carnes humiditas potest, nimirum caliditate humiditatem absorbente, astrictioneque substantiam contrahente atque constipante, constringit itaque, siccat, & contrahit in sese totius substantiam carnis. Ex vitriolo, oleum hodie conficitur, apud chymistas, quod potens cauterium est, cuius vna vel altera gutta, in aquis cordialibus merfa, multum contra pestilentes febres valet, eas enim acetosas cum quadam stypticitate reddit.

*De chalcitide: Germanicè, Rot atrament.*

Enarratio LXXV.

**C**halcitis in ærariis fodinis comperitur: quæ ut diximus, ex chalcantio quoque efficitur: Exterior enim chalcantii pars in chalcitidem vertitur, quum tamen interior illæsa permanet, & chalcantum existit. Dicitur autem chalcitis ab Arabibus colchotar quæ quoque in misy transformatur: non est ergo colchotar vitriolum combustum, ut multi putant, quum potius ut dixi, chalcitis colchotar est: de qua Galenus libro nono de Facultatibus simplicium medicament. ita tradit: Mistas habet astringentem acremque facultates: cæterum, vincit acris, utpote adeo vehemens, ut carnem urat, nec non inducat escharam. Vstum hoc medicamen minus mordicat, non tamen minus desiccatur, verum non parum astrictiōnis remittit: Itaque melior est vnde quaque; chalcitis tum adusta, tum lota, quum euadat sic minus mordax.

*Chalcitis;  
colchotar.*

*De Psorico: Germanicè, Grindtruckne.*

Enarratio LXXVI.

**P**soricum medicamentum quoddam est, quod contra scabrities, & cutis asperitates valet, nam & scabiem mirifice sanat.

*Psoricum.*

*De Misy: Arabicè, Lagi: Germanicè,*

Gel atrament.

Enarratio LXXVII.

*Misy.*

**C**ontendunt nonnulli quòd vitriolum Romanum, misy sit, quòd falsum esse, paucis indicatur: primo ex chalcitide misy sit, non verò ex misy chalcitis, vt ex Galeno didicimus: nouimus enim nos ex vitriolo Romano chalcitim fieri, proinde Misy vitriolum Romanorum non esse certum est, quum si misy vitriolum Romanorum esset, ex eo chalcitis fieri posset, quòd impossibile esse, Galenus tradit. Faciunt ad hæc, quòd vitriolum Romanorum misy non sit, quia misy durum est, auri speciem præ se ferens, quòd quum friatur aut eas scintillas ex se mittit, & stellarum modo splendet, quæ omnia minimè in vitriolo Romano comperiuntur, proinde vitriolum Romanum non esse misy certum est: consultius autem mea sententia esset asserere, quòd fori vitriolum Romanum est, quum vt chalcitis in misy trãformatur, ita fori facile in chalcitim vertitur. Vtcunque tamen sit, fori, chalcitis, & misy, tametsi figura, & compositione differãt, quia fori crassior est materia, subtilior verò misy, media autè chalcitis: viribus tamen & natura eadem sunt, vt ex Galeno libro nono de Facultatibus simplicium medicament. comprehenditur, quum dicat: In metallis ipsis, super chalcitim nascitur misy, vt ærugo super æs, Ac suspicor etiam fori longo tempore mutationem in chalcitim posse accipere. Quare mirum non est, tria hæc medicamina eiusdem genere facultatis esse, fori dico, & chalcitim, & misy: tenuitate & crassitudine inter se diuersa: crassissimum enim est inter ipsa fori, tenuissimum misy, mediam vtriusque facultatem habet chalcitis. Adurunt vniuersa hæc tria, & scharas efficiunt: attamen nonnihil etiam astringunt. Verum, misy ad motum corporibus duris minus chalcitide mordicat, tametsi ea non minus sit calidum, id quòd beneficio tenuitatis sortitur. Porro quum vtrãque hæc in decoctionibus fundatur, & magis chalcitis, quàm misy, fori tamen non liquefcit, nimirum quòd lapidosius sit, & vehementius compactum: sicuti rursus misy quia à conge-

nito



nito calore elaboratius est, ac proinde siccus chalcitide, iccirco merito quoque liquefcit ægrius: libro verò quarto, de composit. medicament. secundum genera ita quoque de illis tradit: Misy autem & fori, chalcitidi sunt cognata: tenuius tamen misy apparet, minusque mordax & vrens: crassius fori: & vtriusque siccatur imbecillius, quemadmodum & stimmi maiorem astringendi siccandique vim, ac fori possidet. Porro diphryges vlcibus ægre humoris vitio ad cicatricem venientibus, aptissimum medicamentum existit, valide namque siccatur, etsi sit mordax modice, ad hæc præter acrem tum qualitatem, tum potentiam, vim astringentioriam possidet.

## DE MELANTERIA.

Græcè, μελαντερία: Latine, melanteria: Arabicè, maltina: Hispanicè, aziche: Germanicè, Gravu atrament.

## Enarratio LXXVIII.

**N**igerrima terra Melanteria est, quæ sæpe in se aliquid continet argenti, porro sulphurei coloris in Hispania frequens est, quam pro conficiendo atramento librario scribæ vsurpant, & eam Mauritanica voce azige, vel aziche, vocant, tamen si vox hæc Arabica, azige, omne genus atramenti sub se comprehendat, de qua Galenus lib. nono citato, ita inquit: Valde quidem astringit astringentiaque omnia propemodum tenuitate superat.

Melanteria.

## DE SORY.

Græcè, σῶρυ: Latine, sory: Arabicè, alsuri.

## Enarratio LXXIX.

**S**ory, vt dixi vitriolum Romanum est, de quo capite Sory de Myfi legitur.

## CONSTANTINVS.

**S**ory de quo etiam tractauit Plin. lib. xxxiiij. cap. 12. natium & fossile est, ac Melanteris cognatum, colore fusco subrufo, quod dum frangitur pinguitate nigrescit. At verò quod seplasia vitriolum Romanum vocant, Calchanti concreti genus est saccharinum, colore quidem prasino, aut casto. Ex hac vtriusque collatione euidenter apparet, quam tota erret via Amatus Lusitanus, qui sory vitriolum

trium Romanum esse credat. Sed ipse errandi occasionem arripuit ex verbis Mathioli Senensis, ex quibus perperam intellectus suum dogma construxit: rectius fortasse dicere potuisset Brasavolus vitriolum Romanum Soreos naturam magis referre, quam Mysios, sic enim sonant ipsius Mathioli verba ex idiomate Italo conuersa (commentario in Dioscorid. cap. huius Lemmatis & argumenti) vnde largiter hausit hic author, sed tamen illius bona interuertens, ne furtum agnosci posset.

De Diphryge: Arab. diphrygis: Germ. Ofenbruch.

Enarratio LXXX.

Diphryges. PAssim & frequenter diphryges, in ærariis fodinis apud Germanos conspicitur: quum enim æs funditur in ima fornacis parte residens pars quædam conspicitur, quam diphrygem esse certi sumus. Ex Cypro verò diphryges antiqua illa, ad nos hodie non portatur: De qua Galenus summam lib. ix. de Facult. simplic. medic. ita inquit: Mistam habet tum qualitatem, tum facultatē, habet enim in sese quiddam & mediocriter astringens & mediocriter acre: vnde vlcerum rebellium optimum medicamen est, Eo siquidem ad putrescentia oris vlcera, siue per se siue cum melle, cum detracta erat spuma, tum ad anginam, vbi iam per astringentia medica consistit: quod influebat, ac breuiter ad columellam præcisam, pudendiq; & ani vlcera cicatrice obducenda, sum quam felicissime vsus. Porro, quo pacto adulterentur dictorum medicamentorum singula, non videtur pretium operæ scribere, quum talia posse discere homines sceleratissimi in lucro ponant.

DE ARSENICO.

Græcè, ἀρσενικόν: Latine, arsenicum, auripigmentum:  
Arabice, arneth: Gallice, arsenic, orpin, reagal:  
Hispanice, oropimente: Italice, orpimento: Germanice, orporment.

DE SANDARACHA.

Græcè, σαρδάρηχη: Latine, sandaracha, arsenicum rubrum: Arabice, Zarnich: Gallice, massicot:  
Hispanice, sezes de oro: Germ. Reusch geel.

## Enarratio LXXXI. LXXXII.

**A**rsenicum, vagum nomen est, nam quoddam coctum arsenicum est, quod auripigmentum vocamus, Aliud verò rubeum dicitur, quod sandaracham fossilem, siue Græcorum sandaracham dixerimus, appellamus, ut tandem differentiam faciamus inter sandaracham Græcorum, & eam quam Arabes gummi iuniperi nominant, ut capite de Iunipero diximus, Tertium verò arsenicum crystallinum album est, risalgalum dictum, quod naturale siue fossile dictum, in eisdem fodinis auripigmenti & sandarachæ nascitur, quanquam artificiale quoque reperitur ex auripigmento conflatum. Cæterum, Sandaracha hæc de qua agimus, eadem cum arsenico auripigmento dicto est, nisi quòd illa magis cocta & à natura elaborata videatur, ad quod arte quoque ita esse deprehendimus, quia si auripigmentum igni in catino admoueris, ita rubrum euadet, ut sandaracham esse dices, Hanc verò Græci per infundibulum super prunas ignitas, in fumum redactam, contra pectoris vitia exhibent, ut capite de Iunipero diximus, sed instabit aliquis, Mesue, & alij practici, inter præcedentes siue procatarticas asthmatis causas hanc unam connumerant, fumorum eleuationem à sulphure, auripigmento, & alijs metallis, quomodo igitur Sandaracham asthmaticis convenire Græci dicant? Nos huic dubio dupliciter respondemus: primo quòd difficultas anhelitus duplex est, altera materialis, altera verò sine materia: materiali Sandaracha conueniens est, crassas lentas & tenaces materias, subtiliando & diuidendo, & hac de causa, recentiores, ut Nicolaus, ad Græcorum imitationem ex sulphure compositionem asthmaticis conuenientem præparant: in materiali verò, metallorum fumi maxime obsunt, imò ita obesse nouimus, ut metallarum, qui in fodinis metallum excuunt, inquiruntve, asthmatici ferè omnes breui moriantur, ita ut apud fodinas illas Gallicæ, & Germanicæ, mulierem inuenire non sit difficile quæ sex & octo nupserit viris.

## DE ALVINE.

Græcè, *συντηρία*: Latinè, *alumen*: Arabicè, *seb*:  
 Gallicè, *alun*: Hispanicè, *alumbre*, *ahume*: Italicè,  
 alumci

*alume; Germanicè, Alun.*

Enarratio LXXXIII.

*Alumen.*

*Alumen  
quomodo  
paratur.*

**A**luminis multa & varia genera nouit Dioscorides, quorum tria tantum describit, scissile, rotundum, & liquidum, hodie verò, sex potius connumerantur, scilicet alumen roche, alumen plume, alumen fecis vini, alumen catini, alumen scaliolæ, & alumen zuccharinum: inter hæc autem hodie sex habita aluminis genera, vnum tantum Dioscoridis genus describitur, quod plume dicimus, & scissile est, Alumen porro roche, quod non procul à Roma excavatur, non sic vt videtis effoditur, lapides enim primo sunt durissimi rubri, & nonnulli ad albedinē tendentes, non adeo tamen duri, qui tanquam lapides communes: ex quibus parietes fiunt, ex venâ siue fodinâ extrahuntur, quos postea tanquam calx in fornacibus, per duodecim vel tredecim tantum horas ardentissimo igne coquunt, nec longiori tempore ibidem permanere illos sinunt, quum ex toto comburerentur, & inepta materia ad futurum alumen euaderent. Deinde vero sequenti die quum frigidi lapides iam facti sunt, ex fornacibus extrahuntur, & in acies quasdam debito quodam ordine reponuntur, vbi per quadraginta longos dies adaquantur: tanquam viuæ calcis lapides, vbi quater vel quinquies, singulis diebus irrigantur, adeo vt intra tempus quadraginta dierum, vt diximus lapides in terram vertantur. Hanc postea terram, siue lapides in terram versos, magnis aris cortinis, in aqua artifices ad ignem excoquunt, qui quum dextre terræ substantificam partem, ex qua alumen confari debet, in aquam versam esse norunt, terram ligneis instrumentis ad hoc paratis extrahunt, de nouo aliam terram predictæ aquæ addunt, ac sic vt primo facientes, ter & quater, terram innouant, quousque aquam in alumen verti pronam vident, quam postea per canales quosdam fluere permittunt, & capsulis ligneis excipiunt, vbi intra octo dies gelascit, & concreta efficitur, ac densatur, & alumen roche dictum resultat. Cæterum ex lapidibus rubris, alumen fortius efficitur, ex albis vero, minus forte, & magis lucidum, pro quo insiciendo serico, ac optimis & pretiosissimis lanis tingendis vsurpatur. Hoc verò alumen  
roche

roche Græcorum esse alumen nonnulli crediderunt, sed mea sententia alumen liquidum longe alia res est, Ex alumine roche, albumine oui, ac aqua rosacea, alumen zuccharinum paratur, quo mulieres pro dealbanda facie vtuntur, quod Græcorum rotundum non esse certum est, quum ex alumine roche zuccharinum fieri dixi, alumen vero catinum, ex herba alcali, Græcorū vero dicta traho conficitur: vt libro quarto diximus. Porro alumen fecis ex vini fecibus continuatur, de quorum generum facultatibus, & natura, Galenus ita tradit libro nono de Facul. simp. medic. Alumen vehementissime adstringit: ceterū, quum sit crassarum partium, tenuius quodammodo est quod vocatur fissile, proximum est rotundum, & astragalotum: admodum crassum est tum liquidum, tum platites, & plinthites dictum,

Alumen  
zucchari-  
num.

## CONSTANTINVS.

**Q**uod vocamus Alumen de plume, non est, vt vult Lusitanus, Alumen Scissile Dioscoridis: Sed est potius Amiantus lapis, de quo præter Dioscoridem lib. v. cap. 113. egit etiam Plinius libr. xxxvj. cap. 19. Alumen Scissile adstringit admodum & grauitervolet auctore Dioscoride. Alumen plume non est adstringens, sed gustu acre: nec igne consumitur, quæ nota Amianto, ab ipso Dioscoride peculiariter tribuitur.

## DE SULPHURE.

Græcè, θείον; Latinè, Sulphur; Hispanicè, piedra sulfre; Italicè, solfo; Gallicè, Soufre; Arabicè, Rabric; Germanicè, Schuuefel.

## Enarratio LXXXIII.

**S**ulphur & viuum, id est ignem non attingens, & vulgare id est igne paratum, reperitur, ex quo oleum chymista ad multos frigidos morbos curandos, mirificum parant, & vt tradit Galenus libro nono citato, theon, id est sulphur, omne trahendi vim possidet, estque temperamenti calidi, atque essentia tenuis, adeo vt ad multa venenatorum animalium resistat, si siccum ictui inspergatur, aut cum salina, aut vrina, aut oleo veteri, aut melle, aut resina terebinthina illinatur: Quin & psoras, & lichenas, & lepras non raro hoc medicamento cum resina

Sulphur.

terebinth

terebinthina sanavi, Extergit enim omnes id genus affectus, absq; hoc vt in profundum repellat.

## DE PVMICE LAPIDE.

*Græcè, κλαγγίς: Pumex: Hispanicè, piedra pomex: Italicè, pomice pietra: Gallicè, pierre ponce: Arabicè, fanekh: Germanicè, Bimbs.*

### Enarratio LXXXV.

**P**umex leuis, exustus, ac corrosus lapis est, quem ignes ardentissimi sulphurei, ex profundissimis cauernis euomere solent, veluti in Aethna ac Vesueo montibus fieri percipitur, hodie vero variis in locis lapilli ij reperiuntur: quibus cerdones pro poliendis pellibus præcipue vtuntur, & Plinius varia de illis tradidit. Galenus porro nono citato libro, de pumice ita inquit: In sarcotica medicamenta inditur, & ea quæ dentes extergunt, partim vstionem non expertus, partim etiam exustus: quandoquidem aliis omnibus combustis similiter, substantia tenuioris efficitur: cæterû, vstione quiddam acquirit acrimoniæ, quam rursus lotione exuit. Videri autem poterit, & conciliare splendorem, non tantum facultate, sed etiam asperitate, veluti si smyrin, aut testam tritam admoueas: Eundem in modum cornua deusta dentes reddunt splendidos.

### CONSTANTINVS.

**P**umicem, Dioscoridi κλαγγίς, Spongiam etiã vocauit Vitruuius lib. ij. cap. 6. quia vt spongia pumicosa dicitur, sic etiam pumex spongiosus: quod vt Virgilius dixit, hic sit latebrosus, vel vt Ouidius, multicauus: fistulosum diceret Plinius, vel pumicis fistulantem vice. De pumice præter ea quæ scripsit Dioscorides vide apud Theophrastum lib. ix. de Historia. Pliniû lib. xxxvj. cap. 21. Et Galenum lib. ix. simplicium.

*De Sale: Germanicè, Saltz.*

*De Spuma salis.*

*De muria: Germanicè, Saltz lack.*

*De Flore salis.*

Enarratio LXXXVI. LXXXVII.

LXXXVIII. LXXXIX.

**S**AL & marinus & fossilis reperitur: Marinus in salinis ex aqua maris conficitur, & familiarissimus victui hominum est, fossilis vero siue mineralis, variis quoque in regionibus nascitur, qui lapis albus, densus, grauis, cristalli modo lucidus est, quem pharmacopolæ salem gemam appellant, nec enim sal gema, alia res à sale fossili est, quo vniuersa Turchia, ac magna pars Germaniæ, & Vngariæ, veluti Calabria, vruntur. Cæterum, Ormusium insulam apud Persas, regi nostro Lusitanorum hodie subditam, salis fodinis vberissimis scatere, norunt Lusitani nostri, id quod Plinius quoque scriptum reliquit, libro trigesimo primo naturalis sue historie cap. 7. vbi Ormusium, vt mea fert opinio Oromenū appellat: ita enim eo loco Plinius legitur: Sunt & montes natiui salis, vt in Indis Oromenus, in quo lapidinarum modo cæditur renascens, maiusque regum vectigal ex eo est, quam ex auro atque margaritis, &c. Est præterea sal Hammoniacus, qui ex Cyrenaica regione vbi Hammonis oraculum olim erat, aduehebatur: nascitur enim ibi sub arenis, Luna illi multum fauente, quo vero hodie caremus, & illius vice adulteratum turbinatis quibusdam massis exterius nigris ad nos afferunt, sed præcipuè ex Germania. Corrupte enim pharmacopolæ armoniacum salem pronunciant, quum Hammoniacum ob Hammonis oraculum, vnde vehitur appellari debeat. Falsum quoque est, quod illorum multi dicitant, ex vrina camelina salem istum hammoniacum parari, vt ex Plinio vnusquisque latius diiudicare poterit. Est quoque sal Alkali, de quo libro quarto capite de Traho, abũde diximus. Dicitur quoque in officinis sal Indicus, qui dubio procul zuccharum candum, vel zuccharum in harundinibus concretum est, iis adiungere est salem nitrum hodiernum, ex quo puluis bombardarum, & aqua fortis argentariorum, & aurificum conficitur: qui ab antiquorum sale nitro abest, vt capite sequenti dicemus. Spuma salis sequitur, quæ ad ripas maris, sæpe post tempestatem, nocte subsequente frigida, ac concreta, reperitur. At mutriam non aliam esse dicam quam aquam copiose salitam,

*Hammoniacus sal.**Sal alkali,  
Sal Indicus.**Spuma salis.*

*Flos salis,*

qua carnes & pisces longo tempore seruantur, vt secundo libro quoq; dixi. Florem vero salis, qui salinas frequentant, norunt. Porro de salis facultatibus, ac natura, ita tradit Galenus libro vndecimo de Facultat. simpl. medie, Sal eiusdem genere facultatis est, siue fossilis sit, siue marinus, verum hoc differunt, quòd salis è terra effossi substantia magis compacta sit, ac proinde in eo maior partium crassities, & astringendi potentia. Marinus itaque affusa aqua liquescit protinus, id quod non accidit fossili. Eiusdem speciei cù marino est, qui in stagnis quibusdam falsuginosis nascitur: æstate videlicet aquis ex iis æstu absumptis: cuiusmodi est Tragastus, non procul à Sminthio. Igitur quum qualitas salsa digerat simul & cõtrahat contractam ab ipsa substantiam Aphronitrum in hoc differt, quòd in ipso vnum saporem exuperãtem sit videre, quem vocant amarum, vim habentem digerendi: haud item contrahendi, vti sal: Nam hic quicquid in corporibus humidum est, id totum absomit, & quod reliquum est substantiæ solidæ, astrictione contrahit: ac proinde etiam conditura sua carnes seruat, à putredineq; tuetur: Quippe quæ putrescunt, excrementitium humorem continent, substantiamq; tum dissolutam, tum minime compactam, Quibus ergo corporibus nulla prorsum inest superflua humiditas, ceu melli optimo, & substantia solida & compacta est, vt lapidibus ea vt putrescant est impossibile; Quare in iis salis non probatur vsus: sed in illis tantum, in quibus suspecta est putredo,

*De Nitro: Germanicè, Salniter.*

*De Spuma nitri.*

Enarratio x c. x c i.

*Græcorum  
Nitru vul  
gare.*

**G**Ræcorum verum nitrum album, Ferrariæ Gaspar de Gabriellis vir nobilis Patauinus, & Philosophus insignis, nobis dedit, quod hodie doctissimus Brasauola apud se reseruatum habet, & omnes illuc veniẽtes vident, quod antiquis frequens fuit, & rei medicæ vtile. Cæterum nitrum hoc Græcorum à nostro hodierno sale nitro differt, quo bombardarum & sclopettorum puluerem, veluti aquam fortem argentariorum, conficiunt: nitri vero spumam hætenus nunquam vidi, de quibus vos per otium



orium legite Plinium lib. xxxj. cap. 10. Non minus quoq; Augustinum Ricchum Lucensem, medicum longe doctissimum, in ea præcipue annotatione quam sectioni secundæ operum Galeni indidit, quæ ipse, & doctissimus iuxta ac grauisissimus Trinchauelius, medicus Venetus, formula octaua Venetiis excudi curarunt: in qua annotatione Galeni textum ad hanc rem facientem, restitueret, & à mendis liberare conatur: quem postea Andreas Lacuna Secobiensis, vir acri ingenio præditus, & qui Galenum felicissime in epitomen redegit, ita in pristinum nitorem reddidit, dicens libr. ix. de Facultatib. simplic. medicament. Aphronitrum ab aphro nitri differt: nitri enim spuma medicamentum exiccatorium existit, aspectu triticeæ farinæ similis, etenim alba est, non vt Africæ petreæ flos cinericea: Aphronitrum vero farinæ speciem non habet, neq; solum est, sed concretum & congelatum, quod quidem adeo extergit, vt non modo sordes expurget, sed etiam pruritus sanet: At spuma nitri eiusdem cum nitro est tum naturæ, tum facultatis, licet essentiæ tenuioris. Dictum autem est paulo ante in medio aphronitri & salis, facultatem nitri consistere. Aphronitro enim sola inest vis detergendi: salis vero etiam astringendi, sed multo magis, quam detergendi. libro vero xj. eiusdem voluminis, ita quoq; de litro id est nitro, inquit: Ostensum est hoc medicamen in medio salis & aphronitri vires habere: qua versione vniuersam diremit dubitationem, vt cuiq; sapienti notum euadet.

*Aphronitrum.*

*Nitri spuma.*

*De fece vini: Germanicè, Vveynhefen.*

Enarratio XCII.

**E**X fece vini combusta, aluminis quoddam genus conficitur, vt capite de Alumine meminimus: At credendum est, per fecem vini, quoq; Dioscoridem sabulosam siue terream illam partem, vasis vinariis præsertim cuppis adherentem, intellexisse: quam Tartarum hodie appellamus, & multi ad ciendam aluum iuribus infundunt, semiunciæ pondere plus & minus.

*Fex vini.*

*De Calce vina: Germanicè, Kalck, oder vngelochter kalck.*

## Enarratio XCIII.

Calx.

**C**onficitur hodie calx, apud omnes fere Europæos, ex lapillo quodam fornacibus excocto, quæ ratisper dum aqua non irrigatur: viua calx, siue aqua nō restincta calx dicitur, ex qua sæpe lauata vnguentum contra ignis combustiones, & vlcera nonnulla, pharmacopolæ paratum habent, In India verò, hodie calcē ex ostreis, & buccinorum, ac crustaceorum testis fieri certo scimus, quod Dioscorides olim quoq; fieri non siluit. Cæterum, de calcis viribus, ita tradit Galenus libro ix. de Facultat. simpl. medicament. Titanos, id est calx viua quidem vehementer vrit, adeo vt crustas efficiat: extincta vero protinus etiam crustam molitur & ipsa: At post diem vnum & alterum minus vrit, minusque inducere crustam potest: at verò temporis progressu prorsum nec crustam quidem gignere valet, tametsi etiamnum calfaciat, carnemque liquefaciat, porro si lauetur in aqua, suam mordacitatem exuit, efficitque nuncupatum lixiuum, at ipsa absque morfu desiccatur.

*De Gypso: Germanicè, Gybs.*

## Enarratio XCIIII.

Gypsum.

**G**ypsum oui albumine exceptum, mirabiliter sanguinem vndeque fluentem sistit, potum tamen gypsum strangulando perimit: proinde animaduertant hoc tempore homines, qui vino gypsum vt clarius reddant, ac potentius faciant, miscant. Cæterum ne Galenum prætereamus, ita de gypsi viribus refert, libro ix. de Facultat. simplic. medicament. Gypsum quidem tum desiccatur, tum vires habet emplasticas, quare siccis medicamentis quæ ad sanguinis eruptiones accommodantur, vtiliter commiscetur, nam ipsum per sese lapidosum fit, coactum & congelatum. Ac proinde diluendum est, oui tenui & candida albugine, quæ & ad opthalmias est vtilis, admisto illi tenuissimo farinæ triticæ polline, qui residet in molarum parietibus, excipere vero quod sic maceratum est, tenellis leporis pilis, aut qui perinde sint molles, expedit.

*De Sarmentorum vitium cinere:**Germanicè, Reb eschen.*

## Enarratio x c v.

**S**Armentorum vitium cinis, ad morbi Gallici vnguenta componenda vsurpatur: de quo Gal. lib. viij. de Facult. simplic. medic. in vniuersali, ita tradit: Ex partibus cum terrenis, tum etiam fuliginosis (quæ & tenues sunt, & cum aqua in qua macerati prius fuerint cineres excolantur) constat, pro materiae tamen combustæ differentiâ, cineris temperies variatur: Quare haud scio, quâ ratione Dioscorides, astringere cineres omnes prodiderit: quum ficulneus cinis eius modi omnis qualitatis sit expers: nimirum ipsa arbore nulla parte sui acerbam qualitatem reddente: At ex acerbis lignis confectus cinis non parum quidem astringit, meminiq; me eo aliquando sanguinis suppressisse eruptionem, Verum nullus vnquam ad tale vti ficulneo audeat, siquidem hic acrimoniæ plurimum, vrenisq; facultatis obtinet, mistæ absterfioni. Est & calx cineris quædam species. Cæterum tenuioris essentiæ quam qui ex lignis fit. Porro elota, medicamen est citra morsum desiccans, magisq; si bis terue lauetur. Cæterum si marina aqua abluta sit, admodum digerit.

*Canis sarmentorum*

## DE HALCYONIO.

*Græcè, ἀλκυόνιον: Latine, Halcyonium, spuma maris: Hispanicè, spuma della mar: Italicè, alcionio: Gallicè, escumè de Mer, merde de Cormarin: Arabicè, Zebd albhar: Germanicè, meer schuam.*

## Enarratio x c v i.

**H**Alcyonium, hodierni seplasiarij spumam maris appellant, nec immerito, quia Dioscorides ita à nonnullis appellari meminit, cuius quinque genera in flexuoso Anconitano mari isto reperiuntur: præter quæ, & sextum nouimus, globi modo rotundum, sparti colore, molle, ac spongiosum: de quibus omnibus, ita Galenus lib. xj. de Facult. simplic. medicamen. tradit: Halcyonia omnia detergunt, ac digerunt, qualitatem habentia calidam & acrem. Est autem eorum vnum densum & graue odoris prauis, olet enim pisces putridos, spongiæ in specie simi ile: Alterum vero figura longiuscula, leue, & rarum;

*Halcyonia*

odorem habens similem phyciis : Aliud tertium vermi simile specie existit, colore purpureo, consistentia molli, *Milesium.* vocant id milesium : post quæ quartum secundo quidem iam posito similiter & leue & rarum, verum lanis succidis simile. Denique & quintum extima superficie leui. Cæterum interna substantia asperum, nullius odoris, gustu tamen apparens acre. Quod sane omnium halcyoniorum est calidissimum, adeo vt pilos deurere possit. Itaq; quum duo prima lichenas, alphas, pforas, leprasque adiuuent, præterea cutem splendidiorem efficiant, idem præstare non potest hoc vltimo loco positum: nec enim proinde vt illa cutem duntaxat summam extergit, sed etiam exco-riat, ita vt vlcera inducat, porro quod tertio ordine recen- suimus, omnium tenuissimum est. Quare vstum alopecias curat illitum cum vino, colore quidem fuluo, tenui tamen essentia : Quartum autem eiusdem cum hoc speciei vires obtinet, verum haud parum imbecilliores.

#### CONSTANTINVS.

**E**st etiam de genere Halcyonij pila marina, quam Northma- ni mei vocant vulgò pelote de Mer. Conglobata enim pilula est fluctuum agitatione continua, subhirta item & quasi echinato inuolucro obducta, sed capillaceis villis rufescentibus. in algosis reperitur, atque etiam algæ odorem refert. Hanc ipsam, *σφαίραρ θαλασσίαν* vocat Aristoteles libro ix. de historia animalium quo loco nidus Alcedinum pilis marinis & spumis maris assimilatur. *ἡ ἴστρος παρομοία ταῖς σφαίραις θαλασσίαις ὅτι, ἢ ταῖς καλαμίδαις ἀλὸς ἄχρως.* Meminit & Galenus, lib. j. de Comp. Medic. secund. loc. Nicolaus quoque Myrepsus in vnguenti Comp. ad ventris tinea. Ex recentioribus Fuchsus, Mathiolus, Cornarius, Dalechampi- us & ipse literatissimus.

*De adarce : Arabicè, adaraca.*

#### Enarratio XCVII.

**C**onspicitur adarcion in multis Hispaniæ paludibus, quod sua voce Hispani Fluminis stercus appellare solent, siue fluminis lixum, & ad multos vsus seruât, circa mare porro potentius inuenitur, quod vt tradit Galenus libro vndecimo, de Facult. simplicium medicamentorum: Essentia sua veluti spuma est aquæ falsæ concreta, idque circa arundines & farragines. Est autem acerrimum simulque calidissi-

calidissimum pharmacum, proinde & per se inutile. Verum commisceri solet iis quæ vim eius retendunt, sicque fit multo vtilissimum in iis affectibus, qui exalferi postulant, foris impositum: nam id intra corpus sumi impossibile est. Cætera verò apud Plinium legito, & illius defenforem Collenutium: qui (mea sententia) nugatur, quum duas ponat adarces.

*De spongijs: Germanicè, Bad schvuammi.*

Enarratio XC VIII.

**N**Otæ sunt spongiæ, quibus præparatis, pro dilatâdis *spongiæ* & aperiendis fistulis, ac præclusis vlceribus, passim utimur, nõ minusq; pro admouendis fomentis, in quibus lapillus inuenitur, vt suo dicemus loco: At de spongia ita Galenus meminit in fine libri vndecimi de Facultatibus simplicium medicamentorum: Spongia vsta, acris est, & digerentis potetia, vtebatur ea præceptorum meorum quidam ad sanguinis eruptiones, quæ manuali opera indigent: porro admouebat eam partibus sanguine profluentibus etiamnum ardentem, vt & crusta parti induceretur, & ipsum spõgiæ corpus, ceu operculum adhæreret: At verò spongia noua, non sicut lana aut lanimentum, materia duntaxat est, quæ humores irrigandos excipiat, sed etiam manifeste desiccet: quare vulnera glutinat, si aqua aut oxycrato, aut vino admoueaturn imbuta, à qua sane, quæ antiqua est, longo spatio relinquatur.

*De Corallio: Germanicè, Corallen.*

Enarratio XC IX.

**A**Lbum & rubrum corallium, omnes norunt, nigrum *Corallium* verò antiphates à Græcis dictû, superioribus diebus Ferrariæ & hic Anconæ vidimus, Astringēdi autem & refrigerandi, omne coralli genus habet. Album tamen potentius: & ea de causa vbi refrigerare, ac magis constringere volumus albo utimur. Cæterum Plinius capite secundo, libri trigesimi secundi, ita de Corallio tradit. Quantum apud nos, Indicis margaritis pretium est, de quibus suo loco satis diximus, tantum apud Indos in corallio, nanq; ista persuasione gentium constat. Gignitur quidem & in Rubro mari, sed nigrius, Item in Persico

vocatur iace, laudatissimum in Gallico sinu circa Orchadas insulas, & in Siculo circa Heliam & Drepanum. Nasquitur & apud Grauisacas, & ante Neapolim Campaniæ, maximeque rubens, sed molle: & ideo vilissimum. erythris forma est ei fruticis, color viridis, baccæ eius candidæ sub aqua ac molles: exemptæ confestim durantur & rubescunt, quasi corna satiuæ specie atque magnitudine. Hæc Plinius. In quibus supinus quidam error deprehenditur, quum dicat Coralliū baccas quasdam rubras emitit, veluti arbor cornus: norunt enim omnes qui corallium viderunt, in mari tanquam fruticem, & arborem nasci, in quo nullus gignitur fructus, sed postea artifices baccas illas rubras parant, quas in coronas redactas, monilium, & torquium vice, mulieres gestant. Caterum, corallium vsui medico quotidie venit, quod Auicenna, inter medicamenta cordialia connumerat, & ea quæ gaudium, & lætitiā causare solent.

*De Lapide phrygio.*

Enarratio c.

Lapis  
phrygius.

**P**hrygio lapide isto, hodie caremus, quo Galenus sæpe vti solebat, vt tradit libro nono de Facultatibus simplicium medicament. dicens: Hoc semper vtor combusto quidem ad vlcera putrida, idque ipso aut per se, aut ex aceto, aut œnomelite, aut oxycrato: Ad oculos verò ex eo permisto aliis medicamē siccum efficio: Valide enim desiccet, habens quiddam astrictionis simul & mordicationis. Lapis hic potissimum ad vestium tincturam vsurpari solebat, vt ex Plinio colligitur, libro xxxvij. cap. 19. quod & Dioscorides non siluit.

CONSTANTINVS.

**I**gnorarem cum Mathiolo Senensi, Cornario, ac Lusitano, quis esset Phrygius lapis, nisi didicissem ex familiaris mei Iacobi, Dalechampij doctissimis in Dioscoridem commentarijs, in quibus sane plurima continentur, hæcenus à nemine prodita: quæque alio in opere nostro, tanti viri extremam diligentiam testabuntur, & inuanda mortalitatis potius, quàm suæ ad posteritatem memorie proroganda desiderium coarguent. soleo enim iocose ac familiariter, hō

ter, hominem alioquin in facienda medicina occupatissimum, tanquam immortalitatis nominis minime candidatum accusare. Sed satis habeo eius verba tantum ascribere: Officinae duos lapides lyncis monstrant, alterum oblongum, teretem, mucronatum, qui Belemnites est. Alterum terreum, media natura inter lapidem & terram, pallidum, vel subsuscum, candidis maculis & lineis notatum, aspectu velut mucidum, qui Phrygius lapis est. Ineptè autem cum Diphryge, lapidem Phrygium Pandeclarus confudit, unde verò lapidis lyncis appellationem traxerint officinae, haud dum scio. Succinum quidem à veteribus, qui urinam id esse lyncis concretam falsò arbitrabantur, lyncurium nominatum fuisse, cuius notissimū est. Hactenus, summus amicus noster Dalechampius. Hunc lyncis lapidem Officinarum, Amatus Lusitanus absurdè statuit Electri speciem esse. Vide superius lib. j. Enarr. centesima: meritoq; reprehensus est à doctissimo Fuchsio lib. j. de Compositione medicament. Qui in eo libro Phrygium Lapidem Dioscoridis, Officinarum lyncis lapidem esse confirmat: sed ex cuius verbis, etiam si attentè & intelligentè audiatur, nihilo doctior euadas: quia nec finitè nec distinctè loquitur. Sic enim indistinctus & implexus eius est sermo: Non est autè lyncis lapis dictus, nisi Phrygius Dioscoridis nominatus, quòd illi omnes lyncurij notè conueniant. Sed ne sibi contradicere videatur Fuchsius, intelligendum est de lyncurio Officinarum, nec tamen de prima (cui obelisci siue vt loquitur Plinius, veruculi figura) specie, Sed de secunda quæ urnam, lyncis lapidè in Officinis videtur agnouisse, pro earundem lyncurio & Dioscoridis lapide Phrygio. Nam alibi idem Belemnitem, quæ in Officinis lapidis lyncis prima est species & magis vsurpata, à lyncis lapide distinguit his verbis: Quum lapis lyncis Officinarum non sit, nisi Phrygius Dioscoridis nominatus lapis, non debet ad presentis Antidoti constructionem adhiberi, quod nullam in atterendis calculis vim habeat. Pro eo autem vtendum erit lyncurio Dioscoridis & aliorum Græcorum, quod non est nisi succinum: vel vt hodie vocant Officina Charabe. Nam illud mirificam in atterendo calculo vim obtinet, vt veteres testantur, & experientia recentiorum confirmat. Aut loco lapidis lyncis Belemnites vsurpandus erit, quem Saxones Alpschos nominant. Siquidem & is non aliter ac Iudaicus lapis, quo etiam vice lapidis Lyncis vti licet, lapidem frangit. Tantum cauendum, ne vulgarem, & vsitatum Officinis lapidem lyncis in eum vsum accommodemus. Hactenus doctissimus Fuchsius, in Nicolai Myrepsi Nephrocatharticum

*Antidotum.* Equidem scio ex Galeno geoden lapidem, quia Belemnites harenam continet, Belemnitem etiam dictum. Sed evidens ratio ex facultatum utriusque differentia, de hoc genere cur minime loqui Fuchsius putandus sit, sed de lyncurij Officinarum priore specie, tamen si eam tantum agnoscat pro lyncis lapide, quæ Dioscoridus est lapis Phrygius. De quo etiam lege Plinium lib. xxxvij. cap. 19. quo loco Phrygium tantum tingendis lanis utilem dicit, quoniam multos eius usus & in medicina Galenus proferat libro ix. *Simplicium*, & libro iij. de *Compositione Medicamen. Loc.*

### De Lapide Asio.

#### Enarratio c i.

Lapis Asi-  
us.

**L**apis hic ad nos hodie non affertur, si tamen haberi posset, has dotes habet, quas Galenus describit, libro citato nono, quum dicat: Asius lapis, colore & consistentia est topopho similis, friabilis, laxusque, innascitur ei quiddam instar farinæ tenuissimæ, qualis in molarum parietibus adhærescit, appellant hoc medicamen petrae Asiae florem. Est verò tenuium partium, ut sine morfu nimis fluidas carnes eliquet. At petra ipsa in qua nascitur, actionis vehementia est inferior, habet etiã & falsedinẽ quandam ipse Asiae petrae flos, ita ut inde videatur ducere originem, quòd eos ex mari in petra refidēs, à sole postea exiccetur.

#### CONSTANTINVS.

**A**sius vel Assus lapis ab Asso oppido Troadis, vel ab Asia, idem esse videtur qui & sarcophagus. De quo Plinius lib. xxvij. cap. 17. & lib. ij. cap. 96. Galenus libro ix. *Simplicium*, Cornelius Celsus lib. iij. cap. ultimo in cura podagrae: Aetius lib. vij. cap. 39. Oribasius *synopseos* lib. ij. Cardanus lib. v. de *varietate rerum*, Cornarius medicus maximi nominis lib. iij. *Comment. Med. cap. 4.* Qui etiam in *Emblematibus in Dioscoridem*, Asium lapidem ignotum esse, magis confidenter, quàm verè, pronunciat. Nam & verum non semel vidi, & mecum nunc agnoscit (cui in *Simplicium* cognitione, principem locum iustis vindicijs possimus adiudicare) Mathiolus Senensis, tamen si antea sibi necdum cognitum ingenite professus. Florem autem Asij lapidis halimitrum esse, quod vulgò dicitur salpetre, quàm falsa credulitate sibi persuaserit libris de *Compos. Medic.* Fuchsius, vir alii qui de bonis literis tam benè meritus, quàm qui maxime, qui eius doctus vel ipsemet omnium optime recognoscet, si modo laudatos scriptores consulere & relegere



*non dedignetur, quorum integra testimonia producere, nec mihi otium fuit, nec opinor necesse.*

*De Pyrite lapide, Marchasita dicto: Germanicè, Rifs, oder ertzstuoß.*

Enarratio CII.

**P**Yrites sine dubio, Arabum Marchasita est, quia quæ Græci de Pyrite dixerunt Arabes in suam linguam, sub marchasitæ nomine trāstulerunt. Animaduertendum tamen, quod pyritarum plures sunt species, quæ omnes percussæ scintillas edunt, & ea de causa, communes quoque lapilli, quibus quotidie ignis excutitur, sub pyrite reponi merentur. Cæterum, ut Auicenna doctissime nouit, marchasita auri, argenti, æris & ferri, reperitur. Quæ verò hodie officinis vulgarior cernitur argentea est, deinde aurea, quæ studiosis necessaria sunt, quum ferro percussæ scintillas edunt, & sulphuratis cannulis ignem accendunt, nos verò marchasitam in emplastris resoluendi, ac excutiendi vim habentibus miscemus, & ut tradit Galen. lib. ix. tam sæpe repetito, calidam possidet facultatē, eoque utimur digerenti emplastro admisto: adicitur etiam ei & schistos: Ab hoc medicamine & pus sæpenumero, & consistencia grumosa in spatiis intermediis musculorum, nata, per halitum sunt digesta, nisi autem dum in usum veniunt, pollinis instar comminuantur hi omnes lapides, ut profundum corporum quibus applicatur subeant, assimiles manent istis marinis fluuiatilibusque arenis, quæ & ipsæ communem omnium lapidum vim possident. Siquidem exiccant tumentem ab aqua inter cutem carnem, si in ipsis excalfactis decumbat æger: non tamen ad aliud quippiam eis utimur.

Pyrites  
Marchasita.

*De Hematite, lapide sanguinario dicto: Germanicè, Bluot stein.*

Enarratio CIII.

**F**Requens apud Hispanos & Italos lapis hic est, qui sanguinarius Romanis dicitur: nam Hispani, illum albim, vel aluim sua lingua vocant, Itali verò ut audio absolute, lapidem nominant, de cuius viribus ita tradit Galenus lib. ix.

Lapis hematites  
sanguinarius.

lib. ix. de Facultatibus simplic. medicament. Hæmatites & galactites lapides, à colorum similitudine, quos representant, sic nominantur, ille siquidem sanguinis, hic in succum solutus, lacti videtur similis: At melitites non à colore sed à sapore mellis talem nomenclaturam sortitur. Quum igitur succus omnis dulcis à temperato calore proficiscatur, astringens verò à frigore, habebit sane hæmatites lapis tantum frigiditatis, quantū & astrictionis: Melitites verò tēperatam caliditatem, ac mediā vtriusque temperiem galactites. Merito itaq; ocularibus medicamentis lapis hæmatites miscetur, ac solo eo vti possis superciliis exasperatis: siquidem cū phlegmone sint aspera reddita, ex ovo ipsum diluens, ac si maui, etiam per decoctum fœnigræci: siñ verò citra phlegmonem, ex aqua. Hic idem lapis similiter in cote contritus, sanguinem exuentibus conducit, vlcerebusq; vniuersis. Porro succus, redactusq; in tenuissimum pollinem, reprimit excrecentia: ipsaq; oculorum vlcera solus per se cicatrice includit attritus, cæterum aut affusus, aut inunctus.

*De Schisto lapide.*

Enarratio CIIII.

**Q**uam lapis hic apud Hispanos nascitur, non difficile esset illum hodie habere & illius proprium nomen capiti indere: sed quum iam diu extra Hispaniam voluntarij exules simus, nō sic facile illius notitiam habere possumus. Doctissimus tamen Orosius, olim apud Salmanticensis condiscipulus noster, hoc supplere poterit, qui vt audio, de hac re non nihil molitur, interim tamen dum eo caremus, eius loco hæmatite vti necessario est, quia eadem fere cum illo vires possidet, vt adnotat Galenus capite proprio, de Schisto lapide.

*De Gagatē: Germanicē, Schuuartzer augustein.*

Enarratio C V.

**V**ulgatissimus Gagates lapis est, quem Hispani Azuache appellitant, & ex eo pauperes, & mendici, Sanctum Iacobum petentes, sanctorum quasdam imagunculas, pileis & galeris suis affixas, inde portant. Lapis est enim niger, crustaceus, leuis, qui igne facillime accenditur, & ex se odorem bituminosum expirat. Dicitur autem

Lapis schistosus.

Lapis Gagates.

autem Gagas, à flumine sic dicto in Lycia, prope cuius ostia, lapis hic inuenitur. De quo ita tradit Galen. lib. ix. de Facultat. simpl. medic. Colore gagates est atro, qui ubi igni fuerit admotus, persimilem bitumini odorem exhibet, confert autem ad discutiendos flatulentos tumores consistentes in genu: diuturnosque & ægre curabiles: ac præterea cruenta vulnera glutinat.

## CONSTANTINVS.

**G**Agates lapis quem vulgo vocamus gayet, niger est planus, pumicosus, non multum à ligno differens, leuis, fragilis, odore sèteratur grauis, sicilia ex eo inscripta non delentur, Quum uritur, odorem sulphureum reddit. Mirumq; accenditur aqua, inquit Plinius libro xxxvj, cap. 19 oleo restinguitur. In quo confundit ipse Plinius cum Thracio lapide, cui hoc peculiare cum bitumine tribuit Dioscorides, & etiam Nicander, cuius versus citat Galenus lib. ix. simplicium, Gagati enim similis, non autem idem est Thracius siue thracius lapis, quem & Samothraciam gemmam dixit Plinius lib. xxxvj, cap. 10. & Nicander θήτιος λίθος. Cum verò cecinit in Theriaci ἀμακτ' αὐτὸν καὶ ὡς ἔργον ἐργάταις πέτρης, Complures docti, vt Philander & Lonicerus, non alium lapidem quàm Gagatem intelligunt: & recte quidem mea sententia. Nam & scholiastes, Gagati notis omnibus engangida (a quo, & gangitis dicitur, vt etiam à Strabone) describit, excepto quod, & vt arbitrator errans, huic lapidi herbaceum colorem attribuit: cum sit Gagates coracinus atq; nigerrimus, vt obsidianus lapis, cui admodum similis existit, nec tamen vnus atq; idem est, sed ab eo diuersus & alter omnino. Errant q; profecto qui secus existimant: ex quorum numero nec possum eximere Fuchsum: in alijs infinitis locis licet recte sentientem, quia hoc ipsum libris de Med. Comp. minus cogitatè scripsit & astruxit. Sed inter hos lapides, hæc intercedit differentia. Obsidianus lapis tamesi nigerrimus, proditur aliquando translucidus & ad vitri nigri naturam quam proximè accedere: quia vitro a simulabatur antiquitus: & ad eius similitudinem in genere vitri, etiam obsidiana numerata. Gagates verò quamquam polituram patitur & nitet, non tamen translucidus vel perspicuus vnquam visus est: nec ipsum ementitur vitrum similitudine. Ad Plinium libro xxxvj, cap. 26. quo loco legitur: Obsidianus lapis quem in Aethiopia inuenit Obsidius, nigerrimi coloris, aliquando translucidi, crassiore visus, atque in speculis parietum pro imagine umbras reddentem. &c. Sed recte sensit Georgius Agricola Gaga-

tem succinum nigrum esse affirmans, & hoc nihil aliud quam Bitumen fossile, quod concretu lapidescit. Hoc priusquam induruit terra est ampelitis, siue pharmacitis: de qua Dioscorides & Galenus agunt separatim. Sed indistinctè etque promiscuè, hanc pro Gagate usurpat Fuchsius, quod errore non vacat. Atque apud Theophrastum γεώδεις ἀβύρρανας, hoc est terrestres carbones, Philander vir limati & politici iudicij, in Vitruuium Comment. hanc Glebam denotare contendit. Huic opinioni si quis refragetur, fautorem & consortem habet Cornarium consummate lectionis auctorem, Commentarijs in Dioscoridem: Cuius item emaculandus est codex, in hoc capite de Gagate deprauatus, & correctus adhuc à nemine quod sciam. Nam ex autoritate Galeni, Plinij & Nicandri, expositoris Diphili, legendum pro Cilicia, Lycia. Nam Lycia, non Cilicia, oppidum est Gagas, vt habet Dioscorides, Plinius Gaga, scholiastes Theocriti gangis & ganga. Sed fluvius etiam Gagas Dioscoridi, Galeno Gagates, Plinio Gagis dicitur.

### De Lapide Thracio.

#### Enarratio CVI.

Lapis  
Thracius.

**T**Hracius lapis hodie ignoratur, de quo Galenus cum Nicandro ita inquit, capite superiori de Gagate. Si lapis vratur candenti Thracius igne, Et post madefiat aqua, flagrabit totus ad idem. Mox oleo affuso penitus resinguitur, &c.

Nullius tamen eius in medicina vsus, nisi quòd suffitu abigit feras.

### De Magnete lapide: Germanicè, Magnet.

#### Enarratio CVII.

Magnes la  
pis.

**V**el nautis, & tonforibus magnes lapis, notus est, quem Hispani petram iman: Itali vero, calamin-tam appellare solent, qui optimus est quum ferrum facile trahit, & vt tradit Galenus, hæmatiti asimilem vim obtinet. Cæterum, Fracastorius Veronensis vir doctissimus, quum rerum multarum abditas causas libello quodam inquirat, hanc vnam proponit, quare magnes, polu astrum semper respiciat, quo mediante, nautæ nunc nauigant: cui respondet, id in causa esse, sub polo montes magnetis altissimos, quorum species per incredibilem distantiam vsq; ad maria nostra, propagata, ad perpendicularum vsq;

vbi est magnes, consuetam attractionem facit. Vult igitur doctissimus vir hic, quod magnes in perpendiculari nauigatoria pyxidis, ad polum stellam vertatur, quia attrahitur à potentia maiori montium magnetis, ita vt similia omnia per se, se inuicem trahere dicat, sed hoc in polo arctico, quod verum sit dicatur: in antarctico vero falsum esse quis opinabitur.

### CONSTANTINVS.

**Q**uod Heraclius lapis, sideritis, Magnesq; dictus ferrum ad se alliciat & trahat, tam certa & indubitata est experientia, quam hucenus incomperta ratio, & incomprehensibilis vt arbitrator. Tametsi in perquirenda & huiusmodi effectus assignanda causa, non parum multi, multum diuq; laborarint. Quibus omnibus irritus cessit labor, vt Lucretio, Marsilio Ficino, Fracastorio, & Cardano magnis alioqui philosophis & secretioris nature indagatoribus. Nam quod Magnes solum ferrum vt voluit Aphrodisiensis, aut vt Plinius, in se liquorem vitri quoque vt ferrum trahat: Quod ipsum ferrum contrarius lapis Theamedes, à sese abigat: Quod Adamas cum Magnete lapide in tantum dissideat, vt iuxta positus ferrum non patiatur abstrahi, aut si admotus Magnes apprehenderit rapiat, atque abstrahat, pendet hoc totum ex rerum surdarium, ac sensu carentium consensu & contentu, aut odio & repugnantia, quam concordiam & discordiam in omnibus id genus, Sympathiam & antipathiam appellauerunt Græci. Causam horum indicam, vt omnium que agunt à forma præcipua siue vt inquit Galenus, à tota substantia, queque nulla præceptione & methode tradi queunt, solus, vt verissimè loquar, nouit, sibi que vni reseruant ille quod dixit Cicero, mundi effector molitorque Deus, & vt addo, optimus Maximus: non inuidencia quidem quæ in diuinitatem non cadit, sed vt humana mens captus sui imbecillitate diffusa, ipsum vniuersitatis authorem in quo omnis scientie immensitas infinitasq; continetur, agnosceret, ipsumq; vti par est reuerenter coleret, & singulariter admiraretur. Quod vt ab ipso domino exigitur, Sic ab vnoquoque obsequentiissime præstandum sit. Aptè igitur & congruenter vt illa ferebat atas, hæc dixit Plinius: Numinum profecto muneris talis inuentio omnis est. Nec querenda in vlla parte nature ratio, sed voluntas: Quod nos qui Christiani sumus, parua correptione adhibita, totum ad vnius Dei gloriam transferemus. De Magnete autem si plura nosse cupias, consule Theophrastum de lapidibus, Lucretium lib. vj. Cice-

ronem j. de Diuinatione, Lucianum in Iconibus, Alexandrum Aphrodisiense in problemata, Nicandrum, Plinium libr. xxxvij. cap. 16. & 26. libro etiam 20. cap. 7. & libr. xxxiiij. cap. 14. Item lib. xxxvij. cap. 4. Celebratq; hinc inter gemmas Orpheus. Dixitq; Claudianus: Venerem Magnetica gemma figurat. Recentiores vt Albertum ante cuius tempora magnetis vsus in pixide nautica innotuit, consulto omitto, ne omnes percēfere infinitum sit. Dignum tamen scitu magnetis etiam genus esse quod argentum trahat. De quo Fracastorius: Et esse aliud quod semper vergat ad Austrū: Aliudq; quo ferrum illitū absq; dolore vulneret. Cardanus lib. vij. de subtilitate.

*De lapide Arabico.*

Enarratio CVIII.

Lapis Arabicus.

**Q**Uum de lapillis sermonem habere statueram, hinc inde omni data opera, eos inquirere, ac propriis oculis prius videre decreui, in qua inuestigatione, ecce occurrit mercator quidam Ragusinus, harum rerum curiosissimus, ac indagator maximus, qui ducentos fere varios lapillos, apud se reconditos, & ex variis mundi partibus conquisitos, pro thesauro habet, inter quos Arabicus lapis est, ensis manubrij forma, quem ille albam corniolam appellabat: albus enim lapillus hic est, intus maculis, non adeo tamen albis infectus, de quo Galenus libro nono de Faculta. simpl. medicamen. ita tradit: Lapis est elephanto similis, desiccantis abstergentisq; potentia.

*De Galactite, id est lactario lapide.*

*De Melitite.*

Enarratio CIX. CX.

Lapis lactarius.  
Alectorius  
Melitites.

**L**apidem lactarium hucusq; non vidi, alectorium tamen in quo caput Herculis effigiatum erat, inter plures illos lapillos notaui: Melitites quoq; lapis a paucis visus est, de quorum natura Galenus capite de Hamatite abunde dixit.

*De Morochtho lapide.*

Enarratio CXI.

Morochthus lapis.  
pantaurus

**E**Thic quoq; hodie ignoratur, pantaurū tamen lapidem in quo depicta erat charitas, inter illos lapillos vidi.

*De Onyche, id est alabastrite lapide.*

Germanicē,

*Germanicè, Onychel.*

Enarratio CXII.

**A** Labastrites notus est lapis, cuius plures species videntur, & de eo ita tradit Plinius libro xxxvj. cap. 8. hunc aliqui lapidem alabastriten vocant quem cauant ad vasa vnguentaria, quoniam optime ea incorrupta seruare dicitur: Idemque etiam exustus emplastris conuenit & c. Galenus porro libro nono huic dicato negotio, ita de alabastrite tradit: combustus in medicinae vsum ingreditur, quidam eum bibendum dant stomachicis.

*Onix Alabastrites.**De Thyite lapide.*

Enarratio CXIII.

**Q**um annis superioribus Venetiis apud illustrem & magnificum dominum Didacum Mendozam Hortadum, in ea republica vigilantissimum oratorem Cæsareum agerem, frater eius Prorex apud Nouum orbem, ad eum nonnullos lapillos misit, inter quos idolum quoddam erat ex thyite lapide fabrefactum, quod incolæ illi pro Deo adorabant, sunt enim gentes idolorum cultores illæ, erat enim idolum illud fere cubitalis altitudinis, colore viridi, in cuius medio foramen profundum erat, nam latitudinem palmarem non excedebat, de quo lapide Galenus lib. ix. citato, eademque Dioscorides dixit, tradidit.

*Thyites lapis.**De Lapide Iudaico: Germanicè, Iudenstein.*

Enarratio CXIII.

**N**ulla hodie extat officina pharmacopolia, in qua pyxricula particularis, pro hoc seruando lapide iudaico non habeatur: tam enim omnibus familiaris lapis hic est, glandis magnitudine, candidus, & multis discurrentibus lineis ornatus, quo pro minuendo renum calculo medici hodierni vtuntur, & vt tradit Galenus citato loco, colore est candido, specie concinna, lineas habens ceu torno ductas: vtuntur ad vesicæ lapides in cote soluentes, & ex aquæ calidæ tribus cyathis potui præbentes, præcipue vero ad eos qui in renibus hærent, est efficax.

*Lapis Iudaicus.**De Amiantho lapide: Germanicè, Stein flachs.*

E

Enarra

## Enarratio c x v.

Lapis ami-  
anthus.

**A**ffertur hodie lapis amianthus ex Cypro Insula, scis-  
fili alumini similis, quem saepe in ignem oleo prius  
inunctum iniecimus, & comburi vidimus, nulla profus  
illius parte amissa, qua de causa, multi lapidem hunc, li-  
gnum crucis, in qua Christus pependit, esse aliis incul-  
cant, de quo Plinium consulito, libro trigesimo sexto,  
capite decimo nono.

*De Sapphiro lapide, Germanicè, Saphir,*

## Enarratio c x v i.

Sapphirus  
lapis.

**S**aphiri lapidis, duæ species hodie habentur, & cyanei,  
& albi coloris, album autem, sapphirum aquæ appel-  
lant: Cyaneum vero, potissimum inter gemmas repon-  
nunt, sed vtrunq; auro alligatum, collo mulieres appen-  
sum gestant, veluti in digitis ex eisdem ornatos annulos.  
Cæterum Plinius lapidem cyaneum auri punctis orna-  
tum, sapphirum vocare videtur, vt apud ipsum est legere  
libro trigesimo septimo, capite nono. Nostri vero tempori-  
s medici cum Arabibus, inter fragmenta cordialia sap-  
phirum quoq; reponunt, nec sane immerito, quia Gale-  
nus libro nono de Facul. simplic. medicamen. eius potum  
scorpionum ictibus mederi tradit. Ex vena siue minera  
sapphiri, mercator ille Raguseus, vas quoddam habebat  
oculis gratissimum quod vt Gennacius quidam Lusita-  
nus, qui mecum bis, vt tantam lapillorum varietatem di-  
gnosceret, iuerat, duobus millibus ducatorum emi pote-  
rat, affirmabat. Erat enim lapis ille, ex quo vas compo-  
nebatur durissimus, non nisi adamantis cuspide elabora-  
tus, coloris varij, quod ex vasis Caroli Magni imperato-  
ris esse, nonnulli contendebant.

*De Memphite lapide.*Lapis mē-  
phitis.

## Enarratio c x v i i.

**H**oc hodie caremus lapide, qui vtinam notus esset,  
vt eo chirurgici vterentur.

*De Selenite: id est Lunari lapide.*Selenites,  
lapis Lu-  
naris.

## Enarratio c x v i i i.

**I**nter eos lapillos, quos diligens ille Raguseus seruabat  
vnum rotundum, album, lucentem, in tenebris clari-  
tatem



tatem emittentem vidimus, quem ille carbunculum verum & ex draconis capite extractum, nominabat: nam verum carbunculum gemmam, album esse, non vero rubinum rubricantem multi dicunt, veluti Morbodeus qui de lapidibus scripsit, & ante eum plures alij. Erat enim lapillus hic mirus aspectu, magnitudine vitelli oui gallinæ primiparæ, qui ut dixi albissimus erat, in tenebris ex se lucem emittens, non adeo tamen ingentem, ut cataphracti homines trecenti, coram eo illuminari possint, ut rudes putant. Cæterum, quod lapillus hic, carbunculus sit, ex draconis capite extractus, non crederem, quum magis inclinaret animus, illum selenitem esse, candidum, pellucidum, minime ponderosum, in Arabia nascentem. Erat quoque lapillus alter albus, unguis humani magnitudine, qui ex se igneas quasdam flammulas emittebat, in tenebris quoque lucens, quem ille orfanum appellabat, & de eo Albertus Magnus mentionem fecit, quanquam alij adamantis quoddam genus esse contendebant: utrumque tamen sit, ipse inter præcipuas gemmas lapillum illum collocandum esse crediderim. De quibus, & pluribus aliis, à nobis visis lapillis, libellum edere & in lucem emittere decreuimus, modo Deus nostris faueat votis.

*Lapillus mirus.*

*Orfanum lapillus.*

*De Iaspide: Germanicè, Ein Iaspis.*

Enarratio c x i x.

Iaspidis plures, & variorum colorum species communissimæ sunt, ex quarum altera pellucida, inter lapides illos, quos Dominus Didacus Mendocius Hurtadus, à fratre Prorege acceperat, speculum erat, quod non aliud quàm Iaspis lapis erat, & ille quidem crassus, quem ob id generosissimus vir ille bis per medium secari iubebat, ut ex vno lapide, tria euaderent specula, non nisi clariora, ac magis pellucida. Erat enim lapis ille, si recte teneo communioris Iaspidis colore, substantia durissimus: quæ de causa, lapidicida eum secare, nisi magna pecunia esset donatus, recusabat: plures enim ferras in eo rumpi, inculebat. Cæterum, ex Iaspide terebinthizo, ob colorem ita dicto, clauam paratam vidi, quam Raguseus ille, inter tanta lapidorum genera habebat. Porro balai gemma, cui Dioscorides iaspidis prædictâ speciem similem facit,

*Didacus Mendocius.*

*Balai gemma.*

hodie balaxum dicitur, infimum quoddam rubinorum genus. Sed quum de Iaspide loquimur, non decet hinc discedere, quin genus eius quoddam describamus, quod apud Salacium oppidum iuxta Lusitaniam præcipue nascitur, interdum coloris cyanei, nonnunquam vero viridis, oculis gratum, quod Lusitani sua voce Azuleios appellant. Sunt enim lapilli isti ædificiorum magnum ornamentum: & de quibus omnibus, ita tradit Gal. libr. ix. de Facultat. simplic. medicament. Ventriculum adhæsit, ipsiusq; os adiuuat. Porro Ophitem lapidem suspensum iuuare morfos à vipera tradunt, sed eiusmodi facultates non constant methodo. Veluti etiam quum hieracites & Indicus profluëtem ex hæmorrhoidibus sanguiné sistunt.

*Azuleium*

*De Aëtite: Lapide aquilæ dicto, Germanicè, Adler stein.*

Enarratio CXX.

*Aëtites, lapis aquilæ.*

**A**ëtites lapillus, vbique vulgaris est, sub aquilæ lapide quem prægnantem lapidem nonnulli appellant, ob id quod intus lapillum alterum inclusum habeat, vt eo concussio facile audiatur, vel potius quod prægnantibus proffit. Adueruntur vero hodie lapides isti ex Apulia, magni parui & mediocres, diuersorum colorum. De quibus Plinium legiro, libro trigesimo sexto, capite vigesimo primo, & Erasmus Roterodamum in Chiliadibus, vbi de scarabæo & aquila doctissime sermonem habet. An vero lapis iste brachio alligatus fœtum sustineat, genu vero suppositus illû prouocet, omnes prisca fatentur: nos vero superioribus diebus periculum in parturiente facientes, nihil iuuamenti obtinuimus, vt testis fuit Franciscus Barbofius, vir Auicennista, magna præditus experientia, & qui apud Indos per octodecim annos artem medicam exercuit, non sine magno quæstu & honore.

*Erasmus Roterodamus.*

*Franciscus Barbofius.*

*De Ophite, id est Serpentario lapide: Germanicè, Schlangen stein.*

Enarratio CXXI.

**P**lures serpentine lapides hodie cernuntur, colore virides, durissimi, multis punctis masculati. Sed quòd odorem qualem Dioscorides ait, spirent, pauci hucusque viderunt:

viderunt: Ego vero vasculum quoddam vidi, ex lapide ophite isto fabricatum, quod quum fabricabatur, non insuauem ex se spirabat odorem: contendebant verò nonnulli, vasculum hoc ex illis esse, in quibus Imperatores Romani theriacam seruabant: nam & lapidem istum, contra serpentium morsus, & venenum valere Dioscorides testatur: de quo & Galenum legito libro nono citato.

*De Lapide spongiarum: Ger. Schuuammen stein.*

Enarratio CXXII.

**P**Erpaucæ sunt spongiæ, in quibus lapilli nō reperiantur: de quibus ita tradit Galenus libro nono de Facul. simplic. medica. Frangendi vim obtinent, non tamen ita validam, vt lapides in vesica comminuant: Rumpunt eos tamen qui coguntur in renibus: veluti qui aduehuntur ex Cappadocia, cæterum lapillum ex rana terrestri, bufone dicta, extractum, inter illos varios lapides, apud Raguseum illum seruatos vidimus, quem nonnulli boracem lapidem appellant, quum tamen borax vt dixi, chryfocolla sit.

*Lapis spongiarum.*

*Lapillus ex bufone.*

*De Lithocolla: Germanicè, Steinleim.*

Enarratio CXXIII.

**E**X marmore, aut Pario lapide, admixto tauri glutino lithocolla fit. Est enim Parius lapis, marmor album ex Paro insula è Cycladibus vna apud Aegeum mare, hodie Pario dicta.

*Lithocolla.*

*Parius lapis.*

*De Ostracite lapide: Germanicè, Topffstein.*

Enarratio. CXXIII.

**O**Stracitem lapidem non vidi, illius tamen vice, plures à me visos enarrare possum, præcipue lapidem prasinum, quem smaragdi matrem, vel venam smaragdi, appellant, lapidem eutropium, lapidem ametistum, coloris floris stœchades Arabicæ, lapidem phœnicis, nisi corniola erat, plasma, album & nigrum, Chalcidonium, quem Hispani Leitor appellant, & rotundum mulieres collo suspensum gestant, nam lac generare credunt, lapidem felis basilici, tanquam capparim coloris viridis, & plures alios quos sub ticeo ad præsens.

*Ostracites lapis.*

*De Smyre lapide: Germanicè, Schmergel.*

Enarratio CXXV.

*Smyris.* **S**myris lapis, aurificibus, & Gemmariis, ac iis qui arma spoliunt Smyrillus hodie dicitur: quo vitrum ab adamante discernunt, & vt tradit Galenus, vehementer quidem abstergit. Quare ipso ad annulos exsculpendos vtuntur: & ad dentes purificandos. Cæterum, lapis beryllus, albissimus lapis est, tanquam chrystallus, quo multi tanquam speculario vtuntur.

*De Arena marina: Germanicè, Meer sand.*

Enarratio CXXVI.

*Arena marina.* **E**t hodie quoq; hydropici, arena marina obruti, vigente æstu curantur.

*De Naxio lapide.*

Enarratio CXXVII.

**N**isi naxius lapis is est quem artifices passim pro acuedis securibus, & aliis incisoriis ferreis instrumentis habent, quis ille sit ignoro, quid tamen de eo senserit Galenus capite sequenti legito.

*De Lapide geode.*

Enarratio CXXVIII.

**L**apis geodes hodie ignoratur, de quo Galenus, simul & ramento cortis naxiæ, capite de Ostracite, sermonem habet, libro nono de Facul. simpl. medic.

*De omni terra. 129.**De Eretria terra. 130.**De terra Samia.**Latinè astrum Samium, talchum: Hispanicè, Sclarimente.*

Enarratio CXXXI.

**T**erra Samia duplex à Dioscoride in præsentî describitur: cui postea subscripsit Galenus libro nono de Facultatibus simpl. medi. & Plinius libro trigesimo quinto, cap. 6. quorum altera Collyrion in præsentî nominatur: à Plinio Syropicon dicta: altera aster Samius appellatur, quam Plinius astrum Samium vocat. Et eam vt nos opinamur officinæ talchum, Hispani vero sclarimente vocant.

tant: crustæ albæ simile, & quod nõ indigere lotionè Gal. dixit, è longinquo enim vt stella splendescit, vnde stella terra vulgo, & græce aster appellatur: ad poliendas autem facies mulieres sepe alba hac crusta vtuntur, & varios alios affectus complendos.

*De lapide Samio.* 132.

*De terra Chia.* 133.

*De terra Selenusia.* 134.

*De terra Cimolia.* 135.

*De terra Prigite.* 136.

*De Cinere marinarum testarum.* 137.

*De terra rubra ex fornacibus.* 138.

*De Melia terra.* 139.

*De Ampelite terra.* 140.

Enarratio.

**O**lim medici variis iis terræ generibus vtèbantur: nunc vero hominum negligentia factum est, vt ea omnia ignoremus, & illis minime vtì possimus.

*De Fuligine pictorum.*

*De Atramento librario.*

Enarratio CXLII. CXLIII.

**D**E iis libro secundo abunde diximus: proinde nunc superfedemus huic quinto & vltimo libro finem imponentes.

*Finis Quinti & Vltimi Libri.*

Lugduni,  
Excudebat Vidua Balthaza-  
ris Arnolleti.





# CHALCOGRAPHVS

Lectori. S.



*EN* tibi Lector, plantarum quasdam Icones, numero triginta, quas ultra priores omnes, ad naturam effigiem proximè accedentes, summa fide ac diligentia, denuo calauimus. Earum exemplar nacti sumus opera Iacobi Dalechampij, Lugdunensis medici doctissimi, qui non segnem in ea re operam dudum nauauit. Hæc te ideo monitum volumus, vt si quid ex his cõmodi retuleris, ei soli gratias agas, nosq; tui studiosos esse cognoscas. Vale.

F

ICONES, NUMERO TRI-  
GINTA, STIRPIVM NONDVM  
deliniatarum, quarum vires in hoc Diosco-  
ridis libro expressæ sunt, vt ex li-  
bris & Enarrationibus an-  
notatis patebit.

\*

MEVM.

TEREBINTHVS.



Libro primo.

Enarratione III.



Libro primo.

Enar. LXXXII.



CISTVS.

HYPOCAM-  
PVS.



Libro primo.

Libro secundo.

Enarratione CXVI.

Enarratione III.

F 2



ASTACVS MA-  
RINVS.



Libro secundo.

Enarratione X.

ORNITHO-  
GALON.



Libro secundo.

Enar. CXXXVIII.

PTARMI-

CA.

CYCLAMINON

vnico folio.



Libro secundo.

Enarratione CLVI.



Libro secundo.

Enarra. CLIX.

TRAGACAN-  
THA.

RVTA SYLVE-  
STRIS.



Libro tertio.



Libro tertio.

PVLEGIUM.



Libro tertio.

Enar. XXXIIII.

SESELI AE-  
thiopicum.



Libro tertio.

Enar. LIX.

AMBROSIA.

*rhapizum*



Libro tertio.

Enar. CXXVI.

HEMEROCALLES.



Libro tertio.

Enar. CXXXIII.

PHYLON  
Thelygonon.



Libro tertio

Enar. CXXXVII.

HEMIONI-  
TIS.



Libro tertio.

Enar. CXLIX.

LIBANOTIS  
STERILIS.



Libro tertio.

Enar. LXXIII.

LONCHITIS  
PRIOR.



Libro tertio.

Enar. CLVIII.





CHRYSO-  
COME.



Libro quarto.

Enarratio LVIII.

ARCTION.



Libro quarto.

Enarratio CVII.

HELLEBO-  
RINE.



Libro quarto.

Enarratio C X.

CACALIA.



Libro quarto.

Enar. CXXIII.

NARCISSI

duo genera.

NARCISSVS.

Luteus.



Libro quarto.


Libro quarto.

Enarratione

CLXI.

Fig. 1.

CHAMAESICE. CHAMAELEA.



Libro quarto.

Enar. CLXX.




Libro quarto.

Enar. CLXXII.

THYME-  
LAEA.



ARVUNDO SAC-  
CHARATA.



Libro quarto.

Enarratione CLXXIII.



GRAMINIS

1. genus.



Libro quarto.

GRAMINIS

2. genus.



Libro quarto.

Enarratione XXXII.





